


हरयाणवी बाइबलि



The Holy Bible in the Haryanvi Language of India

हरियाणवी बाइबिल
The Holy Bible in the Haryanvi Language of India

Copyright © 2021 The Love Fellowship

Language: हरियाणवी (Haryanvi)

Contributor: The Love Fellowship

Read and download Bible and several other Christian materials in various formats : www.freebiblesindia.in

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

PDF generated using Haiola and XeLaTeX on 15 Sep 2023 from source files dated 9 Apr 2023
58901dbd-3931-5bbb-bd57-5dfafb882aee

Contents

मत्ती	1
मरकुस	36
लूका	60
यूहन्ना	98
प्रेरितों के काम	127
रोमियों	162
1 कुरिन्थियों	179
2 कुरिन्थियों	196
1 गलातियों	207
इफिसियों	214
फिलिप्पियों	220
कुलुस्सियों	224
1 थिस्सलुनीकियों	228
2 थिस्सलुनीकियों	232
1 तीमुथियुस	235
2 तीमुथियुस	240
तीतुस	244
फिलेमोन	247
इब्रानियों	249
याकूब	262
1 पतरस	267
2 पतरस	272
1 यूहन्ना	276
2 यूहन्ना	281
3 यूहन्ना	282
यहूदा	283
प्रकाशित वाक्य	285

मत्ती के जरिये लिख्या गया सुसमाचार

??????

मत्ती के जरिये लिख्या गया सुसमाचार यो सन्देश देवै सै, के यीशु मसीह ए वो उद्धारकर्ता सै, जिसके आण की भविष्यवाणी करी गई थी। परमेसवर नै पुराणे नियम हजारों साल पहिले अपने माणसां तै करे गए करार ताहीं उससे उद्धारकर्ता के जरिये पूरा करया। यो सन्देश सिर्फ यहूदी माणसां खातर ए कोनी, जिन म्ह यीशु पैदा होया अर पाळा-पोस्या गया, पर सारी दुनिया खातर सै।

वर्णन सै। इसकै बाद इस सुसमाचार म्ह यीशु की गलील परदेस तै यरुशलेम नगर तक का सफर अर यीशु मसीह की जिन्दगी के आखरी हफ्तै का वर्णन सै, जिस म्ह उसका क्रूस पै चढ़ाया जाणा अर दुबारा जिन्दा हो जाणा सै।

इस सुसमाचार म्ह यीशु मसीह ताहीं एक महान गुरु के रूप म्ह पेश करया गया सै। उस ताहीं परमेसवर के नियम-कायदा ताहीं व्याख्या करण का हक सै अर वो परमेसवर के राज्य की शिक्षा देवै सै। उसकी शिक्षा ताहीं पाँच भागगां म्ह बाट्या जा सकै सै: (1) पहाड़ी उपदेश, जो सुर्ग के नागरिकां के चरित्र, फर्ज, खास अधिकार, अर आखरी उम्मीद तै सै (पाठ 5-7); (2) बारहा चेल्यां ताहीं सेवकाई करण की शिक्षा देणा (पाठ 10); (3) सुर्ग के राज्य तै सम्बन्धित उदाहरण (पाठ 13); चेल्यां तै सम्बन्धित शिक्षाएँ (पाठ 18); (5) सुर्ग राज्य के आगमन अर आण आळे युग तै सम्बन्धित शिक्षाएँ (पाठ 24-25)

रूप-रेखा

पीढ़ी अर यीशु मसीह का जन्म 1:1-2:23

यूहन्ना बपतिस्मा देण आळा के सेवा के काम 3:1-12

यीशु का बपतिस्मा अर उसका इम्तिहान 3:13-4:11

गलील परदेस म्ह यीशु के जरिये माणसां की सेवा 4:12-18:25

गलील परदेस तै यरुशलेम नगर तक सफर 19:1-20:34

यरुशलेम नगर म्ह आखरी हफ्ता 21:1-27:66

प्रभु यीशु का दुबारा जिन्दा हो जाणा अर उसका दिखाई देणा 28:1-20

????? ? ? ? ? ? ? ?
(????? 3:23-38)

1 ये यीशु मसीह के पूर्वजां के नाम सै। वो राजा दाऊद का वंशज था, अर राजा दाऊद अब्राहम का वंशज था।

2 अब्राहम का बेटा इसहाक था, अर इसहाक का बेटा याकूब था, फेर याकूब तै यहूदा अर उसके भाईयाँ का जन्म होया।

3 यहूदा के बेटे फिरिस अर जोरह थे। (फिरिस अर जोरह की माँ का नाम तामार था।) फिरिस का बेटा हिस्रोन था। हिस्रोन का बेटा एराम था,

4 एराम का बेटा अम्मीनादाब था। अम्मीनादाब तै नहशोन, अर नहशोन तै सलमोन का जन्म होया,

5 सलमोन का बेटा बोआज था। (बोआज की माँ का नाम राहाब* था।) बोआज अर रुत तै ओबेद का जन्म होया, अर ओबेद का बेटा यिशै था।

6 अर यिशै का बेटा राजा दाऊद था। (राजा सुलैमान दाऊद का बेटा था।) जो उस बिरबान्नी तै जन्मा था जो पहिले उरिय्याह की घरआळी थी,

7 सुलैमान का बेटा रहबाम था। अर रहबाम का बेटा अबिय्याह था। अर अबिय्याह तै आसा का जन्म होया।

8 आसा का बेटा यहोशाफात था। फेर यहोशाफात तै योराम अर योराम तै उज्जियाह का जन्म होया।

9 उज्जियाह का बेटा योताम था अर योताम, आहाज का। फेर आहाज तै हिजकिय्याह का जन्म होया।

10 हिजकिय्याह तै मनशिशह का जन्म होया। मनशिशह का बेटा आमोन था, अर आमोन तै योशिय्याह का जन्म होया।

11 फेर इस्राएल के माणसां नै कैदी बणाकै बेबीलोन देश ले जाण के बखत योशिय्याह तै यकुन्याह, अर उसके भाईयाँ का जन्म होया।

12 बेबीलोन देश म्ह पोहचाये जाये पाच्छै यकुन्याह तै शालतियेल का जन्म होया, फेर शालतियेल तै जरुब्बाबिल का जन्म होया।

13 जरुब्बाबिल तै अबीहूद का जन्म होया, अबीहूद तै एलयाकीम का अर एलयाकीम तै अजोर का जन्म होया।

14 अजोर का बेटा सदोक था। सदोक तै अखीम अर अखीम तै इलीहूद का जन्म होया।

15 इलीहूद का बेटा इलियाजार था। अर इलियाजार मत्तान का। मत्तान का बेटा याकूब था।

16 अर याकूब तै यूसुफ का जन्म होया, जो मरियम का धनी था। अर मरियम तै यीशु जो मसीह कुह्वावै सै, पैदा होया।

17 इस तरियां अब्राहम तै दाऊद तक चौदहा पीढ़ी होई, अर दाऊद तै लेकै इस्राएलियाँ नै कैदी बणाकै

* 1:5 1:5 तामार, राहाब, रुत, बेतसीबा गैर जात की थी

2 वो चाळीस दिन अर चाळीस रात, बिना खाए पिए रह्या, फेर उसनै भूख लागगी। 3 फेर शैतान नै धोरै आणकै उसतै कह्या, “जै तू परमेसवर का बेट्टा सै, तो कहकै साबित करदे, के ये पत्थर रोट्टी बण जावै, ताके तू इननै खा सकै।”

4 यीशु नै जवाब दिया: “पवित्तर ग्रन्थ म्ह लिख्या सै,

‘माणस सिर्फ रोट्टी तै ए न्ही, पर परमेसवर के हरेक वचन तै जो उसनै मान्नै सै, जिन्दा रह्येगा।’”

5 फेर शैतान उसनै पवित्तर नगर यरुशलेम म्ह लेग्या अर मन्दर की चोट्टी पै खड्या कर दिया।

6 अर उसतै बोल्या, “जै तू परमेसवर का बेट्टा सै, तो अपणे-आपनै तळै गेर के साबित कर। क्यूँके पवित्तर ग्रन्थ म्ह लिख्या सै: वो तेरे बाबत अपणे सुर्गदूतां नै हुकम देगा, अर वे तन्नै हाथों हाथ उठा लेवैगें कदे इसा ना हो के तेरे पायां म्ह पत्थर तै ठेस लाग्गै।”

7 यीशु नै उसतै कह्या, “यो भी पवित्तर ग्रन्थ म्ह लिख्या सै, के ‘तू अपणे प्रभु परमेसवर नै ना परखै।’”

8 फेर शैतान उसनै घणे ऊँचे पहाड़ पै लेग्या अर सारी दुनिया का राजपाट अर उसकी शानों-शोकत दिखाकै, 9 उसतै बोल्या, “जै तू झुकके मेरी भगति करै, तो मै सारा किमे तन्नै दे दियुंगा।”

10 फेर यीशु उसतै बोल्या, “हे शैतान दूर हो ज्या, पवित्तर ग्रन्थ म्ह लिख्या सै: तू प्रभु अपणे परमेसवर की भगति कर, अर सिर्फ उस्से की सेवा करया कर।”

11 फेर शैतान उसके धोरै तै चल्या गया, अर देख्ये, सुर्गदूत आणकै उसकी सेवा करण लागगे।

2:14,15; 4:14-15,31

12 जब उसनै न्यू सुण्या के यहून्ना कैदी बणा लिया सै, तो वो यहूदिया परदेस तै लिकड़के गलील परदेस म्ह चल्या गया।

13 अर फेर वो गलील परदेस के नासरत नगर नै छोड़के कफरनहूम नगर म्ह, जो गलील समुन्दर के किनारे था, कफरनहूम उस क्षेत्र म्ह गलील के समुन्दरी तट पै था, जडै जबूलून अर नप्ताली के गोत्तर के माणस रहवै थे। 14 ताके जो यशायाह नबी के जरिये कह्या गया था, वो पूरा हो

15 “जबूलून अर नप्ताली जात्ति के परदेस, गलील समुन्दर के किनारे यरदन नदी के पार, गलील परदेस म्ह रहण आळे गैर यहूदी माणस”

† 4:24 4:24 गलील परदेस के उत्तर दिशा म्ह सै

16 “जो माणस अन्धकार म्ह जीण लागरे थे, उननै तेज चान्दणा देख्या। वे उस जगहां म्ह जीण लागरे थे, जित्त हर घड़ी मौत का खतरा था, उनपै चान्दणा चमक्या।”

17 उस बखत तै यीशु नै प्रचार करणा अर कहणा शरु करया, “पाप करणा छोड़ दो, क्यूँके सुर्ग का राज्य धोरै आया सै।”

2:22-23; 2:24-25; 2:26-27; 2:28

18 गलील परदेस म्ह गलील समुन्दर के किनारे घूमदे होए उसनै दो भाईयाँ ताहीं शमौन जो पतरस कुह्वावै सै, अर उसके भाई अन्दरयास ताहीं समुन्दर म्ह जाळ गेरते देख्या, क्यूँके वे मछवारे थे। 19 यीशु नै उनतै कह्या, “मेरे पाच्छे आओ, मै थमनै माणसां ताहीं कठठे करण आळे बणाऊंगा ताके वो मेरे चेल्लें बणे।” 20 वे जिब्बे जाळां नै छोड़के उसके चेल्लें बणण खात्तर उसके पाच्छे हो लिये।

21 ओड़ तै आगौ चालकै, यीशु नै दो और भाईयाँ ताहीं यानी जब्दी के बेट्टे याकूब अर उसके भाई यहून्ना ताहीं देख्या। वे अपणे पिता जब्दी के गैल किस्ती पै अपणे जाळां ताहीं ठीक करै थे। यीशु नै उन ताहीं भी बुला लिया। 22 वे जिब्बे किस्ती अर अपणे पिता नै छोड़के उसके चेल्लें बणण खात्तर उसके पाच्छे हो लिये।

2:29-30; 2:31-32; 2:33-34; 2:35-36; 2:37

23 यीशु सारे गलील परदेस म्ह फिरता होया उनके आराधनालयाँ म्ह उपदेश सुणान्दा, अर राज्य का सुसमाचार सुणान्दा अर माणसां की हरेक ढाळ की बीमारी अर कमजोरियाँ नै दूर करदा रह्या। 24 अर सारे सीरिया परदेस म्ह उसका यश फैलग्या, अर माणस सारे बिमारां नै, जो कई ढाळ की बिमारियाँ अर दुखां तै जकड़े होए थे, जिन म्ह भुंडी आत्मा थी, अर मिर्घी आळे अर लकवे के रोगगी नै उसके धोरै ल्याए उसनै उन ताहीं ठीक करया। 25 अर गलील परदेस, दिकापुलिस नगर, यरुशलेम नगर, यहूदिया परदेस अर यरदन नदी के पार तै भीड़ की भीड़ उसके पाच्छे हो ली

5

2:22-23; 2:24-25; 2:26-27; 2:28

1 यीशु उस भीड़ नै देखके पहाड़ पै चला गया, अर जब बैठग्या तो उसके चेल्लें उसके धोरै आए। 2 अर वो अपनी ऊँची आवाज म्ह उननै या शिक्षा देण लाग्या:

2:29-30; 2:31-32; 2:33-34; 2:35-36; 2:37

3 “धन्य सै वे, जो या जाणे सै के उननै परमेसवर की जरूरत सै, क्यूँके सुर्ग का राज्य उननै का सै।

31 “यो भी कह्या गया था, ‘जो कोए अपनी घरआळी नै तलाक देणा चाहवै, तो उसनै तलाकनामा दे।’ 32 पर मै थमनै यो कहूँ सूँ के जो कोए अपनी घरआळी नै जारी कै सिवा किसे और कारण तै तलाक दे, तो वो उसतै जारी करवावै सै। अर जो कोए उस छोड्डी होई तै ब्याह करै, वो जारी करै सै।”

☞☞☞ ☞☞ ☞☞☞☞☞☞

33 “फेर थमनै सुण्या होगा के थारे पूर्वजां तै कह्या गया था, ‘झूठ्ठी कसम ना खाईयो, पर प्रभु के खात्तर अपनी कसम नै पूरी करियो।’ 34 पर मै थमनै या कहूँ सूँ के कदे कसम ना खाईयो, ना तो सुर्ग की, क्यूँके वो परमेसवर का सिंहासन सै। 35 ना धरती की, क्यूँके वा उसकै पैरां की पिड्डी सै, ना यरुशलेम नगर की, क्यूँके वो महाराजा का नगर सै। 36 अपने सिर की भी कसम ना खाईयो क्यूँके तू एक बाळ नै भी ना तो धोळा, अर ना काळा कर सकै सै। 37 पर थारी बात ‘हाँ’ की ‘हाँ’, या ‘ना’ की ना हो, क्यूँके जो किमे इसतै घणा होवै सै वो शैतान की ओड़ तै होवै सै।”

☞☞☞☞

(☞☞☞☞ 6:29,30)

38 “थमनै नियम-कायदा म्ह सुण्या होगा के कह्या था, आँख कै बदले आँख, अर दाँत कै बदले दाँत। 39 पर मै थमनै कहूँ सूँ के बुरे माणस तै झगड़ा मोल ना लियो, पर जो कोए तेरे सोळे गाल पै थप्पड़ मारै उस कान्ही दुसरा भी फेर दे। 40 जै कोए तेरे पै दाब देकै तेरा कुड़ता लेणा चाहवै, तो उसनै अंगोच्छा भी दे दे। 41 जै कोए अधिकारी तन्नै एक कोस मुफ्त म्ह ले जावै, तो उसकै गेल्या दो कोस चल्या ज्या। 42 जो कोए तेरे तै माँगै, उसनै दे, अर जो कोए तेरे तै उधार लेणा चाहवै, उसतै मुँह ना मोड़।”

43 “थमनै नियम-कायदा म्ह सुण्या होगा के कह्या गया था, अपने पड़ोसी तै प्यार राखिये, अर अपने बैरी तै बैर। 44 पर मै थमनै कहूँ सूँ के अपने बैरियाँ तै प्यार राक्खों अर अपने सतावण आळे के खात्तर प्रार्थना करो,‡ 45 जिसतै थम अपने सुर्गीय पिता की सिध्द ऊलाद मान्ने जाओगे। क्यूँके वो भले अर बुरे लोग्गां पै अपना सूरज उगाया करै सै, अर धर्मी अर अधर्मी लोग्गां पै मिह बरसावै सै। 46 क्यूँके जै थम अपने प्यार करण आळा तै ए प्यार करो सों, तो कौण सा बड़ा काम करो सों? के चुंगी लेण आळे भी इसाए न्ही करदे? 47 जै थम अपने भाईयाँ नै ए नमस्कार करो, तो कौणसा बड़ड़ा

काम करो सों? के गैर यहूदी भी इसाए न्ही करदे? 48 इस करकै जरूरी सै के थम भी सिध्द बणो, जिसा थारा सुर्गीय पिता सिध्द सै।”

6

☞☞☞ ☞☞ ☞☞☞☞☞☞ ☞☞☞ ☞☞☞☞☞☞

1 “चौक्कस रहो! थम माणसां नै दिखाण कै खात्तर धर्म के काम* ना करो, न्ही तो अपने सुर्गीय पिता तै कुछ भी ईनाम न्ही पाओगे।”

2 “इस करकै जब तू दान करै, तो अपने आगूँ ढिंडोरा ना पिटवाईये, जिसा कपटी, आराधनालयाँ अर गळियाँ म्ह करै सै, ताके माणस उनकी बड़ाई करै। मै थारे ताहीं साच्ची कहूँ सूँ के उननै अपना ईनाम माणसां की बड़ाई के रूप म्ह पा लिया। 3 पर जब तू दान करै, तो उसका किसे और नै बेरा न्ही पाटना चाहिए। 4 ताके तेरा दान छिप्या रहवै, अर जब तेरा पिता जो गुप्त म्ह देखवै सै, तन्नै ईनाम देवैगा।”

☞☞☞☞☞☞☞☞☞

(☞☞☞☞ 11:2-4)

5 “जब तू प्रार्थना करै, तो कपटियाँ के तरियां ना हो, क्यूँके माणसां नै दिखाण खात्तर आराधनालयाँ म्ह अर सड़कां कै मोड़ां पै खड़े होकै प्रार्थना करणा उननै आच्छा लागूँ सै। मै थमनै साच्ची कहूँ सूँ के उननै अपना ईनाम माणसां की बड़ाई के रूप म्ह पा लिया। 6 पर जब तू प्रार्थना करै, तो अपनी कोटडी म्ह जा, अर किवाड़ बन्द करकै अपने पिता तै, जो गुप्त म्ह सै उसतै प्रार्थना कर। जद तेरा पिता, जो तेरे लुहूक कै करे होए काम्मां नै देखवै सै, तो तन्नै उनका ईनाम देवैगा। 7 प्रार्थना करदे बखत दुसरी जात्तां की तरियां बडबडाइये ना, क्यूँके वे समझै सै के उनके एक बात के बार-बार बोल्लण तै उनकी सुणी जावैगी। 8 इस करकै थम उनकी तरियां ना बणो, क्यूँके थारा पिता थारे माँगण तै पैहल्याए जाणै सै के थारी के-के जरूरत सै। 9 इस करकै थम इस तरियां तै प्रार्थना करया करो

‘हे म्हारे पिता, तू जो सुर्ग म्ह सै, तेरा नाम पवित्तर मान्या जावै।’†

10 ‘तेरा राज्य आवै। तेरी इच्छा जिसी सुर्ग म्ह पूरी होवै सै, उसी धरती पै भी हो।’

11 ‘म्हारे दिन भर की रोटी आज हमनै दे।’

12 ‘अर जिस तरियां हमनै अपने कसूरवारां ताहीं माफ करया सै, उस्से तरियां तू भी म्हारे कसूरानै माफ करदे।’

‡ 5:44 5:44 (रोम-12:14) * 6:1 6:1 धार्मिकता के काम † 6:9 6:9 (लूका 11:2) ‡ 6:13 6:13 बुराई बुरे शैतान तै बचा

13 “अर म्हारे ताहीं परखै ना, पर बुराई# तै बचा, (क्यूँके राज्य, वीरता अर महिमा सदा तेरे ए सै।’ आमीन।)

14 “इस करकै जै थम माणसां के कसूर माफ करोगे, तो थारा सुर्गीय पिता भी थमनै माफ करैगा। 15 अर जै थम माणसां के कसूरां नै माफ न्ही करोगे, तो थारा पिता भी थारे कसूर माफ न्ही करैगा।”

????

16 “जिब थम बरत करो, तो कपटियाँ की तरियां थारे मुँह पै उदासी छाई ना रहवै, क्यूँके वे अपणा मुँह बणाई राखै सै, ताके माणस उननै बरती जाणै। मै थमनै साच्ची कहुँ सूँ के वे अपणा ईनाम माणसां की बड़ाई के रूप म्ह पा चुके। 17 पर जिब तू बरत करै तो अपणे सिर पै तेल लगा अर मुँह धो, 18 ताके माणस न्ही पर तेरा पिता तन्नै बरती जाणै। तेरा पिता जो तेरे उस गुप्त म्ह करे होए बरत नै देखै सै, तो तन्नै उनका ईनाम देगा।”

??????

(???? 12:33-34)

19 “अपणे खात्तर धरती पै धन कट्टा ना करो, जड़ै कीड़ा अर काई नाश करै सै, अर जड़ै चोर सेंध लगावै अर चोरै सै। 20 पर अपणे खात्तर सुर्ग म्ह धन कट्टा करो, जड़ै ना तो कीड़ा अर ना काई नाश करै सै, अर जड़ै चोर ना सेंध लगावै अर ना चोरै सै। 21 क्यूँके जड़ै तेरा धन सै उड़ै तेरा मन भी लाग्या रहवैगा।”

???? ??

(???? 11:34-36)

22 “देह का दीवा आँख सै इस करकै जै तेरी नजर सही सै तो तेरी सारी देह भी चाँदणे म्ह सै। 23 पर जै तेरी नजर खराब सै तो तेरी सारी देह भी अन्धेरे म्ह सै, इस कारण जो तू सोचै सै के मै चाँदणे म्ह सूँ, पर वो अन्धेरा हो, तो सोचकै देख वो अन्धेरा कितना बड़ड़ा होगा!”

??????

(???? 16:13; 12:22-31)

24 “कोए माणस दो मालिकां की सेवा एक बखत पै न्ही कर सकदा, क्यूँके वो एक तै बैर अर दुसरे तै प्यार राखैगा, या एक तै मिल्या रहवैगा अर दुसरे नै छोटा जाणैगा। थम परमेसवर अर धन दोनुआ की सेवा न्ही कर सकदे।

25 “इस करकै मै थमनै कहुँ सूँ के अपणे जीवन के खात्तर या चिंता ना करियो के हम के खावागें अर के पीवागें, अर ना अपणी देह के खात्तर के पैहरागें। के जीवन खाणे तै, के देह लत्यां तै बढ़कै कोन्या? 26 अकास

के पछियाँ नै देखों! वे ना बोवै सै, ना काटै सै, अर ना कुठले (गोदाम) म्ह कट्टा करै सै, फेर भी थारा सुर्गीय पिता उन ताहीं खुवावै सै। के थम पछियाँ तै घणे कीमती कोनी? 27 थारे म्ह कौण सै, जो चिंता करकै अपणी उम्र म्ह एक पल भी बढ़ा सकै सै?”

28 “अर लत्यां के खात्तर क्यूँ चिंता करो सों? जंगळी फूल्लां पै ध्यान करो के वे किस तरियां बढ़ै सै, वे ना तो मेहनत करै सै, ना लत्तें बणावै सै। 29 तोभी मै थारे तै कहुँ सूँ के राजा सुलैमान भी, अपणे सारे शानों-शोकत म्ह उन म्ह तै किसे के समान लत्ते पैहरे होए कोनी था। 30 इस करकै जिब परमेसवर मैदान की घास नै इसी सुन्दरता देवै सै, जो आज सै अर काल बाड़ म्ह झोक्की जावैगी, तो हे विश्वास म्ह कमजोर माणसां, वो थारी चिन्ता क्यूँ न्ही करैगा?” 31 “इस करकै थम चिंता करकै न्यू ना कहियो के हम के खावागें, या के पीवागें, या के पैहरागें? 32 क्यूँके गैर यहूदी इन सारी चिज्जां की टोह म्ह रहवै सै, पर थारा सुर्गीय पिता जाणै सै के थमनै इन सारी चिज्जां की जरूरत सै, इस करकै चिन्ता ना करो। 33 इस करकै पैहल्या थम परमेसवर के राज्य की खोज करो अर पवित्र जीवन जिओ, तो ये सारी चीज भी थमनै अपणे-आप मिल ज्यागीं।* 34 इस करकै काल की चिंता ना करो, क्यूँके काल का दिन अपणी चिंता आप कर लेवैगा, आज के खात्तर आज का ए दुख भतेरा सै।”

7

??????

(???? 6:37,38,41,42)

1 “दुसरयां पै दोष ना लाओ न्ही तो लोग थारे पै भी दोष लगावेंगे। 2 क्यूँके जिस तरियां थम दुसरयां पै दोष लगाओ सों, उस्से तरियां परमेसवर भी थारे पै दोष लगावैगा, जिस तरियां तै थम दुसरयां का न्याय करो सों, उस्से तरियां थारा भी न्याय करया जावैगा।”

3 “तू क्यूँ अपणे भाई की आँख के तिन्कै जिसी छोट्टी सी बुराई नै देखै सै, अर अपणी आँख म्ह लठ जिसी बड़ी बुराई तन्नै कोनी दिखदी?” 4 जिब तेरी-ए आँख म्ह लठ सै, तो तू अपणे भाई तै किस तरियां कहवै सै, “ल्या मै तेरी आँख तै तिन्का लिकाड़ दु।” 5 इस करकै हे कपटी, पैहल्या अपणे जीवन की बड़ी बुराई नै दूर कर फेर तू अपणे भाई नै आच्छी दाऊँ बुराई तै बचा सकैगा*।

6 “उन माणसां ताहीं परमेसवर का वचन ना सुणाओ जो उस ताहीं सुणणा न्ही चाहन्दे। जै तू इसा करै सै तो

§ 6:33 6:33 परमेसवर के राज्य अर उसकी धार्मिकता * 6:33 6:33 (लूका 12:31) * 7:5 7:5 पैहले अपणी आँख म्ह तै लठ लिकाड़ ले फेर तू अपणे भाई की आँख का तिन्का दाऊँ तरियां देखके लिकाड़ सकैगा।

पवित्र चीज कुत्तों के आगूँ अर मोत्ती सूअरों के आगूँ फैक्कण की ढाळ होगा, इसा न्ही हो के वे उननै पैरां तळै चिकलै अर उल्टके थमनै पाड़ले।”

ⓂⓂⓂⓂⓂⓂ, ⓂⓂ ⓂⓂⓂⓂⓂⓂ
(ⓂⓂⓂⓂ 11:9-13)

7 “परमेसवर तै माँगो, तो वो थमनै देवैगा, टोव्होगे तो थम पाओगे, खटखटाओ, तो थारे खात्तर खोल्या जावैगा। 8 क्यूँके जो कोए माँगै सै, उसनै मिलै सै, अर जो टोह्वै सै, वो पावै सै, अर जो खटखटावै सै, उसकै खात्तर खोल्या जावैगा।”

9 “थारे म्ह तै इसा कौण माणस सै, के जै उसका बेट्टा रोट्टी माँगै, तो वो उसनै पत्थर देवै? 10 या मच्छी माँगै, तो उसनै साँप देवै? 11 इस करकै जिब थम बुरे होकै, अपणे बाळकां नै आच्छी चीज देणा जाणो सों, तो थारा सुर्गीय पिता अपणे माँगण आळा नै आच्छी चीज क्यूँ न्ही देवैगा?† 12 इस कारण जो किमे थम चाहो सों के माणस थारे गेल्या करै, थम भी उनकै गेल्या उसाए करो, क्यूँके नियम-कायदे अर नबियाँ की शिक्षा याए सै।”

ⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂ
(ⓂⓂⓂⓂ 13:24)

13 “थम परमेसवर के राज्य म्ह भीड़ै फाटक तै ए दाखल हो सको सों, क्यूँके चौड़ा सै वो फाटक अर सीध्या सै वो रास्ता जो नाश नै पोहच्यै सै, अर घणेए सै जो उस म्ह दाखल होवै सै। 14 क्यूँके भीड़ा सै वो फाटक अर मुश्किल सै वो राह जो अनन्त जीवन की ओड़ पुहचावै सै, अर भोत थोड़े सै वे लोग जो उसनै पावै सै।”

ⓂⓂⓂⓂⓂ ⓂⓂ ⓂⓂⓂⓂⓂ ⓂⓂ ⓂⓂⓂⓂⓂⓂⓂ

15 “झूठे नबियाँ तै चौक्कस रहो, जो भेड़डां के भेष म्ह थारे धोरै आवै सै, पर भित्तर तै वे पाडण आळे भेड़िये सै। 16 उनकै काम्मां तै ए थम उन ताहीं पिच्छाण ल्योगे। के माणस झाड़ियाँ तै अंगूर, या झाड़ बोझड़े तै अंजीर तोड़े सै? 17 इस तरियां हरेक आच्छा दरखत आच्छा फळ ल्यावै सै अर निकम्मा दरखत बुरा फळ ल्यावै सै। 18 आच्छा दरखत बुरा फळ न्ही ल्या सकदा, अर ना निकम्मा दरखत आच्छा फळ ल्या सकै सै। 19 जो-जो दरखत आच्छा फळ न्ही ल्यान्दा, वो काट्या अर आग म्ह गेरया ज्या सै, उससे तरियां झूठे नबियाँ के गैल भी इसाए होवैगा। 20 झूठे नबियाँ नै उनके काम्मां तै थम उन ताहीं पिच्छाण ल्योगे।”

21 “जो मेरै तै, ‘हे प्रभु! हे प्रभु!’ कहवै सै, उन म्ह तै हर एक सुर्ग के राज्य म्ह दाखल न्ही होगा, पर वोए दाखल होगा जो मेरै सुर्गीय पिता की मर्जी पै चाल्लै

सै। 22 न्याय के दिन घणखरे-ए माणस मेरै तै कहवैगें, ‘हे प्रभु, हे प्रभु, के हमनै तेरे नाम तै भविष्यवाणी न्ही करी, के हमनै तेरे नाम तै ओपरी आत्मायाँ ताहीं न्ही लिकाड्या, अर तेरे नाम तै घणेए अचम्भे के काम न्ही करे?’ 23 फेर मै उनतै खुलकै कह दियुँगा, मन्नै थारे ताहीं कदे न्ही अपणाया। हे भुन्डे काम करण आळो, मेरै धोरै तै चले जाओ।”‡

ⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂ

24 “इस करकै जो कोए मेरी इन बात्तां नै सुणकै उननै मान्नै सै, वो उस अकलमंद माणस की ढाळ होगा जिसनै अपणे घर की नीम चट्टान पै धरी। 25 अर मिह बरसया, बाढ़ आयी, आँधी आई, अर उस घर तै टकराई, फेर भी वो कोनी गिरया, क्यूँके उसकी नीम चट्टान पै धरी गयी थी। 26 पर जो कोए मेरी ये बात सुणै सै अर उनपै न्ही चाल्दा, वो उस बेकूफ माणस की ढाळ सै, जिसनै अपणे घर की नीम बाळूरेत पै धरी। 27 अर मिह बरसया, बाढ़ आयी, आँधी चाल्ली, अर उस घर तै टकराई अर पड़कै उसका सत्यानाश होगया।”

28 जिब यीशु नै ये बात कह ली, तो इसा होया के भीड़ उसके उपदेश तै हैरान होगी, 29 क्यूँके वो उन ताहीं शास्त्रियाँ की तरियां न्ही पर अधिकार के गैल उननै उपदेश देवै था।

8

ⓂⓂⓂⓂⓂ ⓂⓂ ⓂⓂⓂⓂⓂ ⓂⓂⓂⓂⓂⓂ ⓂⓂ ⓂⓂ ⓂⓂⓂⓂⓂ ⓂⓂⓂⓂ

1 जिब यीशु उस पहाड़ तै उतरा, तो एक बड़डी भीड़ उसके पाच्छै हो ली।

2 अर, एक कोढ़ी नै धोरै आकै उस ताहीं नमस्कार करया अर कह्या, “हे प्रभु, जै तू चाहवै, तो मन्नै ठीक कर सकै सै।”

3 यीशु नै हाथ बढ़ाकै उस ताहीं छुआ, अर कह्या, “मै चाहूँ सूँ, के तू इस बीमारी तै ठीक हो ज्या।” अर वो जिब्बे कोढ़ तै ठीक होगया। 4 यीशु नै उसतै कह्या, “देख किसे तै ना कहिये, पर जाकै अपणे-आपनै याजक ताहीं दिखा अर अपणे कोढ़ तै ठीक होण के बारै म्ह जो कुछ मूसा नबी नै जो पवित्र ग्रन्थ म्ह चढ़ावा बताया सै उसनै चढ़ा, के माणसां खात्तर या गवाही हो, के तू ठीक होगया सै।”

ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂ ⓂⓂ ⓂⓂⓂⓂⓂⓂⓂ

5 जिब यीशु कफरनहूम नगर म्ह आया तो एक सूबेदार* नै धोरै आकै उसतै बिनती करी,

† 7:11 7:11 (लूका 11:13) ‡ 7:23 7:23 (लूका 13:27) * 8:5 8:5 सूबेदार-रोमी सेना के सौ सिपाही के उप्पर हो सै

6 “हे प्रभु, मेरा नौक्कर लकवे के रोग तै घणा दुखी होरया सै।”

7 यीशु नै उस ताहीं कह्या, “मै आकै उसनै ठीक करूंगा।”

8 सूबेदार नै जवाब दिया, “हे प्रभु, मै इस लायक कोनी के तू मेरे घरां आवै, पर सिर्फ मुँह तै कह दे तो मेरा नौक्कर ठीक हो ज्यागा।⁹ क्यूँके मै जाणु सूं, के मै भी किसी के आदेशां का पालन करूँ सूं, अर सिपाही मेरै आदेशां का पालन करै सै। जिव मै एक तै कहूँ सूं, जा, तो वो जावै सै, अर दुसरे तै कहूँ, आ, तो वो आवै सै, अर अपने नौक्कर तै कहूँ सूं, यो कर, तो वो करै सै।”

10 यो सुणकै यीशु कै अचम्भा होया, अर जो लोग उसकै पाच्छै आवै थे उनतै कह्या, “मै थमनै साच्ची कहूँ सूं के मन्नै इस्राएल देश म्ह भी इसा विश्वास न्ही देख्या, जिसा इस सूबेदार का सै।¹¹ अर मै थमनै कहूँ सूं के पूरब अर पच्छिम तै घणेए गैर यहूदी आवैगें अर भोज म्ह अब्राहम अर इसहाक अर याकूब के गेल्या सुर्ग के राज्य म्ह बैठैगें।¹² पर राज्य की ऊलाद (यहूदी लोग) बाहर अन्धेरे म्ह गेर दिये जावैगें उडै रोणा अर दाँत पिसणा होगा।”

13 जिव यीशु नै सूबेदार तै कह्या, “घर चला जा, जिसा तेरा विश्वास सै, उसाए तेरे खात्तर होगा।” अर उसका नौक्कर उससे बखत ठीक होगया।

22 यीशु नै उसतै कह्या, “तू मेरै पाच्छै हो ले, अर मेरा चेल्ला बण जा अर जो आत्मिक रूप तै मर चुके सै, उननै मुर्दे दफणाण दे।”

कह्या, “हे गुरु, जडै किते तू जावैगा, मै तेरे पाच्छै हो ल्युँगा, क्यूँके मै तेरा चेल्ला बणणा चाहूँ सूँ।”

20 यीशु नै उसतै कह्या, “लोमडियां की घुरखाण अर अकास के पच्छियाँ के बसेरे हो सै, पर मुझ माणस के बेट्टै खात्तर सिर छिपाण की भी जगहां कोनी सै।”

21 एक और चेल्लै नै उसतै कह्या, “हे प्रभु, पैहले मन्नै घर जाणदे, मै अपने पिता के मरण के बाद उस ताहीं दफना के आऊंगा, फेर तेरा चेल्ला बणुगाँ।”

22 यीशु नै उसतै कह्या, “तू मेरै पाच्छै हो ले, अर मेरा चेल्ला बण जा अर जो आत्मिक रूप तै मर चुके सै, उननै मुर्दे दफणाण दे।”

23 जिव यीशु किस्ती पै चढ्या, तो उसके चेल्ले उसकै पाच्छै हो लिए।²⁴ अर देखो, समुन्दर म्ह एक इसा बड्डा अन्धोड उठ्या के किस्ती झाल्लां तै ढक्कण लाग्गी, अर वो सोण लाग रह्या था।²⁵ फेर चेल्यां नै धोरै आकै उस ताहीं जगाया अर कह्या, “हे प्रभु, हमनै बचा, हम डूबके मरण आळे सां।”

26 यीशु नै उनतै कह्या, “हे विश्वास म्ह कमजोर माणसां, क्यूँ डरो सां?” फेर उसनै उठकै आँधी अर पाणी ताहीं धमकाया, अर सब शान्त होगया।

27 अर वे अचम्भा करकै कहण लाग्ये, “यो किसा माणस सै के आँधी अर पाणी भी उसका हुकम मान्नै सै।”

28 जिव यीशु गलील समुन्दर कै परली ओड गदरेनियां के देश म्ह पुँहचा, तो दो माणस जिन म्ह ओपरी आत्मा थी कबिरस्तान म्ह तै लिकडकै उसनै मिले। वे इतने डरावणे थे के कोए उस रास्ते तै जा न्ही सकै था।²⁹ दोन्नु माणसां नै किल्की मारकै कह्या, “हे परमेसवर के बेट्टे, म्हारा तेरे तै के काम? के तू बखत तै पैहल्या हमनै दुख देण आडै आया सै?”[‡]

30 उनतै थोड़ी सी दूर पै घणेए सूअरां का टोळ चरै था।³¹ ओपरी आत्मायाँ नै उसतै या कहकै बिनती करी के, “जै तू हमनै लिकाडै सै, तो सूअरां के टोळ म्ह भेजदे।”

32 उसनै उन ताहीं कह्या, “जाओ!” अर वे ज्या के सूअरां म्ह बैठगी अर देखो, सारा टोळ ढळान पै तै झपटकै पाणी म्ह ज्या पड्या, अर डूब मरया।³³ उनके पाळी भाज्ये, अर नगर म्ह जाकै ये सारी बात अर जिन म्ह ओपरी आत्मा थी उनका सारा हाल कह सुणाया।³⁴ फेर सारे नगर के माणस यीशु तै फेटण नै लिकडाए,

14 यीशु जिव पतरस के घरां आया, तो उसनै उसकी सास्सू ताहीं बुखार म्ह पड्या देख्या।¹⁵ उसनै उसका हाथ पकड्या अर उसका बुखार उतर गया, अर वा उठकै उसकी सेवा-पाणी करण लाग्गी।

16 जिव साँझ होई फेर माणस उसके धोरै घणेए माणसां नै ल्याए जिन म्ह ओपरी आत्मा थी अर यीशु नै उन आत्मायाँ ताहीं अपने वचन तै लिकाड दिया, अर सारे बिमारां ताहीं ठीक कर दिया।¹⁷ ताके जो वचन यशायाह नबी के जरिये कह्या गया था वो पूरा हो “उसनै खुद ए म्हारी कमजोरी ले ली अर म्हारी बीमारी उठा ली।”[†]

18 यीशु नै जिव अपने चौगरदू एक भीड़ देखी तो अपने चेल्यां ताहीं गलील समुन्दर के परली ओड जाण का हुकम दिया।¹⁹ यीशु अर उसके चेल्ले किस्ती की ओड जाण लागरे थे, तो एक शास्त्री नै धोरै आकै उसतै

† 8:17 8:17 (1 पत-2:24) ‡ 8:29 8:29 (लूका 4:34)

अर उस ताहीं देख के बिनती करी के म्हारी सीमा तै बाहर चल्या ज्या।

9

११ १११११ ११ ११११११ १११११ ११११ ११११

1 फेर यीशु किस्ती म्ह चढ़के उस पार गया, अर बोहड़के अपणे नगर म्ह आया। 2 अर देखो, कई माणस लकवे के एक मरीज नै खाट पै लिटा के उसके धौरै ल्याए। यीशु नै उनका बिश्वास देखके, उस लकवे के मरीज तै कह्या, “हे बेट्टे, धीर बाँध, मन्नै तेरे पाप माफ कर दिये।”

3 इसपै कई शास्त्रियाँ नै सोच्या, “यो तो परमेसवर की बुराई करै सै”

4 यीशु नै उनके मन की बात जाणके कह्या, “थम माणस अपणे-अपणे मन म्ह बुरा विचार क्यूँ आण देओ सों? 5 आसान के सै? यो कहणा, ‘तेरे पाप माफ होए’, या यो कहणा, ‘उठ अर हाँड-फिर।’ 6 पर इस करके के थम जाण ल्यो के मुझ माणस के बेट्टे नै धरती पै पाप माफ करण का हक सै।” फेर उसनै लकवे के मरीज तै कह्या, “उठ, अपणे बिस्तर ठाके, अपणे घरां चल्या जा।” 7 वो उठके अपणे घरां चल्या गया। 8 माणस यो देखके डरगे अर परमेसवर की बड़ाई करण लाग्ये जिसनै माणस ताहीं इसा हक दिया सै।

१११११ ११ ११११११ ११११११ ११ १११११११ १११११

9 ओड़ै तै आगौ बढ के यीशु नै मत्ती नाम के एक आदमी ताहीं चुंगी की चौकी पै बैठचा देख्या, अर उसतै कह्या, “मेरा चेल्ला बणण खात्तर मेरै पाच्छै हो ले।” अर वो उठके उसके पाच्छै हो लिया।

10 जब वो अर उसके चेल्ले मत्ती के घर म्ह खाणा खाण खात्तर बेट्टे तो भोत-से चुंगी लेण आळे अर जिननै लोग पापी कहवै सै वे आके उनके गेल्या खाणा खाण बेट्टे। 11 या देखके फरीसियाँ नै उसके चेल्यां ताहीं कह्या, “थारा गुरु चुंगी लेण आळे अर पापी माणसां गेल्या क्यूँ खावै-पीवै सै?”

12 या सुणके यीशु नै उनतै कह्या, “वैद आच्छे-बिच्छयां खात्तर कोनी पर बिमारां खात्तर जरूरी सै। 13 इस करके थम जाओ अर समझ ल्यो के पवित्र ग्रन्थ के इस वचन का मतलब के सै: ‘मै बलिदान न्ही पर दया चाहूँ सूँ।’ क्यूँके जो अपणे-आपनै धर्मी कहवै मै उननै न्ही, पर जो अपणे-आपनै पापी कहवै सै उननै बुलाण आया सूँ।”*

११११११११ ११ ११११११११ ११ ११११११ ११ ११११११

14 फेर बपतिस्मा देण आळे यूहन्ना के चेल्यां नै धौरै आणके कह्या, “के कारण सै के हम अर फरीसी इतने ब्रत करा सां, पर तेरे चेल्ले ब्रत न्ही करदे?”

15 यीशु नै उनतै कह्या, “के बराती, जब ताहीं बन्दड़ा उसके गेल्या सै, शोक मना सकै सै? पर वे दिन आवैगें जब बन्दड़ा उनतै न्यारा करया जावैगा, उस बखत वे ब्रत करैगें।”

16 “नये लत्यां की थेगळी पुराणे लत्यां पै कोए न्ही लगान्दा, क्यूँके वा थेगळी लत्ते तै और भी लत्ता खुस्का दे सै, अर वो और भी घणा पाट ज्या सै। 17 अर माणस नया अंगूर का रस पुराणी मशक म्ह न्ही भरदे, क्यूँके इसा करण तै मशक पाट ज्या सै, अर अंगूर का रस खिंड ज्या सै, अर मशक फूट ज्या सै, पर नया अंगूर का रस नई मशकां म्ह भरा जावै सै तब वे दोनु बचे रहवै सै।”

११११ ११११ १११११ ११ १११११११ १११११

18 वो उनतै ये बात कहण ए लागरया था, के जिब्बे आराधनालयाँ के सरदारां म्ह तै एक याईर नाम के आदमी नै आके उस ताहीं नमस्कार करया अर कह्या, “मेरी बेट्टी इब्बे मरी सै, पर तू चाल के अपना हाथ उसपै धरै, तो वा जिन्दा हो ज्यागी।” 19 यीशु उठके अपणे चेल्यां समेत उसके पाच्छै हो लिया।

20 अर देखो, एक बिरबान्नी नै जिसके बारहां साल तै लहू बहण की बीमारी थी, पाच्छै तै आके उसके लत्ते के कोणे ताहीं छू लिया। 21 क्यूँके वा अपणे मन म्ह कहवै थी, “जै मै उसके लत्ते नै छू ल्युंगी तो ठीक हो जाऊंगी।”

22 यीशु नै घूमके उस ताहीं देख्या अर कह्या, “बेट्टी धीरज राख, तेरे बिश्वास नै तेरे ताहीं ठीक करया सै।” अर वा बिरबान्नी उस्से बखत ठीक होगी।

23 जब यीशु याईर के घर म्ह पुँहचा अर बाँसली बजाण आळे अर भीड़ नै रोळा मचादे देख्या, 24 फेर कह्या, “हट जाओ, छोरी मरी कोनी, पर सोवै सै।” इसपै वे उसका मजाक उड़ाण लाग्ये। 25 पर जब भीड़ लिकाड़ दी, तो उसनै भित्तर ज्या के उस छोरी का हाथ पकडचा, अर वा जी उठी। 26 अर इस बात का जिक्र सारे देश म्ह फैलगया।

१११११११११ ११ १११११११११

27 जब यीशु ओड़ै तै आगौ बढा, तो दो आन्धे उसके पाच्छै या कहन्दे होए चाल्ले, “हे दाऊद की ऊलाद, म्हारै पै दया कर!”

28 जब वो घर म्ह पुहूचा, तो वे आन्धे उसके धौरै आये, अर यीशु नै उनतै कह्या, “के थमनै बिश्वास सै

* 9:13 9:13 (होशे 6:6) † 9:20 9:20 (मत्ती 14:36)

के मै थमनै चंगा कर सकू सू?” उननै उसतै कह्या, “हाँ प्रभु!”

29 फेर उसनै उनकी आँखां के हाथ लगाकै कह्या, “थारे बिश्वास के मुताबिक थम चंगे होजाओ।” 30 अर वे जिब्बे देक्खण लागगे। यीशु नै उनतै समझां के कह्या, “सावधान, किसे ताहीं या बात ना बताइयो, के मन्नै थारे खात्तर के करया सै।” 31 पर उननै मिलकै सारे देश म्ह उसका नाम फैला दिया।

२२ २२२२२२ २२२२२२ २२२ २२२२

32 जिब वे दोन्नु आन्धे बारणै जाण लागरे थे, तो देक्खो, कई माणस एक गूँगे नै उसके धोरै ल्याए जिसमह ओपरी आत्मा थी, जो उसनै बोल्लण कोनी देवै थी। 33 अर जिब यीशु नै ओपरी आत्मा लिकाड़ दी, तो गूँगा बोलण लागया। इसपै भीड़ नै अचम्भा करकै कह्या, “इस्राएल म्ह इसा कदे न्ही देख्या गया।”

34 पर फरीसियाँ नै कह्या, “ओपरी आत्मायाँ के सरदार इस ताहीं शक्ति देवै सै, इस करकै यो ओपरी आत्मायाँ नै लिकाड़ै सै।”

२२२२२२२२ २२२२२२ २२२२ २२ २२२२२२२ २२२२२२

35 यीशु अर उसके चेल्ले सारे नगरां अर गाम्मां म्ह फिरता होया अर उनके आराधनालयाँ म्ह उपदेश सुणान्दा, अर परमेसवर के राज्य का सुसमाचार सुणादा, अर हरेक ढाळ की बीमारी अर कमजोरियाँ नै दूर करदा रह्या।

36 जिब उसनै भीड़ देखी तो उसनै माणसां पै तरस आया, क्यूँके वे उन भेड्या की तरियां थे, जिनका कोए पाळी ना हो, वे बेचैन अर भटके होए से थे। 37 फेर उसनै अपणे चेल्यां तै कह्या, “पके होए खेत्तां की तरियां लोग तो भोत सै जो परमेसवर के वचन नै सुणणा चाहवै सै, पर फसल काट्टण आळे की तरियां लोग कम सै जो जाकै परमेसवर का वचन सुणावै। 38 इस करकै खेत के माल्लिक यानी परमेसवर तै बिनती करो, के वो और लोग्गां नै भेज्जै, ताके परमेसवर का वचन भोत सारे लोग्गां ताहीं सुणावै।”

10

२२२२२२२२ २२२२२२२२२

1 फेर यीशु नै अपणे बारहां चेल्यां ताहीं धोरै बुलाकै, उन ताहीं ओपरी आत्मायाँ पै हक दिया के उननै लिकाड़ै अर सारी ढाळ की बिमारियाँ अर सारी ढाळ की कमजोरियाँ नै ठीक करै।

2 इन बारहां प्रेरितां के नाम ये सै: पैहल्या शमौन, जो पतरस कुह्वावै सै, अर उसका भाई अन्दिरयास, जब्दी का बेट्टा याकूब, अर उसका भाई यूहन्ना,

3 फिलिप्पुस, अर बरतुल्मै, थोमा, अर चुंगी लेण आळा मत्ती, हलफई का बेट्टा याकूब, अर तद्दे,

4 शमौन जेलोतेस*, अर यहूदा इस्करियोती जिसनै वो पकड़वा भी दिया।

२२२२२२२२ २२२२२२ २२२२ २२२२२२२ २२२२२२

5 इन बारहां चेल्यां ताहीं यीशु नै यो हुकम देकै भेज्या: “गैर यहूदी लोग्गां कान्ही ना ज्याइयो, अर सामरियाँ के किसे नगर म्ह दाखल ना होइये।† 6 पर इस्राएल के कुण्बे की ए खुई होड़ी भेड्डां के धोरै जाईये। 7 अर चालते-चालते यो प्रचार करो: सुर्ग का राज्य धोरै आ गया। 8 बिमारां नै ठीक करो, मरै होए नै जीवाओ, कोढ़ियाँ नै शुद्ध करो, ओपरी आत्मायाँ नै लिकाड़ो। थमनै मुफ्त लिया सै मुफ्त द्यो।”

9 “अपणे अंगोच्छां म्ह ना तो सोन्ना, ना चाँदी, अर ना ताम्बे के सिक्के राखियो। 10 रास्ते खात्तर ना झोळी लियो, ना दो कुड़ते, ना जूत्ते अर ना लाट्टी लियो, क्यूँके मजदूर नै उसका खाणा मिलणा चाहिए। 11 जिस किसे नगर या गाम म्ह जाओ, तो बेरा पाड़ो के कुण लायक सै। अर जिब ताहीं उड़ै तै ना लिकड़ो, उस्से के गेल्या रहों। 12 घर म्ह बढ़ते आणी उसनै आशीर्वाद दिए। 13 जै उस घर के माणस लायक होंगे तो थारा आशीर्वाद उनपै पुहँचगा, पर जै वे लायक ना हों तो थारा आशीर्वाद थारे धोरै उल्टा ए आ ज्यागा। 14 जो कोए थमनै न्ही अपणावै अर थारी बात ना सुणै, उस घर या उस नगर तै लिकड़दे आणी अपणे पैरां की धूळ झाड़ लियो। 15 मै थमनै सच्ची कहूँ सूँ के न्याय के दिन उस नगर की हालत तै सदोम अर अमोरा‡ के नगर की हालत घणी सहण जोगगी होवैगी।”

२२ २२२ २२२२२२२२ २२२२

16 “देक्खो, मै थमनै भेड्डां की तरियां भेड्डियाँ के बिचाल्ये भेज्जू सूँ, इस करकै साँपां की तरियां अकलमंद अर कबूतरां की तरियां भोळे बणो। 17 पर माणसां तै चौक्कस रहों, क्यूँके वे थमनै बड़े आराधनालयाँ म्ह सौपैगें, अर अपणी सभा म्ह थारे कोड़े मारैगें। 18 थम मेरै खात्तर राज्यपालों अर राजयां के स्याम्ही अर गैर यहूदी लोग्गां म्ह भेज्जे जाओगें। ताके थम मेरे बारें म्ह गवाही दे सको 19 जिब वे थमनै पकड़वावैगें तो या

‡ 9:36 9:36 (1 राजा-22:17) * 10:4 10:4 (एक कट्टर पंथी राजनैतिक दल का नाम था जिसका वो सदस्य था) † 10:5 10:5 (यिर्म-50:6)
‡ 10:15 10:15 सदोम अर अमोरा ये वे नगर थे जिस म्ह अब्राहम का भतिज्जा लूत रहया करै था परमेसवर नै ओड़ै के माणसां ताहीं उनके बुरे काम्मां के कारण उन ताहीं आग गेर कै नाश कर दिया था

फिक्र ना करियो के हम किस तरियां तै या के कहवागें, क्यूँके जो किमे थारे ताहीं कहणा होगा, वो उस्से बखत थारे ताहीं बता दिया जावैगा।²⁰ क्यूँके बोलण आळे थम न्ही सों, पर थारे सुर्गीय पिता का आत्मा थारे म्ह बोल्लै सै।²¹ भाई, भाई नै अर पिता बेट्टे नै, मारण खात्तर सौप देंगे, अर बाळक अपणे माँ बाप के बिरोध म्ह खड़े होके उन ताहीं मरवा देवेंगे।²² मेरै नाम के कारण सारे माणस थारे तै बैर करैगें, पर जो अन्त ताहीं धीरज धरैगा उस्से का उद्धार होगा।²³ जिब वे थमनै नगर म्ह सतावै, तो दुसरे म्ह भाग ज्याइयो। मै थमनै सच कहूँ सूँ, थम इस्राएल के सारे नगरां म्ह न्ही घूम सकोगें के मै माणस का बेट्टा आ जाऊँगा।”

¶¶¶¶¶¶ ¶¶¶¶ ¶¶ ¶¶¶¶¶

²⁴ “चेल्ला अपणे गुरु तै बड़ड़ा न्ही होंदा, अर ना नौक्कर अपणे माल्लिक तै।²⁵ चेल्लै का गुरु के, अर नौक्कर का माल्लिक के बराबर होणा ए भोत सै। जिब उननै घर के माल्लिक तै शैतान कह्या तो उसके घरआळां नै के कुछ न्ही कहवेंगे!”

¶¶¶¶¶¶ ¶¶¶¶¶

²⁶ “इस करके माणसां तै ना डरो, क्यूँके कुछ ढकया कोनी, जो उजागर न्ही करया जावैगा, अर ना कुछ लुहक्या सै जिसका बेरा न्ही पटै।²⁷ जो मै थारे तै अन्धेरे म्ह कहूँ सूँ, उसनै थम चाँदणे म्ह कहो, अर जो कान्नो-कान सुणो सों, उसनै छात्तां पै चढ़ के प्रचार करो।²⁸ जो देह नै घात करै सै, पर आत्मा नै घात न्ही कर सकदे, उनतै ना डरियो, पर उस परमेसवर तै डरो जो आत्मा अर देह दोनुआ नै नरक म्ह गेरके नाश कर सकै सै।²⁹ छोट्टी चिड़ियाँ दो पिस्या की बिकै सै, जो ना के बराबर सै तोभी जै वो धरती पै पड़के मरै सै तो पिता परमेसवर नै उसका भी बेरा सै क्यूँके पिता परमेसवर सब कुछ जाणण आळा सै।³⁰ थारे सिर के बाळ भी सारे गिणे होड़े सै।*³¹ इस करके डरो मतना, थम घणी गौरैयाँ (एक छोट्टी चिड़ियाँ) तै बढके सो।”

¶¶¶¶¶ ¶¶¶¶¶¶ ¶¶¶¶¶¶¶¶ ¶¶ ¶¶¶¶¶¶¶¶¶¶

³² “जो कोए माणसां के स्याम्ही मन्ने मान लेवैगा, उसनै मै भी अपणे सुर्गीय पिता के स्याम्ही मान ल्युँगा।³³ पर जो माणसां के स्याम्ही मेरै बारै म्ह इन्कार करैगा, उसनै मै भी अपणे सुर्गीय पिता के स्याम्ही इन्कार करूँगा।”

³⁴ “यो ना समझो के मै धरती पै माणसां का मिलाप करवाण आया सूँ, मै मिलाप करवाण न्ही, पर न्यारे करण

आया सूँ।³⁵ मै तो आया सूँ, ताके माणस नै उसके पिता तै, अर बेट्टी नै उसकी माँ तै, अर बहू नै उसकी सास तै न्यारा कर द्यु।”

³⁶ “माणस के बैरी उसके घर के ए लोग होंगे।”

³⁷ “जो अपणे माँ-बाप नै मेरै तै घणा प्यारा मान्ने सै, वो मेरा चेल्ला बणण के लायक कोनी, अर जो बेट्टा या बेट्टी नै मेरै तै घणा प्यारा मान्ने सै, वो मेरै लायक कोनी।†³⁸ अर जो अपणा दुखां का करूस लेके मेरै पाच्छै न्ही चाल्लै वो मेरै लायक कोनी।³⁹ जो अपणी जान बचावै सै, वो उसनै खोवैगा, अर जो मेरै कारण अपणी जान खोवैगा, वो उसनै पावैगा।”

¶¶

⁴⁰ “जो थमनै अपणावै सै, वो मन्ने अपणावै सै, अर जो मन्ने अपणावै सै, वो उस परमेसवर नै अपणावै सै, जिसनै मेरे ताहीं भेज्या सै।⁴¹ जो नबियाँ नै नबी जाण के अपणावै, वो नबियाँ के जिसा फळ पावैगा, जिसा नबी नै मिलै सै, अर जो धर्मी नै धर्मी जाण के अपणावै, वो धर्मी के जिसा फळ पावैगा।⁴² जो कोए मेरे इन चेल्यां म्ह तै एक नै भी मेरा चेल्यां जाण के सिर्फ एक कटोरा ठंडा पाणी पियावैगा, मै थमनै सच कहूँ सूँ, वो किसे तरियां भी अपणा फळ न्ही खोवैगा।”

11

¶¶¶¶¶¶¶¶¶¶ ¶¶¶¶¶¶¶¶¶¶ ¶¶¶¶ ¶¶¶¶ ¶¶ ¶¶¶¶¶¶¶¶

¹ अपणे बारहां चेल्यां ताहीं इस तरियां समझाण के बाद यीशु ओड़े तै चाल पड्या, अर गलील परदेस के नगरां म्ह उपदेश अर प्रचार करदा घूमता रह्या।

² यूहन्ना नै जेळ म्ह मसीह के काम्मां की खबर सुणी अर अपणे चेल्यां ताहीं यीशु तै न्यू बुद्धिण भेज्या,³ अर उसतै कह्या, “के आण आळा वो मसीहा जिसका वादा परमेसवर नै करया था, तू ए सै, या हम किसे और की बाट देख्वां?”

⁴ यीशु नै जवाब दिया, “जो कुछ थम सुणो सो अर देख्खो सो, यो सारा जाके यूहन्ना ताहीं कह द्यो,⁵ के आन्धे देख्खें सै अर लंगड़े चाल्लै-फिरै सै, कोढ़ी ठीक करे जावै सै अर बहरे सुणै सै, मुर्दे जिन्दे करे जावै सै, अर कंगालां ताहीं सुसमाचार सुणाया जावै सै।⁶ अर धन्य सै वे, जो मेरै पै शक न्ही करते, अर बिश्वास करणा न्ही छोड़ते।”

¶¶¶¶¶ ¶¶ ¶¶¶¶¶¶¶¶ ¶¶¶¶¶¶¶¶¶¶ ¶¶ ¶¶¶¶¶¶¶¶

⁷ जिब यूहन्ना के चेल्लें ओड़े तै जाण लागरे थे तो यीशु भीड़ म्ह माणसां तै यूहन्ना के बारै म्ह कहण लाग्या, “थम जंगल-बियाबान म्ह के देखण गये थे?

के हवा म्ह हाल्दे होए सरकंड्या नै? 8 तो फेर थम के देखण गये थे? के सुथरे लत्ते पहरें होइ माणस ताहीं? देखो, जो सुथरे लत्ते पहरें सै, वे राजघरां म्ह रहवें सै। 9 तो फेर क्यांतै गये थे? के किसे नबी नै देखण ताहीं? हाँ, मै थमनै कहूँ सूँ, बल्के नबी तै भी बड़े नै।” 10 यूहन्ना वोए सै जिसकै बारै म्ह पवित्र ग्रन्थ म्ह लिख्या सै: के “देख, मै अपने दूत ताहीं तेरे आगै भेज्जू सूँ जो तेरे आगै तेरा रास्ता त्यार करैगा।”*

11 मै थमनै कहूँ सूँ के जो बिबानियाँ तै जणे सै, उन म्ह तै यूहन्ना बपतिस्मा देण आळे तै बड़ड़ा कोए न्ही होया, पर जो सुर्ग के राज्य म्ह छोट्टे तै भी छोट्टा सै वो उसतै बड़ड़ा सै। 12 यूहन्ना बपतिस्मा देण आळे के दिनां तै इब ताहीं सुर्ग का राज्य बलपूर्वक बढ़ण लाग रहया सै, अर बिरोधी लोग उसनै रोकण की कोशिश करण लागरे सै। 13 यूहन्ना के आण तक सारे नबी अर मूसा के नियम-कायदा म्ह, सुर्ग के राज्य की भविष्यवाणी करी गई। 14 जै थम सच म्ह भविष्यवाणीयाँ पै बिश्वास करो सों, तो सुणो यूहन्ना ए वो एलिय्याह सै जो दोबारा आण आळा था।† 15 जिसके कान हों, वो ध्यान तै सुण ले।

16 “मै आज की पीढ़ी के माणसां की बराबरी किसतै करूँ? वे उन बाळकां की ढाळ सै, जो बजारां म्ह बेट्टे होए एक-दुसरे तै रुक्के मारकै शिकायत करै सै:”

17 “हमनै थारे खात्तर बाँसली बजाई, अर थम कोनी नाच्चे, हमनै बिलाप करया, अर थमनै छात्ती कोनी पिट्टी।”

18 “इस्से तरियां यूहन्ना बपतिस्मा देण आळा ना रोट्टी खाया करदा अर ना अंगूर का रस पिया करदा, अर थम कहो सो, ‘उस म्ह ओपरी आत्मा सै।’ 19 मुझ माणस के बेट्टे का खाण-पान और माणसां की तरियां सादा ए सै, लखाओ, थमनै मेरे ताहीं पेट्टू अर पियक्कड़ माणस, चुंगी लेणिये का अर पापियाँ का साथी घोषित कर दिया! पर ज्ञान अपने काम्मां म्ह सच्चा ठहराया गया सै।”

???? ? ? ? ? ? ? ? ? ? ? ? ? ? ? ? ?

20 फेर यीशु उन नगरां ताहीं उल्हाणा देण लागया, जिन म्ह उसनै घणे सामर्थ के काम करे थे, क्यूँके उननै पाप करणा न्ही छोड्या अर ना ए परमेसवर के राह पै चाल्लै। 21 “धिक्कार सै थारे पै खुराजिन नगर के माणसां! धिक्कार सै थारे पै बैतसैदा नगर के माणसां! जो सामर्थ के काम थारे म्ह करे गये, जै वे सूर अर सैदा नगरां म्ह करे जान्दे, तो टाट ओढ़ कै, अर राख म्ह बैठकै वे कदे के पाप करणा छोड़ देन्दे। 22 पर मै थमनै कहूँ सूँ

के न्याय के दिन थारी हालत तै सूर अर सैदा नगरां की हालत घणी सहण जोगगी होवैगी। 23 हे कफरनहूम नगर के माणसां, थम के सोच्चों सों, के थम सुर्ग ताहीं ऊँच्चे करे जाओगें? थम तो अधोलोक तक नीच्चे जाओगें, जो सामर्थ के काम थारे म्ह करे गये सै, जै सदोम नगर म्ह करे जान्दे, तो वो आज ताहीं बण्या रहन्दा। 24 पर मै थमनै कहूँ सूँ के न्याय के दिन तेरी हालत तै सदोम नगर की हालत घणी सहण जोगगी होवैगी।”

???? ? ? ? ? ? ? ? ? ? ?

25 उस्से बखत यीशु नै कह्या, “हे पिता, सुर्ग अर धरती के प्रभु, मै तेरा शुक्रियादा करूँ सूँ के तन्नै इन बात्तां ताहीं ज्ञानियाँ अर समझदार माणसां तै ल्कोए राख्या, अर बाळकां ताहीं दिखा दिया सै। 26 हाँ, हे पिता, क्यूँके तन्नै योए भाया।”

27 “मेरे पिता नै मेरे ताहीं सब कुछ सौप्या सै, अर कोए बेट्टे ताहीं कोनी जाणदा, सिर्फ पिता के अलावा, अर कोए पिता ताहीं कोनी जाणदा, सिर्फ बेट्टे के अलावा, अर हरेक वो माणस जो परम पिता नै जाणे सै, जिसकै खात्तर बेट्टे नै उस ताहीं जाहिर करणा चाह्या सै।”

28 “हे सारे मेहनत करण आळो अर बोझ तै दबे होइ माणसां, मेरे धोरै आओ, मै थमनै सुख-चैन दियुंगा। 29 मेरा जूआ अपने उप्पर ठा ल्यो, अर मेरे तै सीखो, क्यूँके मै नरम अर मन का दीन सूँ: अर थम अपने मन म्ह सुख-चैन पाओगे। 30 क्यूँके मेरा जूआ सोखा अर मेरा बोझ हल्का सै”

12

1 तकरीबन उस्से बखत आराम के दिन यीशु चेल्यां के गैल खेत्तां म्ह तै होकै जाण लागरया था, अर उसके चेल्यां नै भूख लागगी तो वे गेहूँ की बालें तोड़-तोड़कै खाण लागगे। 2 फरीसियाँ नै न्यू देखकै उसतै बोल्ले, “देख, तेरे चेल्लें वो काम करै सै, जो नियम-कायदा के मुताबिक आराम के दिन करणा ठीक कोनी।”

3 यीशु नै उनतै कह्या, “के थमनै पवित्र ग्रन्थ म्ह यो न्ही पढ़या, के दाऊद अर उसके साथियाँ नै जिब वे भूखे होए तो के करया था? 4 वो किस तरियां परमेसवर के घर म्ह गया, अर भेंट की रोट्टी खाई, जिनका खाणा ना तो उस ताहीं अर ना उसके साथियाँ ताहीं पर सिर्फ याजकां ताहीं सही था? 5 यो थमनै नियम-कायदा म्ह न्ही पढ़या के आराम के दिन मन्दर के याजक ए आराम के दिन की विधि ताहीं तोड़ै सै फेर भी उन ताहीं कोए कुछ न्ही कहन्दा? 6 पर मै थमनै कहूँ सूँ के उरै वो सै जो

* 11:10 11:10 (मला-3:1) † 11:14 11:14 (मला-4:5)

मन्दर तै भी बड़ड़ा सै।⁷ जै थम पवित्र ग्रन्थ म्ह जो लिख्या सै, उसका मतलब जाणदे के, 'मै बलिदान न्ही पर दया चाहूँ सू।' तो थम बेकसूर ताहीं कसूरवार कोनी ठहरान्दे।⁸ मै माणस का बेट्टा तो आराम कै दिन का भी प्रभु सू।"

⁹ ओड़ै तै चालकै वो उनके आराधनालय म्ह आया।

¹⁰ ओड़ै एक माणस था, जिसका हाथ सूखरया था। फरीसी लोग्गानै यीशु पै दोष लाण खात्तर उसतै बुझ्झया, "भूसा के नियम-कायदा कै मुताबिक आराम कै दिन ठीक करणा सही सै?"

¹¹ यीशु नै उनतै कह्या, "थारे म्ह तै इसा कौण सै जिसकी एक ए भेड़ हो, अर वा आराम कै दिन खडहे म्ह पड़ जावै, तो वो उस ताहीं पकड़कै न्ही काड्डै? ¹² फेर माणस तो भेड़ तै भोत घणे खास सै! ज्यातै आराम कै दिन भलाई करणा ठीक सै, जिसा के माणसां नै चंगा करणा।"

¹³ फेर यीशु नै उस माणस तै कह्या, "अपणा हाथ बढ़ा।" उसनै बढ़ाया, अर वो दुसरे हाथ की तरियां ठीक होगया। ¹⁴ फेर फरीसियां नै बाहरणै जाकै उसके बिरोध म्ह सलाह करी के उसका नाश किस तरियां करया जावै।

¹⁵ न्यू जाणकै यीशु ओड़ै तै चल्या गया। अर घणे माणस उसके पाच्छै हो लिए, अर उसनै सारया ताहीं ठीक करया, ¹⁶ अर उन ताहीं चेतावनी दी, के मेरै बारै म्ह किसे तै ना कहियो के मै कौण सू। ¹⁷ ताके जो वचन यशायाह नबी कै जरिये कह्या गया था, वो पूरा हो

¹⁸ "देखो, यो मेरा सेवक सै, जिस ताहीं मननै चुण्या सै, मेरा प्यारा, जिसतै मेरा मन राज्जी सै, मै अपणा आत्मा उसपै तारुगाँ, अर योए दुसरी जात्तानै न्याय की खबर देवैगा।

¹⁹ "वो ना माणसां के गैल झगड़ा करैगा, अर ना किल्की मारैगा, ना बजारां म्ह उसका कोए शब्द सुणैगा।

²⁰ "वो कुचले होए सरकण्डे की समान कमजोर माणसां ताहीं कोनी लताडैगा, अर बुझते होए दीवे के समान, माणस मरता हो तो वो उसनै न्ही मारैगा, वो जब ताहीं डटया रह्यैगा जब ताहीं न्याय ना दुवा दे।

²¹ "अर दुसरी जात उसके नाम पै आस राक्खैगी।"

²² फेर माणस एक आन्धे-गूँगे नै जिसम्ह ओपरी आत्मा थी, जो उसनै देखण अर बोल्लण कोनी देवै थी, उसके धोरै ल्याए, अर उसनै उस ताहीं ठीक करया, अर वो गूँगा बोलण अर देखण लाग्या। ²³ इसपै सारे माणस अचम्भा करकै कहण लागगे, "यो के दाऊद की ऊलाद सै!" ²⁴ पर फरीसियां नै न्यू सुणकै कह्या, "यो तो ओपरी आत्मायाँ के सरदार शैतान की मदद तै ओपरी आत्मायाँ नै लिकाडै सै।"

²⁵ उसनै उनकै मन की बात जाणकै उनतै कह्या, "जिस किसे राज म्ह फूट होवै सै, वो उजड़ जावै सै, अर कोए नगर या घराना जिसम्ह फूट होवै सै, बण्या कोनी रहवैगा। ²⁶ अर जै शैतान ए शैतान नै काड्डै, तो वो अपना ए बिरोधी बणग्या, फेर उसका राज किस तरियां बण्या रहवैगा? ²⁷ भला, जै मै शैतान की मदद तै ओपरी आत्मायाँ नै काड्डू सू, तो थारी पीढ़ी किसकी मदद तै काड्डै सै? इस करकै वैए थारा न्याय करैगें। ²⁸ पर जै मै परमेसवर के आत्मा की मदद तै ओपरी आत्मायाँ नै काड्डू सू, तो परमेसवर का राज्य थारे धोरै आण पोहच्या सै।"

²⁹ "या किस तरियां कोए माणस किसे ठाड्डे माणस कै घर म्ह बड़कै उसका माळ लूट सकै सै जब ताहीं के पैहल्या उस ठाड्डे ताहीं ना जुड़ ले? जब वो उसका घर लूट लेवैगा।"

³⁰ "जो मेरै गेल्या न्ही वो मेरै बिरोध म्ह सै, अर जो मेरै गेल्या न्ही कट्टा करदा, वो खिंडावै सै। ³¹ ज्यातै मै थारे तै कहूँ सू के माणस का सारे ढाळ का पाप अर बुराई माफ करी जावैगी, पर पवित्र आत्मा की बुराई माफ कोनी करी जावैगी। ³² जो कोए माणस के बेट्टे कै बिरोध म्ह कोए बात कहवैगा, उसका यो कसूर माफ करया जावैगा, पर जो कोए पवित्र आत्मा कै बिरोध म्ह कुछ कहवैगा, उसका कसूर ना तो इस लोक म्ह अर ना परलोक म्ह माफ करया जावैगा।"

³³ "दरखत अपने फळ तै ए पिच्छाणा जावै सै, जै दरखत नै बढ़िया कहो, तो उसके फळ नै भी बढ़िया कहो, या दरखत नै निकम्मा कहो, तो उसके फळ नै भी निकम्मा कहो। ³⁴ हे साँप के सप्पोलों जिसे माणसां, थम भुन्डे होकै किस तरियां बढ़िया बात कह सको सो? क्यूँके जो मन म्ह भरया सै, वोए मुँह पै आवै सै। ³⁵ भला माणस अपने मन के भले भण्डार तै भली बात लिकाडै सै, अर बुरा माणस अपने मन के बुरे भण्डार तै बुराई की बात काढै सै। ³⁶ अर मै थारे तै कहूँ सू के जो-जो निकम्मी बात माणस कहवैगें, न्याय कै दिन वे हरेक उस बात का लेखा देवैगें। ³⁷ क्यूँके तू अपनी बात्तां के कारण बेकसूर, अर अपनी बात्तां ए के कारण कसूरवार ठहराया जावैगा।"

³⁸ इसपै कुछ शास्त्रियाँ अर फरीसियाँ नै उसतै कह्या, "हे गुरु, हम तेरे तै एक चिन्ह-चमत्कार देखणा चाहवां सा।"

³⁹ उसनै उन ताहीं जवाब दिया, "इस युग के बुरे अर जार माणस निशान्नी टोह्यै सै, पर योना नबी की निशान्नी नै छोड़ कोए और निशान्नी उन ताहीं कोनी दी जावैगी। ⁴⁰ जिस तरियां योना नबी तीन रात अर तीन दिन बड़ी मछली कै पेट म्ह रहया, उससे तरियां ए

मै माणस का बेट्टा तीन रात अर तीन दिन धरती कै भीत्तर रहूंगा। 41 निनवे नगर के माणस न्याय कै दिन इस युग के माणसां कै गेल्या उठकै उन ताहीं कसूरवार ठहरावैगें, क्यूँके उननै योना नबी का प्रचार सुणकै अपने पापां ताहीं स्वीकार किया, अर देखो, उरै वो सै जो योना नबी तै भी बड़ड़ा सै। 42 दक्षिण देश की राणी न्याय कै दिन इस युग के माणसां कै गेल्या उठकै उन ताहीं कसूरवार ठहरावैगी, क्यूँके वा राजा सुलैमान का ज्ञान सुणण कै खात्तर धरती कै दुसरे सिरे तै आई, अर देखो, उरै वो सै जो सुलैमान तै भी बड़ड़ा सै।”

43 “जिब ओपरी आत्मा माणस म्ह तै लिकड़कै जावै सै, तो सूक्खी जगहां म्ह आराम टोहन्दी फिरै सै, अर पांदा कोनी। 44 फेर कहवै सै, ‘मै उस्से माणस म्ह जड़ै तै लिकड़ी थी बोहड़ जाऊंगी।’ अर आकै उस माणस नै घर जिसा झाड़ा-बुहारा अर सजा-धज्या पावै सै। 45 फेर वा ओपरी आत्मा जाकै अपने तै और भुंडी सात आत्मायाँ नै अपने गेल्या ले आवै सै, अर वे उस माणस म्ह बड़कै ओड़ै वास करै सै, अर उस माणस की पाच्छली हालत पैहल्या तै भी भुंडी हो जावै सै। इस युग के बुरे माणसां की हालत भी इसीए होवैगी।”

46 जिब वो भीड़ तै बात करण ए लागरया था, तब उसकी माँ अर उसके भाई बाहरणै खड़े थे अर उसतै बात करणा चाहवै थे।

47 किसे नै उसतै कह्या, “देख, तेरी माँ अर तेरे भाई बाहरणै खड़े सै, अर तेरे तै बात करणा चाहवै सै।”

48 या सुणकै यीशु नै कहण आळे ताहीं जवाब दिया, “कौण सै मेरी माँ? अर कौण सै मेरे भाई?” 49 अर अपने चेल्यां कान्ही अपना हाथ बढ़ाकै कह्या, “देखो, मेरी माँ अर मेरे भाई ये सै। 50 क्यूँके जो कोए मेरे सुर्गीय पिता की इच्छा पै चाल्लै वोए मेरा भाई, मेरी बेब्बे अर मेरी माँ सै।”

13

1 उस्से दिन यीशु घर तै लिकड़कै गलील समुन्दर कै किनारे जा बेट्या। 2 अर उसकै धोरै इसी भीड़ कट्टी होई के वो किस्ती पै चढ़ग्या, अर सारी भीड़ किनारे पै खड़ी रही। 3 अर उसनै उनतै उदाहरणां म्ह घणीए बात कही “एक किसान बीज बोण लिकड़या। 4 बोदे बखत कुछ बीज राही कै किनारे पड़े अर पच्छियाँ नै आकै उन ताहीं चुग लिया। 5 कुछ बीज पथरीली धरती पै पड़े, जड़ै उनताही घणी माट्टी ना मिली अर इन्धी माट्टी ना मिलण कै कारण वे तोळाए जामगे। 6 पर सूरज लिकड़णै पै वे जळगे, अर जड़ ना पकड़ण कै कारण सुखगे। 7 कुछ बीज झाड़ियाँ म्ह पड़े, अर झाड़ियाँ नै

बढ़कै उन ताहीं दाब लिया। 8 पर कुछ बीज आच्छी धरती पै पड़े, कोए सौ गुणा, कोए साठ गुणा, अर कोए तीस गुणा फळ ल्याए। 9 जिसके कान हों, वो ध्यान तै सुण ले।”

10 चेल्यां नै धोरै आकै उसतै कह्या, “तू माणसां तै उदाहरणां म्ह क्यांतै बात करै सै?”

11 उसनै जवाब दिया, “थारे ताहीं सुर्ग के राज्य के भेद की समझ दे राखी सै, पर उन ताहीं न्ही। 12 क्यूँके जिसकै धोरै सै, उसतै और दिया जावैगा, अर उसकै धोरै घणा हो जावैगा, पर जिसकै धोरै कुछ न्ही सै, उसतै जो कुछ उसकै धोरै सै, वो भी ले लिया जावैगा। 13 मै उनतै उदाहरणां म्ह ज्यांतै बात करूँ सूँ, के वे देखदे होए कोनी देखदे अर सुणदे होए कोनी सुणदे, अर न्ही समझदे।”

14 “उनकै बाबत यशायाह नबी की या भविष्यवाणी पूरी होवै सै: ‘थम सुणोगे, पर समझोगे कोनी, अर देखोगे, पर थमनै कोनी सूझैगा।’”

15 “क्यूँके इन माणसां का मन मोट्टा होग्या सै, अर वे कान्ना तै ऊँच्चा सुणै सै, अर उननै अपनी आँख मूंद ली सै, कदे इसा ना हो के वे आँखां तै देखवै, अर कान्ना तै सुणै अर मन तै समझै, अर पलट जावै, अर मै उननै ठीक करूँ।”

16 पर धन्य सै थारी आँख, क्यूँके वे देखवै सै, अर थारे कान क्यूँके वे सुणै सै। 17 मै थमनै साच्ची कहूँ सूँ के घणखरे नबियाँ नै अर धर्मियाँ नै चाह्या के जो बात थम देखो सो, देखवै, पर न्ही देख पाए, अर जो बात थम सुणो सो, सुणै, पर न्ही सुण पाए।

18 “इब थम बोण आळे के उदाहरण का मतलब सुणो 19 जो कोए राज्य का वचन सुणकै कोनी समझदा, यो वोए सै जो राही कै किनारे बोया गया था, उस ताहीं दुष्ट आकै खोस ले जावै सै। 20 अर जो पथरीली धरती पै बोया गया सै, यो वो माणस सै, जो वचन सुणकै जिब्बे खुशी कै गेल्या मान लेवै सै। 21 पर अपने म्ह जड़ न्ही पकड़ण कै कारण वो माड़े से दिन का सै, अर जिब वचन कै कारण क्लेश या संकट आवै सै, तो जिब्बे टोक्कर खावै सै। 22 जो झाड़ियाँ म्ह बोया गया, यो वो सै, जो वचन ताहीं सुणै सै, पर इस दुनिया की फिकर अर धन का धोक्खा वचन नै दाबै सै, अर वो फळ कोनी ल्यांदा। 23 जो आच्छी धरती पै बोया गया, यो वो सै, जो वचन ताहीं सुणकै समझै सै, अर फळ ल्यावै सै, कोए सौ गुणा, कोए साठ गुणा, अर कोए तीस गुणा।”

24 यीशु नै उन ताहीं एक और उदाहरण दिया: “सुर्ग का राज उस किसान जिसा सै जिसनै अपने खेत मै बढ़िया बीज बोया। 25 पर जिब माणस सोवै थे तो उसका बैरी आकै गेहूँ कै बिचाळै जंगली बीज बोके चल्या गया।

26 जब अंकुर निकड़े अर बाल लागगी, तो जंगली दाण्या के पौधे भी दिखण लागगे।”

27 “इसपै घरेलू नौकरां नै आकै उसतै कह्या, ‘हे माल्लिक, के तन्नै अपने खेत म्ह बढ़िया बीज कोनी बोया था? फेर जंगली दाण्या के पौधे उस म्ह कित्त तै आए?’”

28 “उसनै उनतै कह्या, ‘यो किसे बैरी का काम सै।’ नौकरां नै कह्या, ‘के तेरी मर्जी सै के हम जाकै उन जंगली पौधां नै कट्टे करा?’”

29 “उसनै कह्या, ‘ना, इसा ना हो के जंगली दाण्या के पौधे कट्टे करदे हाण थम उनकै गेल्या गेहूँ नै भी पाड़ ल्यो। 30 लामणी तक दोनुआ नै एक सेत्ती बधण द्यो, अर लामणी के बखत मै काटण आळा तै कहूंगा के पैहल्या जंगली दाण्या के पौधे कट्टे करके बाळण खात्तर उनके भरोट्टे जुड़ ल्यो, अर गेहूँ ताहीं मेरै खत्ते म्ह कट्टा करो।’”

31 उसनै उन ताहीं एक और उदाहरण दिया: “सुर्ग का राज राई के एक दाणे की ढाळ सै, जिस ताहीं किसे माणस नै लेके अपने खेत म्ह बो दिया। 32 वो सारे बीजजां तै छोटटा तो होवै सै पर जब बध जावै सै फेर सारे साग-पात तै बड़ड़ा होवै सै, अर इसा दरखत हो जावै सै के अकास के पंछी आकै उसकी डाळियाँ पै बसेरा करै सै।”

33 उसनै एक और उदाहरण उन ताहीं सुणाया “सुर्ग का राज खमीर की ढाळ सै, जिस ताहीं किसे बिरबान्नी नै लेके तीन पसेरी (पन्द्रह किलो) चून म्ह रळायया अर होन्दे-होन्दे वो सारा चून खमीर बणग्या।”

34 ये सारी बात यीशु नै उदाहरणां म्ह माणसां तै सिखाई, अर इस तरियां की शिक्षा देण खात्तर वो उदाहरणां का ए इस्तमाल करया करदा। 35 के जो वचन नबी के जरिये कह्या गया था, वो पूरा होवै: “मै उदाहरण कहण नै अपना मुँह खोल्लूंगा, मै उन बात्तां नै जो दुनिया की शरुआत तै लुक्की होई सै, जाहिर करूंगा।”

36 फेर वो भीड़ नै छोड़के घरां आया, अर उसके चेल्यां नै उसकै धोरै आकै कह्या, “खेत म्ह जंगली दाणे का उदाहरण म्हारै ताहीं समझा दे।”

37 यीशु नै उन ताहीं जवाब दिया, “बढ़िया बीज का बोण आळा, मै माणस का बेटटा सूं। 38 खेत दुनिया के लोग सै, बढ़िया बीज राज्य की ऊलाद, अर जंगली बीज शैतान की ऊलाद सै। 39 जिस बैरी नै उन ताहीं बोया वो शैतान सै। लामणी दुनिया का खात्मा सै, अर काटण आळे सुर्गदूत सै।”

40 आखर म्ह जिस तरियां जंगली पौधे कट्टे करे जावै अर बाळे जा सै उससे तरियां दुनिया का खात्मा होवैगा।

41 मै माणस का बेटटा अपने सुर्गदूतां नै भेज्जूंगा, अर

वे उसकै राज्य म्ह तै सारे जो खुद पाप करै सै अर दुसरयां नै पाप करण खात्तर उकसावै सै, अर भुन्डे काम करणीया नै कट्टे करैगें। 42 अर उननै आग के कुण्ड म्ह गेरैगें, जड़े रोणा, अर दाँत पिसणा होवैगा। 43 उस बखत धर्मी लोग अपने पिता के राज्य म्ह सूरज की ढाळ चमकैगें। जिसके कान हों, वो ध्यान तै सुण ले।

44 सुर्ग का राज्य खेत म्ह लुहके होड़ धन की ढाळ सै, जिस ताहीं किसे माणस नै पाया अर लहूको दिया, अर खुशी के मारे अपना सारा कुछ बेच दिया अर उस खेत ताहीं मोल ले लिया।

45 फेर सुर्ग का राज्य एक व्यापारी की तरियां सै जो आच्छे मोतियाँ की टोहू म्ह था। 46 जब उसनै एक घणा महंगा मोत्ती मिल्या तो उसनै जाकै अपना सारा कुछ बेच दिया अर उस ताहीं मोल ले लिया।

47 फेर उसनै कह्या, सुर्ग का राज्य उस मच्छली के बड़े जाळ की ढाळ सै जो समुन्दर म्ह गेरया जावै, अर हरेक ढाळ की मच्छी ताहीं समेट ल्यावै। 48 अर जब जाळ भरग्या, तो मछुआरे उस ताहीं किनारे पै खींच ल्यावै, अर बैठके बढ़िया-बढ़िया मच्छी तो बासणा म्ह कट्टी करी अर बेकार बगा दी। 49 दुनिया के अन्त म्ह इस तरियां ए होवैगा। सुर्गदूत आकै दुष्ट लोगगां नै धर्मियाँ तै न्यारे करैगें, 50 अर सुर्गदूत, दुष्ट लोगगां नै आग के कुण्ड म्ह गेरैगें। जड़े रोणा, अर दाँत पिसणा होवैगा।

51 “के थमनै ये सारी बात समझी?” उननै उसतै कह्या, “हाँ।”

52 यीशु नै उनतै कह्या, “इस करके हरेक शास्त्री जो सुर्ग के राज्य का चेल्ला बणया सै, उस घरवासे की तरियां सै जो अपने भण्डार तै नयी अर पुरानी चीज काड्डै सै।”

53 जब यीशु नै ये सारे उदाहरण कह लिये, तो ओड़ै तै चल्या गया।

54 अर अपने नगर नासरत म्ह आकै उनकै आराधनालय म्ह उननै इसा उपदेश देण लागग्या के वे हैरान होके कहण लागये, “इसनै यो ज्ञान अर सामर्थ के काम कित्त तै मिले? 55 के यो खात्ती का छोरा कोनी? अर के इसकी माँ का नाम मरियम अर इसके भाईयाँ का नाम याकूब, यूसुफ, शमौन अर यहूदा कोनी? 56 अर के इसकी सारी बेब्बे म्हारै बिचाळै कोनी रहन्दी? फेर इसनै यो सारा कित्त तै मिल्या?” 57 इस तरियां उननै उसकै कारण ठोक्कर खाई, पर यीशु नै उनतै कह्या, “नबी का अपने गाम अर घर नै छोड़ और किते निरादर कोनी होन्दा।”

58 अर उसनै ओड़ै उनके अविश्वास के कारण घणे चमत्कार के काम न्ही करै।

14

1 उस बखत चौथाई देश के गलील परदेस के राजा हेरोदेस नै यीशु का जिक्र सुण्या, 2 अर उसनै अपणे नौकरां तै कह्या, “यो यूहन्ना बपतिस्मा देण आळा सै! वो मरे होया म्ह तै जिन्दा उठ्या सै, इस्से करकै उसतै ये सामर्थ के काम दिक्खै सै।”

3 यूहन्ना ताहीं पकड़कै बाँधया अर जेळ म्ह गेर दिया था। क्यूँके हेरोदेस नै अपणे भाई फिलिप्पुस के जिन्दा रहन्दे उसकी घरआळी हेरोदियास ताहीं अपणे धोरै राखली थी, 4 क्यूँके यूहन्ना नै उसतै कह्या था के इस ताहीं राखणा मूसा के नियम-कायदा के मुताबिक तेरे खात्तर ठीक कोनी। 5 ज्यांतै वो उसनै मारणा चाहवै था, पर माणसां तै डरै था क्यूँके वे यूहन्ना नै नबी मान्नै थे।

6 पर जब हेरोदेस का जन्म दिन आया, तो हेरोदियास की बेट्टी नै त्योहार म्ह नाच दिखाकै हेरोदेस ताहीं राज्जी करया। 7 इसपै उसनै कसम खाकै वचन भर लिया, “जो कुछ तू माँगैगी, मै तन्नै दियुँगा।”

8 वा अपणी माँ के उकसाण तै बोल्ली, “यूहन्ना बपतिस्मा देण आळे का सिर थाळ म्ह उरै मन्नै मँगवा दे।” 9 राजा घणा दुखी होया, पर अपणी कसम, अर गेल्या बैठण आळा के कारण, हुकम दिया के दे दिया जावै।

10 अर उसनै जेळ म्ह सैनिकां ताहीं भेजकै यूहन्ना का सिर कटवा दिया।

11 अर उसका सिर थाळ म्ह ल्याया गया अर छोरी ताहीं दिया गया, जिस ताहीं वा अपणी माँ धोरै लेगी। 12 फेर यूहन्ना के चेल्लें आए अर उसकी लाश ताहीं ले जाकै गाड़ दिया, अर जाकै यीशु ताहीं खबर दी।

13 जब यीशु नै सुण्या, तो वो किस्ती पै चढ़कै ओड़ै तै किसे सुनसान जगहां ताहीं, एकान्त म्ह चल्या गया। माणस न्यू सुणकै नगर-नगर तै पाँए-पाँ उसकै पाच्छै हो लिये। 14 यीशु किनारे पै पुहुचा तो एक बड्डी भीड़ देखी अर उनपै तरस खाया, अर उनके बिमारां ताहीं ठीक करया।

15 जब साँझ होई तो उसकै चेल्यां नै उसकै धोरै आकै कह्या, “या सुनसान जगहां सै, अर वार होरी सै, माणसां ताहीं बिदा करया जावै के वे बस्तियाँ म्ह जाकै अपणे खात्तर खाणा मोल लियावै।”

16 पर यीशु नै उनतै कह्या, “उनका जाणा जरूरी कोनी! थमे इन्ने खाण नै द्यो।”

17 उननै यीशु तै कह्या, “उरै म्हारै धोरै पाँच रोट्टी अर दो मच्छियाँ नै छोड़कै और कुछ कोनी सै।”

18 यीशु बोल्या, “उन ताहीं उरै मेरै धोरै लियाओ।”

19 फेर यीशु नै माणसां ताहीं घास पै बैठण खात्तर कह्या, अर उन पाँच रोट्टी अर दो मच्छियाँ ताहीं

लिया; सुर्ग कान्ही लखाकै खाणे खात्तर परमेसवर का धन्यवाद करया अर रोट्टी तोड़-तोड़कै चेल्यां ताहीं दी, अर चेल्यां नै माणसां ताहीं। 20 जब सारे खाकै छिकगे, तो चेल्यां नै बचे होए टुकड्या तै भरी होई बारहां टोकरी ठाई। 21 अर खाण आळे लुगाईयाँ अर बाळकां नै छोड़कै, पाँच हजार माणसां के करीबन थे।

22 फेर उसनै जिब्बे अपणे चेल्यां ताहीं किस्ती पै चढ़ण के खात्तर मजबूर करया के वे उसतै पैहल्या पार चले जावै, जब ताहीं वो अपणे माणसां ताहीं बिदा करै। 23 वो माणसां ताहीं बिदा करकै, प्रार्थना करण खात्तर उनतै अलग होकै पहाड़ पै चल्या गया; अर साँझ ताहीं वो ओड़ै एकला था। 24 तब तक किस्ती समुन्दर के किनारे तै भोत दूर जा ली थी अर झाल्लां तै थपेड़े खाके डगमगाण लागरी थी, क्यूँके हवा स्याम्ही की थी।

25 यीशु सबेरै तीन बजे के लोवै-धोवै यीशु समुन्दर पै चाल्दे होए उनकै धोरै आया। 26 चेल्लें उस ताहीं समुन्दर पै चाल्दे होए देखकै घबरागे। अर बोल्ले, “यो भूत सै!” अर भय के मारे किल्ली मारण लागगे।

27 फेर यीशु नै जिब्बे उनतै बात करी अर बोल्ल्या, “होसला राक्खो! मै सूँ, डरो मतना!”

28 पतरस नै उसतै जवाब दिया, “हे प्रभु, जै तू ए सै, तो मन्नै अपणे धोरै पाणी पै चालकै आण का हुकम दे।”

29 यीशु बोल्ल्या, “आ!” फेर पतरस किस्ती पै तै उतरकै यीशु के धोरै जाण ताहीं पाणी पै चाल्लण लाग्या।

30 पर हवा नै देखकै डरग्या, अर जब डूबण लाग्या तो किल्ली मारकै बोल्ल्या, “हे प्रभु, मन्नै बचा!”

31 यीशु नै जिब्बे हाथ बढ़ाकै थाम लिया अर उसतै बोल्ल्या, “हे अल्पबिश्वासी, तन्नै क्यांतै शक करया?”

32 जब वे किस्ती पै चढ़गे, तो हवा थमगी। 33 इस घटना नै देखकै उसके चेल्यां नै जो किस्ती पै थे, उसकी बड़ाई करकै कह्या, “साच्चए, तू परमेसवर का बेट्टा सै।”

34 वे गलील समुन्दर पार करकै गन्नेसरत परदेस म्ह पोहचे। 35 ओड़ै के माणसां नै उस ताहीं पिच्छाण लिया अर लोवै-धोवै के सारे देश म्ह खबर भेज दी, अर सारे बिमारां नै उसकै धोरै ल्याए। 36 अर उसतै बिनती करण लागगै के वे उननै अपणे लत्ते के पल्ले तै ए छू लेण दे अर जितन्या नै उस ताहीं छुआ वे ठीक हगे।

15

1 फेर यरुशलेम नगर तै कुछ फरीसी अर शास्त्री यीशु के धोरै आकै बोल्ले, 2 “तेरे चेल्लें बुजुर्गा के रीति-

रिवाजां ताहीं क्यांतै टाळै सै, क्यूँ बिना हाथ धोए रोट्टी खावै सै?”

3 उसनै उन ताहीं जवाब दिया, “थम भी अपणी रीति-रिवाज कै कारण क्यांतै परमेसवर का हुकम टाळौ सो?

4 क्यूँके परमेसवर नै कह्या, ‘अपणे माँ-बाप की इज्जत कर, अर जो कोए माँ-बाप नै भुंडा बोल्लै, वो मार दिया जावै।’

5 पर थम कहो सो के जै कोए अपणे माँ-बाप तै कहवै, ‘जो कुछ मन्नै थारे ताहीं अपणी सम्पत्ति म्ह तै देणा था, वो मन्नै परमेसवर ताहीं अर्पण ताहीं कर दिया’,

6 तो वो पिता का आदर ना करै, इस तरियां थमनै अपणी रीति-रिवाजां कै कारण परमेसवर का वचन टाळ दिया।

7 हे कपटियों, यशायाह नबी नै थारे बारे म्ह या भविष्यवाणी ठीक करी सै”

8 ये माणस होट्टां तै तो मेरा आदर करै सै, पर उनका मन मेरै तै दूर रहवै सै।

9 “अर वे खांम-खा मेरी भगति करै सै, क्यूँके माणसां के तरीक्यां नै धर्म उपदेश करकै सिखावै सै।”

10 फेर उसनै माणसां ताहीं अपणे धोरै बुलाकै उनतै कह्या, “सुणो, अर समझो

11 जो मुँह म्ह जावै सै, वो माणस नै अशुद्ध कोनी करदा, पर जो मुँह तै लिकडै सै, वोए माणस नै अशुद्ध करै सै।”

12 फेर चेल्यां नै आकै उसतै कह्या, “के तन्नै बेरा सै के फरीसियां नै यो वचन सुणकै टोक्कर खाई?”

13 उसनै जवाब दिया, “हरेक पौधा जो मेरै सुर्गीय पिता नै न्ही लगाया, उखाड़ा जावैगा।

14 उन ताहीं जाण द्यो; वे आन्धे राह बताणीये सै अर आन्धा जै आन्धे नै राह दिखावै, तो दोन्नु ए खड्डे म्ह गिरैगें।”

15 न्यू सुणकै पतरस नै उसतै कह्या, “यो उदाहरण म्हारै ताहीं समझा दे।”

16 यीशु नै उनतै कह्या, “के थम भी इब ताहीं नासमझ सो? 17 के थमनै न्ही बेरा के जो कुछ मुँह म्ह जावै वो पेट म्ह पडै सै, अर संडास कै जरिये लिकड जावै सै? 18 पर जो कुछ मुँह तै लिकडै सै, वो मन तै लिकडै सै, अर वोए माणस ताहीं अशुद्ध करै सै।

19 क्यूँके भुन्डे विचार, हत्या, जारी, बिगान्नी बिरबान्नी धोरै जाणा, चोरी, झूट्टी गवाही अर बुराई मन तै ए लिकडै सै।

20 येए सै जो माणस नै अशुद्ध करै सै, पर हाथ बिना धोए रोट्टी खाणा माणस नै अशुद्ध कोनी करदा।”

21 यीशु ओडै तै लिकडकै, सूर अर सैदा के परदेसां कान्ही चल्या गया।

22 उस परदेस तै एक कनानी बिरबान्नी लिकडी, अर किल्की मारकै कहण लागगी, “हे

प्रभु! दाऊद की ऊलाद, मेरै पै दया कर! मेरी बेट्टी ताहीं ओपरी आत्मा घणी सतावै सै।”

23 पर यीशु नै उसतै कुछ जवाब कोनी दिया। फेर उसके चेल्यां नै आकै उसतै बिनती करी, “इस ताहीं बिदा करो, क्यूँके वा म्हारै पाच्छै रुक्के मारदी आवण लागरी सै।”

24 यीशु नै जवाब दिया, “इस्राएल कै कुणबे की खोई होइ भेड्डां नै छोड़ मै किसे कै धोरै कोनी भेज्या गया।”

25 पर वा आई, अर यीशु ताहीं प्रणाम करकै कहण लागगी, “हे प्रभु, मेरी मदद कर।”

26 यीशु नै जवाब दिया, “छोरयां की रोट्टी लेकै कुत्त्या कै आगगै गेरणा ठीक कोनी।”

27 उसनै कह्या, “साच्ची सै प्रभु, पर कुत्ते भी तो मेज के तळै बाळकां की रोट्टी के टुकड़े खा लेवै सै।”

28 इसपै यीशु नै उस ताहीं जवाब दिया, “हे नारी, तेरा बिश्वास पक्का सै। जिसा तू चाहवै सै, तेरे खात्तर उसाए हो।” अर उसकी बेट्टी उससे घड़ी तै चंगी होगयी।

29 यीशु ओडै तै गलील समुन्दर कै धोरै आया, अर पहाड़ पै चढकै बैठगया।

30 फेर भीड़ की भीड़ उसके धोरै आई। वे अपणे गेल्या लंगड़ा नै, आन्धा नै, टुंडयाँ नै, गूंगया नै अर दुसरे घणेए माणसां नै उसके धोरै ल्याए, अर उन ताहीं उसके पायां म्ह गेर दिया, अर उसनै उन ताहीं ठीक करया।

31 जिब माणसां नै देख्या के गूंगे बोल्लै सै, अर टुंडे चंगे होवै सै, अर लंगड़े चाल्लै सै, अर आन्धे देखवै सै तो हैरान होकै इस्राएल के परमेसवर की बड़ाई करी।

32 यीशु नै अपणे चेल्यां ताहीं बुलाया अर कह्या, “मन्नै इस भीड़ पै तरस आवै सै, क्यूँके वे तीन दिनां तै मेरै गेल्या सै अर उनके धोरै कुछ खाण नै भी कोनी। मै उननै भूक्खा बिदा करणा न्ही चाहन्दा, कदे इसा ना हो राह म्ह थक हार कै बेहोस हो जावै।”

33 चेल्यां नै उसतै कह्या, “हमनै इस बण म्ह कित्त तै इतनी रोट्टी मिलैगी के हम इतनी बड्डी भीड़ ताहीं छिकावा?”

34 यीशु नै उनतै बुझझया, “थारे धोरै कितनी रोट्टी सै?” उननै कह्या, “सात, अर माड़ी-सी छोटी मच्छी।”

35 फेर उसनै माणसां ताहीं धरती पै बैठण का हुकम दिया।

36 अर उन सात रोट्टी अर मच्छियाँ ताहीं लिया, परमेसवर का धन्यवाद करकै तोड्या, अर अपणे चेल्यां ताहीं देन्दा गया, चेल्ले माणसां ताहीं।

37 इस तरियां सारे खाकै छिकगे अर चेल्यां नै बचे होइ टुकड्या तै सात टोकरे ठाए।

38 खाण आळे बिरबानियाँ अर बाळकां नै छोड़कै चार हजार माणस थे।

39 जिब वो भीड़ नै बिदया

7:24-30

21 यीशु ओडै तै लिकडकै, सूर अर सैदा के परदेसां कान्ही चल्या गया। 22 उस परदेस तै एक कनानी बिरबान्नी लिकडी, अर किल्की मारकै कहण लागगी, “हे

करकै किस्ती म्ह चढ़गया अर मगदन देश की सीमा म्ह आया।

16

1 फरीसियाँ अर सद्कियाँ नै धोरै आकै उस ताहीं परखण कै खात्तर उसतै कह्या, “हमनै सुर्ग की कोए निशान्नी दिखा।”

2 उसनै उन ताहीं जवाब दिया, “साँझ नै थम कहो सो, भौसम खुला रहवैगा, क्यातैके अकास लाल सै”, 3 अर तड़कैए नै कहो सो, “आज आँधी आवैगी, क्यूँके अकास लाल अर धूळ-भरया सै।” थम अकास के लच्छण देखकै उसका भेद बता सको सो, पर आज कै बखत म्ह जो होण लाग रह्य सै उसनै देखकै भेद क्यूँ न्ही बता सकदे? 4 इस युग के बुरे अर जार माणस चिन्ह-चमत्कार टोह्वै सै, पर योना नबी के चिन्ह-चमत्कार नै छोड़ उन ताहीं और कोए चिन्ह-चमत्कार कोनी दिया जावैगा।” अर वो उननै छोड़कै चल्या गया।

5 चेल्लें समुन्दर कै परली ओड़ पोहचे, पर वे रोट्टी लेणा भूलगे थे। 6 यीशु नै उनकी कपट रूपी शिक्षा के बारे म्ह उनतै कह्या, “देक्खो, फरीसियाँ अर सद्कियाँ कै खमीर तै चौकन्ने रहियो।”

7 वे आप्पस म्ह विचार करण लागगे, “हम रोट्टी कोनी ल्याए ज्यातै वो इस तरियां कहवै सै।”

8 न्यू जाणकै यीशु नै उनतै कह्या, “हे अल्प बिश्वासियों, थम क्यातै विचार करो सो के म्हारै धोरै रोट्टी कोनी सै? 9 के थम इब ताहीं न्ही समझे? के थमनै उन पाँच हजार की पाँच रोट्टी याद कोनी, अर ना यो के थमनै कितनी टोकरियाँ ठाई थी? 10 अर उन चार हजार की सात रोट्टी, अर ना यो के थमनै कितने टोकरे ठाए थे? 11 थम क्यातै न्ही समझदे के मन्नै थारे तै रोट्टियाँ कै बाबत न्ही कह्या, पर यो के फरीसियाँ अर सद्कियाँ के खमीर तै चौकन्ने रहियो।” 12 फेर उनकै समझ म्ह आया के उसनै रोट्टी कै खमीर तै न्ही, पर फरीसियाँ अर सद्कियाँ की शिक्षा तै चौकन्ने रहण नै कह्या था।

13 यीशु कैसरिया फिलिप्पी के परदेस म्ह आया, अर अपणे चेल्यां तै बुझ्झण लाग्या, “लोग मुझ माणस कै बेट्टे नै के कहवै सै?”

14 वे बोल्ले, “कुछ तो यूहन्ना बपतिस्मा देण आळा कहवै सै, अर कुछ एलिय्याह, अर कुछ यिर्मयाह या नबियाँ म्ह तै कोए एक कहवै सै।”

15 उसनै उनतै कह्या, “पर थम मन्नै के कहो सो?”

16 शमौन पतरस नै जवाब दिया, “तू जिन्दे परमेसवर का बेट्टा मसीह सै।”

17 यीशु नै उस ताहीं जवाब दिया, “हे शमौन, योना के बेट्टे, तू धन्य सै; क्यूँके माँस अर लहू नै न्ही, पर मेरै

पिता नै जो सुर्ग म्ह सै, या बात तेरे पै जाहिर करी सै। 18 अर मै भी तेरे तै कहूँ सूँ के तू पतरस सै, अर मै इस पत्थर पै अपणी कलीसिया बणाऊँगा, अर अधोलोक के फाटक उसपै हावी कोनी होवेंगे। 19 मै तन्नै सुर्ग के राज्य की ताळी दियुँगा जो कुछ तू धरती पै बांधैगा, वो सुर्ग म्ह बंधैगा; अर जो तू धरती पै खोलैगा, वो सुर्ग म्ह खुलैगा।” 20 फेर उसनै चेल्यां ताहीं चिताया के किसे तै ना कहियो के मै मसीह सूँ।

21 उस बखत तै यीशु अपणे चेल्यां तै बताण लाग्या, “जरूरी सै के मै यरुशलेम म्ह जाऊँ अर यहूदी अगुवें, प्रधान याजकां, शास्त्रियाँ के हाथ्यां तै घणा दुख ठाऊँ; अर मार दिया जाऊँ; अर तीसरे दिन जी उठूँ।”

22 इसपै पतरस उसनै न्यारा ले जाकै झिड़कण लाग्या, “हे परभु, परमेसवर इसा ना करै! तेरे गेल्या इसा कदे ना होवैगा।”

23 उसनै पलटकै पतरस तै कह्या, “हे शैतान, मेरै स्याम्ही तै दूर हो! तू मेरै खात्तर ठोक्कर का कारण सै; क्यातैके तू परमेसवर की बातों पै न्ही, पर माणसां की बातों पै मन लगावै सै।”

24 फेर यीशु नै अपणे चेल्यां तै कह्या, “जो कोए मेरा चेल्ला बणणा चाहवै, वो अपणी ए इच्छा पूरी ना करै बल्के अपणे दुखां का करूस ठाकै, मेरै पाच्छै हो लेवै। 25 क्यूँके जो अपणी जान बचाणा चाहवैगा, वो उसनै खोवैगा; अर जो कोए मेरै खात्तर जान खोवैगा, वो उसनै पावैगा। 26 जै माणस सारी दुनिया नै पा लेवै, अर अपणी जान का नुकसान ठावै, तो उसनै के फायदा होगा? या माणस अपणी जान कै बदले के देवैगा? 27 मै माणस का बेट्टा अपणे सुर्गदूतां के गेल्या अपणे पिता की महिमा म्ह आऊँगा, अर उस बखत मै हरेक नै उसकै काम्मां के मुताबिक प्रतिफळ देऊँगा।”

28 “मै थारे तै साच्ची कहूँ सूँ जो आडै खड़े सै उन म्ह तै कुछ इसे सै के जिब तक वे मुझ माणस के बेट्टे नै उसके राज्य म्ह आन्दे होए ना देख लेंगे तब ताहीं मौत उननै छू भी न्ही पावैगी।”

17

1 छः दिनां पाच्छै यीशु नै पतरस अर याकूब अर उसके भाई यूहन्ना ताहीं गेल्या लिया, अर उन ताहीं एकले म्ह किसे ऊँचे पहाड़ पै लेग्या। 2 ओडै उनकै स्याम्ही उसका रूप म्ह बदलाव होया, अर उसका मुँह सूरज की ढाळ चमक्या अर उसके लत्ते चाँदणे की ढाळ धोळे होग्ये। 3 अर मूसा नबी अर एलिय्याह उसकै गेल्या बात करदे होड़ दिक्खे।

4 इसपै पतरस नै यीशु तै कह्या, “हे प्रभु, म्हारा उरै रहणा ठीक सै। जै तेरी मर्जी हो तो मै उरै तीन मण्डप बणाऊँ, एक तेरे खात्तर, एक मूसा नबी खात्तर, एक एलिय्याह नबी खात्तर।”

5 वो बोल्लणए लागरया था के एक चमकदा होया बादळ उनपै छाग्या, अर उस बादळ म्ह तै या वाणी लिकड़ी, “यो मेरा प्यारा बेट्टा सै, जिसतै मै राज्जी सूँ: इसकी सुणो।”

6 चेल्लें न्यू सुणकै मुँह कै बळ गिरगे अर घणे डरगे। 7 यीशु नै धोरै आकै उन ताहीं छुया, अर बोल्या, “उठो, डरो मतना।” 8 फेर उननै अपणी निगांह करी अर यीशु नै छोड़ और किसे ताहीं कोनी देख्या।

9 जब वे पहाड़ पै तै उतरण लागरे थे, तो यीशु नै उनतै यो हुकम दिया, “जिब ताहीं मै माणस का बेट्टा मरे होया म्ह तै जिन्दा न्ही हो जाऊँगा, तब ताहीं जो कुछ थमनै देख्या सै किसे तै ना कहियो।”

10 इसपै उसके चेल्यां नै उसतै बुझ्या, “फेर शास्त्री क्यातै कहवै सै के एलिय्याह का पैहल्या आणा जरूरी सै।”

11 उसनै जवाब दिया, “एलिय्याह जरूर आवैगा, अर सारा कुछ सुधरैगा। 12 पर मै थमनै कहूँ सूँ के एलिय्याह आ लिया, अर माणसां नै उस ताहीं न्ही पिच्छाणा, पर जिसा चाह्या उसाए उसके गेल्या करया। इस तरियां तै मै माणस का बेट्टा भी उनकै हाथ्यां तै दुख ठाऊँगा।” 13 फेर चेल्यां नै समझया के उसनै म्हारै तै यूहन्ना बपतिस्मा देणीये कै बाबत कह्या सै।

14 जब वो भीड़ कै धोरै पोहचे, तो एक माणस उसकै धोरै आया, अर गोड़डे टेक कै कहण लाग्या, 15 “हे प्रभु, मेरे बेट्टे पै दया कर! क्यूँके उस ताहीं मिर्घी आवै सै, अर वो घणा दुख ठावै सै; अर बार-बार आग म्ह अर बार-बार पाणी म्ह पड़ ज्या सै। 16 अर मै उसनै तेरे चेल्यां धोरै ल्याया था, पर वे उसनै ठीक कोनी कर सके।”

17 यीशु नै जवाब दिया, “हे अबिश्वासी अर जिद्दी माणसों, मै कद ताहीं थारे गेल्या रहूँगा? कद ताहीं थारी सहूँगा? उसनै उरै मेरै धोरै ल्याओ।” 18 फेर यीशु नै ओपरी आत्मा ताहीं धमकाया, वा उस म्ह तै लिकड़ग्यी अर छोरा उस्से बखत ठीक होग्या।

19 फेर चेल्यां नै एकले म्ह यीशु कै धोरै आकै कह्या, “हम उसनै क्यातै न्ही काढ सके?”

20 उसनै उनतै कह्या, “अपणे बिश्वास की कमी के कारण, क्यूँके मै थमनै साच्ची कहूँ सूँ, जै थारा बिश्वास राई के दाणै के बराबर भी हो, तो इस पहाड़ तै कह सकोगे, ‘उरै तै सरककै ओड़ै चल्या जा’, तो वो चल्या

जावैगा, अर कोए बात थारे खात्तर मुश्किल कोनी होवैगी।” 21 (पर या जात बिना प्रार्थना अर ब्रत कै कोनी लिकड़दी।)

22 जब वे गलील परदेस म्ह थे, तो यीशु नै उनतै कह्या, “मै माणस का बेट्टा माणसां के हाथ्यां म्ह पकड़वाया जाऊँगा। 23 वे मन्नै मार देवैगें, अर मै तीसरे दिन जिन्दा हो जाऊँगा।” इसपै वे घणे उदास होए।

24 जब वे कफरनहूम पोहचे, तो मन्दर का कर लेण आळा नै पतरस कै धोरै आणकै बुझ्या, “के थारा गुरु, मन्दर का कर कोनी देंदा?”

25 उसनै कह्या, “हाँ, देवै सै।” जब वो घरां आया, तो यीशु नै उसके बुझण तै पैहल्याए उसतै कह्या, “हे शमौन, तू के सोचवै सै? धरती के राजा चुंगी किन तै लेवै सै? अपणे बेट्यां तै या बिगान्यां तै?”

26 पतरस नै उसतै कह्या “बिगान्यां तै।” यीशु नै उसतै कह्या “तो बेट्टे बचगे। 27 तोभी इस खात्तर के हम उननै ठोक्कर ना खुवावा, तू झील कै किनारे जाकै कांडा गेर, अर जो मच्छी पैहले लिकड़ै, उसनै ले, उसका मुँह खोल्लण पै तेरे ताहीं एक सिक्का (जिसकी किम्मत चार दिन की मजदूरी के बराबर हो सै) मिलैगा, उस्से नै लेकै मेरै अर अपणे बदले म्ह दे दियो।”

18

1 उस घड़ी चेल्लें यीशु कै धोरै आकै बुझण लागगे, “सुर्ग कै राज्य म्ह बड़ड़ा कौण सै?”

2 इसपै उसनै एक बाळक ताहीं धोरै बुलाकै उनकै बिचाळै खड्या करया, 3 अर कह्या, “मै थमनै सच कहूँ सूँ के जिब ताहीं थम न्ही बदलो अर बाळकां की ढाळ नमूर न्ही बणो, थम सुर्ग कै राज्य म्ह बड़ न्ही सकदे। 4 जो कोए अपणे-आपनै इस बाळक की ढाळ छोटा करैगा, वो सुर्ग कै राज्य म्ह बड़ड़ा होवैगा। 5 अर जो कोए मेरै नाम तै एक इसे बाळक ताहीं अपणावै सै वो मन्नै अपणावै सै।”

6 पर जो कोए इन छोट्या बाळकां समान जो मेरै पै बिश्वास करै सै, किसे तै भी पाप करवावै, तो उसके खात्तर भला योए सै के एक बड़ड़ी चाक्की का पाट उसके गळ म्ह लटकाया जावै, अर वो डून्धा समुन्दर म्ह डबोया जान्दा। 7 ठोकरां कै कारण दुनिया पै हाय! ठोकरां का लागणा जरूरी सै; पर धिक्कार सै उस माणस पै जिसकै जरिये ठोक्कर लागगै सै। 8 जै तेरा हाथ या तेरा पैर तेरे तै पाप करवावै सै, तो उसनै काटकै बगा दे, टुंडा या लंगड़ा होकै जीवन म्ह दाखल होणा इसतै भला सै के दो हाथ या दो पैर रहंदे होए तू अनन्त आग म्ह गेरया जावै। 9 जै तेरी आँख तेरे तै पाप करवावै सै, तो उस ताहीं लिकाड़कै फेक दे, काणा होकै अनन्त जीवन

म्ह बड़णा तेरे खात्तर भला सै, ना के दो आँख रहंदे होए तू नरक की आग म्ह गेरया जावै।

10 देखो, थम इन छोट्या म्ह तै किसे नै तुच्छ ना जाणीयो, क्यूँके मै थमनै कहूँ सूँ के सुर्ग म्ह उनके सुर्गदूत मेरे सुर्गीय पिता की मौजूदगी म्ह सदा रहवै सै। 11 (क्यूँके मै माणस का बेट्टा खोये होया नै बचाण आया सूँ।)

12 थारा इसके बारे में म्ह के विचार सै? जै किसे माणस की सौ भेड़ हों, अर उन म्ह तै एक भटक जावै, तो के वो निन्यानवे ताहीं छोड़के, अर पहाड़ां पै जाके, उस भटकी होई नै कोनी टोहवैगा? 13 अर जै इसा हो के उसनै पावै, तो मै थमनै साच्ची कहूँ सूँ, के वो उन निन्यानवे भेड़ों के खात्तर जो भटकी कोनी थी, इतना आनन्द कोनी करैगा जितना के इस भेड़ के खात्तर करैगा। 14 इस्से ढाळ थारे पिता की जो सुर्ग म्ह सै या मर्जी कोनी के इन छोट्यां म्ह तै एक भी नाश हो।

15 “जै तेरा बिश्वासी भाई तेरे खिलाफ कसूर करै, तो जा अर एकले म्ह बतळा के उसनै समझा, जै वो तेरी सुणके पछतावै तो तन्नै अपणे भाई ताहीं पा लिया। 16 जै वो तेरी न्ही सुणै, तो एक या दो जन नै अपणे गेल्या और ले जा, क्यूँके मूसा नबी के नियम-कायदा के मुताबिक हरेक बात दो या तीन तै ज्यादा गवाह के स्याम्ही सच साबित हो जावै।” 17 जै वो उनकी भी न्ही मान्ने, तो कलीसिया तै कह दे, पर जै वो कलीसिया की भी कोनी मान्ने तो तू यो समझ ले के वो गैर यहूदी अर चुंगी लेण आळे जिसा सै।”

18 “मै थमनै साच्ची कहूँ सूँ, जो कुछ थम धरती पै बांधोगे, वो सुर्ग म्ह बंधैगा अर जो कुछ थम धरती पै खोल्लोगे, वो सुर्ग म्ह खुलैगा।”

19 “फेर मै थमनै कहूँ सूँ, जै थारे म्ह तै दो जणे धरती पै किसे बात के खात्तर एक मन होके बिनती करै, तो वा मेरे पिता की ओड़ तै जो सुर्ग म्ह सै, उनके खात्तर हो जावैगी। 20 क्यूँके जड़े दो या तीन मेरै नाम पै कट्टे होवै सै, ओड़ै मै उनके बिचाळै म्ह होऊँ सूँ।”

21 जिव पतरस नै धोरै आके उसतै कह्या, “हे प्रभु, जै मेरा भाई कसूर करदा रहवै, तो मै कितनी बार उस ताहीं माफ करूँ? के सात बार?”

22 यीशु नै उसतै कह्या, “मै तेरे तै यो न्ही कहन्दा के सात बार, बल्के सात बार के सत्तर गुणा तक माफ करिये।”

23 “इस करके सुर्ग के राज्य की तुलना इस उदाहरण तै करी जा सके सै, किसे राजा नै अपणे नौकरां का लेक्खा

(ब्यौरा) लेणा चाह्या। 24 जिव वो लेक्खा लेण लाग्या, तो एक जणा उसके स्याम्ही ल्याया गया जो दस हजार तोड़े* का कर्जवान था। 25 जिव के चुकता करण नै उसके धोरै कुछ कोनी था, तो उसके माल्लिक नै कह्या, ‘यो अर इसकी घरआळी अर बाळ-बच्चे अर जो कुछ इसका सै सारा बेच्या जावै, अर कर्ज चुकता करया जावै।’”

26 “इसपै उस नौक्कर नै उसके पायां म्ह पड़के उस ताहीं कह्या, ‘हे राजा धीरज धर, मै सारा कुछ भर दियुँगा।’ 27 इसपै राजा नै तरस खाके उस नौक्कर ताहीं छोड़ दिया, अर उसका कर्जा भी माफ कर दिया।”

28 “पर जिव वो नौक्कर बाहरणै लिकड़या, तो उसके साथ के नौकरां म्ह तै एक उसतै मिल्या जो उसके सौ दीनार (100 दिन की मजदूरी) का कर्जदार था; उसनै पकड़के उसका गळा घोट्या अर कह्या, ‘जो कुछ मेरा तेरे पै कर्ज सै भर दे।’”

29 “इसपै उसका साथ का नौक्कर पायां म्ह पड़के उसतै बिनती करण लाग्या, ‘धीरज धर, मै सारा कुछ भर दियुँगा।’”

30 वो न्ही मान्या, पर जाके उस ताहीं जेळ म्ह गेर दिया के जिव ताहीं कर्जा ना भर दे, तब तक ओड़ै रहवै। 31 उसके गेल्या के नौक्कर यो जो होया था देखके घणे उदास होए, अर जाके अपणे राजा ताहीं पूरा हाल बता दिया।

32 “फेर राजा नै उस ताहीं बुलाके उसतै कह्या, ‘हे दुष्ट नौक्कर, तन्नै जो मेरै तै बिनती करी, तो मन्नै तेरा वो सारा कर्जा माफ कर दिया। 33 ज्यांतै जिस ढाळ मन्नै तेरे पै दया करी, उस्से तरियां के तन्नै भी अपणे साथ के नौक्कर पै दया न्ही करणी चाहिये थी?’ 34 अर उसके माल्लिक नै छो म्ह आके उस ताहीं दण्ड देणआळे के हाथ्यां म्ह सौप दिया, के जिव ताहीं वो सारा कर्जा भर न्ही देवै, तब तक उनके हाथ्यां म्ह रहवै।

35 “इस्से ढाळ जै थारे म्ह तै अपणे भाई नै ना माफ करै तो मेरा पिता जो सुर्ग म्ह सै थारे तै उसाए करैगा।”

19

1 जिव यीशु नै ये बात कह ली, तो गलील परदेस तै चल्या गया; अर यरदन नदी के परली ओड़ यहूदिया परदेस म्ह आया। 2 फेर बड़डी भीड़ उसके पाच्छै हो ली, अर उसनै ओड़ै उन ताहीं चंगा करया।

3 फेर फरीसी उसनै परखण खात्तर धोरै आके बोल्ले, “के किसे भी कारण तै अपनी घरआळी ताहीं छोड़णा ठीक सै?”

4 उसनै जवाब दिया, “के थमनै न्ही पढ़या के जिसनै उन ताहीं बनाया, उसनै शरुआत तै नर अर नारी बनाके

* 18:24 18:24 (1 तोड़ा 15 साल की मजदूरी के बराबर सै)

कह्या, ⁵ इस कारण माणस अपणे माँ-बाप तै न्यारा होकै अपणी घरआळी कै गेल्या रहवैगा अर वे दोन्नु एकए तन होवैगें? ⁶ इस करकै इब वे दो न्ही, पर एक तन सै। इस करकै जिन ताहीं परमेसवर नै जोड़या सै, उन ताहीं माणस न्यारा ना करै।”

⁷ उननै उसतै कह्या, “फेर मूसा नबी नै यो क्यातै ठहराया के तलाक देकै उस ताहीं छोड़दे?”

⁸ उसनै उनतै कह्या, “मूसा नबी नै थारे मन की कठोरता कै कारण थारे तै अपणी-अपणी घरआळी ताहीं छोड़ देण का हुकम दिया, पर शरुआत म्ह इसा कोनी था। ⁹ अर मै थमनै कहूँ सू, के जो कोए जारी नै छोड़कै और किसे कारण तै अपणी घरआळी नै छोड़कै दुसरा ब्याह करै, वो जारी करै सै, जो उस छोड़डी होई तै ब्याह करै, वो भी जारी करै सै।”

¹⁰ चेल्यां नै यीशु तै कह्या, “जै माणस का बिरबान्नी कै गेल्या इसा सम्बन्ध सै, तो ब्याह करणा आच्छा कोनी।”

¹¹ यीशु नै उनतै कह्या, “हरेक कोए इन उपदेशां पै चाल न्ही सकदे, सिर्फ वे जिन ताहीं या शक्ति देई गई सै। ¹² क्यूँके कुछ नपुंसक इसे सै, जो माँके पेट या गर्भए तै इसे जन्मे; अर कुछ नपुंसक इसे सै, जिन ताहीं माणस नै नपुंसक बनाया; अर कुछ नपुंसक इसे सै, जिन नै सुर्ग कै राज्य कै खात्तर खुद ताहीं नपुंसक बनाया सै। जो इस बात ताहीं समझ सकै सै, वे समझ ले।”

¹³ फेर माणस बाळकां नै उसकै धोरै ल्याए, के वो उनकै उप्पर हाथ धरै अर प्रार्थना करै; पर चेल्यां नै उन ताहीं धमकाया।

¹⁴ यीशु नै कह्या, “बाळकां नै मेरै धोरै आण द्यो, अर उन ताहीं मना मतना करो, क्यूँके सुर्ग का राज्य इसाए का सै।” ¹⁵ अर वो उनपै हाथ धरकै ओड़ै तै चल्या गया।

¹⁶ एक माणस यीशु कै धोरै आया अर उसतै कह्या, “हे गुरु, मै कौण सा भला काम करूँके अनन्त जीवन पाऊँ?”

¹⁷ यीशु नै उसतै कह्या, “तू मेरै तै भलाई कै बाबत क्यातै बुझ्झै सै? भला तो एकैए सै, पर जै तू जीवन म्ह दाखल होणा चाहवै सै, तो हुकमां नै मान्या कर।”

¹⁸ उसनै यीशु तै कह्या, “कौण-से हुकम?” यीशु बोल्या, “खून ना करियो, जारी ना करियो, चोरी ना करियो, झूट्टी गवाही ना दियो, ¹⁹ अपणे माँ-बाप का आदर करियो, अर अपणे पडौसी तै अपणे जिसा प्यार राखियो।”

²⁰ उस जवान नै उसतै कह्या, “इन सारया ताहीं तो मननै मान्या सै, इब मननै किस बात की कमी सै?”

²¹ यीशु नै उसतै कह्या, “जै तू सिध्द होणा चाहवै सै तो जा, अपणा सारा माळ बेचकै कंगालां ताहीं दे, अर

तन्नै सुर्ग म्ह धन मिलैगा; अर आकै मेरा चेल्ला बणण खात्तर मेरै पाच्छै हो ले।”

²² पर वो जवान या बात सुणकै उदास होकै चल्या गया, क्यूँके वो घणा साहूकार था।

²³ फेर यीशु नै अपणे चेल्यां तै कह्या, “मै थमनै साच्ची कहूँ सू के साहूकार का सुर्ग के राज्य म्ह बड़णा ओक्खा सै। ²⁴ थारे ताहीं फेर कहूँ सू के जिस तरियां तै ऊँट का सूई कै मोरै म्ह तै लिकड़णा आसान हो सकै सै। पर परमेसवर के राज्य म्ह साहूकार का बड़णा भोत मुशिकल सै।”

²⁵ न्यू सुणकै चेल्यां नै हैरान होकै कह्या, “फेर किसका उद्धार हो सकै सै।”

²⁶ यीशु नै उनकी ओड़ लखाकै कह्या, “माणसां तै तो यो कोनी हो सकदा, पर परमेसवर तै सारा कुछ हो सकै सै।”

²⁷ इसपै पतरस नै उसतै कह्या, “देख, हम तो सारा कुछ छोड़कै तेरे पाच्छै हो लिए सा: तो हमनै के मिलैगा?”

²⁸ यीशु नै उनतै कह्या, “मै थमनै साच्ची कहूँ सू के नयी सृष्टि म्ह जिब माणस का बेट्टा अपणी महिमा के सिंहासन पै बैठैगा, तो थम भी जो मेरै पाच्छै हो लिए सो, बारहां सिंहासनां पै बैठकै इस्राएल के बारहां गोत्रां का न्याय करोगे। ²⁹ अर जिस किसे नै घर, या भाई-भाण, या माँ-बाप, या बाळ-बच्चे, या खेत्तां ताहीं मेरै नाम कै खात्तर छोड़ दिया सै, उस ताहीं सौ गुणा मिलैगा, अर वो अनन्त जीवन का हकदार होवैगा। ³⁰ पर भोत-से जो पैहले सै, पाच्छले होंगे; अर जो पाच्छले सै, पैहले होंगे।”

20

¹ यीशु नै अपणे चेल्यां ताहीं सिखाण खात्तर एक और उदाहरण दिया, “सुर्ग का राज्य किसे घर के माल्लिक की ढाळ सै, जो तड़कैए लिकड़या के अपणे अंगूर के बाग म्ह मजदूरां नै लावै। ² वो मजदूरां नै एक दीनार (एक दिन की मजदूरी) रोज की दिहाड़ी पै ल्याया अर उननै अपणे अंगूर के बाग म्ह भेज्या।”

³ “फेर सबेरै के नौ बजे पाच्छै उसनै लिकड़कै और माणसां ताहीं बजार म्ह खड़े देख्या, ⁴ अर उसनै कह्या, “थम भी अंगूर के बाग म्ह जाओ, अर मै एक दिन की जो भी मजदूरी थारी बणै सै वा थमनै दियुंगा।” अर वे भी काम पै चले गये। ⁵ फेर उसनै बारहां बजे अर तीन बजे कै लोवै लिकड़कै उससे तरियां करया। ⁶ तकरीबन पाँच बजे फेर वो अपणे घर तै गया अर उसनै फेर कई माणसां ताहीं ओड़ै खड़े देख्या, अर उसनै कह्या, “थम क्यांतै सारे

दिन उरै बेकार खड़े रहों सों?’ उननै उसतै कह्या, ‘ज्यांतै के किसे नै म्हारै ताहीं मजदूरी पै कोनी लगाया।’ ”

7 “उसनै उनतै कह्या, ‘थम भी मेरे अंगूर के बाग म्ह काम करण खात्तर जाओ।’ ”

8 “साँझ नै अंगूर के बाग के माल्लिक नै अपने भण्डारी तै कह्या, ‘मजदूरां ताहीं बुलाकै पाच्छल्यां तै लेके पैहल्यां ताहीं उननै मजदूरी दे-दे।’ ”

9 “जो पाँच बजे लगाये थे, उन ताहीं एक-एक दीनार (एक दिन की मजदूरी) मिल्या। 10 जो पैहल्यां आये उननै यो सोच्या के म्हारै ताहीं घणा मिलैगा, पर उननै भी एक-एक दीनार (एक दिन की मजदूरी) ए मिल्या। 11 मजदूरी तो उननै ले ली पर वे अंगूर के बाग के माल्लिक पै बिरड़ाकै कहण लागगे, 12 ‘जो पाच्छै लागगे थे, उननै बस एक घंटा काम करया, अर तन्नै म्हारै ताहीं भी उतनाए दिया जितना उन ताहीं, जिब के हमनै दिन-भर बोझ ठाया अर घाम सहया?’ ”

13 “बाग के माल्लिक नै उन म्ह तै एक ताहीं जवाब दिया, ‘हे दोस्त, मन्नै तेरे गैल कोए अन्याय कोनी करया। के तन्नै ए मेरै तै एक दीनार (एक दिन की मजदूरी) कोनी तय करया था? 14 जो तेरा सै, ठा ले अर चल्या जा; मेरी मर्जी, के जितना तन्नै दियुँ उतनाए इस पाच्छले ताहीं भी दियुँ। 15 के यो ठीक कोनी के मै अपने धन का जो चाहूँ वो करूँ? के मेरै भले होण के कारण तू कड़वी नजर तै देखै सै?’ ”

16 “इस तरियां तै जो पाच्छले सै, वे पैहले होंगे, जो पैहले सै, पाच्छले होवैगें।”

17 जब यीशु अपने बारहां चेल्यां गैल यरुशलेम नगर म्ह जाण लागरया था तो उन ताहीं एकान्त म्ह लेग्या, अर राह म्ह चालते-चालते उनतै बोल्या, 18 “देखो, हम यरुशलेम नगर म्ह जावां सा; अर मै माणस का बेट्टा प्रधान याजकां अर शास्त्रियाँ के हाथ्यां पकड़वाया जाऊंगा, वे मेरे खात्तर मौत की सजा तय करैगें। 19 अर मेरे ताहीं गैर यहूदियाँ के हाथ्यां म्ह सौपैगें, वे मेरा मजाक उड़ावैगें, कोड़े मारैगें, क्रूस पै चढ़ावैगें, अर मै तीसरे दिन जिन्दा हो जाऊंगा।”

20 फेर जब्दी के बेटचाँ की माँ नै, अपने बेटचाँ के गेल्या यीशु के धोरै आके प्रणाम करया, अर उसतै कुछ माँगण लागगी।

21 यीशु नै उसतै कह्या, “तू के चाहवै सै?” वा यीशु तै बोल्ली, “मन्नै वचन दे, के मेरे ये दो बेटटे तेरे राज्य म्ह एक तेरे सोळे अर दुसरा तेरे ओळै कान्ही बेट्टै।”

22 यीशु नै जवाब दिया, “थमनै न्ही बेरा के थम के माँगो सों। जो दुख का कटोरा मै पीण पै सूँ, के थम वो

दुख का कटोरा पी सको सो?” उननै उस ताहीं कह्या, “पी सकां सा।”

23 उसनै उनतै कह्या, “थम मेरे दुख का कटोरा तो पी ल्योगे, पर अपने सोळे अर ओळै कान्ही किसे ताहीं बिठाणा मेरा काम कोनी, पर जिनके खात्तर मेरै पिता की ओड़ तै तयार करया गया, उननै ए खात्तर सै।”

24 न्यू सुणके दसो चेल्लें उन दोन्नु भाईयाँ पै छो करण लागगे। 25 यीशु नै उन ताहीं धोरै बुलाकै कह्या, “थम जाणो सो के गैर यहूदियाँ के हाकिम उनपै राज करै सै; अर जो बड़े सै, वे उनपै हक जमावै सै। 26 पर थारे म्ह इसा कोनी होवैगा; जो कोए थारे म्ह बड़ड़ा होणा चाहवै, वो थारा सेवक बणै, 27 अर जो थारे म्ह प्रधान होणा चाहवै, वो दास बणै, 28 जिसा के मै माणस का बेट्टा, ज्यांतै कोनी आया के मेरी सेवा-पाणी करी जावै, पर ज्यांतै आया के खुद सेवा-पाणी करूँ, अर घणखरयां के छुटकारै के खात्तर अपनी जान देऊँ।”

29 जिब वे यरीहो नगर तै लिकड़ै थे, तो एक बड़डी भीड़ यीशु के पाच्छै हो ली। 30 अर दो आन्धे, जो सड़क के किनारे बेट्टे थे, न्यू सुणके के यीशु जाण लागरया सै, रुक्का मारके कहण लागगे, “हे प्रभु, हे दाऊद की ऊलाद, म्हारै पै दया कर।”

31 माणसां नै उन ताहीं धमकाया के बोल-बाल्ले रहवै; पर वे और भी रुक्के मारके बोल्ले, “हे प्रभु, दाऊद की ऊलाद, म्हारै पै दया कर।”

32 फेर यीशु नै खड़े होके, उन ताहीं बुलाया अर कह्या, “थम के चाहवो सो के मै थारे खात्तर करूँ?”

33 उननै उसतै कह्या, “हे प्रभु, योए के हम देखण लाग जावां।”

34 यीशु नै तरस खाके उनकी आँखां पै हाथ लगाया, अर वे जिब्बे देखण लागगै; अर उसके पाच्छै हो लिये।

21

1 जिब वे यरुशलेम नगर के लोवै पोहचे अर जैतून पहाड़ पै बैतफगे गाम के धोरै आये, तो यीशु नै दो चेल्यां ताहीं न्यू कहके भेज्या, 2 “स्याम्ही के गाम म्ह जाओ। ओड़ै पोहोचदये एक गधी बंधी होई, अर उसके गेल्या बच्चा थमनै मिलैगा। उननै खोल के मेरै धोरै ल्याओ। 3 जै थारे तै कोए कुछ कहवै, तो कहियो के प्रभु नै इसकी जरूरत सै, अर वो तोळा उसनै भेज देवैगा।”

4 यो ज्यांतै होया के जो वचन नबी के जरिये कह्या गया था, वो पूरा हो

5 “यरुशलेम के लोग्गां तै कहो, ‘देख, थारा राजा थारे धोरै आवै सै; वो नम्र सै, अर गधे पै बेट्या सै; बल्के गधी के बच्चे पै।’ ”

6 चेल्यां नै जाकै, जिसा यीशु नै उनतै कह्या था, उससे तरियां करया। 7 अर गधी अर बच्चे ताहीं ल्याकै, उसपै अपणे लत्ते गरे, अर वो उसपै बैठग्या। 8 फेर घणखरे माणसां नै अपणे लत्ते राह म्ह बिछाये, अर माणसां नै दरखतां तै डाळियाँ काटकै राह म्ह बिछाई।

9 जो भीड़ आगै-आगै अर पाच्छै-पाच्छै चाल्ली आवै थी, रुक्के मार-मारकै कहवै थी, “दाऊद की ऊलाद ताहीं होशाना*, धन्य सै वो जो प्रभु के नाम तै आवै सै, अकास म्ह होशाना।”

10 जिब वो यरुशलेम म्ह बड़या, तो सारे नगर म्ह खलबल्ली माचगी, अर माणस कहण लागगे, “यो कौण सै?”

11 माणसां नै कह्या, “यो गलील परदेस के नासरत नगर का नबी यीशु सै।”

12 यीशु नै परमेसवर कै मन्दर म्ह जाकै उन सारया ताहीं, जो मन्दर म्ह लेण-देण करे थे, काढ दिया, अर सर्पां (पईसा का लेण देण करण आळे) के पीढ़े अर कबूतर बेचणीयाँ की चौकियाँ उल्ट दी; 13 अर उनतै कह्या, “लिख्या सै, मेरा घर प्रार्थना का घर कुह्वावैगा; पर थम उसनै डाकुवां की गुफा बणाओ सो।”

14 फेर आन्धे अर लंगड़े, मन्दर म्ह उसकै धोरै आये, अर उसनै उन ताहीं ठीक करया। 15 पर जिब प्रधान याजकां अर शास्त्रियाँ नै इन अनोक्खे काम्मां ताहीं, जो उसनै करे, अर छोरयां ताहीं मन्दर म्ह दाऊद की ऊलाद ताहीं होशाना रुक्के मारदे देख्या, तो वे छो म्ह भरगे,

16 अर उसतै कहण लागगे, “के तू सुणै सै के ये के कहवै सै?” यीशु नै उनतै कह्या, “हाँ; के थमनै यो कदे कोनी पढ्या: ‘बाळकां अर दूध पीन्दे बच्चां कै मुँह तै तन्नै घणी जै-जै कार कराई?’”

17 फेर वो उननै छोड़कै नगर कै बाहरणै आकै बैतनिय्याह गाम म्ह गया अर ओड़ै रात बिताई।

18 तड़कैए जिब वो नगर नै बोहड़ण लागरया था तो उसनै भूख लागगी। 19 सड़क कै किनारे अंजीर का एक दरखत देखकै वो उसकै धोरै गया, अर पत्त्या नै छोड़ उस म्ह और कुछ ना पाकै उसतै कह्या, “इब तै तेरे म्ह फेर कदे फळ कोनी लागै।” अर अंजीर का दरखत जिब्वे सूखग्या।

20 न्यू देखकै चेल्यां नै हैरानी होई अर उननै कह्या, “यो अंजीर का दरखत जिब्वे किस तरियां सूखग्या?”

21 यीशु नै उन ताहीं जवाब दिया, “मै थमनै साच्ची कहूँ सूँ, जै थम बिश्वास राक्खो अर शक ना करो, तो ना केवल यो करोगे जो इस अंजीर कै दरखत गेल्या करया गया सै, पर जै इस पहाड़ नै कहोगे, ‘उखड़ जा,

अर समुन्दर म्ह जा पड़’, तो यो भी हो जावैगा। 22 अर जो कुछ थम प्रार्थना म्ह बिश्वास तै माँगोगे वो सारा थमनै मिलैगा।”

23 वो मन्दर जाकै उपदेश देवै था, तो प्रधान याजकां अर यहूदी अगुवां नै उसकै धोरै आकै बुझ्झया, “तू ये काम किसकै हक तै करै सै? अर तेरे ताहीं यो हक किसनै दिया सै?”

24 यीशु नै उनतै जवाब दिया, “मै भी थारे तै एक बात बुझ्झू सूँ; जै वो मन्नै बताओगे, तो मै भी थमनै बताऊंगा के ये काम किस हक तै करूँ सूँ; 25 यूहन्ना का बपतिस्मा कित्त तै था? सुर्ग की ओड़ तै या माणसां की ओड़ तै?” फेर वे आप्पस म्ह बहस करण लागगे, “जै हम कहां ‘सुर्ग की ओड़ तै’ तो वो म्हारै तै कहवैगा, ‘फेर थमनै उसका बिश्वास क्यातै न्ही करया?’ 26 अर जै कहां ‘माणसां की ओड़ तै’ तो हमनै भीड़ का डर सै, क्यूँके वे सारे यूहन्ना ताहीं नबी मान्नै सै।”

27 फेर उननै यीशु ताहीं जवाब दिया, “हमनै न्ही बेरा।” यीशु नै भी उनतै कह्या, “तो मै भी थमनै कोनी बतान्दा के ये काम किस हक तै करूँ सूँ।”

28 “आच्छा बताओ थम इस बारें म्ह के कहो सो? के किसे माणस कै दो बेटे थे; उसनै पैहले कै धोरै जाकै कह्या, ‘हे बेटे, आज अंगूर के बाग म्ह काम कर।’”

29 “पर बेटे नै जवाब दिया, ‘मै कोनी जान्दा’, पर कुछ बखत के बाद अपणे दिए होए जवाब पै उसनै भोत पछतावा होया अर वो चल्या गया।”

30 “फेर पिता नै दुसरे कै धोरै जाकै न्यूए कह्या, उसनै जवाब दिया, ‘जी हाँ जाऊँ सूँ’, पर कोनी गया।”

31 “इन दोनुवां म्ह तै किसनै पिता की मर्जी पूरी करी?” उननै कह्या, “पैहले नै।” यीशु नै उनतै कह्या, “मै थारे तै साच्ची कहूँ सूँ के चुंगी लेण आळे अर बेश्याएँ थारे तै पैहल्या परमेसवर के राज्य म्ह दाखल हो जावैगे। 32 यो मै इस खात्तर कहूँ सूँ क्यूँके यूहन्ना बपतिस्मा देण आळा धर्म की राह दिखान्दे होए थारे धोरै आया, अर थमनै उसका बिश्वास कोनी करया; पर चुंगी लेण आळे अर बेश्यायाँ नै उसका बिश्वास करया अर थमनै न्यू देखकै भी पाप करणा कोनी छोड़्या अर ना ए उसका बिश्वास करया।”

33 एक और उदाहरण सुणो एक घर का माल्लिक था, जिसनै अंगूर का बाग लगाया, अर उसकै चौगरदे नै बाड़ा बाँध्या, अर रस का कुण्ड खोद्या, अर रुखाळ खात्तर एक मचान बणाया; अर किसानां ताहीं उसका ठेक्का देकै परदेस चल्या गया। 34 जिब फळ का बखत

* 21:9 21:9 होशाना परमेसवर म्हारे ताहीं बचाओ

लोवै आया, तो उसने अपने नौकरों को ताहीं उसका फलों का हिस्सा लेण नै किसानों धोरै भेज्या।

35 पर किसानों नै उसके नौकरों ताहीं पकड़कै, किसे ताहीं छेत्त्या, अर किसे ताहीं मार दिया, अर किसे पै पत्थर बरसाए। 36 फेर उसने पैहल्या तै घणे और नौकरों ताहीं भेज्या, अर उननै भी उससे तरियां करया। 37 आखर म्ह उसने अपने बेटे ताहीं उनकै धोरै न्यू सोचकै भेज्या के वे मेरै बेटे की इज्जत करैगें

38 “पर किसानों नै बेटे ताहीं देखकै आप्पस म्ह कह्या, ‘यो तो वारिस सै, आओ, इसने मार देवा अर इसकी विरासत ले लेवां।’” 39 अर उननै उस ताहीं पकड़्या अर अंगूर के बाग तै बाहरणै काढकै मार दिया।

40 “इस करकै जब अंगूर के बाग का माल्लिक आवैगा, तो उन किसानों कै गेल्या के करैगा?”

41 उननै उसतै कह्या, “वो उन भुन्डे माणसां का भुंड़ी ढाळ नाश करैगा; अर अंगूर के बाग का ठेका दुसरे किसानों ताहीं देवैगा, जो बखत पै उस ताहीं फळ दिया करैगें।”

42 यीशु नै उनतै कह्या, “के थमनै कदे भी पवित्र ग्रन्थ म्ह यो कोनी पढ्या: जिस पत्थर ताहीं राजमिस्त्रियाँ नै बेकार ठहराया था, वोए कुणे के सिरे का पत्थर होग्या? यो प्रभु की ओड़ तै होया, अर म्हारी निगांह म्ह अनोक्खा सै।”

43 “ज्यांतै मै थमनै कहूँ सूँ के परमेसवर का राज्य थारे तै ले लिया जावैगा अर इसी जात ताहीं दिया जावैगा, जो उसका आच्छा फळ ल्यावै सै। 44 जो इस पत्थर पै पड़ैगा, वो चकणाचूर हो जावैगा; अर जिसपै वो पड़ैगा, उसने पिस देवैगा।”

45 प्रधान याजक अर फरीसी उसके उदाहरणों नै सुणकै समझगे, के वो उनकै बाबत कहवै सै। 46 अर उननै उस ताहीं पकड़णा चाह्या, पर माणसां तै डरगे क्यूँके वे उसने नबी मान्नै थे।

22

????? ???? ????????? ? ???? ?????????

1 इसपै यीशु फेर उनतै उदाहरणों म्ह कहण लाग्या,

2 “सुर्ग का राज्य उस राजा की ढाळ सै, जिसने अपने बेटे का ब्याह करया। 3 अर उसने अपने नौकरों ताहीं भेज्या, के न्योदे होड़ माणसां ताहीं ब्याह के जिमणे म्ह बुलावै; पर उननै आणा न्ही चाह्या।”

4 “फेर उसने और नौकरों ताहीं न्यू कहकै भेज्या, ‘न्योदे होड़ माणसां ताहीं कहो देखकों, मन्नै भोज त्यार कर लिया सै, अर मेरे बळध अर पळे होड़ डान्गर काट लिये सै: सारा कुछ त्यार सै; ब्याह के जिमणे म्ह आओ।’”

5 पर वे बेपरवाह होकै चले गये, कोए अपने खेत्तां म्ह, कोए अपने धन्धे पै। 6 और कई माणसां नै तो राजा के नौकरों ताहीं पकड़कै उनकी बेजती करी अर उन ताहीं मार दिया। 7 जब राजा नै यो सुण्या तो छो म्ह भरग्या, अर अपनी पलटन भेजकै उन हत्यारा का नाश करया, अर उनके नगर फूँक दिए।

8 फेर राजा नै अपने नौकरों तै कह्या, ब्याह का भोज तो त्यार सै, पर के न्योदे होड़ माणस इस जोगे कोनी ठहरे। 9 इस करकै चौराहयाँ पै जाओ, अर जितने माणस थमनै मिलै, सारया ताहीं ब्याह कै भोज म्ह बुला ल्याओ। 10 इस तरियां उसके नौकरों नै सड़कां पै जाकै के भुन्डे, के आच्छे, जितने मिले सारया ताहीं कट्ठा करया; ब्याह का घर मेहमानों तै भरग्या।

11 जब राजा मेहमानों नै देखण भीत्तर आया, तो उसने ओड़ै एक माणस ताहीं देख्या, जो ब्याह आळे लत्ते कोनी पहरया था। 12 उसने उसतै बुझ्या, हे दोस्त, तू ब्याह म्ह पैहरे जाण आळे लत्ते पहेरे बिना उरै क्यातै आ गया। उसका मुँह बन्द होग्या।

13 फेर राजा नै नौकरों तै कह्या, इसके हाथ-पैर जुड़कै उस ताहीं बाहरणै अन्धेरे म्ह गेर द्यो, ओड़ै रोणा, अर दाँत पिसणा होवैगा।

14 “क्यूँके बुलाये होड़ तो घणे सै पर चुणे होए कम सै।”

15 फेर फरीसियाँ नै आकै आप्पस म्ह विचार करया, के उसने किस ढाळ बातों म्ह फसावा। 16 इस तरियां उननै अपने चेल्यां ताहीं हेरोदेस राजा के समर्थकों कै गेल्या उसके धोरै न्यू कहण नै भेज्या, “हे गुरु, हमनै बेरा सै, के तू साच्चा सै, अर परमेसवर की राह सच्चाई तै सिखावै सै; अर किसे की परवाह कोनी करदा, क्यूँके तू माणसां का मुँह देखकै बात कोनी करदा। 17 इस करकै हमनै बता तन्नै के समझ आवै सै? कैसर तै चुंगी देणा ठीक सै के न्ही।”

18 यीशु नै उनका कपट जाणकै कह्या, “हे कपटियों, मन्नै क्यातै परखो सो? 19 कर का सिक्का मेरै ताहीं दिखाओ।” फेर उसकै धोरै एक दीनार (एक दिन की मजदूरी) लियाये। 20 उसने उनतै कह्या, “या छाप अर नाम किसका सै?”

21 उननै उसतै कह्या, “कैसर का।” फेर उसने उनतै कह्या, “जो कैसर का सै, वो कैसर ताहीं; अर जो परमेसवर का सै, वो परमेसवर ताहीं द्यो।”

22 न्यू सुणकै उननै हैरानी होई, उस ताहीं छोड़कै चले गये।

23 उससे दिन सद्की जो कहवै सै के मरे होया का दुबारा जिन्दा उठणा सै ए कोनी, उसकै धोरै आये अर

उसतै बुझया, ²⁴ “हे गुरु, मूसा नबी नै कह्या था के जै कोए माणस बेऊलादा मर जावै, तो उसका भाई उसकी घरआळी तै ब्याह करकै अपणे भाई कै खात्तर पीढ़ी पैदा करै। ²⁵ इब म्हारै उरै सात भाई थे; पैहलडा ब्याह करकै मरग्या, अर ऊलाद ना होण कै कारण अपणी घरआळी अपणे भाई कै खात्तर छोड़ गया। ²⁶ इस्से तरियां दुसरे अर तीसरे नै भी करया, अर सातुवां तक योए होया। ²⁷ सारया पाच्छै वा बिरबान्नी भी मरगी। ²⁸ आखर म्ह जिन्दा होण पै वा सातुवां म्ह तै किसकी घरआळी होवैगी? क्यूँके वा सारया की घरआळी बण ली थी।”

²⁹ यीशु नै उनतै जवाब दिया, “थारी गलती या सै के थम पवित्र ग्रन्थ अर परमेसवर की सामर्थ नै न्ही जाणते। ³⁰ क्यूँके मरकै जिन्दा हो जाणकै बाद ब्याह शादी कोनी होन्दी, पर सुर्ग म्ह परमेसवर के सुर्गदूतां की ढाळ होवैगें। ³¹ पर मरकै जिन्दा हो जाणकै बाबत के थमनै यो वचन कोनी पढ़या जो परमेसवर नै थारे तै कह्या ³² भै अब्राहम का परमेसवर, अर इसहाक का परमेसवर, याकूब का परमेसवर सूं? वो मरे होया का न्ही, पर जिन्दा का परमेसवर सै।”

³³ न्यू सुणकै माणस उसके उपदेश तै हैरान होए।

³⁴ जब फरीसियां नै सुण्या के यीशु नै सद्कियां का मुँह बन्द कर दिया, तो वे कट्टे होए। ³⁵ शास्त्री समाज के माणसां म्ह तै एक नै उस ताहीं परखण कै खात्तर उसतै बुझया, ³⁶ “हे गुरु, नियम-कायदा म्ह कौण सा हुकम बड़ड़ा सै?”

³⁷ यीशु नै उसतै कह्या, “तू परमेसवर अपणे प्रभु तै अपणे पूरे मन अर अपणे सारे प्राण अर अपणी सारी बुद्धि के साथ प्यार राख। ³⁸ पैहला अर बड़ड़ा हुकम तो योए सै। ³⁹ अर उस्से जिसा यो दुसरा भी सै के तू अपणे पड़ोसी तै अपणे जिसा प्यार राख। ⁴⁰ ये दो हुकम सारे नियम-कायदे अर नबियां का निचोड़ (आधार) सै।”

⁴¹ जब फरीसी कट्टे थे, तो यीशु नै उनतै बुझया, ⁴² “मसीह कै बारे म्ह थम के सोच्चो सो? वो किसका बेट्टा सै?” उननै यीशु तै कह्या, “दाऊद का।”

⁴³ यीशु नै उनतै बुझया, “तो दाऊद आत्मा म्ह होकै उसनै प्रभु क्यंतै कहवै सै?”

⁴⁴ “प्रभु नै, मेरै प्रभु तै कह्या, मेरै सोळे कान्ही बैठ, जब ताहीं के मै तेरे बैरियां ताहीं तेरे पायां म्ह ना झुका दियुं।”

⁴⁵ “भला, जब दाऊद उसनै प्रभु कहवै सै, तो वो उसका बेट्टा किस ढाळ होया?” ⁴⁶ उसके जवाब म्ह कोए भी एक बात न्ही कह सक्या। पर उस दिन तै दुबारै उसतै कीमे और बुझण की हिम्मत कोनी करी।

23

¹ फेर यीशु नै भीड़ तै अर अपणे चेल्यां ताहीं कह्या, ² “शास्त्री अर फरीसी माणसां नै मूसा नबी के नियम-कायदे सिखाण का हक सै; ³ ज्यांतै वे थारे तै जो कुछ कहवै वो करियो अर मानिये, पर उन जिसे काम ना करियो; क्यूँके वे सिखावै तो सै पर खुद करदे कोनी। ⁴ वे थारे पै कई नियम लागू करै सै जिसका पालन करणा ओक्खा सै, वे माणसां नै उनपै चाल्लण खात्तर मजबूर करै सै; पर वे खुद अपणे नियमां नै कोनी मानते।”

⁵ वे अपणे सारे काम माणसां ताहीं दिखाण कै खात्तर करै सै: वे अपणे ताबिजां नै चौड़ा करै सै जिनपै वे पवित्र ग्रंथ के वचन लिखकै शरीर पै बाँधले सै, अर अपणे लत्यां की झाल्लर बधावै सै, ताके लोग उननै धर्मी समझै। ⁶ भोज म्ह खास-खास जगहां, अर आराधनालयों के खास-खास जगहां बैठणा, ⁷ बजारां म्ह नमस्कार, अर माणसां म्ह गुरु कुह्वाणा उननै भावै सै।

⁸ पर थम गुरु ना कुह्वाणा, क्यूँके थारा एके गुरु सै, अर थम सारे भाई-भाण के समान सों। ⁹ धरती पै किसे नै अपना पिता ना कहियो, क्यूँके थारा एके आत्मिक पिता सै, जो सुर्ग म्ह सै। ¹⁰ अर स्वामी भी ना कुह्वाणा, क्यूँके थारा एके माल्लिक सै, यानिके मसीह। ¹¹ जो थारे म्ह बड़ड़ा हो, वो थारा सेवक या नौक्कर बणै। ¹² जो कोए अपणे-आपनै बड़ड़ा बणावैगा, वो छोटा करया जावैगा: अर जो कोए अपणे-आपनै छोटा बणावैगा, वो बड़ड़ा करया जावैगा।

¹³ हे कपटी शास्त्रियो अर फरीसियों, थारे पै धिक्कार सै! थम माणसां कै खात्तर सुर्ग राज्य का बारणा बन्द करो सो, ना तो थम खुद उस म्ह दाखल होवो सो अर ना उस म्ह दाखल होण आळा नै दाखल होण द्यो सो। ¹⁴ (हे कपटी शास्त्रियो अर फरीसियों, थारे पै धिक्कार सै! थम बिधवा के घरां नै खा जाओ सो, अर अपणे-आपनै धर्मी दिखाण खात्तर घणी वार ताहीं प्रार्थना करदे रहो सो: ज्यांतै थारे ताहीं परमेसवर की ओड़ तै घणा दण्ड मिलैगा।)

¹⁵ हे कपटी शास्त्रियो अर फरीसियों, थारे पै धिक्कार सै! थम एक माणस ताहीं अपणे पंथ म्ह ल्याण कै खात्तर दूर-दूर ताहीं हान्डो सो, अर जब वो पंथ म्ह आ जावै सै, तो खुद तो नरक म्ह जाओ सों पर दुसरयां नै अपणे तै दुगणा नरक जाण का भाग्गी बणा द्यो सो।

¹⁶ हे आन्धे अगुवों, थारे पै धिक्कार सै! थम जो या शिक्षा द्यो सो, के जै कोए मन्दर की सूह खावै तो किमे न्ही, पर जै कोए मन्दर कै सोन्ने की सूह खावै तो उसतै बन्द जावैगा। ¹⁷ हे बेअक्लो अर आंध्यो, कौण बड़ड़ा सै; मन्दर का सोन्ना या वो मन्दर जिसनै उस सोन्ने

ताहीं पवित्र बनाया सै? 18 थम यो भी सिखाओ सो के जै कोए वेदी* की सूह खावै तो किमे न्ही, पर जो भेंट उसपै सै, जै कोए उसकी कसम खावै तो बन्द जावैगा। 19 हे आंध्यो, कौण बड़ड़ा सै; भेंट या वेदी† जिसम्ह भेंट पवित्र होवै सै? 20 इस करकै जो वेदी की कसम खावै सै, वो उसकी अर जो कुछ उसपै सै, उसकी भी कसम खावै सै। 21 जो मन्दर की कसम खावै सै, वो परमेसवर जो उस म्ह रहवै सै, उसकी भी कसम खावै सै। 22 जो सुर्ग की कसम खावै सै, वो परमेसवर कै सिंहासन की अर उसपै बैठण आळे की भी कसम खावै सै।

23 हे कपटी शास्त्रियो अर फरीसियों, थारे पै धिक्कार सै! थम पुदीने, सौंफ, जीरै का दसमां हिस्सा तो द्यो सो, पर थमनै नियम-कायदा की गहरी बात्तां ताहीं यानिके न्याय, दया, अर वफादारी का तिरस्कार करो सों; थमनै दसमां हिस्सा भी देणा चाहिये पर उन खास बात्तां नै भी नजरअंदाज ना करो। 24 हे आन्धे अगुवों, थम छोट्टे-छोट्टे नियमां का पालन करण का तो भोत ध्यान राक्खों सों, जिस तरियां पाणी म्ह तै माच्छर ताहीं तो छाण ल्यो सो, पर परमेसवर के खास हुकम का पालन कोनी करते, जो ऊँट नै निगळ जाणकै समान सै।

25 हे कपटी शास्त्रियो अर फरीसियों, थारे पै धिक्कार सै! क्यूँके थम लालची अर स्वार्थी सों, पर थम अपने-आपनै पवित्र राक्खण का ढोंग करो सों, इस खात्तर थम उन कटोरे अर थाळी के समान सों जो उप्पर तै तो साफ सै पर भित्तर तै वे गन्दे सै। 26 हे आन्धे फरीसियों, पैहल्या माणस नै लूटणा बन्द करो जिब्बे थम धर्म के काम का पालन कर पाओगे अर फेर थम उस कटोरे अर थाळी के समान होवेंगे जो भीत्तर बाहर तै भी साफ हों सै। 27 हे कपटी शास्त्रियो अर फरीसियों, थारे पै धिक्कार सै! थम चुन्ने फिरी होई कबरां के जिसे सो जो उप्पर तै तो सुथरी दिक्खै सै, पर भीत्तर मुदां की हाड्डियाँ अर सारे ढाळ की गन्दगी तै टुकी होई सै। 28 इस्से तरियां तै थम भी उप्पर तै माणसां ताहीं धर्मी दिक्खो सो, पर भीत्तर अधर्म अर कपट तै भरे सो।

29 हे कपटी शास्त्रियो अर फरीसियों, थारे पै धिक्कार सै! थम उन नबियाँ की कब्र समारो सो अर धर्मियाँ की कब्र सजाओ सो, जिन ताहीं थारे पूर्वजां नै मारा था। 30 “अर कहो सो, ‘जै हम अपने बाप-दादां के दिनां म्ह होन्दे तो नबियाँ की हत्या म्ह उनके साइद्वी कोनी होन्दे।’ 31 इस्तै तो थम अपने आप ए या गवाही द्यो सो के थम नबियाँ के हत्यारां के वंशज सो। 32 ठीक सै थम अपने पूर्वजां के पाप का घड़ा भरते जाओ।”

33 हे साँप के सप्पोलों जिसे माणसों, थम नरक की सजा तै किस ढाळ बचोगे? 34 इस करकै देखो, मै थारे धोरै नबियाँ अर समझदार अर शास्त्रियाँ ताहीं भेज्जू सू, अर थम उन म्ह तै कुछां नै मार द्योगे अर कूरुस पै चढ़ावोगे, अर कुछां नै अपने आराधनालयाँ म्ह कोड़े मारोगे अर एक नगर तै दुसरे नगर ताहीं भजांदे फिरोगे। 35 जिसतै धर्मी हाबिल तै लेकै बिरिक्याह के बेट्टे जकर्याह तक, जिस ताहीं थमनै मन्दर अर वेदी कै बिचाळै मार दिया था, जितने भी धर्मी माणसां ताहीं मारया सै, वो सारा दण्ड थारे सिर पै पड़ैगा। 36 मै थमनै सच कहूँ सू, ये सब का दण्ड इस पीढ़ी के माणसां नै भुगतणा पड़ैगा।

37 “हे यरुशलम नगर के लोगों, हे यरुशलम नगर के लोगों! थम नबियाँ नै मार देओ सो, अर जो थारे धोरै भेज्जै गए, उनपै पत्थर बरसाओ सो। कितनी ए बर मन्नै चाह्या के जिस ढाळ मुर्गी अपने बच्चां ताहीं अपने पाक्खां कै तळै छुपा ले सै, उस्से तरियां ए मै भी थारे बाळकां नै कट्टा कर ल्युँ, पर थमनै कोनी चाह्या। 38 देखो, थारा घर थारे खात्तर उजाड़ छोडचा जावै सै। 39 क्यूँके मै थमनै साच्ची कहूँ सू के इब तै जिब ताहीं थम न्ही कहोगे, ‘धन्य सै वो, जो प्रभु के नाम तै आवै सै’ तब तक थम मन्नै फेर दुबारै कदे कोनी देखोगे।”

24

1 जिब यीशु मन्दर तै लिकड़कै जाण लागरया था, तो उसके चेल्लें उस ताहीं मन्दर की बणावट दिखाण कै खात्तर उसके धोरै आये। 2 यीशु नै उनतै कह्या, “के थम ये सारी इमारत न्ही देखते? मै थमनै साच्ची कहूँ सू, उरै पत्थर पै पत्थर भी कोनी रहवैगा, जो गेरया ना जावैगा।”

3 जिब यीशु जैतून के पहाड़ पै बैठचा था, तो चेल्यां नै एक्ले म्ह उसके धोरै आकै कह्या, “हमनै बता, ये बात कद होवैगी? तेरे आण का अर दुनिया के अन्त की के निशान्नी होवैगी?”

4 यीशु नै उन ताहीं जवाब दिया, “चौकन्ने रहियो! कोए थमनै भकाण न्ही पावै, 5 क्यूँके घणखरे इसे होवैगें जो मरै नाम तै आकै कहवैगें, मै मसीह सू, अर घणाए ताहीं भकावैगें। 6 थम रोळे अर लड़ाईया का जिकर सुणोगे, तो घबराईयो ना क्यूँके इनका होणा जरूरी सै, पर उस बखत खात्मा कोनी होवैगा। 7 क्यूँके जात पै

* 23:18 23:18 वेदी-परमेसवर ताहीं भेंट चढ़ाण खात्तर एक जगहां † 23:19 23:19 वेदी-परमेसवर ताहीं भेंट चढ़ाण खात्तर एक जगहां

जात, अर राज्य पै राज्य चढ़ाई करैगा, अर जगहां-जगहां अकाळ पड़ेंगें, अर हाल्लण आवैगें। 8 ये सारी बात दुखां की शरुआत होवैगी।”

9 फेर माणस क्लेश देण कै खात्तर थमनै पकड़वावैगें, अर थमनै मार देवैगें, अर मेरै नाम कै कारण सारी जात्तां के माणस थारे तै बैर राक्खैगें, क्यूँके थम मेरे पै विश्वास करो सों। 10 फेर घणखरे मेरे पै विश्वास करणा छोड़ देंगें, अर एक-दुसरे नै पकड़वावैगें, अर एक-दुसरे तै बैर राक्खैगें। 11 घणखरे झूठे नबी आवैगें, अर घणाए ताहीं भकावैगें। 12 अधर्म कै बढ़ण तै वे एक-दुसरे तै प्यार करणा छोड़ देंगें, 13 पर जो अन्त ताहीं मेरे पै विश्वास राक्खैगा, उस्से ताहीं बचाया जावैगा। 14 अर परमेसवर के राज्य का यो सुसमाचार सारी दुनिया म्ह प्रचार करया जावैगा, ताके सारी जात्तां नै इस ताहीं स्वीकार करण का मौक्का मिलै, ताके थम मेरे गवाह होओ, फेर दुनिया का अन्त आ जावैगा।

15 इस करकै जिब थम उस उजाड़ण आळी घृणित चीज ताहीं जिसका जिक्र दानिय्येल नबी कै जरिये होया था, पवित्र जगहां पै खड़े देक्खो (जो पढ़ै, वो समझै), 16 फेर जो यहूदिया परदेस म्ह हो, वे पहाड़ां पै भाज जावै। 17 जो छात पै हो, वो अपणे घर म्ह तै समान लेण नै तळै न्ही उतरै, 18 अर जो खेत म्ह हो, वो अपणा लत्ता लेण नै पाच्छै न्ही बोहड़ें। 19 उन दिनां म्ह जो गर्भवती अर दूध पिलान्दी बिरबान्नी होवैगीं, उनकै खात्तर भागणा भी मुश्किल होगा! 20 प्रार्थना करया करो के थमनै जाड्डे म्ह या आराम कै दिन भाजणा ना पड़ै। 21 क्यूँके उस बखत इसा भारया क्लेश होवैगा, जिसा दुनिया की शरुआत तै ना इब ताहीं होया ना कदे होवैगा।

22 “अर जै वे दिन घटाए न्ही जान्दे तो कोए प्राणी कोनी बचदा, पर छाँटे होया कै कारण वे दिन घटाए जावैगें। 23 उस बखत जै कोए थमनै कहवै, ‘देक्खो, मसीह उरै सै!’ या ‘ओड़ै सै!’ तो विश्वास ना” करियो। 24 क्यूँके झूठे मसीह अर झूठे नबी उठ खड़े होवैगें, अर बड़े-बड़े चमत्कार, अर अनोक्खे काम दिखावैगें के जै हो सक्या तो छाँटे होया ताहीं भी भका देवैगें। 25 देक्खो, मन्नै पैहल्याए थारे तै यो सारा कुछ कह दिया सै।

26 “इस करकै जै वे थारे तै कहवै, ‘देक्खो, वो बण म्ह सै’, तो बाहरणै ना लिकड़यो; या ‘देक्खो, वो कोठड़ी म्ह सै’, तो विश्वास ना करियो। 27 क्यूँके जिस तरियां बिजळी पूरब तै लिकड़कै पश्चिम ताहीं चमकै सै, उस्से तरियां मुझ माणस के बेट्टे का भी आणा होवैगा। 28 जड़ै लाश हो, उड़ै चील कठठे होवैगें।”

29 उन दिनां के क्लेश कै पाच्छै जिब्वे सूरज अन्धेरै म्ह हो जावैगा, चाँद का चाँदणा जान्दा रहवैगा, अर तारे अकास तै तळै पड़ेंगें, अर अकास की शक्तियाँ हलाई जावैगीं।

30 फेर माणस के बेट्टे का निशान अकास म्ह दिखैगा, अर फेर धरती के सारे खानदान्ना के माणस छात्ती पिटैगें; अर माणस के बेट्टे ताहीं बड्डी सामर्थ अर महिमा कै गेल्या अकास के बादळां पै आन्दे देक्खोगे।

31 वो तुरही की तेज आवाज कै गेल्या अपणे सुर्गदूतां नै खन्दावैगा, अर वे अकास के इस सिरे तै उस सिरे ताहीं, च्यारु दिशायां तै उसके चुणे होया नै कट्टे करैगें।

32 अंजीर के दरखत तै यो उदाहरण सीक्खो: जिब उसकी डाळी कोमल हो जावै अर पत्ते लिकड़ण लाग ज्या सै, तो थम जाण ल्यो के गर्मी का बखत लोवै सै।

33 इस्से तरियां तै जिब थम इन सारी बाततां नै देक्खो, तो जाण ल्यो के वो लोवै सै, बल्के दरबाजे पै सै। 34 मै थमनै साच्ची कहूँ सूँ के जिब ताहीं ये सारी बात पूरी ना हो लेवै, जद ताहीं इस पीढ़ी का अन्त कोनी होवैगा। 35 धरती अर अकास टळ जावैगें, पर मेरी बात कदे न्ही टळैगी।

36 “उस दिन अर उस बखत कै बारै म्ह कोए न्ही जाणदा, ना सुर्गदूत अर ना बेट्टा, पर सिर्फ पिता।

37 जिसा पूर्वज नूह के दिनां होया था, उस्से तरियां ए माणस के बेट्टे का आणा होगा। 38 क्यूँके जिस तरियां बाढ़ तै पैहले के दिनां म्ह, जिस दिन ताहीं नूह जहाज पै न्ही चढ़या, उस दिन ताहीं माणस खावै-पीवै थे, अर उन म्ह ब्याह होवै थे। 39 अर जिब ताहीं बाढ़ आकै उन सारया ताहीं बहा न्ही लेग्या, जद ताहीं उननै किमे बेरा न्ही पाटचा; इस्से तरियां ए मुझ माणस के बेट्टे का आणा भी होगा। 40 उस बखत दो जणे खेत म्ह होंगे, एक ठाया जावैगा अर दुसरा छोड़ दिया जावैगा। 41 दो बिरबान्नी एक साथ चाक्की पीसदी होवैगी, एक ठा ली जावैगी अर दुसरी छोड़ दी जावैगी।”

42 इस करकै जागदे रहो, क्यूँके थमनै न्ही बेरा के थारा प्रभु किस दिन आवैगा। 43 पर न्यू जाण ल्यो के जै घर का माल्लिक नै बेरा हो के चोर किस घड़ी आवैगा तो जागदा रहन्दा, अर अपणे घर म्ह सेंध लागण न्ही देन्दा। 44 ज्यांतै थम भी त्यार रहो, क्यूँके जिस घड़ी कै बारै म्ह थम सोचदे भी कोनी, उस्से घड़ी मै माणस का बेट्टा आ जाऊंगा।

45 “आखर म्ह वो विश्वास जोगगा अर अकलमंद दास कौण सै, जिस ताहीं माल्लिक नै अपणे नौक्कर-चाकरां पर सरदार ठहराया के बखत पै उननै खाणा देवै? 46 धन्य सै वो नौक्कर, जिस ताहीं उसका माल्लिक आकै इसाए करदा पावै। 47 मै थमनै साच्ची कहूँ सूँ, वो उसनै अपनी

सारी धन-सम्पत्ति का माल्लिक बणावैगा। 48 पर जै वो दुष्ट दास सोच्चण लाग्गै के मेरै माल्लिक कै आण म्ह वार सै, 49 अर अपणे साथी नौकरां नै पिट्टण लाग्गै, अर शराबियाँ कै गेल्या खावै-पीवै। 50 तो उस नौकर का माल्लिक उस दिन बोहड़ैगा, जिब वो उसकी बाट ना देख्दा हो, अर इसे बखत म्ह आवैगा जिसका उसनै ना बेरा हो, 51 जिब वो उसनै भारी सजा देगा उसकी गिणती कपटियाँ कै म्ह गिणी जावैगी: ओड़ै रोणा अर दाँत पिसणा होगा।”

25

1 यीशु नै अपणे चेल्यां ताहीं एक और उदाहरण देकै कह्या, “सुर्ग का राज्य उन दस कुँवारियाँ के जिसा होगा जो अपणी मशाल लेकै बन्दडे तै फेटण लिकडी। 2 उन म्ह पाँच बेअक्ल अर पाँच समझदार थी। 3 बेअक्ली कुवारियाँ नै अपणी मशाल तो ली, पर अपणे गेल्या फालतू तेल न्ही लिया; 4 पर समझदारां नै अपणी मशालां कै गेल्या अपणी कुप्पियाँ म्ह तेल भी भर लिया। 5 जिब बन्दडे कै आण म्ह वार होई, तो वे सारी ऊँघण लाग्गी अर सोगी।”

6 “आध्धी रात नै धूम माच्ची: ‘देखो, बन्दड़ा आण लागरया सै! उसतै फेटण नै चाल्लोँ।’”

7 “फेर वे सारी कुँवारियाँ उठकै अपणी मशाल ठीक करण लाग्गी। 8 अर बेअक्लियाँ नै समझदारां तै कह्या, ‘अपणे तेल म्ह तै कुछ हमनै भी द्यो, क्यूँके म्हारी मशाल बुझ्झण लागरी सै।’”

9 “पर समझदारां नै जवाब दिया, ‘कदे यो म्हारै अर थारे खात्तर पूरा ना पडै; भला तो योए सै के थम बेचणीयाँ कै धोरै जाकै अपणे खात्तर मोल लियाओ।’”

10 जिब वे मोल लेण नै जावै थी तो बन्दड़ा आण पोंहच्या, अर जो त्यार थी, वे उसकै गेल्या ब्याह कै घर म्ह चली गई अर बारणा मूंद दिया गया।

11 “इसकै पाच्छै वे दुसरी कुँवारियाँ भी बोहड़कै आई अर बन्दडे तै कहण लाग्गी, ‘हे माल्लिक, हे माल्लिक, म्हारै खात्तर किवाड़ खोल दे।’”

12 “उसनै जवाब दिया, ‘मै थारे ताहीं साच्ची कहूँ सूँ, मै थमनै कोनी जाण्दा।’”

13 इस करकै चोक्कने रहो, क्यूँके मेरे आण के उस दिन नै थम कोनी जाणते, ना उस घड़ी नै जिस दिन म्ह आऊँगा।

14 सुर्ग का राज्य उस माणस के उदाहरण के समान भी सै, जिसनै परदेस जान्दे बखत अपणे नौकरां ताहीं बुलाकै अपणी कुछ सम्पत्ति उन ताहीं सौप दी, ताके वे व्यापर करकै घणा धन जोड़ ले। 15 उसनै एक तै पाँच

तोड़े (1 तोड़ा 15 साल की मजदूरी के बराबर सै), दुसरे ताहीं दो, अर तीसरे ताहीं एक; यानिके हरेक नै उसकी काबिलियत कै मुताबिक दिया, अर फेर परदेस चल्या गया। 16 फेर, जिस ताहीं पाँच तोड़े मिले थे, उसनै जिब्बे जाकै उनतै लेण-देण करया, अर पाँच तोड़े* और कमाए। 17 इस्से तरियां तै जिस ताहीं दो मिले थे, उसनै भी दो और कमाए। 18 पर जिस ताहीं एक मिल्या था, उसनै जाकै माट्टी खोड़ी, अर अपणे माल्लिक का धन लह्को दिया।

19 घणे दिनां पाच्छै उन नौकरां का माल्लिक आया, अर उनतै हिसाब लेण लाग्या, के उननै उन पर्ईसा तै के कुछ करया। 20 जिसनै पाँच तोड़े मिले थे, उसनै पाँच तोड़े और ल्याकै कह्या, हे माल्लिक, तन्नै मेरै ताहीं पाँच तोड़े सौप्पे थे, लखा, मन्नै ये पाँच तोड़े और कमाए सै।

21 उसकै माल्लिक नै उसतै कह्या, शाबाश, हे भरोस्से के लायक आच्छे नौकर, तू थोड़े-से धन म्ह भी भरोसमंद लिकड्या, मै तन्नै घणी चिज्जां का अधिकारी बणाऊँगा। अपणे माल्लिक कै आनन्द म्ह साइझी हो।

22 फेर जिस ताहीं दो तोड़े मिले थे, उसनै भी आकै कह्या, हे माल्लिक, तन्नै मेरै ताहीं दो तोड़े सौप्पे थे, देख, मन्नै दो तोड़े और कमाए सै।

23 उसकै माल्लिक नै उसतै कह्या, शाबाश, हे भरोस्से के लायक आच्छे नौकर, तू थोड़े म्ह भी भरोसमंद लिकड्या; मै तन्नै घणी चिज्जां का अधिकारी बणाऊँगा। अपणे माल्लिक कै आनन्द म्ह साइझी हो।

24 फेर जिस ताहीं एक तोड़ा† मिल्या था, उसनै आकै कह्या, हे माल्लिक, मै तन्नै जाणु था, के तू इसा माणस सै: जित्त किते तू बीज न्ही बोन्दा ओड़ै फसल काट्टै सै, अर जित्त न्ही खिंडान्दा ओड़ै तै कट्टा करै सै। 25 जै मै तेरा तोड़ा खो देता तो तू मन्नै दण्ड देता, ज्यांतै मै डरग्या अर जाकै तेरा तोड़ा माट्टी म्ह दबा दिया। देख, जो तेरा सै, वो यो सै।

26 उसकै माल्लिक नै उस ताहीं जवाब दिया, हे दुष्ट अर आलसी नौकर, जिब तन्नै न्यू बेरा था के जित्त मन्नै बीज न्ही बोया ओड़ै तै फसल काट्टू सूँ, अर जित्त मन्नै न्ही खिंडाया ओड़ै तै कट्टा करूँ सूँ; 27 जै तन्नै बेरा था के मै इसा सूँ, तो तू मेरा धन सर्राफां नै ए दे देंदा, फेर मै आकै अपणा धन ब्याज सुधां ले लेन्दा।

28 माल्लिक नै अपणे नौकरां तै कह्या, ज्यातै वो तोड़ा‡ उसतै ले ल्यो, अर जिसकै धोरै दस तोड़े सै उसनै दे द्यो। 29 क्यूँके जिस किसे धोरै सै, उस ताहीं और दिया जावैगा; अर उसकै धोरै घणा हो जावैगा: पर जिसकै

* 25:16 25:16 (1 तोड़ा 15 साल की मजदूरी के बराबर सै) † 25:24 25:24 (1 तोड़ा 15 साल की मजदूरी के बराबर सै) ‡ 25:28 25:28 (1 तोड़ा 15 साल की मजदूरी के बराबर सै)

धोरै न्ही सै, उसतै वो भी जो उसकै धोरै सै, ले लिया जावैगा।³⁰ इस निकम्मे नौक्कर नै बाहर अन्धेरै म्ह गेर द्यो, जित्त रोणा अर दाँत पिसणा होगा।

³¹ जिब मै माणस का बेट्टा अपणी महिमा म्ह आऊँगा अर सारे सुर्गादूत मेरे गेल्या आवैगें, तो मै अपणी महिमा कै सिंहासन पै बैठुंगा।³² अर सारी जात मेरे स्याम्ही कट्ठी करी जावैगी; अर जिस ढाळ पाळी भेड्डां नै बकरियाँ तै न्यारी कर देवै सै, उस्से तरियां मै उननै एक-दुसरे तै न्यारा करूँगा।³³ मै भेड्डां नै अपणी सोळी ओड़ अर बकरियाँ नै ओळी ओड़ खड्या करूँगा।

³⁴ “फेर मै राजा अपणी सोळी ओड़ आळा नै कहूँगा, हे मेरे पिता के धन्य माणसों, आओ, उस राज्य के हकदार हो जाओ, जो दुनिया की शरुआत तै थारे खात्तर त्यार करया गया सै।³⁵ क्यूँके जिब मै भूक्खा था, तो थमनै मेरै ताहीं खाण नै दिया; मै तिसाया था, तो थमनै मेरै ताहीं पाणी पिलाया; मै परदेशी था, तो थमनै मेरै ताहीं अपणे घरां ठहराया;³⁶ मै उघाड़ा था, तो थमनै मेरै ताहीं लत्ते पिहराए; मै बीमार था, तो थमनै मेरा बेरा लिया, मै जेळ म्ह था, तो थम मेरै तै मिलण आये।”

³⁷ “फेर धर्मी उस ताहीं जवाब देवैगें, हे प्रभु, हमनै कद तेरे ताहीं भूक्खा देख्या अर खुवाया? या कद तिसाया देख्या अर पाणी पिलाया? ³⁸ हमनै कद तेरे ताहीं परदेशी देख्या अर अपणे घरां ठहराया? या उघाड़ा देख्या अर लत्ते पिहराये? ³⁹ हमनै कद तेरे ताहीं बीमार या जेळ म्ह देख्या अर तेरा बेरा लेण आये?”

⁴⁰ “फेर मै राजा उननै जवाब देऊँगा, मै थमनै साच्ची कहूँ सूँ के थमनै जो मेरे इन छोट्या तै छोट्टे विश्वासी भाईयाँ म्ह तै किसे एक कै गेल्या करया, वो मेरै ए गेल्या करया।”

⁴¹ “फेर मै ओळै कान्ही आळा ताहीं कहूँगा, हे श्रापित माणसों, मेरै स्याम्ही तै उस अनन्त आग म्ह चले जाओ, जो परमेसवर नै शैतान अर उसके दूतां खात्तर त्यार करी सै।⁴² क्यूँके मै जिब भूक्खा था, तो थमनै मेरै ताहीं खाण नै कोनी दिया; मै तिसाया था, तो थमनै मेरै ताहीं पाणी कोनी पियाया; मै जिब परदेशी था, तो थमनै मेरै ताहीं अपणे घरां कोनी ठहराया; ⁴³ मै नंगा था, तो थमनै मेरै ताहीं लत्ते कोनी पिहराए; मै जिब बीमार था, तो थमनै मेरा बेरा कोनी लिया, मै जेळ म्ह था, तो थम मेरै तै मिलण कोनी आये।”

⁴⁴ “फेर वे जवाब देवैगें, हे प्रभु, हमनै तेरे ताहीं कद भूक्खा, या तिसाया, या परदेशी, या उघाड़ा, या बीमार, या जेळ म्ह देख्या, अर तेरी सेवा-पाणी न्ही करी?”

⁴⁵ “फेर मै उननै जवाब देऊँगा, मै थमनै साच्ची कहूँ सूँ के थमनै जो मेरे इन छोट्या तै छोट्या म्ह तै किसे एक कै गेल्या न्ही करया, वो मेरै गेल्या भी न्ही करया।”

⁴⁶ “अर अधर्मी जन अनन्त दण्ड भोगैगें पर धर्मी जन अनन्त जीवन म्ह दाखल होंगे।”

26

¹ जिब यीशु नै ये सारी बात कह ली तो अपणे चेल्यां तै कहण लाग्या, ² “थमनै बेरा सै के दो दिनां पाच्छे फसह का त्यौहार सै, अर मै माणस का बेट्टा क्रूस पै चढ़ाण कै खात्तर पकड़वाया जाऊँगा।”

³ फेर प्रधान याजक अर प्रजा के यहूदी अगुवें, काइफा नामक महायाजक कै आँगण म्ह कट्टे होए, ⁴ अर आप्पस म्ह विचार करण लाग्गे के यीशु ताहीं धोक्खे तै पकड़के मार देवा। ⁵ पर वे कहवै थे, “त्यौहार कै बखत न्ही, कदे इसा ना हो के माणसां म्ह रोळा माच ज्या।”

⁶ जिब यीशु बैतनिय्याह गाम म्ह शमौन कोदी कै घरां था, ⁷ तो एक बिरबान्नी संगमरमर कै बरतन म्ह म्हंगा खसबूदार तेल लेके उसकै धोरै आई, अर जिब वो खाणा खाण नै बेट्या था तो उसकै सिर पै उंडेल दिया।

⁸ न्यू देखके उसके चेल्लें खीजके अर कहण लाग्गे, “इसका क्यातै नाश करया गया? ⁹ इस ताहीं तो बढ़िया दाम्मां पै बेचके कंगालां म्ह बांडया जा सकै था।”

¹⁰ न्यू जाणके यीशु नै उनतै कह्या, “बिरबान्नी नै क्यातै सताओ सो? उसनै मेरै गेल्या भलाई करी सै। ¹¹ कंगाल तो थारे गेल्या सारी हाण रहवै सै, पर मै थारे गेल्या सारी हाण कोनी रहूँगा। ¹² उसनै मेरी देह पै जो यो म्हंगा खसबूदार तेल उंडेला सै, वो मेरे गाड़े जाणके खात्तर करया सै। ¹³ मै थमनै साच्ची कहूँ सूँ, के सारे दुनिया म्ह जित्त किते भी यो सुसमाचार प्रचार करया जावैगा, ओड़ै उसकै इस काम का जिक्र भी उसकी याद म्ह करया जावैगा।”

¹⁴ फेर यहूदा इस्करियोती नै, जो बारहां चेल्यां म्ह तै एक था, प्रधान याजकां कै धोरै जाके कह्या, ¹⁵ “जै मै यीशु नै थारे हाथ्यां म्ह पकड़वा दियुँ, तो मन्नै के द्योगे?” उननै तीस चाँदी के सिक्के तौलके दे दिये। ¹⁶ अर वो उस्से बखत तै यीशु नै पकड़वाण का मौक्का टोळू लाग्या।

¹⁷ अखमीरी रोट्टी कै त्यौहार कै पैहलडे दिन, चेल्लें यीशु कै धोरै आके बुद्धण लाग्गे, “तू कित्त चाहवै सै के हम तेरे खात्तर फसह खाण की त्यारी करा?”

¹⁸ यीशु बोल्या, “नगर म्ह फलाणा माणस नै जाके उसतै कहो, गुरु कहवै सै के मेरा बखत लोवै सै। मै अपणे चेल्यां कै गेल्या तेरे उरै फसह का त्यौहार बणाऊँगा।”

19 आखर चेल्यां नै यीशु का हुकम मान्या अर फसह का भोज त्यार करया।

20 जिब साँझ होई तो यीशु बारहां चेल्यां कै गेल्या खाणा खाण कै खात्तर बेठ्या। 21 जिब वे खाण लागरे थे तो यीशु नै कह्या, “मै थमनै साच्ची कहूँ सूँ के थारे म्ह तै एक मन्नै धोक्खा देकै पकड़वावैगा।”

22 इसपै चेल्लें घणे उदास होए, अर हरेक उसतै बुझ्झण लाग्या, “हे गुरु, के वो मै सूँ?”

23 यीशु नै जवाब दिया, “जिसनै मेरै गेल्या थाळी म्ह हाथ घाल्या सै, वोए मन्नै पकड़वावैगा। 24 मै माणस का बेट्टा तो जिसा मेरे बारै म्ह लिख्या सै, अर जावै ए सै; पर उस माणस पै धिक्कार सै जिसकै जरिये मै माणस का बेट्टा पकड़वाया जाऊँगा: जै उस माणस का जन्म ए न्ही होंदा, तो उसकै खात्तर भला होंदा।”

25 फेर यीशु कै पकड़वाण आळे यहूदा नै कह्या, “हे गुरु, के वो मै सूँ?” यीशु उसतै बोल्या, “तन्नै कह लिया।”

26 जिब वे फसह खाण लागरे थे, तो यीशु नै रोटी ली, अर आशीष माँगकै तोड़ी, अर चेल्यां ताहीं देकै कह्या, “ल्यो, खाओ; या मेरी देह सै।”

27 फेर यीशु नै अपना कटोरा लेकै परमेसवर का धन्यवाद करया, अर उन ताहीं देकै कह्या, “थम सारे इस म्ह तै पियो, 28 क्यूँके यो करार का मेरा वो लहू सै, जो घणखरयां कै खात्तर पापां की माफी कै खात्तर बहाया जावै सै। 29 मै थमनै साच्ची कहूँ सूँ के अंगूर का यो रस उस दिन ताहीं कदे न्ही पिऊँगा, जिब थारे गेल्या अपणे पिता कै राज्य म्ह नया न्ही पीऊँ।”

30 फेर वे भजन गाकै जैतून कै पहाड़ पै गए।

31 फेर यीशु नै उनतै कह्या, “थम आज ए रात नै मेरै बाबत ठोक्कर खाओगे, क्यूँके लिख्या सै: ‘मै पाळी नै माँगा, अर टोळ की भेड़ तित्तर-बितर हो जावैगी।’”

32 “पर मै अपणे जिन्दा उठण कै बाद थारे तै पैहल्या गलील परदेस म्ह मिलूँगा।”

33 इसपै पतरस नै उसतै कह्या, “जै सारे छोड़ै तो छोड़ै, पर मै तेरा साथ कदे न्ही छोड़ूँगा।”

34 यीशु नै उसतै कह्या, “मै तेरे तै सच कहूँ सूँ के आज ए रात नै मुर्गे के बाँग देण तै पैहल्या, तू तीन बर मेरै बारै म्ह मुकरैगा।”

35 पतरस नै उसतै कह्या, “जै मन्नै तेरे गेल्या मरणा भी पड़ै, तोभी मै तेरा इन्कार कदे कोनी करूँगा।” इससे तरियां और सारे चेल्यां नै भी न्युए कह्या।

36 फेर यीशु अपणे चेल्यां कै गेल्या गतसमनी नामक एक जगहां म्ह आया अर अपणे चेल्यां तै कहण लाग्या,

“उरैए बेठठे रहियो, जिब ताहीं मै ओड़ै प्रार्थना करूँ।”

37 वो पतरस अर जब्दी के दोन्नु बेट्टा नै गेल्या लेग्या, अर उदास अर काल होण लाग्या। 38 फेर उसनै उनतै कह्या, “मेरा मन घणा उदास सै, उरै ताहीं के मेरा जी लिकड़ण नै होरया सै। थम उरै ठहरो अर जागदे रहो।”

39 फेर वो माड़ा और आगै सरक कै मुँह कै बळ गिरया, अर या प्रार्थना करण लाग्या, “हे मेरे पिता, जै हो सकै तो यो दुख का कटोरा मेरै तै टळ जावै, तोभी जिसा मै चाहूँ सूँ इसा न्ही, पर जिसा तू चाहवै सै उससे तरियां ए होवै।”

40 फेर उसनै चेल्यां कै धोरै आकै उन ताहीं सोन्दे पाया अर पतरस तै कह्या, “के थम मेरै गेल्या एक घड़ी भी कोनी जाग सके? 41 जागदे रहो, अर प्रार्थना करदे रहो के थम परखे ना जाओ, आत्मा तो त्यार सै पर देह कमजोर सै।”

42 फेर उसनै दुसरी बार जाकै या प्रार्थना करी, “हे मेरे पिता, जै यो मेरै पिए बिना न्ही हट सकदा, तो तेरी मर्जी पूरी हो।” 43 फेर उसनै आकै उन ताहीं फेर सोन्दे पाया, क्यूँके उनकी आँखां म्ह नींद भरी थी। 44 उननै छोड़कै वो फेर चल्या गया, अर उन्हे शब्दां म्ह फेर तीसरी बार प्रार्थना करी।

45 फेर उसनै चेल्यां कै धोरै आकै उनतै कह्या, “इब सोन्दे रहो, अर आराम करो: देखो, बखत आण पोंहच्या सै, अर मै माणस का बेट्टा पापियाँ के हाथ्यां पकड़वाया जाऊँगा। 46 उठो, चाल्लां; देखो, मेरा पकड़ण आळा धोरै आण पोंहच्या सै।”

47 वो न्यु कहण ए लागरया था के यहूदा जो बारहां चेल्यां म्ह तै एक था आया, अर उसकै गेल्या प्रधान याजकां अर यहूदी अगुवां की ओड़ तै बड़डी भीड़, तलवार अर लाट्टी लिये होए, आई। 48 यीशु कै पकड़वाण आळे यहूदा नै उन ताहीं यो इशारा दिया था: “जिस ताहीं मै चूम ल्युँ वोए सै; उस ताहीं पकड़ लियो।” 49 अर जिब्बे यीशु कै धोरै आकै कह्या, “हे गुरु, नमस्कार!” अर उस ताहीं घणा चुम्या।

50 यीशु नै उसतै कह्या, “हे दोस्त, जिस काम कै खात्तर तू आया सै, उसनै करले।” फेर उननै धोरै आकै यीशु पै हाथ गेरया अर उस ताहीं पकड़ लिया। 51 यीशु के साथियाँ म्ह तै एक नै हाथ बढ़ाकै अपनी तलवार खींच ली अर महायाजक के नौक्कर पै चलाकै उसका कान उड़ा दिया।

52 फेर यीशु नै उसतै कह्या, “अपणी तलवार म्यान म्ह धर ले क्यूँके जो तलवार चलावै सै वे सारे तलवार तै नाश करे जावेंगे। 53 के तन्नै न्ही बेरा के मै अपणे पिता तै बिनती कर सकूँ सूँ, अर वो सुर्गदूत्तां की बारहां पलटन

तै घणे मेरै धोरै इब्बे हाजर कर देवैगा? 54 पर पवित्र ग्रन्थ की ये बात के इसाए होणा जरूरी सै, किस ढाळ पूरी होवैगी?"

55 उस बखत यीशु नै भीड़ तै कह्या, "के थम तलवार अर लाट्टी लेकै मन्नै डाकू की ढाळ पकड़ण कै खात्तर लिक्ड़े सो? मै हरेक दिन मन्दर म्ह बैठकै उपदेश दिया करूँ था, अर थमनै मेरै ताहीं कोनी पकड़्या। 56 पर यो सारा ज्यांतै होया सै के नबियाँ के वचन पूरे होवै।" फेर सारे चेल्लें उसनै छोड़कै भाजगे।

57 फेर यीशु के पकड़ण आळे उस ताहीं काइफा नामक महायाजक कै धोरै लेगे, जित्त शास्त्री अर यहूदी अगुवें कट्टे होए थे। 58 पतरस दूर ए दूर उसकै पाच्छै-पाच्छै महायाजक कै आँगण ताहीं गया, अर भीत्तर जाकै अन्त देखण नै सिपाहियाँ कै गेल्या बैठग्या।

59 सारे प्रधान याजक अर यहूदी अगुवां की सभा यीशु नै मारण कै खात्तर उसकै बिरोध म्ह झूट्टी गवाही की टोह म्ह थे, 60 पर घणखरे झूट्टे गवाह कै आण पै भी कोनी पाई। आखर म्ह दो जणे आये, 61 अर बोल्ले, "इसनै कह्या सै के मै परमेसवर कै मन्दर नै गेर सकूँ सूँ अर उस ताहीं तीन दिन म्ह बणा सकूँ सूँ।"

62 फेर महायाजक नै खड़े होकै यीशु तै कह्या, "के तू कोए जवाब न्ही देंदा? ये माणस तेरे बिरोध म्ह के गवाही देवै सै?" 63 पर यीशु बोल-बाल्ला रहया। फेर महायाजक नै उसतै कह्या, "मै तन्नै जिन्दे परमेसवर की कसम दियुँ सूँ के जै तू परमेसवर का बेट्टा मसीह सै, तो म्हारै ताहीं कह दे।"

64 यीशु नै उसतै कह्या, "तन्नै आप ए कह दिया; बल्के मै तेरे तै यो भी कहूँ सूँ के इब तै थम मुझ माणस के बेट्टे नै सब तै सर्वशक्तिमान की सोळी ओड़ बेट्टे, अर अकास के बादळां पै आन्दे देखोगे।"

65 फेर महायाजक नै अपणे लत्ते पाड़कै कह्या, "इसनै परमेसवर की बुराई करी सै, इब हमनै गवाह की के जरूरत? देखो, थमनै इब्बे या बुराई सुणी सै! 66 थम के सोच्चो सो?" उननै जवाब दिया, "यो मारण जोगगा सै।"

67 फेर उननै उसकै मुँह पै थुक्या अर उसकै घुस्से मारे, दुसरयां नै थप्पड़ मारकै कह्या, 68 "हे मसीह, म्हारै तै भविष्यवाणी करकै कह के किसनै तेरे ताहीं मारया?"

69 पतरस बाहरणै आँगण म्ह बैठ्या था के एक नौकराणी उसकै धोरै आई अर बोल्ली, "तू भी तो गलीलवासी यीशु कै गेल्या था।"

70 उसनै सारया कै स्याम्ही यो कहकै नाट्या, "मन्नै न्ही बेरा तू के कहवै सै।"

71 जिब वो बाहरणै देहळियाँ म्ह गया, तो दुसरी नौकराणी उसनै देखकै उनतै जो ओड़ै थे कह्या, "यो भी तो यीशु नासरी* कै गेल्या था।"

72 वो कसम खाकै फेर नाट्या: "मै उस माणस नै कोनी जाणदा।"

73 माड़ी बार पाच्छै माणसां नै जो ओड़ै खड़े थे, पतरस कै धोरै आकै उसतै कह्या, "साच्चए तू भी उन म्ह तै एक सै, क्यूँके तेरी बोल्ली तेरा भेद खोल्लै सै।"

74 फेर वो धिक्कारण अर कसम खाण लाग्या: "मै उस माणस नै कोनी जाणदा।" जिब्बे मुर्गे नै बाँग देई। 75 जिब पतरस नै यीशु की कही होई बात याद आई "मुर्गे कै बाँग देण तै पैहल्या तीन बर तू मेरा इन्कार करैगा।" अर वो बारणै ज्याकै फूट-फूटकै रोण लाग्या।

27

1 तड़कै ए तड़कै सारे प्रधान याजकां अर यहूदी अगुवां नै यीशु ताहीं मारण की सलाह करी। 2 उननै यीशु ताहीं बाँधया अर ले जाकै पिलातुस राज्यपाल कै हाथ्यां म्ह सौप दिया।

3 जिब उसकै पकड़वाण आळे यहूदा नै अहसास होया के यीशु ताहीं मौत की सजा सुणाई गई सै तो वो पसताया अर वे तीस चाँदी के सिक्के प्रधान याजकां अर यहूदी अगुवां ताहीं बोहड़ाया 4 अर कह्या, "मन्नै बेकसूर माणस ताहीं मारण कै खात्तर पकड़वाकै पाप करया सै।" उननै कह्या, "हमनै के मतलब? तू ए जाणै।"

5 फेर वो उन सिक्का नै मन्दर के आँगण म्ह बगाकै बाहरणै चल्या गया, अर जाकै अपणे-आप ताहीं फाँसी लगा ली।

6 प्रधान याजकां नै उन सिक्का ताहीं लेकै कह्या, "म्हारे नियम-कायदे इस बात की इजाजत कोनी देंदा के हम इन सिक्कयां नै मन्दर के खजान्ने म्ह धरा, क्यूँके इसका इस्तमाल किसे ताहीं मारवाण खात्तर करया गया सै, या लहू की किम्मत सै।" 7 आखर म्ह उननै सलाह करकै उन सिक्कयां तै परदेशियाँ के गाड़डे जाणकै खात्तर कुम्हार का खेत मोल ले लिया। 8 इस कारण वो खेत आज ताहीं लहू का खेत कुह्वावै सै। 9 ताके जो वचन यिर्मयाह नबी कै जरिये कह्या गया था वो पूरा होया: "उननै वे तीस सिक्के यानिके उस ठहराए होए मोल ताहीं (जिस ताहीं इस्राएल की ऊलाद म्ह तै कितन्याँ नै ठहराया था) ले लिया, 10 अर जिस तरियां प्रभु नै

* 26:71 26:71 नासरत नगर का रहण आळा

मेरे ताहीं हुकम दिया था, उससे तरियां ए उननै कुम्हार के खेत नै खरीदण खात्तर उसका इस्तमाल करया।”

11 जिब यीशु राज्यपाल के स्याम्ही खड्या था तो राज्यपाल नै उसतै बुझ्या, “के तू यहूदियाँ का राजा सै?” यीशु नै उसतै कह्या, “तू आप ए कहण लागरया सै।”

12 जिब प्रधान याजक अर यहूदी अगुवें उसपै इल्जाम लावै थे, तो उसनै कुछ जवाब कोनी दिया। 13 इसपै पिलातुस नै उसतै कह्या, “के तू न्ही सुणदा के ये तेरे बिरोध म्ह कितनी गवाही देवै सै?” 14 पर उसनै उस ताहीं एक बात का भी जवाब कोनी दिया, उरै ताहीं के राज्यपाल ताहीं घणी हैरानी होई।

15 राज्यपाल का यो रिवाज था के उस त्यौहार म्ह माणसां के खात्तर किसे एक कैदी नै जिसनै वे चाहवै थे, रिहा कर देवै था।

16 उस बखत उनकै उरै बरअब्बा नाम का एक मान्या होड़ कैदी था। 17 आखर जिब वो कट्टे होए, तो पिलातुस नै उनतै कह्या, “थम किसनै चाहो सो के मै थारे खात्तर रिहा करूँ? बरअब्बा ताहीं, या यीशु ताहीं जो मसीह कुह्वावै सै।” 18 क्यूँके उसनै बेरा था के उननै उस ताहीं जळण तै पकड़वाया था।

19 जिब वो न्याय की गद्दी पै बैठ्या होया था तो उसकी घरआळी नै उस ताहीं कुहवां भेज्या, “तू उस धर्मी के मामलै म्ह हाथ ना गेरिये, क्यूँके मन्नै आज सपने म्ह उसकै कारण घणा दुख ठाया सै।”

20 प्रधान याजकां अर यहूदी अगुवां नै माणसां ताहीं उकसाया के वे बरअब्बा नै माँग ले, अर यीशु का नाश करावै।

21 राज्यपाल नै उसतै बुझ्या, “इन दोनुआ म्ह तै किसनै चाहो सो के मै थारे खात्तर छोड़ दियुँ?” उननै कह्या, “बरअब्बा ताहीं।”

22 पिलातुस नै उनतै कह्या, “फेर यीशु ताहीं, जो मसीह कुह्वावै सै, के करूँ?” सारया नै उसतै कह्या, “यीशु कूरुस पै चढ़ाया जावै!”

23 हाकिम नै कह्या, “क्यांतै, उसनै के बुरा करया सै?” पर वे और भी रुक्के मारण लागगे, “वो कूरुस पै चढ़ाया जावै।”

24 जिब पिलातुस नै देख्या के किमे न्ही बण पडरया पर उल्टा दंगा बढ़दा जावै सै, तो उसनै पाणी लेकै भीड़ के स्याम्ही अपणे हाथ धोए अर कह्या, “मै इस धर्मी के लहू तै बेकसूर सूँ: थमे जाणो।”

25 सारे माणसां नै जवाब दिया, “इसकी मौत के जिम्मेदार हम अर म्हारी ऊलाद होवांगे!”

26 इसपै उसनै बरअब्बा ताहीं उनकै खात्तर रिहा कर दिया, अर यीशु के कोड़े लगवाकै सौप दिया, के कूरुस पै चढ़ाया जावै।

27 फेर राज्यपाल के सिपाहियाँ नै यीशु ताहीं किले* म्ह ले जाकै सारी पलटन उसकै चौगरदे नै कट्टी करी, 28 अर उसके लत्ते तारकै उस ताहीं लाल रंग का चोगगा पिहराया, 29 अर काण्डयाँ का ताज गुन्दकै उसकै सिर पै धरया, अर उसकै सोळे हाथ्यां म्ह सरकण्डा दिया अर उसकै आगुँ गोड़डे टेक के उसका मखौल उड़ाण लागगे अर कह्या, “हे यहूदिया परदेस के राजा, नमस्कार!” 30 अर उसपै थुक्या; अर वोए सरकण्डा लेकै उसकै सिर पै मारण लागगे। 31 जिब उननै उसका मखौल कर लिया, तो वो चोगगा उसपै तै तारकै फेर उससे के लत्ते उस ताहीं पिहराए, अर कूरुस पै चढ़ाण के खात्तर ले चाल्ले।

32 बाहरणै जान्दे होए, उन ताहीं शमौन नाम का एक कुरेनी माणस मिल्या। उननै उस ताहीं बेकार म्ह पकड़्या के उसका कूरुस ठाकै ले चाल्लै। 33 उस जगहां पै पोहचे जो “खोपड़ी” यानी इब्रानी भाषा म्ह “गुलगुता” कुह्वावै सै। 34 उननै सिरका मिल्या होड़ अंगूर का रस उस ताहीं पीण नै दिया, पर उसनै चाखकै पीणा न्ही चाह्या। 35 फेर उननै उस ताहीं कूरुस पै चढ़ाया, अर पर्ची गेर के उसके लत्ते बांड लिये, 36 अर ओड़ै बैठकै उसका पैहरा देण लागगे। 37 अर उसका दोषपत्र लिखकै उसकै सिर पै लगाया, के, “यो यहूदियाँ का राजा यीशु सै।”

38 फेर उसकै गेल्या दो डाकू एक सोळी ओड़ अर एक ओळी ओड़, कूरुस पै चढ़ाए गए। 39 राह म्ह आण-जाण आळे सिर हला-हलाकै उसकी बेजती करै थे, 40 अर वे कहवै थे, “हे मन्दर नै ढाण आळे अर तीन दिनां म्ह बणाण आळे, अपणे-आपनै तो बचा! जै तू परमेसवर का बेट्टा सै, तो कूरुस पै तै उतर आ।” 41 इससे तरियां तै प्रधान याजक भी शास्त्रियाँ अर यहूदी अगुवां सुधा मजाक करकै कहवै थे, 42 “इसनै औरां ताहीं बचाया, अर अपणे-आपनै न्ही बचा सकदा। यो तो ‘इस्राएल का राजा’ सै। इब कूरुस पै तै उतर आवै तो हम उसपै बिश्वास करां। 43 उसनै परमेसवर पै भरोस्सा राख्या सै; जै वो इसनै चाहवै सै, तो इब इसनै छुड़ा लेवै, क्यूँके इसनै कह्या था, ‘मै परमेसवर का बेट्टा सूँ।’” 44 इससे ढाळ डाक्कू भी जो उसकै गेल्या कूरुस पै चढ़ाए गए थे, उसकी बेजती करै थे।

45 दोफारी तै लेकै तीन बजे ताहीं उस सारे देश म्ह अँधेरा छाया रहया। 46 तीसरे पहर के लोवै यीशु नै जोर तै बोल्या, “एली, एली, लमा शबक्तनी?” यानिके “हे

* 27:27 27:27 जो पिटोरियुम कुह्वावै सै

मेरे परमेश्वर, हे मेरे परमेश्वर, तन्नै मेरै ताहीं क्यांतै छोड़ दिया?”

47 जो उड़ै खड़े थे, कितन्याँ नै न्यू सुणकै कह्या, “वो तो एलिय्याह ताहीं बुलावै सै।”

48 उन म्ह तै एक जिब्बे भाज्या, अर स्पंज (फोम) लेकै सिरके म्ह डबोया, अर सरकण्डे पै धरकै उस ताहीं चुसाया। 49 औरां नै कह्या, “रहज्या, देखो एलिय्याह उसनै बचाण आवै सै के न्ही।”

50 फेर यीशु नै जोर तै किल्ली मारकै जी दे दिया।

51 अर देखो, मन्दर का पड़दा उप्पर तै तळै ताहीं पाटकै दो टुकड़े होग्या अर धरती काम्बगी चट्टान तड़कगी, 52 अर कबरे खुलगी, अर मरे होड़ भोत-से पवित्तर माणस जो पैहले मुर्दे थे वे जिन्दा होग्ये, 53 अर उसकै जिन्दा होण कै पाच्छे वे कबरां म्ह तै लिकड़कै पवित्तर नगर म्ह गए अर घणाए ताहीं दिक्खे।

54 फेर सूबेदार अर जो उसकै गेल्या पैहरा दे रे थे, हाल्लण अर जो कुछ होया था उस ताहीं देखकै घणे डरगे अर कह्या, “साच्चए यो परमेश्वर का बेट्टा था।”

55 ओड़ै घणखरी बिरबान्नी जो गलील परदेस तै यीशु की सेवा कर दी होई उसकै गेल्या आई थी, दूर तै देखै थी। 56 उन म्ह मरियम† मगदलीनी, अर याकूब अर योसेस की माँ मरियम, अर जब्दी के बेटचाँ की माँ थी।

57 जब साँझ होई तो यूसुफ नामका अरिमतिया गाम का एक साहूकार माणस, जो खुदे यीशु का चेल्ला था।

58 उसनै पिलातुस धोरै जाकै यीशु की लाश माँगी। इस करकै पिलातुस नै यीशु की लाश देण का हुकम दिया।

59 यूसुफ नै यीशु की लाश ली, उस ताहीं धोळी चादर म्ह लपेट्या, 60 अर उस ताहीं अपणी नई कब्र म्ह धरया, जो उसनै चट्टान म्ह खुदवाई थी, अर कब्र के बारणै पै एक बड़ड़ा पत्थर गिरड़ा कै चल्या गया।

61 मरियम मगदलीनी‡ अर दुसरी मरियम ओड़ैए कब्र कै स्याम्ही बेटठी थी।

62 आगला दिन आराम का दिन§ था, उस दिन प्रधान याजकां अर फरीसियाँ नै पिलातुस कै धोरै कट्टे होकै कह्या, 63 “हे महाराज, म्हारै ताहीं याद सै के उस धोक्खेबाज नै जब वो जिन्दा था, तो उसनै न्यू कह्या था, ‘मै मरण के तीन दिन पाच्छे जिन्दा हो जाऊँगा।’

64 इस करकै हुकम दे के तीसरे दिन ताहीं कब्र की रुखाळी सावधानी तै करी जावै, इसा ना हो के उसके चेल्लेँ आकै उसकी लाश नै चुरा ले जावै, अर माणसां तै कहण लाग्गै, ‘वो मरे होया म्ह तै जिन्दा होग्या सै।’ फेर पाच्छेला धोक्खा पैहल्ले तै भी बड़ड़ा होगा।”

(पैहला धोक्खा के वो खुद नै परमेश्वर का बेट्टा बतावै सै, दुसरा यो के इब वो तीसरे दिन मरे होया मै तै जी उट्टुंगा)

65 “पिलातुस नै उनतै कह्या, ‘थारे धोरै पहेरेदार तो सै जाओ, अपणी समझकै मुताबिक कब्र की रुखाळी करो’। 66 आखर वे पैहरेदारां नै गैल लेकै ग्ये, अर कब्र के पत्थर पै मोहर लगाकै कब्र की रुखाळी करी।”

28

1 आराम के दुसरे दिन पाच्छे, हफ्तै के पैहल्ले दिन, तड़कै ए तड़कै मगदला कस्बे की मरियम अर दुसरी मरियम कब्र नै देखण आई।

2 अर देखो, एक बड़ड़ा हाल्लण आया, क्यूँके प्रभु का सुर्गदूत सुर्ग तै उतरया अर धोरै आकै उसनै पत्थर ताहीं गिरड़या दिया, अर उसपै बैठग्या।

3 उसका रूप बिजळी बरगा था अर उसके लत्ते पाळे की ढाळ धोळे थे। 4 उसकै डर तै पहेरेदार काम्बगे, अर मुर्दे की ढाळ होग्ये।

5 सुर्गदूत नै बिरबानियाँ ताहीं कह्या, “मतना डरो, मन्नै बेरा सै के थम यीशु नै जो कुरूस पै चढ़ाया गया था, टोहो सो। 6 वो उरै न्ही सै, पर अपणे वचन कै मुताबिक जिन्दा होग्या सै। आओ, या जगहां देखो, जित्त प्रभु राख्या गया था, 7 अर तावळे जाकै उसके चेल्यां ताहीं कहो के वो मरे होया म्ह तै जिन्दा होग्या सै, अर वो थारे तै पैहल्ल्या गलील परदेस म्ह जावै सै, उड़ै उसका दर्शन पाओगे! देखो, मन्नै थारे तै कह दिया।”

8 वे भय अर घणी खुशी कै गेल्या कब्र तै तावळी बोहड़कै उसके चेल्यां ताहीं खबर देण नै भाज्जी गई। 9 फेर यीशु उन ताहीं मिल्या। अर कह्या, “सुखी रहो।” उननै धोरै आकै अर उसके पाँ पकड़कै उस ताहीं प्रणाम करया। 10 फेर यीशु नै उनतै कह्या, “मतना डरो; मेरे चेल्यां तै जाकै कहो के गलील परदेस म्ह चले जावै, उड़ै वो मन्नै देखैगें।”

11 जब वे चेल्यां ताहीं या खबर देण जाण लागरी थी। तो पैहरेदारां म्ह तै, जो कब्र की रुखाळी करै थे, उन म्ह तै कईयाँ नै नगर म्ह आकै सारा हाल प्रधान याजकां तै कह सुणाया। 12 फेर उननै यहूदी अगुवां कै गेल्या कट्टे होकै सलाह करी अर सिपाहियाँ ताहीं घणाए धन देकै हुकम दिया, 13 “के माणसां तै न्यू कहियो के जब हम रात नै सोण लागरे थे, तो उसके चेल्लेँ आकै उसकी लाश नै चुरा लेगे। 14 जै थारे सोण की खबर राज्यपाल कै कान्नां ताहीं पोहोचैगी, तो हम उसनै समझा लेवैगें अर थमनै जोखिम तै बचा लेवांगें।” 15 आखर उननै रपिये

† 27:56 27:56 मगदला गाम की मरियम ‡ 27:61 27:61 मगदला गाम की मरियम § 27:62 27:62 जो के तैयारी के बाद का दिन था

लेकै जिसे सिखाए गये थे, उस्से तरियां ए करया। या बात आज ताहीं यहूदी माणसां म्ह मान्नी जावै सै।

16 ग्यारहां चेल्लें गलील परदेस म्ह उस पहाड़ पै गये, जिस ताहीं यीशु नै उन ताहीं बताया था।

17 उननै उसका दर्शन पाकै उस ताहीं प्रणाम करया, पर कईयाँ नै शक होया के यीशु जिन्दा होगया सै।

18 यीशु नै उनकै धोरै आकै कह्या, “सुर्ग अर धरती का सारा हक मेरै ताहीं दिया गया सै। 19 इस करकै थम जाओ, सारी जात्तां के माणसां ताहीं चेल्ला बणाओ; अर उननै पिता, पुत्र अर पवित्तर आत्मा के नाम तै बपतिस्मा द्यो, 20 अर उननै सारी बात जो मन्नै थारे ताहीं हुकम दिया सै, मानना सिखाओ: अर देखो मै दुनिया के अंत तक सदा थारे गैल रहूंगा।”

मरकुस के जरिये लिख्या गया सुसमाचार

????????

मरकुस के जरिये लिख्या गया सुसमाचार इस बात तै शुरु होवै सै, “परमेसवर के बेटे यीशु मसीह का सुसमाचार।” इस म्ह यीशु ताहीं एक अधिकार के साथ काम करणीये माणस के रूप म्ह दिख्या गया सै। उसका अधिकार उसकी शिक्षाओं म्ह, ओपरी आत्मायाँ पै, उसके अधिकार म्ह, अर माणसां के पापां ताहीं माफ करण म्ह दिखाई देवै सै। इस म्ह यीशु अपने-आप ताहीं “माणस का बेटा” कहवै सै। वो इस करके आया के माणसां नै पापां तै छुटकारा देण खात्तर अपनी जान देवै। मरकुस यीशु के वचन अर शिक्षा पै न्ही बल्कि उसके काम्मां पै जोर देवै सै। इस करके वो उसकी कहाँनी नै सीधे, आसान अर असरदार तरियां तै पेश कर सै। यूहन्ना बपतिस्मा देण आळा अर यीशु का बपतिस्मा अर उसकी परख तै जुड़ी एक साफ जानकारी के बाद, लेखक जिब्बे यीशु के चंगाई, शिक्षा अर सेवा के काम्मां का जिक्र करण लाग जावै सै। जिस तरियां बखत बीतता गया उस्से तरियां यीशु के चल्लें उसनै और भी आच्छी तरियां समझदे गये, पर यीशु के बिरोधी और ज्यादा उग्र होन्दे गये। आखरी पाठ म्ह यीशु के संसारिक जीवन के आखरी हफ्ता की घटनायां का जिक्र पेश करै सै। जिन म्ह तै खास सै, उसका क्रूस पै चढ़ाया जाणा अर उसका दुबारा जिन्दा हो जाणा।

रूप-रेखा

सुसमाचार की शुरुआत 1:1-13

गलील परदेस म्ह यीशु के जरिये माणसां की सेवा करणा 1:14-9:50

गलील परदेस तै यरुशलेम नगर ताहीं का सफर 10:1-52

यरुशलेम नगर म्ह आखरी हफ्ता 11:1-15:47

यीशु का दुबारा जिन्दा हो जाणा 16:1-8

जिन्दा हो जाणके बाद प्रभु का दिखाई देणा अर सुर्ग जाणा 16:9-20

??
(???????? 3:1-12; ????? 3:1-18; ??? 1:19-

28)

1 यो सुसमाचार यीशु मसीह के बारे म्ह सै। जो परमेसवर का बेटा सै। अर इसकी शुरुआत इस तरियां

होई 2 जिसा के यशायाह नबी की किताब म्ह परमेसवर नै अपने बेटे ताहीं कहा सै:

“देख, मै अपने दूत नै तेरे आगै भेज्जू सूं,

जो तेरे खात्तर लोग्गां नै तैयार करैगा।* ”

3 जंगल-बियाबान म्ह एक रुक्का मारणीये का बोल सुणाई देवै सै के

प्रभु के आण खात्तर अपने-आपनै तैयार करो।† ”

4 वो दूत यूहन्ना था, जो जंगल-बियाबान म्ह कहवै था, “पाप करणा छोड़ दो अर बपतिस्मा ल्यो परमेसवर थारे पाप माफ कर देगा।” 5 सारे यहूदिया परदेस के, अर यरुशलेम नगर के सारे बासिन्दे लिकड़के उसके धोरै गए, अर अपने पापां नै मानके यरदन नदी म्ह उसतै बपतिस्मा लिया।

6 यूहन्ना ऊँट के रूप के लते पहरे, अर अपनी कड़ म्ह चमड़े की पेट्टी बाँधे रहवै था, अर टिड्डियाँ अर शहद खाया करै था। ‡ 7 अर न्यू प्रचार करै था, “मेरे पाच्छे वो आण आळा सै, जो मेरे तै शक्तिशाली सै, मै इस लायक कोनी के झुकके उसके जूत्याँ के फित्ते खोल्लूँ। 8 मन्नै तो थारे ताहीं पाणी तै बपतिस्मा दिया सै पर वो थमनै पवित्तर आत्मा तै बपतिस्मा देवैगा।”

??
(???????? 3:13-4:11; ????? 3:21-22; 4:1-13)

9 उन दिनां म्ह यीशु नै गलील परदेस के नासरत नगर तै होके, यरदन नदी म्ह यूहन्ना तै बपतिस्मा लिया।

10 अर जब वो पाणी म्ह तै लिकड़के उप्पर आया, तो जिब्बे उसनै अकास ताहीं खुल्ले अर पवित्तर आत्मा ताहीं कबूतर की तरियां अपने उप्पर आन्दे देख्या। 11 अर परमेसवर सुर्ग म्ह तै बोल्या, “तू मेरा प्यारा बेटा सै, तेरे तै मै राज्जी सूँ।”

12 फेर पवित्तर आत्मा नै जिब्बे उस ताहीं जंगल-बियाबान कान्ही भेज्या। 13 जंगल-बियाबान म्ह चाळीस दिन ताहीं शैतान उस ताहीं परखता रह्या, अर वो जंगल-बियाबान म्ह पशुआं के गेल्या रह्या, अर सुर्गदूत उसकी सेवा करदे रहे।

??
(???????? 4:12-17; ????? 4:14-15)

14 यूहन्ना के पकड़े जाणके कुछ बखत पाच्छे, यीशु नै गलील परदेस म्ह आके परमेसवर के राज्य का सुसमाचार प्रचार करया, 15 अर कहा, “बखत पूरा होया सै, अर परमेसवर का राज्य धोरै आरया सै; पाप करणा छोड़ दो, अर परमेसवर के सुसमाचार पै विश्वास करो।”

* 1:2 1:2 मत्ती 11:10, मला-3:1 † 1:3 1:3 यशा-40:3 ‡ 1:6 1:6 2 राजा-1:8, मत्ती 3:4

[\[2222222 22 2222222 22222\]](#)
([\[2222222 4:18-22; 22222 5:1-11\]](#))

16 गलील परदेस म्ह गलील समुन्दर कै किनारे जान्दे होइ, उसनै शमौन अर उसके भाई अन्दरयास ताहीं समुन्दर म्ह जाळ गेर दे देख्या; क्यूँके वे मछ्वारे थे।

17 यीशु नै उनतै कह्या, “मेरै पाच्छै आओ, मै थमनै माणसां ताहीं कट्ठे करण आळे बणाऊंगा ताके वो मेरे चेल्लें बणे।” 18 वे जिब्बे जाळां नै छोड़कै उसके चेल्लें बणण खात्तर उसके पाच्छै हो लिये।

19 थोड़ा आगगै चालकै, उसनै जब्दी के बेट्टे याकूब अर उसके भाई यूहन्ना ताहीं, किस्ती पै जाळां ताहीं ठीक करदे देख्या। 20 उसनै जिब्बे उन ताहीं बुलाया; अर वे अपने पिता जब्दी ताहीं मजदूरां कै गेल्या किस्ती पै छोड़कै, उसके चेल्लें बणण खात्तर उसके पाच्छै हो लिये।

[\[22 22222 2222222 2222 22222 22222222 22222\]](#)
[\[2222222 22\]](#)
([\[2222222 4:31-37\]](#))

21 जब यीशु अर उसके चेल्लें कफरनहूम नगर म्ह आए, अर वो जिब्बे आराम कै दिन आराधनालय म्ह जाके उपदेश देण लाग्या। 22 अर माणस उसके उपदेश तै हैरान होगे; क्यूँके वो उननै शास्त्रियां की ढाळ न्ही, पर अधिकार तै उपदेश देवै था। 23 उस्से बखत, उनकै आराधनालय म्ह एक माणस था, जिसम्ह ओपरी आत्मा थी। 24 उसनै रुक्का मारकै कह्या, “हे नासरत के यीशु, हमनै तेरे तै के काम? के तू म्हारा नाश करण नै आया सै? मै तन्नै जाणु सू, तू कौण सै? तू परमेसवर की ओड़ तै भेज्या होया पवित्तर मसीह सै!”

25 यीशु नै उसतै धमकाकै कह्या, “चुपचाप रहै, अर इस माणस म्ह तै लिकड़ जा।” 26 फेर ओपरी आत्मा ऊँची आवाज म्ह किल्की मारकै उस म्ह तै लिकड़गी।

27 इस बात पै सारे माणस अचम्भा करदे होए आप्पस म्ह बहस करण लागगे, “या के बात सै? यो तो कोए नया-ए उपदेश सै! वो हक कै गेल्या ओपरी आत्मायां नै भी हुकम देवै सै, अर वे उसका हुकम मान्नै सै।”

28 अर उसका नाम जिब्बे गलील के पूरे परदेस म्ह हरेक जगहां फैलग्या।

[\[2222222 222222222 2222222 2222 22222\]](#)
([\[2222222 8:14-17; 2222222 4:38-41\]](#))

29 यीशु अर उसके सारे चेल्लें जिब्बे आराधनालय म्ह तै लिकड़कै, याकूब अर यूहन्ना कै गेल्या शमौन अर अन्दरयास कै घरां आये। 30 शमौन की सास्सू कै बुखार चढ़रया था, अर उसके चेल्यां नै जिब्बे उसके बाबत यीशु ताहीं बताया। 31 फेर यीशु नै धोरै जाकै उसका हाथ

पकड़कै उस ताहीं टाया, अर उसका बुखार उतर ग्या, अर वा उनकी सेवा-पाणी करण लागगी।

32 साँझ कै बखत जब सूरज डूबग्या तो माणस सारे बिमारां ताहीं अर उननै, जीनम्ह ओपरी आत्मा थी, यीशु कै धोरै ल्याए। 33 अर साब्ला नगर दरबाजे पै कट्ठा होया। 34 उसनै घणखरयां ताहीं जो कई ढाळ की बिमारियां तै दुखी थे, ठीक करया, घणखरी ओपरी आत्मायां ताहीं काढ्या, अर ओपरी आत्मायां ताहीं बोल्लण कोनी दिया, क्यूँके वे उसनै पिच्छाणै थी, के यीशु परमेसवर की ओड़ तै भेज्या होया मसीह सै।

[\[2222222 2222 2222222 22 2222222222222 222222\]](#)
([\[2222222 4:42-44\]](#))

35 तड़कैए दिन लिकड़ण तै पैहल्या, यीशु शमौन के घर तै उठकै लिकड़या, अर एक बियाबान जगहां म्ह ग्या अर उड़ै प्रार्थना करण लागग्या। 36 फेर शमौन अर उसके साथी उसकी टोह म्ह गए। 37 जब वो मिल्या, तो उस ताहीं कह्या, “सारे नगर के माणस तन्नै टोहवै सै।” 38 उसनै उनतै कह्या, “आओ; हम और किते लोवै-धोवै की बस्तियों म्ह जावां, के मै उड़ै भी प्रचार करूँ, क्यूँके मै इसे खात्तर आया सू।” 39 अर वो सारे गलील परदेस म्ह उनके आराधनालयां म्ह जा-जाकै उन ताहीं उपदेश सुणान्दा अर ओपरी आत्मायां ताहीं लिकाड़दा रह्या।

[\[2222222 22 222222222 2222222 2222 22222\]](#)
([\[2222222 8:1-4; 2222222 5:12-16\]](#))

40 एक कोढ़ी उसके धोरै आया, उसतै बिनती करी, अर उसके आगगै गोड़डे टेककै उस ताहीं कह्या, “जै तू चाहवै तो मन्नै ठीक कर सकै सै।” 41 उसनै उसपै तरस खाकै हाथ बढ़ाकै, अर उस ताहीं छू कै कह्या, “मै चाहूँ सू, के तू इस बीमारी तै ठीक हो ज्या।” 42 अर जिब्बे उसका कोढ़ जान्दा रह्या, अर वो ठीक होग्या। 43 फेर उसनै उस ताहीं चेतावनी देकै जिब्बे बिदा करया, 44 अर उसतै कह्या, “लखा, किसे तै कुछ मतना कहिये, पर जाकै अपने-आपनै याजक ताहीं दिखा, अर अपने कोढ़ तै ठीक होण कै बारै म्ह जो कुछ मूसा नबी नै जो पवित्तर ग्रन्थ म्ह चढ़ावा बताया से उसनै चढ़ा, के माणसां खात्तर या गवाही हो, के तू ठीक होग्या सै।” 45 पर वो बाहरणै जाकै इस बात का घणा प्रचार करण अर याड़ै ताहीं फैलाण लागग्या के यीशु दुबारै सरेआम नगर म्ह कोनी जा सक्या, पर बाहरणै सुनसान स्थानां म्ह रह्या, अर चौगरदे तै माणस उसके धोरै आन्दे रहे।

2

[\[2222222 22 222222222 2222222 2222 22222\]](#)
([\[2222222 9:1-8; 2222222 5:17-26\]](#))

1 थोड़े दिनां पाच्छै यीशु फेर कफरनहूम नगर म्ह आया, अर माणसां नै सुण्या के वो घर म्ह सै। 2 फेर इतने माणस कट्ठे होए के दरबाजे धोरै भी जगहां कोनी थी, अर वो उननै परमेसवर के वचन सुणाण लागरया था। 3 अर चार माणस एक लकवे कै मरीज ताहीं बिस्तर पै लिटाकै उसकै धोरै ल्याए। 4 पर जिब वे भीड़ के कारण उसकै धोरै कोनी पोहच सके, तो उननै उस छात ताहीं जिसकै तळै यीशु था, खोल दिया; तो उस बिस्तर समेत जिसपै वो लकवे का मरीज लेटचा था, नीचवै उतार दिया। 5 यीशु नै उनका बिश्वास देखकै उस लकवे के मरीज ताहीं कह्या, “हे बेट्टे, मन्नै तेरे पाप माफ कर दिये।”

6 फेर घणे शास्त्री जो उडै बेट्टे थे, अपणे-अपणे मन म्ह सोच्चण लागगे, 7 “यो माणस न्यू क्यांतै कहवै सै? यो तो परमेसवर की बुराई करै सै! परमेसवर नै छोड़कै और कौण पाप माफ कर सकै सै?”*

8 यीशु नै जिब्वे अपणे मन म्ह जाण लिया के वे अपणे-अपणे मन म्ह इसा विचार क्यांतै करण लागरे सै? अर उनतै कह्या, “थम अपणे-अपणे मन म्ह यो विचार क्यूँ करण लागरे सो? 9 आसान के सै? के लकवे कै मरीज ताहीं यो कहणा के तेरे पाप माफ होए, या फेर यो कहणा के उठ अपणा बिस्तर ठाकै हांड-फिर? 10 पर जिसतै थम जाण ल्यो के मुझ माणस कै बेट्टे नै धरती पै पाप माफ करण का भी हक सै।” उसनै उस लकवे कै मरीज ताहीं कह्या, 11 “मै तेरे तै कहूँ सूँ, उठ, अपणे बिस्तर ठाकै अपणे घरां चल्या जा।” 12 वो उठचा अर जिब्वे बिस्तर ठाकै उसकै स्याम्ही तै लिंकड़गया; इसपै सारे हैरान होगे, अर परमेसवर की बड़ाई करकै कहण लागगे, “हमनै इसा पैहल्या कदे कोनी देख्या।”

9:9-13; 5:27-32

13 यीशु दुबारा लिंकड़कै गलील समुन्दर कै किनारे गया, अर सारी भीड़ उसकै धोरै आई, अर वो उननै उपदेश देण लागया। 14 जान्दे होए उसनै हलफई के बेट्टे लेवी जिसका नाम मत्ती था, चुंगी की चौकी पै बेट्टे देख्या, अर उसतै कह्या, “मेरा चेल्ला बणण खात्तर मेरै पाच्छै हो ले।” अर वो उठकै उसकै पाच्छै हो लिया।

15 जिब वो मत्ती के घर म्ह खाणा खाण बेठचा, तो घणेए चुंगी लेण आळे अर जिननै लोग पापी कहवै थे, यीशु अर उसकै चेल्यां गेल्या खाणा खाण बेठठे; क्यूँके वे घणे सारे थे, अर उसकै साथ हो लिए थे। 16 शास्त्रियाँ अर फरीसियाँ नै न्यू देखकै के वो तो पापी अर चुंगी लेण आळा गेल्या खाणा खावै सै, उसके चेल्यां ताहीं कह्या,

“वो तो चुंगी लेण आळे अर जिननै लोग पापी कहवै सै, उनकै गेल्या खावै-पीवै सै।”

17 यीशु नै या सुणकै उनतै कह्या, “आच्छे-बिच्छयां नै वैद की जरूरत कोनी, पर बिमारां नै सै: जो अपणे-आपने धर्मी कहवै सै, मै उननै न्ही, पर जो अपणे-आपने पापी कहवै सै उननै बुलाण आया सूँ।”

9:14-17; 5:33-39

18 यूहन्ना के चेल्लें, अर फरीसी ब्रत करया करै थे, तो उननै आकै उसतै कह्या, “यूहन्ना के चेल्लें अर फरीसियाँ के चेल्लें ब्रत क्यांतै करै सै, पर तेरे चेल्लें ब्रत न्ही राखदे?”

19 यीशु नै उनतै कह्या, “जिब ताहीं बन्दड़ा बरातियाँ के गेल्या सै, के वे ब्रत राख सकै सै? आखर जिब ताहीं बन्दड़ा उनकै गेल्या सै, जद ताहीं वे ब्रत कोनी कर सकदे। 20 पर वे दिन भी आवैगें जिब बन्दड़ा उनतै न्यारा करया जावैगा; उस बखत वे ब्रत करैगें।

21 “नये लत्यां की थेगळी पुराणे लत्यां पै कोए न्ही लगान्दा, न्ही तो वा थेगळी उस म्ह तै खुस्का लेवैगी, यानिके नया, पुराणे तै, अर वो पैहल्या तै घणा पाट जावैगा। 22 नये अंगूर के रस ताहीं पुराणी मशकां म्ह कोए कोनी राखदा, न्ही तो अंगूर का रस मशकां नै पाड़ देवैगा, अर अंगूर का रस अर मशक दोनुआ का नाश हो जावैगा, पर नया अंगूर का रस नई मशकां म्ह भरया जावै सै।”

12:1-8; 6:1-5

23 न्यू होया के आराम कै दिन यीशु चेल्यां कै गैल खेत्तां म्ह तै होकै जाण लागरया था, अर उसके चेल्लें चाल्दे होए गेहूँ की बाल तोड़ण लागगे।† 24 तो फरीसियाँ नै उस ताहीं कह्या, “देख, ये आराम कै दिन वो काम क्यांतै करै सै? जो नियम-कायदा के खिलाफ सै।”

25 यीशु नै उनतै कह्या, “के थमनै पवित्तर ग्रन्थ म्ह यो न्ही पढ़या के जिब म्हारे पूर्वज दाऊद नै जरूरत होई, अर जिब वो अर उसके साथी भूखे होए, फेर उसनै के करया था? 26 उसनै किस ढाळ अबियातार महायाजक कै बखत, परमेसवर कै घर म्ह जाकै भेंट की रोटी खाई, जिनका खाणा याजकां नै छोड़ और किसे कै खात्तर खाणा ठीक कोनी, अर अपणे साथियाँ ताहीं भी दी?”

27 फेर उसनै उन ताहीं कह्या, “आराम का दिन माणस खात्तर बणाया गया सै, ना के माणस आराम कै दिन के

* 2:7 2:7 (यशा-43:25) † 2:23 2:23 (ब्य-23:25)

खात्तर।²⁸ इस करकै मै माणस का बेट्टा आराम कै दिन का भी माल्लिक सूँ।”

3

[\[2:9-14\]](#); [\[6:6-11\]](#)

1 यीशु फेर आराम कै दिन आराधनालय म्ह गया; उडै एक माणस था जिसका हाथ सूखरया था,² अर फरीसी यीशु पै दोष लाण खात्तर उसकी टाह म्ह थे के देखै, वो आराम कै दिन उसनै ठीक करै सै के न्ही।³ उसनै सूखे हाथ आळे माणस तै कह्या, “बीच म्ह खड्या होज्या”

4 अर उनतै कह्या, “के मूसा के नियम-कायदा कै मुताबिक आराम कै दिन भला करणा ठीक सै या बुरा करणा, जान बचाणा या मारणा?” पर वे बोल-बाल्ले रहे।

5 फेर उसनै उनकै मन की कठोरता तै काल होकै, उन ताहीं छो तै चोगरदेनै देख्या, अर उस माणस ताहीं कह्या, “अपणा हाथ बढ़ा।” उसनै बढ़ाया, अर उसका हाथ ठीक हो गया।⁶ फेर फरीसी बाहरणै जाकै जिब्बे हेरोदेस राजा के समर्थकां कै गेल्या उसकै बिरोध म्ह सलाह करण लाग्गे के उसका नाश किस तरियां करया जावै।

[\[2:9-14\]](#); [\[6:6-11\]](#)

7 यीशु अपणे चेल्यां गेल्या गलील समुन्दर कान्ही चल्या गया: अर गलील तै एक बड्डी भीड़ उसकै पाच्छै हो ली;⁸ अर यहूदिया नगर, अर यरुशलैम नगर, अर इदूमिया परदेस, अर यरदन नदी के परली ओड़, अर सूर अर सैदा नगर के लोवै-धोवै तै एक बड्डी भीड़ न्यू सुणकै के वो किसे अचम्भे आळे काम करै सै, उसनै देखण आई।⁹ यीशु नै अपणे चेल्यां तै कह्या, “भीड़ की बजह तै एक छोट्टी किस्ती मेरै खात्तर त्यार राखियों ताके वे मन्नै दाब न्ही सकै।”¹⁰ क्यूँके उसनै घणखरयां ताहीं ठीक करया था, इस करकै जितने माणस बीमार थे, उस ताहीं छूण खात्तर उसपै पड़ण लागरे थे।¹¹ जिन म्ह ओपरी आत्मा भी जिब उस ताहीं देखै थी, तो उसकै स्याम्ही गिर ज्या थी, अर किल्की मारकै कहवै थी, तू परमेसवर का बेट्टा सै।¹² अर उसनै ओपरी आत्मायां ताहीं चेतावनी देकै कह्या के मेरै बारै म्ह किसे तै ना कहियो के मै कौण सूँ।

[\[10:1-4\]](#); [\[6:12-16\]](#)

13 फेर यीशु पहाड़ पै चढ़ग्या, अर जिन नै वो चाहवै था उन ताहीं अपणे धोरै बुलाया; अर वे उसकै धोरै आए।¹⁴ फेर उसनै उन म्ह तै बारहा चेल्यां ताहीं नियुक्त करया

के वे उसकै गेल्या-गेल्या रहवै, अर वो उननै भेज्जै के वे प्रचार करै,¹⁵ अर ओपरी आत्मा ताहीं काढ़ण का हक राखवै।¹⁶ वे बारहा चेल्लें ये सै: “शमौन जिसका नाम उसनै पतरस धरया,¹⁷ अर जब्दी का बेट्टा याकूब अर याकूब का भाई यूहन्ना, जिसका नाम उसनै बुअनरगिस यानिके ‘गरजण का बेट्टा’ धरया।”¹⁸ अर अन्दिरयास, अर फिलिप्पुस, अर बरतुल्मै, अर मत्ती, अर थोमा, अर हलफई का बेट्टा याकूब, अर तद्दै, अर शमौन कनानी,¹⁹ अर यहूदा इस्करियोती जिसनै उस ताहीं पकड़वा भी दिया था।

[\[12:22-32\]](#); [\[11:14-23\]](#); [\[12:10\]](#)

20 फेर यीशु घरां आया; अर इसी भीड़ कट्ठी होई, के यीशु अर उसके चेल्यां पै रोट्टी भी कोनी खाई गई।²¹ जिब उसके कुणबा आळा न्यू सुण्या, तो वे उस ताहीं घरां ले जाण खात्तर लिकड़े; क्यूँके वे कहवै थे, “के उसका दिमाग ठिकाणै कोनी सै”

22 शास्त्री भी जो यरुशलैम नगर तै आये थे, वे कहवै थे, “उस म्ह शैतान सै,” अर न्यू भी के “वो ओपरी आत्मायां के सरदार शैतान की मदद तै ओपरी आत्मायां नै लिकाड़े सै।”

23 ज्यातै यीशु उननै धोरै बुलाकै उदाहरणां म्ह कहण लाग्या, “शैतान क्यूँकर ओपरी आत्मायां नै काढ सकै सै?”²⁴ जै किसे राज्य म्ह फूट पड़ै, तो वो राज्य किस तरियां टिक्या रह सकै सै? ²⁵ अर जै किसे घर म्ह फूट पड़ै, तो वो घर क्यूँकर डटया रह सकैगा? ²⁶ इस करकै जै शैतान खुद का ए बिरोधी होकै अपणे म्ह फूट गेरै, तो वो किस तरियां बण्या रहै सकै सै? उसका तो नाश हो जावै सै।²⁷ “पर कोए माणस किसे ठाड़डे माणस कै घर म्ह बड़कै उसका माळ कोनी लूट सकदा, जिब तक के पैहल्या उस ठाड़डे माणस ताहीं ना जुड़ ले; जिब वो उसके घर नै लूट लेवैगा।²⁸ मै थमनै साच्ची-साच कहूँ सूँ के माणसां के सारे पाप अर बुराई जो वे करै सै, माफ करे जावैगे,²⁹ पर जो कोए पवित्र आत्मा कै बिरोध म्ह बुराई करै सै, वो कदे माफ कोनी करया जावैगा: बल्के वो अनन्त पाप का कसूरवार बण ज्यागा।”

30 क्यूँके वे न्यू कहवै थे के उस म्ह ओपरी आत्मा सै।

[\[12:46-50\]](#); [\[8:19-21\]](#)

31 फेर यीशु की माँ अर उसके भाई आए, अर बाहरणै खड़े होकै उस ताहीं बुलावा भेज्या।³² भीड़ उसकै लोवै-धोवै बेट्ठी थी, अर उननै उसतै कह्या, “देख, तेरी माँ अर तेरे भाई बाहरणै तन्नै टोहवै सै।”

33 यीशु ने उनतै जवाब दिया, “मेरी माँ अर मेरे भाई कौण सै?”

34 अर जो उसके लोवै-धोवै बेट्टे थे, उनपै निगांह करके कहा, “देखवों, मेरी माँ अर मेरे भाई ये सै।

35 क्यूँके जो कोए परमेसवर की इच्छा पै चाल्लै, वोए मेरा भाई, मेरी बेब्बे, अर मेरी माँ सै।”

4

(2222 222 222 22 2222222)
(22222 13:1-9; 2222 8:4-8)

1 यीशु फेर गलील समुन्दर के किनारे उपदेश देण लागग्या: अर इसी बड़डी भीड़ उसके धोरै कट्ठी होगी के वो समुन्दर म्ह एक किस्ती पै चढ़के बैठग्या, अर सारी भीड़ जमीन पै समुन्दर के किनारे खड़ी रही। 2 अर वो उननै उदाहरणां म्ह घणीए बात सिखाण लाग्या, अर अपणे उपदेश म्ह उन ताहीं कहा, 3 “सुणो! एक किसान बीज बोण लिकइया। 4 बोंदे बखत कुछ राही के किनारे पड़े, अर पंछियाँ नै आके उन ताहीं चुग लिया। 5 कुछ पथरीली धरती पै पड़े जड़े उसनै घणी माट्टी ना मिली, अर ढुंधी माट्टी ना मिलण के कारण तोळाए उग्या, 6 अर जब सूरज लिकइया तो जळगे, अर जड़ ना पकड़ण के कारण सुखगे। 7 कुछ झाड़ियाँ म्ह पड़े, अर झाड़ियाँ नै आगै बढके उन ताहीं दाब दिया, अर वो फळ कोनी ल्याये। 8 पर कुछ आच्छी धरती पै पड़े, अर वो उग्या अर बढके फळ ल्याये; अर कोए तीस गुणा, कोए साठ गुणा अर कोए सौ गुणा फळ ल्याया।”

9 फेर उसनै कहा, “जिसके कान हों, वो ध्यान तै सुण ले।”

(22222222 22 222222222)
(22222 13:10-17; 2222 8:9-10)

10 जब यीशु एक्ला रहग्या, तो उसके साथियाँ नै उन बारहां चेल्यां सुधा उसतै इन उदाहरणां के बारे म्ह बुझइया। 11 उसनै उनतै कहा, “थारे ताहीं तो परमेसवर के राज्य के भेद की समझ दे राखी सै, पर बाहर आळा खात्तर सारी बात उदाहरणां म्ह होवै सै।” 12 इस करके के

“वे देखदे होए देखै पर उननै दिखाई ना देवै अर सुणदे होए सुणै भी पर ना समझै; इसा ना हो के वे पाप करणा छोड़दे, अर वे माफ करे जावै।”*

(222 222 222 22 2222222 22 222222222)
(22222 13:18-23; 2222 8:11-15)

13 फेर यीशु ने उनतै कहा, “के थम यो उदाहरण कोनी समझे? तो फेर और सारे उदाहरणां नै किस तरियां

समझोगे? 14 किसान जो बीज बोण आळा सै वो वचन बोण आळे के समान सै। 15 राही के किनारे गिरे बीज उन माणसां की तरियां सै जो वचन सुणै सै, तो शैतान जिब्बे आके वचन नै जो उन म्ह बोया गया था, ठा ले जावै सै।

16 उस्से तरियां-ए जो पथरीली धरती पै बीज गिरे सै, ये वे सै जो वचन सुणके जिब्बे खुश होके अपना लेवें सै।

17 पर उनके भीत्तर जड़ न्ही पकड़ण के कारण थोड़े-से दिनां के खात्तर रहै सै; इसके बाद जब वचन के कारण उनपै क्लेश या संकट आवै सै, तो वे जिब्बे टोक्कर खा जावै सै। 18 जो झाड़ियाँ म्ह बीज गिरे ये वे सै जिन नै वचन सुण्या, 19 अर दुनिया की फिकर, अर धन का धोक्खा, अर दुसरी चिज्जां का लालच म्ह पड़के वचन नै दाब देवै सै अर वो फळदा कोनी। 20 अर जो आच्छी धरती पै बीज गिरे, ये वे सै जो वचन सुणके अपना लेवें सै अर फळ ल्यावै सै, कोए तीस गुणा, कोए साठ गुणा अर कोए सौ गुणा।”

(2222 22 2222222)
(2222 8:16-18)

21 यीशु ने उनतै एक और उदाहरण दिया, “के दीवै नै इस खात्तर कोनी जळान्दे, के उसनै बरतन या खाट के तळै धर देवां? पर इस खात्तर के टांडी पै धरया जावै? 22 इसा कुछ भी न्ही जो लुक्या हो, अर खोल्या न्ही जावैगा अर ना कुछ गुप्त सै, जिसके बारे म्ह बेरा ना लागै। 23 जै किसे के कान हों, तो ध्यान तै सुण ले।”

24 फेर उसनै उनतै कहा, “चौक्कस रहियो की के सुणो सो। जिस नाप तै थम नाप्पो सों उस्से नाप तै थारे खात्तर भी नाप्या जावैगा। अर थारे ताहीं घणा दिया जावैगा। 25 क्यूँके जिसके धोरै सै, उस ताहीं दिया जावैगा, अर जिसके धोरै न्ही सै, उसतै वो भी जो उसके धोरै सै, ले लिया जावैगा।”

(222 222 222 22 2222222)

26 फेर यीशु ने उन ताहीं एक और उदाहरण दिया, “परमेसवर का राज्य इसा सै, जिसा कोए माणस धरती पै बीज छिड़के सै, 27 अर रात नै सोग्या अर सबेरै जाग गया, अर वो बीज इसा उगै अर बधै सै के उसनै बेराए कोनी लाग्या। 28 धरती खुद-बै-खुद फळ लावै सै, पैहल्या अंकुर, फेर बाल, अर फेर बाल म्ह त्यार दाणा। 29 पर जब दाणा पक जावै सै, फेर वो जिब्बे दांती लावै सै, क्यूँके लामणी का बखत आण पोहचा सै।”†

(222 22 2222 22 2222222)
(22222 13:31-32-34; 2222 13:18-19)

30 फेर यीशु ने उन ताहीं एक और उदाहरण दिया, “हम परमेसवर के राज्य की बराबरी किसतै करां अर किस

* 4:12 4:12 (यशा-6:9-10, यिर्म-5:21) † 4:29 4:29 (योए-3:13)

उदाहरण तै उसका खुलासा करां? ³¹ वो राई के दाणै की ढाळ सै: जिब धरती म्ह बोया जावै सै तो धरती के सारे बीज्जां तै छोट्टा होवै सै, ³² पर जिब बोया गया, तो जामके सारे सागपात तै बड़ड़ा हो जावै सै, अर उसकी इतनी बड़डी डाळी लिकड़ै सै के अकास के पंछी उसकी छाया तळै बसेरा कर सकै सै।”

³³ यीशु उन ताहीं इस तरियां के घणे उदाहरण दे-देके उनकी समझके मुताबिक वचन सुणावै था, ³⁴ अर इस तरियां की शिक्षा देण खात्तर वो उदाहरणां का ए इस्तमाल करया करदा; पर एक्ले म्ह वो अपणे चेल्यां ताहीं सारी बाततां का मतलब बतावै था।

ⓂⓂⓂⓂ ⓂⓂⓂⓂⓂ ⓂⓂⓂⓂⓂ ⓂⓂⓂⓂ
(ⓂⓂⓂⓂⓂ 8:23-27; ⓂⓂⓂⓂⓂ 8:22-25)

³⁵ उससे दिन जिब साँझ होई, तो यीशु नै चेल्यां तै कह्या, “आओ, हम समुन्दर के परली ओड़ चाल्लां।” ³⁶ अर वे भीड़ नै छोड़के जिसा वो था, उसाए उस ताहीं किस्ती पै गेल्या ले चाल्ले; अर उसके गेल्या और भी किस्ती थी। ³⁷ फेर बड़ीए आँधी आई, अर पाणी की झाल किस्ती के उरै ताहीं लागगी के वा पाणी तै भरण नै होगी। ³⁸ पर यीशु पाच्छले हिस्से म्ह गद्दी लगाई सोण लाग रह्या था। फेर उननै उस ताहीं जगाके उसतै कह्या, “हे गुरु, के तन्नै चिन्ता कोनी के हम डूबके मरण आळे सां?”

³⁹ फेर उसनै उठके आँधी ताहीं धमकाया, अर पाणी की झाल तै कह्या, “शांत रहै, थम ज्या।” अर आँधी थमगी अर पूरी तरियां शान्ति छागी।

⁴⁰ उसनै उनतै कह्या, “थम क्यूँ डरो सों? के थमनै इब ताहीं बिश्वास कोनी?”‡

⁴¹ वे घणे डरगे, अर आप्पस म्ह बोल्ले, “यो कौण सै के आँधी अर पाणी की झाल भी उसका हुकम मान्नै सै?”

5

ⓂⓂ ⓂⓂⓂⓂⓂ ⓂⓂⓂⓂⓂⓂ ⓂⓂⓂⓂ ⓂⓂⓂⓂⓂⓂ ⓂⓂⓂⓂⓂⓂⓂ ⓂⓂⓂⓂⓂⓂⓂ
(ⓂⓂⓂⓂⓂⓂ 8:28-34; ⓂⓂⓂⓂⓂ 8:26-39)

¹ यीशु अर उसके चेल्ले गलील समुन्दर के परली ओड़ गिरासेनियों के परदेस म्ह पोहचे, ² जिब यीशु किस्ती पै तै उतरया तो जिब्वे एक माणस जिसम्ह ओपरी आत्मा थी, कबिरस्तान म्ह तै लिकड़के उसतै मिल्या। ³ वो कबिरस्तान म्ह रह्या करै था अर कोए उस ताहीं बेल्लां तै भी कोनी जुड़ सकै था, ⁴ क्यूँके वो घणीए बर बेड़ियाँ अर बेल्लां तै जुडचां गया था, पर उसनै बेल्लां ताहीं तोड़ दिया था अर बेड़ियाँ के टुकड़े-टुकड़े कर दिये थे, अर कोए उस ताहीं बस म्ह कोनी कर सकै था। ⁵ वो सारीहाण

रात-दिन कबिरस्तानां अर पहाड़ां म्ह किल्ली मारदा अर खुद नै पत्थरां तै जख्मी करै था।

⁶ वो यीशु नै दूर तै ए देखके भाजके आया, उसके पायां म्ह पड़के घुटने टेक दिए, ⁷ अर जोर तै किल्ली मारके कह्या, “हे यीशु, परमप्रधान परमेसवर के बेट्टे, मन्नै तेरे तै के काम? मै तन्नै परमेसवर की कसम दियुँ सूँ के मन्नै काल ना करै।”* ⁸ क्यूँके उसनै उसतै कह्या था, “हे ओपरी आत्मा, इस माणस म्ह तै लिकड़ आ!”

⁹ यीशु नै उसतै बुझिया, “तेरा के नाम सै?” उसनै उस ताहीं कह्या, “मेरा नाम सेना सै, क्यूँके हम घणे सां।” ¹⁰ अर उसनै यीशु तै घणी बिनती करी, “के हमनै इस परदेस तै बाहरणै ना खन्दावै।”

¹¹ उड़ै पहाड़ पै सूअरां का एक बड़ड़ा टोळ चरै था। ¹² ओपरी आत्मायाँ नै यीशु तै बिनती करके कह्या, “हमनै उन सूअरां म्ह भेजदे के हम उनके भीत्तर समा जावां।” ¹³ यीशु नै उन ताहीं हुकम दिया अर ओपरी आत्मा लिकड़के सूअरां के भीत्तर समागी अर टोळ, जो कोए दो हजार का था, ढळान पै तै झपटके गलील समुन्दर म्ह पड़के डूब मरया।

¹⁴ उनके पाळीयाँ नै जो डरे होए थे, भाजके कस्बे अर गाम्मां म्ह खबर सुणाई, अर जो होया था, माणस उस ताहीं देखण आए। ¹⁵ अर यीशु के धोरै आके वे उस ताहीं जिसम्ह ओपरी आत्मा थी, यानिके जिस म्ह सेना बड़री थी, लत्ते पहरे अर सोध्दी म्ह बेट्टे देख्या। ¹⁶ अर देखण आळा नै उसका, जिसम्ह ओपरी आत्मा थी, अर सूअरां का पूरा किस्सा उन ताहीं कह सुणाया। ¹⁷ फेर वे उसतै बिनती करके कहण लागगे के म्हारी सीमा तै लिकड़ज्या।

¹⁸ जिब यीशु किस्ती पै चढ़ण लागग्या, तो वो जिस म्ह पैहल्या ओपरी आत्मा थी, उसतै बिनती करण लाग्या, के “मन्नै अपणे गेल्या रहण दे।” ¹⁹ पर यीशु नै उस ताहीं मंजूरी कोनी देई, अर उसतै बोल्ल्या, “अपणे घरां जाके अपणे माणसां नै बता, के तेरे पै दया करके प्रभु नै तेरे खात्तर किसे बड़े-बड़े काम करे सै।” ²⁰ वो जाके दिकापुलिस नगर म्ह इस बात का प्रचार करण लाग्या, के यीशु नै मेरै खात्तर किस ढाळ के बड़े काम करे; अर जिसनै भी यो सुण्या वे सारे अचम्भा करण लागगै।

ⓂⓂⓂⓂⓂ ⓂⓂ ⓂⓂⓂⓂ ⓂⓂⓂⓂⓂ ⓂⓂⓂⓂⓂⓂⓂⓂ ⓂⓂ ⓂⓂ
ⓂⓂⓂⓂⓂⓂⓂ ⓂⓂⓂⓂⓂⓂⓂⓂⓂⓂⓂⓂⓂ
(ⓂⓂⓂⓂⓂⓂ 9:18-26; ⓂⓂⓂⓂⓂ 8:40-56)

²¹ जिब यीशु किस्ती तै दुसरे किनारे पै गया, तो एक बड़डी भीड़ उसके धोरै कट्ठी होगी; वो गलील समुन्दर

‡ 4:40 4:40 (भज-107:29) * 5:7 5:7 (मत्ती 8:29, 1 राजा-17:18)

का किनारा था। ²² आराधनालयों के सरदारों में तै एक याईर नाम का आदमी आया, अर उसने देखके उसके पायां के म्हा पड़ग्या, ²³ अर न्यू कहके उस ताहीं बिनती करी, “मेरी छोट्टी छोरी मरण नै होरी सै: तू आके उसपै हाथ धरदे, तो वा ठीक होके जिन्दा हो जावै।” ²⁴ फेर वो उसके गेल्या चाल्या; अर बड़डी भीड़ उसके पाच्छै हो ली, याडै ताहीं के माणस उसपै पड़ण लागरे थे।

²⁵ एक बिरबान्नी थी, जिसके बारहा साल तै लहू बहण की बीमारी थी। ²⁶ उसने घणे डाक्टरों तै ईलाज करवा के भी बड़ा दुख ठाया, अर उसने अपना सारा रपियाँ खर्च के भी कोए फायदा कोनी होया, पर उसकी बीमारी और भी घणी बढ़गी थी।

²⁷ वा बिरबान्नी यो सुणके, यीशु माणसां नै ठीक करे सै भीड़ म्हा उसके पाच्छै तै आई अर उसके लत्ते ताहीं छू लिया, ²⁸ अर वा या भी कहवै थी, “जै मै उसके लत्ते नै छू ल्युंगी, तो ठीक हो जाऊंगी।” ²⁹ अर जिबे उसका लहू बहणा बन्द हो गया, अर उसने अपने देह म्हा बेरा लागग्या के मै उस बीमारी तै चंगी होगी सूं।

³⁰ यीशु नै जिबे खुद तै बेरा पाटग्या के मेरै म्हा तै सामर्थ लिकडी सै, अर भीड़ के पाच्छै फिरके बुझ्या, “मेरे लत्ते किसने छुए?”

³¹ उसके चेल्यां नै उसतै कह्या, “तू देखे सै के भीड़ तेरपै गिरण-पड़ण लागरी सै, अर तू पूच्छै सै के किसने मेरै ताहीं छुया?”

³² फेर उसने उस ताहीं देखण खात्तर जिसने यो काम करया था, चोगरदेने निगांघ घुमाई। ³³ फेर वा बिरबान्नी न्यू जाणके के मेरी किसी भलाई होई सै, डरगी अर काम्बदी होई आई, अर उसके पायां म्हा पड़के उस ताहीं सारा हाल सच-सच कह दिया। ³⁴ यीशु नै उसतै कह्या, “बेट्टी, तेरे बिश्वास नै तेरे ताहीं ठीक करया सै, खुशी-खुशी जा, अर अपनी इस बीमारी तै ठीक रह।”†

³⁵ यीशु न्यू कहवै था के आराधनालय के सरदार याईर के घर तै माणसां नै आके कह्या, “तेरी छोरी तो मर ली सै, इब गुरु नै क्यांतै काल करे सै?”

³⁶ जो बात वे कहरे थे, उस ताहीं यीशु नै बेगौरी करके, आराधनालय के सरदार तै कह्या, “मतना डरै, सिर्फ बिश्वास राख।”

³⁷ अर उसने पतरस अर याकूब अर उसके भाई यूहन्ना नै छोड़, किसे दुसरे ताहीं अपने गेल्या आण ना दिया।

³⁸ आराधनालय के सरदार के घर म्हा पोहचके, उसने माणसां ताहीं घणे रोन्दे अर किलकी मारदे देख्या। ³⁹ फेर उसने भीत्तर जाके उनतै कह्या, “थम क्यांतै रोळा

मचाओ अर रोओ सो, छोरी मरी कोनी, पर सोवै सै।” ⁴⁰ वे उसका मजाक उड़ाण लागगे, पर उसने सारया ताहीं बाहर लिकाड़के छोरी के माँ-बाप अर अपने चेल्यां के गेल्या भीत्तर गया, जित्त छोरी पड़ी थी। ⁴¹ अर छोरी का हाथ पकड़के उसतै कह्या, “तलिता कूमी!” जिसका मतलब सै, “हे छोरी, मै तेरे तै कहूँ सूं, उठ!” ⁴² अर वा छोरी जो बारहा साल की थी, जिबे उठके चाल्लण-फिरण लागगी; अर इसपै माणस घणे हैरान होगे। ⁴³ फेर उसने उन ताहीं चेतावनी देके हुकम दिया के इस बात का किसे नै भी बेरा ना पाट्टण दियो अर कह्या, “इसने कुछ खाण नै द्यो।”

6

ⓂⓂⓂⓂⓂ ⓂⓂⓂ ⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂⓂ 13:53-58; ⓂⓂⓂⓂⓂ 4:16-30)

¹ कफरनहूम नगर तै लिकाड़के यीशु अपने नासरत नगर म्हा आया, अर उसके चेल्ले भी उसके पाच्छै गए। ² आराम के दिन वो आराधनालय म्हा उपदेश देण लागग्या, अर घणखरे माणसां नै सुणके अचम्भा करया अर कहण लागगे, “इसने इतनी बात कडै तै आगी?” यो कौण सा ज्ञान सै जो उस ताहीं दिया होया सै? किस ढाळ के सामर्थ के काम उसके हाथ्यां तै दिखे सै? ³ के यो वोए खात्ती कोनी, जो मरियम का छोरा, अर याकूब, योसेस, यहूदा, अर शमौन का भाई सै? के उसकी सारी बेबे याडै म्हारै बिचाळै कोनी रहन्दी? इस करके उनने उसका बिश्वास कोनी करा।

⁴ यीशु नै उनतै कह्या, “नबी का अपने गाम, अपने कुण्बे, अर अपने घर नै छोड़के और किते भी निरादर कोनी होन्दा।” ⁵ वो उडै कोए चमत्कार के काम न्ही कर सक्या, सिर्फ थोड़े-से बिमारां पै हाथ धरके उन ताहीं ठीक करया।

⁶ अर यीशु नै उनके अबिश्वास पै हैरानी होई अर चौगरदे के गाम्मां म्हा उपदेश सुणान्दा हांडया।

ⓂⓂⓂⓂⓂⓂ ⓂⓂⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂ ⓂⓂⓂⓂⓂ
(ⓂⓂⓂⓂⓂⓂ 10:5-15; ⓂⓂⓂⓂⓂ 9:1-6)

⁷ यीशु नै बारहां चेल्यां ताहीं अपने धोरै बुलाया अर उनने ओपरी आत्मायां पै हक दिया अर उनने दो-दो करके भेजण लागग्या;।

⁸ उसने चेल्यां ताहीं हुकम दिया, “रास्ते खात्तर लाट्टी नै छोड़ और कुछ ना लियो, ना तो रोट्टी, ना झोळी, ना बटुए म्हा पईसे, ⁹ जूत्ते तो पैहरियो पर पैहरण खात्तर दो कुडते ना लियो।” ¹⁰ अर यीशु नै चेल्यां ताहीं कह्या, “जित्त किते थम जिस घर म्हा जाओ, तो जिब ताहीं उडै तै बिदा ना होइयो तब तक उस्से घर म्हा ठहरे

रहो। 11 जिस जगहां के माणस थमनै न्ही अपणावै अर थारी न्ही सुणै, उडै तै चाल्दे-ए अपणे ताल्वां की धूळ झाड़ दियो के या उनकै बिरुध्द गवाही होवै।”

12 फेर चेल्यां नै जाकै प्रचार करया के पाप करणा छोड़ द्यो, 13 अर घणीए ओपरी आत्मा ताहीं काढ्या, अर घणे बिमारां पै तेल मळ कै उन ताहीं ठीक करया।

ⓂⓂⓂⓂⓂⓂ ⓂⓂⓂⓂⓂⓂⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂⓂⓂ 14:1-12; ⓂⓂⓂⓂⓂⓂ 9:7-9)

14 राजा हेरोदेस नै भी यीशु का जिक्र सुण्या, क्यूँके उसका नाम फैलग्या था, अर उसनै कह्या, के “यूहन्ना बपतिस्मा देण आळा मरया होया म्ह तै जिन्दा होया सै, इस्से करकै उसतै ये सामर्थ के काम होवै सै।”

15 दुसरे माणसां नै कह्या, “यो एलिय्याह सै।” पर कुछ दुसरयां नै कह्या, “वो एक नबी सै पुराणे नबियाँ म्ह तै किसे कै बरगा।”

16 हेरोदेस नै न्यू सुणकै कह्या, “जिस यूहन्ना का सिर मन्नै कटवाया था, वोए जिन्दा होया सै।”

17 हेरोदेस नै अपणे भाई फिलिप्पुस की घरआळी हेरोदियास के कारण, जिसतै उसनै ब्याह कर लिया था, माणसां ताहीं भेजकै यूहन्ना ताहीं पकड़वाकै जेळ म्ह गेर दिया था। 18 क्यूँके यूहन्ना नै हेरोदेस तै कह्या था, “अपणे भाई की घरआळी ताहीं राखणा मूसा के नियम-कायदा कै मुताबिक तेरे खात्तर ठीक कोनी।”* 19 इस करकै हेरोदियास यूहन्ना तै बैर राख्या करै थी अर वा चाहवै थी के उसनै मरवा देवै, पर इसा हो न्ही सक्या, 20 क्यूँके हेरोदेस यूहन्ना नै धर्मी अर पवित्र माणस जाणकै उसतै डरै था, अर उसका बचाव करै था, अर उसकी बात सुणकै घणा घबरावै था, फेर भी उसकी बात्तां नै आनन्द तै सुणै था।

21 आखिरकार एक इसा मौक्का आया, जिब हेरोदेस नै अपणे जन्म दिन पै अपणे प्रधानां, सेनापतियाँ, अर गलील के बड़े माणसां के खात्तर जीमणा करया। 22 तो हेरोदियास की बेट्टी भीत्तर आई, अर नाचकै हेरोदेस ताहीं अर उसकै गेल्या बैठण आळा ताहीं राज्जी करया। फेर राजा नै छोरी तै कह्या, “तू जो चाहवै मेरै तै माँग ले, मै तन्नै वोए दियुंगा।” 23 हेरोदेस नै कसम खाई, “मै अपना आध्धा राज्य तक जो कुछ तू मेरै तै माँगैगी मै तन्नै दियुंगा।”†

24 उसनै बाहरणै जाकै अपनी माँ तै बुझया, “मै के माँगू?” वा बोल्ली, “यूहन्ना बपतिस्मा देण आळे का सिर।”

25 वा जिब्बे राजा धोरै भीत्तर आई अर उसतै बिनती करी, “मै चाहूँ सूँ के तू इब्बे यूहन्ना बपतिस्मा देण आळे का सिर एक थाळ म्ह मन्नै मँगवा दे।”

26 फेर राजा घणा दुखी होया, पर अपनी कसम के कारण अर गेल्या बैठण आळा के कारण उस ताहीं टाळणा कोनी चाह्या। 27 आखर म्ह राजा नै जिब्बे एक सिपाही ताहीं हुकम देकै भेज्या के उसका सिर काट ल्यावै। 28 उसनै जेळखान्ने म्ह जाकै उसका सिर काट्या, अर एक थाळ म्ह धरकै ल्याया अर छोरी ताहीं दिया, अर छोरी नै अपनी माँ तै दिया। 29 न्यू सुणकै यूहन्ना के चेल्लें आए, अर उसकी लाश नै लेगे अर कब्र म्ह धर दी।

ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ
(ⓂⓂⓂⓂⓂⓂ 14:13-14; ⓂⓂⓂⓂⓂⓂ 9:10)

30 चेल्लें बोहड़कै यीशु के धोरै आये, जो कुछ उननै करया अर सिखाया था, सब कुछ उस ताहीं बता दिया।

31 यीशु नै चेल्यां तै कह्या, “आओ हम किसे एकान्त जगहां म्ह चालकै माड़ा आराम करां।” क्यूँके घणे माणस आवै-जावै थे, अर उननै खाण का मौक्का भी कोनी मिलै था।

32 ज्यांतै वे किस्ती पै चढ़कै सुनसान जगहां म्ह न्यारे चले गए।

ⓂⓂⓂⓂⓂⓂⓂⓂ ⓂⓂⓂⓂⓂⓂⓂⓂ ⓂⓂⓂⓂⓂⓂ ⓂⓂⓂⓂⓂⓂⓂⓂ
(ⓂⓂⓂⓂⓂⓂ 14:15-21; ⓂⓂⓂⓂⓂⓂ 9:11-17; ⓂⓂⓂⓂⓂⓂ 6:1-14)

33 घणा नै यीशु अर उसके चेल्यां ताहीं जान्दे देखकै पिछाण लिया, अर सारे नगरां तै कट्टे होकै उडै पांए-पाँ भाज लिए अर उनतै पैहल्या जा पोहचे।

34 उसनै उतरकै बड़डी भीड़ देखकी, अर उनपै तरस खाया, क्यूँके वे उन भेड्या की तरियां थे, जिनका कोए रुखाळा ना हो; अर वो उननै घणीए बात सिखाण लाग्या।‡

35 जिब दिन घणा ढळग्या, तो उसके चेल्लें उसकै धोरै आके कहण लागगे, “या सुनसान जगहां सै, अर दिन घणा ढळग्या सै। 36 उननै बिदा करकै चौगरदेकै गाम्मां अर बस्तियाँ म्ह जाकै, अपणे खाण खात्तर कुछ मोल लियावै।”

37 यीशु नै जवाब दिया, “थमे उननै खाण नै द्यो।” चेल्यां नै उस ताहीं कह्या, “के हम दो सौ दीनार (200 दिन की मजदूरी) की रोट्टी मोल ल्यावां, अर उननै खुआवां?”

38 यीशु नै उन ताहीं कह्या, “जाके देखो थारे धोरै कितनी रोट्टी सै?” उननै कह्या, “पाँच रोट्टी अर दो मच्छी भी।”

* 6:18 6:18 (लैव्य-18:16, लैव्य-20:21) † 6:23 6:23 (एस्ते-5:3,6, एस्ते-7:2) ‡ 6:34 6:34 (2 इति-18:16, 1 राजा-22:17)

39 फेर यीशु नै उन ताहीं हुकम दिया के सारया नै हरी घास पै टोळ म्ह बिठा द्यो ।

40 वे सौ-सौ अर पचास-पचास करकै टोळ म्ह बैठगें ।

41 यीशु नै उन पाँच रोट्टी अर दो मच्छियाँ ताहीं लिया, अर सुर्ग कै कान्ही लखाकै परमेसवर का धन्यवाद करया, अर रोट्टी तोड़-तोड़कै चेल्यां ताहीं देन्दा गया के वे माणसां ताहीं बांडै, अर वे दो मच्छियाँ भी उन सारया म्ह बांड दी ।

42 सारे खाकै धापगे, 43 अर उननै टुकड्या अर मच्छियाँ तै भरी होई बारहा टोकरियाँ ठाई । 44 जिन नै रोट्टी खाई, वे पाँच हजार आदमी थे ।

[\[2\]\[2\]\[2\]\[2\]\[2\]\[2\]-\[2\]\[2\]\[2\]\[2\]\[2\]\[2\] \[2\]\[2\]\[2\]\[2\]\[2\]\[2\]](#)
([\[2\]\[2\]\[2\]\[2\]\[2\]\[2\] 14:22-33](#); [\[2\]\[2\]\[2\]\[2\]\[2\]\[2\] 6:15-21](#))

45 फेर यीशु नै जिब्बे अपने चेल्यां ताहीं किस्ती पै चढ़ण कै खात्तर मजबूर करया, ताके वे उसतै पैहल्या उस पार बैतसैदा नगर म्ह चले जावै, जिब तक के वो माणसां ताहीं बिदा करै । 46 चेल्यां नै बिदा करकै यीशु पहाड़ पै प्रार्थना करण खात्तर गया ।

47 जिब साँझ होई, तो किस्ती समुन्दर कै बिचाळै थी, अर यीशु एकला किनारे पै था । 48 जिब उसनै देख्या के वे किस्ती चलाणा म्ह घणी मेहनत करण लागरे सै, क्यूँके हवा उनके स्याम्ही की थी, तो सबेरै तीन बजे कै लोवै-धोवै यीशु समुन्दर पै चाल्दे होए उनके धोरै आया; अर उनतै आगौ लिकड़ जाणा चाहवै था ।

49 पर चेल्यां नै उस ताहीं समुन्दर पै चाल्दे देखकै समझया के भूत सै, अर किल्की मारण लागगे; 50 क्यूँके सारे उसनै देखकै घबरागे थे । पर उसनै जिब्बे उनतै बात करी अर कह्या, “होसला राक्खो, मै सू; डरो मतना!” 51 फेर वो उनके धोरै किस्ती पै आया, अर हवा थमगी: अर वे घणा अचम्भा करण लागगे । 52 चेल्लें उस रोट्टी की घटना के बारै म्ह कोनी समझै थे, क्यूँके उनके दिल कठोर होरे थे ।

[\[2\]](#)
[\[2\]\[2\]\[2\]\[2\]\[2\]\[2\]](#)

([\[2\]\[2\]\[2\]\[2\]\[2\]\[2\] 14:34-36](#))

53 वे गलील समुन्दर पार करकै गन्नेसरत परदेस म्ह पोहचे, अर किस्ती घाट पै लाई । 54 जिब यीशु किस्ती पै तै उतरया तो माणसां नै उस ताहीं पिच्छाण लिया, 55 लोवै-धोवै कै सारे नगर म्ह भाज्जे-भाज्जे, अर बिमारां नै खाट्टां पै लादकै, जित्त-जित्त खबर मिली के यीशु ओड़ै सै, उड़ै-उड़ै लिए हान्डे । 56 अर जित्त किते भी वो गाम्मां, नगरां, या बस्तियाँ म्ह जावै था, माणस बिमारां नै बजारां म्ह धरकै उसतै बिनती करै थे के वो

उननै अपने लत्ते कै पल्ले तै ए छू लेण दे: अर जितने उसनै छुवै थे, सारे ठीक हो जावै थे ।

7

[\[2\]\[2\]\[2\]\[2\]\[2\]\[2\]-\[2\]\[2\]\[2\]\[2\]\[2\]\[2\] \[2\]\[2\]\[2\]\[2\]\[2\]\[2\]](#)
([\[2\]\[2\]\[2\]\[2\]\[2\]\[2\] 15:1-9](#))

1 एक दिन कुछ फरीसी अर शास्त्री जो यरुशलेम नगर तै आए थे, यीशु कै धोरै कट्टे होए, 2 अर उननै उसके कुछ चेल्यां ताहीं बिना सुच्चे होए यानिके बिना हाथ धोए रोट्टी खांदे देख्या । 3 क्यूँके फरीसी अर सारे यहूदी, बड़े बुजुर्गा के रीति-रिवाजां पै चाल्लै सै अर जिब ताहीं ठीक ढाळ हाथ न्ही धो लेंदे जद ताहीं कोनी खान्दे । 4 अर बजार तै आकै, जिब तक के अपने हाथ न्ही धो लेते, जद ताहीं रोट्टी कोनी खान्दे; और घणीए बात सै, जो उनके रीति-रिवाजां का हिस्सा सै, जिस तरियां कटोरे, अर लोट्टे, अर ताम्बे के बरतनां ताहीं धोणा मान्जणा ।

5 इस करकै उन फरीसियाँ अर शास्त्रियाँ नै यीशु तै बुझया, “तेरे चेल्लें क्यातै बड़े बुजुर्गा के रीति-रिवाजां पै कोनी चाल्दे, अर बिना हाथ धोए रोट्टी खावै सै?”

6 यीशु नै फरीसियाँ अर शास्त्रियाँ ताहीं कह्या, “यशायाह नबी नै थम कपटियाँ कै बारै म्ह घणी ठीक भविष्यवाणी करी; जिसा लिख्या सै: ‘थे माणस होट्टां तै तो मेरा आदर करै सै पर उनका मन मेरै तै दूर रहवै सै।’* 7 वे खामखां मेरी पूजा करै सै, क्यूँके माणसां कै हुकमां नै धर्म का उपदेश करकै सिखावै सै।’†”

8 “क्यूँके थम परमेसवर कै हुकम नै टाळकै माणसां कै रिवाजां ताहीं मान्दो सो ।”

9 उसनै उन ताहीं कह्या, “थम अपने रिवाजां नै मानण कै खात्तर परमेसवर का हुकम कितनी बढ़िया ढाळ टाळ द्यो सो । 10 क्यूँके मूसा नबी नै कह्या सै, ‘अपणे माँ-बाप की इज्जत कर’ अर ‘जो कोए अपने माँ-बाप नै भुंडा बोल्लै, वो जरूर मारया जावै।’‡ 11 पर थम कहो सो के जै कोए अपने माँ-बाप तै कहवै, ‘जो कुछ मन्नै थारे ताहीं अपनी सम्पत्ति म्ह तै देणा था, वो मन्नै परमेसवर ताहीं अर्पण कर दिया।’ 12 तो थम उननै उसके माँ बाप की कुछ भी सेवा करण न्ही देन्दे । 13 इस तरियां थम अपनी रीत-रिवाजां तै, जिन ताहीं थमनै ठहराया सै, परमेसवर का वचन टाळ द्यो सो; अर इसे-इसे घणखरे काम करो सो ।”

[\[2\]](#)
([\[2\]\[2\]\[2\]\[2\]\[2\]\[2\] 15:10-20](#))

* 7:6 7:6 (यशा-29:13) † 7:7 7:7 (यशा-29:13) ‡ 7:10 7:10 (निर्ग-20:12, व्य-5:16)

14 फेर यीशु नै माणसां ताहीं अपणे धोरै बुलाकै कह्या, “थम सारे मेरी सुणो, अर समझो। 15 इसी कोए चीज कोनी जो माणस म्ह बाहर तै बड़कै उस ताहीं अशुद्ध करै; पर जो चीज माणस कै भीत्तर तै लिकड़ै सै, वैए उस ताहीं अशुद्ध करै सै। 16 (जै किसे के कान हो तो वो ध्यान तै सुण ले।)”

17 जब यीशु भीड़ नै छोड़कै घरां आया, तो उसके चेल्यां नै इस उदाहरण कै बारे म्ह उसतै बुझय्या। 18 यीशु नै उनतै कह्या, “के थम भी इसे नासमझ सो? के थमनै न्ही बेरा के जो चीज बाहर तै माणस कै भीत्तर जावै सै वा उसनै अशुद्ध कोनी कर सकदी? 19 क्यूँके वा उसकै मन म्ह न्ही, पर पेट म्ह जावै सै, अर संडास म्ह लिकड़ जावै सै?” न्यू कहकै उसनै सारी खाणे की चिज्जां ताहीं शुद्ध ठहराया।

20 फेर उसनै कह्या, “जो माणस म्ह तै लिकड़ै सै, वोए माणस नै अशुद्ध करै सै। 21 क्यूँके भीत्तर तै, यानिके माणस कै मन तै, भुन्डे-भुन्डे ख्याल, जारी, चोरी, हत्या, बिगान्नी बिरबान्नी कै धोरै जाणा, 22 लोभ, दुष्टता, छळ, लुचपण, जलन, बुराई, घमण्ड, अर बेअक्ली लिकड़ै सै। 23 ये सारी भुंडी बात भीत्तर तै ए लिकड़ै सै अर माणस नै अशुद्ध करै सै।”

☞☞☞☞☞☞☞☞☞☞ ☞☞☞☞ ☞☞ ☞☞ ☞☞☞☞☞☞
☞☞☞☞☞☞☞☞☞☞ ☞☞☞☞☞☞☞☞
(☞☞☞☞☞☞ 15:21-28)

24 फेर यीशु ओड़ै तै उठकै सूर अर सैदा के परदेस म्ह आया; जित्त एक घर म्ह गया अर वो चाहवै था ताके किसे नै उनके बारे म्ह बेरा न्ही लाग्गै, पर वो लुहक न्ही सक्या। 25 अर जिब्बे एक बिरबान्नी जिसकी छोट्टी छोरी म्ह ओपरी आत्मा थी, उसका जिक्र सुणकै आई, अर उसकै पायां म्ह पड़गी। 26 वा सुरुफिनिकी परदेस के यूनानी जात की थी। बिरबान्नी नै उसतै बिनती करी के मेरी छोरी म्ह तै ओपरी आत्मा लिकाड़ दे।

27 उसनै उसतै कह्या, “पैहल्या मेरे बच्चें जो यहूदी सै उननै खा लेण दे, क्यूँके बाळकां की रोट्टी लेकै कुत्याँ के आगुँ गेरणा ठीक कोनी।” (यहूदी दुसरी जात के माणसां नै कुत्याँ के समान समझै थे)

28 उसनै उस ताहीं जवाब दिया, “साच्ची सै प्रभु; पर कुत्ते भी तो मेज के तळै बाळकां की रोट्टी के टुकड़े खा लवै सै।”

29 यीशु नै उसतै कह्या, “तेरी बात सुणकै तेरे बिश्वास का बेरा पाट्टै सै इस कारण चली जा; ओपरी आत्मा तेरी छोरी म्ह तै लिकड़गी सै।” 30 उसनै अपणे घरां

आकै देख्या के छोरी खाट पै पड़ी सै, अर ओपरी आत्मा लिकड़गी सै।

☞☞☞☞☞☞☞☞☞☞ ☞☞☞☞☞☞☞☞☞☞☞☞☞☞☞☞☞☞☞☞☞☞

31 फेर यीशु सूर अर सैदा के परदेसां तै लिकड़कै दिकापुलिस नगर तै होंदा होड़ गलील समुन्दर पै पोंहच्या। 32 तो आदमियाँ नै एक बैहरै ताहीं जो हाकळा भी था, उसकै धोरै आकै उसतै बिनती करी के अपणा हाथ उसपै धरै।

33 फेर यीशु उसनै भीड़ तै न्यारा लेग्या, अपणी आन्गळी उसकै कान्ना म्ह घाल्ली, अर अपणी आन्गळी पै थूककै उसकी जीभ ताहीं छुया; 34 अर सुर्ग कान्ही देखकै आह भरी, अर उसतै कह्या, “इप्फत्तह!” यानिके “खुल ज्या!” 35 वो सही तरियां सुणण, अर वो सुथरी-ढाळ बोल्लण लाग्या।

36 फेर उसनै उन ताहीं चिताया कह्या के किसे तै ना कहियो; पर जितना यीशु नै उन ताहीं बताया उतनाए वे और प्रचार करण लाग्गै। 37 वे घणे हैरान होकै कहण लाग्गै, “उसनै जो कुछ करया सारा ठीक करया सै; वो बैहरया नै सुणण की, गूँगा नै बोल्लण की ताकत देवै सै।”

8

☞☞☞☞☞☞☞☞☞☞ ☞☞☞☞☞☞☞☞☞☞☞☞☞☞☞☞☞☞☞☞☞☞
(☞☞☞☞☞☞ 15:32-39)

1 एक दिन जब भीड़ कट्टी होई, अर उनकै धोरै इब कुछ खाण नै कोनी बचा था, तो यीशु नै अपणे चेल्यां ताहीं धोरै बुलाकै उनतै कह्या, 2 “मन्नै इस भीड़ पै तरस आवै सै, क्यूँके ये तीन दिनां तै बराबर मेरै गेल्या सै, अर इब उनकै धोरै कुछ खाण नै भी कोनी बचा। 3 जै मै उननै भूक्खा घरां भेज द्यु, तो राह म्ह थक हार के बेहोस हो ज्यांगें; क्यूँके इन म्ह तै कई लोग दूर तै आरे सै।”

4 उसकै चेल्यां नै जवाब दिया, “उरै जंगल-बियाबान म्ह इतनी रोट्टी कोए कित्त तै ल्यावै के वे छिक्क ज्या?”

5 यीशु नै उनतै बुझय्या, “थारे धोरै कितनी रोट्टी सै?” उननै कह्या, “सात।”

6 फेर उसनै माणसां ताहीं धरती पै बैठण का हुकम दिया, अर वे सात रोट्टी ली अर परमेसवर का धन्यवाद करकै तोड़ी, अर अपणे चेल्यां नै देन्दा गया, अर उननै वे रोटी माणसां के आगुँ परोस दी। 7 उनकै धोरै माड़ी-सी छोट्टी मच्छियाँ भी थी; उसनै परमेसवर का धन्यवाद करकै उन ताहीं माणसां के आगुँ धरण का हुकम दिया।

8 वे खाकै छिक्कगे अर चेल्यां नै बचे होड़ टुकड्या के सात टोकरे भरकै ठाए। 9 अर सारे लोग चार हजार के करीबन थे; फेर यीशु नै उन ताहीं भेज दिया, 10 अर वो

जिब्बे अपणे चेल्यां कै गेल्या किस्ती म्ह चढकै दलमनूता परदेस नै चल्या गया।

?????????? ?? ??????? ?????????? ??????? ??
??????

(16:1-4)

11 जब फरीसियाँ नै देख्या कै यीशु दलमनूता परदेस म्ह आ गया तो वे उसतै बहस करण लागगे, अर यो परखण खात्तर के परमेसवर नै यीशु ताहीं भेज्या सै, उसतै कोए सुर्गीय चिन्ह-चमत्कार की माँग करी।

12 यीशु नै अपनी आत्मा म्ह आह भरकै कह्या, “इस बखत के माणस क्यातै चिन्ह-चमत्कार टोह्वै सै? मै थमनै साच्ची-साच कहूँ सूँ, के इस बखत के माणसां नै कोए चिन्ह-चमत्कार कोनी दिया जावैगा।” 13 अर वो उननै छोड़कै फेर किस्ती पै चढग्या अर गलील समुन्दर के परली ओड़ चल्या गया।

???????????? ?? ?????????? ?? ??????
(???????? 16:5-12)

14 चेल्ले रोटी लेणा भूलगे थे, पर किस्ती म्ह उनकै धोरै सिर्फ एक-ए रोटी थी। 15 यीशु नै उनकी कपट रूपी शिक्षा के बारे म्ह चिताया, “लखाओ, फरीसियाँ अर हेरोदेस के खमीर तै चौकन्ने रहो।”

16 वे आप्पस म्ह विचार करकै कहण लागगे, “म्हारै धोरै तो रोटी सै कोनी।”

17 न्यू जाणकै यीशु नै उनतै कह्या, “थम क्यातै आप्पस म्ह यो विचार करे सो के म्हारै धोरै रोटी कोनी? के इब ताहीं थम न्ही जाणे अर न्ही समझे? के थारा मन कठोर होग्या सै? 18 के आँख होते होए भी कोनी देखदे, अर कान होते होए भी कोनी सुणदे? के थारे याद कोनी। 19 के जब मन्नै पाँच हजार माणसां कै खात्तर पाँच रोटी तोड़ी थी तो थमनै बचे होड़ टुकड्या के कितने टोकरे भरकै ठाए थे, उननै उसतै कह्या, बारहा टोकरे।”

20 “अर जब चार हजार माणसां कै खात्तर सात रोटी थी तो थमनै बचे होड़ टुकड्या के कितने टोकरे भरकै ठाए थे?” उननै उसतै कह्या, “सात टोकरे।”

21 उसनै उनतै कह्या, “के थम इब ताहीं न्ही समझदे?”

???????????? ?? ?? ?????????? ?????????? ?????
??????

22 यीशु अर उसके चेल्ले बैतसैदा कस्बे म्ह आए; अर आदमी एक आन्धे नै उसके धोरै लियाये अर उसतै बिनती करी के उसनै छुवै। 23 वो उस आन्धे का हाथ पकड़कै गाम तै बाहरणै लग्या, अर अपनी आंगळी पै थूककै उसकी आँखां पै हाथ धरते होए उसतै बुझ्या, “के तू कुछ देखै सै?”

24 उसनै निगांह ठाकै कह्या, “मै माणसां नै देखूँ सूँ; वे मन्नै चाल्दे होए दरख्तां की ढाळ दिखै सै।”

25 फेर उसनै दुबारा उसकी आँखां पै हाथ धरे, अर आन्धे नै ध्यान तै देख्या। वो ठीक होग्या, अर सारा कुछ सुथरी-ढाळ देखण लाग्या। 26 उसनै उस ताहीं न्यू कहके घरां भेज्या, “इस गाम म्ह भी ना जाईये।”

?????? ??? ?? ?????? ??? ?????? ??
????????????????

(?????? 16:21-23; ????? 9:22)

27 यीशु अर उसके चेल्ले कैसरिया फिलिप्पी परदेस के गाम्मां म्ह चले गये। राह म्ह उसनै अपणे चेल्यां तै बुझ्या, “माणस मन्नै के कहवै सै?”

28 उननै जवाब दिया, “यूहन्ना बपतिस्मा देण आळा, पर कोए एलिय्याह अर कोए-कोए तो उसनै पुराणे नबियाँ म्ह तै एक सै भी कहवै सै।”

29 उसनै उनतै बुझ्या, “पर थम मन्नै के कहो सो?” पतरस नै जवाब दिया, “तू मसीह सै।”

30 फेर उसनै उन ताहीं समझाकै कह्या के मेरै बारै म्ह यो किसे तै ना कहियो।

?????? ?? ?????? ?????????? ?? ?????????? ?????
????????

31 फेर यीशु चेल्यां नै सिखाण लाग्या के माणस कै बेटे (उसनै अपणे बारे म्ह कह्या था) खात्तर जरूरी सै के वो घणा दुख ठावै, यहूदी अगुवें, प्रधान याजकां, अर शास्त्री उसनै तुच्छ समझकै मार देवें, अर वो तीसरे दिन म्ह जिन्दा हो जावैगा। 32 उसनै या बात उनतै साफ-साफ कह दी। इसपै पतरस उसनै न्यारा ले जाकै झिड़कण लाग्या, क्यूँके उसनै सोच्या के मसीह मर न्ही सकदा।

33 पर यीशु नै पलटके अपणे चेल्यां कान्ही देख्या, अर पतरस तै झिड़ककै कह्या, “हे शैतान, मेरै स्याम्ही तै दूर हो; क्यूँके तू परमेसवर की बातों पै न्ही, पर माणसां की बातों पै मन लगावै सै।”

?????? ?? ?????????? ?????????? ?? ??????
(???????? 16:24-28; ????? 9:23-27)

34 यीशु नै भीड़ ताहीं अपणे चेल्यां सुधा बुलाकै कह्या, “जो कोए मेरा चेल्ला बणणा चाहवै, वो अपनी ए इच्छा पूरी ना करै बल्के अपणे दुखां का करूस ठाकै, मेरै पाच्छै हो लेवै। 35 क्यूँके जो कोए अपनी जान बचाणा चाहवै वो अनन्त काल खात्तर गवावैगा, पर जो कोए मेरै अर सुसमाचार खात्तर अपनी जान गवावैगा, वो उसनै अनन्त काल खात्तर बचावैगा। 36 जै माणस सारी दुनिया की चिज्जां नै पा लेवै अर फेर भी अनन्त जीवन नै न्ही पा सकै, तो उसतै के फ़ैयदा होगा? 37 कोए भी माणस

अनन्त जीवन की तुलना दुनिया की किसी भी चीज तै न्ही कर सकता? 38 जो कोए इस जार अर पापी युग के बिचाळै मेरै तै अर मेरे वचन तै इन्कार करैगा, तो मै माणस का बेट्टा भी जिब पवित्र सुर्गदूतां कै गेल्या अपने पिता की महिमा सुधा आऊंगा, तो मै भी उसतै इन्कार करूंगा।”

9

(2222 22 22222222)
(222222 17:1-13; 22222 9:28-36)

1 यीशु नै उनतै कह्या, “मै थारे तै साच्ची कहुँ सूँ के जो उरै खड़े सै, उन म्ह तै कई इसे माणस सै, के जिब ताहीं परमेसवर के राज्य नै सामर्थ सुधा आन्दा होया न्ही देख लेवैगे, जद तक न्ही मरैगे।”

2 छः दिनां पाच्छै यीशु नै पतरस अर याकूब अर यूहन्ना ताहीं गेल्या लिया, अर एकान्त म्ह किसे ऊँचे पहाड़ पै लेग्या। ओड़ै उनकै स्याम्ही उसका रूप बदल ग्या, 3 अर उसके लत्ते इसे चमकण लागगे उरै ताहीं जमा धोळाधप होया, के धरती पै कोए धोब्बी भी उसा धोळा न्ही लिकाड़ सकदा। 4 अर उननै मूसा नबी कै गेल्या एलिय्याह नबी दिख्या; वे यीशु कै गेल्या बात करै थे।

5 इसपै पतरस नै यीशु तै कह्या, “हे गुरु, म्हारा उरै रहणा ठीक सै: इस करकै हम तीन मण्डप बणावा; एक तेरे खात्तर, एक मूसा नबी खात्तर, एक एलिय्याह नबी खात्तर।” 6 क्यूँके उसनै कोनी बेरा था, के वो के जवाब देवै, ज्यांतै के वे घणे डरगे थे।

7 फेर एक बादळ उनपै छाग्या, अर उस बादळ म्ह तै परमेसवर नै कह्या, “यो मेरा प्यारा बेट्टा सै, इसकी सुणो।”*

8 फेर उननै चाणचक चौगरदेकै निगांह घुमाई, अर यीशु नै छोड़ अपने गेल्या और किसे ताहीं कोनी देख्या।

9 पहाड़ तै उतरदी आणी यीशु नै उन ताहीं हुकम दिया के जिब ताहीं मै माणस का बेट्टा मरे होया म्ह तै जिन्दा न्ही हो जाऊंगा, तब तक जो कुछ थमनै देख्या सै वो किसे तै ना कहियो। 10 चेल्यां नै या बात अपने मन म्ह ए राक्खी, अर आप्पस म्ह बहस करण लागगे, के “मेरे होया म्ह तै जी उठण का के मतलब हो सकै सै?”

11 अर उननै उसतै बुझ्या, “शास्त्री क्यांतै कहवै सै के एलिय्याह नबी का पैहल्या आणा जरूरी सै?”

12 यीशु नै उन ताहीं जवाब दिया, “यो सच सै एलिय्याह नबी पैहल्या आकै सारा कुछ सुधारैगा, पर मेरे बारे म्ह पवित्र ग्रन्थ म्ह यो क्यांतै लिख्या सै के वो घणा दुख ठावैगा, अर तुच्छ गिण्या जावैगा? 13 पर

मै थमनै कहुँ सूँ के एलिय्याह नबी तो (जो यूहन्ना सै) आ लिया, अर जिसा के उसके बारे म्ह पवित्र ग्रन्थ म्ह लिख्या सै, उननै जो कुछ चाह्या उसके गेल्या करया।”

(2222 22222 222 2222 2222222 2222)
(22222 22)
(22222 17:14-21; 2222 9:37-43)

14 यीशु अर उसके तीन चेल्ले दूसरयां चेल्यां कै धोरै आये, तो देख्या के उनके चौगरदे नै घणी भीड़ लागरी सै अर शास्त्री उनके गेल्या बहस कररे सै। 15 यीशु ताहीं देखदे ए सारे घणे हैरान होण लागगे, अर उननै यीशु कान्ही भाजके उसतै नमस्कार करया।

16 यीशु नै उनतै बुझ्या, “थम इनतै के बहस कररे सो?”

17 भीड़ म्ह तै एक नै उसतै जवाब दिया, “हे गुरु, मै अपने बेट्टे ताहीं जिसम्ह ओपरी आत्मा सै, जो उसनै बोल्लण कोनी देती। मै उस ताहीं तेरे धोरै ल्याया था। 18 जित्त किते ओपरी आत्मा उसनै पकड़ै सै, उड़ैए पटक देवै सै: अर वो मुँह म्ह तै झाग भर लावै सै, अर दाँत पिसदा, अर सुखदा जावै सै। मन्नै तेरे चेल्यां तै कह्या के वे ओपरी आत्मा नै काढ देवै, पर वे काढ न्ही सके।”

19 न्यू सुणकै यीशु नै उनतै जवाब देकै कह्या, “हे अबिश्वासी माणसों, मै कद ताहीं थारे गेल्या रहूंगा? अर कद ताहीं थारी सहूंगा? बाळक नै मेरै धोरै ल्याओ।”

20 फेर वे बाळक नै यीशु कै धोरै लियाये: अर जिब ओपरी आत्मा नै यीशु ताहीं देख्या, तो उस ओपरी आत्मा नै जिब्बे उस ताहीं मरोड्या, अर वो धरती पै पड़ग्या, अर मुँह तै झाग बगान्दे होए लोट्टण लाग्या।

21 यीशु नै उसके पिता तै बुझ्या, “इसकी या हालत कद तै सै?” उसनै कह्या, “बाळकपण तै। 22 उसनै इस ताहीं नाश करण खात्तर कदे आग अर कदे पाणी म्ह गेरया, पर जै तू कुछ कर सकै, तो म्हारै पै तरस खाके म्हारा भला कर।”

23 यीशु नै उसतै कह्या, “या के बात होई! जै तू कर सकै सै? बिश्वास करण आळा खात्तर सारा कुछ हो सकै सै।”

24 बाळक कै पिता नै जिब्बे जोर तै कह्या, “हे प्रभु, मै बिश्वास करूँ सूँ, मेरै अबिश्वास का उपाय कर।”

25 जिब यीशु नै देख्या के माणस भाजके भीड़ लावै सै, तो उस ओपरी आत्मा ताहीं न्यू कहकै धमकाया, “हे गूँगी अर बैहरी करण आळी ओपरी आत्मा, मै तन्नै हुकम दियुँ सूँ, उस म्ह तै लिकड़ आ, अर उस म्ह फेर कदे ना बड़ीये।”

* 9:7 9:7 (2 पत-1:17, भज-2:7)

26 फेर वा किल्की मारकै अर उस ताहीं घणा मरोड़कै, लिकड़ आई; अर बाळक मरया होया-सा होगया, उरै ताहीं के घणे आदमी कहण लागगे के वो मरगया। 27 पर यीशु नै उसका हाथ पकड़कै उस ताहीं ठाया, अर वो खड्या होगया।

28 जब वो घरां आया, तो उसके चेल्यां नै एकले म्ह उसतै बुझ्झया, “हम उस ताहीं क्यातै न्ही काढ सके?”

29 उसनै उनतै कह्या, “या जात, बिना प्रार्थना किसे और उपाय तै कोनी लिकड़ सकदी।”

[\[222222 22 22222 22222 22 22222222\]](#)
[\[222222222222\]](#)

([\[222222 17:22-23; 22222 9:43-45\]](#))

30 फेर यीशु अर उसके चेल्यां नै ओड़ै तै लिकड़कै, गलील परदेस का राह लिया। यीशु न्ही चाहवै था के कोए उननै जाणै, क्यूँके वो अपणे चेल्यां ताहीं सिखाणा चाहवै था 31 यीशु उपदेश देन्दा अर अपणे बारै म्ह चेल्यां तै कहवै था, मै “माणस का बेट्टा माणसां कै हाथ्यां म्ह पकड़वाया जाऊँगा, अर वे मन्नै मार देवैगें, अर मै मरण कै तीसरे दिन जिन्दा हो जाऊँगा।” 32 पर या बात उनकी समझ म्ह कोनी आई, अर वे उसतै बुझ्झण तै डरै थे।

[\[222222 22 22222222 22222\]](#)

([\[222222 18:1-5; 22222 9:46-48\]](#))

33 यीशु अर उसके चेल्लें कफरनहूम कस्बे म्ह आये; अर घर म्ह आकै उसनै चेल्यां तै बुझ्झया, “राह म्ह थम किस बात पै बहस कररे थे?” 34 वे बोल-बाल्ले रहे, क्यूँके राह म्ह उननै आप्पस म्ह या बहस करी थी के म्हारै म्ह तै बड़ड़ा कौण सै।

35 फेर यीशु नै बैठकै बारहा चेल्यां ताहीं बुलाया अर उनतै कह्या, “जै कोए बड़ड़ा होणा चाहवै, तो सारया तै छोट्टा अर सारया का सेवक बणै।”

36 अर उसनै एक बाळक लेकै उनकै बिचाळै खड्या करया अर उस ताहीं गोद्दी म्ह लेकै उन ताहीं कह्या, 37 “जो कोए मेरै नाम तै इसे बाळकां म्ह तै किसे एक नै भी अपणावै सै, वो मन्नै अपणावै सै; अर जो कोए मन्नै अपणावै सै, वो मन्नै न्ही, बल्के मेरै भेजण आळे नै अपणावै सै।”

[\[22 2222222 2222 22222, 22 22222 2222 22\]](#)
([\[22222 9:49-50\]](#))

38 यूहन्ना नै यीशु ताहीं कह्या, “हे गुरु, हमनै एक माणस ताहीं तेरे नाम तै ओपरी आत्मा नै लिकाड़दे देख्या अर हम उसनै मना करण लागगे, क्यूँके वो म्हारी तरियां तेरा चेल्ला न्ही था।”

39 उसनै कह्या, “उस ताहीं मना मत करो; क्यूँके इसा कोए न्ही जो मेरै नाम तै अदभुत काम करै, अर दुसरे

पल मेरी बुराई करै 40 क्यूँके जो म्हारै बिरोध म्ह न्ही, वो म्हारै कान्ही सै। 41 जै कोए एक कटोरा पाणी भी थमनै ज्यातै प्यावै के थम मसीह के सो तो मै थमनै सच कहूँ सूँ के वो अपणा ईनाम किसे तरियां भी न्ही खोवैगा।”

[\[2222222 22 22222 22222\]](#)
([\[222222 18:6-9; 22222 17:1-2\]](#))

42 पर जो कोए इन छोट्टे बाळकां कै समान जो मेरै पै बिश्वास करै सै, किसे तै भी पाप करवावै तो उसके खात्तर भला योए सै के एक बड़डी चाक्की का पाट उसके गळ म्ह लटकाया जावै अर वो समुंदर म्ह गेरया जावै।

43 जै तेरा हाथ तेरे तै पाप करवावै तो उसनै काट दे। टुंडा होकै अनन्त जीवन म्ह बड़णा तेरे खात्तर भला सै इसके बजाये के दो हाथ रहंदे होए नरक की आग म्ह गेरया जावै जो कदे न्ही बुझै। 44 (जड़ै उनका कीड़ा कोनी मरदा अर आग कोनी बुझदी।) 45 जै तेरा पैर तेरे तै पाप करवावै तो उसनै काट दे। लंगड़ा होकै अनन्त जीवन म्ह बड़णा तेरे खात्तर भला सै इसके बजाये के दो पैर रहंदे होए नरक की आग म्ह गेरया जावै। 46 (जड़ै उनका कीड़ा कोनी मरदा अर आग कोनी बुझदी।) 47 जै तेरी आँख तेरे तै पाप करवावै तो उसनै लिकाड़ दे। काणा होकै परमेसवर कै राज्य म्ह बड़णा तेरे खात्तर भला सै के दो आँख रहंदे होए तू नरक म्ह गेरया जावै। 48 “जड़ै उनका कीड़ा कोनी मरदा अर आग कोनी बुझदी।”

49 हरेक माणस आग तै शुद्ध करया जावैगा, जिस तरियां बलिदान नूण तै शुद्ध करया जावैगा।

50 “नूण एक जरूरत की चीज सै, पर जै नूण का सुवाद जान्दा रहवै तो उसनै किस तरियां नमकीन करोगे? अपणे म्ह नूण जिसा गुण राक्खो, अर आप्पस म्ह मेळ-मिलाप तै रहो।”

10

[\[22222 22 22222 2222 22222 22 22222222\]](#)
([\[222222 19:1-12; 22222 16:18\]](#))

1 यीशु ओड़ै तै उठकै यहूदिया नगर की सीमा नै पार करकै, यरदन नदी कै परली ओड़ आया। भीड़ उसके धोरै कट्ठी होगयी, अर अपणी रीत कै मुताबिक उननै दुबारै उपदेश देण लागया।

2 फेर फरीसियाँ नै यीशु कै धोरै आकै उस ताहीं परखण खात्तर उसतै बुझ्झया, “के यो ठीक सै के माणस अपणी घरआळी नै छोड़डै?”

3 यीशु नै उनतै पूच्छया, “मूसा नबी नै थारे ताहीं के हुकम दिया सै?”

4 उननै कह्या, “मूसा नबी नै तो तलाकनामा देकै अर छोड़ण का हुकम दिया सै।”

5 यीशु नै उनतै कह्या, “थारे मन की कठोरता के कारण उसनै थारे खात्तर यो हुकम लिख्या।”

6 “पर सृष्टि की शुरुआत तै परमेसवर नै नर अर नारी करके उन ताहीं बनाया सै। 7 इस कारण माणस अपने माँ-बाप तै न्यारा होके अपनी घरआळी गेल्या रहवैगा, 8 अर वे दोन्नु कठठे रहवैगे; ज्यातै के वे इब दो न्ही पर एक तन सै। 9 इस करके जिस ताहीं परमेसवर नै जोड़या सै उस ताहीं माणस न्यारा ना करै।”

10 जब वे दोबारा घरां आये, तो चेल्यां नै तलाक के बारे म्ह उसतै फेर बुझ्झया। 11 यीशु नै उनतै कह्या, “जो कोए अपनी घरआळी नै छोड़के दुसरी तै ब्याह करै तो वो उस पैहल्डी के बिरोध म्ह जारी करै सै; 12 अर जै घरआळी अपने धणी नै छोड़के दुसरे तै ब्याह करै तो वा जारी करै सै।”

[\[?\]\[?\]\[?\]\[?\] \[?\]\[?\]\[?\]\[?\] \[?\]\[?\]\[?\]\[?\]\[?\]\[?\]](#)
([\[?\]\[?\]\[?\]\[?\] 19:13-15; \[?\]\[?\]\[?\] 18:15-17](#))

13 फेर माणस अपने बाळकां नै उसके धोरै ल्याण लागे के वो उनपै हाथ धरै, पर चेल्यां नै उन ताहीं धमकाया। 14 यीशु नै न्यू देख छो म्ह होके कह्या, “बाळकां नै मेरै धोरै आण द्यो अर उननै मना मतना करो, क्यूके परमेसवर का राज्य बाळकां के समान सै। 15 मै थमनै सच कहूँ सू के जो कोए परमेसवर के राज्य नै बाळक की तरियां न्ही अपनावै, वो उस म्ह कदे न्ही बड़ण पावैगा।” 16 अर उसनै उन ताहीं गोद्री म्ह लिया, अर उनपै हाथ धरके उन ताहीं आशीर्वाद दिया।

[\[?\]\[?\] \[?\]\[?\]\[?\] \[?\] \[?\]\[?\]\[?\]\[?\] \[?\]\[?\]\[?\]](#)
([\[?\]\[?\]\[?\]\[?\] 19:16-30; \[?\]\[?\]\[?\] 18:18-30](#))

17 जब यीशु अर उसके चेल्ले यरुशलेम की ओड़ जाण लागरे थे, तो एक माणस उसके धोरै भाज्दा होया आया, अर उसके आगै घुटने टेक के उसतै बुझ्झया, “हे उत्तम गुरु, अनन्त जीवन का हकदार होण खात्तर मै के करूँ?”

18 यीशु नै उसतै कह्या, “तू मन्नै उत्तम क्यातै कहवै सै? परमेसवर नै छोड़के कोए उत्तम कोनी। 19 तन्नै हुकमां का तो बेराए सै: खून न्ही करणा, जारी न्ही करणा, चोरी न्ही करणा, झूठी गवाही न्ही देणा, छळ न्ही करणा, अपने माँ-बाप का आदर करणा।”*

20 उसनै यीशु तै कह्या, “हे गुरु, इन सारया नै मै बाळकपण तै मानता आऊँ सू।”

21 यीशु नै उसपै निगांह करके उसतै प्यार करया, अर उसतै कह्या, “तेरे म्ह एक बात की कमी सै। जा, जो कुछ तेरा सै उसनै बेचके कंगालां ताहीं दे, अर तन्नै सुर्ग

म्ह धन मिलैगा, अर आके मेरा चेल्ला बणण खात्तर मेरै पाच्छै हो ले।”

22 इस बात तै उसके मुँह पै उदासी छाग्यी, अर वो दुखी होदा होया चल्या गया, क्यूके वो घणा साहूकार था।

23 यीशु नै चौगरदेके देखके अपने चेल्यां तै कह्या, “साहूकारां का परमेसवर के राज्य म्ह दाखल होणा कितना ओक्खा सै।”

24 चेल्ले उसकी बात तै हैरान होए। इसपै यीशु नै उनतै दुबारै कह्या, “हे बाळको, जो धन पै भरोस्सा राक्खै सै, उनके खात्तर परमेसवर के राज्य म्ह बड़णा कितना ओक्खा सै! 25 ऊँट का सूई के छेद म्ह तै लिकड़णा आसान हो सके सै। पर परमेसवर के राज्य म्ह साहूकार का बड़णा भोत मुश्किल सै।”

26 वे घणेए हैरान होके आप्पस म्ह कहण लागगे, “तो फेर किसका उद्धार हो सके सै?”

27 यीशु नै उनकी ओड़ देखके कह्या, “माणसां तै तो यो न्ही हो सकदा, पर परमेसवर तै हो सके सै; क्यूके परमेसवर खात्तर कुछ भी मुश्किल कोनी।”†

28 पतरस उसतै कहण लाग्या, “देख, हम तो सब कुछ छोड़के तेरे चेल्ले बणगे सा।”

29 यीशु नै कह्या, “मै थमनै साच्ची-साच कहूँ सू के इसा कोए कोनी, जिसनै मेरै अर मेरै सुसमाचार के खात्तर घर, भाण-भाई, माँ-बाप, बाळ-बच्चे या जमीन-जायदाद ताहीं छोड़ दिया हो, 30 अर इब इस युग म्ह सताव के बदले म्ह घर, भाण-भाई, माँ-बाप या बाळ-बच्चे अर जमीन-जायदाद का सौ गुणा पर आण आळे बखत म्ह अनन्त जीवन पावैगा। 31 पर घणखरे जो पैहले सै, पाच्छले होंगे; अर जो पाच्छले सै, वे पैहले होंगे।”

[\[?\]\[?\]\[?\] \[?\]\[?\] \[?\] \[?\]\[?\]\[?\] \[?\]\[?\] \[?\]\[?\]\[?\] \[?\]\[?\]\[?\] \[?\]](#)
[\[?\]\[?\]\[?\]\[?\] \[?\]\[?\]\[?\]\[?\]\[?\]\[?\]\[?\]](#)
([\[?\]\[?\]\[?\]\[?\] 20:17-19; \[?\]\[?\]\[?\] 18:31-34](#))

32 वे यरुशलेम नगर म्ह जान्दे होए राह म्ह थे, अर यीशु उनके आगै-आगै जाण लाग रहया था: चेल्ले हैरान थे अर जो चेल्यां के गैल-गैल चाल्ले थे, वे डररे थे। फेर वो उन बारहां चेल्यां नै न्यारा ले ज्याके उनतै ये बात कह्ल लाग्या, जो उसके गेल्या होण आळा था, 33 “देक्खो, हम यरुशलेम नगर म्ह जावां सा, अर मै माणस का बेट्टा प्रधान याजकां अर शास्त्रियां के हाथ्यां पकड़वाया जाऊँगा, अर वे मन्नै मारण खात्तर गैर यहूदियां के हाथ्यां म्ह सौपैगे। 34 वे मेरा मजाक उड़ावैगे, मेरे पै थूकैगे, मेरे कोरड़े मारैगे अर मन्नै मार देवैगे, अर तीसरे दिन मै जिन्दा हो जाऊँगा।”

* [10:19](#) [10:19](#) रोम-13:9 † [10:27](#) [10:27](#) लूका 1:37

२२२२२ २२ २२२२२२२ २२ २२२२२
(२२२२२ 20:20-28)

35 कुछ दिनां बाद जब्दी के दोन्नु बेट्टे याकूब अर यूहन्ना नै यीशु के धोरै आकै कह्या, “हे गुरु, हम चाहवां सां के जो कुछ हम तेरे तै माँगा, वो तू म्हारै खात्तर करै।”

36 यीशु नै उनतै कह्या, “थम के चाहो सो के थारे खात्तर करुँ?”

37 उननै यीशु तै कह्या, “हमनै यो हक दे, के तेरी महिमा म्ह म्हारै म्ह तै एक तेरे सोळे अर दुसरा तेरे ओळे कान्ही बेट्टै।”

38 यीशु नै उनतै कह्या, “थम न्ही जाणदे के थम के माँगो सो? अर जो दुख का कटोरा मै पीण पै सूँ, के थम पी सको सो? अर जो मौत का बपतिस्मा मै लेण पै सूँ, के थम ले सको सो?”

39 उननै यीशु तै कह्या, “हम कर सका सां।” यीशु नै उनतै कह्या, “जो दुख का कटोरा मै पीण पै सूँ, थम पी ल्योगे; अर जो बपतिस्मा मै लेण पै सूँ, उसनै ले भी ल्योगे। 40 पर जिन खात्तर वा जगहां त्यार करी गई सै, उन ताहीं छोड़ और किसे नै अपणी सोळी अर अपणी ओळी ओड़ बिठाणा मेरा काम कोनी।”

41 न्यू सुणकै बाकी दस चेल्लें याकूब अर यूहन्ना तै चिड़गे। 42 तो यीशु नै उन ताहीं धोरै बुलाकै उनतै कह्या, “थमनै बेरा सै के जो गैर यहूदियाँ के हाकिम समझे जावै सै, वे उनपै राज करै सै; अर उन म्ह जो बड़े सै, उनपै हक जमावै सै। 43 पर थारे म्ह इसा न्ही होणा चाहिये, बल्के जो कोए थारे म्ह बड़ड़ा होणा चाहवै वो थारा सेवक बणै; 44 अर जो थारे म्ह प्रधान होणा चाहवै, वो सारया का दास बणै। 45 क्यूँके मै माणस का बेट्टा ज्यांतै कोनी आया के अपणी सेवा-पाणी करवाऊँ, पर ज्यांतै आया के खुद सेवा-पाणी करुँ, अर घणखरयां के छुटकारै के खात्तर अपणी जान देऊँ।”

२२२२२ २२२२२२२ २२२२२ २२२२२ २२ २२२
(२२२२२ 20:29-34; २२२२ 18:35-43)

46 यीशु अर उसके चेल्लें यरुशलेम नगर जाते बखत यरीहो नगर म्ह आये, अर जब वो अर उसके चेल्लें, अर एक बड़डी भीड़ यरीहो नगर तै लिकड़ै जाण लागरी थी, तो सड़क के किनारे एक आन्धा भिखारी बेटछा था, जो तिमाई का बेट्टा बरतिमाई था, 47 उसनै न्यू सुणकै के नासरत का यीशु उरै सै, रुक्के मार-मारकै कहण लाग्या, “हे दाऊद की ऊलाद, यीशु मेरै पै दया कर!”

48 घणाए नै उस ताहीं धमकाया के बोल-बाल्ला रह, पर वो और भी रुक्के मारण लाग्या, “हे दाऊद की ऊलाद, मेरै पै दया कर!”

49 फेर यीशु नै ठहरकै कह्या, “उस ताहीं बुलाओ।” अर आदमियाँ नै उस आन्धे ताहीं बुलाकै उसतै कह्या, “धीरज धर! उठ! यीशु तन्नै बुलावै सै।” 50 वो अपना चोगा बगाकै तोळा उठचा, अर यीशु के धोरै आया।

51 इसपै यीशु नै उसतै कह्या, “तू के चाहवै सै के मै तेरे खात्तर करुँ?” आन्धे नै उसतै कह्या, “हे गुरु, योए के मै देखण लागू।”

52 यीशु नै उसतै कह्या, “चल्या जा, तेरे बिश्वास नै तेरे ताहीं ठीक करया सै।” वो जिब्बे देखण लाग्या, अर राह म्ह उसकै पाच्छै हो लिया।

11

२२२२२२२ २२२ २२२२-२२२२२२२
(२२२२२ 21:1-11; २२२२ 19:28-40; २२२२ 12:12-19)

1 जब यीशु अर उसके चेल्लें यरुशलेम नगर कै लोवै, जैतून पहाड़ पै बैतफगे अर बैतनिय्याह गाम कै धोरै आये तो उसनै अपणे चेल्यां म्ह तै दोयां ताहीं न्यू कहकै भेज्या, 2 “स्याम्ही कै गाम म्ह जाओ, अर उस म्ह पोहचदे एक गधी का बच्चा, बन्धया होया थमनै मिलैगा। जिसकी सवारी किसे नै इब ताहीं न्ही करी सै, उसनै खोल ल्याओ। 3 जै थारे तै कोए बुद्धै, यो के करो सो? तो कहियो, ‘प्रभु नै इसकी जरूरत सै, अर वो तोळा उसनै भेज देवैगा।’”

4 चेल्यां नै जाकै उस गधी के बच्चे ताहीं बाहरणै दरबाजे कै धोरै आँगण म्ह बन्धया होया पाया, अर खोल्लण लागगे।

5 उन म्ह तै जो ओड़ै खड़े थे, कई कहण लागगे, “यो के करो सो, गधी कै बच्चे नै क्यांतै खोल्लो सो?”

6 जिसा यीशु नै कह्या था, उस्से तरियां उननै कह दिया; फेर माणसां नै उन ताहीं जाण दिया। 7 चेल्यां नै गधी कै बच्चे ताहीं यीशु के धोरै ल्याकै उसपै अपणे लत्ते बिछाये अर वो उसपै बैठग्या। 8 फेर घणखरे माणसां नै अपणे लत्ते राह म्ह बिछाये अर औरां नै खेत्तां म्ह तै डालियाँ काटकै फैला दी। 9 जो उसकै आगुँ-आगुँ अर पाच्छै-पाच्छै चाल्लै थे, रुक्के मार-मारकै कहन्दे जावै थे, “होशाना!” “धन्य सै वो जो प्रभु कै नाम तै आवै सै!”

10 म्हारै पिता दाऊद का राज्य जो आवै सै; “धन्य सै! अकास म्ह होशाना!”

11 यीशु यरुशलेम नगर पोहचकै मन्दर म्ह आया, अर चौगरदे की सारी चिज्जां नै देखकै बारहां चेल्यां कै गेल्या बैतनिय्याह गाम म्ह गया, क्यूँके साँझ होगयी थी।

२२२२२ २२ २२२२ २२ २२२ २२२२
(२२२२२ 21:18-19)

घणाए ताहीं भेज्या; उन म्ह तै उननै कुछ तो छेत्ते अर कुछ मार दिये।”

6 “इब माल्लिक कै धोरै एकैए आदमी रहग्या जो उसका प्यारा बेटटा था; आखर म्ह उसनै अपणे बेटटे ताहीं भी उनकै धोरै न्यू सोचकै भेज्या के वे मेरै बेटटे की इज्जत तो जरूर करैगें।”

7 पर उन किसानां नै आप्पस म्ह कह्या, “योए तो वारिस सै; आओ, हम इसनै मार द्या, फेर यो अंगूर का बाग म्हारा हो जावैगा।” 8 अर उननै उस ताहीं पकड़कै मार दिया, अर अंगूर के बाग तै बाहरणै बगा दिया।

9 इस करकै अंगूर के बाग का माल्लिक के करैगा? वो आकै उन किसानां का नाश करैगा, अर अंगूर के बाग का ठेक्का दुसरे किसानां नै दे देवैगा। 10 के थमनै पवित्तर ग्रन्थ म्ह यो वचन कोनी पढ्या: जिस पत्थर ताहीं राजमिस्त्रियाँ नै बेकार बताया था, वोए कोणे का खास पत्थर होग्या;

11 यो प्रभु की ओड़ तै होया, अर यो म्हारे खात्तर अनोक्खा सै!

12 फेर यहूदियाँ के प्रधान नै उस ताहीं पकड़णा चाह्या; क्यूँके वे समझगे थे, के उसनै म्हारै बिरोध म्ह यो उदाहरण कह्या सै: पर वे माणसां तै डरगे, अर उसनै छोड़कै चले गये।

ⓂⓂⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂ

(ⓂⓂⓂⓂⓂ 22:15-22; ⓂⓂⓂⓂⓂ 20:20-26)

13 फेर यहूदियाँ के प्रधान नै यीशु ताहीं बात्तां म्ह उलझाण खात्तर कुछ फरीसियाँ अर हेरोदेस राजा के समर्थकां ताहीं उसकै धोरै भेज्या। 14 उननै आकै यीशु तै कह्या, “हे गुरु, हमनै बेरा सै, के तू साच्चा सै, अर किसे की परवाह न्ही करदा, क्यूँके तू माणसां का मुँह देखकै बात कोनी करदा, पर परमेसवर की बातें सच्चाई तै सिखावै सै। तो के कैसर* ताहीं कर देणा ठीक सै या कोनी? 15 हम देवां, या न्ही देवां?” उसनै उनका कपट जाणकै उनतै कह्या, “मन्नै क्यांतै परखो सो? एक दीनार (एक दिन की मजदूरी) मेरै धोरै ल्याओ, के मै उसनै देखवूँ।” 16 वे लियाए, अर उसनै उनतै कह्या, “या छाप अर नाम किसका सै?” उननै कह्या, “कैसर का।”

17 यीशु नै उनतै कह्या, “जो कैसर का सै वो कैसर ताहीं, अर जो परमेसवर का सै परमेसवर ताहीं द्यो।” फेर वे उसपै घणे हैरान होण लागगे।

ⓂⓂⓂⓂ ⓂⓂⓂⓂⓂⓂ ⓂⓂⓂⓂ ⓂⓂ ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂ

(ⓂⓂⓂⓂⓂ 22:23-33; ⓂⓂⓂⓂⓂ 20:27-40)

* 12:14 12:14 रोमी सम्राट

18 फेर सद्की लोग भी, जो कहवै सै के मरे होए जिन्दा होए न्ही सकदे; उसकै धोरै आकै उसतै बुझ्झया, 19 “हे गुरु, मूसा नबी नै म्हारै खात्तर पवित्तर ग्रन्थ म्ह लिख्या सै के जै किसे का भाई बेऊलादा मर जावै अर उसकी घरआळी रह जावै, तो उसका भाई उसकी घरआळी तै ब्याह कर लेवै अर अपणे भाई खात्तर पीढ़ी पैदा करै। 20 उदाहरण के तौर पै सात भाई थे। पैहलड़ा भाई ब्याह करकै बेऊलादा मरग्या। 21 फेर दुसरे भाई नै उसकी बिरबान्नी तै ब्याह कर लिया अर वो भी बेऊलादा मरग्या; अर उससे तरियां तीसरे नै भी करया। 22 अर सातुवां कै ऊलाद कोनी होई। सारया पाच्छै वा बिरबान्नी भी मरगी। 23 आखर म्ह जिन्दा होण पै वा उन म्ह तै किसकी घरआळी होवैगी? क्यूँके वा सातुवां की घरआळी हो ली थी।”

24 यीशु नै उनतै कह्या, “थारी गलती या सै के थम पवित्तर ग्रन्थ अर परमेसवर की सामर्थ नै न्ही जाणते। 25 क्यूँके जी उठण कै बाद ब्याह शादी कोनी होन्दी, पर सुर्ग म्ह वो परमेसवर के सुर्गदूतां की ढाळ होवैगें। 26 मरे होया कै जिन्दा होण कै बारें म्ह के थमनै मूसा नबी की किताब म्ह जळती होई झाड़ी की कथा म्ह कोनी पढ्या के परमेसवर नै उसतै कह्या, ‘मै अब्राहम का परमेसवर, अर इसहाक का परमेसवर, अर याकूब का परमेसवर सू?’ 27 परमेसवर मरे होया का न्ही बल्के जिन्दयां का परमेसवर सै; थम बड्डी भूल म्ह पड़े सो।”

ⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ ⓂⓂⓂⓂⓂ

(ⓂⓂⓂⓂⓂⓂ 22:34-40; ⓂⓂⓂⓂⓂⓂ 10:25-28)

28 शास्त्री समाज के माणसां म्ह तै एक नै आकै उन ताहीं बहस करदे सुण्या, अर न्यू जाणकै उसनै उन ताहीं ठीक ढाळ तै जवाब दिया, अर उसतै बुझ्झया, “सारया तै खास हुकम कौण सा सै?”

29 यीशु नै उस ताहीं जवाब दिया, “सारे हुकमां म्ह तै यो खास सै: हे इस्राएल के माणसां सुणो! प्रभु म्हारा परमेसवर सिर्फ एक ही प्रभु सै, 30 अर तू प्रभु अपणे परमेसवर तै अपणे सारे मन तै, अर अपणे सारे प्राण तै, अर अपणी सारी समझ तै, अर अपणी सारी शक्ति तै प्यार राखणा।’ 31 अर दुसरा यो सै, ‘तू अपणे पड़ोसी तै अपणे जिसा प्यार राखणा।’ इसतै बड्ड़ा और कोए हुकम कोनी।”

32 शास्त्री नै उसतै कह्या, “हे गुरु, जमा ठीक! तन्नै साच्ची कही के परमेसवर एक-ए सै, अर उस ताहीं छोड़कै और कोए कोनी। 33 अर उसतै सारे मन तै, अर सारे प्राण तै, अर सारी समझ तै, अर सारी शक्ति तै

प्यार राखणा; अर पड़ोसी तै अपणे जिसा प्यार राखणा, ये दोन्नु हुकम होमबलियाँ अर बलिदानां तै बाध सै।”

34 जिब यीशु नै देख्या के उसनै समझदारी तै जवाब दिया, तो उसतै कह्या, “तू परमेसवर के राज्य तै दूर कोनी।” अर किसे नै फेर उसतै बुझ्झण की हिम्मत कोनी होई।

([मरकुस 22:41-46](#); [मरकुस 20:41-46](#))

35 फेर यीशु नै मन्दर म्ह उपदेश देन्दे होए न्यू कह्या, “शास्त्री क्यूँ कहवै सै के मसीह दाऊद का बेट्टा सै?

36 क्यूँके दाऊद नै खुद ए पवित्र आत्मा म्ह होके कह्या सै, “परमेसवर यहोवा नै मेरै प्रभु तै कह्या, “मेरै सोळी ओड़ बैठ, जिब ताहीं के मै तेरे बैरियाँ नै हरा के, तेरे पायां की चौक्की न्ही बना दियुँ।”

37 “दाऊद तो खुद ए उसनै प्रभु कहवै सै, फेर वो उसका बेट्टा किस ढाळ होया?” अर भीड़ के माणस उसकी राज्जी होके सुणै थे।

([मरकुस 23:1-36](#); [मरकुस 20:45-46](#))

38 यीशु नै अपणे उपदेश म्ह उनतै कह्या, “शास्त्रियाँ तै चौकन्ने रहियो, जो लाम्बे-लाम्बे चोगे पहेरे होड़ हाँडे अर बजारां म्ह नमस्कार चाहवै सै, 39 अर आराधनालयाँ म्ह खास-खास जगहां बैठणा, जिम्मण म्ह खास-खास जगहां भी चाहवै सै। 40 वे बिधवायाँ के घर खा जावै सै अर दिखाण खात्तर घणी वार ताहीं प्रार्थना करदे रहवै सै। ये घणा दण्ड पावैगें।”

([मरकुस 21:1-4](#))

41 यीशु मन्दर के भण्डार के स्याम्ही बैठके देखै था के आदमी मन्दर के दानपात्र म्ह किस तरियां पईसे घालै सै; अर घणखरे साहूकारां नै घणाए कुछ घाल्या।

42 इतनै म्ह एक कंगाल बिधवा नै आके दो दमड़ी घाल्ती। (जो एक धेले के बराबर होवै सै)

43 फेर उसनै अपणे चेल्यां ताहीं धोरै बुलाके कह्या, “मै थमनै सच कहूँ सूँ के मन्दर के दानपात्र म्ह घाल्लण आळा म्ह तै इस कंगाल बिधवा नै सारया तै बाध घाल्या सै; 44 क्यूँके सारया नै अपणे धन की बढदी म्ह तै घाल्या सै, पर इसनै अपणी घटदी म्ह तै जो उसके धोरै जीवन चलाण खात्तर था, वो सारा घाल दिया।”

13

([मरकुस 24:1-2](#); [मरकुस 21:5-6](#))

* 13:12 13:12 लूका 21:16

1 जिब यीशु मन्दर तै लिकड़ै था, तो उसके चेल्यां म्ह तै एक नै उसतै कह्या, “हे गुरु, लखा, किसे बड़े-बड़े पत्थरां तै बणाये होए किसे सुथरे भवन सै!”

2 यीशु नै उनतै कह्या, “के थम ये बड़े-बड़े पत्थरां के भवन देखो सो: पर उरै एक पत्थर भी कोनी बचैगा जो गेरया न्ही जावैगा।”

([मरकुस 24:3-14](#); [मरकुस 21:7-19](#))

3 जिब यीशु मन्दर के स्याम्ही जैतून के पहाड़ पै बेट्या था, तो पतरस, याकूब, यूहन्ना अर अन्दरयास नै न्यारे जाके उसतै बुझ्झया, 4 “हमनै बता के ये बात कद होवैगी? अर जिब ये सारी बात पूरी होण पै होवैगी उस बखत की के निशान्नी होवैगी?”

5 यीशु उनतै कहण लाग्या, “चौकन्ने रहियो के कोए थमनै भकावै न्ही। 6 क्यूँके घणखरे मेरै नाम तै आके कहवैगें, ‘मै मसीह सूँ!’ अर घणाए नै भकावैगें। 7 जिब थम रोळे, अर लड़ाईया का जिक्र सुणो, तो घबराईयो ना; क्यूँके इनका होणा जरूरी सै, पर उस बखत खात्मा कोनी होवैगा। 8 क्यूँके जात पै जात, राज्य पै राज्य चढाई करैगा। भोत सारी जगहां पै हाल्लण आवैगें, अर अकाळ पड़ैगें, ये तो दुखां की शरुआत ए होवैगी।”

9 “पर थम अपणे बारै म्ह चौकन्ने रहो; क्यूँके माणस थारे ताहीं बड़्डी सभा म्ह सौपैगें अर थम आराधनालयों म्ह छितोगे, अर मेरै कारण हाकिमां अर राजां के आगै खड़े करे जाओगे, ताके थम मेरे बारै म्ह गवाही दे सको। 10 पर जरूरी सै के पैहल्या सुसमाचार सारी जात्तां म्ह प्रचार करया जावै। 11 जिब वे थमनै ले जाके सौपैगें, तो पैहल्या तै फिक्र ना करियो इब हम के कहवागें; पर जो कुछ थमनै उस बखत बताया जावै वोए कहियो; क्यूँके बोल्लण आळे थम कोनी सो, पर पवित्र आत्मा सै।”

12 “भाई नै भाई, पिता नै बेट्टा मारण खात्तर सौप देगें, अर बाळक माँ-बाप के बिरोध म्ह खड़े होके उन ताहीं मरवा देवैगें।” 13 अर मेरै नाम के कारण सारे माणस थारे तै बैर करैगें; पर जो आखर ताहीं धीरज धरैगा, उस्से का उद्धार होवैगा।”

([मरकुस 24:15-28](#); [मरकुस 21:20-24](#))

14 (पढ़ण आळा इस बात नै समझ लेवै) “जिस दिन थम मन्दर म्ह उस उजाड़ण आळी घृणित चीज नै खड़े देखो, जिस ताहीं मन्दर म्ह न्ही होणा चाहिये, तब जो यहूदिया परदेस म्ह हो वे पहाड़ां पै भाज जावै; 15 जो छात पै हो, वो घर म्ह कुछ लेण खात्तर भीत्तर ना जावै, 16 अर जो खेत म्ह हो, वो अपणे लत्तें लेण खात्तर

घर नै ना बोहड़ै। 17 उन दिनां म्ह जो गर्भवती अर दूध पिलान्दी बिरबान्नी होवैगीं, उनकै खात्तर भागणा भी मुश्किल होगा! 18 अर परार्थना करया करो के यो जाड्यां म्ह न्ही हो। 19 क्यूँके वे दिन इसे क्लेश के होवैगें के सृष्टि की शरुआत तै, जो परमेसवर नै रचाई सै, इब ताहीं ना तो होए अर ना फेर कदे होवैगें।†

20 अर जै प्रभु उन दिनां नै न्ही घटान्दा, तो कोए जीव भी कोनी बचदा; पर उन छोट्टे होया के कारण जिन ताहीं उसनै छाट्या सै, उन दिनां ताहीं घटाया। 21 उस बखत जै कोए थमनै कहवै, देखो, मसीह उरै सै, या देखो, ओड़ै सै, तो बिश्वास ना करियो; 22 क्यूँके झूठे मसीह अर झूठे नबी उठ खड़े होवैगें, अर बड़े-बड़े चमत्कार अर अनोक्खे काम दिखावैगें के जै हो सक्या तो छोट्टे होया ताहीं भी भका देवैगें।‡ 23 पर थम चौकन्ने रहियो; देखो, मन्नै थारे तै सारी बात बखत तै पैहल्याए बता दी सै।

(24:29-31; 21:25-28)

24 उन दिनां म्ह, उस क्लेश के पाच्छे, सूरज अन्धेरा हो जावैगा, अर चाँद चाँदणा कोनी देवैगा;

25 अर अकास के तारे पड़ण लागैगें; अर अकास की शक्तियाँ हलाई जावैगीं।§

26 फेर मुझ माणस के बेट्टे नै बड्डी सामर्थ अर महिमा के गेल्या सब लोग बादळां पै आन्दे देखैगें।* 27 उस बखत मै अपणे सुर्गदूतां नै भेजकै, धरती के इस सिरे तै अकास के उस सिरे ताहीं, च्यारु दिशायां तै अपणे चुणे होए माणसां नै कट्टा करुंगा।†

(24:32-35; 21:29-33)

28 अंजीर के दरखत तै यो उदाहरण सीक्खो: जब उसकी डाळी कोमल हो जावै, अर पत्ते लिकड़ण लागै सै; तो थम जाण ल्यो सो के गर्मी का बखत लोवै सै। 29 इस्से तरियां जब थम इन बात्तां नै होन्दे देखो, तो जाण ल्यो के वो भोत तावळा आण आळा सै। 30 मै थमनै साच्ची कहूँ सूँ के जब ताहीं ये बात न्ही हो लेन्दी, जद ताहीं ये पीढ़ी खतम न्ही होवैगीं। 31 धरती अर अकास टळ जावैगें, पर मेरी बात कदे न्ही टळैगीं।‡

(24:36-44)

32 “उस दिन या उस बखत के बारै म्ह कोए न्ही जाण्दा, ना सुर्गदूत अर ना बेट्टा; पर सिर्फ पिता जाणै सै। 33 लखाओ, जागदे अर परार्थना करदे रहो; क्यूँके थमनै न्ही बेरा के वो बखत कद आवैगा। 34 मेरे आण का

बखत उस माणस के समान सै, जो परदेस जान्दे बखत अपणा घर छोड़ जावै, अर अपणे नौकरां ताहीं हक देवै, अर हरेक नै उसका काम बता देवै, अर पहरदार ताहीं जागदे रहण का हुकम देवै।

35 “इस करके जागदे रहो, क्यूँके थमनै न्ही बेरा के घर का माल्लिक कद आवैगा, साँझ नै या आध्धी रात नै, या मुर्गे के बाँग देण के बखत या तड़कै ए तड़कै नै। 36 इसा ना हो के वो चाणचक आकै थमनै सोदे पावै। 37 अर जो मै थमनै कहूँ सूँ, वोए सारया नै कहूँ सूँ: जागदे रहो!”

14

(26:1-5; 22:3-6; 11:45-53)

1 दो दिनां पाच्छे, फसह अर अखमीरी रोट्टी का त्यौहार होण आळा था। प्रधान याजक अर शास्त्री इस बात की टाह म्ह थे के यीशु ताहीं किस ढाळ कपट तै पकड़कै मार देवै; 2 पर वे कहवै थे, “त्यौहार के दिन न्ही, कदे इसा ना हो के माणसां म्ह रोळा माचवै।”

(26:6-13; 12:1-8)

3 जब यीशु बैतनिय्याह नगर म्ह आया, ओड़ै यीशु शमौन नाम के माणस जो कोढ़ तै ठीक होया था, उसके घरां खाणा खाण बेट्या, तो एक बिरबान्नी संगमरमर के बरतन म्ह जटामांसी का शुद्ध महंगा खसबूदार तेल लेकै आई, अर बरतन तोड़कै महंगा खसबूदार तेल उसके सिर पै उंडेल दिया।

4 पर उन म्ह तै कई माणस अपणे मन म्ह बड़बड़ाने लागे, “इस महंगे खसबूदार तेल का क्यातै सत्यानाश कर दिया? 5 क्यूँके यो महंगा खसबूदार तेल तो तीन सौ दीनार (तीन सौ दिन की मजदूरी) तै भी घणी किम्मत पै बेचकै कंगालां म्ह बांडया जा सकै था।” अर उस बिरबान्नी ताहीं झिड़कण लागे।

6 यीशु नै कह्या, “उस ताहीं छोड़ दो; उसनै क्यातै सताओ सो? उसनै मेरै गेल्या भलाई करी सै। 7 कंगाल थारे गेल्या सारी हाण रहवै सै, अर थम जब चाहो जद उनतै भलाई कर सको सो; पर मै थारे गेल्या सारी हाण कोनी रहूंगा। 8 जो कुछ वा कर सकी, उसनै करया; उसनै मेरै गाड्डे जाण की त्यारी म्ह पैहला ए महंगा खसबूदार तेल मेरी देह पै उंडेला सै। 9 मै थमनै साच्ची कहूँ सूँ के सारे दुनिया म्ह जित्त किते भी सुसमाचार प्रचार करया जावैगा, जो उसनै करया वो सदा याद करया जावैगा।”

† 13:19 13:19 (मत्ती 24:21) ‡ 13:22 13:22 (मत्ती 24:24) § 13:25 13:25 परका-6:13 * 13:26 13:26 परका-1:17 † 13:27 13:27 मत्ती 24:31 ‡ 13:31 13:31 लूका 21:33

(22:3-6)

10 फेर यहूदा इस्करियोती जो बारहा चेल्यां म्ह तै एक था, प्रधान याजकां कै धोरै गया के यीशु ताहीं उनके हाथ पकड़वा देवै। 11 वे न्यू सुणकै राज्जी होंगे, अर उस ताहीं रपिये देण खात्तर मानगे; अर वो मौक्का टोळु लाग्या के उस ताहीं किसे ढाळ पकड़वाया जावै।

12 अखमीरी रोटी कै त्यौहार कै पैहलडे दिन, जिसम्ह वे फसह खात्तर मेम्ने का बलिदान करै थे, उसके चेल्यां नै उसतै बुझ्झया, “तू कित्त जाणा चाहवै सै के हम जाके तेरे खात्तर फसह भोज की त्त्यारी करा?”

13 उसनै अपने चेल्यां म्ह तै दो ताहीं न्यू कहकै भेज्या, “यरुशलेम नगर म्ह जाओ, अर एक माणस पाणी का पैदा टाए होए थमनै मिलैगा, उसके पाच्छे हो लियो; 14 अर वो जिस घर म्ह जावै, उस घर कै मालिक ताहीं कहियो, ‘गुरु कहवै सै के बैठक कित्त सै? जिसम्ह मै अपने चेल्यां गेल्या फसह भोज खाऊँ।’ 15 वो थमनै एक सजी-सजाई, अर त्त्यार करी होड़ बड़ी अटारी दिखा देवैगा, ओड़े म्हारै खात्तर त्त्यारी करो।”

16 चेल्लें लिकड़के नगर म्ह आये, अर जिसा यीशु नै उनतै कह्या था, उससे तरियां पाया; अर फसह का भोज त्त्यार करया।

(26:17-25; 22:7-14; 21-23; 13:21-30)

17 जब साँझ होई, तो यीशु बारहा चेल्यां कै गेल्या आया। 18 जब वे बेट्ठे खाणा खावै थे, तो यीशु नै कह्या, “मै थमनै साच्ची कहूँ सूँ के थारे म्ह तै एक, जो मेरै गेल्या खाणा खाण लागरया सै, वो मन्नै धोक्खा देके पकड़वावैगा।”

19 उनपै उदासी छाग्यी अर वे एक-एक करके उसतै कहण लागगे, “के वो मै सूँ?”

20 उसनै उनतै कह्या, “वो बारहां चेल्यां म्ह तै एक सै, जो मेरै गेल्या थाळी म्ह हाथ घालै सै। 21 क्यूँके मै माणस का बेट्टा तो, जिसा मेरे बारै म्ह पवित्तर ग्रन्थ म्ह लिख्या सै; मेरा मर जाणा तो पक्का सै, पर उस माणस पै धिक्कार सै जिसके जरिये मै माणस का बेट्टा पकड़वाया जाऊँगा! जै उस माणस का जन्म ए न्ही होंदा, तो उसके खात्तर भला होंदा।”

(26:26-30; 22:14-20; 1 11:23-25)

22 जब वे खाण ए लागरे थे, उसनै रोटी लेके परमेसवर का धन्यवाद करया, अर आशीष माँगके तोड़ी, अर उन ताहीं दी, अर कह्या, “ल्यो, या मेरी देह सै।”

23 फेर यीशु नै अंगूर के रस का कटोरा लेके परमेसवर का धन्यवाद करया, अर उन ताहीं दिया; अर उन सारया नै उस म्ह तै पिया।

24 अर उसनै उनतै कह्या, “यो अंगूर का रस मेरे लहू नै दर्शावै सै, जिसका करार परमेसवर नै लोग्गां तै करया जो घणाए खात्तर बहाया जावै सै।”

25 “थमनै साच्ची कहूँ सूँ, के अंगूर के रस नै मै इब तै इसनै उस दिन तक न्ही पिऊँगा, जब ताहीं परमेसवर के राज्य म्ह थारे गेल्या नया रस न्ही पीऊँ।”

26 फेर वे भजन गाके बाहरणै जैतून कै पहाड़ पै गए।

(26:31-35; 22:31-34; 13:36-38)

27 जब यीशु अर उसके चेल्लें राह म्ह थे, तो उसनै उनतै कह्या, “थम सारे मेरा साथ छोड़के चले जाओगे,” “क्यूँके पवित्तर ग्रन्थ म्ह लिख्या सै:” मै रुखाळे नै मारूँगा, अर झुण्ड की सारी भेड़ तित्तर-बितर हो जावैगी।

28 पर मै अपने जी उठण कै बाद थारे तै पैहल्या गलील परदेस म्ह मिलूँगा।

29 पतरस नै उसतै कह्या, “जै सारे छोड़ै तो छोड़ै, पर मै तेरा साथ कदे न्ही छोड़ूँगा।”

30 यीशु नै उसतै कह्या, “मै तेरे तै सच कहूँ सूँ आज ए इस्से रात नै मुर्गे के दो बर बाँग देण तै पैहल्या, तू तीन बर मेरै बारै म्ह मुकरैगा।”

31 पर उसनै और भी पक्के बिश्वास तै कह्या, “जै मन्नै तेरे गेल्या मरणा भी पड़ै, तोभी मै तेरा इन्कार कदे कोनी करूँगा।” इस्से तरियां और सारया चेल्यां नै भी कह्या।

(26:36-46; 22:39-46)

32 फेर यीशु अर उसके चेल्लें गतसमनी नामक बाग म्ह एक जगहां म्ह आए, अर उसनै अपने चेल्यां तै कह्या, “उरै बेट्ठे रहो, जब ताहीं मै प्रार्थना करूँ।”

33 अर वो पतरस, याकूब अर यूहन्ना ताहीं अपने गेल्या लग्या; अर घणाए काल अर दुखी होण लाग्या, 34 अर उनतै कह्या, “मेरा मन घणा उदास सै, उरै ताहीं के मै मरण पै सूँ: थम उरै ठहरो, अर जागदे रहो।”

35 फेर वो माड़ा आगै सरक्या अर धरती पै पड़के प्रार्थना करण लाग्या के जै हो सके तो या मुसीबत की घड़ी मेरै पै तै टळ जावै, 36 अर कह्या, “हे अब्बा, हे पिता, तू सारा कुछ कर सके सै; इस दुख का कटोरे ताहीं मेरै धोरै तै हटा ले: तोभी जिसा मै चाहूँ सूँ उसा न्ही, पर जो तू चाहवै सै वोए हो।”

37 फेर यीशु आया अर चेल्यां ताहीं सोन्दे पाकै पतरस तै कह्या, “हे शमौन, तू सोवै सै? के तू एक घड़ी भी कोनी जाग सक्या? 38 जागदे रहो अर प्रार्थना करदे रहो के थम इम्तिहान म्ह ना पड़ो। इस म्ह कोए शक कोनी के आत्मा तो त्यार सै, पर देह कमजोर सै।”

39 अर यीशु फेर चल्या गया अर दोबारा भी वाए प्रार्थना करी। 40 फेर आकै उन ताहीं सोन्दे पाया, क्यूँके चेल्यां की आँख नींद तै भरी थी; अर न्ही जाणै थे, के उसनै के जवाब देवै।

41 फेर तीसरी बर आकै उनतै कह्या, “थम इब भी सोण लागरे सोण सों? बखत आ लिया; देखो, मै माणस का बेट्टा पापियाँ के हाथ्यां पकड़वाया जाऊँ सू। 42 उठो, चाल्लां! लखाओ, मेरा पकड़वाण आळा लोवै आण पोंहच्या सै।”

26:47-56; 22:47-53; 18:3-12

18:3-12

43 यीशु न्यू कहण ए लागरया था के यहूदा जो बारहा चेल्यां म्ह तै एक था, अपणे गेल्या प्रधान याजकां अर शास्त्रियाँ अर यहूदी अगुवां की ओड़ तै एक बड्डी भीड़ लेकै जिब्बे आण पोंहच्या, जो तलवार अर लाट्टी लेरे थे।

44 यीशु के पकड़वाण आळे नै उन ताहीं यो इशारा दिया था के जिस ताहीं मै चुमूँ वोए यीशु होगा, उस ताहीं पकड़के सावधानी तै ले जाईयो। 45 वो आया, अर जिब्बे उसके धोरै जाकै बोल्या, “हे गुरु!” अर उस ताहीं चुम्या। 46 फेर उननै उसपै हाथ गेर के उस ताहीं पकड़ लिया। 47 उन बारहा चेल्यां म्ह जो धोरै खड़े थे, एक नै तलवार खिंचके महायाजक के नौक्कर पै चलाई, अर उसका कान उड़ा दिया।

48 यीशु नै उनतै कह्या, “के थम डाकू जाणकै मन्नै पकड़ण के खात्तर तलवार अर लाट्टी लेकै लिकड़े सो? 49 मै तो हरेक दिन मन्दर म्ह थारे गेल्या रहकै उपदेश दिया करूँ था, अर जिब थमनै मेरै ताहीं कोनी पकड़्या: पर न्यू ज्यांतै होया सै के पवित्तर ग्रन्थ म्ह लिखी बात पूरी होवै।” 50 यो सब देखके सारे चेल्लें उसनै छोड़के भाजगे।

51 एक जवान अपनी उघाड़ी देह पै चादर ओढ़े होड़ उसके पाच्छै हो लिया, अर माणसां नै उस ताहीं पकड़्या। 52 पर वो चादर छोड़के उघाड़ा भाजग्या।

26:57-68; 22:54,55; 18:13-14,19-24

18:13-14,19-24

* 14:63 14:63 (मत्ती 26:65)

53 फेर वे यीशु ताहीं महायाजक के धोरै लेगे, अर सारे प्रधान याजक, यहूदी अगुवें अर शास्त्री उसके ओड़ै कठ्ठे होगे। 54 पतरस दूर ए दूर उसके पाच्छै-पाच्छै महायाजक के आँगण के भीत्तर ताहीं गया, अर सिपाहियाँ के गेल्या बैठके आग पै सीकण लाग्या।

55 प्रधान याजक अर यहूदी अगुवां की सभा यीशु ताहीं मारण के खात्तर उसके विरोध म्ह गवाही की टोह म्ह थे, पर कोन्या मिली। 56 क्यूँके घणखरे उसके विरोध म्ह झूट्टी गवाही देवै थे, पर उनकी गवाही एक सी कोनी थी।

57 फेर कुछ माणसां नै उठके यीशु के विरोध म्ह या झूट्टी गवाही दी, 58 “हमनै इस ताहीं कहन्दे सुण्या सै, भै इस हाथ के बणाए होड़ मन्दर नै गेर दियुंगा, अर तीन दिन म्ह दुसरा बणाऊंगा, जो हाथ्यां तै न्ही बण्या हो।” 59 इस बात म्ह भी उनकी गवाही एक सी कोनी लिकड़ी।

60 फेर महायाजक नै बिचाळै खड़े होके यीशु तै बुझ्या, “तू कोए जवाब न्ही देंदा? ये माणस तेरे विरोध म्ह के गवाही देवै सै?” 61 पर वो बोल-बाल्ला रह्या, अर कुछ जवाब न्ही दिया। महायाजक नै उसतै दुबारा बुझ्या, “के तू ए परम धन्य परमेसवर का बेट्टा मसीह सै?”

62 यीशु नै कह्या, “हाँ मै ए सू: अर थम मुझ माणस के बेट्टे ताहीं सर्वशक्तिमान परमेसवर की सोळी ओड़ बेट्टे, अर अकास के बादळां के गेल्या आन्दे देखोगे।”

63 फेर महायाजक नै अपणे लत्ते पाड़के कह्या, “इब हमनै गवाह की और के जरूरत सै?”*

64 थमनै या बुराई सुणी। थारी के राय सै? उन सारया नै कह्या के यो मारण के जोग्गा सै। 65 फेर कई तो उसपै थूकते, अर कई उसका मुँह ढकते होए, कई उसके घुस्से मारते होए उसतै कहण लागगे, जै तू नबी सै, “तो भविष्यवाणी कर!” के तेरे कौण मारै सै, अर सिपाहियाँ नै उस ताहीं पकड़के थप्पड़ मारे।

26:69-75; 22:56-62; 18:15-18,25-27

18:15-18,25-27

66 जिब पतरस तळै आँगण म्ह था, तो महायाजक की नौकराणियाँ म्ह तै एक उड़ै आई, 67 अर पतरस ताहीं आग सिक्दे देखके उस ताहीं गौर तै देख्या अर कहण लागगी, “तू भी तो उस नासरत के यीशु के गेल्या था।”

68 पतरस मुकरग्या, अर बोल्या, “भै ना ए जाण्दा अर ना ए समझूँ सू के तू के कहवै सै।” फेर वो बाहरणै देहळीया म्ह गया; अर मुर्गे नै बाँग दी।

69 वा नौकराणी उसनै ओड़ै देखकै उनतै जो धोरै खड़े थे, दुबारा कहण लागगी, “यो उन म्ह तै एक सै।” 70 पर वो फेर मुकरगया। माड़ी बार पाच्छै उननै जो धोरै खड़े थे फेर पतरस ताहीं कह्या, “पक्का तू उन म्ह तै एक सै, क्यूँके तू गलीली भी सै।”

71 फेर वो धिक्कारण अर कसम खाण लाग्या, “मै उस माणस नै, जिसका थम जिक्र करो सो, कोनी जाण्दा।”

72 फेर जिब्बे दुसरी बार मुर्गे नै बाँग देई। पतरस ताहीं वाए बात जो यीशु नै उसतै कही थी याद आई “मुर्गे कै दो बार बाँग देण तै पैहल्या तू तीन बार मेरा इन्कार करैगा।” अर वो इस बात नै सोचकै फूट-फूटकै रोण लाग्या।

15

[\[27:1-2; 11-14; 23:1-4; 18:28-38\]](#)

1 सबेरा होन्दे जिब्बे सारे प्रधान याजकां, यहूदी अगुवां अर शास्त्रियाँ नै बल्के यहूदी अगुवां की सभा नै सलाह करकै यीशु ताहीं बंधवाया, अर उस ताहीं ले जाकै यहूदिया परदेस के हाकिम पिलातुस कै हाथ्यां म्ह सौप दिया।

2 पिलातुस नै यीशु तै बुझ्या, “के तू यहूदियाँ का राजा सै?” उसनै उस ताहीं जवाब दिया, “तू आप ए कहण लागरया सै।”

3 प्रधान याजक यीशु पै घणी बाततां के इल्जाम लावै थे। 4 पिलातुस नै उसतै फेर बुझ्या, “के तू कुछ जवाब कोनी देंदा, लखा, ये तेरे पै कितनी बाततां के इल्जाम लावै सै?”

5 यीशु नै फेर कुछ जवाब कोनी दिया; उरै ताहीं के पिलातुस नै घणी हैरानी होई।

[\[27:15-26; 23:13-25; 18:39; 19:16\]](#)

6 पिलातुस उस त्यौहार म्ह किसे एक कैदी नै जिसनै वे चाहवै थे, उन माणसां खात्तर छोड़ दिया करै था।

7 बरअब्बा नाम का एक माणस उन रोळे करणीया गेल्या कैदी था, जिन नै रोळे म्ह खून करया था। 8 अर भीड़ पिलातुस कै धोरै जाकै उसतै बिनती करण लागगी, के जिसा तू म्हारै खात्तर करदा आया सै उससे तरियां कर।

9 पिलातुस नै उन ताहीं जवाब दिया, “थम के चाह्ते, के मै थारे खात्तर यहूदियाँ के राजा नै छोड़ दिरुं?”

10 क्यूँके पिलातुस जाणै था के प्रधान याजकां नै यीशु ताहीं चाल तै पकड़वाया था। 11 पर प्रधान याजकां नै

माणसां ताहीं उकसाया के वो यीशु की जगहां बरअब्बा नै छोड़ दे।

12 न्यू सुण पिलातुस नै उनतै फेर बुझ्या, “तो जिसनै थम यहूदियाँ का राजा कहो सो, उसका मै के करुं?”

13 वे फेर रुक्के मारण लागगे, “उसनै क्रूस पै चढ़ा द्यो!”

14 पिलातुस नै उनतै फेर कह्या, “क्यांतै उसनै के बुरा करया सै?” पर वे और भी रुक्के मारण लागगे, “उसनै क्रूस पै चढ़ा द्यो!”

15 फेर पिलातुस नै भीड़ ताहीं राज्जी करण की चाहन्ना तै, बरअब्बा ताहीं उनकै खात्तर छोड़ दिया, अर यीशु कै कोरडे लगवाकै सिपाहियाँ के हाथ म्ह सौप दिया के क्रूस पै चढ़ाया जावै।

[\[27:27-31; 19:2-3\]](#)

16 यीशु ताहीं सिपाही किले कै भीत्तर कै आँगण म्ह ले गये जो पिरटोरियुम कुह्वावै सै, अर सारी पलटन ताहीं बुला ल्याए। 17 फेर सिपाहियाँ नै उसका मजाक उड़ाण खात्तर उस ताहीं बैजनी लत्ते पहिराए अर काण्डयाँ का मुकुट गूँथकै उसके सिर पै धरया, 18 अर न्यू कहकै उस ताहीं नमस्कार करण लागगे, “हे यहूदियाँ के राजा, नमस्कार!” 19 वे उसके सिर पै सरकण्डे मारदे, अर उसपै थूकदे, अर गोड़डे टेक के उसनै प्रणाम करदे रहे। 20 जब उननै उसका मजाक उड़ा लिया, तो उसपै तै बैजनी लत्ते उतारकै उससे के लत्ते पहिराए; अर फेर उस ताहीं क्रूस पै चढ़ाण कै खात्तर बाहरणै ले गये।

[\[27:32-44; 23:26-43; 19:17-27\]](#)

21 सिकन्दर अर रूफुस का पिता शमौन, जो कुरेन परदेस का बसिन्दा था, वो यरुशलम की ओड़ आण लागरया था; उननै उस ताहीं बेकार म्ह पकड्या ताके यीशु का क्रूस ठाकै ले चाल्लै। 22 वे यीशु ताहीं गुलगुता नामक जगहां पै लियाए, जिसका मतलब खोपड़ी की जगहां सै। 23 ओड़ै उस ताहीं सिरका मिल्या होड़ अंगूर का रस देण लागगे, पर उसनै कोनी लिया। 24 फेर उननै उस ताहीं क्रूस पै चढ़ाया अर उसके लत्यां पै पर्ची गेर कै, के किसनै के मिलै, उननै बांड लिये।

25 अर सबेरै के नौ बजे थे, जब उननै यीशु ताहीं क्रूस पै चढ़ाया। 26 अर उसका दोषपत्र लिखकै क्रूस कै उप्पर लगा दिया के “यहूदियाँ का राजा।”

27 उननै उसके गेल्या दो डाकू, एक उसकी सोळी अर एक उसकी ओळी ओड़ क्रूस पै चढ़ा दिये। 28 (तब पवित्र ग्रन्थ का वो वचन के वो अपराधियाँ गेल्या

गिण्या गया, पूरा होया।) 29 अर राह म्ह जाण आळे सिर हला-हल्लाकै अर न्यू कहकै उसकी बेजती करै थे, “वाह! मन्दर के गेरण आळे, अर तीन दिन म्ह बणाण आळे! 30 क्रूस पै तै उतरकै अपणे-आपनै बचाले।” 31 इस्से तरियां तै प्रधान याजक भी, शास्त्रियाँ सुधा, आप्पस म्ह मजाक करकै कहवै थे, “इसनै औरां ताहीं बचाया, पर अपणे-आपनै न्ही बचा सकदा। 32 इस्राएल का राजा, मसीह, इब क्रूस पै तै उतर आ, के हम देखकै बिश्वास करया।” अर जो डाकू उसकै गेल्या क्रूस पै चढ़ाए गए थे, वे भी उसकी बेजती करै थे।

ⓂⓂⓂⓂ ⓂⓂ ⓂⓂ ⓂⓂⓂⓂⓂ

(ⓂⓂⓂⓂⓂ 27:45-56; ⓂⓂⓂⓂ 23:44-49; ⓂⓂⓂ

19:28-30)

33 दोफारी होण पै सारे देश म्ह अँधेरा छाग्या, अर तीन बजे ताहीं रहया। 34 तीन बजे यीशु नै बड़े जोर तै रुक्के मारकै कह्या, “इलोई, इलोई, लमा शबक्तनी?” जिसका मतलब यो सै, “हे मेरे परमेसवर, हे मेरे परमेसवर, तन्नै मेरै ताहीं क्यातै छोड़ दिया?”

35 जो धोरै खड़े थे, उन म्ह तै कितन्याँ नै न्यू सुणकै कह्या, “लखाओ, वो एलिय्याह ताहीं बुलावै सै।”

36 अर एक नै भाजकै फोम ताहीं सिरके म्ह डबोया, अर सरकण्डे पै धरकै उस ताहीं चुसाया अर कह्या, “ठैहर जाओ, देख्वां, एलिय्याह उस ताहीं उतारण खात्तर आवै सै के न्ही।”

37 फेर यीशु नै बड़े जोर तै किल्की मारकै जी दे दिया।

38 अर मन्दर का पड़दा उप्पर तै तळै ताहीं पाटकै दो टुकड़े होगया। 39 जो सूबेदार उसकै स्याम्ही खड्या था, जिन उर ताहीं इस ढाळ किल्की मारकै जी देन्दे देख्या, तो उसनै कह्या, “साच्चए यो माणस, परमेसवर का बेटटा था।”

40 कई बिरबान्नी भी दूर तै देख्खै थी: उन म्ह मरियम मगदलीनी*, छोट्टे याकूब अर योसेस की माँ मरियम, अर सलोमी थी। 41 जिन यीशु गलील परदेस म्ह था, तो ये जनानियाँ जो यीशु की चेल्ली थी, वो उसकी सेवा-पाणी करया करै थी; अर घणखरी बिरबान्नी भी थी, जो उसकै गेल्या यरुशलैम नगर तै आई थी।

ⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂ

(ⓂⓂⓂⓂⓂ 27:57-61; ⓂⓂⓂⓂ 23:50-56; ⓂⓂⓂ

19:38-42)

42 यो आराम कै दिन का एक दिन पैहले की तैयारी का दिन था, अर इब साँझ हो गयी थी।†

43 अरिमतिया गाम का बासिन्दा यूसुफ आया, जो बड्डी सभा का खास माणस था अर खुद भी परमेसवर

कै राज्य की बाट देख्खै था। वो हिम्मत करकै पिलातुस कै धोरै गया अर यीशु की लाश माँगी। 44 पिलातुस नै हैरानी होई के वो इतनी तावळी मरग्या, उसनै सूबेदार ताहीं बुलाकै बुझ्या, “के उस ताहीं मरे होए वार होई सै?” 45 जिन उसनै सूबेदार कै जरिये हालत जाण ली, तो लाश यूसुफ ताहीं दुवा दी। 46 फेर उसनै मलमल की एक चादर मोल ली, अर लाश ताहीं उतारकै उस चादर म्ह लपेटा, अर एक कबर म्ह जो चट्टान म्ह खोद राक्खी थी धरया, अर कबर कै बारणै पै एक पत्थर गिरडा दिया। 47 मरियम मगदलीनी‡ अर योसेस की माँ मरियम देख्खै थी के वो कित्त धरया गया सै।

16

ⓂⓂⓂⓂ ⓂⓂ ⓂⓂⓂ ⓂⓂⓂⓂ ⓂⓂⓂ ⓂⓂ ⓂⓂⓂⓂⓂⓂ ⓂⓂ

ⓂⓂⓂⓂ

(ⓂⓂⓂⓂⓂ 28:1-8; ⓂⓂⓂⓂ 24:1-12; ⓂⓂⓂ 20:1-

10)

1 जिन आराम का दिन बीतग्या, तो मरियम मगदलीनी*, अर याकूब की माँ मरियम, अर सलोमी नै खसबूदार चीज मोल ली, ताके आकै यीशु की लाश पै मळै। 2 हफ्तै के पैहलडे दिन तड़कै ए तड़कै सूरज लिकड़ाए था, वे कबर पै आई, 3 अर आप्पस म्ह कहवै थी, “म्हारै खात्तर कबर के दरबाजे पै तै पत्थर कौण गिरडावैगा?”

4 जिन उननै कबर की ओड़ निगांह करी, तो देख्या के पत्थर गिरड्या होया सै! यो घणाए बड्ड़ा था। 5 कबर कै भीत्तर जाकै उननै एक जवान ताहीं धोळे लत्ते पहेरे होड़ सोळी ओड़ बेट्ठे देख्या, अर उननै घणी हैरान होई।

6 उसनै उनतै कह्या, “हैरान मतना होवो, थम यीशु नासरी† नै टोह्वो सो, जो क्रूस पै चढ़ाया गया था, वो जिन्दा होगया सै, अर उरै कोनी; लखाओ, याए वा जगहां सै, जित्त उननै यीशु की लाश ताहीं धरया था। 7 पर थम जाओ, अर उसके चेल्यां अर पतरस ताहीं कहो के वो थारे तै पैहल्या गलील परदेस म्ह जावैगा। जिसा के उसनै थारे तै कह्या था, थम ओड़ैए उसनै देख्खोगे।”

8 अर वे लिकड़कै कबर तै बाहर भाजग्यी; क्यूँके वे काम्बगी अर उनकै घबराट होगी थी; अर उननै किसे तै कुछ न्ही कह्या, क्यूँके वे डरै थी।

ⓂⓂⓂⓂⓂ ⓂⓂⓂⓂⓂⓂⓂ ⓂⓂ ⓂⓂⓂⓂ ⓂⓂ ⓂⓂⓂⓂⓂ

(ⓂⓂⓂⓂⓂ 28:9-10; ⓂⓂⓂ 20:11-18)

9 हफ्तै के पैहलडे दिन सबेर होन्दे यीशु जिन्दा होकै पैहलम-पैहल्या मरियम मगदलीनी ताहीं जिसम्ह तै

* 15:40 15:40 मगदला गाम की मरियम † 15:42 15:42 (यो सब कुछ विश्रामदिन की तैयारी के एक दिन पैहले होया) ‡ 15:47 15:47 मगदला गाम की मरियम * 16:1 16:1 मगदला गाम की मरियम † 16:6 16:6 नासरत नगर का रहण आळा

उसनै सात ओपरी आत्मा काड्डी थी, दिख्या। ¹⁰ उसनै जाकै यीशु के साथियाँ ताहीं खबर दी, जो दुख म्ह डूबरे थे, अर रोवै थे। ¹¹ उननै न्यू सुणकै के वो जिन्दा सै, अर मरियम मगदलीनी नै उस ताहीं देख्या सै, उसकी बात का बिश्वास कोनी करा।

ⓂⓂ ⓂⓂⓂⓂⓂⓂⓂ ⓂⓂ ⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂ 24:13-35)

¹² इसकै बाद यीशु दुसरे रूप म्ह उन म्ह तै दो चेल्यां ताहीं दिख्या, जिब वे गाम कान्ही जावै थे। ¹³ उननै भी यरुशलेम नगर तै बोहड़कै दुसरयां ताहीं इस बारे म्ह खबर दी, पर उननै उनका भी बिश्वास कोनी करया।

ⓂⓂⓂⓂⓂⓂⓂⓂ ⓂⓂ ⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂⓂ 28:16-20; ⓂⓂⓂⓂ 24:36-49; ⓂⓂⓂ 20:19-23; ⓂⓂⓂⓂⓂⓂ 1:6-8)

¹⁴ पाच्छै यीशु उन ग्यारहां चेल्यां ताहीं भी दिख्या, जिब वे खाणा खाण बेट्ठे थे, अर उनकै अबिश्वास अर मन की कठोरता पै उल्हाणा दिया, क्यूँके जिन नै उसकै जिन्दा होण कै पाच्छै, उस ताहीं देख्या था, चेल्यां नै उनका भी बिश्वास कोनी करया था।

¹⁵ अर यीशु नै उनतै कह्या, “थम सारी दुनिया म्ह जाकै सारी सृष्टि के माणसां ताहीं सुसमाचार प्रचार करो। ¹⁶ जो बिश्वास करै अर बपतिस्मा लेवै उससे का उद्धार होवैगा, पर जो बिश्वास कोनी करैगा वो कसूरवार ठहराया जावैगा; ¹⁷ बिश्वास करण आळा म्ह या निशान्नी होवैगी के वे मेरै नाम तै ओपरी आत्मायाँ नै काड्ड़ैगें, नई-नई भाषा बोल्लैगें, ¹⁸ साँप नै हाथ्यां म्ह टा लेवैगें, अर जै वे गलती तै जहर भी पी जावै तोभी उनका कुछ न्ही बिगड़ैगा; वे बिमारां पै हाथ धरैगें, अर वे चंगे हो जावैगें।”

ⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂ ⓂⓂⓂⓂⓂⓂ
(ⓂⓂⓂⓂ 24:50-53; ⓂⓂⓂⓂⓂⓂ 1:9-11)

¹⁹ फेर प्रभु यीशु उनतै बात करण कै पाच्छै सुर्ग पै ठा लिया गया, अर परमेसवर कै सोळी ओड़ बैठग्या।[‡] ²⁰ अर उननै लिकड़कै हरेक जगहां प्रचार करया, अर प्रभु उनकै गेल्या काम करदा रहया, अर उन निशान्नी कै जरिये जो गैल-गैल होवै थे, अर साबित करदा रहया के वचन सच्चा सै। आमीन।

[‡] 16:19 16:19 (1 पत्त-3:22)

लूका के जरिये लिख्या गया सुसमाचार

????????

लूका के जरिये लिखे गये सुसमाचार नै यीशु ताहीं इस्राएली माणसां के खात्तर करे होए वादे का मुक्तिदाता अर सारे मानव जाति का उद्धारकर्ता, दोनुआ ए के तौर पै पेश करया सै। लूका लिखै सै के यीशु ताहीं “कंगालां ताहीं सुसमाचार सुणाण खात्तर” प्रभु की आत्मा नै बुलाया था। इसे कारण यो सुसमाचार कई तरियां की समस्या म्ह पड़े माणसां की चिन्ता तै भरा पडचा सै। लूका के जरिये लिखे गये सुसमाचार म्ह आनन्द के भाव की भी झलक देखै सै, खासकर शुरुआती पाठां म्ह, जिन म्ह यीशु के आण की घोषणा करी गई सै, अर आखर म्ह भी जड़े यीशु के सुर्ग जाण का जिक्र सै। यीशु के सुर्ग जाणके बाद मसीह बिश्वास की बढ़ोतरी अर ब्यौरे का खुलासा इस्से लेखक के जरिये प्रेरितां के जरिये करे गए काम की किताब म्ह दिया सै। दुसरे अर छटे भाग म्ह भोत सी बात सिर्फ इसे सुसमाचार म्ह पाई जावै सै। मिसाल के तौर पै, यीशु, के जन्म पै सुर्गदूतां का गीत, पाळियाँ का यीशु ताहीं देखण जाणा, यरुशलेम नगर के मन्दर म्ह बाळक यीशु, दयालु सामरी अर उड़ाऊ बेटे की कहाँनी आदि। पूरे सुसमाचार म्ह प्रार्थना, पवित्र आत्मा, यीशु के जरिये माणसां की सेवा म्ह बिरबानियाँ की भूमिका, अर परमेसवर के जरिये पापां की माफी पै घणा ज्यादा जोर दिया सै।

रूप-रेखा

जानकारी 1:1-4

यूहन्ना बपतिस्मा देण आळा अर यीशु का जन्म अर बचपन 1:5-2:52

यूहन्ना बपतिस्मा देण आळे के जरिये माणसां की सेवा 3:1-20

यीशु का बपतिस्मा अर इम्तिहान 3:21-4:13

गलील परदेस म्ह यीशु के जरिये माणसां की सेवा 4:14-9:50

गलील परदेस तै यरुशलेम नगर ताहीं का सफर 9:51-19:27

यरुशलेम नगर म्ह आखरी हफता 19:28-23:56

प्रभु का जिन्दा हो जाणा, दिखाई देणा, अर सुर्ग म्ह जाणा 24:1-53

?????? ??

1 हे जनाब थियुफिलुस, घणखरयां माणसां नै म्हारै बिचाळे घटी बाततां का ब्यौरा लिखण की कोशिश करी सै।² शुरुआत तै ए जो यीशु मसीह की सेवकाई म्ह साथ थे अर वे बाद म्ह वचन के सेवक बणगे, उननै ए आँखां देखी बात म्हारे ताहीं बताई।³ इस करके हे जनाब थियुफिलुस, मन्नै भी यो ठीक लाग्या के उन सारी बाततां का सारा हाल शुरु तै आच्छी दाहू परख के, उननै तेरे खात्तर क्रमानुसार* लिखूँ⁴ के तू या जाण ले के वो बात जिनकी तन्नै शिक्षा पाई सै, वो सच्ची सै।

???????? ??

5 यहूदिया परदेस के राजा हेरोदेस के बखत म्ह अबिय्याह के टोळ म्ह जकरयाह नाम का एक याजक था, अर उसकी घरआळी का नाम एलीशिबा था, अर दोनु हारुन की पीढ़ी के थे।⁶ वे दोनु परमेसवर के स्याम्ही धर्मी थे, अर प्रभु के सारे हुकम अर नियमां पै बेखोट चालण आळे थे।⁷ पर उनके कोए भी ऊलाद कोनी थी, क्यूँके एलीशिबा बाँझ थी, अर वे दोनु ए बूढ़े थे।

⁸ एक दिन मन्दर म्ह जब याजक के काम की बारी जकरयाह के टोळ की आई, तो वो परमेसवर के स्याम्ही पूजा करण खात्तर ओड़ै मौजूद था,⁹ तो याजकां की रीत के मुताबिक उसके नाम की चिट्ठी लिकड़ी के प्रभु के मन्दर म्ह जाके धूप जळावै।¹⁰ धूप जळाण के बखत माणसां की भीड़ बाहरणै आँगण म्ह प्रार्थना करै थी।

¹¹ उस बखत प्रभु का एक सुर्गदूत धूप की वेदी† के सोळी ओड़ खडचा दिख्या।¹² जकरयाह देखके घबरागया अर घणा डरगया।¹³ पर सुर्गदूत उसतै बोल्या, “हे जकरयाह, डरै ना, क्यूँके परमेसवर नै तेरी प्रार्थना सुणली सै, अर तेरी घरआळी एलीशिबा तेरे खात्तर एक बेटा जाम्मैगी, अर तू उसका नाम यूहन्ना धरिये।

¹⁴ वो तेरे ताहीं तो आनन्द अर खुशी देवैगा, साथ म्ह भोत-से माणस भी उसके जन्म तै राज्जी होवैगें।

¹⁵ क्यूँके वो प्रभु के स्याम्ही घणा महान् होगा, अर उस ताहीं कदे भी मदिरा, नशीली चीज न्ही पीणी सै, अर अपणी माँ की कोख तै ए पवित्र आत्मा तै भर ज्यागा।¹⁶ अर इस्राएल के भोत-से माणसां के मन प्रभु परमेसवर की ओड़ मोड़ देवैगा।¹⁷ यूहन्ना एलिय्याह नबी की आत्मा अर सामर्थ म्ह भरा होगा, अर वो परमेसवर के राह नै तैयार करैगा, वो माँ-बाप का मन बाळकां की ओड़ मोड़ देवैगा। हुकम ना मानण आळे अधर्मियाँ की सोच नै धर्मियाँ की सोच म्ह बदल देवैगा।”

* 1:3 1:3 क्रमानुसार-लंगपतार म्ह † 1:11 1:11 वेदी-परमेसवर ताहीं भेट चढ़ाण खात्तर एक जगहां

18 जकरयाह नै सुर्गदूत तै बुझया, “इस बात का मै किस तरियां बिश्वास करूँ? के यो म्हारे गैल होवैगा, क्यूँके मै तो बूढ़ा सूँ, अर मेरी घरआळी भी बूढ़ी होरी सै।”

19 सुर्गदूत नै उसतै जवाब दिया, “मै जिबराईल सूँ, जो परमेसवर के आगूँ खड्या रहूँ सूँ, अर मै तेरे तै बात करण अर सुसमाचार देण खात्तर भेज्या सूँ। 20 अर देख जिब ताहीं ये बात पूरी ना हो लेंगी, तू गूँगा रहवैगा अर बोल न्ही पावैगा क्यूँके तन्नै मेरी बातों का बिश्वास न्ही करया, जो अपने बखत पै पूरी होंगी।”

21 बाहर जकरयाह की बाट देखण आळे माणस अचम्भे म्हा पड़गे, के उसनै मन्दर म्हा इतनी वार क्यूँ लागी। 22 जिब वो बाहर आया, तो उन ताहीं बोल न्ही पाया आखर वो जाणगे के उसनै मन्दर म्हा कोए दर्शन पाया सै, अर वो उन ताहीं इशारे करदा रह्या, अर गूँगा होगया।

23 जिब उसकी याजकीय सेवा के दिन पूरे होए, तो वो यरुशलेम नगर नै छोड़ अपने घरों चल्या गया।

24 कई दिनां पाच्छै उसकी घरआळी एलीशिबा गर्भवती होगी, अर पाँच महिन्ने तैई अपने-आप ताहीं ल्हकोए राख्या, 25 उसनै अपने-आप तै कह्या, प्रभु नै इन दिनां म्हा दया की मेहर करके मेरै खात्तर इसा करया सै, “के माणसां के बीच म्हा मेरा अपमान दूर हो।”

???? ? ? ? ? ? ? ? ?

26 एलीशिबा के छठा महिन्ना चढ़ रह्या था, परमेसवर की ओड़ तै जिबराईल सुर्गदूत, गलील परदेस के नासरत नगर म्हा, 27 एक कुंवारी के धोरै भेज्या जिसकी सगाई यूसुफ नाम के दाऊद के घराने के एक माणस तै होई थी, उस कुंवारी का नाम मरियम था। 28 जिबराईल सुर्गदूत नै उसके धोरै आके कह्या, “आनन्द अर जयजयकार तेरी हो तेरे पै ईश्वर का अनुग्रह होया सै! प्रभु तेरे गेल्या सै!”

29 मरियम या बात सुणके भोत घबरा गी, अर सोच म्हा पड़गी के इन बातों का के मतलब हो सकै सै? 30 सुर्गदूत नै उसतै कह्या, “हे मरियम, डरै ना, क्यूँके परमेसवर का अनुग्रह तेरे पै होया सै। 31 अर देख, तू गर्भवती होगी, अर तेरे एक छोरा पैदा होगा, तू उसका नाम यीशु धरिये। 32 वो महान् होगा अर परमप्रधान का बेट्टा कुह्वावैगा, अर प्रभु परमेसवर उसके पूर्वज दाऊद का सिंहासन उसनै देवैगा, 33 अर वो इस्राएल के घराने पै सदा राज करैगा, अर उसके राज्य का अंत न्ही होगी।”

‡ 1:48 1:48 लूका 1:42

34 मरियम नै सुर्गदूत तै कह्या, “यो किस तरियां होगा। मै तो कुंवारी सूँ।”

35 सुर्गदूत नै उस ताहीं जवाब दिया, “पवित्तर आत्मा तेरे पै आवैगा अर परमप्रधान की सामर्थ तेरे पै छाया करैगी, इस खात्तर वो जो बाळक पैदा होण आळा सै, पवित्तर अर परमेसवर का बेट्टा कुह्वावैगा। 36 अर सुण, तेरी रिस्तेदार जो एलीशिबा सै उसके भी बुढ़ापे म्हा बेट्टा होण आळा सै, जो बाँझ कुह्वावै थी यो उसका, छठा महिन्ना सै। 37 क्यूँके परमेसवर खात्तर कुछ भी मुश्किल कोनी सै।”

38 मरियम नै कह्या, “देख, मै प्रभु की दास्सी सूँ, मेरै तै तेरे कहैए वचन के मुताबिक हो।” फेर सुर्गदूत उसके धोरै तै चल्या गया।

???? ? ? ? ? ? ? ? ?

39 कई दिनां बाद मरियम ताव्ली तैयार होके पहाड़ी परदेस के यहूदा नगर म्हा गी, 40 अर जकरयाह के घर म्हा जाके एलीशिबा ताहीं नमस्कार करया। 41 ज्योए एलीशिबा नै मरियम का नमस्कार सुण्या, त्योए बाळक उसके पेट म्हा उछळ्या, अर एलीशिबा पवित्तर आत्मा तै भरगी। 42 अर उसनै ऊँची आवाज म्हा बोलके कह्या, “तू बिरबानियां म्हा धन्य सै, अर तेरी कोख का फळ धन्य सै! 43 मै खुशनसीब सूँ जो प्रभु की माँ मेरै धोरै मिलण खात्तर आई? 44 देख, ज्योए तेरे नमस्कार का बोल मेरै कान्ना म्हा पड्या, त्योए बाळक मेरै पेट म्हा खुशी तै उछळ पड्या। 45 धन्य सै तू क्यूँके तन्नै बिश्वास करया के जो बात प्रभु नै तेरे ताहीं कही, वे पूरी होई!”

???? ? ? ? ? ? ? ? ?

46 फेर मरियम नै कह्या, “मेरा जी प्रभु की बड़ाई करै सै”
47 अर मेरी आत्मा मेरै उद्धार करण आळे परमेसवर तै खुश होई,”
48 “क्यूँके उसनै अपनी दास्सी की लाचारी पै निगांह करी सै,‡
इस खात्तर देखो, इब तै सारे युग-युग के माणस मन्नै धन्य कहवैगें,”
49 “क्यूँके उस शक्तिशाली नै मेरै खात्तर बड़े-बड़े काम करै सै। उसका नाम पवित्तर सै,”
50 “अर उसकी दया उनपै, जो उसतै डरै सै, पीढ़ी तै पीढ़ी बणी रहवै सै।”
51 “उसनै अपनी शक्ति तै बड़े-बड़े काम करै सै, अर जो अपने-आप म्हा घमण्ड करै थे, उन ताहीं तित्तर-बितर कर दिया।”

9 अर उससे रात नै प्रभु का एक सुर्गदूत उनकै धोरै आण खड्या होया, अर प्रभु का प्रताप उसकै उप्पर चमक्या, अर वे घणे डरगे। 10 सुर्गदूत नै उनतै कह्या, “मतना डरो, क्यूँके देख्खों, मै थमनै घणी खुशी की खबर सुणाऊँ सूँ, जो सारे माणसां खात्तर होगी, 11 आज दाऊद कै नगर बैतलहम म्ह थारे खात्तर एक उद्धारकर्ता जाम्या सै, अर योए मसीह प्रभु सै। 12 अर उसकी थारे खात्तर या निशान्नी होगी के थम एक बाळक नै लत्ते म्ह लिपट्या होइ अर खोर म्ह लेट्या होइ पाओगे।”

13 फेर चाणचक उस सुर्गदूत गेल्या सुर्गदूतां का एक टोळ परमेसवर की भगति करदे होए अर न्यू कहन्दे दिख्या,

14 “अकास म्ह परमेसवर की महिमा अर धरती पै उन माणसां म्ह जिनतै वो राज्जी सै, शान्ति हो।”

15 जिव सुर्गदूत उसकै धोरै तै सुर्ग म्ह चले गए, तो पाळीयाँ नै आप्पस म्ह कह्या, “आओ, हम बैतलहम नगर जाकै या बात जो होई सै, अर जो प्रभु नै म्हारै ताहीं बताई सै, देख्खां।”

16 अर उननै जिब्बे जाकै मरियम अर यूसुफ ताहीं अर खोर म्ह उस बाळक ताहीं लेट्या देख्या। 17 जिव पाळीयाँ नै बाळक ताहीं देख्या तो उननै वे सारी बात जो सुर्गदूत नै इस बाळक कै बाबत उनतै कही थी, यूसुफ अर मरियम ताहीं बताई। 18 अर पाळीयाँ की ये बात सुणकै सारे सुणण आळा नै अचम्भा करया। 19 पर मरियम ये बात अपणे मन म्ह धरकै सोचदी रई। 20 अर जिसा पाळीयाँ ताहीं सुर्गदूतां नै कह्या था, सब कुछ उसाए सुणकै अर देखकै, वे परमेसवर की महिमा अर जय-जयकार करदे होए बोहड़गे।

???? ? ? ? ? ? ? ? ?

21 जिव आठ दिन पूरे होए अर उसकै खतने का बखत आया, तो उसका नाम यीशु धरया गया, अर यो नाम सुर्गदूत के जरिये, मरियम के गर्भ म्ह आण तै पैहल्या बताया गया था।

???? ? ? ? ? ? ? ? ?

22 जिव मूसा नबी कै नियम-कायदा कै मुताबिक मरियम अर यूसुफ कै सूँच्चे होण के दिन पूरे होए, तो वे दोन्नु यीशु नै यरुशलेम नगर के मन्दर म्ह लेगे के प्रभु कै स्याम्ही ल्याए, 23 (जिसा के प्रभु के नियम-कायदा म्ह लिख्या होइ सै: हरेक जेट्ठा बेट्ठा प्रभु कै खात्तर पवित्तर ठहरैगा।) 24 अर प्रभु कै नियम-कायदा कै वचन

कै मुताबिक “एक कबूतर या मोड्डी कै दो बच्चे ल्याकै बलि करै।”

???? ? ? ? ? ?

25 उस बखत यरुशलेम नगर म्ह शमौन नाम का एक माणस था। वो धर्मी अर परमेसवर का भगत था, अर वो मसीह की बाट देखण लागरया था, ताके इस्राएल के माणसां नै शान्ति मिलै अर पवित्तर आत्मा उसपै था। 26 अर पवित्तर आत्मा के जरिये उसपै जाहिर होया था के जिव तक वो प्रभु के मसीह नै देख न्ही लेगा, जद ताहीं मौत नै कोनी देख्खैगा। 27 शमौन आत्मा की अगुवाई तै मन्दर म्ह आया, अर जिव माँ-बाप उस बाळक यीशु ताहीं भीत्तर ल्याए, ताके उसकै खात्तर नियम-कायदा के रिवाज कै मुताबिक करै, 28 फेर उसनै बाळक यीशु ताहीं अपणी गोद्री म्ह लिया अर परमेसवर का धन्यवाद करकै कह्या

29 “हे प्रभु माल्लिक, इब तू अपणे दास नै अपणे वचन कै मुताबिक शान्ति तै इब मर जाणदे,

30 क्यूँके मेरी आँखां नै उद्धारकर्ता ताहीं देख लिया सै,

31 जिस ताहीं तन्नै सारे देशां के माणसां कै स्याम्ही भेज्या सै,

32 ताके वो गैर यहूदियाँ ताहीं चाँदणा देण कै खात्तर उजाळा, अर तेरे अपणे माणस इस्राएल की महिमा हो।”

33 यीशु के माँ-बाप इन बाततां तै, जो शमौन नै यीशु कै बारे म्ह कही थी, सुणकै अचम्भा करै थे। 34 फेर शमौन नै उन ताहीं आशीर्वाद देकै, उसकी माँ मरियम तै कह्या, “देख, यो बाळक इस्राएल म्ह भोत-से माणसां के पतन अर उत्थान का कारण बणैगा, अर या निशान्नी के रूप म्ह परमेसवर की ओइ तै भेज्या होया सै, अर भोत सारे लोग उसकै बिरुध बोल्लैगें। 35 इसका नतिज्जा यो होगा के भोत सारे मनां के विचार जाहिर हो जावैगें, अर एक भोत बड़ा दुख तेरे पै आवैगा*।”

???? ? ? ? ? ? ? ? ?

36 अशेर कै गोत म्ह तै हन्नाह नामक फनूएल की बेट्ठी एक नबी थी। वा घणी बूढ़ी थी, अर ब्याह होण कै सात साल पाच्छै उसका धणी गुजर गया। 37 वा चौरासी साल तै बिधवा थी: अर मन्दर म्ह जाणा कोनी छोड्या करै थी, पर ब्रत अर प्रार्थना कर-करकै रात-दिन भगति करया करै थी। 38 जिव यूसुफ, मरियम अर बाळक यीशु, मन्दर म्ह थे, तो हन्नाह उनकै धोरै आई अर परमेसवर का धन्यवाद करण लागगी, अर उसनै उन सारया ताहीं

* 2:35 2:35 अर एक भोत बड़ा दुख तेरे पै आवैगा अर एक तलवार तेरे दिल पै चाल्लैगी

इस बाळक यीशु के बारे में बताया, जो यरुशलेम के छुटकारे की बात देखें थे।

३९ यहुदी नियम-कायदा ने पूरा करण के बाद यूसुफ

अर मरियम गलील परदेस के नासरत नगर में अपने घरों बोहड़ आये। ४० अर बाळक यीशु बढ़दा, अर मजबूत होन्दा, अर बुद्धि तै भरपूर होँदा गया, अर परमेसवर का अनुग्रह उसपै था।

४१ यीशु के माँ-बाप हरेक साल फसह के त्यौहार में

यरुशलेम जाया करै थे। ४२ जब यीशु बारह साल का होया, तो वे त्यौहार की रीति के मुताबिक यरुशलेम नगर में गए। ४३ जब यीशु के माँ-बाप त्यौहार मनाके अपने घरों बोहड़ण लागरे थे, तो बाळक यीशु यरुशलेम में रह गया, अर इसका उसके माँ-बाप ने कोनी बेरा था। ४४ वे न्यू समझके के वो दुसरे मुसाफिरों के गेल्या होगा, एक दिन का सफर पार करगे: अर उस ताहीं अपने कुण्बे आळा में अर जाण-पिच्छण आळा में टोहू लागगे। ४५ पर जब कोनी मिल्या, टोन्दे-टोन्दे यरुशलेम में दुबारे बोहड़गे, ४६ अर तीन दिन के पाच्छे उनै वो मन्दर के आँगण में उपदेशकाँ के बिचाळै बैठे, उनकी सुणदे अर उनतै सवाल बुझते पाया। ४७ जितने उसकी सुणे थे, वे सारे उसकी समझ अर उसके जवाब तै हैरान थे। ४८ फेर उसके माँ-बाप उस ताहीं देखके हैरान होए अर उसकी माँ ने उसतै कहा, “हे बेटे, तन्नै म्हारै गेल्या इसा बरताव क्यातै करया? देख, तेरा बाप अर मै तन्नै ढूँढ-ढूँढके परेशान होरे थे?”

४९ उसने उनतै कहा, “थम मन्नै क्यातै टोहो सो? के बेरा कोनी मन्नै मेरे पिता के घरों होणा जरूरी सै?” ५० पर जो बात उसने उनतै कही, उनने कोनी समझया।

५१ फेर वो उनके गेल्या गया, अर नासरत में आया, अर उनके बस में रह्या, अर उसकी माँ ने ये सारी बात अपने मन में राखी। ५२ अर यीशु समझ अर कद-काट्टी में, अर परमेसवर अर माणसाँ के अनुग्रह में बढ़दा गया।

3

३:१-१२; ३:१-८; ३:१-१९-२८

१ जब रोम साम्राज्य में तिबिरियुस कैसर राजा बणया तो उसके पंद्रहवें साल में जब चौथाई देश में पुन्तियुस पिलातुस यहूदिया परदेस का राज्यपाल था, अर हेरोदेस गलील परदेस में इतूरैया अर त्रखोनितिस

परदेस में उसका भाई फिलिप्पुस राज करै था, अर अबिलेने परदेस में लिसानियास राज करै था २ अर जब हन्ना अर कैफा महायाजक थे, उस बखत परमेसवर का वचन जंगल-बियाबान में जकरयाह के बेटे यहन्ना के धोरे पोंहच्या। ३ यहन्ना यरदन नदी के लोवै-धोवै के साबते परदेस में जाके, पापाँ की माफी का प्रचार करण लाग गया, के पाप करण छोड़ दो अर बपतिस्मा ल्यो। ४ जिसा यशायाह नबी के कहे होए वचनाँ की किताब में लिख्या सै:

“जंगल-बियाबान में एक रुके मारणीये का वचन होरया सै के, प्रभु की राही तयार करो, उसकी सड़क सीधी बणाओ।

५ हरेक घाटी भर दी जावैगी, अर हरेक पहाड़ अर टिल्ला तलै करया जावैगा, अर जो टेढ़ा सै सीधा, अर जो ऊँचा नीचा सै वो बरोबर राह बणैगा।

६ अर हरेक माणस परमेसवर के उद्धार नै देखैगा।”

७ जो भीड़ की भीड़ उसतै बपतिस्मा लेण नै लिक्ड के आवै थी, उनतै यहन्ना कहवै था, “हे साँप के सप्पोलों जिसे माणसाँ, थारे तै कौण बता गया के परमेसवर के आण आळे छो तै भागगे। ८ इस खात्तर जै थमनै सच में पाप करण छोड़ दिया सै तो यो दिखाण खात्तर भले काम तो करो, अर अपने-अपने मन में न्यू मतना सोचो के हम अब्राहम के वंश तै साँ, क्यूँके मै थमनै कहूँ सूँ के परमेसवर इन पत्थराँ तै भी अब्राहम के खात्तर ऊलाद पैदा कर सके सै। ९ अब कुहाड़ा दरखताँ की जड़ पै धरया सै, इस करके जो-जो दरखत बढ़िया फल न्ही ल्याँदा, वो काट्या अर आग में झोक्या जावैगा।” इसका मतलब यो सै परमेसवर उन सारया नै दण्ड देवैगा जो पाप करण न्ही छोड़ते।

१० फेर माणसाँ ने उसतै बुझया, “तो हम परमेसवर के दण्ड तै बचण खात्तर के करा?”

११ उसने जवाब दिया, “जिसके धोरे दो कुड़ते हों, वो उसके गेल्या जिसके धोरे न्ही सै उसके गैल बाँड ल्यो अर जिसके धोरे खाणा हो, वो भी न्यूए करै।”

१२ चुंगी लेण आळे भी बपतिस्मा लेण आए, अर उसतै बुझया, “हे गुरु, हम के करा?”

१३ उसने उनतै कहा, “ईमानदार रहों अर जितना रोमी सरकार नै कर* तय करया सै, उसतै ज्यादा ना लियो।”

१४ कुछ सिपाहियाँ ने भी उसतै बुझया, “हम के करा?” उसने उनतै कहा, “कैसे पै जुल्म करके पईसे ना लियो, अर ना झूठ्ठा इल्जाम लाइयो, अर अपनी तन्खा पै संतोष करियो।”

† 2:39 2:39 यहूदी प्रभु के * 3:13 3:13 कर चुंगी

15 जब माणस मसीहा की आस लगाये होए थे, अर सारे अपणे-अपणे मन म्ह यूहन्ना के बाबत विचार कररे थे, के योए मसीह तो न्ही सै। 16 तो यूहन्ना नै उन सारया तै कह्या, “मै तो थमनै पाणी तै बपतिस्मा दियुं सूं, पर वो आण आळा सै, जो मेरै तै घणा शक्तिशाली सै, मै तो इस लायक भी कोनी के उसके जूत्याँ के फित्ते खोल सकूं, वो थमनै पवित्र आत्मा अर आग तै बपतिस्मा देवैगा। 17 उसका छाज, उसके हाथ म्ह सै, अर वो अपना खलिहाण आच्छी तरियां साफ करैगा, अर नाज नै अपना कोठार (गोदाम) म्ह कट्ठा करैगा, पर भुरळी ताहीं उस आग म्ह जळावैगा जो कदे बुझै कोनी।”

18 आखर वो घणीए शिक्षा दे-देकै माणसां तै सुसमाचार सुणान्दा रह्या।

19 पर जब उसनै चौथाई देश म्ह गलील परदेस के राजा हेरोदेस तै उसके भाई फिलिप्पुस की घरआळी हेरोदियास के बाबत अर सारे बुरे कामां के बाबत जो उसनै करे थे, उल्हाणा दिया,

20 तो हेरोदेस नै उन सारया तै बढकै यो बुरा काम भी करया के यूहन्ना ताहीं जेळ म्ह गेर दिया।

ⓂⓂⓂⓂ ⓂⓂ ⓂⓂⓂⓂⓂⓂⓂⓂ
(ⓂⓂⓂⓂⓂ 3:13-17; ⓂⓂ 1:9-11)

21 जब सारे माणसां नै बपतिस्मा लिया अर यीशु भी बपतिस्मा लेकै प्रार्थना कर रह्या था, तो अकास खुलग्या, 22 अर पवित्र आत्मा शारीरिक रूप म्ह कबूतर की तरियां उसपै उतरया, अर परमेसवर सुर्ग म्ह तै बोल्या “तू मेरा प्यारा बेटा सै, मै तेरतै राज्जी सूं।”

ⓂⓂⓂⓂ ⓂⓂ ⓂⓂⓂⓂⓂⓂⓂⓂ
(ⓂⓂⓂⓂⓂ 1:1-17)

23 जब यीशु खुद उपदेश देण लागग्या, तो करीबन तीस साल की उम्र का था अर (जिसा समझा जावै सै) यीशु यूसुफ का बेटा था, अर यूसुफ एली का बेटा था, 24 अर एली मत्तात का बेटा था, अर मत्तात लेवी का बेटा था, अर लेवी मलकी का बेटा था, अर मलकी यन्ना का बेटा था, अर यन्ना यूसुफ का बेटा था, 25 अर यूसुफ मत्तित्याह का बेटा था, अर मत्तित्याह आमोस का बेटा था, अर आमोस नहूम का बेटा था, अर नहूम असल्याह का बेटा था, अर असल्याह नोगह का बेटा था, 26 अर नोगह मात का बेटा था, अर मात मत्तित्याह का बेटा था, अर मत्तित्याह शिमी का बेटा था, अर शिमी योसेख का बेटा था, अर योसेख योदाह का बेटा था, 27 अर योदाह यूहन्ना का बेटा था, अर यूहन्ना रेसा का बेटा था, अर रेसा जरुब्बाबिल का बेटा था, अर जरुब्बाबिल शालतियेल का बेटा था, अर शालतियेल नेरी का बेटा था, 28 अर नेरी

मलकी का बेटा था, अर मलकी अही का बेटा था, अर अही कोसाम का बेटा था, अर कोसाम इलमोदाम का बेटा था, अर इलमोदाम एर का बेटा था, 29 अर एर येशू का बेटा था, अर येशू इलाजार का बेटा था, अर इलाजार योरीम का बेटा था, अर योरीम मत्तात का बेटा था, अर मत्तात लेवी का बेटा था, 30 अर लेवी शमौन का बेटा था, अर शमौन यहूदा का बेटा था, अर यहूदा यूसुफ का बेटा था, अर यूसुफ योनान का बेटा था, अर योनान इलयाकीम का बेटा था, 31 अर इलयाकीम मलेआह का बेटा था, अर मलेआह मिन्नाह का बेटा था, अर मिन्नाह मत्तात का बेटा था, अर मत्तात नातान का बेटा था, अर नातान दाऊद का बेटा था, 32 अर दाऊद यिशै का बेटा था, अर यिशै ओबेद का बेटा था, अर ओबेद बोआज का बेटा था, अर बोआज सलमोन का बेटा था, अर सलमोन नहशोन का बेटा था, 33 अर नहशोन अम्मीनादाब का बेटा था, अर अम्मीनादाब अरनी का बेटा था, अर अरनी हिस्रोन का बेटा था, अर हिस्रोन फिरिस का बेटा था, अर फिरिस यहूदा का बेटा था, 34 अर यहूदा याकूब का बेटा था, अर याकूब इसहाक का बेटा था, अर इसहाक अब्राहम का बेटा था, अर अब्राहम तिरह का बेटा था, अर तिरह नाहोर का बेटा था, 35 अर नाहोर सरूग का बेटा था, अर सरूग रऊ का बेटा था, अर रऊ फिलिग का बेटा था, अर फिलिग एबिर का बेटा था, अर एबिर शिलह का बेटा था, 36 अर शिलह केनान का बेटा था, अर केनान अरफक्षद का बेटा था, अर अरफक्षद शेम का बेटा था, अर शेम नूह का बेटा था, अर नूह लिमिक का बेटा था, 37 अर लिमिक मथूशिलह का बेटा था, अर मथूशिलह हनोक का बेटा था, अर हनोक यिरिद का बेटा था, अर यिरिद महललेल का बेटा था, अर महललेल केनान का बेटा था, 38 अर केनान एनोश का बेटा था, अर एनोश शेत का बेटा था, अर शेत आदम का बेटा था, अर आदम परमेसवर का बेटा था।

4

ⓂⓂⓂⓂ ⓂⓂ ⓂⓂⓂⓂⓂⓂⓂⓂ
(ⓂⓂⓂⓂⓂ 4:1-11; ⓂⓂ 1:12-13)

1 फेर यीशु पवित्र आत्मा तै भरया होया, यरदन नदी तै बोहडया, अर चाळीस दिन ताहीं पवित्र आत्मा के सिखाण तै जंगल-बियाबान म्ह हाण्डदा रहया, 2 उन चाळीस दिनां म्ह शैतान उस ताहीं परखता रहया। उन दिनां म्ह उसनै कुछ न्ही खाया, अर जब वे दिन पूरे होए, तो उसनै भूख लागगी।

3 फेर शैतान नै उसतै कह्या, “जै तू परमेसवर का बेट्टा सै, तो साबित करदे, अर इस पत्थर तै कह, के रोट्टी बण जावै, ताके तू इननै खा सकै।”

4 यीशु नै उस ताहीं जवाब दिया, “पवित्र ग्रन्थ म्ह लिख्या सै: भाणस सिर्फ रोट्टी तै जिन्दा कोनी रहन्दा।”

5 फेर शैतान* उसनै घणे ऊँचे पहाड़ पै लेग्या अर उस ताहीं माड़ी वार म्ह दुनिया के राज्य दिखाए, 6 अर उसतै बोल्या, “मै यो सारा हक, अर उसकी शानों-शोकत तन्नै दियुंगा, क्यूँके वो मेरैतै सौप्या गया सै: अर जिसनै चाहूँ उसनै दे दियुँ सू। 7 इस करकै जै तू मेरी भगति करै, तो यो सब कुछ तेरा हो ज्यागा।”

8 यीशु नै उस ताहीं जवाब दिया, “लिख्या सै: ‘तू प्रभु अपणे परमेसवर की भगति कर, अर सिर्फ उससे की भगति कर।’”

9 फेर उसनै उस ताहीं पवित्र नगर यरुशलेम म्ह ले जाकै मन्दर की चोट्टी पै खड्या करया अर उसतै बोल्या, “जै तू परमेसवर का बेट्टा सै, तो अपणे-आपनै उरै तै तळै गेर दे अर अपणे-आपनै साबित करदे।”

10 “क्यूँके पवित्र ग्रन्थ म्ह लिख्या सै: ‘वो तेरे बाबत अपणे सुर्गादूतां नै हुकम देवैगा, के वे तेरी रुखाळी करै,’”

11 “अर वे तन्नै हाथों-हाथ उठा लेवैगें, इसा ना हो के तेरे पायां म्ह पत्थर तै ठेस लागै।”

12 यीशु नै उस ताहीं जवाब दिया, “पवित्र ग्रन्थ म्ह यो भी लिख्या सै: ‘तू प्रभु अपणे परमेसवर नै ना परखै।’”

13 जब शैतान उस ताहीं परख कै हार लिया, तो कुछ बखत खात्तर उसकै धोरै तै चल्या गया।

ⓂⓂⓂⓂ ⓂⓂ ⓂⓂⓂⓂ ⓂⓂ ⓂⓂⓂ ⓂⓂ ⓂⓂⓂⓂⓂ
(ⓂⓂⓂⓂⓂ 4:12-17; ⓂⓂ 1:14-15)

14 फेर यीशु पवित्र आत्मा की सामर्थ तै भरया होइ गलील परदेस बोहइया, अर उसकी चर्चा लोवै-धोवै के सारे देशां म्ह फैलगी। 15 वो उनके आराधनालयों म्ह उपदेश सुणान्दा रह्या, अर सारे उसकी बड़ाई करै थे।

ⓂⓂⓂⓂⓂ ⓂⓂⓂ ⓂⓂⓂⓂⓂ ⓂⓂ ⓂⓂⓂⓂⓂ
(ⓂⓂⓂⓂⓂ 13:53-58; ⓂⓂ 6:1-6)

16 फेर यीशु नासरत नगर म्ह आया, जड़ै पाळा-पोस्या गया था, अर अपनी रीति कै मुताबिक आराम कै दिन आराधनालय म्ह जाकै पवित्रग्रन्थ पढ़ण कै खात्तर खड्या होया। 17 यशायाह नबी की किताब उस ताहीं दी गई, अर उसनै किताब खोल कै, वा जगहां लिकाड़ी जड़ै लिख्या था:

18 “प्रभु का आत्मा मेरै पै सै,

इस करकै के उसनै कंगालां ताहीं सुसमाचार सुणाण कै खात्तर मेरा अभिषेक करया सै, अर मेरै ताहीं इस करकै भेज्या सै के कैदियाँ नै छुड़ाण का अर आंध्याँ नै देखण जोगगा बणाण की खुशी की खबर का प्रचार करूँ

अर कुचले होया नै छुड़ाऊँ,

19 अर प्रभु कै राज्जी रहण कै साल का प्रचार करूँ।”

20 फेर यीशु नै किताब बन्द करकै सेवक कै हाथ्यां म्ह दे दी अर बैठग्या, अर आराधनालय के सारे माणसां की निगांह उसपै थी। 21 फेर वो उनतै कहण लागग्या, “आज ए यो पवित्र ग्रन्थ म्ह लिख्या होइ वचन थारे स्याम्ही पूरा होया।”

22 सारया नै उस ताहीं सराहया, अर जो अनुग्रह की बात उसकै मुँह तै लिकड़ै थी, उनतै हैरान होए, अर कहण लाग्गे, “के यो यूसुफ का छोरा कोनी?”†

23 उसनै उनतै कह्या, “थम मेरै पै या कहावत जरूर कहोगे के हे वैद्य, खुद नै ठीक कर! जो कुछ हमनै सुण्या के कफरनहूम नगर म्ह करया गया सै, उसनै उरै खुद कै नगर म्ह भी कर।”

24 अर उसनै कह्या, “मै थमनै सच-सच कहूँ सू कोए नबी अपणे गाम म्ह आदर-मान कोनी पान्दा। 25 मेरी सुणो, के एलिय्याह नबी कै दिनां म्ह जब साढ़े तीन साल ताहीं अकास तै बारिस न्ही होई, उरै ताहीं के सारे देश म्ह बड़ड़ा अकाळ पड्या, तो इस्राएल देश म्ह घणीए बिधवा थी। 26 पर एलिय्याह उन म्ह तै किसे कै धोरै कोनी भेज्या गया, सिर्फ सैदा परदेस कै सारफत नगर म्ह एक बिधवा कै धोरै। 27 अर एलीशा नबी कै बखत इस्राएल देश म्ह घणे कोढ़ी थे, पर सीरिया परदेस का सेनापति नामान नामक कोढ़ी नै छोड़कै उन म्ह तै कोए शुद्ध कोनी करया गया।”

28 ये बात सुणद-ए जितने आराधनालय म्ह थे, सारया कै छो उठग्या, 29 अर उठकै उस ताहीं नगर तै बाहरणै लिकाइया, अर जिस पहाड़ पै उनका नगर बसरया था, उसकी चोट्टी पै ले चाल्ले, ताके उसनै उड़ै तै तळै गेरकै मार दें। 30 पर यीशु उनकै बिचाळे तै लिकड़कै चल्या गया।

ⓂⓂ ⓂⓂⓂⓂ ⓂⓂⓂⓂⓂ ⓂⓂⓂ ⓂⓂⓂⓂ ⓂⓂⓂ ⓂⓂⓂⓂ ⓂⓂⓂⓂ ⓂⓂⓂⓂ
(ⓂⓂⓂⓂⓂ ⓂⓂ
(ⓂⓂ 1:21-28)

31 फेर वो गलील परदेस कै कफरनहूम नगर म्ह गया, अर आराम कै दिन माणसां ताहीं उपदेश देवै था। 32 वे उसके उपदेश तै हैरान होगे क्यूँके उसका वचन हक सुधां था।

* 4:5 4:5 (इबलीस) † 4:22 4:22 लूका 2:42

33 आराधनालय म्ह एक माणस था, जिस म्ह ओपरी आत्मा थी, उसनै जोर तै किल्की मारी, 34 “हे नासरत के यीशु, हमनै तेरे तै के काम? के तू म्हारा नाश करण नै आया सै? मै तन्नै जाणुं सू, तू कौण सै? तू परमेसवर की ओड़ तै भेज्या होया पवित्र मसीह सै!”

35 यीशु नै उसतै धमकाकै कह्या, “चुपचाप रहै, अर इस माणस म्ह तै लिकड़ जा!” फेर ओपरी आत्मा उसनै बिचाळै पटककै बिना नुकसान करे उस म्ह तै लिकड़गी 36 इसपै सारे हैरान होए, अर वे आप्पस म्ह बतळाण लागगे, “यो किसा वचन सै? क्यूँके वो हक अर सामर्थ के गेल्या ओपरी आत्मायाँ नै हुकम देवै सै, अर वे लिकड़ जावै सै।” 37 इस करकै चौगरदे नै हरेक जगहां उसका जिक्र होण लाग्या।

8:14-17; 1:29-34

38 यीशु आराधनालय म्ह तै उठकै शमौन कै घरां गया। शमौन की सास्सू कै बुखार चढ़रया था, अर उननै उस खात्तर उसतै बिनती करी। 39 उसनै उसके धोरै खड्या होकै बुखार ताहीं धमकाया अर बुखार उतर गया, अर वो जिब्बे उठकै उनकी सेवा-पाणी करण लागगी।

40 सूरज डूबदे बखत, जिन-जिनकै उरै माणस कई ढाळ की बिमारियाँ म्ह पड़े होए थे, वे सारे उननै उसके धोरै ल्याए, अर उसनै एक-एक पै हाथ धरकै उन ताहीं ठीक करया। 41 अर ओपरी आत्मा भी किल्की मारदी अर न्यू कहन्दी होई के, “तू परमेसवर का बेट्टा सै” घणखरया म्ह तै लिकड़गी। पर वो उननै धमकांदा अर बोल्लण न्ही देवै था, क्यूँके वे जाणै थी के यीशु ए परमेसवर की ओड़ तै भेज्या होया मसीह सै।

1:35-39

42 जब सबेरै होई तो यीशु लिकड़कै एक बियाबान जगहां म्ह गया, अर भीड़ की भीड़ उसनै टोहन्दी होई उसकै धोरै आई, अर उसनै रोकण लागगी के वो उनकै धोरै तै न्ही जावै। 43 पर उसनै उनतै कह्या, “मन्नै दुसरे नगरां म्ह भी परमेसवर के राज्य का सुसमाचार सुणाणा जरूरी सै, क्यूँके मै इसे खात्तर भेज्या गया सू।” 44 अर वो गलील परदेस के आराधनालयाँ म्ह उपदेश सुणान्दा रह्या।

5

4:18-22; 1:16-20

* 5:1 5:1 गलील समुन्दर

1 जब यीशु गन्नेसरत की झील* के किनारे पै खड्या था, तो भीड़ परमेसवर का वचन सुणण कै खात्तर उस ताहीं घेरे खड़ी थी, तो इसा होया 2 के उसनै झील कै किनारे दो किस्ती लागगी होड़ देखी, अर मच्छुआरे उनपै तै उतरकै मच्छियाँ के जाळ नै धोवै थे। 3 उन किस्तियाँ म्ह तै एक पै, जो शमौन की थी, चढ़कै यीशु नै उसतै बिनती करी के किनारे तै माड़ा सा डिगा ले चाल्लै। फेर वो किस्ती पै बैठकै माणसां नै उपदेश देण लागग्या।

4 जब यीशु नै माणसां तै ये बात कर ली, तो शमौन तै बोल्या, “डुंघ्वे म्ह ले चाल, अर मच्छी पकड़ण खात्तर अपना जाळ गेर।”

5 शमौन नै उसतै जवाब दिया, “हे गुरु, हमनै सारी रात मेहनत करी अर कुछ न्ही मिल्या, फेरभी तेरे कहण तै जाळ गेरूंगा।”

6 जब पतरस अर उसके साथियाँ नै इसा करया, तो घणी मच्छी घेर ल्याए, अर उनके जाळ पाट्टण नै होण लागगे। 7 इस करकै उननै दुसरी किस्ती म्ह बेट्टे अपणे साथियाँ ताहीं भी इशारा करकै मदद खात्तर बुलाया, वे आ गये अर उननै आकै दोन्नु किस्ती उरै ताहीं भर ली के डूबण लागगी।

8 न्यू देखकै शमौन पतरस यीशु कै पायां म्ह पड़ग्या, अर बोल्या, “हे परभु, मेरै धोरै तै जा, क्यूँके मै पापी माणस सू!” 9 क्यूँके इतनी मच्छियाँ के पकड़े जाण तै उसनै अर उसके साथियाँ नै घणा अचम्भा होया, 10 अर उस्से तरियां जब्दी के बेट्टे याकूब अर यूहन्ना नै भी, जो शमौन के दुसरे साथी थे, अचम्भा होया। फेर यीशु नै शमौन तै कह्या, “मतना डरो, इब तै मै थमनै माणसां ताहीं कट्टे करण आळे बणाऊंगा ताके वो मेरे चेल्लें बणे।” 11 अर वे किस्तियाँ नै किनारे पै लियाए अर वे जिब्बे सब कुछ छोड़कै उसके चेल्लें बणण खात्तर उसके पाच्छै हो लिये।।

8:1-4; 1:40-45

12 जब वो किसे नगर म्ह था, तो उड़ै कोढ़ तै भरया होया एक माणस आया, अर उसनै यीशु ताहीं देखकै अर मोध्धा पड़कै बिनती करी, “हे परभु, जै तू चाहवै तो मन्नै ठीक कर सकै सै।”

13 उसनै हाथ बढ़ाकै उस ताहीं छुया अर बोल्या, “मै चाहूँ सू, तू इस बीमारी तै ठीक हो ज्या।” अर उसका कोढ़ जिब्बे जान्दा रह्या।

14 फेर उसनै उस ताहीं समझाकै कह्या, “किसे तै ना कहिए, पर जाकै अपणे-आपनै याजक ताहीं दिखा, अर अपणे कोढ़ तै ठीक होण कै बारै म्ह जो कुछ मूसा नबी

नै जो पवित्र ग्रन्थ म्ह चढ़ावा बताया सै उसनै चढ़ा, के माणसां खात्तर या गवाही हो, के तू ठीक होगया सै।”

15 पर यीशु का जिक्र हरेक जगहां फैलदा गया, अर भीड़ की भीड़ उसकी सुणण कै खात्तर अर अपनी बिमारियाँ तै ठीक होण कै खात्तर कट्टी होई। 16 पर वो सुनसान जगहां म्ह न्यारा जाकै प्रार्थना करया करै था।

????? ?? ????????? ?????? ??? ??????

17 एक दिन इसा होया के यीशु उपदेश देण लागरया था अर ठीक करण खात्तर प्रभु की सामर्थ उसकै गेल्या थी, अर फरीसी अर शास्त्री उड़ैए बेठे थे, जो गलील अर यहूदिया परदेस कै हरेक गाम अर यरुशलेम नगर तै आए थे। 18 उस बखत कई माणस एक माणस नै जो लकवे का बीमार था, खाट पै ल्याए, अर वे उसनै भीत्तर ले जाण अर यीशु कै स्याम्ही धरण का जुगाड़ टोह्ल लागरे थे। 19 पर जब भीड़ कै कारण उसनै भीत्तर कोनी ले जा सके तो उननै छात पै चढ़कै अर टाट्टी हटाकै, उस ताहीं बिस्तर समेत बिचाळै यीशु कै स्याम्ही उतार दिया।

20 उसनै उनका विश्वास देखकै उसतै बोल्या, “हे भाई, मन्नै तेरे पाप माफ कर दिये।”

21 फेर शास्त्री अर फरीसी बहस करण लागगे, “यो कौण सै जो परमेसवर की बुराई करै सै? परमेसवर नै छोड़ और कौण पाप माफ कर सकै सै?”

22 यीशु नै उनकै मन की बात जाणकै, उनतै कह्या, “थम अपने मन म्ह क्यूँ विवाद करण लागरे सो की मै परमेसवर की बुराई करूँ सूँ? 23 आसान के सै? के यो कहणा के ‘तेरे पाप माफ होए’, या यो कहणा के ‘उठ अर हाँड-फिर’? 24 पर इस करके के थम जाणो, के मुझ माणस कै बेठे नै धरती पै पाप माफ करण का भी हक सै।” उसनै उस लकवे के मरीज तै कह्या, “मै तेरे तै कहुँ सूँ के अपने बिस्तर ठाकै अपने घरां चल्या जा।” 25 वो जिब्बे उनकै स्याम्ही उठचा, अर जिस खाट पै पडचा था उसनै ठाकै, परमेसवर की बड़ाई करदा होया अपने घरां चल्या गया। 26 फेर सारे हैरान होए अर परमेसवर की बड़ाई करण लागगे अर घणे डरकै बोल्ले, “आज हमनै अनोक्खी बात देखी सै।”

????? ?? ????????? ??????

27 इसकै बाद यीशु बाहरणै गया अर लेवी नाम के एक चुंगी लेण आळे ताहीं चौकी पै बेठे देख्या, अर उसतै बोल्या, “मेरा चेल्ला बणण खात्तर मेरै पाच्छै हो ले।” 28 फेर वो सारा कुछ छोड़कै उसकै पाच्छै हो लिया।

29 फेर लेवी नै अपने घरां उसकै खात्तर बड़ड़ा जिम्मण का न्योँदा दिया, अर चुंगी लेण आळे अर दुसरे माणसां की जो उसकै गेल्या खाणा खाण नै बेठे थे,

एक बड़ड़ी भीड़ थी। 30 इसपै फरीसी अर उनके शास्त्री उसके चेल्यां तै न्यू कहकै बिरड़ाण लागगे, “थम चुंगी लेण आळे अर जिननै लोग पापी कहवै सै, उनकै गेल्या खाओ-पीओ सो?”

????? ?? ????????? ?????? ?? ??????

31 यीशु नै उनतै जवाब दिया, “वैद आच्छे-बिच्छयां खात्तर कोनी, पर बिमारां खात्तर जरूरी सै। 32 मै धर्मियाँ नै न्ही, पर पापियाँ नै मन पलटन कै खात्तर बुलाण आया सूँ।”

33 उननै उसतै कह्या, “यूहन्ना के चेल्ले तो बराबर ब्रत अर प्रार्थना करया करै सै अर उससे तरियां फरीसियाँ के चेल्ले भी, पर तेरे चेल्ले तो खावै-पीवै सै।”

34 यीशु नै उनतै कह्या, “के थम बरातियाँ तै, जिब्बताहीं बन्दड़ा उनकै गेल्या रहवै, ब्रत करा सको सो?”

????? ?? ?????????

35 “पर वे दिन भी आवैगें, जब बन्दड़ा न्यारा करया जावैगा, फेर वे उन दिनां म्ह ब्रत करैगें।”

36 यीशु नै एक और उदाहरण दिया, “कोए माणस नये लत्यां म्ह तै पाड़कै पुराणे लत्यां पै थेगळी न्ही लगान्दा, न्ही तो नया पाट ज्यागा अर वा थेगळी पुराणे पै मेळ भी न्ही खावैगी। 37 अर कोए नया अंगूर का रस पुराणी मशक म्ह न्ही भरदा, न्ही तो नया अंगूर का रस पुराणी मशकां नै पाड़कै बह ज्यागा, अर मशक फूट ज्या सै। 38 पर नया अंगूर का रस नई मशकां म्ह भरणा चाहिए। 39 कोए माणस पुराणा अंगूर का रस पीकै नया अंगूर का रस कोनी चाहन्दा क्यूँके वो कहवै सै, के पुराणा-ए बढ़िया सै।”

6

????? ?? ?????????

1 फेर आराम कै दिन यीशु चेल्यां कै गैल खेत्तां म्ह तै होकै जाण लागरया था, अर उसके चेल्ले गेहूँ की बालें तोड़-तोड़कै अर हाथ्यां तै मसळ-मसळ कै खाण लागरे थे। 2 फेर फरीसियाँ म्ह तै कुछ कहण लागगे, “थम यो काम क्यांतै करो सो जो आराम कै दिन करणा ठीक कोनी?”

3 यीशु नै उनतै जवाब दिया, “के थमनै पवित्र ग्रन्थ म्ह यो न्ही पढ़या के दाऊद नै, जब वो अर उसके साथी भूक्खे थे तो के करया? 4 वो किस तरियां परमेसवर कै घर म्ह गया, अर भेंट की रोट्टी खाई, जिनका खाणा याजकां नै छोड़ और किसे खात्तर ठीक कोनी, अर अपने साथियाँ ताहीं भी दी?” 5 अर उसनै उनतै कह्या, “मै माणस का बेट्टा आराम कै दिन का भी प्रभु सूँ।”

॥॥॥॥॥॥ ॥॥॥ ॥॥॥ ॥॥॥॥॥॥ ॥॥॥॥॥ ॥॥॥॥॥ ॥॥॥॥॥

6 इसा होया के किसे और आराम कै दिन वो आराधनालय म्ह जाके उपदेश देण लाग्या, अर उडै एक माणस था जिसका सोळा हाथ सूखरया था। 7 शास्त्री अर फरीसी यीशु पै दोष लाण के मौक्के की टाह म्ह थे के देखै वो आराम कै दिन ठीक करै सै के न्ही। 8 पर वो उनकी सोच जाणै था, इस करके उसनै सूखे हाथ आळे माणस कह्या, “उठ, बिचाळै खड्या होज्या।” वो उठ खड्या होया।

9 यीशु नै उनतै कह्या, “मै थारे तै बुद्धु सूं के मूसा के नियम-कायदा कै मुताबिक आराम कै दिन के ठीक सै, भला करणा या बुरा करणा, जान बचाणा या नाश करणा?”

10 फेर उसनै चोगरदेनै उन सारया कान्ही देखकै उस सूखे हाथ आळे माणस तै बोल्या, “अपणा हाथ बढ़ा।” उसनै न्यूए करया, अर उसका हाथ दुबारा ठीक होगया। 11 पर वे फरीसी अर शास्त्री आप्पे तै बाहर होके आप्पस म्ह बहस करण लागगे के हम यीशु कै गैल के करा?

॥॥॥॥॥॥ ॥॥॥॥॥॥॥॥॥ ॥॥ ॥॥॥॥॥॥॥॥॥

12 उन दिनां म्ह यीशु पहाड़ पै प्रार्थना करण लागगया, अर परमेसवर तै प्रार्थना करण म्ह सारी रात बिताई। 13 जिब दिन लिकइया तो उसनै अपणे चेल्यां ताहीं बुलाकै उन म्ह तै बारहां छाँट लिए, अर उन ताहीं प्रेरित कह्या,

14 अर वे ये सै: शमौन जिसका नाम उसनै पतरस भी धरया, अर उसका भाई अन्दरयास, अर याकूब, अर यूहन्ना, अर फिलिप्पुस, अर बरतुल्मै, 15 अर मत्ती, अर थोमा, अर हलफई का बेट्टा याकूब, अर शमौन जो जेलोतेस* कुह्वावै सै, 16 अर याकूब का बेट्टा यहूदा, अर यहूदा इस्करियोती जो उसका पकड़वाण आळा बणया।

॥॥॥॥॥॥ ॥॥॥॥॥ ॥॥ ॥॥॥॥ ॥॥॥॥॥

17 फेर यीशु उनकै गेल्या उतरकै चौरस जगहां म्ह खड्या होया, अर उसके चेल्यां की बड्डी भीड़, अर सारे यहूदिया परदेस अर यरुशलैम नगर, सूर अर सैदा नगर के समुन्दर कै किनारे तै घणे माणस, 18 जो उसकी सुणण अर अपणी बिमारियाँ तै चंगे होण खात्तर उसकै धोरै आए थे, उडै थे, अर ओपरी आत्मा तै सताए होए भी ठीक करे जावै थे। 19 सारे उसनै छूणा चाहवै थे, क्यूँके उस म्ह तै सामर्थ लिकइकै सारया नै ठीक करै थी।

॥॥॥॥॥ ॥॥ ॥॥॥॥ ॥॥॥॥॥

20 फेर यीशु नै अपणे चेल्यां कान्ही देखकै कह्या, “धन्य सो थम जो दीन सो, क्यूँके परमेसवर का राज्य थारा सै।”

21 धन्य सो थम जो इब भूक्खे सो, क्यूँके थम परमेसवर के जरिये छिकाए जाओगे। धन्य सो थम जो इब रोओ सो, क्यूँके हांसोगे।

22 धन्य सो थम जिब मुझ माणस कै बेट्टे कै बाबत माणस थारे तै बैर करैगें, अर थमनै लिकाड़ देवैगें, अर थारी बुराई करैगें, अर थारा नाम बुरा जाणकै काट देवैगें।

23 उस दिन आनन्द तै उछळियो, क्यूँके लखाओ, थारे खात्तर सुर्ग म्ह बड्ड़ा ईनाम सै, उनके पूर्वजां नै भी नबियाँ कै गेल्या भी इसाए करया करै थे।

24 पर धिक्कार सै थारे पै! जो साहूकार सो, क्यूँके थमनै अपणे सारे सुख भोग चुके सों।

25 धिक्कार सै थारे पै! जो छिकरे सो, क्यूँके भूक्खे होओगे। धिक्कार सै थारे पै! जो इब हाँस्सो सो, क्यूँके थम बिलख-बिलख कै रोओगे।

26 “धिक्कार सै थारे पै! जिब सारे माणस थारे ताहीं आच्छा कहवै, क्यूँके थारे पूर्वज भी झूठे नबियाँ कै गेल्या भी इसाए करै थे।”

॥॥॥॥॥॥॥॥ ॥॥ ॥॥॥॥॥॥॥

27 “पर मै थम सुणण आळा तै कहूँ सूं, के अपणे बैरियाँ तै प्यार राक्खो, जो थारे तै बैर करै, उनका भला करो। 28 जो थमनै श्राप देवै, उननै आशीष दो, जो थारी बेजती करै, उनकै खात्तर प्रार्थना करो। 29 जो तेरे एक गाल पै थप्पड़ मारै उसकी ओड़ दुसरा भी फेर दे, अर जो तेरी धोत्ती खोस ले, उसनै कुड़ता लेण तै भी मना मत करो। 30 जो कोए तेरे तै माँगै, उसनै दे, अर जो तेरी चीज खोस ले, उसतै माँगै ना। 31 जिसा थम चाहो सो के माणस थारे गेल्या करै, थम भी उनकै गेल्या उसाए करो।”

32 “जै थम अपणे प्यार करण आळा तै ए प्यार करो, तो उसका के फायदा? क्यूँके पापी भी अपणे प्यार करण आळा कै गेल्या प्यार करै सै। 33 जै थम अपणे भलाई करण आळा ए गेल्या भलाई करो सों, तो थारी के बड़ाई? क्यूँके पापी भी इसाए करै सै। 34 जै थम उननै ए उधार द्यो सो जिनतै थमनै दुबारै मिल जाण की आस हो सै, तो कौण सी बड़ी बात सै? क्यूँके पापी, पापियाँ नै उधार देवै सै, के उतनाए दुबारै पावै। 35 बल्के अपणे बैरी तै प्यार करो, अर भलाई करो, अर दुबारै मिलण की उम्मीद राखकै उधार ना द्यो, तो थारे खात्तर बड्ड़ा ईनाम होवैगा, अर थम परमप्रधान की ऊलाद मान्ने

* 6:15 एक कट्टर पंथी राजनैतिक दल का नाम था जिसका वो सदस्य था

जाओगे, क्योंकि परमेश्वर का धन्यवाद ना करण आळा अर बुरे माणस पै भी दया करै सै। 36 जिसा थारा पिता दयालु सै, उस्से ए ढाळ थम भी दयालु बणो।”

ॐॐॐ ॐॐ ॐॐॐ

37 “दोष ना लाओ, तो थारे पै भी दोष न्ही लगाया जावैगा। कसूरवार ना ठहराओ, तो थमनै भी कोए कसूरवार कोनी ठहरावैगा। माफ कर द्यो, तो थम भी माफ करे जाओगे। 38 दिया करो तो थारे ताहीं भी दिया जावैगा। माणस पूरा नाप दबा दबाकै अर हला-हलाकै अर उभरदा होया थारी गोद्दी म्ह घाल्लैगें, क्योंकि जिस नाप तै थम नाप्यो सों, उस्से नाप तै थारे खात्तर भी नाप्या जावैगा।”

39 फेर उसनै उनतै एक उदाहरण कह्या, “के आन्धा, आन्धे नै राह बता सकै सै? के दोन्नु खड्डे म्ह कोनी गिरैगें?” 40 चेल्ला अपणे गुरु तै बड्डा न्ही, पर जो कोए आच्छा सीखा होगा, वो अपणे गुरु के ढाळ होगा।

41 “तू क्यूँ अपणे भाई की आँख के तिनकै जिसी छोट्टी सी बुराई नै देख्ये सै, अर अपणी आँख म्ह लठ जिसी बड़ी बुराई तन्नै कोनी दिखदी?” 42 जब तू अपणी ए आँख का लठ कोनी देख्दा, तो अपणे भाई तै किस तरियां कह सकै सै, “हे भाई, आ मै तेरी आँख म्ह तै तिनका लिकाड़ द्यु?” हे कपटी, पैहल्या अपणी जीवन की बुराई दूर कर फेर तू अपणे भाई नै आच्छी दाऊँ बुराई तै बचा सकैगा।

ॐॐॐ ॐॐॐ ॐॐॐ ॐॐ

43 “कोए आच्छा दरखत कोनी जो बेकार फळ ल्यावै, अर ना तो कोए बेकार दरखत सै जो आच्छा फळ ल्यावै। 44 हरेक दरखत अपणे फळ तै पिच्छाणा जावै सै, क्यूँके माणस झाड़ियाँ तै अंजीर कोनी तोडदे अर ना बड़बेरी तै अंगूर। 45 भला माणस अपणे मन के भले भण्डार तै भली बात लिकाड़ै सै, अर बुरा माणस अपणे मन के बुरे भण्डार तै बुराई की बात लिकाड़ै सै, क्यूँके जो मन म्ह भरया सै वोए उसकी जुबान पै आवै सै।”

ॐॐ ॐॐॐॐ ॐॐॐ ॐॐ ॐॐॐॐ

46 “जब थम मेरा कहणा न्ही मान्दे तो क्यातै मन्नै हे प्रभु, हे प्रभु” कहो सो? 47 जो कोए मेरै धोरै आवै सै अर मेरी बातों नै सुणकै उननै मान्दै सै, मै थमनै बताऊँ सूँ के वो किसकी तरियां सै: 48 वो उस माणस की ढाळ सै, जिसनै घर बणादें बखत धरती डून्धी खोदकै चट्टान पर नीम बणाई, अर जब बाढ़ आई तो धारा उस घर पै लागगी पर उसनै हला न्ही सकी, क्यूँके वो पक्का बणरया था। 49 पर जो सुणकै कोनी मान्दा वो उस माणस की ढाळ सै, जिसनै माट्टी पै बिना नीम घर बणाया, जब

उसपै धारा लागगी तो वो जिब्बे पड़ग्या अर पड़कै उसका सत्यानाश होग्या।”

7

ॐॐ ॐॐॐॐॐॐॐ ॐॐ ॐॐॐॐॐॐॐ

1 जब उसनै माणसां तै ये सारी बात कह दी, तो कफरनहूम नगर म्ह आया। 2 उडै किसे सूबेदार का एक नौक्कर जो उसका प्यारा था, बीमारी तै मरण पै था। 3 उसनै यीशु का जिक्र सुणकै यहूदिया परदेस के कई यहूदी अगुवां ताहीं उसतै या बिनती करण नै उसकै धोरै भेज्या के आकै मेरै नौक्कर नै ठीक करै। 4 वे यीशु के धोरै आए, अर उसतै घणी बिनती करकै कहण लागगे, “वो इस जोगगा सै के तू उसकै खात्तर न्यू करै, 5 क्यूँके वो म्हारी जात तै प्यार राखै सै, अर उस्से नै म्हारे आराधनालय ताहीं बणवाया सै।”

6 यीशु उनकै गेल्या गया, पर जब वो घर तै माड़ी-सी दूर था, तो सूबेदार नै उसके धोरै कई साथियाँ तै न्यू कहवां भेज्या, “हे प्रभु, काल ना होवै, क्यूँके मै इस लायक कोनी के तू मेरी छात के तळै आवै। 7 इसे करके मन्नै खुद ताहीं इस लायक भी कोनी समझा के तेरे धोरै आऊँ, पर सिर्फ मुँह तै कह दे तो मेरा नौक्कर ठीक हो ज्यागा। 8 क्यूँके मै जाणु सूँ, के मै भी किसी के आदेशां का पालन करुँ सूँ, अर सिपाही मेरै आदेशां का पालन करै सै। जब मै एक तै कहूँ सूँ, जा, तो वो जावै सै, अर दुसरे तै, आ, तो वो आवै सै, अर अपणे नौक्कर तै कहूँ सूँ, यो कर, तो वो करै सै।”

9 यो सुणकै यीशु के अचम्भा होया अर उसनै मुँह फेरकै उस भीड़ तै जो उसकै गेल्या आवै थी, कह्या, “मै थमनै कहूँ सूँ के मन्नै इस्राएल म्ह भी इसा बिश्वास न्ही देख्या।” 10 फेर भेज्जे होए वे माणस जब घरां बोहडे तो उननै उस नौक्कर ताहीं निरोगगी पाया।

ॐॐॐॐॐ ॐॐ ॐॐॐॐॐॐॐ ॐॐॐॐॐ ॐॐॐॐॐ-ॐॐॐॐ

11 थोड़े दिनां पाच्छे यीशु नाईन नाम के एक नगर म्ह गया, अर उसके चेल्ले अर बड्डी भीड़ उसकै गेल्या जाण लागरी थी। 12 जब वो नगर के फाटक के धोरै पोंहच्या, तो लखाओ, माणस एक मुरदे नै बाहरणै लेकै जावै थे, जो अपणी माँ का एकला बेट्टा था, अर वा बिधवा थी, अर नगर के घणखरे माणस उसकै गेल्या थे। 13 बिधवा ताहीं देखकै प्रभु नै उसपै तरस आया, अर उसतै कह्या, “मतना रोवै।”

14 फेर यीशु नै धोरै आकै अर्थी ताहीं छुया, अर अर्थी ठाण आळे ठैहरगे। फेर यीशु नै कह्या, “हे जवान, मै

43 शमौन नै जवाब दिया, “मेरी समझ म्ह वो माणस, जिसका घणा कर्जा माफ होया।” यीशु नै उसतै कह्या, “तन्नै ठीक कह्या सै।”

44 अर उस बिरबान्नी कान्ही पलटकै उसनै शमौन तै कह्या, “तन्नै देख्या सै के इस बिरबान्नी नै के करया सै? मै तेरे घरां आया पर तन्नै मेरे पैर धोण नै पाणी भी कोनी दिया, पर इसनै मेरे पैर आँसुआँ तै भेये अर अपणे बाळां तै पूजे। 45 तन्नै मेरे ताहीं चुम्या+ न्ही, पर जिब तै मै आया सूँ जिब्बे तै इसनै मेरे पायां ताहीं चुमना न्ही छोड्या। 46 तन्नै मेरे सिर पै तेल कोनी मळ्या, पर इसनै मेरे पायां पै इत्र मळ्या सै। 47 इस करकै मै तन्नै कहुँ सूँ के इसनै कई पाप करे थे, जो माफ होगे, क्यूँके इसनै मेरे तै घणा प्यार करया सै, पर जिसका पाप कम माफ होया सै, वो कम प्यार करै था।”

48 अर उसनै बिरबान्नी तै कह्या, “तेरे पाप माफ होए।”

49 फेर जो माणस उसके गेल्या खाणा खाण नै बेठे थे, वे अपणे-अपणे मन म्ह सोचण लाग्गे, “यो के परमेसवर सै, जो पापां नै भी माफ कर सकै सै?”

50 पर उसनै उस बिरबान्नी ताहीं कह्या, “परमेसवर नै तेरे ताहीं बचाया सै, क्यूँके तन्नै मेरे पै बिश्वास करया सै, खुश होकै चली जा।”

8

????? ? ? ? ? ? ? ? ? ?

1 इसके बाद यीशु नगर-नगर अर गाम-गाम्मां म्ह प्रचार करदा होया, अर परमेसवर के राज्य का सुसमाचार सुणादा होया हांडण लाग्या, अर वे बारहां चेल्लें उसके गेल्या थे, 2 अर कुछ बिरबान्नी भी थी जो ओपरी आत्मायां तै अर बिमारियां तै छुटाई गई थी, अर वे ये सै: *मरियम जो मगदलीनी कुह्वावै थी, जिसम्ह तै सात ओपरी आत्मा लिकड़ी थी, 3 अर हेरोदेस राजा के भण्डारी खुजा की घरआळी योअन्ना, अर सूसन्नाह, अर घणखरी दुसरी बिरबान्नी। ये अपणे धन तै यीशु अर उसके चेल्यां की सेवा-पाणी करै थी।

????? ? ? ? ? ? ? ? ? ?

4 जिब बड़्डी भीड़ कट्टी होई अर नगर-नगर के माणस उसके धोरै चालकै आवै थे, तो उसनै उदाहरण म्ह कह्या 5 “एक किसान बीज बोण लिकड़्या। बोदे होए कुछ बीज राही कै किनारे पड़े, अर रोंद्या गया, अर अकास के पंछियाँ नै उस ताहीं चुग लिया। 6 कुछ बीज चट्टान पै पड्या, अर जामग्या, पर नमी ना मिलण के कारण सूख गया। 7 कुछ झाड़ियाँ कै बिचाळै पड्या,

अर झाड़ियाँ नै गेलै-गेलै बढ़कै उस ताहीं दबा लिया। 8 कुछ आच्छी धरती पै पड्या, अर उगकै सौ गुणा फळ ल्याया।” न्यू कहकै वो जोर तै बोल्या, “जिसके कान हो वो ध्यान तै सुण ले।”

????? ? ? ? ? ? ? ? ? ?

9 उसके चेल्यां नै उसतै बुझ्या के इस उदाहरण का के मतलब सै? 10 उसनै कह्या, “थारे ताहीं परमेसवर के राज्य के भेद की समझ दे राक्खी सै, पर औरां नै उदाहरणां म्ह सुणाया जावै सै, इस करकै के वे देखदे होए भी कोनी देखै, अर सुणदे होए भी कोनी समझै।”

????? ? ? ? ? ? ? ? ? ?

11 उदाहरण का मतलब यो सै: बीज परमेसवर का वचन सै 12 राही कै किनारे के वे सै, जिन नै सुण्या, फेर शैतान आकै उनके मन म्ह तै वचन टा ले जावै सै के कदे इसा ना हो के वे बिश्वास करकै उद्धार पावै। 13 चट्टान पै के वे सै, के जिब सुणै सै, तो खुश होकै वचन नै अपणावै सै, पर जड़ कोनी पकड़दे वे माड़ी वार ताहीं बिश्वास राक्खै सै अर मुसीबत के बखत बहक जावै सै। 14 जो झाड़ियाँ म्ह पड्या, यो वे सै जो सुणै सै, पर आगगै जाकै फिकर, अर धन, अर जिन्दगी के ऐसो-आराम म्ह फँस जावै सै अर उनका फळ कोनी पकदा। 15 पर आच्छी धरती के वे सै, जो वचन सुणकै भले अर आच्छे मन तै साम्ये राक्खै सै, अर धीरज तै फळ ल्यावै सै।

????? ? ? ? ? ? ? ? ? ?

16 “कोए दीवा जळा कै बरतन तै कोनी ढकदा, अर ना खाट तळै धरै सै, पर टांडी पै धरै सै ताके भीत्तर आण आळे नै चाँदणा मिले। 17 कुछ लुहक्या कोनी जो दिखाया कोनी जावै, अर ना किमे लुहक्या सै जिसका बेरा न्ही पटै। 18 ज्यांतै चौक्कसर रहो के थम किस तरियां सुणो सो? क्यूँके जिसकै धोरै सै उसतै दिया जावैगा, अर जिसकै धोरै न्ही सै उसतै वो भी ले लिया जावैगा, जिसनै वो अपणा समझै सै।”

????? ? ? ? ? ? ? ? ? ?

19 यीशु की माँ अर उसके भाई उसके धोरै आए, पर भीड़ कै कारण उसतै मिल न्ही सके 20 उसतै कह्या गया, “तेरी माँ अर तेरे भाई बाहरणै खड़े होए, तेरे तै मिलणा चाहवै सै।”

21 यीशु नै इसके जवाब म्ह उनतै कह्या, “मेरी माँ अर मेरे भाई येए सै, जो परमेसवर का वचन सुणै अर मान्नै सै।”

????? ? ? ? ? ? ? ? ? ?

22 फेर एक दिन वो अर उसके चेल्लें किस्ती पै चढ़े, अर उसनै उनतै कह्या, “आओ, समुन्दर के परली ओड़ चाल्लां।” आखर उननै किस्ती खोल दी। 23 पर जब किस्ती चालरी थी, तो वो सोग्या अर समुन्दर पै आँधी आगी, अर किस्ती पाणी तै भरण लागगी अर वे खतरे म्ह थे।

24 फेर उननै धौरै आकै उस ताहीं जगाया, अर कह्या, “हे माल्लिक! हे माल्लिक! हम डूबके मरण आळे सां।” फेर उसनै उठकै आँधी ताहीं अर पाणी की झाल्लां ताहीं धमकाया अर वे थमगे अर शान्ति होई। 25 फेर उसनै उनतै कह्या, “थारा बिश्वास कित्त था?” पर वे डरगे अर हैरान होकै आप्पस म्ह कहण लागगे, “यो कौण सै जो आँधी अर पाणी नै भी हुकम देवै सै, अर वे उसकी मान्ने सै?”

26 फेर वे गिरासेनियों कै देश म्ह पोहचे, जो उस पार गलील समुन्दर कै स्याम्ही सै। 27 जब वो किनारे पै उतरया तो उस नगर का एक माणस उसतै मिल्या जिसम्ह ओपरी आत्मा थी। वो घणे दिनां तै उघाड़ा था अर ना घरां रहवै था बल्के कब्रिस्तान म्ह रह्या करै था। 28 वो यीशु नै देखकै जोर तै किल्की मारकै उसकै स्याम्ही पड़कै जोर तै बोल्या, “हे परमप्रधान परमेसवर के बेटे यीशु! मन्नै तेरे तै के काम? मै तेरे तै बिनती करूँ सूँ, मन्नै काल ना करै।” 29 क्यूँके वो उस ओपरी आत्मा ताहीं उस माणस म्ह तै लिकड़ण का हुकम देवै था, इस करकै के वो उसपै बार-बार हावी होवै थी। ऊतो माणस उसनै साँकळां अर बेलां तै जुड़ै थे फेरभी वो बन्धनां नै तोड़ देवै था, अर ओपरी आत्मा उसनै बण म्ह भजाए फिरै थी।

30 यीशु नै उसतै बुझ्या, “तेरा के नाम सै?” उसनै कह्या, “सेना,” क्यूँके घणीए ओपरी आत्मा उस म्ह रहवै थी। 31 उननै यीशु बिनती करी के हमनै अथाह कुण्ड म्ह जाण का हुकम ना देवै। 32 उड़ै पहाड़ पै सूअरां का एक बड़ड़ा टोळ चरै था, इस करकै उननै उसतै बिनती करी के हमनै उन म्ह बैठणे दे। उसनै उन ताहीं जाण दिया। 33 फेर ओपरी आत्मा उस माणस म्ह तै लिकड़कै सूअरां म्ह जा पड़ी अर वो टोळ ढळान पै तै झपटकै गलील समुन्दर म्ह जा पड्या अर डूब मरया। 34 पाळी यो जो होया था देखकै भाज्ये, अर नगर म्ह अर गाम्मां म्ह जाकै उसकी खबर दी। 35 माणस जो होया था उसनै देखण नै लिकड़े, अर यीशु कै धौरै आकै जिस माणस तै ओपरी आत्मा लिकड़ी थी, उसनै यीशु के

पायां कै धौरै लत्ते पहरै अर सोध्दी म्ह बेटे देखकै डरगे, 36 अर देखण आळा नै उन ताहीं बताया के वो ओपरी आत्मायाँ का कांल करया होड़ माणस किस तरियां ठीक होया। 37 फेर गिरासेनियों कै लोवै-धोवै के सारे माणसां नै यीशु तै बिनती करी के म्हारै उरै तै चल्या जा, क्यूँके वे घणे डरगे थे। आखर म्ह वो किस्ती पै चढ़कै बोहड़ आया। 38 जिस माणस म्ह ओपरी आत्मा लिकड़ी थी वो उसतै बिनती करण लाग्या के मन्नै अपणे गेल्या रहण दे, पर यीशु नै उस ताहीं बिदा करकै कह्या, 39 “अपणे घरां बोहड़ जा अर माणसां तै बता के परमेसवर नै तेरे खात्तर किसे बड़े-बड़े काम करे सै।” वो जाकै सारे नगर म्ह प्रचार करण लाग्या के यीशु नै मेरै खात्तर किसे बड़े-बड़े काम करे।

40 जब यीशु बोहड़या तो माणस उसतै राज्जी होकै मिले, क्यूँके वे सारे उसकी बाट देखवै थे। 41 इतनै म्ह याईर नाम का एक माणस आया, जो आराधनालय का सरदार था, अर यीशु कै पायां म्ह पड़कै उसतै बिनती करण लागग्या के मेरै घरां चाल, 42 क्यूँके उसकी बारहां साल की एकलौती बेट्टी थी, अर वा मरण नै होरी थी। जब वो जाण लागरया था, जद माणस उसपै पड़ण लागरे थे। 43 एक बिरबान्नी नै जिसकै बारहां साल तै लहू बहण की बीमारी थी, अर जो अपणी सारी कमाई डाक्टरां कै पाच्छै बरतगी थी, फेरभी किसे कै हाथ तै चंगी कोनी हो सकी थी, 44 पाच्छै तै आकै उसकै लत्ते ताहीं छुया, अर जिब्बे उसका लहू बहणा बन्द होगा। 45 इसपै यीशु नै कह्या, “मेरैताहीं किसनै छुया?” जब सारे नाट्टण लागगे, तो पतरस अर उसके साथियाँ नै कह्या, “हे माल्लिक, तन्नै तो भीड़ दबाण लागरी सै अर तेरे पै पड़ण लागरी सै।” 46 पर यीशु नै कह्या, “किसे नै मेरै ताहीं छुआ सै, क्यूँके मन्नै बेरा पाटग्या के मेरै म्ह तै सामर्थ लिकड़ी सै।” 47 जब बिरबान्नी नै देख्या के मै लुहक कोनी सकदी, फेर काम्बदी होई आई अर उसकै पायां पै पड़कै सारे माणसां कै स्याम्ही बताया के उसनै किस कारण उस ताहीं छुया, अर किस तरियां जिब्बे चंगी होई। 48 उसनै उसतै कह्या, “बेट्टी, तेरे बिश्वास नै तेरे ताहीं ठीक करया सै, खुशी-खुशी चली जा।” 49 वो न्यू कहवै था के किसे नै आराधनालय कै सरदार याईर कै उरै तै आकै कह्या, “तेरी छोरी मर ली सै: गुरु नै कांल ना करै।”

बात्तां तै सरमावैगा, मै माणस का बेट्टा भी, जिब अपणी अर अपणे पिता की अर पवित्र सुर्गदूतां की महिमा सुधां आऊंगा, तो उसतै सरमावैगा।

27 “मै थमनै साच्ची कहूँ सूँ, के जो याडै खड़े सै, उन म्ह तै कुछ् इसे सै के जिब ताहीं परमेसवर का राज्य ना देख लेवें, जद ताहीं मौत उननै कदे छू भी न्ही पावैगी।”

???? ? ? ? ? ? ? ? ? ? ?

28 इन बात्तां के कोए आठ दिनां पाच्छै वो पतरस, यूहन्ना अर याकूब नै गेल्या लेकै प्रार्थना करण खात्तर पहाड़ पै गया। 29 जिब वो प्रार्थना करै था, तो उसके मुँह का रूप बदल गया, अर उसके लत्ते धोळे होकै चमकण लागगे। 30 अर लखाओ, मूसा नबी अर एलिय्याह नबी ये दो माणस उसकै गेल्या बतळावै थे। 31 ये महिमा सुधां दिक्खे अर यीशु के मरण का जिक्र करै थे, जो यरुशलेम म्ह होण आळा था। 32 पतरस अर उसके साथी नींद म्ह होरे थे, अर जिब ठीक तरियां सोध्दी म्ह आए, तो उसकी महिमा अर उन दो माणसां नै, जो उसकै गेल्या खड़े थे, देख्या। 33 जिब वे उसकै धोरै तै जाण लागगे, तो पतरस नै यीशु तै कह्या, “हे माल्लिक, म्हारा उरै रहणा भला सै: आखर म्ह हम तीन मण्डप बणावा, एक तेरे खात्तर, एक मूसा नबी खात्तर, एक एलिय्याह नबी के खात्तर।” उसनै बेरा कोनी था के कह के रह्या सै।

34 वो न्यू कहवैए था के एक बाहळ आकै उनपै छाग्या, अर जिब वे उस बाहळ तै घिरण लागगे तो वे डरगे। 35 फेर उस बाहळ म्ह तै या वाणी लिकड़ी, “यो मेरा बेट्टा अर मेरा चुण्या होया सै, इसकी सुणो।” 36 या आवाज होन्दे यीशु एकला होग्या, अर वे बोल-बाल्ले रहे, अर जो कुछ् देख्या था उसकी कोए बात उन दिनां म्ह किसे तै न्ही कही।

?? ?

37 दुसरे दिन जिब वो पहाड़ तै उतरया तो एक बड्डी भीड़ उसतै आ मिली। 38 अर लखाओ, भीड़ म्ह तै एक माणस नै किल्की मारकै कह्या, “हे गुरु, मै तेरे तै बिनती करूँ सूँ के मेरे बेट्टे पै दया की निगांह फेर दे, क्यूँके वो मेरा एकला बेट्टा सै। 39 अर दे, एक भुंडी ओपरी आत्मा उसनै पकड़ै थी, अर वो चाणचक किल्की मारै था, अर वा उसनै इसा मरोड़ै थी के वो मुँह म्ह तै झाग भर लावै सै, उसनै रोंदकै घणी मुश्किल तै छोड़्डै थी। 40 मन्नै तेरे चेल्यां तै बिनती करी के उसनै लिकाड़ै, पर वे कोनी काढ सके।”

41 यीशु नै जवाब दिया, “हे अबिश्वासी अर जिद्दी माणसां, मै कद ताहीं थारे गेल्या रहूंगा अर थारी सहूंगा? अपणे बेट्टे नै उरै लिया।”

42 जिब वो आवै था तो ओपरी आत्मा नै उस ताहीं पटककै मरोड्या, पर यीशु नै उस ओपरी आत्मा ताहीं धमकाया अर छोरे ताहीं ठीक करकै पिता तै थमा दिया। 43 फेर सारे माणस परमेसवर के घणे सामर्थ तै हैरान होए। पर जिब सारे माणस उन सारे काम्मां तै जो वो करै था, हक्के-बक्के थे, तो उसनै अपणे चेल्यां तै कह्या,

???? ?

44 “थम इन बात्तां पै गौर करो, क्यूँके मै माणस का बेट्टा माणसां के हाथ्यां म्ह पकड़वाया जाण पै सूँ।” 45 पर वे इस बात नै कोनी समझै थे, अर या बात उनतै लुक्की रही के उननै उसका बेरा न्ही पाट्टै, अर वे इस बात के बारै म्ह उसतै बुझ्झण तै डरै थे।

???? ?

46 फेर उन म्ह या बहस होण लागगी के म्हारै तै बड्ड़ा कौण सै। 47 पर यीशु नै उनकै मन के विचारां ताहीं पढ़ लिया, अर एक बाळक नै लेकै अपणे धोरै खड्या करया, 48 अर उनतै कह्या, “जो कोए मेरै नाम तै इस बाळक नै अपणावै सै, वो मन्नै अपणावै सै, अर जो कोए मन्नै अपणावै सै, वो मेरै भेजण आळे नै भी अपणावै सै, क्यूँके जो थारे म्ह सारया म्ह छोट्टे तै छोट्टा सै, वोए बड्ड़ा सै।”

?? ?

49 फेर यूहन्ना नै कह्या, “हे स्वामी, हमनै एक माणस ताहीं तेरे नाम तै ओपरी आत्मा लिकाड़दे देख्या, अर हमनै उसतै मना करया, क्यूँके वो म्हारी तरियां तेरा चेल्ला न्ही था।” 50 यीशु नै उसतै कह्या, “उसनै नाट्टो ना, क्यूँके जो थारे बिरोध म्ह न्ही, वो थारे कान्ही सै।”

???? ?

51 जिब उसके उप्पर टाए जाण के दिन पूरे होण पै थे, तो उसनै यरुशलेम जाण का विचार पक्का करया। 52 उसनै अपणे आगै दूत भेज्जै। वे सामरियां के एक गाम म्ह गए ताके उसकै खात्तर जगहां त्यार करै। 53 पर उन माणसां नै उस ताहीं उतरण कोनी दिया, क्यूँके वो यरुशलेम जावै था। 54 न्यू देखकै उसके चेल्लें याकूब अर यूहन्ना नै कह्या, “हे प्रभु, तू के चाहवै सै के हम हुकम देवां, के अकास तै आग गिरकै उननै भस्म करदे?” 55 पर उसनै बोहड़कै उन ताहीं धमकाया (अर कह्या, “थम न्ही जाणदे के थम किसी आत्मा के सो। क्यूँके माणस का बेट्टा लोगगां नै जान तै मारण कोनी आया, बल्के उननै

बचाण आया सै।” 56 अर वे किसे दुसरे गाम म्ह चले गये।

५७ जिब वे राह म्ह जावै थे, तो किस नै उसतै कह्या,

“जित्त-जित्त तू जावैगा, मै तेरे पाच्छे हो ल्युंगा।”

58 यीशु नै उसतै कह्या, “लोमड़ियां की घुरखाण अर अकास के पंछियाँ के बसेरे हो सै, पर माणस के बेट्टे खात्तर सिर छिपाण की भी जगहां कोनी।”

59 उसनै दुसरे तै कह्या, “मेरै पाच्छे हो ले।” उसनै कह्या, “हे प्रभु, पैहले मन्नै घर जाणदे, मै अपने पिता के मरण के बाद उस ताहीं दफना के आऊंगा, फेर तेरा चेल्ला बणुगा।”

60 उसनै उसतै कह्या, “जो आत्मिक रूप तै मर चुके सै, उननै मुर्दे दफणाण दे। पर तू जाके परमेसवर के राज्य की कथा सुणा।”

61 एक और नै भी कह्या, “हे प्रभु, मै तेरे पाच्छे हो लूंगा, पर पैहल्या मन्नै जाणदे के अपने घर के माणसां तै बिदा ले आऊँ।”

62 यीशु नै उसतै कह्या, “जो कोए अपना हाथ हळ पै धरके पाच्छे देखे सै, वो परमेसवर के राज्य के जोगगा कोनी।”

10

१ इन बातों के बाद प्रभु यीशु नै सत्तर और चेल्ले तैयार करे, अर जिस-जिस गाम अर जगहां पै वो खुद जाण आळा था, उडै उननै दो-दो करके अपने आगै भेज्या। 2 उसनै अपने चेल्ल्यां तै कह्या, “पके होए खेत्ता की तरियां लोग तो भोत सै जो परमेसवर के वचन नै सुणणा अर समझणा चाहवै सै। पर फसल काट्टण आळे थोड़े लोग सै, जो उन ताहीं जाके परमेसवर का वचन सुणा अर समझा सकै। इस करके खेत के माल्लिक यानी परमेसवर तै बिनती करो, के वो और लोगां नै भेज्जै, ताके परमेसवर का वचन सारे लोगां तक पोहच सकै सै।” 3 जाओ, देखवो, मै थमनै भेड्डां की तरियां भेड्डियाँ के बिचाल्ये भेज्जू सूं। 4 इस करके ना बटुआ, ना झोळी, ना जूते ल्यो, अर ना राह म्ह किसे तै नमस्कार करो।

5 जिस किसे घर म्ह जाओ, पैहले कहो, इस घर का कल्याण हो। 6 जै उडै कोए कल्याण के जोगगा होगा, तो थारा कल्याण उसपै थमैगा, न्ही तो थारे धोरै उल्टा ए आ ज्यागा। 7 उससे घर म्ह रहो, अर जो कुछ उनतै मिलै, वोए खाओ-पीओ, क्यूँके मजदूर नै अपनी मजदूरी मिलणी चाहिए, घर-घर न्ही हांडणा।

8 जिस नगर मै जाओ, अर उडै के माणस थमनै उतारै, तो जो कुछ थारे स्याम्ही धरया जावै वोए खाओ। 9 उडै

के बिमारां नै ठीक करो अर उनतै कहो, परमेसवर का राज्य थारे धोरै आण पोहच्या सै। 10 पर जिस नगर म्ह जाओ, अर उडै के माणस थमनै न्ही अपनावै, तो उनके बजारां म्ह जाके कहो, 11 थारे नगर की धूळ भी, जो म्हारे पायां म्ह लागी सै, हम थारे स्याम्ही झाड़ देवां सां, फेरभी न्यू जाण ल्यो के परमेसवर का राज्य थारे धोरै आण पोहच्या सै। 12 मै थमनै कहूँ सूं, “के उस दिन उस नगर की हालत तै सदोम नगर की हालत घणी सहण जोगगी होवैगी।”

१३ “धक्कार सै थारे पै खुराजिन नगर के माणसों!

धक्कार सै थारे पै बैतसैदा नगर के माणसों! जो सामर्थ के काम थारे म्ह करे गये, जै वे सूर अर सैदा नगर म्ह करे जान्दे, तो टाट ओढ़ के, अर राख म्ह बैठके वे कदे के पाप करणा छोड़ देन्दे। 14 पर न्याय के दिन थारी हालत तै सूर अर सैदा नगर की हालत घणी सहण जोगगी होवैगी। 15 अर हे कफरनहूम नगर, तू के सोचवै सै, के तू सुर्ग ताहीं ऊँचा करया जावैगा? तू तो अधोलोक तक नीचवै जावैगा।

16 “जो थारी सुणै सै, वो मेरी सुणै सै, अर जो थमनै तुच्छ समझै सै, वो मन्नै तुच्छ समझै सै, अर जो मन्नै तुच्छ समझै सै, वो मेरे भेजण आळे ताहीं तुच्छ समझै सै।”

१७ वे सत्तर चेल्ले राज्जी होन्दे होए बोहड़े अर बोल्ले,

“हे प्रभु, तेरे नाम तै ओपरी आत्मा भी म्हारा कहणा मान्ने थी।”

18 यीशु नै उनतै कह्या, “जिब थम ओपरी आत्मायां नै लिकाड़ो थे तो मन्नै शैतान ताहीं सुर्ग तै बिजळी की तरियां पड़ता होया देख्या। 19 लखाओ, मन्नै थारे ताहीं साँपां अर बिच्छुआं ताहीं पायां तळै रोंदण का, अर बैरी की सारी सामर्थ पै हक दिया सै, अर किसे चीज तै थमनै कुछ नुकसान कोनी होवैगा। 20 फेरभी इतने राज्जी मतना होवो के आत्मा थारा कहणा मान्ने सै, पर इसतै राज्जी होवो थारे नाम सुर्ग पै लिक्खे सै।”

२१ उससे बखत यीशु पवित्र आत्मा म्ह होके खुशी तै भरगया, अर कह्या,

“हे पिता, सुर्ग अर धरती के प्रभु, मै तेरा शुक्रियादा करूँ सूं, के तन्नै इन बातों ताहीं जानियाँ अर समझदारां तै लकोए राख्या, अर बाळकां ताहीं दिखा दिया सै।” हाँ, हे पिता, क्यूँके तन्नै योए भाया।

22 मेरे पिता नै मेरे ताहीं सब कुछ सौप दिया सै, अर किसे नै न्ही बेरा के बेट्टा कौण सै, सिवा पिता के, अर

सै, इस करकै मै उठकै तन्नै कुछ भी न्ही दे सकदा? 8 मै थमनै कहूँ सूँ, हालाकि वो माणस उस ताहीं रोटी ना भी देणा चाहवै, तोभी दोस्त होण के नाते वो जरूर उठेगा, अर दोस्त के बार-बार बिनती करण पै, उसकी जरूरत के मुताबिक उस ताहीं जरूर देवैगा।”

9 अर मै थारैतै कहूँ सूँ, के माँगो तो थमनै दिया जावैगा, टोव्होगें, तो थम पाओगे, खटखटाओ, तो थारे खात्तर खोल्या जावैगा। 10 क्यूँके जो कोए माँगै सै, उसनै मिलै सै, अर जो टोह्वै सै, वो पावै सै, अर खटखटावै सै, उसकै खात्तर खोल्या जावैगा।

11 थारे म्ह तै इसा कौण पिता होगा, के जब उसका बेटा रोटी माँगै, तो उसनै पत्थर देवै, या मच्छी माँगै, तो बदले म्ह उसनै साँप देवै? 12 या अंडा माँगै तो उसनै बिच्छु दे? 13 इस करकै जब थम बुरे होकै, अपणे बाळकां नै आच्छी चीज देणा जाणो सों, तो थारा सुर्गीय पिता अपणे माँगण आळा नै पवित्र आत्मा क्यूँ न्ही देवैगा।

???? ? ? ? ? ? ? ?

14 फेर यीशु नै एक गूंगा माणस म्ह तै ओपरी आत्मा ताहीं लिकाइया। जब ओपरी आत्मा लिकइगी तो गूंगा बोलण लागग्या, अर माणसां के अचम्भा होया। 15 पर उन म्ह तै कुछ नै कह्या, “यो तो ओपरी आत्मायाँ के प्रधान शैतान की मदद तै ओपरी आत्मायाँ नै लिकाइ सै।” 16 औरां नै उस ताहीं परखण के खात्तर उसतै अकास की एक निशान्नी माँगी।

17 पर उसनै उनके मन की बात जाणकै, उनतै कह्या, “जिस-जिस राज्य म्ह फूट आवै सै, वो राज्य उजड़ जावै सै, अर जिस घर म्ह फूट होवै सै, वो नाश हो जावै सै।”

18 जै शैतान खुद का बिरोधी हो जावै, तो उसका राज्य किस तरियां बणया रहवैगा? क्यूँके थम मेरै बाबत कहो सो के यो शैतान की मदद तै ओपरी आत्मायाँ नै काड्डे सै। 19 भला जै मै शैतान की मदद तै ओपरी आत्मायाँ नै काड्डे सूँ, तो थारी ऊलाद किसकी मदद तै काड्डे सै? इस करकै वैए थारा न्याय करैगें। 20 पर जै मै परमेसवर के सामर्थ तै ओपरी आत्मायाँ नै काड्डे सूँ, तो परमेसवर का राज्य थारे धारै आण पोहंच्या सै। 21 जब टाड्डा माणस हथियार लिये होए अपणे घर की रुखाळी करै सै, तो उसका धन बचा रहवैगा। 22 पर जब उसतै बाध कोए और टाड्डा धावा बोलकै उसनै जीत लेवै सै, तो उसकै वे राछ जिनपै उसका विश्वास था, खोस लेवै सै अर उसका धन लूटके बांड देवै सै।

23 जो मेरै गेल्या न्ही वो मेरै बिरोध म्ह सै, अर जो मेरै गेल्या न्ही कट्टा करदा, वो खिंडावै सै।

???? ? ? ? ? ? ? ?

24 “जब ओपरी आत्मा माणस म्ह तै लिकइके जावै सै, तो सूक्खी जगहां म्ह आराम टोहन्दी फिरै सै, अर वा पांदी कोनी। फेर वा कहवै सै, ‘मै उस्से माणस म्ह जड़ै तै लिकइ थी बोहड़ जाऊँगी।’ अर आकै उस माणस नै घर जिसा झाड़ा-बुहारा अर सजा-धज्या पावै सै।

25 अर आकै उसनै झाड़ा-बुहारा अर सजा-धज्या पावै सै। 26 फेर वा ओपरी आत्मा जाकै अपणे तै भुंडी सात और आत्मायाँ नै अपणे गेल्या ले आवै सै, अर वे उस म्ह बड़के वास करै सै, अर उस माणस की पाच्छली हालत पैहल्या तै भी भुंडी हो जावै सै।”

???? ? ? ? ? ?

27 जब यीशु ये बात कहवै था तो भीड़ म्ह तै किसे बिरबान्नी नै जोर तै बोलकै कह्या, “धन्य सै वो बिरबान्नी जिस तू जन्मा अर उसका तन्नै दूध पिया।”

28 उसनै कह्या, “हाँ, पर धन्य वे सै, जो परमेसवर का वचन सुणै अर मान्ने सै।”

???????? ? ? ? ? ? ? ?

29 जब बड़डी भीड़ कट्टी होदी जावै थी तो वो कहण लाग्या, “इस युग के माणस बुरे सै, वे चिन्ह-चमत्कार टोह्वै सै, पर योना नबी के चिन्ह-चमत्कार नै छोड़के उन ताहीं कोए और चिन्ह-चमत्कार कोनी दिया जावैगा।

30 जिसा योना नबी निनवे के आदमियाँ खात्तर निशान्नी ठहरी, उस्से तरियां मै माणस का बेटा भी इस युग के आदमियाँ के खात्तर ठहरूंगा। 31 दक्षिण देश की राणी न्याय के दिन इस बखत के माणसां के गेल्या उठके उन ताहीं कसूरवार टैहरावैगी, क्यूँके वा राजा सुलैमान का ज्ञान सुणण खात्तर धरती के सिरे तै आई, अर देक्खों, उरै वो सै जो राजा सुलैमान तै भी बड़डा सै। 32 निनवे नगर के माणस न्याय के दिन इस युग के माणसां के गेल्या उठके, उन ताहीं कसूरवार टैहरावैगें, क्यूँके उननै योना नबी का प्रचार सुणके अपणे पापां ताहीं स्वीकार करया, अर देक्खो, उरै वो सै जो योना नबी तै भी बड़डा सै।

???? ? ? ? ? ? ? ?

33 “कोए माणस दीवा जळा के बरतन के तळै न्ही धरदा, पर टांडी पै धरै सै के भीत्तर आण आळा नै चाँदणा मिलै। 34 देह का दीवा आँख सै, इस करकै जब तेरी निगाँह आच्छी सै तो तेरी सारी देह भी उजाळा होगा। पर जब तेरी आँख ठीक कोनी सै तो तेरी सारी देह भी अँधेरे म्ह सै। 35 इस करकै चौकन्ने रहो के जो चाँदणा थारे म्ह सै वो अँधेरा ना हो जावै। 36 इस करकै जै तेरी देह म्ह चाँदणा हो अर उसका कोए हिस्सा अन्धेरे म्ह ना रहवै तो सारा का सारा इसा चाँदणा होगा, जिसा

उस बखत होवै सै जिब दीवा अपणी चमक तै थारे ताहीं चाँदणा देवै सै।”

३७ जिब वो बात करै था तो किसे फरीसी नै उसतै बिनती करी के मेरै उरै आकै खाणा खाईयो। वो भीत्तर जाकै खाणा खाण नै बेट्या। ३८ फरीसी नै न्यू देखकै हैरानी होई के उसनै खाणा खाण तै पैहल्या हाथ कोनी धोए।

३९ प्रभु नै उसके मन के विचारां ताहीं पढ़कै उसतै कह्या, “हे फरीसियों, थम कटोरे अर थाळी नै उप्पर-उप्पर तै तो माँजो सो, पर थारे भीत्तर अन्धेर अर बुराई भरी सै। ४० हे बेअक्लो! जिसनै बाहरणै का हिस्सा बनाया, के उसनै भीत्तर का हिस्सा कोनी बनाया? ४१ पर हाँ, भीत्तर आळी चिज्जां नै दान कर द्यो, तो देखो, सारा कुछ थारे खात्तर पवित्तर हो जावैगा।”

४२ पर हे फरीसियों, थारे पै धिक्कार सै! थम पुदीने अर सुदाब का अर कई तरियां के साग-पात का दसमां हिस्सा द्यो सो, पर न्याय ताहीं अर परमेसवर के प्यार ताहीं टाळ द्यो सो, आच्छा तो था के इन्नै भी करदे रहन्दे अर उननै भी कोनी छोड़दे।

४३ हे फरीसियों, थारे पै धिक्कार सै! थम आराधनालयों म्ह खास-खास आसन नै चाहो सो अर बजारां म्ह नमस्कार चाहो सो।

४४ “धिक्कार सै थारे पै! क्यूँके थम उन लुक्ही होई कबरां की तरियां सो, जिनपै माणस चाल्लै सै पर कोनी जाणदे।”

४५ फेर एक शास्त्री नै उसतै जवाब दिया, “हे गुरु, इन बाततां नै कहकै तू म्हारी बुराई करै सै।”

४६ पर यीशु नै जवाब दिया, “हे शास्त्रियो थारे पै धिक्कार सै! थम नियम-कायदा का इसा बोझ जिनका ठाणा ओक्खा सै, माणसां पै लादो सो, पर थम खुद उनकी मदद खात्तर उस बोझ नै अपणी आन्नाळी तै भी कोनी छुन्दे।”

४७ “धिक्कार सै थारे पै! थम उन नबियाँ की कब्र बनाओ सो, जिन ताहीं थारे पूर्वजां नै मार दिया था।”

४८ आखर म्ह थम गवाह सो, अर अपणे पूर्वजां के काम्मां तै रजामंद सो, क्यूँके उननै उन ताहीं मार दिया अर थम उनकी कब्र बनाओ सो। ४९ इस करकै परमेसवर की समझ नै भी कह्या सै, “के मै उनकै धोरै नबियाँ अर प्रेरितां नै भेज्जूंगी, अर वे उन म्ह तै कईयाँ नै मार देंगे, अर कईयाँ नै दुखी करैगें।” ५० ताके जित्त नबियाँ का लहू दुनिया की शरुआत तै बहाया गया सै, सारया का ब्यौरा इस युग के माणसां तै लिया जावै, ५१ हाबिल की हत्या

तै लेकै जकर्याह की हत्या ताहीं, जो वेदी अर मन्दर के बिचाळै मारया गया। मै थारे तै सच कहूँ सूँ, इन सारया का ब्यौरा इस्से बखत के माणसां तै लिया जावैगा।

५२ “धिक्कार सै थम शास्त्रियाँ पै! थमनै ज्ञान की ताळी तो ले ली, पर थम खुद कोनी दाखल होए, अर दाखल होण आळे ताहीं भी रोक द्यो सो।”

५३ जिब वो उड़ै तै लिकड़या, तो शास्त्री अर फरीसी भुण्डी तरियां उसकै पाच्छै पड़गे अर छेड़ण लागगे के वो घणखरी बाततां का जिक्र करै, ५४ अर ताक म्ह लागगे रहे के उसकै मुँह तै कही होई कोए बात पकड़ै।

12

१ इतनै म्ह जिब हजारां की भीड़ लागगी, उरै ताहीं के वे एक-दुसरे पै पड़ण लागगे थे, तो यीशु नै सारया तै पैहल्या अपणे चेल्यां तै यो कह्या, “फरीसियाँ के कपट रूपी खमीर तै चौकन्ने रहो। २ कुछ ढकया कोनी, जो उघाड़या न्ही जावैगा, ना कुछ लुहक्या सै, जिसका बेरा न्ही पटै। ३ इस करकै जो कुछ थमनै अन्धेरे म्ह कह्या सै, वो उजाळै म्ह सुण्या जावैगा, अर जो थमनै कोठड़ियाँ म्ह चुपके-चुपके कह्या सै, वो छात पै तै प्रचार करया जावैगा।

४ “मै थारे तै जो मेरे साथी सो कहूँ सूँ, के जो देह नै घात करै सै पर उसतै ज्यादा और कुछ न्ही कर सकदे, उनतै ना डरियो। ५ मै थमनै समझाऊँ सूँ के थमनै किसतै डरणा चाहिये, घात करण के बाद, जिस ताहीं नरक म्ह गेरण का हक सै, उस्से तै डरियो। हाँ, मै थारे तै कहूँ सूँ उस्से तै डरियो। ६ के दो पिस्या की पाँच गौरैयाँ (एक छोट्टी चिड़ियाँ) न्ही बिकदी? फेरभी परमेसवर उन म्ह तै एक नै भी कोनी भुल्दा। ७ थारे सिर के एक-एक बाळ भी गिणे होड़े सै, इस करकै डरो मतना, थम घणी गौरैयाँ तै बढ़कै सो।”

८ “मै थारे तै कहूँ सूँ जो कोए माणसां के स्याम्ही मन्नै मान लेवैगा, उसनै मै माणस का बेट्टा भी परमेसवर के सुर्गदूतां के स्याम्ही मान लेऊँगा। ९ पर जो माणसां के स्याम्ही मेरा इन्कार करैगा, उसका भी परमेसवर के सुर्गदूतां के स्याम्ही इन्कार करया जावैगा।” १० जो कोए मुझ माणस के बेट्टे के बिरोध म्ह कोए बात कहवै, उसका वो कसूर माफ कर दिया जावैगा, पर जो पवित्तर आत्मा की बुराई करै, उसका वो कसूर माफ कोनी करया जावैगा।

11 जिब माणस थमनै आराधनालयों अर हाकिमां अर अधिकारियां कै स्याम्ही ल्यावै, तो फिकर ना करियो के हम किस तरियां तै, या के जवाब देवां, या के कहवागें। 12 क्यूँके पवित्र आत्मा उस्से बखत थमनै सीखा देगा के, के कहणा चाहिये।

१२ १२१२१२१२ १२१२१२१२ १२ १२१२१२१२

13 फेर भीड़ म्ह तै एक नै यीशु तै कह्या, “हे गुरु, मेरे भाई तै कह के बाप कै जमीन-जायदाद नै मेरै गेल्या बांड लेवै।”

14 उसनै उसतै कह्या, “हे भले माणस, किसनै मेरे ताहीं थारा जमीन-जायदाद बटवारा करण आळा न्यायी बना दिया सै?” 15 अर यीशु नै उनतै कह्या, “चौकन्ने रहो, अर सारी तरियां कै लोभ-लालच तै खुद नै बचाके राखो, क्यूँके किसे का जीवन उसके घणी जमीन-जायदाद तै कोनी होंदा।”

16 यीशु नै उनतै एक उदाहरण देके कह्या, “किसे साहूकार की धरती म्ह घणी पैदावार होई।” 17 फेर वो अपणे मन म्ह विचार करण लाग्या, मै के करूँ? क्यूँके मेरै धोरै जगहां कोनी जित्त अपणी उपज वैगरा धरूँ।

18 अर उसनै कह्या, मै न्यू करूँगा मै अपणे नाज के गोदाम नै तोड़के, उनतै नाज के और बड़े गोदाम बनाऊँगा, अर उड़ै अपणा सारा नाज अर धन धरूँगा, 19 अर अपणे-आप तै कहूँगा, के तेरे धोरै घणे साल खात्तर घणा धन धरया सै, चैन कर, खा, पी, मौज कर।

20 पर परमेसवर नै उसतै कह्या, हे बेकूफ, तू इस्से रात मर जावैगा, फेर जो कुछ तन्नै कट्ठा करया सै, वो किसका होगा?

21 “इस्से तरियां वो माणस भी सै, जो अपणे खात्तर धन कट्ठा करै सै, पर परमेसवर की निगांह म्ह साहूकार कोनी।”

१२१२१२१२ १२ १२१२१२१२ १२१२१२१२

22 फेर यीशु नै अपणे चेल्यां तै कह्या, “इस करके मै थमनै कहूँ सूँ, अपणे जीवन के खात्तर या चिंता ना करो के हम के खावांगें, ना अपणी देह की के, के पैहरागें।

23 क्यूँके जीवन खाणे तै बढ़के सै, अर देह लत्यां तै बढ़के सै। 24 कागगां* पै ध्यान द्यो, वे ना बोवै सै, ना काटै सै, अर ना उनके भण्डार अर गोदाम होवै सै, फेरभी परमेसवर उननै पाळै सै। थारी किम्मत पंछियाँ तै बाध सै।” 25 थारे म्ह तै इसा कौण सै, जो चिंता करण तै अपणी उम्र का एक पल भी बढ़ा सकै सै? 26 इस करके जै थम अपणी जिन्दगी म्ह छोट्टे-छोट्टे काम भी न्ही कर सकदे, तो जिन्दगी की बड़ी-बड़ी बातों खात्तर क्यातै फिकर करो सो?

* 12:24 12:24 कौवों

27 “जंगली फूलों पै ध्यान करो, के वे किस तरियां बढ़ै सै, वे मेहनत करके अपणे खात्तर लत्तें कोनी बनाते। तोभी मै थारे तै कहूँ सूँ, के राजा सुलैमान भी, अपणे सारे शानों-शोकत म्ह, उन म्ह तै, किसे के समान लत्तें पैहरे होए कोनी था। 28 इस करके जै परमेसवर मैदान की घास नै, जो आज सै अर काल बाड़ म्ह झोक्की जावैगी, इसे लत्तें पहरावै सै, तो हे बिश्वास म्ह कमजोर माणसों, वो थारी चिन्ता क्यूँ न्ही करैगा? 29 अर थम इस बात की टोह म्ह ना रहो के, के खावांगें अर के पीवांगें, अर शक ना करो। 30 क्यूँके परमेसवर ताहीं ना जाणण आळे लोग, इन सारी चिज्जां की टोह म्ह रहवै सै: पर थारा सुर्गीय पिता जाणै सै, के थमनै इन चिज्जां की जरूरत सै। 31 पर परमेसवर के राज्य की खोज करो तो ये चीज भी थमनै मिल ज्यागी।”

१२१२१२१२ १२

32 “हे छोट्टे टोळ, मतना डरै, क्यूँके थारे सुर्गीय पिता नै न्यू भाया सै, के थमनै अपणा राज्य देवै।

33 अपणा धन बेचके दान कर द्यो, अर अपणे खात्तर इसे बटुए बनाओ, जो पुराणे कोनी होन्दे, यानिके परमेसवर नै खुश करण आळे भले काम करके सुर्ग म्ह इसा धन कट्ठा करो जो खतम कोनी होन्दा, अर जिसके धोरै चोर कोनी जान्दा, अर कीड़ा कोनी बिगाड़दा। 34 क्यूँके जड़ै थारा धन सै, उड़ै थारा मन भी लाग्या रहवैगा।”

१२१२१२ १२१२

35 “हमेशा परमेसवर के काम्मां खात्तर तैयार रहों, अर थम प्रभु के आण खात्तर, दीवे जळा के तैयार रहों, 36 अर थम उन माणसां के बरगे बणो, जो अपणे माल्लिक की बाट देखते रहवै सै, के वो ब्याह तै कद बोहड़ैगा, ताके जिब आके दरबाजा खटखटावै, तो जिब्वे उसके खात्तर खोल द्यो। 37 धन्य सै वे नौक्कर जो माल्लिक के बोहड़ण की बाट देखते होए तैयार रहवै सै, मै थमनै साच्ची कहूँ सूँ, के माल्लिक भी खुद एक नौक्कर की तरियां उन ताहीं खाणा खुआण खात्तर बिठावैगा, अर खुद उनकी सेवा-पाणी करैगा। 38 जै वो आध्धी रात नै या उसके बाद आके उन ताहीं तैयार पावै, तो वे नौक्कर धन्य सै। 39 पर न्यू जाण ल्यो, के जै घर का माल्लिक नै बेरा हो, के चोर ठीक किस घड़ी आवैगा तो वो तैयार रहन्दा, अर अपणे घर म्ह चोरी न्ही होण देन्दा। 40 थम भी मेरे बोहड़ के आण खात्तर तैयार रहो, क्यूँके जिस घड़ी के बारै म्ह थम सोचदे भी कोनी, उस्से घड़ी मै माणस का बेट्टा सुर्ग तै आ जाऊँगा।”

१२१२१२१२ १२१२१२१२ १२ १२१२१२१२१२ १२१२१२१२ १२१२

41 फेर पतरस बोल्या, “हे प्रभु, के यो उदाहरण तन्नै म्हारै खात्तर दिया से या सारया खात्तर दिया सै।”

42 प्रभु नै जवाब दिया, “वो बिश्वास जोगगा अर अकलमंद भण्डारी कौण सै, जिसका माल्लिक उस ताहीं नौक्कर-चाकरां पै सरदार टैहरावै, के उननै बखत पै खाणा देवै।” 43 धन्य सै वो नौक्कर, जिस ताहीं उसका माल्लिक आकै इसाए करदा पावै। 44 मै थमनै साच्ची कहूँ सूँ, वो उस ताहीं अपनी सारी धन-सम्पत्ति का माल्लिक बणावैगा। 45 पर जै वो नौक्कर सोचण लाग्गै के मेरा माल्लिक आण म्ह वार कर रह्या सै, उसके साथ के नौक्कर नौकराणियाँ ताहीं मारण लागज्या अर खाण-पीण अर दारूबाज होण लाग्गे। 46 तो उस नौक्कर का माल्लिक इसे दिन आवैगा, जिब वो उसकी बाट देख्दा ना हो, अर इसे बखत म्ह आवैगा जिसका उसनै ना बेरा हो, अर उसनै भारी सजा देकै उसकी गिणती बिश्वास लायक माणसां म्ह कोनी करी जावैगी।

47 वो नौक्कर घणा छित्तैगा, जो अपने माल्लिक की मर्जी जाणै था, अर तैयार न्ही रह्या अर ना उसकी मर्जी के मुताबिक चाल्या। 48 पर हरेक वो नौक्कर जो अपने माल्लिक की मर्जी नै कोनी जाणै, फेर इसा काम करै सै जो मार खाण के लायक सै, वो कम छित्तैगा। इस करके जिस ताहीं घणा दिया गया सै, उसतै घणा माँगया जावैगा, अर जिस ताहीं घणा सौप्या सै, उसतै घणा लिया जावैगा।

॥॥॥॥ ॥॥ ॥॥ ॥॥ ॥॥॥॥॥॥॥॥

49 “मै धरती पै आग लाण नै आया सूँ, अर कितना आच्छा होन्दा, के या इस्से बखत सुलग जान्दी! 50 मन्नै तो एक बड़ी भारी बिप्दा का बपतिस्मा लेणा सै, अर जिब ताहीं वो ना हो ले जद ताहीं मै इस्से बिप्दा म्ह रहूँगा! 51 के थम समझो सो के मै धरती पै मिलाप करवाण आया सूँ? मै थमनै कहूँ सूँ, ना, बल्के न्यारे करण आया सूँ। 52 क्यूँके इब तै एक घर म्ह पाँच माणस आप्पस म्ह बिरोध राक्खैगें, तीन जन जो मेरे पै बिश्वास न्ही करते, वो उन दो जन का बिरोध करैगें जो मेरे पै बिश्वास राक्खै सै। 53 पिता बेट्टे तै, अर बेट्टा बाप तै बिरोध राक्खैगा, माँ बेट्टी तै, अर बेट्टी माँ तै, सास्सू बहू तै, अर बहू सास्सू तै बिरोध राक्खैगी।”

॥॥॥ ॥॥ ॥॥॥॥॥॥

54 यीशु नै भीड़ तै कह्या, “जिब थम बाहळ नै पश्चिम† तै उठदे देखो सो, तो जिब्वे कहो सो के मिह आवैगा, अर न्यूए होवै सै, 55 अर जिब दक्षिणी हवा‡ चाल्दी देखो सो, तो कहो सो के बड़ी गर्मी पड़ैगी, अर न्यूए हो सै। 56 हे कपटियों! थम धरती अर अकास के

रूप-रंग म्ह भेद जाण सको सो, पर परमेसवर जो इस युग म्ह करण लागरया सै उसका भेद क्यातै न्ही जाणदे?

॥॥॥॥ ॥॥॥॥ ॥॥ ॥॥॥॥॥॥॥

57 “थम खुद फैसला क्यातै कोनी कर लेंदे के ठीक सै?”

58 जिब तू अपने बैरी के गेल्या हाकिम के धोरै जावै सै, तो राही म्ह उसतै छुटण की कोशिश करले, इसा ना हो के वो तन्नै न्यायाधीश के धोरै घसीट के ले जावै, अर न्यायाधीश तन्नै सिपाही के हवालै करदे अर सिपाही तन्नै जेळ म्ह गेर दे। 59 मै तेरे तै कहूँ सूँ के जिब ताहीं तू पाई-पाई न्ही भर देवैगा, तब तक जेळ तै छुटण न्ही पावैगा।

13

॥॥ ॥॥॥॥॥॥ ॥॥ ॥॥॥ ॥॥

1 उस बखत कुछ माणस आण पोहचे, अर यीशु तै उन गलीली माणसां का जिकर करण लाग्गे, जिन ताहीं पिलातुस नै मन्दर म्ह बलिदान करते बखत मार दिया था, अर उनका ए लहू बलिदान की भेट तै मिला दिया था। 2 न्यू सुणके उसनै उनतै जवाब म्ह कह्या, “के थम समझो सो के ये गलीली माणस और बाकी सारे गलीलवासियाँ तै घणे पापी थे के उनपै इसी बिप्दा आण पड़ी? 3 मै थमनै कहूँ सूँ के ना, पर जै थम पाप करणा न्ही छोड़ोगे तो थम भी इस्से तरियां नाश होओगे। 4 अर थम के सोचचों सो, के उन अठारह माणसां के बारे म्ह जिनपै शीलोह का गुम्मट पड्या, अर वे दब के मरगे: यरुशलेम के दुसरे सारे बासिन्दयां तै घणे अपराधी थे? 5 मै थमनै कहूँ सूँ, के जै थम पाप करणा न्ही छोड़ोगे तो थम भी इस्से तरियां नाश होओगे।”

॥॥-॥॥॥॥ ॥॥॥॥॥॥ ॥॥ ॥॥॥॥ ॥॥ ॥॥॥॥॥॥॥

6 फेर यीशु नै यो उदाहरण भी देके कह्या, “किसे अंगूर के बाग म्ह अंजीर का दरखत लागरया था। वो उस म्ह फळ टोह्ल आया, पर कोनी मिल्या। 7 फेर उसनै बाग के रुखाळै तै कह्या, लखा, तीन साल तै म्ह इस अंजीर के दरखत पै फळ टोह्ल आऊँ सूँ, पर कोनी पान्दा। इसनै काट बगा के यो धरती नै भी क्यूँ रुधै।”

8 उसनै उसतै जवाब दिया, “हे माल्लिक, इस साल और रहण दे के मै इसके चौगरदेके माट्टी खोदके खाद गेरू। 9 जै आगले साल इसके फळ आ गया तो ठीक, न्ही तो इसनै कटवा दियो।”

॥॥॥॥ ॥॥ ॥॥॥ ॥॥॥॥॥॥॥ ॥॥॥॥॥॥॥॥॥ ॥॥॥॥॥॥॥

10 आराम के दिन यीशु एक आराधनालय म्ह उपदेश देवै था। 11 उडै एक बिरबान्नी थी जिसम्ह अठारह साल

† 12:54 12:54 पश्चिम-भूमध्यसागर तै उठण आळा बादल ‡ 12:55 12:55 दक्षिणी हवा-रेगिस्तान तै आन्दी हवा

तै एक कमजोर करण आळी ओपरी आत्मा थी, अर वा कुबड़ी होगी थी अर किसे तरियां भी सीधी कोनी हो सकै थी। 12 यीशु नै उस ताहीं देखकै बुलाया अर कह्या, “हे नारी, तू अपने इस रोग तै मुक्त होगी सै।” 13 फेर उसनै उसपै हाथ धरया, अर वा जिब्वे सीधी होगी अर परमेसवर की बड़ाई करण लागगी।

14 इस करकै के यीशु नै आराम कै दिन उस ताहीं ठीक करया था, आराधनालय का सरदार चिड़ कै माणसां तै कहण लागया, “काम करण के छः दिन सै, उन ए दिनां म्ह आकै अपने रोग ठीक कराओ, पर आराम कै दिन न्ही।”

15 न्यू सुणकै प्रभु यीशु नै जवाब दिया, “हे कपटियों, के आराम कै दिन थारे म्ह तै हरेक अपने बळध या गधे नै थान म्ह तै खोल कै पाणी पियाण कोनी ले जान्दा? 16 तो के या बिरबान्नी जो अबराहम की पीढ़ी सै, जिस ताहीं शैतान नै अठारह साल तै जुड़ राख्या था, के इस ताहीं आराम कै दिन इसके बन्धन तै मुक्त करणा न्ही चाहिये था?”

17 जिब यीशु नै ये बात कही, तो उसके सारे बिरोधी शर्मिन्दा होंगे, अर साबती भीड़ उन महान् काम्मां तै जो वो करै था, राज्जी होई।

☞☞☞☞☞☞ ☞☞ ☞☞☞☞☞☞ ☞☞☞☞☞☞☞☞

18 फेर यीशु नै कह्या, “परमेसवर का राज्य किस जिसा सै? अर मै उसका उदाहरण किसतै द्यु? 19 वो राई कै दाणै की ढाळ सै, जिस ताहीं किसे माणस नै लेकै अपने बाग म्ह बोया: अर वो बढकै दरखत बणग्या, अर अकास के पंछियाँ नै उसकी डाळियाँ पै बसेरा करया।”

☞☞☞☞ ☞☞ ☞☞☞☞☞☞

20 यीशु नै दुबारै कह्या, “मै परमेसवर के राज्य का उदाहरण किसतै द्यु? 21 वो खमीर की ढाळ सै, जिस ताहीं किसे बिरबान्नी नै लेकै तीन पसेरी (पन्दरह किलो) चून म्ह रळाया, अर होन्दे-होन्दे सारा चून खमीर बणग्या।”

☞☞☞☞ ☞☞☞☞☞☞

22 यीशु अर उसके चेल्लें नगर-नगर, अर गाम-गाम होकै उपदेश देन्दे होए यरुशलेम नगर की ओड़ जावै थे, 23 तो किसे नै उसतै बुझया, “हे प्रभु, के थोड़े ए माणसां का उद्धार होगा?” यीशु नै उनतै कह्या, 24 “भीड़ै दरबाजे तै बड़ण की कोशिश करो, क्यूँके मै थमनै कहूँ सूँ के घणखरे उस म्ह बड़णा चाहवैंगे, अर कोनी बड़ सकैंगे। 25 क्यूँके परमेसवर जो घर का माल्लिक सै उठकै दरबाजा भेड़ देगा, अर थम बाहरणै खड़े होए खटखटाकै कहण

लागो, हे प्रभु, म्हारै खात्तर दरबाजा खोल दे, अर वो जवाब देवै, मै थमनै कोनी जाण्दा, थम कित्त के सो?”

26 फेर थम कहण लागोगे, हमनै तेरे स्याम्ही खाया-पिया अर तन्नै म्हारे बजारां म्ह उपदेश दिया।

27 पर वो कहवैगा, मै थमनै कहूँ चुक्या सूँ, मै कोनी जाण्दा, थम कित्त के सो। हे भुन्डे काम करण आळो, थम सारे मेरै तै दूर रहो।

28 जिब अबराहम अर इसहाक अर याकूब अर सारे नबियाँ ताहीं परमेसवर राज्य म्ह बेट्ठे, अर खुद नै बाहरणै लिकाड़े होए देखोगे, “उड़ै रोणा अर दाँत पिसणा होगा। 29 पूरी दुनिया के माणस आकै परमेसवर के राज्य के भोज म्ह शामिल होवैंगे। 30 अर सच्चाई या सै के जो पाच्छले सै वे पैहले होंगे, अर जो पैहले सै वे पाच्छले होंगे।”

☞☞☞☞☞☞☞☞ ☞☞ ☞☞☞☞☞☞☞☞

31 उस्से बखत कुछ फरीसियाँ नै आकै यीशु तै कह्या, “उरै तै लिकड़या, क्यूँके हेरोदेस तन्नै मार देणा चाहवै सै।”

32 यीशु नै उनतै कह्या, “जाकै उस लोमड़ी* तै कह द्यो के लखा, मै आज अर काल ओपरी आत्मायाँ नै काढूँ सूँ अर बिमारां नै ठीक करूँ सूँ, अर तीसरे दिन अपना काम पूरा करूँगा। 33 फेर भी यो जरूरी सै के मै आज, काल अर परसो सफर करूँ, क्यूँके हो न्ही सकदा के कोए नबी यरुशलेम नगर कै बाहरणै मारया जावै।

☞☞☞☞☞☞☞☞ ☞☞ ☞☞☞☞☞☞☞☞ ☞☞☞☞☞☞

34 “हे यरुशलेम के माणसां! हे यरुशलेम के माणसां! तन्नै भोत-से नबियाँ ताहीं मारया सै, जो भोत पैहले रहवै थे, अर उन माणसां ताहीं भी पत्थरां तै मार दिया जिन ताहीं थारे धोरै भेज्जे थे। कितनी ए बर मन्नै न्यू चाह्या के जिस ढाळ मुर्गी अपने बच्चां नै अपने पाक्खां तळे कट्ठे करै सै, उस्से तरियां ए मै भी तेरे बाळकां नै कट्ठा करूँ, पर थमनै न्यू न्ही चाह्या। 35 देखो, थारा घर थारे खात्तर उजाड़ छोड़्या जावै सै, मै थमनै कहूँ सूँ: जिब ताहीं थम न्ही कहोगे, ‘धन्य सै वो, जो प्रभु कै नाम तै आवै सै,’ जद ताहीं थम मन्नै दुबारै कदे न्ही देखोगे।”

14

☞☞☞☞☞☞☞☞ ☞☞ ☞☞☞☞☞☞☞☞

1 एक खास मौकै पै जिब मसीह आराम कै दिन फरीसियाँ के सरदारां म्ह तै किसे कै घरां रोट्टी खाण नै गया, अर वे सारे उननै घणी उत्सुकता तै देखण लागरे थे। 2 उड़ै एक माणस था, जिसम्ह जलोदर* की बीमारी

* 13:32 13:32 लोमड़ी चलाक होवै सै इस करकै यीशु नै हेरोदेस ताहीं लोमड़ी कह्या सै के हाथ-पाँ सूज जावै सै)

* 14:2 14:2 (जलोदर एक इसा रोग सै जिस म्ह रोगी

थी। 3 इसपै यीशु नै शास्त्रियाँ अर फरीसियाँ तै कह्या, “के नियम-कायदा के मुताबिक आराम के दिन आच्छा करणा ठीक सै या न्ही?” 4 पर वे बोल-बाल्ले रहे। फेर यीशु नै उस रोगी पै हाथ धरकै उस ताहीं ठीक करकै, उस ताहीं बिदा कर दिया। 5 अर उनतै कह्या, “थारे म्ह तै इसा कौण सै, के जै थारा बेटटा या बळध कुएँ म्ह आराम के दिन पड़ज्या अर वो उसनै जिब्बे बाहरणै कोनी लिक्डै?” 6 वे इन बाततां का कुछ जवाब कोनी दे पाए।

?????? ?? ????-????

7 जब यीशु नै देख्या के न्योदे होए माणस किस तरियां खास-खास जगहां छाँट लेवै सै तो एक उदाहरण देकै कह्या, 8 “जिब कोए तन्नै ब्याह म्ह बुलावै, तो खास माणसां की जगहां पै न्ही बैठणा, कदे इसा ना हो के उसनै तेरे तै भी बड़े ताहीं न्योद राख्या हो, 9 अर जिसनै तेरे ताहीं अर उस ताहीं दोनुआ ताहीं न्योदा दिया सै, आकै कहवै, ‘इसनै जगहां दे,’ अर फेर तन्नै शर्मिन्दा होकै सारया तै पाच्छै बैठणा पड़े। 10 पर जिब तू न्योदा जावै तो सारया तै पाच्छली जगहां बैठ के जिब वो, जिसनै तेरे ताहीं न्योदा सै आवै, तन्नै कहवै, ‘हे दोस्त, आगै बढकै बैठ,’ फेर तेरे गेल्या बैठण आळा के स्याम्ही तेरी बड़ाई होवैगी। 11 क्यूँके जो कोए अपणे-आपनै बड़ड़ा बणावैगा, वो छोट्टा करया जावैगा, अर जो कोए अपणे-आपनै छोट्टा बणावैगा, वो बड़ड़ा करया जावैगा।”

12 फेर यीशु नै फिरिसी तै जिसनै उसका न्योदा दिया था उसतै कह्या, “जिब तू दिन का या रात का भोज करै, तो अपणे साथियाँ या भाईयाँ या कुणवे या साहूकार पड़ोसियाँ नै ना न्योद, कदे इसा ना हो के वे भी तन्नै न्योदा देवै, अर तेरा बदला हो जावै। 13 पर जिब तू भोज करै तो कंगाल, टुंडे, लंगड़े अर आंध्याँ नै न्योद। 14 तब तू धन्य होवैगा, क्यूँके उन माणसां के धोरै बदले म्ह देण खात्तर कुछ कोनी, परमेसवर तन्नै उस काम का बदला धर्मियाँ के जिन्दा होण के बाद देवैगा।”

?????? ?? ????-????

15 यीशु के गेल्या खाणा खाण आळा म्ह तै एक नै ये बात सुणकै उसतै कह्या, “धन्य सै वो जो परमेसवर के राज्य म्ह भोज खावैगा।”

16 यीशु नै उसतै कह्या, “किसे माणस नै बड़ड़ा भोज करया अर घणा ताहीं न्योदा। 17 जिब खाणा त्यार होग्या तो उसनै अपणे नौक्कर के हाथ न्योदे होए माणसां ताहीं कहवां भेज्या, ‘आओ, इब खाणा त्यार सै।’” 18 “पर वे सारे के सारे माफी माँगण लागगे। पैहल्डे

नै उसतै कह्या, ‘मन्नै खेत मोल लिया सै, अर जरूरी सै के उसनै देखूँ, मै तेरे तै बिनती करूँ सूँ मन्नै माफ करदे।’”

19 दुसरे नै कह्या, “मन्नै पाँच जोड़े बळध मोल लिए सै, उननै परखण जाऊँ सूँ, मै तेरे तै बिनती करूँ सूँ, मन्नै माफ करदे।”

20 एक और नै कह्या, “मन्नै ब्याह करया सै, इस करकै मै न्ही आ सकदा।”

21 उस नौक्कर नै आकै अपणे माल्लिक ताहीं ये बात कह सुणाई। फेर घर के माल्लिक नै खुन्दक म्ह आकै, अपणे नौक्कर तै कह्या, “नगर के बजारां अर गळियाँ म्ह इब्बे जाकै कन्गालाँ नै, टुंड्यां नै, लंगड्यां नै, अर आंध्याँ नै उरै लेकै आओ।”

22 नौक्कर नै दुबारै कह्या, “हे माल्लिक, जिस ढाळ तन्नै कह्या था, उस्से तरियां ए करया गया सै, अर फेर भी जगहां सै।”

23 माल्लिक नै नौक्कर तै कह्या, “सड़कां पै अर बाड़या की कान्ही जा अर माणसां नै मजबूर करकै लिया ताके मेरा घर भरज्या। 24 क्यूँके मै थमनै कहुँ सूँ के उन पैहले बुलाए होड़ माणसां म्ह तै कोए मेरै खाणै नै कोनी चाखैगा।”

?????? ?? ????-????

25 जिब बड़डी भीड़ यीशु के गेल्या जावै थी, तो उसनै बोहड़कै उनतै कह्या, 26 जै कोए मेरा चेल्ला बणणा चाहवै सै, अर अपणे माँ-बाप अर घरआळी अर बाळकां नै अर भाईयाँ नै अर भाणां नै बल्के अपणे जीवन नै भी मेरे तै ज्यादा प्यार करै सै, तो वो मेरा चेल्ला न्ही हो सकदा। 27 अर जो कोए अपणे दुखां का क्रूस ना ठावै, अर मेरै पाच्छै न्ही आवै, वो भी मेरा चेल्ला कोनी हो सकदा।

28 उदाहरण के तौर पै “थारे म्ह तै कौण सै जो घर बणाणा चाहन्दा हो, अर पैहल्या बैठकै खर्चा न्ही फैलावै के पूरा करण की गुंजास मेरै धोरै सै के न्ही? 29 जै वो आस ना होया करदा हो, तो जिब वो नीम धर ले पर काम पूरा ना कर पावै, तो सारे देखण आळे न्यू कहकै उसका मखौल उड़ावैगे, 30 के यो माणस बणाण तो लाग्या पर पूरा कोनी कर पाया?”

31 या कौण इसा राजा सै जो दुसरे राजा तै युध्द करण जान्दा हो, अर जो विचार करले के जो बीस हजार सैनिक लेकै मेरै पै चढ़या आवै सै, के मै दस हजार सैनिक लेकै उसका सामना कर सकूँ सूँ के न्ही? 32 न्ही तो उसके दूर रहन्दे होए वो दूतां नै भेजकै उसतै मिलाप करणा

† 14:34 14:34 नमक-यीशु के चेल्यां के बारे म्ह बताया गया सै

चाहवैगा। ³³इस्से ढाळ थारे म्ह तै कोए अपणा सारा कुछ त्याग न्ही देवै, वो मेरा चेल्ला कोनी हो सकदा।

??????????

³⁴“नूण† तो बढ़िया सै, पर जै नूण का सुवाद जान्दा रहवै, तो वो किस चीज तै नमकीन करया जावैगा। ³⁵वो ना तो धरती कै अर ना खाद कै खात्तर काम म्ह आवै सै: उसनै तो माणस बाहरणै बगा देवै सै। जिसके कान हों वो ध्यान तै सुण ले।”

15

???? ???? ???? ?? ???? ???

¹सारे चुंगी लेण आळे अर पापी माणस, यीशु कै धोरै आया करै थै ताके उसकी सुणै। ²पर फरीसी अर शास्त्री बरडाकै कहण लागे, “यो तो पापियाँ तै मिलै सै अर उनकै गेल्या खावै भी सै।” ³फेर उसनै उनतै यो उदाहरण कह्या ⁴“थारे म्ह तै कौण सै जिसकी सौ भेड़ हों, अर उन म्ह तै एक खुज्या, तो निन्यानमै नै बण म्ह छोड़के, उस खुई होइ नै जिब ताहीं पा न्ही लेन्दी टोह्न्दा ना रहवै? ⁵अर जिब पा ज्या सै, फेर वो घणा राज्जी होके उस ताहीं कंधे पै ठा लेवै सै, ⁶अर अपने घरां आके साथियाँ अर पड़ोसियाँ नै कट्ठा करके कहवै सै, ‘मेरै गेल्या खुशी मनाओ, क्यूँके मेरी खुई होइ भेड़ पागी सै।’ ⁷मै थमनै कहूँ सूँ, के इस्से तरियाँ तै पापां नै छोड़ण आळे एक पापी खात्तर उन निन्यानबे धर्मियाँ की तुलना म्ह सुर्ग म्ह इसतै भी घणा आनन्द मनाया जावै सै, जिननै पापां की माफी माँगण की जरूरत कोनी।”

???? ???? ???? ???? ?? ???? ???

⁸यीशु नै एक और उदाहरण दिया “के कौण इसी बिरबान्नी होगी जिसके धोरै दस सिक्के हों, अर उन म्ह तै एक खुज्या, तो वा दीवा बाळ कै अर घर झाड़-बुहारके, जिब ताहीं पा न्ही जावै जी लाके टोह्न्दी ना रहवै? ⁹अर जिब पा ज्या सै, तो वा अपनी सहेलियाँ अर पड़ोसणां नै कट्ठा करके कहवै सै, ‘मेरै गेल्या खुशी मनाओ, क्यूँके मेरा खुया होया सिक्का पाग्या सै।’ ¹⁰मै थमनै कहूँ सूँ के इस्से ढाळ जिब कोए माणस अपने पापां नै छोड़के परमेसवर की राह पै चाल्लणा शरु करै सै तो उसके खात्तर भी, परमेसवर के सुर्गदूतां कै स्याम्ही उतणा ए आनन्द मनाया जावै सै।”

???? ???? ???? ???? ?? ???? ???

¹¹फेर यीशु नै एक और उदाहरण देके कह्या, “किसे माणस के दो बेटे थे। ¹²उन म्ह तै छोटे नै पिता तै कह्या, हे पिता, सम्पत्ति म्ह तै जो मेरा बांडे आवै सै वो मन्ने इब्बे दे द्यो। इस करके पिता नै उन ताहीं अपनी सम्पत्ति का बंडवारा कर दिया। ¹³घणे दिन कोनी बीते

थे के छोटे बेटा सारा कुछ कट्ठा करके दूर देश म्ह चल्या गया, अर उड़ै बुरे काम्मां म्ह अपना धन उड़ा दिया। ¹⁴जिब वो सारा कुछ खर्च कर गया, तो उस देश म्ह भारया अकाळ पड्या, अर वो कंगाल होग्या, अर उसके धोरै खाण नै कुछ भी न्ही रह्या। ¹⁵इस करके वो उस देश के बाशिंदां म्ह तै एक कै धोरै काम करण खात्तर, अर उसनै उस ताहीं अपने खेततां म्ह सूअर चरण खात्तर भेज्या। ¹⁶वो भोत भूक्खा था अर वो चाहवै था के उन फळियाँ म्ह तै जिन नै सूअर खावै थे, अपना पेट भरै, अर उस ताहीं कोए कुछ कोनी देवै था। ¹⁷जिब छोटे बेटे के होश ठिकाणे आये अर अपने-आप तै कहण लाग्या, मेरै पिता कै धोरै इसे भोत मजदूर सै जिनके खाणा खाण कै बाद भी घणाए बच जावै सै, पर मै उरै भूक्खा मरण लाग रह्या सूँ। ¹⁸इस करके मै इब उठके अपने पिता धोरै जाऊँगा अर उसतै कहूँगा के पिता जी, मन्ने परमेसवर जो सुर्ग म्ह सै, उसके अर तेरे बिरोध म्ह पाप करया सै। ¹⁹इब इस जोगगा कोनी रह्या के तेरा बेटा कुह्लाऊँ, मन्ने अपने एक मजदूर की ढाळ राख ले।”

²⁰“पर वो उस देश नै छोड़ के अपने बाप कै घर की ओड़ चाल्या, वो इब्बे कुछ ए दूर था के उसके बाप नै उस ताहीं देख्या उसपै तरस आया, अर भाजके अपने बेटे ताहीं छात्ती कै लगाके, उस ताहीं चुम्ता रह्या। ²¹बेटे नै उसतै कह्या, पिता जी, मन्ने परमेसवर जो सुर्ग म्ह सै, उसके अर तेरे बिरोध म्ह पाप करया सै, अर इब इस जोगगा कोनी रह्या के तेरा बेटा कुह्लाऊँ। ²²पर बाप नै अपने नौकरां तै कह्या, ‘ताळ करके सुथरे-सुथरे लत्ते लिकाड़के उसनै पिहराओ, अर उसके हाथ्यां म्ह गुठ्ठी, अर पायां म्ह जूती पहराओ, ²³अर बढ़िया भोज तैयार करो ताके हम खावां अर खुशी मनावं। ²⁴क्यूँके मेरा यो बेटा मरग्या था, दुबारै जीग्या सै: खुग्या था अर इब पाग्या सै।’ अर वे खुशी मनाण लागे। ²⁵पर उसका जेट्ठा बेटा खेत म्ह काम करण लागरया था। जिब वो आन्दे होए घर कै धोरै पोंहच्या, तो उसनै गाण-बजाण अर नाचण का बोल सुण्या। ²⁶आखर म्ह उसनै एक नौकर बुलाके बुझ्या, यो के होण लाग रह्या सै? ²⁷उसनै उस ताहीं कह्या, तेरा भाई बोहड़ आया सै, अर तेरे बाप नै बढ़िया भोज तैयार करवाया सै, इस करके के वो ठीक-ठाक घरा आ गया सै। ²⁸न्यू सुणके वो छो तै भरग्या अर भीत्तर जाणा कोनी चाह्या, पर उसका बाप बाहरणै आके उसनै मनाण लाग्या। ²⁹उसनै बाप तै कह्या, ‘देख, मै इतने साल तै तेरी सेवा-पाणी कर रह्या सूँ, अर कदे भी तेरा हुकम कोनी टाळया, फेरभी तन्नै मेरै ताहीं कदे भी कोए बढ़िया चीज कोनी दी, ताके

मैं अपने साथियों गेल्या आनन्द कर सकूँ।³⁰ पर जब तेरा यो बेटा आया, जिसने तेरी सम्पत्ति अयाशियाँ म्हा उड़ा दी है, तो उसके खात्तर तन्ने बढ़िया भोज तैयार करया।³¹ उसके बाप ने उससे कहा, मेरे बेटे, तू सारी हाण मेरे गेल्या है, अर जो कुछ मेरा है वो सारा तेराए है।³² पर अब आनन्द अर मगन होणा चाहिये क्यूँके यो तेरा भाई जो मरे होए माणसां की तरियां था दुबारा जी गया है, खुगया था, अब पागया है।”

16

????? ?????????

1 फेर यीशु ने चेल्यां ताहीं एक और उदाहरण देकै कहा, “कैसे साहूकार का एक भण्डारी था, अर लोग्गाने उसके स्याम्ही उसपै यो इल्जाम लाया के वो तेरा सारा धन उड़ा देवै है।² आखर म्हा उसने अपने भण्डारी ताहीं बुलाकै कहा, ‘यो के है मेरे बाबत के सुणु सूँ?’ अपने भण्डारीपण का हिसाब दे, क्यूँके तू आगै तै भण्डारी कोनी रह सकदा।”

3 फेर भण्डारी सोचवण लागया, अब मैं के करूँ? क्यूँके मेरा मालिक अब भण्डारी का काम मेरे तै खोस्सै है। माट्टी खोदण का काम मेरे तै होवै कोनी, अर भीख माँगदे होए मन्ने शर्म आवैगी।⁴ मैं जाण गया के मैं के करूँ, ताके मैं जब भण्डारी के काम तै हटाया जाऊँ तो माणस मन्ने अपने घरां म्हा ले लेवै।

5 फेर उसने अपने मालिक के देणदारां ताहीं एक-एक करके बुलाया अर पैहल्या तै बुझया, “तेरे उप्पर मेरे मालिक का कितना कर्जा है?”

6 उसने कहा, “सौ मण* तेल,” फेर उसने उससे कहा, “अपणा खात्ता अर बही ले अर बैठके तावळा पचास लिख दे।”

7 फेर उसने दुसरे तै बुझया, “तेरे पै कितना कर्जा है?” दुसरे ने कहा, सौ मण† गेहूँ, फेर उसने उससे कहा, “अपणा खात्ता अर बही लेके अर बैठके अस्सी लिख दे।”

8 मालिक ने उस अधर्मी भण्डारी ताहीं सराहया के उसने कितनी चतुराई तै काम करया है। क्यूँके इस दुनिया के माणस अपने बखत के माणसां के गेल्या व्यवहार म्हा चाँदणे के माणसां‡ तै घणे चलाक है।⁹ अर मैं थमने कहूँ सूँ के दुनिया की धन-दौलत तै भले काम करके अपने खात्तर साथी बना ल्यो, ताके जब वो धन दौलत न्ही रहवै तो अनन्त काल के घर म्हा थारे स्वागत हो।

10 वे लोग जो थोड़े-तै भी थोड़े म्हा भी विश्वास जोग्गे है, वे घणे म्हा भी विश्वास जोग्गे होंगे, जो थोड़े-तै भी

थोड़े म्हा बेईमान है, वो घणा म्हा भी बेईमान होंगे।¹¹ इस करके जब थम संसारिक धन म्हा विश्वास जोग्गा न्ही ठहरे, तो साच्चा धन थमने कौण देवैगा? ¹² अर जै थम संसारिक धन-दौलत न इस्तमाल करण म्हा भरोस्सेमंद न्ही ठहरे, तो परमेसवर थमने सुर्गीय धन क्यूँ देवैगा?

13 “कोए नौकर दो मालिकां की सेवा एक बखत पै न्ही कर सकदा, क्यूँके वो एक तै बैर अर दुसरे तै प्यार राखैगा, या एक तै मिल्या रहवैगा अर दुसरे नै छोट्टा जाणैगा। थम परमेसवर अर धन दोनुआ की सेवा न्ही कर सकदे।”

????? ?? ???? ??????

14 फरीसी जो लोम्भी थे, ये सारी बात सुणके, मखौल करण लाग्गे।¹⁵ यीशु ने उनसे कहा, “थम तो माणसां के स्याम्ही खुद नै धर्मी ठहराओ सो, पर परमेसवर थारे मन नै जाणै है, क्यूँके जो चीज माणसां की निगांहे म्हा महान है, वा परमेसवर के लोवै घृणित है।”

16 जब तक यूहन्ना आया, जब ताहीं मूसा के नियम-कायदे अर नबी का प्रभाव माणसां पै रह्या। उस बखत तै परमेसवर के राज्य का सुसमाचार सुणाया जाण लागरया है, अर हरेक उस म्हा तेज्जी तै इसकी ओड़ खिचे आण लागरे है।¹⁷ अकास अर धरती का टळ जाणा आसान है, पर नियम-कायदा की हर छोट्टी बात भी पूरी होके रहवैगी।

18 उदाहरण के तौर पै “जो कोए अपनी घरआळी नै छोड़के दुसरी तै ब्याह करै है, वो जारी करै है, अर जो कोए इसी छोड़डी होई बिरबान्नी तै ब्याह करै है, वो भी जारी करै है।”

????????? ?????? ?? ????? ?????

19 फेर यीशु ने कहा, “एक साहूकार माणस था जो बैजनी अर मलमल के महँगे लत्ते पहरदा अर हरेक दिन ऐसो-आराम तै अर मौज तै रहवै था।²⁰ लाजर नाम का एक कंगाल जिसके घा: होरे थे उसकी देहळी पै छोड़ दिया जावै था।²¹ अर वो चाहवै था, के साहूकार के मेज की जूठण तै अपना पेट भरै, उरै ताहीं के कुत्ते भी आके उसके घा: नै चाटचा करै थे।”

22 इसा होया के वो कंगाल मरगया, अर सुर्गदूतां ने उस ताहीं लेके अब्राहम की गोद म्हा पोहचया। वो साहूकार भी मारया अर गाडचा गया,²³ साहूकार नरक म्हा गेरया गया, अर नरक की ताड़ना तै दर्द म्हा पड़े होए अपनी निगांहे ठाई, दूर तै ए अब्राहम के साथ लाजर ताहीं देख्या।²⁴ फेर उसने रुक्का मारके कहा, हे पिता अब्राहम, मेरे पै दया करके लाजर नै भेजदे, ताके वो

* 16:6 16:6 3700 लिटर † 16:7 16:7 4000 किलो ‡ 16:8 16:8 चाँदणे के माणस-विश्वासी माणसां नै कहवै है

अपणी आन्गळी का कुणा पाणी म्ह डबोकै मेरी जीभ नै शीळी करै, क्यूँके मै इस आग तै तड़फूँ सूँ।

25 “पर अब्राहम बोल्या, ‘हे बेट्टे, याद कर, के तन्नै अपणी जिन्दगी म्ह बढिया तै बढिया चीज ले ली सै’, अर उस्से तरियां लाजर नै तुच्छ चीज, पर इब वो उरै सुख अर शान्ति पा रह्या सै, अर तू तड़फ रह्या सै। 26 इन सबके अलावा म्हारै अर तेरे बिचाळै एक बड़ी खाई ठहराई गई सै, के जो उरै तै तेरी ओड़ आणा चाहवै, वे ना जा सकै, अर ना कोए उड़ै इस पाससै म्हारै धोरै आ सकै।”

27 साहूकार बोल्या, तो हे पिता, मै तेरे तै बिनती करूँ सूँ, के उस ताहीं मेरै बाप कै घरां भेज, 28 क्यूँके मेरे पाँच भाई सै, वो उनकै स्याम्ही इन बाततां की गवाही दे, इसा ना हो के वे भी दुख की जगहां म्ह आवै।

29 अब्राहम नै उसतै कह्या, उनकै धोरै तो मूसा के नियम-कायदे, नबी अर नबियाँ की किताब सै, वे उनकी सुणै।

30 साहूकार बोल्या, “न्ही, पिता अब्राहम, पर जै कोए मेरे होया म्ह तै उनकै धोरै जावै, तो वे पाप करणा छोड़ देंगे।”

31 अब्राहम नै उसतै कह्या, “जिब वे मूसा नबी अर नबियाँ की न्ही सुणदे, तो जै मेरे होया म्ह तै कोए जी भी जा, तोभी उसकी कोनी मान्नेगें।”

17

?????? ? ? ? ? ? ? ? ?

1 फेर यीशु नै अपने चेल्यां तै कह्या, “हो न्ही सकदा के ठोक्कर ना लागूँ, पर धिक्कार सै, उस माणस पै जिसकै बाबत ठोक्कर लागूँ सै। 2 पर जो कोए इन छोट्या बाळकां समान जो मेरै पै बिश्वास करै सै, किसे तै भी पाप करवावै तो उसकै खात्तर भला योए सै के एक बड्डी चाक्की का पाट उसकै गळ म्ह लटकाया जावै अर वो समुंदर म्ह गेरया जावै।”

3 सावधान रहों, “जै तेरा बिश्वासी भाई पाप करै तो उसनै समझा, अर जै पछतावै तो उसनै माफ करदे। 4 जै हरेक दिन वो तेरे बिरुध्द म्ह सात बार भी पाप करै, अर सात्तु बार तेरे धोरै आकै कहवै, मै पछताऊँ सूँ, तो उसनै माफ करदे।”

??????

5 फेर प्रेरितां नै प्रभु यीशु तै बिनती करी, “के म्हारे बिश्वास नै बढ़ा।”

6 प्रभु बोल्या, “जै थमनै राई कै दाणै बराबर भी बिश्वास होन्दा, तो थम इस शहतूत कै दरखत नै कहन्दे के जड़ तै उखड़कै समुन्दर म्ह जा लाग, तो वो थारी मान लेन्दा।”

?????? ? ? ? ? ? ? ? ?

7 फेर यीशु नै कह्या, “मान ल्यो थारे म्ह तै किसे कै धोरै एक नौक्कर सै जो नौक्कर हळ चलान्दा या भेड़ चरान्दा हो, अर जिब वो खेत तै बोहड़ आवै, तो के थम उसतै कहोंगे, ‘आकै मेरे गैल खाणा खाण बैठ ज्या?’ 8 पर इसके बजाये के वो अपने नौक्कर न्यू कोनी कहवैगा, ‘मेरे खात्तर खाणा त्यार कर, अर मेरे ताहीं खाणा परोसण खात्तर तैयार हो ज्या, जिब ताहीं मै खाऊँ पीऊँ तब ताहीं मेरी सेवा-पाणी कर, इसके पाच्छै तू भी खा-पी लिये?’ 9 के वो उस नौक्कर का श्यान मान्नेगा के उसनै वैए काम करे जिसका हुकम दिया सै? 10 इस्से तरियां तै थम भी जिब उन सारे काम्मां नै कर ल्यो जिसका हुकम थारे ताहीं दिया गया सै, तो उस ताहीं कर लेण के बाद थमनै कहणा चाहिये, ‘हम नौक्कर सां, हम किसे बड़ाई के हकदार कोनी हमनै तो बस अपना फर्ज निभाया सै।’”

?????? ? ? ? ? ? ? ? ? ? ? ? ? ? ?

11 फेर जिब यीशु यरुशलैम जाण लागरया था तो सामरिया अर गलील परदेस कै बिचाळै की सीमा तै होन्दा होया लिकड्या। 12 तो गाम म्ह बड़दे बखत उसनै दस कोढ़ी मिले वे दूर खड़े थे। 13 वे जोर तै रुक्का मारकै बोल्ले, “हे यीशु, हे माल्लिक, म्हारै पै दया कर!”

14 यीशु नै उन कान्ही लखाकै कह्या, “यरुशलैम के मन्दर म्ह जाओ, अर खुद नै याजकां ताहीं दिखाओ, ताके वो भी देखै के थम ठीक होए सों के न्ही।” अर जान्दे ए जान्दे वे कोढ़ तै मुक्त होगये।

15 फेर उन म्ह तै एक न्यू देखकै के मै ठीक होगया सूँ, जोर-जोर तै परमेसवर की बड़ाई करदा होया यीशु कै धोरै बोहड़या, 16 अर यीशु कै पायां पै मुँह कै बळ पड़कै उसका धन्यवाद करण लागया, अर वो सामरी था।

17 इसपै यीशु नै कह्या, “के दस कोढ़ी चंगे न्ही होए, तो फेर नौ कित्त सै? 18 के गैर यहूदी नै छोड़ कोए और न्ही लिकड्या जो परमेसवर की बड़ाई करदा?” 19 फेर उसनै उस ताहीं कह्या, “उठकै चल्या जा, तन्नै बिश्वास करया इस खात्तर तू ठीक होगया सै।”

?????? ? ? ? ? ? ? ? ?

20 फेर फरीसियां नै यीशु तै बुझ्या के परमेसवर का राज्य कद आवैगा, तो उसनै उनतै जवाब दिया, “परमेसवर का राज्य इस ढाळ आवैगा के थम उसनै अपणी आँखां तै न्ही देख सकदे। 21 अर ना ए माणस इसके बारे म्ह न्यू कह सकैगे, देखकों यो सै परमेसवर का राज्य। क्यूँके परमेसवर का राज्य थारे बिचाळै सै।”

22 फेर यीशु नै चेल्यां तै कह्या, “वो दिन आवैगा, जिब थम उस दिन नै देखणा चाहोंगे जिब मै माणस का बेट्टा बोहड़ के आऊँगा पर थम उस दिन नै देख न्ही पाओगे।”

किसे का कुछ भी जुल्म करके ले लिया है तो उस ताहीं चौगुणा बोहड़ा द्यु सूँ।”

9 फेर यीशु नै उसतै कह्या, “आज इस घर के माणसां पै उद्धार आया है, इस करके के यो भी अब्राहम के वंश तै है। 10 मै माणस का बेटा खोए होया नै टोह्ल अर उनका उद्धार करण आया सूँ।”

☞ ☞☞☞☞☞ ☞☞ ☞☞☞☞☞☞

11 जब वे ये बात सुणे थे, तो यीशु नै एक उदाहरण देकै कह्या, इस करके के वो यरुशलेम के धोरै था, अर वे समझै थे के परमेसवर का राज्य इब्बे जाहिर होण आळा है। 12 आखर उसनै कह्या, “एक साहूकार माणस दूर देश तै चल्या के राजपद पाकै बोहड़ै।” 13 उसनै अपने नौकरां म्ह तै दस ताहीं बुलाकै उन ताहीं दस मोहर दी अर उनतै कह्या, “मेरै बोहड़ण ताहीं लेण-देण करियो।”

14 पर उसकै नगर के बासिन्दे उसतै बैर राक्खै थे, अर उसकै पाच्छै दूतां तै कुह्ला भेज्या, “हम नही चाहन्दे के यो म्हारै पै राज करै।”

15 “जब माल्लिक राजपद पाकै बोहड़या, तो इसा होया के उसनै अपने नौकरां ताहीं जिन ताहीं रपिये दिये थे, अपने धोरै बुलाया ताके बेरा करै के उननै लेण-देण म्ह के-के कमाया।”

16 फेर पैहल्डे नै आकै कह्या, “हे माल्लिक, तेरी मोहर तै दस और मोहर कमाई है।”

17 उसनै उसतै कह्या, “शाबाश, हे आच्छे नौक्कर! तू घणेए थोड़े म्ह भरोसमंद लिकड़या इब दस नगरां का हक राख।”

18 दुसरे नौक्कर नै आकै कह्या, “हे माल्लिक, तेरी मोहर तै पाँच और मोहर कमाई है।”

19 माल्लिक नै उसतै कह्या, “तू भी पाँच नगरां पै हाकिम होज्या।”

20 तीसरे नौक्कर नै आकै कह्या, “हे माल्लिक, देख, तेरी मोहर या है: जिस ताहीं मन्नै अंगोच्छे म्ह जुड़ राक्खी थी। 21 क्यूँके मै तेरे तै डरूँ था, इस करके के तू कठोर माणस है: जो तन्नै नही धरया उसनै ठा ले है, अर जो तन्नै नही बोया, उस ताहीं काट्टै है।”

22 माल्लिक नै उसतै कह्या, “हे दुष्ट नौक्कर, मै तेरेए मुँह तै तन्नै कसूरवार ठहराऊँ सूँ। जब तन्नै मेरा बेरा है के करड़ा माणस सूँ, जो मन्नै नही धरया उसनै ठा ल्यु सूँ, अर जो मन्नै नही बोया, उस ताहीं काट्टू सूँ, 23 तो तन्नै मेरे रपिये सर्राफां के धोरै क्यातै कोनी धरे के मै आकै ब्याज सुधां ले लेन्दा?”

24 अर जो माणस धोरै खड़े थे, उसनै उनतै कह्या, “वा मोहर उसतै ले ल्यो, अर जिसकै धोरै दस मोहर है उसनै दे द्यो।”

25 उननै उसतै कह्या, “हे माल्लिक, उसकै धोरै दस मोहर तो है।”

26 “मै थमनै कहूँ सूँ के जिसकै धोरै है, उस ताहीं दिया जावैगा, अर जिसकै धोरै नही है, उसतै वो भी जो उसकै धोरै है ले लिया जावैगा। 27 पर मेरे उन बैरियां ताहीं जो नही चाहवैं थे के मै उनपै राज करूँ, उन ताहीं उरै ल्याकै मेरे स्याम्ही घात करो।”

☞☞☞☞☞☞ ☞☞☞ ☞☞☞☞☞☞

28 ये बात कहके यीशु यरुशलेम नगर के कान्ही चेल्यां के आगै-आगै चाल्या। 29 जब वो जैतून नामक पहाड़ पै बैतफगे अर बैतनिय्याह गाम के धोरै पोंहच्या, तो उसनै अपने चेल्यां म्ह तै दोयां ताहीं न्यु कहके भेज्या, 30 “स्याम्ही के गाम म्ह जाओ, अर उस म्ह पोहोचदये एक गधी का बच्चा जिसपै कोए कदे नही बठचा हो, बन्धया होड़ थमनै मिलैगा, उसनै खोल के लियाओ। 31 जै धारे तै कोए बुद्धि के क्यातै खोल्लो सो, तो कहियो के प्रभु नै इसकी जरूरत है।”

32 जो भेज्जै गए, उननै जाके जिसा यीशु नै कह्या था, उससे तरियां पाया। 33 जब वे गधी के बच्चे नै खोल्लै रहे थे, तो उसके मालिकां नै उनतै बुद्धिया, “इस बच्चे नै क्यातै खोल्लो सो?”

34 चेल्यां नै कह्या, “प्रभु नै इस ताहीं काम म्ह ल्याणा है।”

35 वे उसनै यीशु के धोरै लियाए, अर अपने लत्ते उस गधी के बच्चे पै गेरके यीशु ताहीं उसपै बिठा दिया।

36 जब वो जाण लागरया था, तो वे अपने लत्ते राह म्ह बिछान्दे जावै थे।

37 यरुशलेम नगर के धोरै आन्दे होए जब यीशु जैतून पहाड़ की ढलाण पै पोंहच्या, तो चेल्यां का सारा टोळ उन सारे सामर्थ के काम्मां के कारण जो उननै देखे थे, राज्जी होकै जोर तै परमेसवर की जय-जयकार करण लागगे

38 “धन्य है वो राजा, जो प्रभु के नाम तै आवै है! सुर्ग म्ह शान्ति अर अकास मण्डप म्ह महिमा हो!”

39 फेर भीड़ म्ह तै कुछ फरीसी यीशु तै कहण लागगे, “हे गुरु, इस बात के कारण अपने चेल्यां नै धमका।”

40 उसनै जवाब दिया, “मै थमनै कहूँ सूँ, जै ये बोल-बाल्ले रहे तो स्तुति इन पत्थरां तै लिकड़ण लाग्गैगी।”

☞☞☞☞☞☞ ☞☞ ☞☞☞☞☞☞

41 जब यीशु यरुशलेम नगर के धोरै आया तो नगर नै देखके माणसां खात्तर रोया 42 अर बोल्या, “कितना भला होन्दा के तू, हाँ, तू ए आज इतणाए समझ लेन्दा की परमेसवर के साथ शान्ति का के मतलब है, पर यो तेरे तै लहको के राख्या गया है। 43 क्यूँके वे दिन तेरे

मह आवैगें के तेरे बैरी मोर्चा बाँधकै तन्नै घेर लेवैगें, अर चौगरदे तै तन्नै दबावैगें ताके थारा राह बन्द होज्या, 44 अर तेरा बैरी तन्नै अर तेरे बाळकां ताहीं जो तेरे मह सै, माट्टी मह मिलवैगें, अर तेरे मह पत्थर पै पत्थर भी कोनी रहवैगा, जो गेरया ना जावैगा, क्यूँके तन्नै उस मौक्कै ताहीं जिब तेरे पै दया की निगांह होई थी तो तन्नै कोनी पिच्छाणा ।”

????? ?? ?????????????? ?? ???????
?????

45 फेर वो मन्दर मह जाकै समान बेचण आळा ताहीं बाहरणै लिकाड़ण लाग्या, 46 अर उनतै कह्या, “पवित्तर शास्त्र मह लिख्या सै, ‘मेरा घर प्रार्थना का घर होगा,’ पर थमनै इस ताहीं डाकुआं की गुफा बना दिया ।”

47 वो हरेक दिन मन्दर मह उपदेश दिया करै था, अर प्रधान याजक अर शास्त्री अर माणसां के मुखिया उसका नाश करण का मौक्का टोह्वै थे। 48 पर कोए जुगाड़ कोनी काढ सकै थे, के यो किस तरियां करा, क्यूँके सारे माणस घणे चाह तै उसकी सुणै थे।

20

????? ?? ?????????? ?? ?????????

1 एक दिन इसा होया के जिब यीशु मसीह मन्दर मह माणसां नै उपदेश देवै था अर सुसमाचार सुणावै था, तो प्रधान याजक अर शास्त्री, यहूदी अगुवां के गेल्या धौरै आकै खड़े होए, 2 अर कहण लाग्गे, “म्हारै ताहीं बता, तू इन काम्मां नै किसकै हक तै करै सै, अर वो कौण सै जिसनै तेरे ताहीं यो हक दिया सै?”

3 उसनै उनतै कह्या, “मै भी थारे तै एक बात बुझ्हु सूं, मन्नै बताओ। 4 यूहन्ना का बपतिस्मा सुर्ग की ओड़ था या माणसां की ओड़ तै था?”

5 फेर वे आप्पस मह कहण लाग्गे, “जै हम कह्वां, ‘सुर्ग की ओड़,’ तो वो कहवैगा, ‘फेर थमनै उसका विश्वास क्यांतै न्ही करया?’ 6 अर जै हम कह्वां, ‘माणसां की ओड़,’ तो सारे माणस म्हारै पै पत्थर बरसावैगें, क्यूँके सारे जाणै सै के यूहन्ना साच्चिये नबी था ।”

7 आखर उननै जवाब दिया, “हमनै न्ही बेरा के वो किस ओड़ तै था ।”

8 यीशु नै उनतै कह्या, “तो मै भी कोनी बतान्दा के मै ये काम किस हक तै करूं सूं।”

????? ?????????? ?? ?????????

9 फेर वो माणसां तै यो उदाहरण कहण लाग्या: “किसे माणस नै अंगूर का बाग लगाया, अर किसानां तै उसनै टेक्का दे दिया अर घणे दिनां खात्तर परदेस चल्या गया। 10 जिब बखत आया तो उसनै किसानां के धौरै एक

नौक्कर ताहीं भेज्या के वे अंगूर के बाग के कुछ फळां का हिस्सा उसनै देवै, पर किसानां नै उस ताहीं छेतकै रिक्ते हाथ्यां बोहड़ा दिया। 11 फेर उसनै एक और नौक्कर ताहीं भेज्या, अर उननै उस ताहीं भी छेतकै अर उसकी बेजती करकै रिक्ते हाथ्यां बोहड़ा दिया। 12 फेर उसनै तीसरा भेज्या, उननै उस ताहीं भी घायल करकै लिकाड़ दिया ।”

13 फेर अंगूर के बाग के माल्लिक नै कह्या, “मै के करूं? मै अपणे प्यारे बेट्टे नै भेज्जूगा, हो सकै सै वे उसकी इज्जत करै ।”

14 जिब किसानां नै उस ताहीं देख्या तो आप्पस मह विचार करण लाग्गे, “यो तो वारिस सै, आओ, हम इसनै मार दया के विरासत म्हारी हो जावै ।” 15 अर उननै उस ताहीं अंगूर के बाग तै बाहरणै लिकाड़कै मार दिया। इस करकै अंगूर के बाग का माल्लिक उनकै गेल्या के करैगा? 16 वो आकै उन किसानां का नाश करैगा, अंगूर के बाग औरां नै सोपैगा। न्यू सुणकै उननै कह्या, “परमेसवर करै इसा ना हो ।”

17 उसनै उनकी ओड़ देखकै कह्या, फेर यो के लिख्या सै: “जिस पत्थर नै राजमिस्त्रियां नै निकम्मा ठहराया था, वोए कोणे का सिरा होग्या।

18 “जो कोए उस पत्थर पै पड़ैगा वो चकणाचूर हो ज्यागा, अर जिसपै वो पड़ैगा, उसनै पिस देवैगा ।”

????? ?????????? ?? ??????

19 उस्से बखत शास्त्रियां अर प्रधान याजकां नै उस ताहीं पकड़णा चाह्या, क्यूँके वे समझ्गे थे के उसनै म्हारै पै यो उदाहरण कह्या, पर वे माणसां तै डरगे।

20 अर वे उसकी टाह मह लाग्गे अर भेदिए भेज्जै के धर्म का भेष धरकै उसकी कोए ना कोए बात पकड़ै, ताके उस ताहीं राज्यपाल के हाथ अर अधिकार मह सौंप दें। 21 उननै उसतै न्यू बुझ्झया, “हे गुरु, हमनै बेरा सै के तू ठीक कहवै अर सिखावै भी सै, अर किसे की मेरै कोनी लेन्दा, बल्के परमेसवर की राह सच्चाई तै बतावै सै। 22 के म्हारा कैसर तै चुंगी देणा ठीक सै या कोनी?”

23 उसनै उनकी श्याणपत ताहीं ताड़कै उनतै कह्या, 24 “एक दीनार (एक दिन की मजदूरी) मन्नै दिखाओ। इसपै किसकी छाप अर नाम सै?” उननै कह्या, “कैसर का ।”

25 उसनै उन ताहीं कह्या, “तो जो कैसर का सै, वो कैसर नै द्यो, अर जो परमेसवर का सै, वो परमेसवर नै द्यो ।”

26 वे माणसां के स्याम्ही इस बात मह उसनै पकड़ कोनी सके, बल्के उसकै जवाब तै हैरान होके बोल-बाल्ले रहगे।

२७ फेर सद्की जो कहवै सै के मरे होया का जिन्दा होणा सै ए कोनी उन म्ह तै कुछ नै उसके धोरै आकै बुझ्झया, २८ “हे गुरु, मूसा नबी नै म्हारै खात्तर यो लिख्या सै: जै किसे का भाई अपणी घरआळी कै रहन्दे बेऊलादा मर जावै, तो उसका भाई उसकी घरआळी तै ब्याह करले, अर अपणे भाई कै खात्तर पीढ़ी पैदा करै। २९ सात भाई थे, पैहल्ला भाई ब्याह करकै बेऊलादा मरग्या। ३० फेर दुसरे ३१ अर तीसरे नै भी उस बिरबान्नी तै ब्याह कर लिया। इस तरियां तै सात्तु बेऊलादे मरगे। ३२ आखर म्ह वा बिरबान्नी भी मरगी। ३३ आखर म्ह जिन्दा होण पै वा उन म्ह तै किसकी घरआळी होवैगी, क्यूँके वा सातुवां की घरआळी हो ली थी।”

३४ यीशु नै उनतै कह्या, “इस युग की ऊलादां म्ह ब्याह होवै सै, ३५ पर जो माणस इस जोगगे ठहरैगें के उस युग नै अर मरे होया म्ह तै जिन्दा उठठणके पद नै पा लेवै, उन म्ह ब्याह शादी कोनी होन्दी। ३६ वे दुबारै मरण के भी कोनी, क्यूँके वे सुर्गदूतां की ढाळ होवैगें, अर पुनरुत्थान की ऊलाद होणे तै परमेसवर की भी ऊलाद होवैगें। ३७ पर इस बात ताहीं के मरे होए जिन्दा होवै सै, मूसा नबी नै भी झाड़ी की कहाँनी म्ह दिखाया सै के वो प्रभु ताहीं ‘अब्राहम का परमेसवर, अर इसहाक का परमेसवर अर याकूब का परमेसवर कहवै सै।’ ३८ परमेसवर तो मुर्दा का कोनी पर जिन्दा का परमेसवर सै: क्यूँके उसके लोवै सारे जिन्दे सै।”

३९ फेर न्यू सुणकै शास्त्रियाँ म्ह तै कुछ नै न्यू कह्या, “हे गुरु, तन्नै ठीक कह्या।” ४० अर उननै दुबारै उसतै कुछ और बुझ्झण की हिम्मत कोनी करी।

२७२७ २७२७७ २७२७२७ २७?

४१ फेर उसनै उनतै बुझ्झया, “मसीह नै दाऊद की ऊलाद किस तरियां कहवै सै?” ४२ दाऊद खुदे भजन संहिता की किताब म्ह कहवै सै:

४३ प्रभु नै मेरै प्रभु तै कह्या, “मेरै सोळे कान्ही बैठ, जब ताहीं के मै तेरे बैरियाँ तेरे पायां म्ह न्ही झुका दियुँ।”

४४ दाऊद तो उसनै प्रभु कहवै सै, “तो फेर वो उसकी ऊलाद किस ढाळ होया?”

२७२७२७२७२७२७ २७ २७२७२७२७

४५ जब सारे सुणै थे, तो उसनै अपणे चेल्यां तै कह्या, ४६ “शास्त्रियाँ तै चौकन्ने रहियो, जिनताहीं लाम्बे-लाम्बे चोगे पहरकै हांडणा आच्छा लाग्गै सै, अर जिन नै बजारां म्ह नमस्कार, अर आराधनालयाँ म्ह खास बैठणा अर जिम्मण म्ह खास जगहां प्यारी लाग्गै सै। ४७ वे

बिधवायाँ के घर खा जावै सै, अर दिखाण खात्तर घणी वार ताहीं प्रार्थना करदे रहवै सै: ये घणा दण्ड पावैगें।”

21

२७२७२७ २७२७२७ २७ २७२७

१ फेर उसनै निगांह ठाकै सहकारां ताहीं अपणा-अपणा दान भण्डार म्ह घालदे देख्या। २ उसनै एक कंगाल बिधवा ताहीं भी उस म्ह दो दमड़ी (जो एक धेले के बराबर होवै सै) घालदे देख्या। ३ फेर उसनै कह्या, “मै थमनै सच कहूँ सूँ के इस कंगाल बिधवा नै सारया तै बाध घाल्या सै। ४ क्यूँके उन सारया नै अपणी-अपणी बढदी म्ह तै दान म्ह कुछ घाल्या सै, पर इसनै अपणी घटी म्ह तै अपणी सारी कमाई घाल्ली सै।”

२७२७२७ २७ २७२७२७ २७ २७२७२७२७२७२७

५ जब घणखरे माणस मन्दर के बाबत कहरै थे के वो किसे सुथरे पत्थरां अर भेटां की चिज्जां तै समारया गया सै, तो उसनै कह्या, ६ “वे दिन आवैगें, जिन म्ह यो सारा जिन नै थम देखो सो, उन म्ह तै उरै किसे पत्थर पै पत्थर भी कोनी रहवैगा, जो गेरया न्ही जावैगा।”

२७२७२७ २७ २७२७२७

७ उननै उसतै बुझ्झया, “हे गुरु, यो सारा कद होवैगा? अर ये बात जब पूरी होण पै होवैगी, तो उस बखत की के निशान्नी होवैगी?”

८ उसनै कह्या, “चौकन्ने रहियो के भकाए ना जाओ, क्यूँके घणखरे मेरै नाम तै आकै कहवैगें, ‘मै वोए सूँ,’ अर न्यू भी के, ‘बखत लोवै आण पोंहच्या सै।’ थम उनकै पाच्छै ना चले जाइयो। ९ जब थम रोळे अर झगड़े का जिक्र सुणो तो घबराईयो ना, क्यूँके इनका पैहल्या होणा जरूरी सै, पर उस बखत जिब्बे खात्मा कोनी होवैगा।”

१० फेर उसनै उनतै कह्या, “जात पै जात अर राज्य पै राज्य चढाई करैगा, ११ अर बड़े-बड़े हाल्लण आवैगें, अर जगहां-जगहां अकाळ अर महामारियाँ पड़ैगी, अर अकास म्ह खतरनाक बात अर बड़े-बड़े निशान जाहिर होवैगें।”

१२ पर इन सारी बात्तां तै पैहल्या मेरै नाम के बाबत थमनै पकड़ैगें, अर काल करैगें, अर आराधनालयाँ म्ह सौपैगें, अर जेळ म्ह गिरवावैगें, राज्यपालों अर राजयां के स्याम्ही ले जावैगें। १३ पर यो थारे खात्तर गवाही देण का मौक्का हो जावैगा। १४ इस करकै अपणे-अपणे मन म्ह ठान ल्यो के हम पैहल्या तै जवाब देण की फिक्र कोनी करागें। १५ क्यूँके मै थारे ताहीं इसा बोल अर समझ दियुँगा के थारे सारे बिरोधी सामना या खण्डन कोनी कर सकैगें। १६ थारे माँ-बाप, अर भाई अर कुण्बा, अर साथी

भी थमनै पकड़वावैगें, उरै ताहीं के थारे म्ह तै कईयाँ नै मरवा देवैगें। 17 मेरै नाम कै कारण सारे माणस थारे तै बैर राखवैगें। 18 पर थारे सिर का एक बाळ भी बाँका कोनी होवैगा। 19 अपने धीरज तै थम अपनी जान नै बचाए राखवोगे।

?????? ? ? ? ? ? ? ? ? ? ? ? ? ? ? ? ? ? ?

20 “जिब थम यरुशलेम की पलटन तै घिरया होया देखो, तो जाण लियो के उसका उजड़ जाणा लोवै सै। 21 फेर जो यहूदिया परदेस म्ह हों पहाड़ाँ पै भाज जावै, अर जो यरुशलेम नगर कै भीत्तर हों वे बाहरणै लिकड़ जावै, अर जो गाम्मां म्ह हों वे उस म्ह न्ही जावै। 22 क्यूँके ये बदला लेण के इसे दिन होंगे, जिब म्ह लिक्खी होई सारी बात पूरी हो जावैगी। 23 उन दिनां म्ह जो गर्भवती अर दूध पिलान्दी बिरबान्नी होवैगीं, उनके खात्तर भागणा भी मुश्किल होगा! क्यूँके देश म्ह बड़ड़ा क्लेश अर इन माणसां पै बड़ड़ा प्रकोप होवैगा। 24 वे तलवार की कौर हो जावैगें, अर सारे देश कै माणसां म्ह कैदी होके पोहुचाये जावैगें, अर जिब ताहीं गैर यहूदी का बखत पूरा कोनी होवै, जद ताहीं यरुशलेम गेरजात्तां तै रोद्या जावैगा।

????? ? ? ? ? ? ? ? ? ? ? ? ? ? ? ? ? ?

25 “सूरज, चाँद, अर तारां म्ह निशान्नी दिखैगी, अर धरती पै देश-देश के आदमियाँ पै संकट होगा, क्यूँके वे समुन्दर कै गरजण अर लहरां के रोळें तै घबरां जावैगें। 26 भय कै कारण अर दुनिया पै आण आळी घटनायां की बाट देखदे-देखदे माणसां कै जी म्ह जी कोनी रहवैगा, क्यूँके अकास की शक्तियाँ हलाई जावैगी। 27 फेर वे माणस के बेट्टे नै सामर्थ अर बड़डी महिमा कै गेल्या बादळां पै आन्दे देखैगें। 28 जिब ये बात होण लागै, तो सीधे होके अपने सिर उप्पर ठाईयो, क्यूँके थारा छुटकारा लोवै होगा।”

?????? ? ? ? ? ? ? ? ? ? ? ? ? ? ? ? ? ? ?

29 यीशु नै उनतै एक उदाहरण देके कह्या, “अंजीर के दरखत अर सारे दरखतां नै देखो। 30 ज्योए उन म्ह कोंपले लिकड़ै सै, तो थम खुद जाण ल्यो सो, के गर्मी का बखत लोवै सै। 31 इस तरियां तै जिब थम ये बात होन्दे देखो, तो जाण ल्यो के परमेसवर का राज्य लोवै सै।”

32 मै थमनै साच्ची कहूँ सूँ के जिब ताहीं ये सारी बात न्ही हो ले, जद तक इस पीढ़ी का कदे भी अन्त कोनी होवैगा। 33 धरती अर अकास टळ जावैगें, पर मेरी बात कदे न्ही टळैगी।

?????? ? ? ? ?

34 “इस करके चौकन्ने रहियो, इसा ना हो के थारा मन खुमार, अर मतवालेपण, अर इस जिन्दगी की फिकर

तै सुस्त हो जावै, अर वो दिन थारे पै फन्दे की ढाळ चाणचक आण पड़ै। 35 क्यूँके वो सारी धरती के सारे बासिन्दा पै इस तरियां आण पड़ैगा। 36 इस करके जागदे रहो अर हर बखत प्रार्थना करदे रहो के थम इन सारी आण आळी घटनायां तै बचण अर माणस के बेट्टे कै स्याम्ही खड़े होण कै जोगगे बण सको।”

37 वो दिन म्ह मन्दर म्ह उपदेश देवै था, अर रात नै बाहरणै जाके जैतून नामक पहाड़ पै रह्या करै था, 38 अर सबेरै नै तड़के सारे माणस उसकी सुणण की खात्तर मन्दर म्ह उसके धोरै आया करै थे।

22

????? ? ? ? ? ? ? ? ? ? ? ? ? ? ? ? ? ?

1 अखमीरी रोटी का त्यौहार जो फसह कुह्वावै सै, धोरै था, 2 अर प्रधान याजक अर शास्त्री इस बात की टोह म्ह थे। के यीशु नै किस तरियां मारै, पर वे माणसां तै डरै थे।

?????? ? ? ? ? ? ? ? ? ? ? ? ? ? ? ? ? ? ?

3 फेर शैतान यहूदा म्ह बड़ग्या, जो इस्करियोती कुह्वावै अर बारहां चेल्यां म्ह गिण्या जावै था। 4 उसनै जाके प्रधान याजकां अर पहरदार के सरदारां के गेल्या बातचीत करी के किस तरियां यीशु नै उनके हाथ पकड़वांवां। 5 वे राज्जी होए, अर उस ताहीं रुपिये देण का वादा किया। 6 वो मान गया अर मौक्का टोह्ल लाग्या के जिब भीड़ न्ही हो तो उसनै उनके हाथ पकड़वा दे।

?????? ? ? ? ? ? ? ? ? ? ? ? ? ? ? ? ? ? ?

7 फेर अखमीरी रोटी के त्यौहार का दिन आया, जिसम्ह फसह का मेम्ना बलि करणा जरूरी था।

8 यीशु नै पतरस अर यूहन्ना ताहीं यो कहके भेज्या, “जाके म्हारै खाण खात्तर फसह त्यार करो।”

9 उननै यीशु तै बुझया, “तू कित्त चाहवै सै के हम उसनै त्यार करा?”

10 यीशु नै चेल्यां ताहीं कह्या, देखो, नगर म्ह बड़तेए एक आदमी पाणी का पैदा ठाए होए थमनै मिलैगा, जिस घर म्ह वो जावै थम उसके पाच्छे चले जाइयो, 11 अर उसके घर के माल्लिक तै कहियो, “गुरु तेरे तै बुझ्झै सै के वा बैठक कित्त सै जिस म्ह मै अपने चेल्यां के गेल्या फसह खाऊँ?” 12 वो थमनै एक सजी-सजाई बड़ी अटारी दिखा देवैगा, ओड़ैए त्यारी करियो। 13 उननै जाके, जिसा उसनै उनतै कह्या था, उससे तरियां पाया अर फसह का भोज त्यार करया।

??????-?????

14 जद वा घड़ी आगी, के यीशु प्रेरितां गेल्या खाणा खाण बैठचा। 15 अर उसनै उन ताहीं कह्या “मन्नै बड़ी

धोरै आया के उसनै चूम ले। 48 यीशु नै उसतै कह्या, “हे यहूदा, के तू चुम्मा लेकै माणस के बेट्टा नै पकड़वावै सै?”

49 उसकै साथियाँ नै जद देख्या के, के होण आळा सै, तो कह्या “हे प्रभु, के हम तलवार चलावां?” 50 अर उन म्ह तै एक नै महायाजक के नौक्कर पै तलवार चलाकै उसका सोळा कान उड़ा दिया।

51 इसपै यीशु नै कह्या, “इब बस करो।” अर उसका कान छू के उस ताहीं ठीक करया।

52 फेर यीशु नै प्रधान याजकां अर मन्दर कै पैहरेदारां कै सरदारां अर यहूदी अगुवां तै, जो उसपै चढ़ गये थे, कह्या, “के थम मन्नै डाकू जाणकै तलवार अर लाट्टी लेकै लिकड़े सो? 53 जद मै मन्दर म्ह हरेक दिन थारे गेल्या था, तो थमनै मेरै हाथ भी कोनी लाया, पर यो थारा बखत सै, अर अन्धकार का हक सै।”

??????

54 फेर वे यीशु नै पकड़कै ले चाल्ले, अर महायाजक कै घर म्ह लाये, पतरस दूरे ए दूर उसकै पाच्छै-पाच्छै चाल्लै था। 55 अर जद वे आँगण म्ह आग सुलगाकै कट्टे बेट्टे, तो पतरस भी उसके बिचाळै बैठग्या। 56 फेर एक नौकराणी उस ताहीं आग कै चाँदणे म्ह बेट्ट्या देखकै अर उस कान्ही देखकै कहण लागगी, “यो भी तो उसकै गेल्या था।”

57 पर पतरस नै यो कहकै मना कर दिया, के “हे, जनानी मै उसनै कोनी जाणदा।”

58 थोड़ी हाण पाच्छै किसे और नै पतरस ताहीं देखकै कह्या, “तू भी तो उन म्ह तै ए सै।” उसनै कह्या, “हे भाई, मै वो कोनी।”

59 कोए एक घंटे कै पाच्छै एक और माणस पक्के बिश्वास तै कहण लाग्या, “सही म्ह यो भी तो उसकै गेल्या था, क्यूँके यो गलीलवासी सै।”

60 पतरस नै कह्या, “हे भाई, मै न्ही जाणदा के तू के कहवै सै!” वो या कहवैए था के मुर्गे नै बाँग देई 61 फेर घूमकै प्रभु नै पतरस की ओड़ देख्या अर पतरस नै प्रभु की बात याद आई जो उसनै कही थी: “आज मुर्गे कै बाँग देण तै पैहल्या, तू तीन बर इन्कार करैगा।” 62 अर वो बारणै लिकड़कै नै फूट-फूटकै रोण लाग्या।

??????

63 जो माणस यीशु नै पकड़े होए थे, वे उसका मजाक बणाकै पीटण लागगे, 64 अर उसकी आँख ढँक कै उसतै बुझया, “भविष्यवाणी करकै बता के तेरे किसनै मारया!” 65 अर उननै घणीए बुराई की बात उसकै बिरोध म्ह कही।

??????

66 जिब दिन लिकड़या तो यहूदी अगुवें, प्रधान याजक अर शास्त्री कट्टे होए, अर उस ताहीं अपणी बड़डी सभा म्ह ल्याकै बुझया, 67 “जै तू मसीह सै, तो म्हारै ताहीं कह दे!” उसनै उनतै कह्या, “जै मै थारे तै कहूँ, तो बिश्वास कोनी करोगे, 68 अर जै बुझ्यु, तो जवाब न्ही दोगे। 69 पर इब तै मै माणस का बेट्टा सर्वशक्तिमान परमेसवर कै सोळी ओड़ बेट्ट्या रहूँगा।”

70 इसपै सब नै कह्या, “तो के तू परमेसवर का बेट्टा सै?” यीशु नै उन ताहीं कह्या, “थम अपणे-आपे कहो सों, क्यूँके मै सूँ।”

71 फेर उननै कह्या, “इब हमनै गवाह की के जरूरत सै, क्यूँके हमनै आपे उसकै मुँह तै सुण लिया सै।”

23

??????

1 फेर सारी मंडळी उठकै यीशु नै राज्यपाल पिलातुस कै धोरै लेग्यी। 2 वो ये कहकै उसपै इल्जाम ल्गाण लागगे, “हमनै इस ताहीं माणसां नै भकांदे, अर कैसर नै चुंगी देण तै मना करदे, अर खुद नै मसीह, राजा कहन्दे होए सुण्या सै।”

3 पिलातुस नै उसतै बुझया, “के तू यहूदियाँ का राजा सै?” उसनै उस ताहीं जवाब दिया, “तू आप ए कहण लागरया सै।”

4 फेर पिलातुस नै प्रधान याजकां तै अर माणसां तै कह्या, “मन्नै इस आदमी म्ह कोए खोट न्ही पाया।”

5 पर वे और भी बिश्वास के गेल्या कहण लागगे, “यो गलील परदेस तै लेकै याड़ै ताहीं, सारे यहूदिया परदेस के माणसां नै उपदेश देकै दंगा करवावै सै।”

6 या सुणकै पिलातुस नै बुझया, “के यो आदमी गलीलवासी सै?” 7 अर या जाणकै के वो हेरोदेस की रियासत का सै, उस ताहीं हेरोदेस के धोरै भेज दिया, क्यूँके उस बखत वो भी यरुशलम म्ह था।

??????

8 हेरोदेस यीशु नै देखकै घणा राज्जी होया, क्यूँके वो घणे दिनां तै उसनै देखणा चाहवै था, इस खात्तर के उसके बारै म्ह सुण्या था, अर उसतै किमे चमत्कार देखण की आस राखवै था। 9 वो उसतै भोत-सी बात बुझता रह्या, पर उसनै उस ताहीं कोए भी जवाब न्ही दिया। 10 प्रधान याजक अर शास्त्री खड़े होए तन मन तै उसपै इल्जाम लगान्दे रहे। 11 फेर हेरोदेस नै अपणे सिपाहियाँ के गेल्या उसकी बेजती करकै मजाक उड़ाया, अर भड़कीले लत्ते पिराह के उस ताहीं पिलातुस के धोरै

भेज दिया। 12 उससे दिन पिलातुस अर हेरोदेस साथी बणगे, इसतै पैहल्या वे एक-दुसरे के दुश्मन थे।

13 पिलातुस नै प्रधान याजकां, सरदारां अर माणसां नै बुलाकै उन ताहीं कह्या, 14 “थम इस आदमी नै माणसां का भकाण आळा बताकै मेरै धोरै ल्याए सों, अर देक्खो, मन्नै थारे स्याम्ही उसकी जाँच करी, पर जिन बात्तां का थम उसपै इल्जाम लगाओ सों उन बात्तां के बारै म्ह मन्नै इस म्ह कोए भी खोट कोनी पाया, 15 ना हेरोदेस नै दोषी पाया, क्यूँके उसनै इस ताहीं म्हारै धोरै भेज दिया सै: अर देक्खो, उसतै इसा कुछ कोनी होया के वो मौत की सजा के काबिल ठहराया जावै। 16 इस खात्तर मै इसनै छित्वा कै छोड़ द्यु सूं।” 17 (पिलातुस त्योंहार के बखत उनकै खात्तर एक कैदी नै छोड़ण पै मजबूर था।)

18 फेर सारे मिलकै चिल्ला उटे, “इसका काम तमाम करदे, अर म्हारै खात्तर बरअब्बा नै छोड़दे!” 19 वो किसे बलवे के कारण जो नगर म्ह होया था, अर हत्या के कारण जेळ म्ह गेरया गया था

20 पर पिलातुस नै यीशु ताहीं छोड़ण की इच्छा तै माणसां ताहीं फेर समझाया, 21 आखर उननै रुक्के मारकै कह्या, “उसनै कूरूस पै चढ़ा, कूरूस पै!”

22 उसनै तीसरी बर उन ताहीं कह्या, “क्यांतै उसनै के बुरा करया सै? मन्नै उस म्ह मौत की सजा के काबिल कोए बात कोनी पाई। इस तरियां मै इसनै छित्वा कै छोड़ देऊ सूं।”

23 पर वे रुक्के मार-मारकै पाच्छै पड़ गये के वो कूरूस पै चढ़ाया जावै, अर उनका रुक्के मारणा तेज होगया। 24 आखर पिलातुस नै हुकम दिया के उनकी बिनती के मुताबिक करया जावै। 25 उसनै उस आदमी के जो बलवे अर हत्या के कारण जेळ म्ह गेरया गया था, अर जिसनै वो माँगै थे, छोड़ दिया, अर यीशु नै उनकी इच्छा के मुताबिक सौप दिया।

26 जब वो यीशु नै लेकै जावै थे, तो उननै एक माणस जिसका नाम शमौन कुरेनी था, जो गाम म्ह तै आवै था, पकड़कै उसपै कूरूस लाद दिया के उससे यीशु के पाच्छै-पाच्छै ले चाल्ले। 27 माणसां की भीड़ उसकै पाच्छै-पाच्छै हो ली उन म्ह घणीए बिरबान्नी भी थी जो उसकै खात्तर छात्ती पीट्टै अर रोवै धोवै थी। 28 यीशु नै उनकै कान्ही मुड़कै कह्या, “हे यरुशलेम की बेटियों, मेरै खात्तर ना रोओ, पर अपणे अर अपणे बाळकां के खात्तर रोओ 29 क्यूँके देक्खो, वे दिन आवै सै, जिन म्ह माणस कहवैगें, “धन्य सै वे जो बिरबान्नी जो बाँझ सै अर वे गर्भ

जिननै ऊलाद न्ही पैदा करी, अर वे स्तन जिन नै दूध न्ही पियाया।” 30 उस बखत भाणस पहाड़ां अर टीलां तै कहण लाग्ये के म्हारै पै आण पड़ो, अर हमनै ढँक ल्यो।”

31 क्यूँके वे जब हरे रुखां गेल्या इसा करै सै, तो सूख्या कै गेल्या के किमे न्ही करया ज्यागा?

32 वे और दो माणसां नै भी जो बुरे काम करण आळे थे यीशु कै गेल्या मारण नै ले चाल्ले। 33 जद वे उस जगहां पै पोहचे जो “खोपड़ी” यानी इब्रानी भाषा म्ह “गुलगुता” कुह्वावै सै, तो उननै ओड़ै यीशु ताहीं अर बुरे काम करण आळे ताहीं भी, एक नै सोळी अर दुसरे नै ओळी ओड़ करूस पै चढ़ाए। 34 फेर यीशु नै कह्या, “हे पिता इन्हनै माफ कर, क्यूँके ये न्ही जाणदे के ये के करै सै।” अर उननै पर्ची गेर कै उसके लत्ते बांड लिए।

35 माणस खड़े-खड़े देखवै थे, अर सरदार भी मजाक करकै कहवै थे “इसनै औरां ताहीं बचाया, जै यो परमेसवर का मसीह सै, अर उसका छाटचा होए सै, तो अपणे-आपनै बचाले।”

36 सिपाही भी धोरै आकै अर सिरका देकै उसका मजाक बणा के कहवै थे, 37 “जै तू यहूदियाँ का राजा सै, तो अपणे-आपनै बचाले!”

38 अर उसकै उप्पर एक दोषपत्र भी लगा दिया: “यो यहूदियाँ का राजा सै।”

39 जो बुरे काम करणीये ओड़ै लटकाए गए थे, उन म्ह तै एक नै उसकी बेजती करकै कह्या, “के तू मसीह कोनी? फेर अपणे-आपनै अर हमनै बचा!”

40 इसपै दुसरे नै उस ताहीं धमका के कह्या, “के तू परमेसवर तै भी कोनी डरदा? तू भी तो वाए सजा पा रया सै, 41 हम तो न्याय के मुताबिक सजा पारे सां, क्यूँके हम अपणे काम्मां की ठीक सजा पारे सां, पर उसनै कोए गलत काम न्ही करया।”

42 फेर उसनै कह्या, “हे यीशु, जद तू अपणे राज्य म्ह आवै, तो मेरी खियास करिये।”

43 उसनै उस ताहीं कह्या, “मै तन्नै सच कहूँ सूं के आजै तू मेरै गेल्या सुर्गलोक म्ह होगा।”

44 करीबन दोफ्फारै तै तीन बजे ताहीं सारे देश म्ह अन्धेरा होया रह्या, 45 अर सूरज का चाँदणा जान्दा रह्या, अर मन्दर का पड़दा बिचाळै तै पाटगया, 46 अर यीशु नै जोर तै किल्की मारकै कह्या, “हे पिता, मै अपनी आत्मा तेरे हाथ्यां म्ह सौँप्पू सूं।” अर या कह के जी दे दिया।

47 सूबेदार नै जो कुछ होया था देखकै परमेसवर की बड़ाई करी, अर कह्या, “पक्का यो माणस धर्मी था।”

48 अर सूरज का चाँदणा जान्दा रह्या, अर मन्दर का पड़दा बिचाळै तै पाटगया, 46 अर यीशु नै जोर तै किल्की मारकै कह्या, “हे पिता, मै अपनी आत्मा तेरे हाथ्यां म्ह सौँप्पू सूं।” अर या कह के जी दे दिया।

47 सूबेदार नै जो कुछ होया था देखकै परमेसवर की बड़ाई करी, अर कह्या, “पक्का यो माणस धर्मी था।”

48 अर सूरज का चाँदणा जान्दा रह्या, अर मन्दर का पड़दा बिचाळै तै पाटगया, 46 अर यीशु नै जोर तै किल्की मारकै कह्या, “हे पिता, मै अपनी आत्मा तेरे हाथ्यां म्ह सौँप्पू सूं।” अर या कह के जी दे दिया।

48 अर भीड़ जो यो देखण नै कट्टी होई थी, इस घटना नै देखकै दुख के मारे छात्ती पीटती होई बोहङ्गी।
49 पर उसकै सब जाण-पिच्छाण, अर जो बिरबान्नी गलील परदेस तै उसकै गेल्या आई थी, दूर खड़ी यो सब देखै थी।

???? ? ? ???? ? ? ? ?

50 ओड़ै यूसुफ नाम का यहूदी अगुवां की सभा का एक सदस्य था जो आच्छा अर धर्मी आदमी था 51 वो सभा के फैसले अर इस काम तै राज्जी कोनी था। वो यहूदिया परदेस के नगर अरिमतिया गाम का रहण आळा अर परमेसवर के राज्य की बाट देखण आळा था।
52 उसनै पिलातुस के धोरै जाकै यीशु की लाश माँगी,
53 अर उस ताहीं उतार के मलमल की चादर म्ह लपेट्या, अर एक कब्र म्ह धरया, जो पत्थरां म्ह खुदी होए थी, अर उस म्ह कोए कदे न्ही राख्या गया था। 54 वो त्यारी का दिन था, अर आराम का दिन शरु होण आळा था।

55 उन बिरबानियाँ नै जो उसके गेल्या गलील परदेस तै आई थी, पाच्छै-पाच्छै जाकै उस कब्र ताहीं देख्या, अर यो भी के उसकी लाश किस रीति तै राक्खी गयी सै। 56 फेर उननै घर बोहङ् के खुशबुदार चीज अर इत्र त्यार करया, अर आराम कै दिन उननै हुकम के मुताबिक आराम करया।

24

???? ? ? ???? ? ? ? ? ? ? ? ? ? ? ? ? ? ?

1 पर हफ्तै कै पैहलडे दिन तड़कै-तड़कै नै वे उन खुशबुदार चिज्जां नै जो उननै बणाई थी, लेकै यीशु की कब्र पै आई। 2 उननै पत्थर कब्र पै तै गिरइया होया पाया, 3 पर भीत्तर जाकै प्रभु यीशु की लाश कोनी पाई। 4 जब वे इस बात तै हैरान होरी थी तो देखवो दो माणस चमकदे होए लत्ते पहरी होए उनकै धोरै आण खड़े होए। 5 जब वे डरगी अर धरती की ओड़ मुँह झुकाए रही तो उननै उन ताहीं कह्या, “थम जान्दे नै मरे होया म्ह क्यूँ टोह्वो सो? 6 वो उरै कोनी, पर जिन्दा होग्या सै। याद करो कै उसनै गलील परदेस म्ह रहंदे होए थारे तै कै कह्या था, 7 जरूरी सै कै मै माणस का बेट्टा पापियाँ कै हाथ्यां म्ह पकड़वाया जाऊँ, अर क्रूस पै चढ़ाया जाऊँ, अर तीसरे दिन जी उट्टु।” 8 फेर उसकी बात उनकै याद आई,

9 अर कब्र तै उल्टे आकै उननै उन ग्यारहां नै अर, सारया ताहीं ये सब बात कह दी। 10 जिन नै प्रेरितां तै ये बात कही वे *मरियम मगदलीनी अर योअन्ना अर याकूब की माँ मरियम अर उसकै साथ की और भी

बिरबान्नी थी। 11 पर उनकी बात उन ताहीं कहाँनी-सी लाग्गी, अर उननै उसका बिश्वास कोनी करया। 12 फेर पतरस कब्र पै भाज्या गया, अर झुककै लत्यां की पट्टियाँ का ढेर पड़े देखे, अर जो होया था उसतै अचम्भा होया करदा होया अपने घरां चल्या गया।

???????? ? ? ? ? ? ? ? ? ? ? ? ? ? ?

13 उस्से दिन उन म्ह तै दो चेल्लें इम्माऊस नाम के गाम म्ह जाण लागरे थे, जो यरुशलेम तै कोए सात कोस की दूरी पै था। 14 वे इन सब बाततां पै जो होई थी, आप्स म्ह बातचीत करदे जाण लागरे थे, 15 अर जद वे आप्स म्ह बातचीत अर पूछताछ करै थे तो यीशु खुद धोरै आकै उनकै गेल्या चाल्लण लाग्या। 16 पर परमेसवर नै उनकी आँख न्यू बन्द कर दी थी कै यीशु ताहीं पिच्छाण ना सकै।

17 यीशु नै उनतै बुझया, “ये कै बात सै, जो थम चाल्दे-चाल्दे आप्स म्ह करो सों?” वे खड़े होगे अर उनका मुँह भोत उदास था। 18 या सुणकै चेल्यां म्ह तै किल्युपास नाम के एक चेल्लें नै कह्या, “इसा लाग्गै सै के तू यरुशलेम म्ह एक्ला परदेशी सै, जो न्ही जाणदा के इन दिनां म्ह इस नगर म्ह के-के होया सै?”

19 यीशु नै उनतै बुझया, “कौण सी बात? उननै उस ताहीं कह्या, यीशु नासरी† जो नबी था उसकी बात, जो परमेसवर अर सारे माणसां कै स्याम्ही काम अर वचन म्ह सामर्थी था। 20 अर प्रधान याजकां अर म्हारै सरदारां नै उस ताहीं पकड़वा दिया ताके उसतै मौत का हुकम दिया जावै, अर उस ताहीं क्रूस पै चढ़वाया। 21 पर हमनै उम्मीद थी के योए इस्राएल नै रोमी साम्राज्य तै छुटकारा देवैगा। इन सारी बाततां कै सिवा इस घटना नै होए आज तीसरा दिन सै, 22 अर म्हारै म्ह तै कई बिरबानियाँ नै भी म्हारै ताहीं उळझन म्ह गेर दिया, जो आज सबेरै कब्र पै गयी थी, 23 अर जब उसकी लाश कोनी पाई तो वा या कहन्दी आई के हमनै सुर्गदूतां के दर्शन पाये, जिन नै कह्या के यीशु जिन्दा सै। 24 फेर म्हारै साथियाँ म्ह तै कई कब्र पै गये, अर जिसा बिरबानियाँ नै कह्या था उसाए पाया, पर वो कोनी देख्या।”

25 फेर यीशु नै उन दो चेल्यां तै कह्या, “हे सब बेकुफों अर नबियाँ की सारी बाततां पै बिश्वास करण म्ह नासमझों! 26 कै जरूरी कोनी था कै मसीह ये दुख उठाकै अपनी महिमा म्ह दाखल हो?” 27 फेर उसनै मूसा नबी तै अर सारे नबियाँ तै शरु करकै सारे पवित्र ग्रन्थां म्ह तै अपने बारे म्ह लिक्खी बाततां का मतलब, उन ताहीं समझा दिया।

* 24:10 24:10 मगदला गाम की † 24:19 24:19 नासरत नगर का रहण आळा

28 इतने म्हे वो उस गाम के धोरै पोहचे जित्त वे जावै थे, अर उसके ढंग तै इसा लाग्या के वो आगगै जाणा चाहवै सै। 29 पर उननै यो कहकै उस ताहीं रोक्या, “म्हारै गेल्या रह, क्यूँके साँझ होली सै अर दिन इब घणा ढळग्या सै।” फेर वो उनकै गेल्या रहण के खात्तर भीत्तर गया।

30 जद वो उनकै गेल्या खाणा खाण बेट्या, तो उसनै रोटी लेकै धन्यवाद करया अर उस ताहीं तोड़कै उननै देण लाग्या। 31 फेर उनकी आँख खुलगी, अर उननै उस ताहीं पिच्छाण लिया, अर वो उनकी आँखां तै ओन्झळ होग्या। 32 उननै आप्पस म्हे कह्या, “जद वो म्हारै तै रास्ते म्हे बात करै था अर पवित्र ग्रन्थ का मतलब हमनै समझावै था, तो कै म्हारै मन म्हे जोश न्ही आया?”

33 वो उस्से बखत जिब्बे उठकै यरुशलेम नगर म्हे चले गये, अर उन ग्यारहां चेल्यां अर उनकै साथियाँ ताहीं उननै कठ्ठे मिलगे। 34 वो कहवै थे, “प्रभु साच्चेए जी उठ्या, अर शमौन नै दिख्या।” 35 फेर उन दो चेल्यां नै भी राह म्हे होई घटना के बारे ब्यौरा सुण्या अर किस तरियां खाणा खान्दे बखत उननै मसीह यीशु ताहीं पिच्छाणा लिया था।

???? ? ? ? ? ? ? ? ? ? ? ? ? ? ? ? ?

36 वे ये बात करै ए थे के वो खुद ए उनके विचाळै आण खड्या होया, अर उन ताहीं कह्या, “थमनै शान्ति मिलै।”

37 पर वे घबरागे अर डरगे, अर समझे के हम किसे भूत नै देख्वां सां। 38 यीशु नै उनतै कह्या के, “क्यूँ घबराओ सों? अर थारे मन म्हे क्यूँ बैहम हो सै? 39 मेरै हाथ-पायां नै देख्खो के मै वोए सूँ। मन्नै छू के देख्खो, क्यूँके आत्मा के हाड-माँस कोनी होन्दे जिसा मेरै म्हे देख्खो सों।”

40 न्यू कहकै उसनै उन ताहीं अपणे हाथ पैर के घा दिखाए। 41 जद खुशी के मारै उननै बिश्वास कोनी होया, अर वो अचम्भा मान्नै थे, तो यीशु नै उन ताहीं बुझ्या, “के याडै थारे धोरै किमे खाण नै सै?” 42 चेल्यां नै उस ताहीं भुनी होई मच्छी का टुकड़ा दिया। 43 उसनै वो मच्छी का टुकड़ा लेकै उनकै आगगै खाया।

44 फेर उसनै उन ताहीं कह्या, “ये मेरी वे बात सै, जो मन्नै थारे गेल्या रहंदे होए थारे तै कही थी के जरूरी सै जितनी बात मूसा नबी की नियम-कायदा अर नबियाँ अर भजनां की किताबां म्हे मेरै बारै म्हे लिखी सै, सारी पूरी हों।”

45 फेर उसनै पवित्र ग्रन्थ बुझण के खात्तर उनकी बुद्धि खोल दी, 46 अर उनतै कह्या, “यो पवित्र ग्रन्थ म्हे लिख्या सै के मसीह दुख ठावैगा, अर तीसरे दिन मेरे होया म्हे तै जी उठैगा, 47 अर यरुशलेम तै लेकै

सारी जात्तां म्हे पापां नै छोड़ण का अर पापां की माफी का प्रचार, उसकै-ए नाम तै करया जावैगा। 48 थम इन सारी बाततां के गवाह सों। 49 अर देख्खो, मै थारे पै पवित्र आत्मा भेज्जुँगा जिसा मेरे पिता नै कह्या सै, जिब तैई पवित्र आत्मा थारे पै न्ही आवै, अर थम सुर्ग तै सामर्थ ना पाओ, जब ताहीं इसे नगर म्हे रुके रहो।”

???? ? ? ? ? ? ? ? ? ? ? ? ? ? ? ? ?

50 फेर यीशु उननै बैतनिय्याह गाम ताहीं बाहर लेग्या, अर अपणे हाथ ठाकै उन ताहीं आशीर्वाद दिया, 51 अर उननै आशीष देंदे होए वो उनतै न्यारा होग्या अर सुर्ग पै उठा लिया। 52 फेर वो उसनै नमस्कार करकै बड़ी खुशी तै यरुशलेम चले गए, 53 अर वे लगातार मन्दर म्हे हाज्जर होकै परमेसवर की भगति करया करै थे।

१९ यूहन्ना की गवाही या सै, के जिब यहूदी अगुवां नै यरुशलैम तै याजकां अर लेवियाँ नै उसतै यो बुद्धिज्ञण नै भेज्या, के “तू कौण सै?” २० फेर उसनै नाट्या कोनी, पर मान लिया के “मै मसीह कोनी।”

२१ फेर उननै यूहन्ना तै बुद्धिज्ञया, “तो फेर तू कौण सै? के तू एलिय्याह नबी सै?” उसनै साफ-साफ कह दिया के, “मै मसीह कोनी।” “तो के तू वो नबी सै?” उसनै जवाब दिया, “ना।”

२२ फेर उननै यूहन्ना तै बुद्धिज्ञया, “फेर तू सै कौण? ताके हम अपणे भेजण आळा ताहीं जवाब देवां। तू अपणे बारै म्ह के कहवै सै?” २३ वो बोल्या, “जिसा यशायाह नबी नै बोल्या सै: ‘मै जंगल-बियाबान म्ह एक रुक्का देवण आळे का वचन सू, के थम प्रभु का रास्ता सीध्धा करो।’”

२४ वे फरीसियों के कान्ही तै भेज्जै होइ थे।

२५ उननै उसतै यो सवाल बुद्धिज्ञया, “जै तू ना मसीह सै, अर ना एलिय्याह, अर ना वो नबी सै, तै फेर बपतिस्मा क्यातै देवै सै?”

२६ यूहन्ना नै उन ताहीं जवाब दिया, “मै तो थमनै पाणी तै बपतिस्मा देऊँ सू, पर थारे बीच म्ह एक माणस खड्या सै जिसनै थम कोनी जाणदे। २७ यानी मेरै पाच्छै आण आळा सै, जिसके जूत्याँ के फित्ते भी मै खोल्लण जोगगा कोनी।”

२८ ये बात यरदन नदी तै परली ओइ बैतनिय्याह गाम म्ह होई, जइँ यूहन्ना माणसां ताहीं बपतिस्मा दिया करदा।

२९ दुसरे दिन यूहन्ना नै यीशु ताहीं अपणी ओइ आन्दे देखकै बोल्या, “देखो, यो परमेसवर का मेम्ना सै जो दुनिया का पाप ठावै सै। ३० यो वोए सै जिसके बारै म्ह मन्नै कह्या था, एक माणस मेरै बाद आवै सै जो मेरतै महान् सै, ज्यातै वो मेरतै पैहल्या था। ३१ मै खुद तो उसनै कोनी पिच्छाणु था, पर इस्से खात्तर मै पाणी तै बपतिस्मा देन्दा होया आया, ताके इस्राएल के माणस उसनै जान ले।”

३२ अर यूहन्ना नै या गवाही दी: “मन्नै सुर्ग तै पवित्त्र आत्मा ताहीं कबूतर की तरियां अकास तै उतरदे अर उस ताहीं मसीह यीशु पै ठहरते देख्या सै।” ३३ मै तो उसनै पिच्छाणु कोनी था, पर जिसनै मेरै ताहीं पाणी तै बपतिस्मा देण के खात्तर भेज्या, उस्से नै मेरै ताहीं कह्या, “जिसपै तू आत्मा नै उतरदे अर ठहरदे देखै, वोए

पवित्त्र आत्मा तै बपतिस्मा देणिया सै।” ३४ “अर मन्नै देख्या, अर गवाही दी सै, के वोए परमेसवर का बेट्टा सै।”

३५ आगले दिन यूहन्ना अपणे दो चेल्यां के गैल फेर ओइ खडे थे, ३६ अर उसनै यीशु ताहीं जो उसके धोरै तै जाण लागरया था, उसकी ओइ लखाके बोल्या, “देखो, यो परमेसवर का मेम्ना सै।”

३७ जिब्बे वे दोन्नु चेल्ले उसकी या बात सुणकै यीशु के गैल हो लिए। ३८ यीशु नै मुडकै उन ताहीं गैल आन्दे देख्या अर उनतै बोल्या, “थम के चाहो सो?” वे उसतै बोल्ते, “हे गुरु, तू कित्त रहवै सै?”

३९ यीशु उनतै बोल्या, “चाल्लों, तो देख लियो।” फेर उननै उसके रहण की जगहां देखी, अर उस दिन उसके गेल्या रहे। क्यूँके साँझ के करीब चार बजगे थे।

४० उन दोनुआ म्ह तै, जो यूहन्ना की बात सुणकै यीशु के गेल्या हो लिए थे, एक तो शमौन पतरस का भाई अन्दरयास था। ४१ उसनै पैहल्या अपणे सगे भाई शमौन तै मिलकै उसतै बोल्या, “हमनै खिरस्त यानी मसीह (परमेसवर का अभिषिक्त) मिलगया।”

४२ फेर अन्दरयास शमौन नै यीशु के धोरै ल्याया। यीशु नै उसकी ओइ लखाके कह्या, “तू यूहन्ना का बेट्टा शमौन सै: तू कैफा यानिके पतरस कुआवैगा।”

४३ आगले दिन यीशु नै गलील परदेस जाण का इरादा करया। वो फिलिप्पुस तै मिल्या अर बोल्या, “मेरै पाच्छै हो ले।”

४४ फिलिप्पुस, अन्दरयास अर पतरस के नगर बैतसैदा का रहणीया था। ४५ फिलिप्पुस नतनएल तै मिल्या अर उसतै बोल्या, “जिसका जिक्र मूसा नबी नै नियम-कायदा म्ह अर नबियाँ नै करया सै, वो हमनै मिलगया सै! वो यूसुफ का बेट्टा, यीशु नासरी* सै।”

४६ नतनएल नै उसतै बुद्धिज्ञया, “के कोए उत्तम चीज भी नासरत तै लिकड़ सकै सै?” फिलिप्पुस उसतै बोल्या, “चालकै देख ले।”

४७ यीशु नै नतनएल ताहीं अपणी ओइ आन्दे देखकै उसके बारै म्ह कह्या, “देखो, यो साच्चए इस्राएली सै: इस म्ह कपट कोनी।”

४८ नतनएल नै उसतै बुद्धिज्ञया, “तू मन्नै किस तरियां जाणै सै?” यीशु नै उस ताहीं जवाब दिया, “इसतै पैहल्या के फिलिप्पुस नै तेरे ताहीं बुलाया, तो मन्नै तेरे ताहीं देख्या था जिब तू अंजीर के दरखत तळै था।”

* 1:45 1:45 नासरत नगर का रहण आळा

49 नतनएल नै उस ताहीं जवाब दिया, “हे गुरु, तू परमेसवर का बेटा सै, तू इस्राएल का राजा सै।”

50 यीशु नै उस ताहीं जवाब दिया, “मन्नै जो तेरे तै कह्या के मन्नै तेरे ताहीं अंजीर कै दरखत तळै देख्या, के तू इससे बात पै बिश्वास करै सै? तू इसतै भी बड़े-बड़े काम देखैगा।” 51 फेर उसनै कह्या, “मै तेरे तै सच-सच कहूँ सूँ, के थम सुर्ग नै खुल्या होइ अर परमेसवर के सुर्गदूतां ताहीं मुझ माणस कै बेटे कै खात्तर नीचै उतरदे अर उप्पर जान्दे होए देखोगे।”

2

फेर तीसरे दिन गलील परदेस के काना नगर म्ह किसे का ब्याह था, अर यीशु की माँ भी ओड़ै थी।

2 यीशु अर उसके चेल्ले भी उस ब्याह म्ह न्योद राक्खे थे। 3 जब अंगूर का रस खतम होग्या, फेर यीशु की माँ उसतै बोल्ली, “उनके धोरै अंगूर का रस कोनी रह्या।”

4 यीशु नै उसतै कह्या, “हे नारी, या बात तू मेरे तै क्यूँ कहवै सै? इब्बै मेरा बखत कोनी आया।”

5 पर उसकी माँ नै नौकरां तै कह्या, “जो कुछ यो थारे ताहीं कहवै, न्यूए करियो।”

6 यहूदी परम्परा के मुताबिक शुद्ध* करण† के खात्तर ओड़ै छः पत्थर के पैण्डे धरे थे, जिन म्ह दो-दो, तीन-तीन मण‡ पाणी आवै था।

7 यीशु नै उनतै कह्या, “पैढा म्ह पाणी भर द्यो।” अर उननै वे मुँह तक भर दिए।

8 फेर यीशु नै नौकरां ताहीं कह्या, “इब काढकै भोज कै प्रधान धोरै ले जाओ।” अर वे लेगे। 9 जब भोज कै प्रधान नै वो पाणी चाख्या, जो अंगूर का रस बणग्या था अर वे न्ही जाणै था के वो कड़ै तै आया सै पर जिन नौकरां नै पाणी काढ्या था वे जाणै थे फेर भोज कै प्रधान नै बन्दे ताहीं बुलाकै उसतै कह्या,

10 “हरेक माणस पैहल्या बढिया अंगूर का रस देवै सै, अर जब माणस पीकै छिक्क जावै सै, फेर हल्का देवै सै, पर तन्नै बढिया अंगूर का रस इब ताहीं राख राख्या सै।”

11 यीशु नै गलील परदेस के काना नगर म्ह अपना यो पैहला चिन्ह-चमत्कार दिखाकै अपनी महिमा जाहिर कर दी अर जिसकी बजह तै उसके चेल्ल्यां नै उसपै बिश्वास करया।

12 इसके बाद वो अर उसकी माँ अर उसके भाई अर उसके चेल्ले कफरनहूम नगर म्ह गए अर ओड़ै कुछ दिन रहे।

* 2:6 2:6 शुद्ध सुच्चा † 2:6 2:6 शुद्ध करण यहूदी परम्परा के मुताबिक हाथ-पैर धोणा ‡ 2:6 2:6 मण सौ सवा सौ लिटर

21:12-13; 11:15-17; 19:45-46)

13 यहूदियाँ का फसह का त्यौहार लोवै था, अर यीशु यरुशलेम नगर म्ह गया। 14 उसनै मन्दर म्ह बळध, भेड़ अर कबूतर बेचण आळे अर सर्राफां (पईसा का लेण देण करण आळे) ताहीं बेटे होए पाया। 15 फेर उसनै जेवड़ियां का कोरडा बणाकै, सारी भेड़ों अर बळधां ताहीं मन्दर तै काढ दिया, अर सर्राफां के पईसे खिन्डा दिए अर उनके पीढे पलट दिए, 16 अर कबूतर बेचण आळा ताहीं बोल्या, “इन्हनै उरै तै ले जाओ। मेरै पिता कै घर नै व्यापर का घर ना बणाओ।” 17 फेर उसके चेल्ल्यां नै याद आया के पवित्तर ग्रन्थ म्ह लिख्या होइ सै, “तेरे घर की धुन मन्नै खा ज्यागी।”

18 इसपै यहूदी अगुवां नै यीशु तै कह्या, “तू म्हारै ताहीं कौण सा अदभुत निशान दिखा सकै सै?” जो इस तरियां के काम तू करै सै, यो साबित हो सकै, के तू उसका हक राक्खै सै।

19 यीशु नै उन ताहीं जवाब दिया, “इस मन्दर नै ढा दो, मै इसनै तीन दिन म्ह बणा दियुंगा।”

20 यहूदी अगुवां नै कह्या, “इस मन्दर कै बणाण म्ह छियालिस साल लागे सै, अर के तू इसनै तीन दिन म्ह बणा देवैगा?” 21 पर यीशु नै उनतै अपनी देह रूपी मन्दर कै बारे म्ह कह्या था। 22 आखर म्ह जब वो मरे होया म्ह तै जिन्दा होया, जब उसके चेल्ल्यां नै याद आई, के उसनै यो कह्या था, अर उननै पवित्तर ग्रन्थ के वचन जो यीशु के जिन्दा होण के बारे म्ह बतावै सै, अर उननै यीशु के जरिये कहे होए वचनां पै बिश्वास करया।

23 फसह के त्यौहार के दिन्नां म्ह जब यीशु यरुशलेम

नगर म्ह था, तो उसके जरिये करे गये चिन्ह-चमत्कार के काम्मां नै देखकै घणे माणसां नै उसपै बिश्वास करया। 24 पर यीशु नै अपने-आप ताहीं उनके भरोसै पै कोनी छोड्या, ज्यातै वो सारया नै जाणै था, 25 अर उसनै इस बात की जरूरत कोनी थी के कोए आकै उसनै माणसां के बारे म्ह बतावै, क्यूँके वो खुदे जाणै था के माणस कै मन म्ह के सै?

3

फरीसियाँ म्ह तै नीकुदेमुस नाम का एक माणस

था, जो यहूदियाँ का प्रधान था। 2 उसनै रात नै यीशु

के धोरै आकै उस ताहीं कह्या, “हे गुरु, हमनै बेरा सै के तू परमेसवर की ओड़ तै म्हारे ताहीं सिखाण खात्तर आया सै, ज्यातैए कोए इन चिन्ह-चमत्कारां नै जिननै तू दिखावै सै, जै परमेसवर उसकै गेल्या ना हो, तो दिखा कोन्या सकदा।”

3 यीशु नै उस ताहीं जवाब दिया, “मै थारे ताहीं सच कहूँ सूँ, जै कोए नए सिरे तै ना जन्म ले तो परमेसवर का राज्य देख नही सकदा।”

4 नीकुदेमुस नै उस ताहीं कह्या, “माणस जिब बूढ़ा होज्या, तो किस ढाळ जन्म ले सकै सै? के वो अपणी माँ के गर्भ म्ह दुसरी बर भीत्तर बड़कै जन्म ले सकै सै।”

5 यीशु नै जवाब दिया, “मै तेरे तै सच कहूँ सूँ, जिब ताहीं कोए माणस पाणी* अर आत्मा तै ना जन्मे तो वो परमेसवर के राज्य म्ह बड़ नही सकदा। 6 क्यूँके मानव देह म्ह जन्म सिर्फ देह का जन्म सै, जिब के आत्मा तै जन्म नया जन्म सै। 7 हेरान ना होवै, के मन्नै तेरे तै कह्या, के थारे ताहीं नए सिरे तै जन्म लेणा जरूरी सै। 8 हवा जितोड़ चाहवै सै उतोड़ चाल्लै सै, अर तू उसकी आवाज सुणै सै, पर जाणदा कोनी, के वा कड़ै तै आवै सै अर कितोड़ नै जावै सै? जो कोए पवित्र आत्मा तै जन्मा सै वो इसाए सै।”

9 नीकुदेमुस नै उस ताहीं जवाब दिया, के या बात किस ढाळ हो सकै सै?

10 या सुणकै यीशु नै उस ताहीं जवाब दिया, “तू इस्राएलियाँ का गुरु होकै भी के इन बात्तां नै कोनी समझदा?” 11 मै तेरे तै साच्ची-साच कहूँ सूँ के हम जो जाणां सां, वो कह्वां सां, अर जिस ताहीं हमनै देख्या सै उसकी गवाही देवां सां, अर जो हम कह्वां सां, उसका थम बिश्वास कोनी करदे। 12 जिब मन्नै थारैतै दुनिया की बात कही, अर थम बिश्वास नही करदे, तो जै मै थमनै सुर्ग की बात कहूँ, तो फेर किस ढाळ बिश्वास करोगे? 13 अर कोए सुर्ग पै कोनी चढ़ा, सिर्फ वोए एक सै जो सुर्ग तै उतरा यानिके मै माणस का बेट्टा। 14 अर जिस ढाळ तै मूसा नबी नै जंगल-बियाबान म्ह कांस्सी का साँप बणाकै उस ताहीं ऊँच्चे पै चढ़ाया, उस्से ढाळ तै जरूरी सै के मै माणस का बेट्टा भी ऊँच्चे पै चढ़ाया जाऊँ। 15 ताके जो कोए मेरे पै बिश्वास करै वो अनन्त जीवन पावै।

16 क्यूँके परमेसवर नै दुनिया के माणसां तै इसा प्यार राख्या के उसनै अपणा इकलौता बेट्टा दे दिया, ताके जो कोए उसपै बिश्वास करै, वो नाश कोनी होवै, पर अनन्त जीवन पावै। 17 क्यूँके परमेसवर नै अपणा बेट्टा दुनिया म्ह इस खात्तर नही भेज्या, के दुनिया पै दण्ड का

हुकम देवै, पर इस खात्तर भेज्या के दुनिया उसकै जरिये उद्धार पावै। 18 जो परमेसवर के बेट्टे पै बिश्वास करै सै, उसपै दण्ड का हुकम कोन्या होन्दा, पर जो उसपै बिश्वास नही करदा, वो कसूरवार बणैगा, ज्यातै के उसनै परमेसवर के इकलौते बेट्टे के नाम पै बिश्वास कोनी करया। 19 अर दण्ड के हुकम का कारण यो सै के चान्दणा दुनिया म्ह आया सै, अर माणसां नै अन्धेरै ताहीं चाँदणे तै घणा प्यारा जाणया क्यूँके उनके काम बुरे थे। 20 क्यूँके जो कोए पाप करै सै, वो चाँदणे तै बैर राक्खै सै, अर चाँदणे धोरै कोनी आन्दा, क्यूँके उसके पाप उजागर हो जावेंगे। 21 पर जो सच्चाई पै चाल्लै सै वो चाँदणे धोरै आवै सै, ताके ये साबित हो जावै के उसके काम परमेसवर की ओड़ तै कराये गये सै।

22 फेर यीशु अर उसके चेल्ले यहूदिया परदेस म्ह

पोहचे, अर वो ओड़ै उनकै गेल्या रहकै माणसां ताहीं बपतिस्मा देण लाग्या। 23 यूहन्ना भी शालेम नगर के धोरै ऐनोन नामक गाम म्ह बपतिस्मा देवै था, क्यूँके ओड़ै घणाए पाणी था, अर माणस आकै बपतिस्मा लेवै थे। 24 यूहन्ना उस बखत ताहीं जेळखान्ने म्ह कैद नही करया था। 25 ओड़ै यूहन्ना के कुछ चेल्यां का किसे यहूदी गेल्या पाणी तै शुद्धिकरण के बारै म्ह बहस होगी। 26 अर यूहन्ना के चेल्यां नै आकै उस ताहीं कह्या, “हे गुरु, जो माणस यरदन नदी के परली ओड़ तेरी गेल्या था, अर जिसके बारें म्ह तन्नै कह्या सै, देख, वो यीशु बपतिस्मा देवै सै, अर सारे उसकै धोरै आवै सै।”

27 यूहन्ना नै जवाब दिया, “माणस नै तब तक कुछ नही मिल सकता, जिब तक वो सुर्ग तै ना दिया जावै।” 28 थारे ताहीं तो पैहले मन्नै बताया था के “मै मसीह कोनी, पर उसतै पैहले भेज्या गया सूँ।” 29 बन्दड़ा बन्दड़ी तै ब्याह करै सै, पर बन्दड़े का साथी जो खडचा होया उसकी आवाज सुणै सै, बन्दड़े के वचन तै घणा खुश होवै सै, अर मै भी खुश सूँ। 30 जरूरी सै के वो बधै अर मै घट्टै।

31 जो सुर्ग तै आवै सै, वो सारया म्ह सबतै महान सै, जो धरती कान्ही तै आवै सै वो धरती का सै, अर धरतीए की बात कहवै सै: जो सुर्ग कान्ही तै आवै सै, वो सारया तै उप्पर सै।† 32 उसनै जो कुछ देख्या अर सुणया सै, वो उस्से की बात करै सै, पर उसकी गवाही कोए नही मानता। 33 जिसनै उसकी गवाही अपणाई उसनै इस बात पै छाप लगा दी के परमेसवर साच्चा सै। 34 क्यूँके जिस ताहीं परमेसवर नै भेज्या सै, वो परमेसवर

* 3:5 3:5पाणी अर आत्मा बपतिस्मा नै दिखावै सै † 3:31 3:31 यूह-8:23

की बात कहवै सै, क्यूँके परमेसवर उननै बिना किसे माप के पवित्तर आत्मा देवै सै। 35 पिता अपणे बेट्टे तै प्यार करै सै, अर उसनै सारी चीज उसके हाथ्यां म्ह दे दी सै। 36 जो बेट्टे पै बिश्वास करै सै, अनन्त जीवन उस्से का सै, पर जो बेट्टे की बात कोनी मान्दा, उसनै वो अनन्त जीवन कोनी मिलै, इसकी बजाये उसपै परमेसवर का छो बणया रहवैगा।

4

?????? ? ? ? ? ? ? ? ? ? ? ? ? ? ?

1 फेर जब यीशु नै बेरा पाट्या के फरीसियाँ नै सुण्या सै के यीशु यूहन्ना तै घणे चेल्लें बणावै सै अर उननै बपतिस्मा देवै सै। 2 (ऊतो यीशु खुद न्ही बल्कि उसके चेल्लें बपतिस्मा देवै थे) 3 फेर वो यहूदिया परदेस नै छोड़कै दुबारे गलील परदेस म्ह चल्ल्या गया,

4 इस बार उसनै सामरिया परदेस होकै जाणा पड्या था। 5 इस करकै वो सामरिया परदेस के सूखार नामक एक नगर म्ह आया, यो नगर उस जगहां के धोरै था जो याकूब नै अपणे बेट्टे यूसुफ ताहीं दिया था। 6 अर याकूब का कुआँ भी ओड़ै था। यीशु सफर का थक्या होइ उस कुएँ पै न्यूए बैठग्या। दोपहर का बखत होरया था।

7 इतनै म्ह एक सामरी बिरबान्नी पाणी भरण आई। यीशु नै उस ताहीं कह्या, “मन्नै पाणी पिया।” 8 क्यूँके उसके चेल्लें नगर म्ह खाणा मोल लेण जारे थे।

9 उस सामरी बिरबान्नी नै उस ताहीं कह्या, “तू यहूदी होकै मेरे तै सामरी बिरबान्नी तै पाणी क्यातै माँगै सै?” (क्यूँके यहूदी सामरियाँ तै नफरत करै थे।)

10 यीशु नै जवाब दिया, “जै तू जाणदी के परमेसवर तन्नै के देणा चाहवै सै, अर वो कौण सै, जो तेरे तै कहवै सै, ‘मन्नै पाणी पिया,’ फेर तू उसतै माँगदी, अर वो तन्नै जीवन का पाणी देन्दा।”

11 बिरबान्नी नै उस ताहीं कह्या, “हे प्रभु, तेरे धोरै पाणी भरण नै तो किमे सै भी कोनी, अर कुआँ डून्धा सै, तो फेर वो जीवन का पाणी तेरे धोरै कडै तै आया? 12 के तू म्हारै पूर्वज याकूब तै बड्डा सै, जिसनै म्हारै ताहीं यो कुआँ दिया, अर खुद भी अपणे ऊलादां, अर अपणे डान्गरां सुधा इस म्ह तै पिया?”

13 यीशु नै उस ताहीं जवाब दिया, “जो कोए यो पाणी पीवैगा वो फेर तिसाया होगा, 14 पर जो कोए उस पाणी म्ह तै पीवैगा जो मै उस ताहीं दियुँगा वो फेर अनन्त काल ताहीं तिसाया कोनी होवैगा, बल्के जो पाणी मै उस ताहीं दियुँगा वो उस म्ह तै एक चोवा बण ज्यागा जो अनन्त जीवन खात्तर उमड़दा रहवैगा।”

15 बिरबान्नी नै उस ताहीं कह्या, “हे प्रभु, वो पाणी मन्नै दे ताके मै तिसाई ना होऊँ अर ना पाणी भरण नै इतनी दूर आऊँ।”

16 यीशु नै उस ताहीं कह्या, “जा अपणे धणी नै याड़े बुला ल्या।”

17 बिरबान्नी नै जवाब दिया, “मै बिना धणी की सूँ।” यीशु नै उस ताहीं कह्या, “तू ठीक कहवै सै, मै बिना धणी की सूँ।” 18 क्यूँके तन्नै पाँच धणी कर लिए सै, अर जिस माणस कै गेल्या तू इब सै वो भी तेरा धणी कोनी। या तन्नै साच्ची-ए कही सै।”

19 बिरबान्नी नै उस ताहीं कह्या, “हे प्रभु, मन्नै लाग्गै सै तू नबी सै। 20 म्हारै सामरी पूर्वजां नै इस्से पहाड़ पै भगति करी, अर यहूदी लोग कहवै सै, के वा जगहां जडै भगति करणी चाहिए यरुशलेम नगर म्ह सै।”

21 यीशु नै उस ताहीं कह्या, “हे नारी,” मेरी बात का भरोस्सा कर, के वो बखत आवै सै, के थम ना तो इस पहाड़ पै पिता की भगति करोगे, ना यरुशलेम म्ह। 22 थम जिसनै कोनी जाणदे, उसकी भगति करो सो, अर हम यहूदी लोग जिसनै जाणा सा उसकी भगति करा सां, क्यूँके उद्धार यहूदियाँ म्ह तै सै। 23 पर वो बखत आवै सै, बल्कि इब भी सै, जिसम्ह सच्चे भगत पिता की भगति आत्मा अर सच्चाई तै करैगें, क्यूँके पिता अपणे खात्तर इसेए भगतां नै टोहवै सै। 24 परमेसवर आत्मा सै अर जरूरी सै के उसकी भगति करण आळे आत्मा अर सच्चाई तै उसकी भगति करै।

25 बिरबान्नी नै उस ताहीं कह्या, “मै जाणु सूँ के मसीह” जो ख्रिस्त कुहावै सै, “आण आळा सै, जब वो आवैगा, फेर म्हारै ताहीं सारी बात बता देवैगा।”

26 यीशु नै उस ताहीं कह्या, “मै जो तेरे तै बोल्लण लागरया सूँ, मै वोए सूँ।”

???????? ? ? ? ? ? ? ? ?

27 इतनै म्ह उसके चेल्लें आण पोहचे, अर हैरान होण लागगे के वो बिरबान्नी तै बतळावै था, फेर भी किसे नै कोनी बुझ्झया, “तू के चाहवै सै? या क्यातै उसतै बतळावै सै?”

28 फेर बिरबान्नी अपणा पैँदा छोड़कै नगर म्ह चली गई, अर माणसां तै कहण लाग्गी, 29 “आओ एक माणस नै देखो, जिसनै सारा किमे जो मन्नै करया मेरै तै बता दिया। कदे योए तो मसीह न्ही सै?” 30 तब वे नगर के बासिन्दे गाम तै लिकड़कै यीशु के धोरै आण लागगे।

31 इस बिचाळै उसके चेल्ल्यां नै यीशु तै या बिनती करी, “हे गुरु, किमे खा ले।”

32 पर उसने उन ताहीं कहा, “मेरे धोरे खाण खात्तर इसा खाणा सै जिसने थम कोनी जाणदे।” 33 फेर चेल्यां नै आप्स म्ह कहा, “के कोए उसके खात्तर खाणा लेके आया सै?”

34 यीशु नै उनतै कहा, “मेरा खाणा यो सै के अपने भेजण आळे की मर्जी के मुताबिक चाल्लुँ अर उसके काम नै पूरा करूँ जो उसने कहा सै। 35 के थम कोनी कहन्दे, ‘लामणीयां के इब्बै चार महिन्ने रहे सै?’ अपनी आँखां तै देखवो जितने माणस आण लागरे सै, वो उस खेत की तरियां सै जो काट्टण खात्तर तैयार सै। 36 पैहले तै मजदूर काम करण लागरया सै अर अपनी मजदूरी पाण लागरया सै, इसका मतलब यो सै के वो माणसां नै कठठा करण लागरया सै जो अनन्त जीवन पागे। 37 क्यूँके याड़े या कहावत ठीक बेट्टे सै: बोणआळा और सै, अर काट्टण आळा और। 38 मन्ने थारे ताहीं वो खेत काट्टण खात्तर भेज्या जिसम्ह थमनै मेहनत कोन्या करी दुसरयां नै मेहनत करी अर थम उनकी मेहनत के फळ म्ह हिस्सेदार होए।”

?????????? ?? ?????????? ??????

39 उस नगर के घणखरे सामरियाँ नै उस बिरबान्नी के कहण तै यीशु पै बिश्वास करया, क्यूँके उसने कहा था, के “उसने सारा किमे जो मन्ने करया सै, मेरे तै बता दिया।” 40 ज्यातै जब सामरी उसके धोरे आए, तो उसतै बिनती करण लागगे के म्हारे याड़े रह। आखर म्ह वो ओड़े दो दिन ताहीं रहया। 41 उसके वचन के कारण और भी घणखरे माणसां नै बिश्वास करया

42 अर उस बिरबान्नी तै कहा, “इब हम तेरे कहण तैए बिश्वास कोनी करदे, क्यूँके हमने खुदे सुण लिया, अर जाणगे सा के योए साच्चए म्ह दुनिया का उद्धार करणीया सै।”

43 फेर दो दिनां के पाच्छे वो ओड़े तै लिकड़के गलील परदेस म्ह गया। 44 क्यूँके यीशु नै खुदे गवाही दी के नबी अपने गाम म्ह आदर मान कोनी पान्दा। 45 जब वो गलील परदेस म्ह आया, तो गलील परदेस के माणस राज्जी होके उसतै मिले, क्यूँके जितने काम उसने यरुशलेम म्ह त्यौहार के बखत करे थे, उनने उन सारया ताहीं देख्या था, क्यूँके वे भी त्यौहार म्ह जारे थे।

?????????????????????? ?? ?????????? ?????????? ?????

46 फेर वो दुबारे गलील परदेस के काना नगर म्ह आया, जड़े उसने पाणी ताहीं अंगूर का रस बनाया था। ओड़े राजा का एक कर्मचारी था जिसका बेट्टा कफरनहूम नगर म्ह बीमार था। 47 वो या सुणके के यीशु यहूदिया परदेस तै गलील परदेस म्ह आ रहया सै, उसके

धोरे गया अर उसतै बिनती करण लागग्या के चालके मेरे बेट्टे नै ठीक कर दे: क्यूँके वो मरण आळा था।

48 यीशु नै उस ताहीं कहा, “जब ताहीं थम चमत्कार अर अचम्भे के काम कोनी देखदे जद ताहीं कदे भी बिश्वास कोनी करोगे।”

49 राजा के कर्मचारी नै उसतै कहा, “हे प्रभु, मेरे बाळक की मौत होण तै पैहल्या चाल।”

50 यीशु नै उस ताहीं कहा, “जा, तेरा बेट्टा जिन्दा सै।” उस माणस नै यीशु की कही होई बात का बिश्वास करया अर चल्या गया। 51 वो रास्ते म्ह था के उसके नौकर उसतै आ मिले अर कहण लागगे, “तेरा छोरा जिन्दा सै।” 52 उसने उसतै बुझया, “किस बखत वो ठीक होण लागग्या?” उनने उस ताहीं कहा, “काल दोफहरे एक बजे उसका बुखार उतर गया।”

53 फेर बाप जाण गया के यो उससे बखत होया जिस बखत यीशु नै उस ताहीं कहा, “तेरा बेट्टा जिन्दा रहवैगा,” अर उसने अर उसके सारे कुणबे नै बिश्वास करया।

54 यो दुसरा अचम्भे का काम था जो यीशु नै यहूदिया परदेस तै गलील परदेस म्ह आके दिखाया।

5

?????????? ??? ?? ?????????? ?????????? ?????

1 इन बातों के पाच्छे यहूदियाँ का एक त्यौहार आया, अर यीशु यरुशलेम नगर म्ह गया। 2 यरुशलेम म्ह भेड़-फाटक के धोरे एक कुण्ड सै जो इब्रानी भाषा म्ह बैतहसदा कुह्वाँ सै, उसके पाँच घाट सै। 3 इन म्ह घणखरे बीमार, आन्धे, लंगड़े अर सूखे अंगआळे (पाणी के हाल्लण के आस म्ह) पड़े रहवै थे। 4 (क्यूँके खास बखत पै परमेसवर के सुर्गदूत कुण्ड म्ह उतरके पाणी नै हलाया करे थे। पाणी हाल्ले जो कोए पैहल्या उतरदा वोए ठीक हो जान्दा चाहे उसके कोए बीमारी क्यूँ ना हो।) 5 उड़े एक माणस था, जो अड़तीस साल तै बीमारी म्ह पडचा था। 6 यीशु नै उस ताहीं पडचा होया देखके अर न्यू जाणके के वो घणे दिनां तै इसी हाल्लत म्ह पडचा सै, उसतै बुझया, “के तू ठीक होणा चाहवै सै?”

7 उस बीमार नै उस ताहीं जवाब दिया, “हे प्रभु, मेरे धोरे कोए माणस कोनी के जब पाणी हलाया जावै, तो मन्ने कुण्ड म्ह उतारै, पर मेरे पोंहोचदे-पोंहोचदे दुसरा मेरतै पैहल्या पाणी म्ह उतर जावै सै।”

8 यीशु नै उस ताहीं कहा, “उठ, अपने बिस्तर ठाके, हाँड-फिर।” 9 वो माणस जिब्बे ठीक होग्या, अर अपने बिस्तर ठाके हाँडण-फिरण लागग्या।

10 वो आराम का दिन था। ज्यातै यहूदी उस ताहीं जो ठीक होया था, कहण लागगे, “आज तो आराम का दिन सै, तेरा बिस्तर ठाणा नियम-कायदा के मुताबिक ठीक कोनी।”

11 उसनै उन ताहीं जवाब दिया, “जिसनै मेरै ताहीं ठीक करया, उससे नै मेरै ताहीं कहा, ‘अपणा बिस्तर ठा अर हांड-फिर।’”

12 उननै उसतै बुझया, “वो कौण माणस सै जिसनै तेरे तै कहा, ‘बिस्तर ठा, अर हांड-फिर?’”

13 पर जो ठीक होया था वो कोनी जाणै था के वो कौण सै, क्यूँके उस जगहां पै भीड़ होण के कारण यीशु ओड़ै तै चला गया था।

14 इन बातों के पाच्छै वो यीशु नै मन्दर म्ह मिल्या। यीशु नै उस ताहीं कहा, “देख, तू ठीक होगया सै: दुबारा पाप ना करिये, इसा ना हो के इसतै कोए भारी संकट तेरे पै आण पड़े।” 15 उस माणस नै जाके यहूदियाँ तै कह दिया के जिसनै मेरै ताहीं ठीक करया वो यीशु सै।

16 इस कारण यहूदी अगुवें यीशु नै तंग करण लागगे, क्यूँके वो इसे काम आराम के दिन करया करदा। 17 इसपै यीशु नै उन ताहीं कहा, “मेरा पिता सारी हाण काम करै सै, अर मेरे ताहीं भी करते रहणा सै।” 18 यीशु की बात के कारण यहूदी अगुवें और भी घणे उस ताहीं मारण खात्तर कोशिश करण लागगे, क्यूँके वो ना सिर्फ आराम के दिन का नियम तोड्या करदा, पर परमेसवर नै अपणा पिता कहके खुद ताहीं परमेसवर के बरोबर भी ठेहरावै था।

?????? ? ? ? ? ? ? ? ?

19 इसपै यीशु नै उस ताहीं कहा, “मै थारैताहीं साच्ची-साच कहूँ सूँ, बेट्टा* खुद तै किमे न्ही कर सकदा, सिर्फ वो जो पिता नै करदे देखै सै, क्यूँके जिन-जिन काम्मां नै वो करै सै उननै बेट्टा भी इस्से ढाळ करै सै। 20 क्यूँके पिता बेट्टै तै प्यार करै सै अर जो-जो काम वो खुद करै सै, वो सारे उसतै दिखावै सै: अर वो इसतै भी बड़े काम उस ताहीं दिखावैगा, ताके थम हैरान होओ। 21 जिसा पिता मरे होया नै ठावै अर जिवावै सै उससे ढाळ बेट्टा भी जिननै चाहवै सै उननै जिवावै सै। 22 पिता किसे का न्याय कोनी करदा, पर न्याय करण का सारा काम बेट्टै ताहीं सौंप राख्या सै, 23 ताके सारे माणस जिस ढाळ पिता की इज्जत करै सै उससे ढाळ बेट्टै की भी इज्जत करै। जो बेट्टै की इज्जत कोनी करदा, वो पिता की भी इज्जत कोनी करदा, जिसनै उस ताहीं भेज्या सै।”

* 5:19 5:19 बेट्टा यीशु खुद नै बेट्टा कहके सम्बोधित करै से

24 मै थारैतै साच्ची-साच कहूँ सूँ, जो मेरा वचन सुणकै उसपै बिश्वास करै सै, जिसनै मेरै ताहीं भेज्या सै, वो अनन्त जीवन पावै सै, अर उसपै दण्ड का हुकम कोनी होन्दा, पर वो मौत नै पार करके जीवन म्ह दाखल हो लिया सै। 25 “मै थारैतै साच्ची-साच कहूँ सूँ, वो बखत आवै सै, अर इब सै, जिसमह मरे होड़ परमेसवर के बेट्टै का वचन सुणेंगे, अर जो सुणेंगे वे जिवेंगे। 26 क्यूँके जिस ढाळ तै पिता खुद म्ह जीवन राखवै सै, उससे ढाळ तै उसनै बेट्टै ताहीं भी यो अधिकार दिया सै के खुद जीवन राखवै। 27 बल्के मेरे ताहीं माणसां के न्याय करण का भी अधिकार दिया सै, ज्यातै के मै माणस का बेट्टा सूँ।”

28 इसतै हैरान मतना होओ: क्यूँके वो बखत आवै सै के जितने मरे होए लोग कब्रों म्ह सै वे मेरा वचन सुणकै लिकड़ आवेंगे। 29 जिन नै भले काम करे सै वे जीवन के पुनरुत्थान खात्तर जी जावेंगे अर जिन नै बुरे काम करे सै वे दण्ड के पुनरुत्थान खात्तर जी जावेंगे।

?????? ? ? ? ? ? ? ? ?

30 “मै खुद तो कुछ कोनी कर सकदा, जिसा सुणु सूँ, उससे तरियां न्याय करूँ सूँ, अर मेरा न्याय साच्चा सै, क्यूँके मै अपणी मर्जी कोनी पर अपणे भेजण आळे की मर्जी चाहूँ सूँ।”

31 जै मै खुदे अपणी गवाही दूँ, तो मेरी गवाही साच्ची कोनी। 32 एक और सै जो मेरा पिता सै, वो मेरी गवाही देवै सै, अर मै जाणु सूँ, के मेरी जो गवाही वो देवै सै, वा साच्ची सै।

33 थमनै यूहन्ना तै बुझवाया अर उसनै सच्चाई की गवाही दी सै। 34 पर मै अपणे बारै म्ह माणसां की गवाही कोनी चाहन्दा, फेर भी मै ये बात ज्यातै कहूँ सूँ के थारा उद्धार हो। 35 यूहन्ना तो बळदे अर चमकदे होए दीवै के समान था, अर थमनै किमे वार ताहीं उसके चाँदणे म्ह मगन होणा भाया।

36 पर मेरे धरै जो गवाही सै वा यूहन्ना की गवाही तै बड्डी सै, क्यूँके जो काम पिता नै मेरै ताहीं निपटाण नै सौप्या सै यानिके योए काम जो मै करूँ सूँ, वे मेरे गवाह सै के पिता नै मेरै ताहीं भेज्या सै। 37 अर पिता जिसनै मेरै ताहीं भेज्या सै, उससे नै मेरी गवाही दी सै। थमनै ना कदे उसका वचन सुण्या, अर ना उसकी शकल देखी सै, 38 अर उसके वचन ताहीं मन म्ह बणाए कोनी राखदे, क्यूँके जिस ताहीं उसनै भेज्या थम उसका बिश्वास कोनी करदे। 39 थम पवित्र ग्रन्थ म्ह टोक्हो सो, क्यूँके समझों सो के उस म्ह अनन्त जीवन थारै ताहीं मिलै सै, अर यो वोए सै जो मेरी गवाही देवै सै, 40 फेर

भी थम अनन्त जीवन पाण खात्तर मेरै धोरै आणा कोनी चाहन्दे ।

41 मै माणसां तै आदर कोनी चाहन्दा । 42 पर मै थमनै जाणु सूं, के थारे म्ह परमेसवर खात्तर प्यार कोनी । 43 थम मेरे ताहीं पसन्द न्ही करते जिव के मै अपणे पिता के नाम तै आया सूं, जै दुसरा कोए खुद के नाम तै आवै, तो उसनै थम अपणा लोगे । 44 थम मेरै पै किस तरियां बिश्वास कर सको सो? क्यूँके थम तो आप्पस म्ह एक-दुसरे तै तारीफ सुणणा चाहाँ सो, अर उस तारीफ की ओड़ देखते भी कोनी जो एकमात्र परमेसवर तै आवै सै ।

45 न्यू ना समझियों के मै पिता के स्याम्ही थारे म्ह खोट काढू सूं, थारे म्ह खोट काढणिया तो मूसा नबी सै, जिसपै थमनै भरोस्सा करया सै । 46 क्यूँके जै थम मूसा नबी पै बिश्वास करदे, तो मेरा भी बिश्वास करदे, ज्यातै के उसनै मेरै बारै म्ह लिख्या सै । 47 पर जै थम उसके पवित्र ग्रन्थ म्ह लिक्खी होई बात्तां पै बिश्वास कोनी करदे, तो मेरी बात्तां पै किस तरियां बिश्वास करोगे?

6

[\[2:13-21\]](#) [\[2:30-44\]](#) [\[9:10-17\]](#)

1 इन बात्तां के पाच्छे, यीशु गलील समुन्दर यानिके तिबिरियास की झील के धोरै गया । 2 अर एक बड्डी भीड़ उसके गेल्या हो ली क्यूँके जो अचम्भे के काम वो बिमारां पै दिखावै था वे उननै देख्या करै थे । 3 फेर यीशु पहाड़ पै चढकै अपणे चेल्यां के गेल्या बैठग्या । 4 यहूदियाँ के फसह का त्यौहार लोवै था ।

5 जब यीशु नै अपणी आँख ठाके एक बड्डी भीड़ ताहीं अपणे कान्ही आन्दे देख्या, फेर फिलिप्पुस ताहीं कह्या, “हम इनके खाणे के खात्तर कडै तै रोट्टी मोल ल्यावां?” 6 उसनै या बात उस ताहीं आजमाण ताहीं बोल्ली, क्यूँके वो खुदे जाणै था के वो के करैगा ।

7 फिलिप्पुस नै उस ताहीं जवाब दिया, “दो सौ दीनार (200 दिन की मजदूरी) की रोट्टी भी उन खात्तर पूरी कोनी पडै के उन म्ह तै हरेक नै माड़ी-माड़ी मिल जा ।”

8 उसके चेल्यां म्ह तै शमौन पतरस का भाई अन्दरयास नै उस ताहीं कह्या, 9 “याडै एक छोरा सै जिसके धोरै जौ की पाँच रोट्टी अर दो मच्छी सै, पर इतने माणसां खात्तर वे के सै?”

10 यीशु बोल्या, “माणसां नै बिठा द्यो ।” उस जगहां घणी घास थी: फेर माणस जिन म्ह आदमियाँ की गिणती करीबन पाँच हजार की थी, बैठगे । 11 फेर यीशु नै रोट्टी ली अर परमेसवर का धन्यवाद करके बैठण आळा ताहीं

बांड दी: अर उससे ढाळ मच्छियाँ म्ह तै जितनी वे चाहवै थे, बांड दी ।

12 जब वे खाके छिकगे फेर वो चेल्यां तै बोल्या, “बचे होड़ टुकड़े कट्टे कर ल्यो के किमे बगायां न्ही जावै ।”

13 आखर म्ह उननै कट्टा करया, अर जौ की पाँच रोट्टियाँ के टुकड्या तै जो खाण आळा तै बची होड़ थी, बारहा टोकरी भरी ।

14 फेर जो अचम्भे के काम उसनै कर दिखाये उसनै वे माणस देखके कहण लागगे, “वो नबी जो दुनिया म्ह आण आळा था, पक्का योए सै ।” 15 यीशु न्यू जाणके के वे मन्नै राजा बणाण खात्तर पकड़णा चाहवै सै, फेर पहाड़ पै एकला चल्या गया ।

[\[2:13-21\]](#) [\[2:30-44\]](#) [\[9:10-17\]](#)
[\[14:22-33\]](#); [\[6:45-52\]](#)

16 जब साँझ होई, तो उसके चेल्लें झील के किनारे गए, 17 अर किस्ती पै चढके झील के परली ओड़ कफरनहूम नगर म्ह जाण लागगे । उस बखत अन्धेरा होग्या था, अर यीशु इब ताहीं उनके धोरै कोनी आया था । 18 अर आँधी के कारण समुन्दर म्ह झाल उट्टण लागगी । 19 जब वे खेते-खेते तीन-चार कोस के करीबन लिक्कगे, फेर उननै यीशु ताहीं समुन्दर पै चाल्दे अर किस्ती के धोरै आन्दे देख्या, अर डरगे । 20 पर उसनै उनतै कह्या, “मै सूं, डरो मतना ।” 21 आखर म्ह वे उसनै किस्ती पै चढाण नै राज्जी होए अर जिब्बे वा किस्ती उस जगहां पै जा पोहची जडै वे जाण लागरे थे ।

[\[2:13-21\]](#) [\[2:30-44\]](#) [\[9:10-17\]](#)

22 जो लोग गलील समुन्दर के उस पार रहगे थे, उननै दुसरे दिन देख्या के याडै सिर्फ एक ए किस्ती थी, अर यीशु अपणे चेल्यां गेल्या उस किस्ती पै कोनी चढया था, पर सिर्फ उसके चेल्लें एकले ए चले गए थे । 23 तिबिरियास नगर की कुछ किस्ती उस जगहां के धोरै आके रुकी, जडै प्रभु नै परमेसवर का धन्यवाद करके भीड़ ताहीं रोट्टी खुआई थी । 24 जब भीड़ नै देख्या के याडै ना यीशु सै अर ना उसके चेल्लें, फेर वे भी छोट्टी-छोट्टी किस्तियाँ पै चढके यीशु नै टोन्दे होए कफरनहूम नगर पोहचे ।

[\[2:13-21\]](#) [\[2:30-44\]](#) [\[9:10-17\]](#)

25 गलील समुन्दर के परली ओड़ जब वे उसतै मिले तो बोल्ले, “हे गुरु, तू याडै कद आया?”

26 यीशु नै उन ताहीं जवाब दिया, “मै थारैताहीं साच्ची-साच कहूँ सूं, थम मन्नै ज्यातै कोनी टोव्हो सो के थमनै अचम्भे के काम देखे, पर ज्यातै के थमनै पेट भरके रोट्टी खाई थी ।” 27 उस खाणे खात्तर मेहनत ना करो जो सड़ जावै सै, पर उस खाणे खात्तर जतन करो

थारैतै कह्ये सै, वे आत्मा सै, अर जीवन भी। 64 पर थारे म्ह तै किमे इसे सै जो विश्वास कोनी करदे। क्यूँके यीशु पैहल्या तै ए जाणै था के जो विश्वास न्ही करदे, वे कौण सै, अर कौण मेरै ताहीं पकड़वावैगा। 65 अर वो बोल्या, “ज्यांतै मन्नै थारे ताहीं कह्या था के जिव ताहीं किसे नै पिता की ओड़ तै यो वरदान ना मिलै तब ताहीं वो मेरै धारै कोनी आ सकदा।”

२२२२ २२ २२२२२२२२

66 इसपै उसके चेल्यां म्ह तै घणखरे उल्टे हटगे अर उसके बाद उसके गेल्या कोनी चाल्ले।

67 फेर यीशु नै उन बारहां चेल्यां तै कह्या, “के थम भी चले जाणां चाहो सो?”

68 शमौन पतरस नै उस ताहीं जवाब दिया, “हे प्रभु, हम किसके धारै जावां? अनन्त जीवन की बात तो तैरे ए धारै सै, 69 अर हमनै विश्वास करया अर जाणगे सै के परमेसवर का पवित्र जन तू ए सै।”

70 यीशु नै उन ताहीं जवाब दिया, “के मन्नै थम बारहां चेल्यां ताहीं कोन्या छाट्या? फेर भी थारे म्ह तै एक जन शैतान सै।” 71 यो उसनै शमौन इस्करियोती के बेट्टे यहूदा के बारै म्ह कह्या था, क्यूँके वो ए जो बारहां चेल्यां म्ह तै एक था, उस ताहीं पकड़वाण म्ह था।

7

२२२२ २२ २२२२ २२२२

1 इन बात्तां के हो लेण के पाच्छै यीशु गलील परदेस म्ह सफर करण लाग्या, वो यहूदिया परदेस म्ह जाणा कोनी चाहवै था, क्यूँके यहूदी लोग उस ताहीं मारण की ताक म्ह थे। 2 यहूदियां का झोपड़ियां का त्यौहार लोवै था। 3 ज्यांतै उसके भाईयां नै उस ताहीं कह्या, “थाड़ै तै यहूदिया परदेस नै जा, ताके जो काम तू करै सै उननै तेरे चेल्लें ओड़ै भी देखवै। 4 क्यूँके इसा को ए न्ही होगा जो मशहुर होणा चाहवै, अर लुहक के काम करै। जै तू यो काम करै सै, तो खुद नै दुनिया म्ह साबित कर।” 5 क्यूँके उसके भाई भी उसपै विश्वास कोनी करै थे। 6 फेर यीशु नै उनतै कह्या, “मेरे खात्तर इब्बै सही बखत कोनी आया, पर थारे खात्तर सारा बखत सही सै। 7 दुनिया थारे तै बैर कोनी कर सकदी, पर वा मेरै तै बैर करै सै क्यूँके मै उसके बिरोध म्ह या गवाही दियुं सू के उसके काम भुन्डे सै। 8 थम त्यौहार म्ह जाओ, मै इब्बै इस त्यौहार म्ह कोनी जान्दा, क्यूँके इब्बै मेरा सही बखत कोनी आया।” 9 वो उनतै ये बात कहकै गलील परदेस म्ह रहग्या।

२२२२२२२२२२ २२ २२२२२२२२ २२२ २२२२

10 पर जिव उसके भाई त्यौहार म्ह जा लिए तो वो खुद भी, जाहिर म्ह न्ही पर मान्नो गुप्ती तै गया। 11 त्यौहार म्ह कुछ यहूदी लोग यीशु ताहीं टोहन्दे हो ए पूछताछ करण लागरे थे, “के वो कड़ै सै?” 12 फेर भी यीशु के बारै म्ह बड़ी बहस होण लागरी थी, कई माणस कहवै थे, “के वो भला माणस सै।” अर कईयां का कहणा था, “के ना, वो माणसां नै बहकावै सै।” 13 फेर भी यहूदियां के डरके मारे को ए भी माणस यीशु के बारै म्ह खुलके कोनी बोल्लै था।

२२२२२२२२ २२२ २२२२ २२ २२२२२२

14 जिव त्यौहार के आध्धे दिन बीतगे, फेर यीशु मन्दर म्ह जाके उपदेश देण लागग्या। 15 फेर यहूदियां नै हैरान होके कह्या, “इसनै बिना पढ़े ज्ञान किस तरियां आ गया?” 16 यीशु नै उन ताहीं जवाब दिया, “जो उपदेश मै देऊं सू, मेरा अपणा कोनी, पर उसतै आवै सै जिसनै मेरे ताहीं भेज्या सै। 17 जै को ए माणस उसकी मर्जी पै चाल्लण का प्रण करै, तो उस ताहीं यो बेरा लाग ज्यागा, के यो उपदेश परमेसवर की ओड़ तै सै, या मै अपणी ओड़ तै देऊं सू। 18 जो अपणी ओड़ तै कुछ कहवै सै, वो खुद की बड़ाई चाहवै सै, पर जो अपणे भेजण आळे की बड़ाई चाहवै सै वो ए साच्चा सै, अर उस म्ह अधर्म कोनी। 19 के मूसा नबी नै थारैताहीं नियम-कायदे कोनी दिये? फेर भी थारैम्ह तै को ए नियम-कायदा पै कोनी चाल्दा। थम मन्नै क्यातै मारणा चाहो सो?” 20 माणसां नै जवाब दिया, “तेरे म्ह ओपरी आत्मा सै! कौण तन्नै मारणा चाहवै सै?” 21 यीशु नै उन ताहीं जवाब दिया, “मन्नै आराम के दिन एक चमत्कार करया, अर थम सारे छो म्ह होगे। 22 इस्से खात्तर मूसा नबी नै थारैताहीं खतने का नियम दिया था (यो नियम मूसा नबी का न्ही था बल्के या थारे पूर्वजां तै ए लाग लागरी सै) अर थम आराम के दिन माणस का खतना करो सो। 23 जिव आराम के दिन माणस का खतना करया जावै सै ताके मूसा नबी के नियम-कायदा का हुकम न्ही टळै। फेर थम मेरै पै क्यांतै छो करो सो के मन्नै आराम के दिन एक माणस ताहीं पूरी तरियां ठीक करया। 24 मुँह देख्या न्याय मतना करो, पर सही-सही न्याय करो।”

२२ २२२२ २ २२२२ २२

25 फेर यरुशलम म्ह रहण आळे माणसां म्ह तै कईयां नै कह्या, “के यो वो ए कोनी जिस ताहीं यहूदी अगुवें मार देणा चाहवै सै?” 26 पर लखाओ, “वो तो सरेआम बात करै सै अर को ए उसतै किमे कोनी कहन्दा। के यो न्ही हो सकता के यहूदी अगुवां नै साच्चे बेरा पाटग्या सै, के यो ए मसीह सै? 27 इसके बारै म्ह हमनै बेरा सै यो

कितका सै, पर मसीह जिब आवैगा तो कोए कोनी जाणै के वो कितका सै।” 28 फेर यीशु नै मन्दर म्ह उपदेश देन्दे होए रुक्का मारकै कह्या, “थम मन्नै जाणो सो, अर न्यू भी जाणो सो के मै कित्त तै आया सू। मै तो खुद कोनी आया, पर मेरा भेजण आळा साच्चा सै, उसनै थम कोनी जाणदे। 29 पर मै उसनै जाणु सू, क्यूँके मै उसके कान्ही तै आया सू, अर उस्से नै मेरै ताहीं भेज्या सै।” 30 यो सुणकै यहूदी अगुवां नै यीशु ताहीं पकड़णा चाह्या, फेरभी किसे नै उसके हाथ कोनी लाया, क्यूँके उसके मरण का सही बखत इब्बै कोनी आया था। 31 फेर भी भीड़ म्ह तै घणखरे माणसां नै उसपै बिश्वास करया, अर बोल्ले, “मसीह जिब आवैगा तो के इसतै घणे अचम्भे के काम दिखावैगा जो इसनै दिखाए?”

२२२२ २२२२२२ २२२२२२ २२ २२२२२२२२

32 फरीसियाँ नै भीड़ म्ह माणस ताहीं यीशु के बारे म्ह चुपके-चुपके बात करते सुण्या, तो प्रधान याजक अर फरीसियाँ नै यीशु ताहीं पकड़ण खात्तर मन्दर के सिपाहियाँ ताहीं भेज्या। 33 मसीह यीशु बोल्ल्या, “मै थोड़ी बार ताहीं थारे गेल्या सू, फेर अपणे भेजण आळे धोरै उल्टा चल्यो जाऊंगा। 34 थम मन्नै टोहओगे, पर कोनी पाओगे, अर जड़ै मै सू, ओड़ै थम कोनी आ सकदे।” 35 इसपै यहूदी अगुवां नै आप्पस म्ह कह्या, “यो कित्त जावैगा, के हम इसनै कोनी टोह सकदे? के यो जो यूनानी परदेशियाँ म्ह तो बसणा न्ही चाहन्दा, ताके यूनानियाँ ताहीं भी उपदेश दे? 36 इसकी इस बात का के मतलब सै? जो उसनै बोल्लो सै, के थम मन्नै टोहओगे, पर कोनी पाओगे, अर जड़ै मै सू, ओड़ै थम न्ही आ सकदे।”

२२२२-२२ २२ २२२२२२२२

37 त्यौहार के आखरी दिन, जो खास दिन सै, यीशु खड्या होया अर रुक्का मारकै कह्या, “जै कोए तिसाया हो तो मेरै धोरै आवै अर पीवै। 38 जो कोए मेरै पै बिश्वास करैगा, जिसा पवित्र ग्रन्थ म्ह लिख्या सै, उसकी अंतरआत्मा म्ह तै जीवन के जल की नदियाँ बह लिकड़ैगी, जो अनन्त जिन्दगी देवै सै।” 39 यीशु नै यो वचन पवित्र आत्मा के बारे म्ह कह्या, जो बिश्वास करण आळा नै मिलण आळी थी, क्यूँके इब ताहीं पवित्र आत्मा कोनी उतरया था, क्यूँके यीशु इब ताहीं अपणी महिमा म्ह कोनी पोंहच्या था। 40 फेर भीड़ म्ह तै कईयाँ नै या बात सुणकै कह्या, “साच्ये योए वो नबी सै, जिसके आण की हम आस देख्वां थे।” 41 अर कईयाँ नै कह्या, “यो मसीह सै” पर कई बोल्ले, “मसीह गलील परदेस तै तो न्ही आवैगा?” 42 पवित्र ग्रन्थ यो कहवै सै, के

मसीह दाऊद की पीढ़ी तै अर बैतलहम नगर तै आवैगा, जड़ै दाऊद रहवै था? 43 आखर म्ह उसके कारण माणसां म्ह फूट पड़ी। 44 उन म्ह तै कई उस ताहीं पकड़णा चाहवै थे, पर किसे नै उसके हाथ कोनी लाया।

२२२२२२ २२२२२२२२ २२ २२२२२२२२२२

45 फेर सिपाही, प्रधान याजकां अर फरीसियाँ के धोरै बोहड़ आए, उननै उन ताहीं कह्या, “थम उसनै क्यातै न्ही ल्याए?” 46 सिपाहियाँ नै जवाब दिया, “इसी बात बताण आळा माणस हमनै आज ताहीं कदे भी कोनी मिल्या।” 47 फरीसियाँ नै उन ताहीं जवाब दिया, “के थम भी भळोई म्ह आगै? 48 के सरदारां या फरीसियाँ म्ह तै किसे नै भी उसपै बिश्वास करया सै? 49 पर ये माणस जो मूसा नबी के नियम-कायदे कोनी जाणदे, परमेसवर की ओड़ तै सरापित सै।” 50 नीकुदेमुस जो उन म्ह तै एक था, वो मसीह यीशु तै पैहल्या मिल चुका था, उन ताहीं बोल्ल्या, 51 “के म्हारे नियम-कायदे किसे माणस नै, जिब ताहीं पैहल्या उसकी सुणकै जाण ना लेवै, के वो के करै सै, कसूरवार मान्नै सै?” 52 उननै नीकुदेमुस ताहीं जवाब दिया, “तू भी गलील परदेस का सै? पवित्र ग्रन्थ म्ह दूँद अर देख के गलील परदेस तै कोए नबी कोनी आवै।” 53 फेर सारे अपणे-अपणे घरां चले गए।

8

२२२२ २२२२२२२२२२२ २२२२२२ २२२२२

1 यीशु अपणे चेल्यां के गैल जैतून के पहाड़ पै गया। 2 तड़कैए आगले दिन यीशु फेर मन्दर म्ह आया। भोत सारे माणस उसके धोरै आए अर वो बैठकै उननै उपदेश देण लाग्या। 3 जिब वो बोलण लागरया था, तो जिब्वे शास्त्री अर फरीसी एक बिरबान्नी नै ल्याए, जो जारी करते होए रंगे हाथ पकड़ी गयी थी, अर उस ताहीं माणसां के स्याम्ही खड्या कर दिया, अर यीशु ताहीं कह्या, 4 “हे गुरु, या बिरबान्नी जारी कर दी रंगे हाथ पकड़ी गयी सै। 5 मूसा नबी के नियम-कायदा म्ह उसनै म्हारै ताहीं हुकम दिया सै, के इसी बिरबान्नी नै पत्थर बरसा के मार द्यो। पर तू इस बिरबान्नी के बारे म्ह के कहवै सै?” 6 उननै यीशु ताहीं परखण खात्तर या बात कही, ताके उस म्ह खोट लिकाड़ण का कोए सुराग मिलै जावै। पर यीशु कोड़डा होकै आन्गळी तै धरती पै लिखण लाग्या। 7 जिब वे बार-बार उसतै सवाल करते रहे, तो फेर उसनै सीध्धा होकै उन ताहीं कह्या, “थारे म्ह जिसनै भी कोए पाप न्ही करया हो, वोए उसके सबतै पैहला पत्थर मारै।” 8 फेर यीशु कोड़डा होकै आन्गळी तै धरती पै लिखण लाग्या।

9 जिब माणसां नै यो सुण्या तो सबतै पैहले बूढ़े माणस अर फेर एक-एक करके ओड़ै तै खिसकण लागगे, क्यूँके वे सब जाणै थे, के हम सब पापी सां, अर सिर्फ यीशु अर वा बिरबान्नी ओड़ै रहगे। 10 यीशु खड्या होया अर उस बिरबान्नी ताहीं कह्या, “हे नारी, वे कित्त गए? के किस्से नै तेरे ताहीं दण्ड न्ही दिया?”

11 वा बोल्ली, “हे प्रभु, किसे नै न्ही।” यीशु बोल्या, “मै भी तेरे ताहीं दण्ड न्ही देऊंगा, जा, अर दुबारा कदे पाप ना करिए।”

???? ???? ? ? ?

12 मन्दर म्ह अपणे उपदेश नै दुबारै शरु करदे होए यीशु नै माणसां तै कह्या, “दुनिया का चाँदणा मै सू, जो कोए मेरै पाच्छै चाल्लैगा, वो अन्धेरै म्ह कदे कोनी चाल्लैगा, पर वो चाँदणा पावैगा जो अनन्त जीवन देवै सै।” 13 फरीसियाँ नै उस ताहीं कह्या, “तू अपणी गवाही खुद देवै सै, इस खात्तर तेरी गवाही साच्ची कोनी।”

14 यीशु नै उन ताहीं जवाब दिया, “भलाए मै अपणी गवाही खुद देऊँ सू, फेर भी मेरी गवाही मान्नी जावैगी, क्यूँके मै जाणु सू, के मै कित्त तै आया सू, अर कितोड़ जाऊँ सू? पर थम कोनी जाणदे के मै कित्त तै आऊँ सू, या कितोड़ जाऊँ सू। 15 थम मानवीय सोच तै, न्याय करो सो, मै किसे का न्याय कोनी करदा। 16 जै मै न्याय करूँ भी तो वो सही ए होगा, क्यूँके मै एक्ला कोनी, पर परम पिता, जिसनै मेरै ताहीं भेज्या सै, वो अर मै दोन्नु मिलके न्याय करा सां। 17 थारे मूसा नबी के नियम-कायदा म्ह भी लिख्या सै, के दो जणयां की गवाही सच के रूप म्ह मान्नी जा सकै सै। 18 एक तो मै खुद अपणी गवाही दियुँ सू, अर दुसरा मेरा पिता मेरी गवाही देवै सै, जिसनै मेरैताहीं भेज्या।”

19 उननै उस ताहीं कह्या, “तेरा पिता कित्त सै?” यीशु नै जवाब दिया, “ना थम मन्ने जाणो सो, ना मेरै पिता नै, जै मन्ने जाणदे तै मेरै पिता नै भी जाणदे।” 20 यीशु नै ये वचन मन्दर म्ह उपदेश देन्दे होए भण्डार घर म्ह बोल्ली, अर किसे नै उस ताहीं कोनी पकड्या, क्यूँके उसके दुख ठाण का अर मरण का बखत इब ताहीं कोनी आया था।

???? ???? ? ? ?

21 यीशु नै फेर उन ताहीं कह्या, “मै जाऊँ सू, अर थम मन्ने टोहओगे, अर अपणे पाप म्ह मरोगे। जड़ै मै जाऊँ सू, ओड़ै थम न्ही आ सकदे।”

22 इसपै यहूदी अगुवां नै कह्या, “के वो खुद नै मार देवैगा, जो कहवै सै, ‘जड़ै मै जाऊँ सू, ओड़ै थम न्ही आ सकदे?’”

23 यीशु नै उन ताहीं कह्या, “थम इस दुनिया म्ह पैदा होए सों, अर मै सुर्ग तै आया सू। थम इस दुनिया के सो, मै इस दुनिया का कोनी। 24 ज्यांतै मन्ने थारे ताहीं कह्या के थम अपणे पापां म्ह मरोगे, जै थारा मेरे म्ह बिश्वास कोनी के मै कौण सू, तो थम मरोगे, अर थारे पाप माफ कोनी होंगे।”

25 यहूदी अगुवां नै यीशु ताहीं कह्या, “के तू कौण सै?” वो उनतै बोल्या, जिब तै मन्ने प्रचार करणा शरु करया सै, तब तै मै थमनै कहन्दा आया सू, “के मै कौण सू?”

26 “थारे बारै म्ह कहण खात्तर अर फैसला करण खात्तर मेरे धोरै भोत कुछ सै, पर सच्चाई याए सै के जिसनै मेरे ताहीं भेज्या सै, मै वोए कहूँ सू, जो मन्ने उसतै सुण्या सै, वोए दुनिया के माणसां तै कहूँ सू।”

27 वे न्यू न्ही समझै के म्हारै तै, पिता के बारै म्ह कहवै सै। 28 फेर यीशु बोल्या, “जिब थम मुझ माणस के बेट्टे नै ऊँचे पै चढाओगे, जिब जाणोगे के मै वोए सू। मै खुद तै किमे कोनी करदा, पर जिस तरियां मेरै पिता नै, मेरै ताहीं सिखाया सै, उस्से ढाळ ये बात कहूँ सू। 29 मेरा भेजण आळा मेरै गेल्या सै, उसनै मेरैताहीं एक्ला कोनी छोड्या क्यूँके मै सारी हाण वैए काम करूँ सू, जिसतै वो राज्जी होवै सै।” 30 वो ये बात कहणे लागरया था, के घणखरयां नै उसपै बिश्वास करया।

?? ???? ???? ???? ???? ?

31 फेर यीशु नै उन यहूदियाँ तै जिन नै उसपै बिश्वास करया था, बोल्या, “जै थम मेरै वचन म्ह बणे रहोगे, तो साच-ए मेरे चल्लें ठहरोगे।” 32 थम सच नै जाणोगे अर सच थमनै आजाद करैगा।

33 उननै उस ताहीं जवाब दिया, “हम तो अब्राहम के वंशज सा, कदे किसे के गुलाम कोनी बणे। फेर तू किस तरियां कहवै सै, के थम आजाद हो जाओगे?”

34 यीशु नै उन ताहीं जवाब दिया, “मै थारैतै साच्ची-साच कहूँ सू, के जो कोए पाप करै सै, वो पाप का गुलाम सै। 35 गुलाम सारी हाण घर म्ह कोनी रहन्दा, बेट्टा सारी हाण घरां रहवै सै। 36 ज्यांतै जै बेट्टा थमनै आजाद करैगा, तो साच्चे थम आजाद हो जाओगे। 37 मै जाणु सू, के थम अब्राहम के वंश के सो, फेर भी थम मेरे वचनां नै कोनी मानते, ज्यांतै थम मन्ने मारणा चाहो सो। 38 मै वोए कहूँ सू, जो मेरे पिता नै मेरे ताहीं दिखाया सै, अर थम वोए करो सों, जो थमनै अपणे पिता तै सुण्या सै।”

39 उननै उस ताहीं जवाब दिया, “म्हारा पूर्वज तो अब्राहम सै।” यीशु उनतै बोल्या, “जै थम अब्राहम के वंशज होन्दे, तो अब्राहम जिसे काम करदे। 40 पर

इब थम मेरै ताहीं मारणा चाहो सो, जिसनै थारे ताहीं वो साच्चा वचन बताया जो परमेसवर तै सुण्या, इस तरियां तो अब्राहम नै कोनी करया था। 41 थम अपने पिता कै जिसे काम करो सो।” उननै यीशु ताहीं कह्या, “हम जारी तै कोनी जणे, म्हारा एक ए पिता सै यानिके परमेसवर।”

42 यीशु उनतै बोल्या, “जै परमेसवर थारा पिता होन्दा, तो थम मेरै तै प्यार करदे, क्यूँके मै परमेसवर की ओड़ तै आया सू। मै खुद कोनी आया, पर उस्से नै मेरै ताहीं भेज्या। 43 थम मेरी बात क्यांतै न्ही समझदे? ज्यांतै के थम मेरे वचनां नै अपनादे कोनी। 44 थम अपने पिता शैतान की ओड़ तै सो, अर अपने पिता की मर्जी पूरी करणा चाहो सो। वो तो शुरु तै ए खून्नी सै, अर सच पै टिक्या ए कोनी रहया, क्यूँके सच उस म्ह सै ए कोनी। जब वो झूठ बोल्लै सै, तो अपने सुभाव तै ए बोल्लै सै, क्यूँके वो झूठठा सै बल्के झूठ का बाप सै। 45 पर मै जो सच बोल्लू सू, इस्से करके थम मेरा बिश्वास कोनी करदे। 46 थारे म्ह तै कौण मन्नै पापी ठैहरावै सै? जै मै सच बोल्लू सू, तो थम मेरा बिश्वास क्यांतै न्ही करदे? 47 जो परमेसवर कान्ही तै होवै सै, वो परमेसवर की बात सुणै सै, अर थम ज्यांतै कोनी सुणदे के परमेसवर की ओड़ तै कोनी सो।”

॥॥॥॥ ॥॥ ॥॥॥॥॥॥॥

48 न्यू सुण यहूदियाँ नै उस ताहीं कह्या, “के हम ठीक कोनी कहन्दे के तू सामरी सै, अर तेरे म्ह भुन्डी ओपरी आत्मा सै?”

49 यीशु नै जवाब दिया, “मेरै म्ह भुन्डी ओपरी आत्मा कोनी,” पर मै अपने बाप की इज्जत करूँ सू, अर थम मेरी बेजती करो सो। 50 पर मै अपना मान-सम्मान कोनी चाहन्दा, हाँ, एक सै जो चाहवै सै, अर न्याय करण आळा सै। 51 मै थमनै साच्ची-साच कहूँ सू, “के जै कोए माणस मेरे वचनां नै मान्नेगा, तो वो अनन्त काल ताहीं कोनी मरै।”

52 यहूदियाँ नै उस ताहीं कह्या, “इब हम जाणगे के तेरे म्ह भुन्डी ओपरी आत्मा सै। अब्राहम मरग्या अर नबी भी मरग्ये सै, अर तू कहवै सै, ‘जै कोए मेरे वचनां नै मान्नेगा, तो वो अनन्त काल ताहीं कोनी मरै।’ 53 म्हारा पूर्वज अब्राहम तो मरग्या। के तू उसतै भी बड़ड़ा सै? अर नबी भी मरग्ये। तू अपने-आपनै के मान्ने सै?”

54 यीशु नै जवाब दिया, “जै मै खुद अपनी महिमा करूँ, तो मेरी महिमा किमे कोनी। पर मेरी महिमा करण आळा मेरा पिता सै, जिसनै थम कहो सो के वो थारा परमेसवर सै। 55 थमनै तो उस ताहीं कोनी जाणया, पर मै उस ताहीं जाणु सू। जै मै कहूँ के मै उस ताहीं कोनी

जाणदा, तो मै थारी ढाळ झूठठा ठहरूंगा, पर मै उस ताहीं जाणु अर उसके वचनां नै मान्नु सू। 56 थारा पूर्वज अब्राहम मेरा दिन देखण की आस म्ह घणा मगन था, अर उसनै देख्या अर आनन्द करया।”

57 यहूदियाँ नै उस ताहीं कह्या, “इब ताहीं तू पचास साल का कोनी, फेरभी तन्नै अब्राहम ताहीं देख्या सै?”

58 यीशु उनतै बोल्या, “मै थमनै साच्ची-साच कहूँ सू, के पैहल्या इसके के अब्राहम पैदा होया, मै सू।” 59 या बात सुणके माणसां नै यीशु ताहीं मारण खात्तर पत्थर ठाए, पर यीशु लुहकके मन्दर तै लिकड़ गया।

9

॥॥॥॥ ॥॥ ॥॥॥॥॥॥॥ ॥॥॥॥॥ ॥॥ ॥॥॥

1 ओड़ तै जान्दे होए राह म्ह एक यीशु ताहीं जन्म तै आन्धा एक माणस मिला। 2 उसके चेल्यां नै उसतै बुझिया, “हे गुरु, किसनै पाप करया था के यो आन्धा पैदा होया, इस माणस नै या इसके माँ-बाप नै?”

3 यीशु नै जवाब दिया, “ना तो इसनै पाप करया था, ना इसके माँ-बाप नै पाप करया, पर यो ज्यांतै आन्धा पैदा होया ताके परमेसवर की शक्ति दिखाई जा सके। 4 जिसनै मेरै ताहीं भेज्या सै, हमनै उसके काम दिन-ए-दिन म्ह करणा जरूरी सै। वा रात आण आळी सै, जिस म्ह कोए माणस काम न्ही कर पावैगा। 5 जब ताहीं मै दुनिया म्ह सू, जद ताहीं दुनिया का चान्दणा सू।”

6 न्यू कहके यीशु नै धरती पै थुक्या, अर उस थूक तै माट्टी का लेप बनाया, अर उस लेप ताहीं आँधे की आँखां पै लगाके। 7 उसतै बोल्या, “जा,” “शीलोह के कुण्ड म्ह” (शीलोह का मतलब भेज्या होया सै)। उसनै जाके अपना मुँह धोया, अर जब वो बोहड़ा तो उसनै दिक्खण लाग्या।

8 फेर भिखारी के पड़ोसी अर उन माणसां नै जिननै उस ताहीं पैहल्या भीख माँगदे देख्या था, एक-दुसरे तै कहण लागगे, “के यो वोए न्ही सै, जो बेटचा भीख माँगया करै था?” 9 कई माणस बोल्ले, “यो वोए सै,” दुसरे बोल्ले, “कोनी, पर उसके जिसा सै।” उसनै कह्या, “मै वोए सू।”

10 फेर वे उसतै बुझण लागगे, “तेरी आँखां की रोशनी किस तरियां आगी?”

11 उसनै जवाब दिया, “यीशु नामक एक माणस नै माट्टी का लेप बनाया, अर मेरी आँखां पै लाके मेरै ताहीं बोल्या, ‘जा, शीलोह म्ह जाके अपना मुँह धो ले,’ बस फेर के था मै गया अर अपना मुँह धोया अर देखण लाग्या।”

12 उननै उसतै बुझिया, “वो माणस कित्त सै?” वो बोल्या, “मै कोनी जाणदा।”

सूं, तो चाहे मेरा बिश्वास ना भी करो, पर उन काम्मां का तो बिश्वास करो, ताके थम जाणो अर समझो के पिता मेरै म्ह सै अर मै पिता म्ह सूँ।” 39 फेर यहूदियाँ नै दुबारै उस ताहीं पकड़ण की कोशिश करी पर वो उनके हाथ्यां तै लिकड़ गया।

40 यीशु दुबारै यरदन नदी के परली ओड़ै उस जगहां पै चल्या गया, जड़ै यूहन्ना पैहल्या बपतिस्मा दिया करै था, अर वो ओड़ैए रहया। 41 घणखरे माणस उसके धोरै आके कहवै थे, “यूहन्ना नै तो कोए चमत्कार कोनी दिखाया, पर जो किमे यूहन्ना नै इसके बारे म्ह कह्या था, वो सारा कुछ साच्ची था।” 42 अर ओड़ै भोत-से माणसां नै यीशु पै बिश्वास करया।

11

???? ??

1 लाजर नामका एक माणस बीमार था, जो बैतनिय्याह गाम का था, अर उसकी दो भाण थी मरियम अर मार्था। 2 या वाए मरियम थी जिसनै बाद म्ह प्रभु पै खसबूदार तेल गेर के उसके पायां ताहीं बाळां तै पुन्जयां था*, लाजर इस्से का भाई था जो बीमार था। 3 इस करके उसकी भाणां नै यीशु ताहीं कुहवां भेज्या, “हे प्रभु, लखा, जिसतै तू प्यार करै सै, वो बीमार सै।”

4 न्यू सुणके यीशु न्यू बोल्या, “या बीमारी मरण का कारण कोनी, पर परमेसवर की महिमा खात्तर सै, ताके उसके जरिये परमेसवर के बेट्टै की महिमा होवै।” 5 मार्था उसकी बेब्बे अर लाजर तै यीशु प्यार करै था। 6 पर जब उसनै सुण्या के लाजर बीमार सै, तो जिस जगहां पै वो था, ओड़ै दो दिन और रुक गया। 7 दो दिन बाद फेर उसनै चेल्यां ताहीं कह्या, “आओ, हम फेर यहूदिया परदेस म्ह चाल्लां।”

8 चेल्यां नै उस ताहीं कह्या, “हे गुरु, कुछ दिन पैहल्या तो यहूदी तेरे पै पत्थर बरसा के तन्नै मारणा चाहवै थे, अर के तू फेर भी उड़ैए जाणा चाहवै सै?” 9 यीशु नै जवाब दिया, “के दिन के बारहा घन्टे कोनी होन्दे? जै कोए दिन म्ह चाल्लै तो ठोक्कर कोनी खान्दा, क्यूँके वे इस दुनिया के उजाळै नै देखवै सै। 10 पर जै कोए रात म्ह चाल्लै तो ठोक्कर खावै सै, क्यूँके उस म्ह उजाळा कोनी।”

11 उसनै ये बात कही, अर इसके बाद उन ताहीं कहण लाग्या, “के म्हारा साथी लाजर सो गया सै, पर मै उसनै जगाण जाऊँ सूँ।”

12 फेर चेल्यां नै उस ताहीं कह्या, “हे प्रभु, जै वो सो गया सै तो वो ठीक हो ज्यागा।” 13 यीशु नै तो उसकी

मौत के बाबत कह्या था, पर उननै सोच्या के उसनै नींद तै सोण के बाबत कह्या सै।

14 फेर यीशु नै उन ताहीं साफ-साफ कह दिया, “लाजर मर लिया सै, 15 यो थारे ए हित म्ह सै, के मै उड़ै कोनी था, क्यूँके इब थम मेरे पै बिश्वास कर सकोगे, आओ, हम उसके धोरै चाल्लां।”

16 फेर थोमा नै जो दिदुमुस कुह्वावै सै, अपणे गेल्या के चेल्यां ताहीं कह्या, “आओ, हम भी प्रभु के गेल्या मरण नै चाल्लां।”

???? ???? ??

17 बैतनिय्याह गाम पोहचे पाच्छै यीशु नै न्यू बेरया पाट्या के लाजर नै कब्र म्ह धरे चार दिन हो लिए सै। 18 बैतनिय्याह गाम यरुशलेम के धोरै कोए दो कोस† की दूरी पै था, 19 घणखरे यहूदी माणस मार्था अर मरियम के धोरै उसके भाई की मौत के बाबत दीलास्सा देण नै आरे थे। 20 जब मार्था नै यीशु के आण की खबर सुणी, तो मार्था उसतै मिलण खात्तर गई, पर मरियम घरा ए बेट्टी रही।

21 मार्था नै यीशु ताहीं कह्या, “हे प्रभु, जै तू आड़ै होंदा, तो मेरा भाई कदे न्ही मरदा। 22 अर इब भी मन्नै बेरा सै, जो कुछ तू परमेसवर तै माँगैगा, परमेसवर तन्नै देवैगा।”

23 यीशु नै उस ताहीं कह्या, “तेरा भाई जी ज्यागा।”

24 मार्था नै उस ताहीं कह्या, “मन्नै बेरा सै, के आखर के दिन म्ह पुनरुत्थान के बखत वो जी ज्यागा।”

25 यीशु नै मार्था तै कह्या, “पुनरुत्थान अर जीवन मै ए सूँ, जो कोए मेरै पै बिश्वास करैगा, वो जै मर भी जावै फेर भी जिवैगा, 26 अर जो कोए जीवै सै, अर वो मेरै पै बिश्वास करै सै, वो अनन्त काल ताहीं कोनी मरैगा। के तू इस बात पै बिश्वास करै सै।”

27 मार्था नै यीशु तै कह्या, “हाँ, हे प्रभु, मै बिश्वास करूँ सूँ, के परमेसवर का बेट्टा मसीह जो दुनिया म्ह आण आळा था, वो तूए सै।”

???? ???? ??

28 न्यू कहके मार्था चली गयी, अर अपनी बेब्बे मरियम ताहीं एकले म्ह बुलाके चुपके तै कह्या, “गुरु याड़ैए सै अर तन्नै बुलावै सै।” 29 न्यू सुण तिए मरियम जिब्बे उठके उसके धोरै आई। 30 यीशु इब्बे गाम तै बाहरे था, पर उससे जगहां था जड़ै मार्था उसतै मिली थी। 31 फेर जो यहूदी माणस उसके गेल्या घर म्ह थे अर उस ताहीं दीलास्सा देवै थे, न्यू देखके के मरियम जिब्बे उठके

* 11:2 11:2 12:1-8 † 11:18 11:18 तीन किलो. मी.

बारणै चली गयी सै, न्यू समझे के वा कब्र पै रोण नै जावै सै, तो उसके पाच्छै हो लिये।

32 जब मरियम उड़ै गई जड़ै यीशु था, तो उसनै देखदे उसके पायां म्ह पड़कै कह्या, “हे प्रभु, जै तू आड़ै होन्दा फेर मेरा भाई कोनी मरदा।”

33 जब यीशु नै जो यहूदी माणस उसके गेल्या आये थे, रोन्दे होए देख्या, तो आत्मा म्ह घणाए दुखी अर उदास होग्या,

34 अर कह्या, “थमनै उसकी लाश कित्त धर राक्खी सै?” उननै उस ताहीं कह्या, “हे प्रभु, चालकै देख ले।”

35 यीशु रोण लाग्या।

36 फेर यहूदी माणस कहण लाग्गे, “लखाओ, वो लाजर तै कितना प्यार करै था।”

37 पर उन म्ह तै कईयाँ नै कह्या, “के यो जिसनै आंध्याँ ताहीं रोशनी दे दी, के यो लाजर ताहीं मरण तै न्ही बचा सकै था?”

???? ? ? ? ? ? ? ? ? ? ?

38 यीशु मन म्हए फेर घणाए दुखी होकै कब्र पै आया। वा एक गुफा थी अर एक पत्थर उसपै धरया था।

39 यीशु नै कह्या, “पत्थर हटादो।” लाजर की बेब्बे मार्था उसतै कहण लाग्गी, “हे प्रभु, उस म्ह तै इब तो बदबू आवै सै, क्यूँके उसनै मरे चार दिन हो लिए सै।”

40 यीशु नै उन ताहीं कह्या, “के मन्नै तेरे तै कोनी कह्या था के जै तू बिश्वास करैगी, तो परमेसवर की महिमा नै देखैगी।” 41 फेर उननै पत्थर ताहीं हटाया। यीशु नै सुर्ग कान्ही निगांह ठाकै कह्या, “हे पिता, मै तेरा धन्यवाद करूँ सूँ, के तन्नै मेरी सुण ली सै। 42 अर मन्नै बेरा था के तू सारी हाण मेरी सुणै सै, पर जो भीड़ आसै-पासै खड़ी सै, उनकै बाबत मन्नै कह्या, ताके वे बिश्वास करै, के तन्नै मेरैताहीं भेज्या सै।”

43 न्यू कहकै ठाड़ू आवाज म्ह रुक्का मारया, “हे लाजर, लिकड़ आ।” 44 जो मर लिया था उसके हाथ पैर पट्टियाँ तै बंधे हुए थे, अर उसके मुँह पै अंगोच्छ्रा लिपटरया था। यीशु नै उन ताहीं कह्या, “उसनै खोलदो अर जाण द्यो।”

???? ? ? ? ? ? ? ? ? ? ?

(???? 26:1-5; ?? 14:1-2; ???? 22:1-2)

45 फेर जो यहूदी मरियम धौरै मिलण आरे थे, अर उसका यो चमत्कार देख्या था, उन म्ह तै घणखरयां नै उसपै बिश्वास करया। 46 पर उन म्ह तै कईयाँ नै फरीसियाँ धौरै जाकै यीशु के काम्मां की खबर दी।

47 ज्यांतै प्रधान याजकां अर फरीसियाँ नै यहूदी अगुवां की सभा करी, अर कह्या, “हमनै के करणा चाहिये? यो माणस तो घणे चमत्कार दिखावै सै। 48 जै हम उसनै न्यूए

करण द्या, तो फेर सारे उसपै बिश्वास करैगें, अर रोमी सैनिक आकै म्हारे देश अर मन्दर दोनुवां पै कब्जा कर लेवैगें।”

49 फेर उन म्ह तै काइफा नामका एक माणस नै जो उस साल का महायाजक था, उन ताहीं कह्या, “थम किमे न्ही जाणदे! 50 अर ना ए थमनै इस बात की समझ सै, के इस्से म्ह थारा फायदा सै, के बजाये इसके के सारे माणस ए नाश हो जावै, सब खात्तर एक आदमी नै मरणा होगा।”

51 पर या बात उसनै अपणी ओड़ तै कोन्या कही, पर उस साल का महायाजक होण के नाते या भविष्यवाणी करी, के यीशु उस जात खात्तर मरैगा। 52 अर ना सिर्फ यहूदी जात खात्तर बल्के ज्यांतै के परमेसवर की खिंड-मिंड ऊलादां नै एक करदे। 53 इस तरियां उस्से दिन तै यहूदी अगुवें उस ताहीं मारण खात्तर साजिस रचाण लाग्गे।

54 ज्यांतै यीशु उस बखत तै यहूदी लोग्गां म्ह घाट दिक्खण लाग्ग्या, अर यरुशलेम नगर नै छोड़कै वो जंगल-बियाबान कै धौरै इफ्राईम नामक एक नगर कान्ही चल्या गया, अर अपणे चेल्यां गैल उड़ैए रहण लाग्ग्या।

55 यहूदियाँ का फसह का त्यौहार लोवै था, अर घणेए माणस फसह तै पैहल्या अपणे गाम्मां म्ह तै यरुशलेम नगर म्ह गए, के खुद नै पवित्र करै। 56 वे यीशु नै टोळ लाग्गे अर मन्दर म्ह खड़े होकै आप्पस म्ह बतलाण लाग्गे, “थम के सोच्चो सो? के वो त्यौहार म्ह कोनी आवैगा?” 57 अर प्रधान याजकां अर फरीसियाँ नै हुकम दे राख्या था, के जै कोए न्यू जाणै सै, के यीशु कित्त सै तो बतावै, ताके वे उसनै पकड़ ले।

12

???? ? ? ? ? ? ? ? ? ? ?

(???? 26:6-13; ?? 14:3-9)

1 फेर यीशु फसह का त्यौहार तै छः दिन पैहल्या बैतनिय्याह गाम म्ह आया जित्त लाजर था, जिस ताहीं यीशु नै मरया होड़ म्ह तै जिन्दा करया था। 2 उड़ै उननै यीशु कै खात्तर भोज तैयार करया, अर मार्था सेवा करण लागरी थी, अर लाजर भी उन म्ह तै एक था जो उसके गेल्या खाणा खाण बेट्ठे थे। 3 फेर मरियम नै जटामांसी फूल का आध्धा सेर घणा महंगा खसबूदार तेल लेकै यीशु के पायां पै गेरया, अर अपणे बाळां तै उसके पैर पुन्झे, अर खसबूदार तेल की खस्बू तै घर खसबूदार होग्या।

4 पर उसके चेल्यां म्ह तै यहूदा इस्करियोती नामका एक चेल्ला जो उस ताहीं पकड़वाणा चाहवै था, कहण लाग्या, 5 “यो महँगा खसबूदार तेल तीन सौ दीनार (तीन सौ दिन की मजदूरी) म्ह बेचकै कंगालां ताहीं क्यातै कोनी दिया गया?” 6 उसनै या बात ज्यातै कोनी कही के उसनै कंगालां की फिक्र थी बल्के ज्यातै के वो चोर था, अर उसकै धोरै पिस्या की थैल्ली रह्या करै थी अर उस म्ह जो कुछ गेरया जान्दा, वो काढ लेवै था।

7 यीशु नै कह्या, “उस ताहीं यो करण द्यो, यो मेरे गाड्डे जाण की तैयारी कै खात्तर सै। 8 क्यूँके कंगाल तो थारे गेल्या सारी हाण रहवैंगे, पर मै थारे गेल्या सारी हाण कोनी रहूंगा।”

???? ? ? ? ? ? ? ? ? ? ?

9 फसह का त्यौहार म्ह आई यहूदियाँ की एक बड़ीए भीड़ नै जिब बेरा लागग्या के वो बैतनिय्याह गाम म्ह सै, तो वे ना सिर्फ यीशु कै बाबत आये पर ज्यातै भी के लाजर नै देखवै, जिस ताहीं यीशु मसीह नै मरया होइ म्ह तै जिन्दा करया था। 10 फेर प्रधान याजकां नै लाजर ताहीं भी मारण की सलाह करी। 11 क्यूँके उसकै बाबत घणखरे यहूदी चले गये अर यीशु पै बिश्वास करया।

???? ? ? ? ? ? ? ? ? ? ?

(???? 21:1-11; ? ? 11:1-11; ? ? ? ? 19:28-40)

12 दुसरे दिन घणखरे माणसां नै जो फसह के त्यौहार म्ह आरे थे न्यू सुण्या, के यीशु यरुशलेम नगर म्ह आरया सै। 13 ज्यातै उननै खजूर की डाळी ली, अर उसतै फेट्टण नै लिक्के, अर रुक्के मारण लागगे, “होशाना! (मतलब जै-जै कार हो) धन्य इस्राएल का राजा, जो प्रभु कै नाम तै आवै सै।”

14 जिब यीशु यरुशलेम नगर कै धोरै आया, तो उसनै एक गधे का बच्चा मिल्या, फेर वो उसपै बैठग्या,

15 जिसा पवित्र शास्त्र म्ह लिख्या सै, “हे सिय्योन की बेट्टी, मतना डरै, लखा, तेरा राजा गधी के बच्चे पै चढ़ा होइ चाल्या आवै सै।”

16 यीशु के चेल्लें ये बात पैहल्या कोनी समझे थे, पर जिब यीशु की महिमा दिक्खी फेर उनकै याद आया के ये बात उसकै बाबत लिक्खी होइ थी, अर माणसां नै उसकै गेल्या न्यूए बरताव करया था।

17 फेर उसकै गैल जो भीड़ थी उननै या गवाही दी, जो उस बखत उसकै गेल्या थे, जिब उसनै लाजर ताहीं कबर म्ह तै बुलाके मरया होया म्ह तै जिन्दा करया था।

18 ज्यातै माणस यीशु तै फेट्टण नै आरे थे क्यूँके उननै सुण्या था के उसनै यो अचम्भे का काम करया था।

19 फेर फरीसियाँ नै आप्पस म्ह कह्या, “सोचकै तो देखो, के थारे तै कुछ भी कोनी बणदा। लखाओ, दुनिया उसकै गैल हो ली सै।”

???? ? ? ? ? ? ? ? ? ? ?

20 जो माणस उस फसह के त्यौहार म्ह भगति करण नै आये थे उन म्ह तै कुछ यूनानी थे। 21 उननै गलील परदेस कै बैतसैदा नगर के बासिन्दे फिलिप्पुस कै धोरै आकै उसतै बिनती करी, “श्रीमान, हम यीशु तै फेट्टणा चाहवां सां।” 22 फिलिप्पुस नै आकै अन्दरयास तै कह्या, फेर अन्दरयास अर फिलिप्पुस नै जाकै यीशु ताहीं कह्या।

23 इसपै यीशु नै उन ताहीं कह्या, “वो बखत आ गया सै के मुझ माणस के बेट्टे की महिमा हो। 24 मै थारे तै साच्ची-साच कहूँ सूँ, के जिब ताहीं गेहूँ का दाणा धरती म्ह पड़के मर न्ही जान्दा, वो एकला रहवै सै, पर जिब मर जावै सै, तो वो अनगणित दाण्या नै जन्म देवै सै। 25 जो अपणे जीवन नै प्यारा जाणै सै, वो उसनै खो देवै सै, अर जो इस दुनिया म्ह अपणे जीवन नै प्यारा कोनी जाण्दा, वो अनन्त जीवन कै खात्तर उसकी रुखाळी करैगा। 26 जै कोए मेरी सेवा करै, तो वो मेरा चेल्ला बण जावै, अर जिब जड़ै मै सूँ, उड़ै मेरा सेवक भी होवैगा। जै कोए मेरी सेवा करै, तो पिता उसका आदर करैगा।

???? ? ? ? ? ? ? ? ? ? ?

27 “इब मेरा जी भोत दुखी सै। ज्यातै इब मै के कहूँ? हे पिता, मन्नै इस दुख की घड़ी तै बचा?” पर मै इस्से खात्तर इस दुनिया म्ह आया सूँ, ताके मै दुख सहू। 28 हे पिता अपणे नाम की महिमा कर।” फेर या अकास वाणी होई, “मन्नै इसकी महिमा करी सै, अर फेर भी करूंगा।” 29 फेर जो माणस खड़े होए सुणरे थे, उननै कह्या के बादळ गरजा। दुसरयां नै कह्या, “कोए सुर्गदूत उसतै बोल्या।”

30 इसपै यीशु नै कह्या, “या आवाज मेरै खात्तर न्ही, पर थारे खात्तर आई सै। 31 इब इस दुनिया का न्याय होवै सै, इब इस दुनिया का अधिकारी काढचा जावैगा। 32 अर मै जै धरती पै तै ऊँचे पै चढ़ाया जाऊँगा, तो सारया नै अपणे कान्ही खिच्चुगाँ।” 33 न्यू कहकै उसनै यो बता दिया के वो किस ढाळ की मौत तै मरैगा।

34 इसपै माणसां नै यीशु ताहीं कह्या, “हमनै मूसा नबी के नियम-कायदा की या बात सुणी सै के मसीह सदा जिन्दा रहवैगा, फेर तू क्यातै कहवै सै के माणस का बेट्टा ऊँचे पै चढ़ाया जाणा जरूरी सै? यो माणस का बेट्टा कौण सै?”

35 यीशु नै उन ताहीं कह्या, “चाँदणा (यीशु नै अपणे-आप तै कह्या सै) इब थोड़ी देर ताहीं थारे बिचाळै सै।

जिब ताहीं चाँदणा थारे गेल्या सै जद ताहीं चाल्दे रहो, इसा ना हो के अँधेरा थारे ताहीं घेर लेवै, जो अँधेरे म्ह चाल्लै सै वो कोनी जाणदा के कडै जावै सै।³⁶ जिब ताहीं चाँदणा थारे गेल्या सै, चाँदणे पै बिश्वास राख्खो ताके थम चाँदणे की ऊलाद बणो।” ये बात कहकै यीशु चल्या गया अर उनतै दूर रह्या।

३७ यीशु मसीह नै उनकै स्याम्ही इतने चमत्कार दिखाए, फेर भी उननै उसपै बिश्वास कोनी करया,

³⁸ ताके यशायाह नबी का वचन पूरा हो जो उसनै कह्या “हे प्रभु, म्हारै संदेश का किसनै बिश्वास करया सै? अर प्रभु की शक्ति किसपै जाहिर होई सै?”

³⁹ इस बाबत वे बिश्वास कोनी कर सके, क्यूँके यशायाह नै न्यू भी कह्या सै:

⁴⁰ “उसनै उनकी आँख आँधी, अर उनके मन कठोर कर दिए सै, कदे इसा ना हो के वे आँखां तै देखवै, अर मन तै समझै, अर पलटै, अर मै उननै ठीक करँ।”

⁴¹ यशायाह नै ये बात ज्यांतै कही, के उसनै यीशु मसीह की महिमा देखी, अर उसनै उसके बारे म्ह बताया।

⁴² फेरभी यहूदी सरदारां म्ह तै घणाए नै उसपै बिश्वास करया, पर फरीसियाँ के कारण खुलकै कोनी मान्नै थे, क्यूँके उननै डर था कदे वे आराधनालय म्ह तै लिकाड़े ना जावै ⁴³ क्यूँके माणसां की ओड़ तै करी जाण आळी बड़ाई उननै परमेसवर की ओड़ तै बड़ाई की बराबरी म्ह घणी प्यारी लागगै थी।

४४ यीशु नै रुक्का मारकै कह्या, “जो मेरै पै बिश्वास करै सै, वो मेरै पै न्ही बल्के मेरै खन्दानआळै पै बिश्वास करै सै। ⁴⁵ अर जो मन्नै देखवै सै, वो मेरै खन्दानआळै नै देखवै सै। ⁴⁶ मै दुनिया म्ह चाँदणा बणकै आया सूं, ताके जो कोए मेरै पै बिश्वास करै वो अँधेरे म्ह कोनी रहवै।”

⁴⁷ “जै कोए मेरे वचन सुणकै भी उननै न्ही मानता, तोभी मै उसनै कसूरवार कोनी ठहरान्दा, क्यूँके मै दुनिया के माणसां ताहीं कसूरवार ठहराण खात्तर कोनी, पर दुनिया के माणसां का उद्धार करण खात्तर आया सूं। ⁴⁸ जो कोए मन्नै नकारै सै, अर मेरे सुसमाचार नै कोनी अपणावै, उस ताहीं कसूरवार ठहराण आळा तो एके सै, यानिके जो वचन मन्नै कह्या सै, वोए पाच्छले दिन म्ह उस ताहीं कसूरवार ठहरावैगा। ⁴⁹ क्यूँके मै अपनी ओर तै बात न्ही कहन्दा, पर पिता जिसनै मेरै ताहीं भेज्या सै, उसनै मेरै ताहीं हुकम दिया सै के, के मै कहूँ अर किस तरियां बोलूँ? ⁵⁰ अर मन्नै बेरा सै के उसका हुकम

अनन्त जीवन देवै सै। ज्यांतै मै जो कुछ कहूँ सूं, ठीक उसाए कहूँ सूं, जिसा पिता नै मेरै ताहीं कहण का हुकम दिया सै।”

13

१ फसह कै त्यौहार तै पैहल्या, जिब यीशु नै बेरा

लागग्या, के मेरा वो बखत आ लिया सै, के दुनिया छोड़कै पिता के धोरै उल्टा जाऊँ, तो अपने मानण आळा तै, जो दुनिया म्ह थे, जिसा प्यार वो करया करदा, आखर ताहीं उसाए प्यार करदा रह्या।

² यीशु अर उसके चेल्ले साँझ नै खाणा खाण लागरे थे। शमौन के बेट्टे यहूदा इस्करियोती के मन म्ह शैतान नै यो विचार घाल दिया था, के वो यीशु के गेल्या धोक्का करै। ³ यीशु यो जाणै था, के पिता नै सब कुछ उसके हाथ म्ह सौप दिया सै, अर यो भी के वो परमेसवर की ओड़ तै आया सै, परमेसवर के धोरै ए उल्टा जाण लागरया सै। ⁴ इस खात्तर वो खाणा छोड़कै खड्या होगया, उसनै अपने उप्परले लत्ते उतार दिये, अंगोच्छा लेके अपनी कमर म्ह बाँध लिया। ⁵ फेर बास्सण म्ह पाणी भरकै चेल्यां के पैर धोये, अर जो अंगोच्छा कमर पै बाँध राख्या था, उस्से तै पूंझण लागग्या।

⁶ जिब वो शमौन पतरस के धोरै आया, फेर पतरस नै उस ताहीं कह्या, “हे प्रभु, के तू मेरे पैर धोवैगा?”

⁷ यीशु नै उस ताहीं जवाब दिया, “जो मै करूँ सूं, तू उसका मतलब इब्बे न्ही समझ पावैगा, पर इसकै बाद समझैगा।”

⁸ पतरस नै उस ताहीं कह्या, “मै अपने पैर तेरे ताहीं कदे न्ही धोण दियुँगा।” न्यू सुणकै यीशु नै उस ताहीं कह्या, “जै मै तेरे पैर ना धोऊँ, तो तू मेरा चेल्ला न्ही कुह्वावैगा।”

⁹ शमौन पतरस नै उस ताहीं कह्या, “हे प्रभु, फेर मेरे पैर ए न्ही बल्के मेरे हाथ अर सिर भी धोदे।”

¹⁰ यीशु नै उस ताहीं कह्या, “जो माणस न्हा लिया हो उस ताहीं पैर के सिवाय और कुछ धोण की जरूरत कोनी, पर वो पूरी तरियां साफ हो चुका सै, थम सारे साफ सो, पर एक नै छोड़ के।” ¹¹ यीशु तो अपने पकड़वाण आळे नै जाणै था, ज्यांतै उसनै कह्या, “थम सारे साफ सो, पर एक नै छोड़ के।”

¹² जिब यीशु नै पैर धो लिये, अर अपने लत्ते दुबारा पहरकै फेर बैठग्या, तो उन ताहीं कहण लागग्या, “के थम समझे के मन्नै थारे गेल्या के करया?” ¹³ थम मन्नै गुरु अर प्रभु कहो सो, अर सही कहो सो, क्यूँके मै वोए सूं। ¹⁴ जिब मन्नै गुरु अर प्रभु होकै थारे पैर

धोए, तो थमनै भी मेरी तरियां एक-दुसरे के पैर धोणे चाहिये। ¹⁵ क्यूँके मन्नै थारे ताहीं नमूना दिखाया सै, के जिसा मन्नै थारे गेल्या करया सै, थम भी उसाए करया करो। ¹⁶ मै थारे तै साच्ची-साच कहूँ सूँ, नौक्कर अपणे माल्लिक तै बड़ड़ा कोनी, अर ना प्रेरित अपणे भेजण आळे तै। ¹⁷ इब थम ये बात जाणगे सों, जै उनपै चाल्लों तो थम सुखी रहोगे।

¹⁸ मै थम सारया कै बारे म्ह कोनी कहन्दा, मै उननै जाणु सूँ, जिनताहीं मन्नै छाँट लिया सै, (अर यो भी के यहूदा बिश्वासघाती सै) क्यूँके मन्नै उस ताहीं इस खात्तर छाट्या सै, ताके पवित्र ग्रन्थ का यो वचन पूरा हो, “जो मेरी रोटी खावै सै, उसनै मेरे पै लात ठाई।”

¹⁹ “ये सब कुछ मन्नै थारे ताहीं पैहले ए बता दिया था, के जब न्यू हो जावै तो थम बिश्वास करियो के मै वोए सूँ। ²⁰ मै थारे ताहीं साच्ची-साच कहूँ सूँ, के जो मेरे भेज्जै होया नै अपणावै सै, वो मन्नै अपणावै सै, अर जो मन्नै अपणावै सै, वो मेरे भेजण आळे नै अपणावै सै।”

[\[22:21-23\]](#) [\[26:20-25\]](#); [\[14:17-21\]](#); [\[22:21-23\]](#)

²¹ ये बात कहकै यीशु आत्मा म्ह दुखी होया अर या गवाही दी, “मै थारे ताहीं साच्ची-साच कहूँ सूँ, के थारे म्ह तै एक मन्नै धोक्खा देकै पकड़वावैगा।”

²² चेल्लें यो शक करते होए के वो किसकै बाबत कहवै सै, एक-दुसरे के कान्ही लखाण लागगे। ²³ उसके चेल्यां म्ह तै यूहन्ना जिस ताहीं यीशु प्यार राक्खै था, यीशु के धोरे बैठ्या था। ²⁴ शमौन पतरस नै यूहन्ना कान्ही इशारा करकै उस ताहीं बुझ्झया, “बता तो, वो किसकै बाबत कहवै सै?”

²⁵ फेर उसनै उस्से ढाळ यीशु की छात्ती के कान्ही झुककै उस ताहीं बुझ्झया, “हे प्रभु, वो कौण सै?”

²⁶ यीशु नै जवाब दिया, “जिस ताहीं मै यो रोटी का टुकड़ा डुबोकै द्युगां वोए सै।” अर उसनै टुकड़ा डुबोकै शमौन के बेट्टे यहूदा इस्करियोती ताहीं दिया।

²⁷ टुकड़ा खान्दे शैतान यहूदा इस्करियोती म्ह बड़ग्या। फेर यीशु नै उस ताहीं कह्या, “जो तू करै सै, तोळा कर।” ²⁸ भोज पै बैठण आळे चेल्यां म्ह तै किसे नै भी यो कोनी बेरा लाग्गण पाया के उसनै या बात उसतै किस मतलब तै कही। ²⁹ कईयाँ नै सोच्या के रपियाँ की थैल्ली यहूदा के धोरे रहवै सै, ज्यांतै यीशु उस ताहीं कहवै सै के त्यौहार के खात्तर जरूरी समान मोल ले आओ या गरीबां नै कुछ देवै, इस खात्तर यहूदा नै रोटी

का टुकड़ा लिया। ³⁰ आखर म्ह वो टुकड़ा खाकै जिब्बे बाहरणै लिकड़ग्या, अर रात का बखत था।

[\[22:21-23\]](#)

³¹ जिब यहूदा बाहरणै लिकड़ग्या तो यीशु नै कह्या, “इब मुझ माणस के बेट्टे की महिमा होई सै, अर परमेसवर की महिमा मेरे म्ह होई सै, ³² परमेसवर भी अपणे बेट्टे की महिमा करैगा, अर वो जिब्बे करैगा।”

³³ हे बाळकों, मै थोड़ी सी वार और थारे धोरे सूँ, फेर थम मन्नै टोहओगे, अर जिसा मन्नै यहूदियाँ ताहीं कह्या, “जड़ै मै जाऊँ सूँ, उड़ै थम कोनी आ सकदे, न्यू इब मै थारे ताहीं भी कहूँ सूँ।”

³⁴ “मै थमनै नया हुकम द्यु सूँ, के एक-दुसरे तै प्यार करो, जिसा मन्नै थारैतै प्यार करया सै, उस्से तरियां थम भी एक-दुसरे तै प्यार करो। ³⁵ जै आप्पस म्ह प्यार राक्खोगे, तो इसतै सारया नै बेरा पाट्टैगा के थम मेरे चेल्लें सो।”

[\[22:21-23\]](#) [\[26:31-35\]](#); [\[14:27-31\]](#); [\[22:21-23\]](#) [\[22:31-34\]](#)

³⁶ शमौन पतरस नै उस ताहीं कह्या, “हे प्रभु, तू कित जा सै?” यीशु नै जवाब दिया, “जड़ै मै जाऊँ सूँ, उड़ै तू इब्बे मेरे पाच्छे, न्ही आ सकदा, पर इसकै बाद मेरे गेल्या आवैगा।”

³⁷ पतरस नै उसतै कह्या, “हे प्रभु, इब्बे मै तेरे पाच्छे, क्यातै न्ही आ सकदा? मै तो तेरी खात्तर अपनी जान भी देण नै तैयार सूँ।”

³⁸ यीशु नै जवाब दिया, “के तू मेरी खात्तर अपनी जान दे देवैगा? मै तेरे तै सच कहूँ सूँ, के मुर्गे के बाँग देण तै पैहल्या तू तीन बार मेरे बारे म्ह मुकरैगा।

14

[\[22:21-23\]](#) [\[26:31-35\]](#); [\[14:27-31\]](#); [\[22:21-23\]](#)

¹ “अपणे मन नै दुखी ना होण द्यो, थम परमेसवर पै बिश्वास राक्खो सो, अर मेरे पै भी बिश्वास राक्खो। ² मेरे पिता के घर म्ह घणीए रहण की जगहां सै, जै न्ही होंदी तो मै थारे ताहीं कह देंदा, क्यूँके मै थारे खात्तर जगहां त्यार करण नै जाऊँ सूँ। ³ अर जै मै जाकै थारे खात्तर जगहां त्यार करूँ, तो फेर दुबारै आकै थमनै अपणे उरै ले जाऊँगा के जड़ै मै रहूँ उड़ै थम भी रहो। ⁴ अर जित्त म्ह जाऊँ सूँ, थम ओड़ै की राह जाणो सों।”

⁵ थोमा नै उसतै सवाल करया, “हे प्रभु, हमनै तेरे ठिकाणै का ए कोनी बेरा तो उसका राह किस तरियां जाण सका सां?”

6 यीशु ने उस ताहीं जवाब दिया, “मै ए वो राह अर सच अर अनन्त जीवन सू, बिना मेरै जरिये कोए पिता धोरै कोनी पोहच सकदा। 7 जै थम सच म्ह ए मन्नै जाणदे होन्दे, तो मेरै पिता नै भी जाणदे, इसकै बाद थमनै उस ताहीं जाण लिया सै, अर उस ताहीं देख भी लिया सै।”

8 फिलिप्पुस नै उस ताहीं कह्या, “हे प्रभु, तू म्हारै ताहीं पिता के दर्शन ए करा दे, योए म्हारै खात्तर भतेरा होगा।” 9 यीशु नै उस ताहीं कह्या, “हे फिलिप्पुस, मै इतने दिन तै थारे गेल्या सू, के तू मन्नै कोनी जाणदा? जिसनै मेरैताहीं देख्या सै उसनै पिता ताहीं देख्या सै। फेर क्यातै कहवै सै के पिता नै म्हारैताहीं दिखा?” 10 के तन्नै विश्वास कोनी के मै पिता म्ह सू, अर पिता मेरै म्ह सै? ये वचन जो मै थारे ताहीं बताऊँ सू, अपणी ओड़ तै कोनी बतान्दा, पर मेरे भित्तर बसा पिता ए सै, जो मेरे म्ह होकै अपणे काम पूरा करण लागरया सै। 11 मेरा-ए विश्वास करो के मै पिता म्ह सू, अर पिता मेरै म्ह सै, ना तो काम्मां के कारण मेरा विश्वास करो। 12 मै थारैतै साच्ची-साच कहूँ सू, के जो मेरै पै विश्वास राक्खै सै, ये काम जो मै करूँ सू, वो भी करैगा, बल्के इनतै भी बड़े-बड़े काम करैगा, क्यूँके मै इब पिता के धोरै जाऊँ सू। 13 मेरै नाम तै थम जो कुछ माँगोगे, वोए मै करूँगा, जिसतै बेटे के जरिये पिता की महिमा हो। 14 जै थम मेरै तै मेरै नाम तै कुछ माँगोगे, तो मै उस ताहीं पूरा करूँगा।

?????? ???? ? ? ???? ???? ?

15 “जै थम मेरै तै प्यार करो सो, तो मेरे हुकमां नै मान्गोगे। 16 मै पिता तै बिनती करूँगा, अर वो थारे ताहीं एक और मददगार देवैगा के वो सारीहाण थारे गेल्या रहवै। 17 यानिके सच का आत्मा, जिस ताहीं दुनिया कोनी अपणा सकदी, क्यूँके वो ना उसनै देखवै सै, अर ना उस ताहीं जाणै सै, थम उसनै जाणो सो, क्यूँके आज वो थारे गेल्या सै, अर आण आळे बखत म्ह भी वो थारे म्ह बणा रहवैगा।” 18 “मै थारे ताहीं अनाथ कोनी छोड़ूँगा, मै थारे धोरै बोहड़ के आऊँगा। 19 थोड़ा ए बखत बाकी सै, जब दुनिया मेरै ताहीं कोनी देखवैगी, पर थम मन्नै देखवोगे, ज्यांतै के मै जिन्दा सू, थम भी जिन्दा रहोगे। 20 जब मै बोहड़ के आऊँगा, उस दिन थमनै बेरा लागवैगा, के मै अपणे पिता म्ह सू, अर थम मेरै म्ह, मै थारे म्ह। 21 वो, जो मेरे हुकम नै मान्ने सै अर उननै निभावै सै, वोए मेरतै प्यार करै सै, अर जो मेरतै प्यार करै सै, वोए मेरे पिता का प्रियजन होगा, मै उसतै प्यार करूँगा, अर अपणे-आप ताहीं उसपै जाहिर करूँगा।”

22 उस यहूदा नै (जो इस्करियोती कोनी था) यीशु ताहीं कह्या, “हे प्रभु, इसा के होया के तू अपणे-आप ताहीं म्हारै पै जाहिर करणा चाहवै सै, अर दुनिया के माणसां पै न्ही?” 23 यीशु नै उस ताहीं जवाब दिया, “जै कोए मेरै तै प्यार करै सै, तो वो मेरी शिक्षा का पालन करैगा, वो मेरे पिता का प्रियजन बणैगा, अर हम उसकै धोरै आकै उसकै गेल्या वास करागें।” 24 वो, जो मेरतै प्यार कोनी करदा, वो मेरै वचन नै कोनी मानता, अर जो वचन थम सुणो सो वो मेरे कोनी बल्के पिता के सै, जो मेरा भेजण आळा सै।

25 “ये बात मन्नै थारे गेल्या रहंदे होए थारैतै कही। 26 पर मददगार यानिके पवित्तर आत्मा जिस ताहीं पिता मेरै नाम तै भेजवैगा, वो थारे ताहीं इन सारी बातों की शिक्षा देवैगा, अर जो कुछ मन्नै थारे तै कह्या सै, वो सारा कुछ थारे ताहीं याद दुआवैगा।” 27 मै थारे ताहीं शान्ति देकै जाऊँ सू, अपणी शान्ति थारे ताहीं दियुँ सू, जिसी दुनिया थारे ताहीं शान्ति देवै सै, मै थमनै उसी शान्ति कोनी देंदा अपणे मन नै दुखी ना होण द्यो अर ना डरियो।

28 थमनै सुण्या के मन्नै थारे ताहीं के कह्या, “मै जाऊँ सू, अर थारे धोरै फेर आऊँगा।” जै थम मेरै तै प्यार करदे, तो यो जाणकै राज्जी होन्दे, के मै पिता के धोरै जाऊँ सू, जो मेरै तै घणा महान् सै। 29 यो सब होण तै पैहल्या मन्नै थारे ताहीं इसके बारे म्ह बता दिया सै, के जब यो हो जावै, तो थम विश्वास करो। 30 मै इब थारे तै घणा कुछ न्ही कहूँगा, क्यूँके इस दुनिया का शासक (शैतान) आवै सै। मेरै पै उसका कोए हक कोनी, 31 दुनिया यो समझ ले के मै पिता तै प्यार करूँ सू, योए कारण सै के मै उसके सारे हुकमां का पालन करूँ सू। उठो, हम याड़ै तै चाल्लां।

15

????? ???? ? ???? ?

1 यीशु नै कह्या, “मै सच्ची अंगूर की बेल की तरियां सू, अर मेरा पिता किसान की तरियां सै। 2 मेरे मै लागगी हरेक डाळी जो फळ न्ही देन्दी, उस ताहीं वो काट देवै सै, पर हरेक एक फळ देण आळी डाळी ताहीं छाँगै सै ताके वा और घणा फळ ल्यावै। 3 थम तो उस वचन के कारण जो मन्नै थारैताहीं कह्या सै, शुद्ध होगे सो। 4 थम मेरै म्ह बणे रहो, अर मै थारे म्ह, जिस तरियां डाळी जै अंगूर की बेल म्ह बणी न्ही रहवै तो खुद तै कोनी फळ सकदी, उस्से तरियां थम भी जै मेरै म्ह बणे न्ही रहो तो कोनी फळ सकदे।”

5 मै अंगूर की बेल की ढाळ सू अर थम डाळी सो। जो मेरै म्ह बणया रहवै सै अर मै उस म्ह, वो घणाए फळ फळै सै, क्यूँके मेरै तै न्यारे पाटकै थम कुछ न्ही कर सकदे। 6 जै कोए मेरै म्ह न्ही बणया रहंदा, तो वो डाळी की तरियां बगा दिया जावैगा, अर सूख जावै सै, अर माणस उन ताहीं कटठे करके आग म्ह झोक देवै सै, अर वे बळ जावै सै। 7 जै थम मेरै म्ह बणे रहो अर मेरे वचन थारे म्ह बणे रहवै, तो थारे माँगण पै थारी इच्छा पूरी करी जावैगी। 8 थारे फळ की भरपूरी म्ह मेरै पिता की महिमा अर थारा मेरे चेल्लें होण का सबूत सै।

9 जिसा पिता नै मेरै तै प्यार करया, उसाए मन्नै थारैतै प्यार करया, मेरै प्यार म्ह बणे रहो। 10 जै थम मेरे हुकमां नै मान्नोगे, तो मेरै प्यार म्ह बणे रहोगे, जिस ढाळ के मन्नै अपणे पिता का हुकम मान्या सै, अर उसकै प्यार म्ह बणा रहूँ सू। 11 मन्नै ये बात थारे तै ज्यांतै कही, के जो आनन्द मेरे म्ह सै, वो थारे म्ह भी हो अर बढ़ता जावै।

12 “मै थमनै नया हुकम द्यु सू, के एक-दुसरे तै प्यार करियो, जिसा मन्नै थारैतै प्यार करया सै, उसाए थम भी एक-दुसरे तै प्यार करियो। 13 इसतै बड़ड़ा प्यार किसे का कोनी के कोए अपणे दोस्तां के खात्तर अपनी जान दे। 14 जो हुकम मै थारे ताहीं दियुँ सू, जै थम उसपै चाल्लों सों तो थम मेरे साथी सो।” 15 मन्नै थारे ताहीं नौक्कर न्ही, पर साथी मान्या सै, क्यूँके नौक्कर माल्लिक के काम्मां तै अनजाण रहवै सै, मन्नै थारे ताहीं वे सारी बात बता दी सै, जो मन्नै पिता तै मिली सै। 16 थमनै मेरै ताहीं कोनी चुण्या पर मन्नै थारे ताहीं चुण्या सै अर थारैताहीं काम पै लाया सै, के थम जाके फळ ल्याओ अर थारा फळ बणा रहवै, के थम मेरै नाम तै जो कुछ पिता तै माँगो, वो थारे ताहीं दे दे। 17 मेरा हुकम यो सै के थम एक-दुसरे तै प्यार करो।

???????? ?? ???? ?

18 “जै दुनिया के माणस थारैतै बैर राक्खे सै, तो जाण ल्यो के उसनै थारैतै पैहल्या मेरै तै बैर राख्या सै। 19 जै थम दुनिया के माणसां जिसे होन्दे, तो दुनिया थारे तै आपण्यां जिसा प्यार करदी, पर थम दुनिया के कोनी, बल्के मन्नै थारैताहीं दुनिया म्ह तै छाँट लिया सै, इस करके दुनिया के माणस थारे तै बैर राक्खे सै। 20 याद राक्खों मन्नै थारे तै के कह्या था, ‘नौक्कर अपणे माल्लिक तै बड़ड़ा कोनी होंदा,’ जिव उननै मेरै ताहीं सताया, तो थारैताहीं भी सतावेंगें। जै उननै मेरी शिक्षा मान्नी, तो थारी भी माँनैगें। 21 पर यो सब कुछ माणस मेरै नाम के कारण थारे गेल्या करैगें, क्यूँके माणस मेरै

भेजण आळे नै कोनी जाणदे। 22 जै मै न्ही आन्दा, अर उनतै बात न्ही करदा, फेर वे पापी कोनी ठहरदे, पर इब उननै उनकै पाप खात्तर कोए बहान्ना कोनी। 23 जो मेरै तै बैर राक्खे सै, वो मेरै पिता तै भी बैर राक्खे सै। 24 जै मै उनके बीच म्ह वे काम न्ही करदा, जो और किसे नै कोनी करे, तो वे पापी कोनी ठहरदे, पर इब तो जो कुछ मन्नै करया सै उननै मेरै ताहीं देख लिया सै, उननै मेरै ताहीं अर मेरे पिता दोनुआ तै बैर करया। 25 पर यो इस करके होया के जो उनकै नियम-कायदा म्ह लिख्या सै वो सच हो सकै, ‘उननै मेरै तै खामखां बैर करया।’”

26 पर जिव वो मददगार (सच का आत्मा जो पिता की ओड़ तै आवै सै) धारै आवैगा, जिसनै मै थारे धारै पिता की ओड़ तै भेज्जूंगा, तो वो मेरी गवाही देवैगा, 27 अर थम भी मेरे गवाह सो, क्यूँके थम शरु तै मेरै गेल्या रहे सो।

16

1 “ये बात मन्नै थारैतै ज्यांतै बताई सै के थारा बिश्वास डगमगा न्ही जावै।” 2 वे थमनै आराधनालयों म्ह तै काढ देवैगें, बल्के वो बखत आवै सै, के जो कोए थमनै मार देवैगा, वो न्यु समझैगा के मै परमेसवर की सेवा करूँ सू। 3 इसा वे ज्यांतै करैगें के उननै ना पिता ताहीं जाणया सै, अर ना मन्नै जाणै सै। 4 पर ये बात मन्नै ज्यांतै थारैतै कही, के जिव इनका बखत आवै तो थमनै याद रहवै के मन्नै थारैतै पैहल्याए उसकै बारें म्ह बता दिया था। “मन्नै शरु म्ह थारैतै ये बात ज्यांतै कोनी कही क्यूँके मै थारे गेल्या था।”

???????? ???? ???? ?

5 पर इब मै अपणे भेजण आळे के धारै जाऊँ सू, अर थारे म्ह तै कोए मेरै तै कोनी बुझता, “तू कित्त जावै सै?” 6 पर मन्नै जो ये बात थारैतै कही सै, ज्यांतै थारा मन दुख तै भरग्या सै। 7 फेरभी मै थारैतै साच्ची कहूँ सू, के मेरा जाणा थारे खात्तर ठीक सै, क्यूँके जै मै ना जाऊँ तो वो मददगार थारे धारै कोनी आवैगा, पर जै मै जाऊँगा, तो उस ताहीं थारे धारै भेज्जूंगा। 8 वो आके दुनिया के माणसां ताहीं पाप अर धार्मिकता अर न्याय के बाबत बतावैगा। 9 पाप के बारै म्ह ज्यांतै के वे मेरै पै बिश्वास कोनी करदे। 10 अर धार्मिकता के बारै म्ह ज्यांतै के मै पिता के धारै जाऊँ सू, अर थम मन्नै दुबारै कोनी देखोगे, 11 न्याय के बारै म्ह ज्यांतै के दुनिया का शासक कसूरवार ठहराया जा चुक्या सै।

12 मन्नै थारे तै और भी घणीए बात कहणी सै, पर इब्बे थम उननै सह न्ही सकदे। 13 पर जिव वो यानिके सच का आत्मा आवैगा, तो थम सारया नै सच का रास्ता बतावैगा, क्यूँके वो अपनी ओड़ तै कोनी कहवैगा पर

जो कुछ सुणैगा वोए कहवैगा, अर होण आळी बात थारे ताहीं बतावैगा। 14 वो मेरी महिमा करैगा, क्यूँके उस ताहीं मेरी ओड़ तै जो मिला सै, वो थारे ताहीं मेरी बाततां म्ह तै लेकै बतावैगा। 15 वो सब कुछ, जो पिता का सै, वो सारा मेरा सै, ज्यांतै मन्नै कह्या के वो मेरी बाततां म्ह तै लेकै थारे ताहीं बतावैगा।

११११ ११११ ११११ ११११ ११११११११

16 “थोड़ी देर म्ह थम मन्नै कोनी देखोगे, अर फेर थोड़ी देर म्ह मन्नै दुबारा देखोगे।”

17 फेर उसके कुछ चेल्यां नै आप्पस म्ह कह्या, “उसका इस बात तै के मतलब सै जो वो म्हारै ताहीं कहवै सै, ‘थोड़ी देर म्ह थम मन्नै कोनी देखोगे, अर फेर थोड़ी देर म्ह मन्नै दुबारा देखोगे?’ अर यो ‘ज्यांतै के मै पिता कै धोरै जाऊँ सू?’” 18 फेर उननै कह्या, “यो ‘थोड़ी देर’ जो वो कहवै सै, या के बात सै? हम कोनी जाणदे के वो के कहवै सै।”

19 यीशु नै न्यू जाणकै के वे मेरतै बुझणा चाहवै सै, उन ताहीं कह्या, “के थम आप्पस म्ह मेरी इस बात बाबत जाँच-पड़ताळ करो सो, ‘थोड़ी देर म्ह थम मन्नै कोनी देखोगे, अर फेर थोड़ी देर म्ह मन्नै दुबारा देखोगे?’ 20 मै थारे तै साच्ची-साच कहूँ सू, के जब मै मरूँगा तो थम रोओगे अर बिलाप करोगे, पर दुनिया राज्जी होवैगी। थमनै दुख होगा, पर थारा दुख आनन्द म्ह बदल जावैगा। 21 जाप्यै के बखत विरबान्नी नै दुख होवै सै, क्यूँके उसके दुख का बखत आरया सै, पर जब वा बाळक नै जन्म दे सै, तो इस खुशी तै, के दुनिया म्ह एक माणस पैदा होया, उस दुख नै फेर याद कोनी कर दी। 22 उस्से तरियां थारे म्ह भी इब तो दुख सै, पर मै थारे तै दुबारा मिलूँगा अर थारे मन आनन्द तै भर जावैगे, थारा आनन्द कोए थारे तै खोस न्ही सकदा। 23 उस बखत थम मेरतै कुछ न्ही बुझोगे। मै थारैतै सच कहूँ सू, जै थम पिता तै कुछ माँगोगे, तो वो मेरै नाम तै थमनै देवैगा। 24 इब ताहीं थमनै मेरै नाम तै पिता तै कुछ न्ही माँगया, माँगो, तो पा ल्योगे ताके थारा आनन्द पूरा हो जावै।

११११११ ११ ११११

25 “मन्नै ये बात थारैताहीं उदाहरणां म्ह कही सै, पर वो बखत आवै सै, जब पिता के बारे म्ह मै उदाहरणां म्ह न्ही कहूँगा, पर साफ शब्दां म्ह थारे ताहीं बताऊँगा। 26 उस दिन थम मेरै नाम तै माँगोगे, अर मै थारैतै न्यू कोनी कहन्दा के मन्नै ए थारे खात्तर पिता तै बिनती करणी पड़ैगी, 27 क्यूँके मेरा पिता तो खुदे थारैतै प्यार करै सै, ज्यांतै के थमनै मेरतै प्यार करया सै अर यो बिश्वास करया सै के मै पिता की ओड़ तै भेज्या होड़ सू। 28 मै

पिता की ओड़ तै दुनिया म्ह आया सू, अर इब दुनिया नै छोड़कै पिता कै धोरै जाऊँ सू।”

29 उसकै चेल्यां नै कह्या, “हाँ, इब तू उदाहरणां म्ह न्ही, बल्के साफ शब्दां म्ह समझाण लागरया सै। 30 इब हम समझगे सां, के तू सब कुछ जाणै सै, अर इब किसे नै तेरे तै कोए सवाल पूच्छण जुरत कोनी, इस खात्तर हम बिश्वास करा सां के तू परमेसवर की ओड़ तै आया सै।”

31 न्यू सुणकै यीशु नै उन ताहीं कह्या, “के थमनै इब बिश्वास होया सै?” 32 लखाओ, वो बखत आवै सै बल्के आण पहाँच्या सै के थम सारे खिंड-मिन्ड होकै अपणे-अपणे घर बोहड़ जाओगे, अर मन्नै एकला छोड़ दोगे, फेरभी मै एकला कोनी क्यूँके पिता मेरै गेल्या सै।

33 “मन्नै ये बात थारैतै ज्यांतै कही सै, के थम मेरै म्ह शान्ति पाओ। दुनिया म्ह थारे पै क्लेश होवै सै, पर हिम्मत राखियो, मन्नै दुनिया ताहीं जीत लिया सै।”

17

११११११ ११ ११११११११११ ११११११११११ ११११ ११११११११११

1 यीशु नै ये बात कही अर अपणी नजर अकास कान्ही ठाकै कह्या, “हे पिता, वो बखत आण पहाँच्या सै, अपणे बेट्टे की महिमा कर, के बेट्टा भी तेरी महिमा कर सकै, 2 क्यूँके तन्नै उस ताहीं सारी मानवजाति पै हक दिया, के वो सब नै अनन्त जीवन देवै जो तन्नै उस ताहीं सौप्या सै। 3 अर अनन्त जीवन यो सै के वे तुझ, जो के एकमात्र सच्चे परमेसवर अर यीशु मसीह नै जिस ताहीं तन्नै भेज्या सै, जाणै। 4 जो काम तन्नै मेरै ताहीं सौप्या था, उस ताहीं पूरा करकै मन्नै धरती पै तेरी महिमा करी सै। 5 जो महिमा मेरी तेरे गैल दुनिया की सृष्टि तै पैहल्या थी, इब हे पिता, तू अपणे गेल्या मन्नै भी महिमावान कर।”

११११११ ११११११११११ ११ ११११११११ ११११११११११११

6 “मन्नै तेरा नाम उन माणसां पै जाहिर करया सै दुनिया म्ह तै जिनताहीं तन्नै छाटकै मेरै ताहीं सौप्या था, वे तेरे थे पर तन्नै उन ताहीं मेरै ताहीं सौप्या सै, अर उननै तेरे वचन का पालन करया सै।” 7 इब जाणगे सै के जो कुछ तन्नै मेरै ताहीं दिया सै, वो सारा तेरी ओड़ तै सै, 8 क्यूँके जो बात तन्नै मेरै ताहीं बताई, मन्नै उन ताहीं उनकै धोरै पहाँच्या दी सै, अर उननै उन ताहीं अपणालिया, अर सच म्ह ए जाण लिया सै के मै तेरी ओड़ तै आया सू, अर उननै बिश्वास भी कर लिया सै के तू ए मेरा भेजण आळा सै। 9 मै उन खात्तर बिनती करूँ सू, दुनिया के माणसां कै खात्तर बिनती कोनी करदा पर उननैए कै खात्तर करूँ सू जिन ताहीं तन्नै मेरै ताहीं

दिया है, क्योंकि वे तेरे हैं, 10 अर जो कुछ मेरा है वो सारा तेरा है, अर जो तेरा है वो मेरा है, अर मन्ने उनके जरिये महिमा पाई है। 11 इब मैं इस दुनिया म्ह कोनी रहूँगा, अर मैं तेरे धोरे आऊँ सू, पर ये दुनिया म्ह रहवेंगे, हे पवित्र पिता, अपने नाम की शक्ति तै उनकी रुखाळ कर, जो तन्ने मेरे ताहीं दिया है, ताके जिस तरियां मैं अर तू एक सां, वे भी एक हो सकै। 12 जिब मैं उनके गेल्या था, तो मन्ने उन ताहीं तेरे नाम म्ह, जो तन्ने मेरे ताहीं दिया था, उनकी रुखाळ करी, अर उन म्ह तै किसे का नाश कोनी होया, सिवाए उसके जिस ताहीं खोणा जरूरी था, वो भी ज्यांतै के पवित्र ग्रन्थ म्ह जो लिख्या होइ सच हो।

13 पर इब मैं तेरे धोरे आऊँ सू, अर ये बात दुनिया म्ह रहते होए कहूँ सू, ताके वे अपने मनां म्ह मेरे भरपूर आनन्द नै पा सकै। 14 मन्ने तेरा वचन उन ताहीं पोहोचा दिया है, अर दुनिया के माणसां नै उनतै बैर करया, क्योंकि जिस तरियां मैं इस दुनिया का कोनी, उस्से तरियां वे भी इस दुनिया के कोनी। 15 मैं या बिनती कोनी करदा के उननै तू दुनिया तै लिकाड़ ले, बल्के तू उननै उस शैतान तै बचाए राख। 16 जिस तरियां मैं दुनिया का कोनी, उस्से तरियां वे भी दुनिया के कोनी। 17 तेरा वचन साच्चा है, सच कै जरिये तू उननै अलग करण खात्तर समर्पित* कर। 18 जिस तरियां तन्ने मेरे ताहीं दुनिया म्ह भेज्या, उस्से तरियां मन्ने भी उन ताहीं दुनिया म्ह भेज्या, 19 मैं उनके खात्तर खुद नै तेरी सेवा म्ह समर्पित करूँ सू, ताके वे भी सच कै खात्तर समर्पित हो जावै।

१७:१७ १७:१७ १७:१७ १७:१७ १७:१७ १७:१७ १७:१७ १७:१७ १७:१७ १७:१७

20 "मैं केवल इन्हे खात्तर बिनती कोनी करदा, पर उन माणसां खात्तर भी जो इनके वचन कै जरिये मेर पै बिश्वास करैगें, 21 ताके वे सब एक हों, जिस तरियां हे पिता तू मेरे म्ह है, अर मैं तेरे म्ह सू, उस्से तरियां वे भी म्हारै म्ह एक हो, जिसतै दुनिया के माणस बिश्वास करै के तन्ने ए मेरे ताहीं भेज्या है। 22 वा महिमा जो तन्ने मेरे ताहीं दी, मन्ने उन ताहीं दी है, ताके वे उस्से तरियां ए एक होवै जिस तरियां हम एक सा, 23 मैं उन म्ह अर तू मेरे म्ह ताके वे सिध्द होके एक हो जावै, अर दुनिया नै बेरा पाट्टे के तन्ने ए मेरे ताहीं भेज्या, अर जिस तरियां तन्ने मेरे तै प्यार करया उस्से तरियां उनतै प्यार करया।"

24 हे पिता, मैं चाहूँ सू, के जिन ताहीं तन्ने मेरे ताहीं सौप्या है, जडै मैं सू उडै वे भी मेरे गेल्या हो, के वे मेरी

उस महिमा नै देखै जो तन्ने मेरे ताहीं दी है, क्योंकि तन्ने दुनिया नै बणाण तै पैहल्या मेरतै प्यार करया है।

25 "हे धार्मिक पिता, दुनिया के माणसां नै तो तेरे ताहीं कोनी जाण्या, पर मन्ने तेरे ताहीं जाण लिया है, अर मेरे चेल्यां नै भी बेरा पाटग्या के तन्ने ए मेरे ताहीं भेज्या है। 26 मन्ने तेरे ताहीं उनपै जाहिर करया है, अर जाहिर होन्दा रहूँगा, के जो प्यार तन्ने मेरतै करया था वोए प्यार उन म्ह बस जावै, अर मैं उन म्ह रहूँ।"

18

१७:१७ १७:१७ १७:१७ १७:१७ १७:१७ १७:१७ १७:१७ १७:१७ १७:१७ १७:१७
(१७:१७) 26:47-56; १७:१४:43-50; १७:१७:२२:47-53)

1 जिब यीशु नै प्रार्थना खतम कर ली, तो वो अपने चेल्यां कै गेल्या किद्रोन नाळे कि परली ओड़ गया। उडै एक फूल्लां का बाग था, जिस म्ह वो अर उसके चेल्लें गए।

2 यीशु का पकड़ाण आळा यहूदा भी उस जगहां नै जाणै था, क्योंकि यीशु अपने चेल्यां कै गेल उडै जाया करै था। 3 फेर यहूदा, सिपाहियां कै एक टोळ नै अर प्रधान याजकां अर फरीसियां की ओड़ तै मन्दर के पैहरेदारां नै लेकै, दीवे अर मशाल अर हथियारां नै लेकै उडै आया।

4 फेर यीशु, उन सारी बाततां नै जो उसपै बीत्तण आळी थी जाणकै, लिकड़कै उन ताहीं पूछा, "किसनै टोहो सो?"

5 उननै उस ताहीं जवाब दिया, "यीशु नासरी* नै।" यीशु नै उन ताहीं कह्या, "मैए सू।" यीशु नै पकड़वाण आळा यहूदा भी उनके गेल्या खडचा था। 6 जिब यीशु नै उनतै कह्या, "मै सू," वे पाच्छे हटकै धरती पै पड़गे।

7 फेर उसनै दुबारे उन ताहीं बुझ्या, "थम किसनै टोहो सो?" वे बोल्ले, "यीशु नासरी† नै।"

8 यीशु नै जवाब दिया, "मन्ने तो थारे ताहीं कह दिया है के वो मैं सू, जै थम मन्ने टोहो सो तो इन माणसां नै जाण दो।" 9 यो इस करकै के खुद उसके जरिये कह्या गया यो वचन पूरा हो, "मन्ने उन म्ह तै एक भी न्ही खोया, जिन ताहीं तन्ने मेरतै सौप्या था।"

10 फेर शमौन पतरस नै तलवार, जो उसके धोरे थी, खींची अर महायाजक के नौक्कर पै चलाकै उसका सोळा कान उड़ा दिया, उस नौक्कर का नाम मलखुस था।

11 फेर यीशु नै पतरस तै कह्या, "अपनी तलवार म्यान म्ह धर। जो दुख का कटोरा पिता नै मेरे ताहीं दिया है, के मैं उसनै न्ही पीऊँ?"

* 17:17 17:17 समर्पित पवित्र कर

* 18:5 18:5 नासरत नगर का रहण आळा

† 18:7 18:7 नासरत नगर का रहण आळा

१११११ ११ ११११११११ १११११

12 फेर रोमी सिपाहियाँ अर उनके सूबेदार अर यहूदिया परदेस के मन्दर के पैहरेदारां नै यीशु ताहीं पकड़के बाँध लिया, 13 अर पैहल्या उस ताहीं हन्ना के धोरै ले गए, क्यूँके वो उस साल के महायाजक काइफा का सुसरा था। 14 यो वोए काइफा था, जिसनै यहूदियाँ ताहीं सलाह दी थी के म्हारे माणसां खात्तर एक आदमी का मरणा ठीक सै।

११११ ११ १११११११

15 शमौन पतरस अर एक और दुसरा चेल्ला भी यीशु के पाच्छे हो लिए। यो चेल्ला महायाजक का जाण-पिच्छाण का था, ज्यांतै वो यीशु के गेल्या महायाजक के आँगण म्ह गया, 16 पर पतरस बाहरणै दरबाजे पै खडचा रह्या। फेर दुसरा चेल्ला जो महायाजक की जाण-पिच्छाण का था, वो बाहरणै लिकड़या अर पहेरेदारणी तै कहके पतरस ताहीं भीत्तर लियाया।

17 उस नौकराणी नै, जो पहेरेदारणी भी थी, पतरस तै कह्या, “कदे तू भी इस माणस के चेल्यां म्ह तै तो न्ही सै?” उसनै कह्या, “मै कोनी।”

18 नौकर अर मन्दर के पहेरेदारां नै जाड्डे के कारण आग जळा राक्वी थी, अर खड़े होके सेक्के थे, अर पतरस भी उनके गेल्या खडचा आग सेक्के था।

११११११११ ११११११११ १११११ ११ ११११११११

19 फेर महायाजक नै यीशु तै उसके चेल्यां के बाबत अर उसके उपदेशां के बाबत जाँच-पड़ताळ करी।

20 यीशु नै उस ताहीं जवाब दिया, “मन्नै हरेक माणस तै खुलके बात करी, मन्नै सभायां अर आराधनालयाँ म्ह, जडै सारे यहूदी कट्टे होया करै सै, सारी हाण उपदेश दिया अर लुहक के कुछ कोनी कह्या। 21 तू क्यूँ मेरे तै सवाल बुझ्झै सै? सवाल उनतै कर जिननै मेरे वचन सुणे सै, वे जाणे सै, के मन्नै उन ताहीं के-के कह्या।”

22 जिब उसनै न्यू कह्या, तो मन्दर के पैहरेदारां म्ह तै एक नै जो धोरै खडचा था, यीशु के थप्पड़ मारके कह्या, “के तन्नै महायाजक ताहीं इस तरियां जवाब देण की हिम्मत किसी करी?”

23 यीशु नै उसतै जवाब दिया, “जै मेरा कहणा गलत सै तो साबित करो पर मन्नै जो कह्या सै वो सही सै तो फेर थम मेरै क्यूँ मारण लागरे सों?” 24 इस खात्तर यीशु ताहीं जो इब भी बाँधे होए थे, हन्ना नै काइफा महायाजक के धोरै भेज दिया।

१११११ ११ ११११११११ ११११११११

‡ 18:28 18:28 जो पिरटोरियुम कुह्वावै सै

25 शमौन पतरस खडचा होया आग सेक्के था, फेर उननै उसतै कह्या, “कदे तू भी उसके चेल्यां म्ह तै तो न्ही सै?” उसनै नाट-के कह्या, “मै कोनी।”

26 महायाजक के नौकरां म्ह तै एक, जो उसके कुण्बे म्ह तै था, जिसका कान पतरस नै काट दिया था, बोल्या, “के मन्नै तेरे ताहीं यीशु के गेल्या फूल्लां के बाग म्ह कोनी देख्या था?” 27 पतरस फेर नाटग्या, अर जिब्बे मुर्गे नै बाँग देई।

१११११११११ ११११११११ ११ १११११११११ १११११

28 फेर वे यीशु ताहीं काइफा के धोरै तै किलेः म्ह लेगे, अर तडकेए का बखत था, पर वे खुद किले के भीत्तर कोनी गए ताके वे फसह का भोज खाण तै पैहल्या अशुद्ध ना हों जावै। 29 फेर राज्यपाल पिलातुस उनके धोरै बाहरणै लिकड़के आया अर कह्या, “थम इस माणस पै किस बात का दोष लाओ सो?”

30 उननै उस ताहीं जवाब दिया, “जै वो बुरे काम करणीया न्ही होंदा तो हम इसनै तेरे धोरै कोनी ल्यान्दे।”

31 पिलातुस नै उनतै कह्या, “थमे इसनै ले जाके अपणे नियम-कायदा के मुताबिक इसका न्याय करो।” यहूदी अगुवां नै उसतै कह्या, “हमनै हक कोनी के किसे की जानलेवां।” 32 “यो इस करके होया, ताके यीशु की वा बात पूरी हो जो उसनै यो इशारा देदे होड़ कही थी के उसकी मौत किस ढाळ होगी।”

33 फेर पिलातुस दुबारै किले के भीत्तर गया, यीशु ताहीं बुलाके उसनै बुझ्झया, “के तू यहूदियाँ का राजा सै?”

34 यीशु नै जवाब दिया, “के तू या बात अपणी ओड़ तै कहवै सै या दुसरयां नै मेरै बाबत तेरे तै न्यू कह्या सै?”

35 पिलातुस नै जवाब दिया, “के मै यहूदी न्ही सूं, तेरी-ए कोम अर प्रधान याजकां नै तेरे ताहीं मेरै हाथ म्ह सौंप्या सै। तन्नै के करया सै?”

36 यीशु नै जवाब दिया, “मेरा राज्य इस दुनिया का कोनी, जै मेरा राज्य इस दुनिया का होंदा, तो मेरे सेवादार लड़दे के मै यहूदी अगुवां के हाथ्यां सौंप्या कोनी जान्दा पर सच्चाई तो या सै के मेरा राज्य आडै का सै ए कोनी।”

37 पिलातुस नै उसतै कह्या, “के तू राजा सै?” यीशु नै जवाब दिया, “तू कहवै सै के मै राजा सूं। मन्नै ज्यांतै जन्म लिया अर ज्यांतै दुनिया म्ह आया सूं, के सच की गवाही दियुं। जो कोए सच का सै, वो मेरा वचन सुणै सै।”

११११११११-१११११ ११ ११११११११

38 पिलातुस नै उसतै कह्या, “सच के सै?” न्यू कहकै वो फेर यहूदी अगुवां के धौरै लिकड़ आया अर उन ताहीं कह्या, “मै तो उस म्ह कुछ खोट कोनी पांदा।”

39 पर थारे यो रिवाज सै के मै फसह पै थारे खात्तर एक माणस नै छोड़ दियुँ। आखर के थम चाह्वा सो, “के मै थारे खात्तर यहूदियाँ के राजा नै छोड़ दियुँ?”

40 फेर उननै रुक्के मारकै कह्या, “इसनै न्ही, पर म्हारै खात्तर बरअब्बा नै छोड़दे।” जिब के बरअब्बा बिद्रोही था।

19

1 फेर पिलातुस राज्यपाल नै यीशु के कोड़े लगवाण खात्तर सिपाहियाँ के हाथ सौप दिया। 2 सिपाहियाँ नै काण्डयाँ का मुकुट गूँथके उसके सिर पै धरया, अर उस ताहीं बैजनी लत्ते पिहराये, 3 अर उसके धौरै आ-आकै कहण लागगे, “हे यहूदियाँ के राजा, प्रणाम!” अर उसके थप्पड़ भी मारे।

4 फेर पिलातुस नै दुबारै बाहरणै लिकड़के माणसां ताहीं कह्या, “लखाओ, मै उसनै थारे धौरै फेर ल्याया सूं, ताके थमनै बेरा लागगै के मै उस म्ह कुछ भी खोट कोनी पान्दा।” 5 फेर यीशु ताहीं काण्डयाँ का मुकुट अर बैजनी लत्ते पहरे होड़ बाहरणै लेग्या, अर पिलातुस नै उन ताहीं कह्या, “देक्खों, इस माणस नै!”

6 जिब प्रधान याजकां अर मन्दर के पैहरेदारां नै उस ताहीं देख्या, तो रुक्के मारकै कह्या, “उस ताहीं क्रूस पै चढ़ा, क्रूस पै!” पिलातुस नै उनतै कह्या, “थमे उसनै ले जाके क्रूस पै चढ़ाओ, क्यूँके मै उस म्ह कोए खोट कोनी पान्दा।”

7 यहूदी अगुवां नै उस ताहीं जवाब दिया, “म्हारै नियम-कायदे सै अर उस नियम-कायदा के मुताबिक इस माणस नै मौत की सजा मिलणी चाहिये, क्यूँके इसनै खुद ताहीं परमेसवर का बेट्टा होण का दावा करया सै।”

8 जिब पिलातुस नै या बात सुणी तो और भी घणा डरग्या, 9 अर दुबारै किले* के भीत्तर गया अर यीशु तै कह्या, “तू कितका सै?” पर यीशु नै उसतै कुछ भी जवाब कोनी दिया। 10 इसपै पिलातुस नै उसतै कह्या, “मेरतै क्यातै न्ही बोल्दा? के तन्नै कोनी बेरा के तेरे ताहीं छोड़ देण का हक मेरै ताहीं सै, अर तेरे ताहीं क्रूस पै चढ़ाण का भी मेरै ताहीं हक सै।”

11 यीशु नै जवाब दिया, “जै तेरे ताहीं परमेसवर की ओड़ तै हक न्ही दिया जान्दा, तो तेरा मेरै पै कोए हक कोनी होंदा, ज्यातै जिसनै मेरै ताहीं तेरे हाथ पकड़ाया सै उसका पाप घणा सै।”

12 इस बात नै सुणकै पिलातुस नै उस ताहीं छोड़ देणा चाह्या, पर यहूदी माणसां की भीड़ नै रुक्के मार-मारकै कह्या, “जै तू इसनै छोड़ देवैगा, तो तू कैसर का बिरोध्दी बण जावैगा। जो कोए खुद नै राजा होण का दावा करै सै, वो कैसर का बिरोध्द करै सै।”

13 ये बात सुणकै पिलातुस यीशु नै बाहरणै ल्याया अर उड़ै न्याय की गद्दी पै बैठग्या, जो इब्रानी भाषा म्ह “गब्बता” कुह्वावै सै, जिसका मतलब चोतरा हो सै। 14 यो फसह की त्यारी का दिन था, अर दोफाहरा का बखत था। फेर उसनै यहूदी माणसां ताहीं कह्या, “यो रह्या थारा राजा!”

15 पर उननै और ऊँच्ची आवाज म्ह कह्या, “उस ताहीं मार द्यो! उस ताहीं मार द्यो! उस ताहीं क्रूस पै चढ़ा!” पिलातुस नै उनतै कह्या, “के मै थारे राजा नै क्रूस पै चढ़ाऊँ?” प्रधान याजकां नै जवाब दिया, “कैसर नै छोड़ म्हारा और कोए राजा कोनी।” 16 फेर पिलातुस नै यीशु ताहीं क्रूस पै चढ़ाण खात्तर उनकै हवालै कर दिया।

????? ?? ??????? ?????

17 फेर सिपाही यीशु नै ले गए, अर यीशु अपना क्रूस ठाए होए उस जगहां तक बाहर गया, जो “खोपड़ी” यानी इब्रानी भाषा म्ह “गुलगुता” कुह्वावै सै। 18 उड़ै उननै उस ताहीं अर उसके गेल्या और दो माणसां ताहीं क्रूस पै चढ़ाया, एक इस ओड़ अर एक दुसरी ओड़, अर बिचाळै यीशु ताहीं।

19 पिलातुस नै एक दोषपत्र लिखकै क्रूस पै लगवा दिया, अर उसपै लिख्या होया था, “यीशु नासरी†, यहूदियाँ का राजा।”

20 यो दोषपत्र घणखरे यहूदियाँ नै पढ़या, क्यूँके यरुशलेम नगर जड़ै यीशु क्रूस पै चढ़ाया गया था नगर के धौरै थी, अर दोषपत्र इब्रानी अर लतीनी अर यूनानी म्ह लिख्या होया था। 21 फेर यहूदियाँ के प्रधान याजकां नै पिलातुस तै कह्या, “यहूदियाँ का राजा मतना लिखै पर यो के उसनै कह्या, ‘मै यहूदियाँ का राजा सूं।’” 22 पिलातुस नै जवाब दिया, “मन्नै जो लिखणा था, लिख दिया।”

23 जिब सिपाहियाँ नै यीशु ताहीं क्रूस पै चढ़ा दिया, तो उसके लत्ते लेकै चार हिस्सां म्ह बांड लिए, हरेक सिपाही खात्तर एक हिस्सा, अर कुड़ता भी लिया, पर कुड़ता बिन सिलाई उप्पर तै तळै ताहीं सिम्या होया था।

24 इस करके सिपाहियाँ नै आप्स म्ह कह्या, “हम इस ताहीं पाड़ा कोनी, पर इसपै पर्ची गेर कै, के यो किसका

* 19:9 19:9 जो पिटोरियुम कुह्वावै सै † 19:19 19:19 नासरत नगर का रहण आळा

होवैगा।” न्यू इस करकै होया के पवित्र ग्रन्थ म्ह जो लिख्या होया वो पूरा हो, “उननै मेरे लत्ते आप्पस म्ह बांड लिए अर मेरे लत्ते पै पर्चीं गेरी।”

25 आखर म्ह सिपाहियाँ नै इसाए करया। यीशु कै कूरुस कै धोरै यीशु की माँ, अर उसकी मौस्सी, क्लोपास की घरआळी मरियम, अर मगदल गाम की मरियम खड़ी थी। 26 जिब यीशु नै अपणी माँ, अर उस चेल्लें ताहीं जिसतै वो प्यार करै था, धोरै खड़े देख्या तो अपणी माँ तै कह्या, “हे नारी, लखा, यो तेरा बेट्टा सै।” 27 फेर उस चेल्लें तै कह्या, “या तेरी माँ सै।” अर उससे बखत वो चेल्ला उस ताहीं अपणे घरां लेग्या।

????? ??

28 इसकै पाच्छै यीशु नै बेरा लागग्या के इब उसनै सारा काम पूरा कर लिया सै, ज्यांतै के पवित्र ग्रन्थ म्ह जो कह्या गया वो पूरा हो, कह्या, “मै तिसाया सू।” 29 उडै सिरके तै भरया होइ एक बास्सण धरया था, आखर म्ह सिपाहियाँ नै सिरके म्ह भेकै स्पंज (फोम) ताहीं जुफे की लाट्टी पै धरकै उसकै मुँह कै लगाया 30 जिब यीशु नै वो सिरका चख्या, तो कह्या, “पूरा होया,” अर सिर झुकाकै जी दे दिया।

????? ??

31 इब यो त्त्यारी का दिन था, अर आगला दिन आराम का दिन अर फसह का दिन था, यो यहूदी माणसां खात्तर एक खास दिन था, अर वे न्ही चाहवै थे, के इस दिन देह कूरुस पै टंगी रहवै, इस करकै यहूदियाँ नै पिलातुस तै बिनती करी के उन माणसां की टाँग तोड़ दी जावै, जो कूरुस पै चढ़ाये गये थे। 32 आखर म्ह सिपाहियाँ नै आकै उन माणसां म्ह तै पैहले की टाँग तोड़ी फेर दुसरे की भी, जो उसकै गेल्या कूरुस पै चढ़ाए गए थे, 33 पर जिब यीशु कै धोरै आकै देख्या के वो मर लिया सै, तो उसकी टाँग कोनी तोड़ी। 34 पर सिपाहियाँ म्ह तै एक नै बरछी तै उसका पंजर चीर दिया, अर उस म्ह तै जिब्बे लहू अर पाणी लिकडया। 35 जिस माणस नै यो देख्या‡, उसनै गवाही दी सै, अर उसकी गवाही साच्ची सै, अर उननै बेरा सै के वो साच्ची कह सै के थम भी बिश्वास करो। 36 ये बात ज्यांतै होई के पवित्र ग्रन्थ म्ह जो कह्या गया वो पूरा हो, “उसकी कोए हाड्डी कोनी तोड़ी जावैगी।” 37 फेर एक और जगहां पै पवित्र ग्रन्थ म्ह न्यू लिख्या सै, “जिस ताहीं उननै बेधा सै, उसनै वे देखवैगें।”

????? ??

‡ 19:35 19:35 जिस माणस नै यो देख्या यूहन्ना नै यूहन्ना 21:24 गाम की

38 इन बात्तां पाच्छै अरिमतिया गाम के यूसुफ नै जो यीशु का चेल्ला था, पर यहूदी अगुवां कै डर के मारे इस बात नै ल्कोए राक्खै था, पिलातुस तै बिनती करी, के वो यीशु की लाश ले जा सकै सै। पिलातुस नै उसकी बिनती सुणी, अर वो आकै उसकी लाश लेग्या। 39 नीकुदेमुस भी, जो पैहले यीशु कै धोरै रात नै गया था, पचास सेर कै करीबन रळा होइ गन्धरस अर एलवा (काण्डयाँ आळा पौधा) लियाया। 40 फेर उननै यीशु की लाश ली, अर यहूदियाँ कै गाड्णन कै रिवाज कै मुताबिक उस ताहीं खुशबुदार द्रव्य कै गेल्या कफन म्ह लपेट्या। 41 उस जगहां पै जडै यीशु कूरुस पै चढ़ाया गया था, एक फूल्लां का बगीचा था, अर उस फूल्लां की क्यारी म्ह एक नई कब्र थी जिसम्ह कदे कोए कोनी राख्या गया था। 42 ज्यांतै उननै यीशु की लाश ताहीं उससे कबर म्ह धर दिया, क्यूके वा लोवै ए थी, अर वो यहूदियाँ के आराम की त्त्यारी का दिन भी था।

20

????? ??

1 हफ्तै कै पैहल्ले दिन तडकैए सूरज लिकडण तै पैहल्या अन्धेरै रहंदे ए मगदल गाम की मरियम कब्र पै गई, अर पत्थर ताहीं कब्र पै तै हटया होइ देख्या। 2 फेर वा भाज्जी अर शमौन पतरस अर उस दुसरे चेल्लै कै धोरै जिसतै यीशु प्यार राक्खै था, आकै कह्या, “वे प्रभु की लाश नै कब्र म्ह तै काढ लेगे सै, अर हमनै न्ही बेरा के उस ताहीं कित्त धर दिया सै।”

3 फेर पतरस अर वो दुसरा चेल्ला* लिकडकै कब्र कै कान्ही चाल्ले। 4 वे दोन्नु गैल-गैल भाजरे थे, पर दुसरा चेल्ला पतरस तै तेज भाजकै कब्र पै पैहल्या पोंहच्या, 5 अर झुककै लत्ते पड़े देखे, तोभी वो भीत्तर कोनी गया। 6 फेर शमौन पतरस उसकै पाच्छै-पाच्छै पोंहच्या, अर कब्र कै भीत्तर गया अर उसनै भी लत्ते पड़े देखे, 7 अर वो अंगोच्छा जो उसकै सिर पै बन्धया होइ था, लत्यां कै गेल्या कोनी पड्या था, पर न्यारा एक जगहां लपेटकै धरया होया देख्या। 8 फेर दुसरा चेल्ला भी जो कब्र पै पैहल्या पोंहच्या था, भीत्तर गया अर देखकै बिश्वास करया के यीशु मुर्दा म्ह तै जिन्दा होग्या। 9 पतरस अर दुसरा चेल्ला इब ताहीं पवित्र ग्रन्थ की वा बात कोनी समझे थे के उसनै मेरे होया म्ह तै जी उठणा होगा। 10 फेर चेल्लें अपणे घरां बोहड़गे।

????? ??

* 20:3 20:3 दुसरा चेल्ला यूहन्ना † 20:11 20:11 मरियम मगदला

7 फेर उस चेल्लें† नै जिसतै यीशु प्यार करै था, पतरस तै कह्या, “यो तो प्रभु सै!” शमौन पतरस नै न्यू सुणकै के वो तो प्रभु सै, अपना बाहरी कपड़ा लपेटचा अर झील म्ह कूद पडचा, क्यूँके उस बखत वो अंगोच्छें-अंगोच्छें म्ह था। 8 पर दुसरे चेल्लें डोंगी पै मच्छी तै भरया होड़ जाळ खिंचदे होए आए, क्यूँके वे किनारे तै घणी दूर कोनी, पर कोए दो सौ हाथ (सौ मीटर) की दूरी पै थे।

9 जब चेल्लें किनारे पै उतरे, तो उननै कोयले की आग अर उसपै मच्छी धरी होई, अर रोट्टी देखी।

10 यीशु नै उनतै कह्या, “जो मच्छी थमनै इब्बे पकड़ी सै, उन म्ह तै कुछ ल्याओ।” 11 फेर शमौन पतरस नै डोंगी पै चढ़कै एक सौ तरेपन बड्डी मच्छियाँ तै भरया होड़ जाळ किनारे पै खिंच्या, अर इतनी मच्छी होन्दे होए भी जाळ कोनी पाटचा। 12 यीशु नै उनतै कह्या, “आओ, खाणा खाओ।” चेल्यां म्ह तै किसे की हिम्मत कोनी होई, के उसतै बुझ्झै, “तू कौण सै?” क्यूँके उननै बेरा था, के हो ना हो यो प्रभु ए सै। 13 यीशु आया अर रोट्टी लेके उन ताहीं दी, अर उस्से ढाळ मच्छी भी। 14 यो तीसरी बार सै के यीशु मरे होया म्ह तै जिन्दा उठण के पाच्छै चेल्यां नै दिखाई दिया।

¶¶¶¶¶

15 खाणा खाणे के पाच्छै यीशु नै शमौन पतरस तै कह्या, “हे शमौन, यूहन्ना के बेटटे, के तू चेल्यां तै बाध मेरतै प्यार करै सै?” उसनै उसतै कह्या, “हाँ प्रभु, तन्नै तो बेरा सै के मै तेरे तै प्यार राखूँ सू।” उसनै उसतै कह्या, “मेरे मेम्ना नै चरा।”‡

16 उसनै दुसरी बर उसतै कह्या, “हे शमौन, यूहन्ना के बेटटे, के तू मेरै तै प्यार राखै सै?” उसनै उसतै कह्या, “हाँ प्रभु, तन्नै तो बेरा सै के मै तेरे तै प्यार राखूँ सू।” उसनै उसतै कह्या, “मेरी भेड्डां की रुखाळी कर।”

17 उसनै तीसरी बर उस ताहीं कह्या, “हे शमौन, यूहन्ना के बेटटे, के तू मेरतै प्यार राखै सै?” पतरस काल होया के उसनै उसतै तीसरी बर इसा कह्या, “हे शमौन, यूहन्ना के बेटटे, के तू मेरतै प्यार राखै सै?” अर उसतै कह्या, “हे प्रभु, तन्नै तो सारा कुछ बेरा सै, तन्नै न्यू बेरा सै के मै तेरे तै प्यार राखूँ सू।” यीशु नै उसतै कह्या, “मेरी भेड्डां नै चरा।” 18 मै तेरे तै साच्ची-साच कहूँ सू, “जिब तू जवान था तो अपनी कड़ बाँधकै जड़ै चाहवै था उड़ै हाँडै था, पर जिब तू बूढ़ा होगा तो अपने हाथ पसारैगा, अर दुसरा तेरी कड़ बाँधकै जड़ै तू ना चाहवैगा उड़ै तन्नै ले जावैगा।” 19 यीशु नै इन बातों

तै इशारा करया के पतरस किसी मौत तै परमेसवर की महिमा करैगा, अर फेर उसनै उसतै कह्या, “मेरै पाच्छै हो ले।”

¶¶¶¶¶

20 पतरस नै बोहड़के उस चेल्लें ताहीं पाच्छै आन्दे देख्या, जिसतै यीशु प्यार राखै था, जो खाणे के बखत उसके साथ बेटचा था, उसतै बुझ्झया, “हे प्रभु, तेरा पकड़वाण आळा कौण सै?” 21 उस ताहीं देखके पतरस नै यीशु तै कह्या, “हे प्रभु, इसका के हाल होगा?”

22 यीशु नै उसतै कह्या, “जै मै चाहूँ के वो मेरै आण ताहीं रुक्या रहवै, तो तन्नै इसतै के? तू मेरै पाच्छै हो ले।” 23 ज्यांतै भाईयाँ म्ह या बात फैलगी के वो चेल्ला कोनी मरैगा, फेरभी यीशु नै उसतै न्यू कोनी कह्या के वो कोनी मरैगा, पर यो के, “जै मै चाहूँ के वो मेरै आण ताहीं रुक्या रहवै, तो तन्नै इसतै के?”

¶¶¶¶¶

24 यो वोए चेल्ला§ सै जो इन बातों की गवाही देवै सै अर जिसनै इन बातों ताहीं लिख्या सै, अर हमनै बेरा सै के उसकी गवाही साच्ची सै।

25 और भी घणेए काम सै, जो यीशु नै करे, जै वे एक-एक करके लिखे जान्दे, तो मै समझूँ सू के किताब जो लिखी जान्दी वा दुनिया म्ह भी कोनी समान्दी।

‡ 21:15 21:15 इन शब्दों नै यीशु अपने अनुयायियों के खात्तर इस्तमाल म्ह लाता था

§ 21:24 21:24 वोए चेल्ला उसका नाम था यूहन्ना

प्रेरितां के काम का वर्णन

????????

प्रेरितां के काम का वर्णन लूका के जरिये लिखे गये सुसमाचार के आगू का जिक्र सै। इसका खास मकसद यो बताणा सै, के यीशु के शरुआती चेल्यां नै पवित्र आत्मा के अगुवाई म्ह, यीशु के बारै म्ह सुसमाचार ताहीं यरुशलेम नगर अर सारे यहूदिया अर सामरिया परदेस म्ह, अर धरती के छोर ताहीं (1:8) किस तरियां फैलाया। यो मसीह आन्दोलन का ब्यौरा सै, जो यहूदी माणसां के बीच म्ह शरु होया, अर बढ़ के सारे दुनिया के माणसां का विश्वास बणग्या। लेखक इस बात का ध्यान राखै सै, के उसके पाठकां नै यो पक्का यकिन हो जावै के मसीह माणस रोमी साम्राज्य के खात्तर एक बिद्रोही राजनैतिक शक्ति न्ही थे, अर मसीह विश्वास यहूदी धर्म की पूर्ति था। प्रेरितां के काम की किताब ताहीं तीन भागां म्ह बाटचा जा सकै सै, जो लगातार बढ़ते क्षेत्र नै दिखावै सै, जिस म्ह यीशु मसीह का सुसमाचार प्रचार करया गया अर कलीसियां बणाई गई (: 1) यीशु के सुर्ग जाण के बाद यरुशलेम म्ह मसीह आन्दोलन की शरुआत; 2) पलस्तीन के दुसरे हिस्सां म्ह इसका बढ़णा, अर 3) भूमध्य सागर के देशां म्ह रोम ताहीं इसका विस्तार। प्रेरितां के काम की एक भोत बड़ी खासियत सै, पवित्र आत्मा का काम करणा। पवित्र आत्मा पिन्तेकुस्त के दिन यरुशलेम म्ह कट्टे होए विश्वासियाँ पै बड़ी शक्ति के गैल उतरै सै, अर इस किताब म्ह बिच्ची घटनाओं के दौराण कलीसिया अर उसके अगुवां ताहीं राह दिखाणा अर उननै शक्ति देणा सै। प्रेरितां के काम म्ह दिए गये कई उपदेशां म्ह शरुआती मसीह सन्देश का सार पेश करया गया सै, अर इस म्ह लिखी घटनाएं विश्वासियाँ के जिन्दगी म्ह अर कलीसिया की संगति म्ह इस सन्देश की शक्ति नै दिखावै सै।

रूप-रेखा

गवाही खात्तर तैयारी 1:1-26

क-यीशु का आखरी हुकम अर करार 1:1-14

ख-यहूदा का उत्तराधिकारी 1: 15-26

यरुशलेम नगर म्ह गवाही 2:1-8:3

यहूदिया अर सामरिया परदेस म्ह गवाही 8:4-12:25

पौलुस की सेवकाई 13:1-28:31

क-पैहली प्रचार-यात्रा 13:1-14:28

ख-यरुशलेम म्ह सम्मेलन 15:1-35

ग-दूसरी प्रचार-यात्रा 15:36-18:22

घ-तीसरी प्रचार-यात्रा 18:23-21:16

च-यरुशलेम, कैसरिया नगर अर रोम देश म्ह बन्दी पौलुस 21:17-28:31

??????

1 हे थियुफिलुस, मन्नै पैहलड़ी किताब उन सारी बाततां के बारें म्ह लिखी, जो यीशु शरु तै लेकै सुर्ग म्ह ठाए जाण तक करदा अर सिखान्दा रहया, 2 पर यीशु ताहीं परमेसवर के जरिये सुर्ग म्ह उठाए जाण तै पैहले उसनै अपणे चुणे होए प्रेरितां ताहीं पवित्र आत्मा के जरिये हुकम दिया। 3 यीशु के दुख ठाण के पाच्छै उन प्रेरितां के स्याम्ही भोत-से पक्के सबूत दिखाए के वो जिन्दा सै, अर वो चाळीस दिन तक उननै दिखदा रहया, अर परमेसवर के राज्य की बात करदा रहया। 4 अर एक दिन मसीह यीशु नै उनतै कट्टे करके उन ताहीं हुकम दिया, “यरुशलेम नगर नै ना छोड़ो, पर पिता की उस प्रतिज्ञा की पूरे होण की बाट देखदे रहो, जिसका जिक्र थम मेरै तै सुण चुके सो। 5 क्यूँके यहून्ना नै तो पाणी तै बपतिस्मा दिया सै पर थोड़े दिनां पाच्छै थम पवित्र आत्मा तै बपतिस्मा पाओगे।”

??????

6 चेल्लें जिब यीशु तै दुबारा मिले तो उननै उसतै बुझिया, “हे प्रभु, के वो बखत आ गया सै, के तू इस्राएल ताहीं छुड़वा के उसनै दुबारा बसाके राजा के रूप म्ह सब पै शासन करेगा।”

7 उसनै उनतै कह्या, “उस बखत या युगा ताहीं, जिन ताहीं पिता नै अपणे अधिकार म्ह कर राख्या सै, उननै जाणणा थारा काम कोनी। 8 पर जिब पवित्र आत्मा थारे पै आवैगा फेर थम सामर्थ पाओगे, अर यरुशलेम नगर अर सारे यहूदिया और सामरिया परदेसां म्ह, अर धरती के सिरे ताहीं मेरे बारें म्ह गवाही द्योगे।”

9 न्यू कहके यीशु उनके देखदे-देखदे परमेसवर के जरिये उप्पर ठा लिया गया, अर बाहळ नै उस ताहीं उनकी आँखां तै लहूको लिया।

10 उसके जान्दे बखत जिब वे अकास की ओड़ देक्खे थे, तो देक्खो, चाणचक दो माणस धोळे लत्ते पहरें ओड़ उनके लोवै आण खड़े होए, 11 अर उनतै कह्या, “हे गलील परदेस के माणसों, थम खड़े अकास कान्ही क्यांतै लखाओ सो? योए यीशु, जो परमेसवर के जरिये थारे धोरै तै सुर्ग पै ठा लिया गया सै, जिस तरियां तै थमनै उस ताहीं सुर्ग नै जान्दे देख्या उस्से तरियां तै वो दुबारा आवैगा।”

????????

12 जिब सुर्गदूत चले गये, तो चेल्लें जैतून नाम के पहाड़ तै जो यरुशलेम नगर तै करीब आधै कोस* की दूरी पै सै, यरुशलेम नगर म्ह बोहूड़े। 13 जिब वे नगर पोहचे तो उस चुबारै पै गये, जित्त पतरस अर यूहन्ना अर याकूब अर अन्दरयास अर फिलिप्पुस अर थोमा अर बरतुल्मै अर मत्ती अर हलफई का बेट्टा याकूब अर शमौन, जेलोतेस† अर याकूब का बेट्टा यहूदा ये सारे माणस ओड़ै थे।

14 ये सारे कई बिरबानियाँ अर यीशु की माँ मरियम अर उसके भाईयाँ कै गेल्या कट्टे होकै एक मन तै प्रार्थना म्ह लागगे रहे।

15 उन्हे दिनां म्ह पतरस बिश्वासियाँ कै बिचाळै म्ह जो एक सौ बीस आदमियाँ कै करीबन थे, खड्या होकै कहण लाग्या, 16 हे भाईयो, जरूरी था के पवित्तर ग्रन्थ का वो लेख पूरा हो जो पवित्तर आत्मा नै दाऊद के मुँह तै यहूदा कै बाबत, जो यीशु कै पकड़वाण आळा का अगुवां था, पैहल्याए तै कह्या था। 17 क्यूँके वो तो म्हारै म्ह गिण्या गया, अर इस सेविकाई म्ह साइझी होया।

18 “जिसा थम जाणो सों (उसनै पाप की कमाई तै एक खेत मोल लिया, अर सिर के बळ गिरया अर उसका पेट पाटग्या अर उसकी सारी आन्दड़ी लिकड़गी। 19 इस बात ताहीं यरुशलेम नगर के सारे रहणीये जाणगे, उरै ताहीं के उस खेत का नाम उनकी भाषा म्ह ‘हक्कलदमा’ यानिके ‘लहू का खेत’ पड़ग्या।)”

20 “दाऊद नै भजन संहिता म्ह लिख्या सै, ‘उसका घर उजड़ जावै, अर यो भी लिख्या सै, के उस म्ह कोए न्ही बसै, अर ‘उसका पद कोए और ले लेवै।’”

21 “इस करकै यो जरूरी सै के एक इसा माणस छाट्या जावै, जो प्रभु यीशु के सारे काम्मां के हरेक बखत का गवाह हो, प्रभु यीशु ताहीं यूहन्ना के जरिये बपतिस्मा दिये जाण तै लेकै, सुर्ग म्ह स्वीकार किये जाण तक, 22 वो माणस म्हारे गैल प्रभु यीशु के जिन्दा होण का गवाह बणै।”

23 फेर उननै दो नाम सुझाए, एक यूसुफ जो बरसब्बा कुह्वावै था, जिसका उपनाम यूसतुम सै, दुसरा मत्तियाह ताहीं, 24 अर या प्रार्थना करी, “हे प्रभु, तू जो सारया के मनां नै जाणै सै, न्यू बता के इन दोनुआ म्ह तै तन्नै किस ताहीं चुण्या सै, 25 के वो इस सेवा के काम अर प्रेरितों की वा खाल्ली जगहां ले, जिसनै यहूदा छोड़कै अपणी जगहां चल्या गया, जित्त उसनै जाणा चाहिए था।” 26 फेर उननै उनकै बाबत पर्ची गेरी, अर

पर्ची मत्तियाह कै नाम लिकड़ी। आखर वो उन ग्यारहां प्रेरितां कै गेल्या गिण्या गया।

2

?????? ???? ? ???? ?

1 यहूदियाँ के पिन्तेकुस्त त्यौहार के दिन, यीशु के चेल्लें एक जगहां कट्टे थे। 2 चाणचक अकास तै तेज आँधी जिसी आवाज आई, अर उसतै सारा घर जित्त वे बेट्टे थे, गूँजग्या। 3 अर उननै एक आग की लपट दिक्खी, जो जीभ के समान थी, वा आग की लपट अलग-अलग होकै उन सब कै उप्पर आ उतरी। 4 वे सारे पवित्तर आत्मा तै भरगे, अर जो वरदान पवित्तर आत्मा नै उन ताहीं दिया, उसके मुताबिक वो अन्य-अन्य भाषा बोल्लण लागगे।

5 उस बखत पूरी दुनिया की हरेक जात म्ह तै यहूदी-भगत यरुशलेम नगर म्ह रहण लागगे थे। 6 जिब आँधी जिसा शब्द गरजा, तो भीड़ लागगी अर आदमी घबरागे, क्यूँके हर एक अपणी-अपणी भाषा म्ह चेल्यां ताहीं बोलदे सुणण लागगे थे। 7 वे सारे हैरान अर अचम्भा करकै कहण लागगे, “देक्खो, जो वे बोल्लण लागगे सै के सारे गलीलवासी कोनी? 8 तो यो के होण लागरया सै, के जो म्हारे म्ह तै हर एक इन ताहीं अपणी-अपणी जन्म-भूमि की भाषा म्ह बात करते सुणै सै! 9 हम जो पारथी अर मेदी अर एलामी अर मेसोपोटामिया अर यहूदिया अर कप्पूकिया अर पुन्तुस अर आसिया परदेस, 10 कुछ फरुगिया, पंफूलिया परदेस अर कुछ मिस्र देश अर लीबिया देश जो कुरेने नगर कै लोवै-धोरै सै, इन सारे देशां के रहण आळे अर रोमी प्रवासी, 11 यानिके यहूदी माणस अर यहूदी पंथ धारण करण आळे, करेतो दीप अर अरब देश के माणस भी सै, पर अपणी-अपणी भाषा म्ह उनतै परमेसवर के बड़े-बड़े काम्मां का जिक्र सुणै सै।” 12 अर वे सारे हैरान होए अर घबराकै एक-दुसरे तै कहण लागगे, “यो के होण लागरया सै?”

13 पर औरां नै मखौल करकै कह्या, “वे तो नई मदिरा कै नशै म्ह चूर सै।”

???? ? ? ? ? ?

14 जिब पतरस उन ग्यारहां प्रेरितां कै गेल्या खड्या होया, अर टाड़ू आवाज म्ह बोल्या, “हे यहूदिवासियों अर हे यरुशलेमवासियों, न्यू जाण ल्यो, अर कान लाकै मेरी बात सुणो।” 15 जिसा थम समझरे सो, ये आदमी नशै म्ह कोनी, क्यूँके इब्बे दिन के नौ बजे सै। 16 जो थम

* 1:12 1:12 एक किलो. मी. † 1:13 1:13 एक कट्टर पंथी राजनैतिक दल का नाम था जिसका वो सदस्य था

म्हारै साथ होते होए देखण लागरे सों, यो योएल नबी कै जरिये कही गई भविष्यवाणी का पूरा होणा सै।

17 “परमेसवर कहवै सै, के अन्त के दिनां म्ह इसा होवैगा के मै अपणा आत्मा सारे माणसां ताहीं दियुंगा, अर थारे बेट्टे अर थारी बेट्टी भविष्यवाणी करैगी, अर थारे जवान दर्शन देखैगें, अर थारे बुजुर्ग सपना देखैगें।”

18 उन दिनां म्ह, मै अपणे दास्सां, अर दासियाँ ताहीं अपणी आत्मा दियुंगा, अर वे भविष्यवाणी करैगें।

19 अर मै उपपर अकास म्ह अनोक्खे काम अर तळै धरती पै निशान, यानिके लहू अर आग अर धुम्मै का बाहळ दिखाऊंगा।

20 प्रभु के महान् अर तेजस्वी दिन के आण तै पैहल्या सूरज अंधेरा अर चाँद लहू-सा हो जावैगा।

21 अर जो कोए प्रभु का नाम लेवैगा, उसका उद्धार होवैगा।

22 “हे इस्राएलियों, इन बातों नै सुणो यीशु नासरी एक माणस था जिसका परमेसवर की ओड़ तै होण का सबूत उन सामर्थ के काम्मां अर हैरानी के काम्मां अर चमत्कारां तै जाहिर सै, जो परमेसवर नै थारे बिचाळै उसके जरिये कर दिखाए जिसके बारे म्ह थमनै खुदे बेरा सै। 23 उससे यीशु ताहीं, जो परमेसवर की ठहराई होई योजना अर पूर्व ज्ञान के मुताबिक पकड़वाया गया, थमनै अधर्मियाँ के हाथ्यां तै क्रूस पै चढ़ाके उस ताहीं मार दिया। 24 पर उससे ताहीं परमेसवर नै मौत के बन्धनां तै छुड़के जिन्दा करया, क्यूँके यीशु ताहीं अपणे बस म्ह राखणा मौत खात्तर असम्भव था।” 25 राजा दाऊद यीशु के बारे म्ह कहवै सै, “मै प्रभु नै सारी हाण अपणे धोरै देख्दा रहया क्यूँके वो मेरी सोळी ओड़ सै, मै उनतै न्ही डरूंगा जो लोग मेरा नुकसान करणा चाहवै सै।”

26 इससे कारण मेरा मन आनन्दित होया, अर मै खुशी तै गाऊंगा, बल्के मेरी आस भी उससे म्ह बणी रहवैगी।

27 क्यूँके तू मेरै प्राणां नै अधोलोक म्ह कोनी छोड़ैगा, अर ना अपणे पवित्र माणस नै सड़ण देवैगा। 28 “तन्नै मेरै ताहीं जीण का राह बताया सै, तू मन्नै दर्शन के जरिये आनन्द तै भर देवैगा।”

29 “हे भाईयो, मै कुलपति राजा दाऊद के बारे म्ह थारे तै हिम्मत करके कहूँ सूँ के वो तो मरगया अर गाड्या भी गया अर उसकी कब्र आज ताहीं म्हारै उरै न्यू-की-न्यू सै। 30 वो नबी था अर उसनै बेरा था के परमेसवर नै मेरै तै वादा करया सै के मै तेरी पीढ़ी म्ह तै एक माणस नै तेरे सिंहासन पै बिठाऊंगा, 31 उसनै होण आळी बात ताहीं पैहल्याए तै देखके मसीह के जिन्दा उठण के बारे म्ह भविष्यवाणी करी के ना तो उसका प्राण अधोलोक

म्ह छोड़्या गया अर ना उसकी देह सड़ण पाई। 32 इससे यीशु ताहीं परमेसवर नै जिन्दा करया, जिसके हम सारे गवाह सां। 33 इस तरियां परमेसवर के सोळे हाथ पै सबतै ऊँचा पद पाके, अर पिता तै वो पवित्र आत्मा पाके जिसका वादा लिया गया था, उसनै यो उण्डेल दिया सै जो थम देखो अर सुणो सो। 34 क्यूँके दाऊद तो सुर्ग पै कोनी चढ़्या, पर वो खुद कहवै सै, ‘प्रभु परमेसवर नै मेरे प्रभु तै कह्या, मेरै सोळी ओड़ नै बैठ,

35 “जिब ताहीं के मै तेरे बैरियाँ नै तेरे कदमां तळै ना झुका दियुं।”

36 “आखर इस्राएल का सारा खानदान पक्की तरियां तै जाण लेवै के परमेसवर नै उससे यीशु ताहीं जिस ताहीं थमनै क्रूस पै चढ़ाया, प्रभु भी ठहराया अर मसीह भी।”

37 जिब माणसां नै यो सुण्या, तो बिश्वास होग्या था के उननै गलत काम करया सै, अर वे पतरस अर बाकी प्रेरितां तै बुझ्झण लागगे, “हे भाईयो, हम के करा?”

38 पतरस नै उनतै कह्या, “पाप करणा छोड़ द्यो, अर थारे म्ह तै हरेक अपणे-अपणे पापां की माफी के खात्तर यीशु मसीह के नाम तै बपतिस्मा लेवै, जिब थम पवित्र आत्मा का दान पाओगे। 39 क्यूँके या प्रतिज्ञा थम, अर थारी ऊलादां, अर उन सारे दूर-दूर के आदमियाँ खात्तर भी सै जिन ताहीं प्रभु म्हारा परमेसवर अपणे धोरै बुलावैगा।”

40 पतरस नै कई और बातों तै, भी गवाही दे-देके समझाया के अपणे-आपने इस टेढ़ी जात तै बचाओ।

41 आखर जिननै उसके वचन पै बिश्वास करके बपतिस्मा लिया, अर उससे दिन तीन हजार माणसां के करीबन उन म्ह मिलगे।

42 जिननै पतरस के वचन पै बिश्वास करया, वे प्रेरितां तै शिक्षा लेन्दे, अर संगति राखदे, अर रोटी तोड़ण, अर प्रार्थना करण म्ह मग्न रहे।

??????????????????

43 अर सारे के यरुशलैम माणस डरगे, अर घणे अनोक्खे काम अर चमत्कार प्रेरितां के जरिये जाहिर होवै थे। 44 अर सारे बिश्वास करणीये कठ्ठे रहवै थे, अर उनकी सारी चीज साझे म्ह थी। 45 वे अपणी-अपणी जायदाद अर सामान बेच-बेचके जिसकी जरूरत होवै थी बांड दिया करै थे। 46 वे हरेक दिन एक मन होके मन्दर म्ह कठ्ठे होवै थे, घर-घर रोटी तोड़दे होए खुशी अर मन की सीधाय तै खाणा खावै थे, 47 अर परमेसवर की जय-जयकार करै थे, अर सारे माणस उनतै राज्जी थे जो उद्धार पावै थे, उन ताहीं प्रभु हरेक दिन उन म्ह मिला देवै था।

3

?????? ???? ? ? ? ? ?

1 पतरस अर यूहन्ना दोफाहरै के तीन बजे पाच्छै प्रार्थना कै बखत मन्दर म्ह जाण लागरे थे । 2 अर माणस एक जन्म तै लंगड़े नै ल्यावै थे, जिस ताहीं वे हरेक दिन मन्दर कै बाहरणै पै जो सुन्दर नामक फाटक कुह्वावै सै, बिठा देवै थे, के वो मन्दर म्ह जाण आळा तै भीख माँगौ । 3 जिब उसनै पतरस अर यूहन्ना ताहीं मन्दर म्ह जान्दे देख्या, तो उनतै भीख माँगी । 4 पतरस नै यूहन्ना कै गेल्या उसकी ओड़ गौर तै देखकै कह्या, “म्हारी ओड़ लखा!” 5 आखर वो उनतै कुछ पाण की आस राखते होए उनकी ओड़ लखाण लाग्या ।

6 फेर पतरस नै कह्या, “चाँदी अर सोन्ना तो मेरै धोरै सै न्ही, पर जो मेरै धोरै सै वो तन्नै दियुँ सू, यीशु मसीह नासरी कै नाम तै उठ अर चाल-फिर ।” 7 पतरस नै उसका सोळा हाथ पकड़के उस ताहीं ठाया, अर जिब्वे उसके पायां अर टाखणयां म्ह ताकत आगी । 8 वो उछळते-कूदते खड्या होग्या अर चाल्लण-फिरण लाग्या, अर चाल्दा, अर कुह्वा, अर परमेसवर की जय-जयकार करदा होया उनकै गेल्या मन्दर म्ह गया । 9 सारे आदमियाँ नै उस ताहीं चाल्दे-फिरदे अर परमेसवर की जय-जयकार करदे होए देखकै, 10 उस ताहीं पिच्छाण लिया के वो वोए सै जो मन्दर कै “सुन्दर” नामक फाटक पै बैठकै भीख माँग्या करै था, अर उस घटना तै जो उसकै गेल्या होई थी वे घणे अचम्भित अर हैरान होए ।

?????? ???? ???? ? ? ? ? ?

11 जिब वो पतरस अर यूहन्ना ताहीं पकड़े होए था, तो सारे माणस घणे हैरान होन्दे होए उस बराम्दा म्ह जो सुलैमान का कुह्वावै सै, उनकै धोरै भाज्जे आये । 12 न्यू देखकै पतरस नै माणसां तै कह्या, “हे इस्राएलियों, थम इस माणस पै क्यांतै हैरान होवो सो, म्हारी ओड़ क्यांतै इस ढाळ लखाओ सों, के मान्नों हमनै-ए अपणी सामर्थ या भगति तै इस ताहीं चाल्लण-फिरण जोग्गा बणा दिया । 13 अब्राहम अर इसहाक अर याकूब के परमेसवर, म्हारे पूर्वजां के परमेसवर नै अपणे सेवक यीशु मसीह की महिमा करी, जिस ताहीं थमनै पकड़वा दिया, अर जिब राज्यपाल पिलातुस नै उस ताहीं छोड़ देण का विचार करया, फेर थमनै उसकै स्याम्ही उसका इन्कार करया । 14 थमनै उस धर्मी अर पवित्तर का इन्कार करया, अर बिनती करी के एक खून्नी ताहीं थारे खात्तर छोड़ दिया जावै, 15 अर थमनै अनन्त जीवन के कर्ता ताहीं मार दिया, जिस ताहीं परमेसवर नै मरे होया म्ह तै जिन्दा करया, अर इस बात के हम गवाह सां । 16 मसीह यीशु कै नाम म्ह बिश्वास कै कारण इस माणस नै जिसनै थम

जाणो सों, जिसनै थम इस बखत देखण लागरे सों, उस ताहीं ताकत दी सै, यो माणस यीशु के नाम म्ह अर मसीह यीशु पै बिश्वास के जरिये कती भला चंगा होया सै, जिसा के थम खुद देख सको सों ।”

17 “इब हे भाईयो, मन्नै बेरा सै के थमनै अर थारे अगुवां नै यो काम अज्ञानता म्ह करया, क्यूँके थम न्ही जाणो थे के वो मसीह सै । 18 पर जिन बात्तां ताहीं परमेसवर नै सारे नबियाँ के मुँह तै पैहल्याए तै बता दिया था, के उसका मसीह दुख ठावैगा, उन ताहीं उसनै इस्से ढाळ पूरा करया । 19 इस करके, पाप करणा छोड़ द्यो अर बोहड़ आओ के थारे पाप मिटाए जावै, जिसतै प्रभु के स्याम्ही तै सुख-चैन के दिन आवै, 20 अर वो यीशु ताहीं भेज्जै, जो थारे खात्तर पैहल्या तै ए मसीह ठहराया गया सै । 21 जरूरी सै के वो सुर्ग म्ह उस बखत ताहीं रहवै जिब ताहीं के वो सारी बात्तां का सुधार ना कर लेवै जिसका जिकर पुराणे बखत तै परमेसवर नै अपणे पवित्तर नबियाँ के मुँह तै करया सै । 22 जिस ढाळ के मूसा नबी नै कह्या, ‘परमेसवर थारे भाईयाँ म्ह तै थारे खात्तर मेरै जिसा एक नबी भेज्जैगा, जो किमे वो थारे तै कहवै उसकी सुणीयो ।’ 23 पर हरेक माणस जो उस नबी की न्ही सुणै, आदमियाँ म्ह तै नाश करया जावैगा ।”

24 “अर शमूएल तै लेकै उसकै पाच्छै आळा ताहीं जितने नबी बोल्ले उन सारया नै इन दिनां का सन्देशा दिया सै । 25 थम सारे नबियाँ की ऊलाद अर उस करार के हिस्सेदार सो, जो परमेसवर नै थारे बाप-दाद्यां तै करया, जिब उसनै अब्राहम तै कह्या, ‘तेरी पीढ़ी के जरिये धरती के सारे खानदान आशीष पावैगें ।’ 26 परमेसवर नै अपणे सेवक ताहीं मरे होया म्ह तै ठाकै सब तै पैहल्या थारे धोरै भेज्या, के थारे म्ह तै हरेक ताहीं उसकी बुराईयाँ तै पलटा कै आशीष देवै ।”

4

?????? ???? ???? ? ? ? ? ?

1 जिब वे आदमियाँ तै न्यू कहण लागरे थे, तो याजक अर मन्दर के सरदार अर सद्की दल के लोग उनपै चढ़ आये । 2 क्यूँके वे घणे खुन्दक म्ह थे के वे आदमियाँ ताहीं सिखावै थे, अर यीशु का उदाहरण दे-देकै प्रचार करै थे, के परमेसवर मुर्दा नै एक दिन जिन्दा करैगा जिसा उसनै यीशु ताहीं करया । 3 उननै उन ताहीं बन्दी बणाकै दुसरे दिन तक हवालात म्ह राख्या क्यूँके साँझ होगी थी । 4 पर वचन के सुणण आळा म्ह तै घणाए नै बिश्वास करया, अर उनकी गिणती पाँच हजार माणसां कै करीबन होगी थी ।

5 दुसरे दिन इसा होया के उनके सरदार, यहूदी अगुवें, शास्त्री 6 अर महायाजक हन्ना, कैफा, यूहन्ना, सिकन्दर अर जितने महायाजक के कुण्बे के थे, सारे यरुशलम नगर म्ह एक जगहां कट्टे होए। 7 वे उन ताहीं बिचाळै खड्या करके बुझ्झण लाग्गे के थमनै यो काम किसके सामर्थ तै अर किसके नाम तै करया सै।

8 फेर पतरस नै पवित्त्र आत्मा तै भरके उनतै कह्या, 9 “हे माणसां के सरदारो अर यहूदी अगुवों, इस कमजोर माणस गेल्या जो भलाई करी गयी सै, जै आज म्हारै तै उसके बारे म्ह पूछताछ करी जावै सै, के वो किस ढाळ ठीक होया।” 10 तो थम सारे अर सारे इस्राएली आदमी जाण लेवै के यीशु मसीह नासरी के नाम तै जिस ताहीं थमनै क्रूस पै चढ़ाया, अर परमेसवर नै मरे होया म्ह तै जिन्दा करया, यो माणस थारे स्याम्ही भला-चंगा खड्या सै।

11 यीशु मसीह ए वो पत्थर सै जिस ताहीं थम राजमिस्त्रियाँ नै नकार दिया, अर वो सिरे का पत्थर होगया।

12 “यीशु के अलावा किसे दुसरे नाम म्ह उद्धार कोनी, क्यूँके सुर्ग के तळै माणसां म्ह और कोए दुसरा नाम कोनी दिया गया, सिर्फ यीशु के जरिये हम उद्धार पा सकां सां।”

13 जब उननै पतरस अर यूहन्ना की हिम्मत देखी, अर न्यू बेरा लाग्या के ये अनपढ़ अर साधारण सा माणस सै, तो अचम्भा करया, फेर उन ताहीं पिच्छाणया के ये यीशु के गेल्या रहे सै। 14 उस माणस ताहीं जो ठीक होया था, पतरस अर यूहन्ना के गेल्या खडे देखके, वे बिरोध म्ह किमे न्ही कह सके। 15 पर उन ताहीं यहूदी अगुवां की सभा तै बाहर जाण का हुकम देके, वे आप्पस म्ह विचार करण लाग्गे, 16 “हम इन माणसां के गेल्या के करा? क्यूँके यरुशलम नगर के सारे रहणीया नै बेरा पाटरया सै, के इनके जरिये एक मशहुर चमत्कार दिखाया गया सै, अर हम उसके बारे म्ह नाट न्ही सकदे। 17 पर माणसां म्ह इस सुसमाचार का और घणा प्रसार ना हो।”

18 फेर उन ताहीं बुलाया अर चेतावनी देके न्यू कह्या, “यीशु के नाम पै ना तो वे चर्चा करै अर ना सिखाइयो।” 19 पर पतरस अर यूहन्ना नै उन ताहीं जवाब दिया, “थमे न्याय करो, के यो परमेसवर के धोरै भला सै के हम परमेसवर की बात तै बढ़के थारी बात मान्नां। 20 क्यूँके यो तो म्हारै तै न्ही हो सकदा के जो हमनै देख्या अर सुणया सै, वो न्ही कह्वां।”

21 फेर उननै उन ताहीं और धमकाके छोड़ दिया, क्यूँके आदमियाँ के कारण उन ताहीं सजा देण का कोए मौक्का

न्ही मिल्या, इस करके के जो घटना होई थी उसके कारण सारे आदमी परमेसवर की बड़ाई करै थे।

22 वो माणस जो अचम्भे के काम तै ठीक होया था, चाळीस बरस तै घणी उम्र का था।

?????????????????? ?? ???? ??????????

23 वे छूट के अपणे साथियाँ के धोरै आए, अर जो किमे प्रधान याजकां अर यहूदी अगुवां नै उनतै कह्या था, उन ताहीं सुणया दिया। 24 न्यू सुणके उननै एक मन होके ठाड़ू आवाज तै परमेसवर तै कह्या, “हे माल्लिक,” तू वोए सै जिसनै सुर्ग अर धरती अर समुन्दर अर जो किमे उन म्ह सै बणाया सै। 25 तन्नै पवित्त्र आत्मा के जरिये अपणे सेवक म्हारे पूर्वज दाऊद के मुँह तै कह्या, “गैर यहूदियाँ नै रोळा क्यातै मचाया? अर देश-देश के माणसां नै क्यातै बेकार म्ह बात सोच्ची?”

26 प्रभु अर उसके अभिषिक्त के बिरोध म्ह धरती के राजा खडे होए, अर हाकिम एक सेत्ती कट्टे होए।

27 “क्यूँके साच्चए तेरे सेवक यीशु के बिरोध म्ह, जिसका तन्नै अभिषेक करया, हेरोदेस अर पुन्तियुस पिलातुस भी गैर यहूदियाँ अर इस्राएलियाँ के गेल्या इस नगर म्ह कट्टे होए, 28 के जो किमे पैहल्या तै तेरी सामर्थ अर बुद्धि तै ठहरा था वोए करै। 29 इब हे प्रभु, उनकी धमकियाँ नै सुण, अर अपणे दास्सां ताहीं यो वरदान दे के तेरा वचन बड़ी हिम्मत तै सुणावै। 30 ठीक करण के खात्तर तू अपणा हाथ बढ़ा के चमत्कार अर अनोक्खे काम तेरे पवित्त्र सेवक यीशु के नाम तै करे जावै।”

31 जब उननै प्रार्थना कर ली, तो वा जगहां जित्त वे कट्टे थे काम्बगी, अर वे सारे पवित्त्र आत्मा तै भरगे, अर परमेसवर का वचन हिम्मत तै सुणान्दे रहे।

?????????????????????? ?? ???? ??????????

32 बिश्वास करण आळा का टोळ एक चित्त अर एक मन का था, उरै ताहीं के कोए भी अपणी सम्पत्ति अपणी न्ही कहवै था, पर सारा किमे साइझै म्ह था। 33 प्रेरित बड़ी सामर्थ तै प्रभु यीशु के जिन्दा होण की गवाही देन्दे रहे, अर उन सारया पै घणा अनुग्रह था। 34 अर उन बिश्वासियाँ म्ह कोए भी गरीब कोनी था, क्यूँके जिनके धोरै धरती या घर थे, वे उननै बेच-बेचके, बिकी होई चिज्जां का दाम ल्यावै थे, अर उस ताहीं प्रेरितां के पायां म्ह धरै थे। 35 अर जिसी जिसकी जरूरत होवै थी, उसके मुताबिक हरेक ताहीं बांड दिया करै थे।

36 यूसुफ नाम का साइप्रस टापू का एक लेवी था जिसका नाम प्रेरितां नै बरनबास (यानिके उत्साहित करण आळा) धरया था। 37 उसकी किमे धरती थी, जिस

ताहीं उसनै बेच्या, अर दाम के रुपिये प्रेरितां के पायां म्ह धर दिए।

5

?????????? ?? ???????

1 हनन्याह नाम का एक माणस अर उसकी घरआळी सफीरा नै अपणी कुछ जमीन बेच्ची। 2 अर उसकै दाम म्ह तै कुछ अपने खात्तर राख लिया, अर या बात उसकी घरआळी भी जाणै थी, उसका एक हिस्सा ल्याकै प्रेरितां के पायां म्ह धर दिया। 3 पतरस बोल्या, “हे हनन्याह! शैतान नै तेरे मन म्ह या बात क्यातै घाल्ली के तू पवित्तर आत्मा तै झूठ बोल्लै, अर जमीन के दाम म्ह तै किमे राख लेवै? 4 के बेचण तै पैहल्या वा जमीन तेरी कोनी थी? अर जब बिकगी तो उस धन पै तेरा हक कोनी था? तन्नै या बात अपने मन म्ह क्यातै सोच्ची? तन्नै माणसां तै न्ही, पर परमेसवर तै झूठ बोल्या सै।”

5 या बात सुणदे हनन्याह जमीन पै गिर पड्या अर जी लिकड़ग्या, सारे सुणण आळे घणे डरगे। 6 फेर जवानां नै उठकै उसकी लाश ताहीं कपड़े म्ह लपेटा अर बाहरणै ले जाकै गाड़ दिया।

7 करीबन तीन घंटा कै पाच्छै उसकी घरआळी, जिसनै बेराए कोनी था जो किमे होया था, भीत्तर आई। 8 फेर पतरस नै उसतै कह्या, “मन्नै बता के थम दोनुआं नै वा जमीन इतनै म्ह बेच्ची थी?” वा बोल्ली, “हाँ, इतनै ए म्ह।”

9 पतरस नै उसतै कह्या, “या के बात सै के थम दोनुआं नै प्रभु की आत्मा ताहीं परखण खात्तर एक्का करया? लखा, तेरे धणी नै गाड़ण आळे बाहरणै ए खड़े सै, अर तन्नै भी बाहरणै ले जावैंगे।”

10 फेर वा जिब्बे उसकै पायां म्ह गिर पड़ी, अर जी लिकड़ग्या, अर जवानां नै भीत्तर आकै उस ताहीं मरया पाया, अर बाहरणै ले जाकै उसकै धणी कै धोरै ए उस ताहीं भी गाड़ दिया। 11 यरुशलैम की सारी कलीसिया अर इन बात्तां के सारे सुणनिये भोत घणे डरगे।

?????????? ?? ?????????? ???

12 प्रेरितां के जरिये घणे चमत्कार अर अनोक्खे काम आदमियाँ कै बिचाळै दिखाए जावै थे, अर वे सारे एक चित्त होकै सुलैमान के बरामदे म्ह कट्ठे होया करै थे। 13 पर औरां म्ह तै किसे और की या हिम्मत कोनी होवै थी के उन म्ह जा मिलै, फेर भी आदमी उनकी बड़ाई करै थे। 14 प्रभु म्ह बिश्वास करण आळी की गिणती बढ़ती गई भोत घणे बिश्वासी प्रभु म्ह आ मिले, लोग-लुगाईयाँ का एक भोत बड़ा टोळ बणग्या। 15 जो प्रेरित करण लागरे थे, उसकी बजह तै माणस, बिमारां ताहीं सड़कां

पै ल्या-ल्याकै, खाट-खटोल्यां पै लिटा देवै थे, के जब पतरस आवै, तो उसकी छाया-ए उन म्ह तै किसे पै पड़ जावै। 16 यरुशलैम नगर कै लोवै-धोवै के नगरां तै भी घणे माणस बिमारां अर भुंडी ओपरी आत्मायाँ के सताए होया ताहीं चेल्यां कै धोरै ल्या-ल्याकै, कट्ठे होवै थे, अर सारे ठीक कर दिए जावै थे।

?????????????? ?? ???????????????

17 फेर महायाजक अर उसके सारे मित्तर जो सदकियाँ के पंथ के थे, प्रेरितां तै जळण लागगे। 18 अर प्रेरितां ताहीं पकड़कै जेळ म्ह बन्द कर दिया। 19 पर रात नै प्रभु के एक सुर्गदूत नै जेळ के किवाड़ खोल कै उन ताहीं बाहरणै ल्याकै कह्या, 20 “जाओ, मन्दर म्ह खड़े होकै अनन्त जीवन की सारी बात आदमियाँ ताहीं सुणाओ।”

21 वे न्यु सुणकै सबेरा होन्दे मन्दर म्ह जाकै उपदेश देण लागगे। फेर महायाजक अर उसके मित्तरां नै आकै यहूदी अगुवां की सभा अर इस्राएलियाँ के सारे बुजुर्गां ताहीं कट्ठे करया, अर जेळ म्ह कहवां भेज्या के उन ताहीं ल्याओ। 22 पर मन्दर के पैहरेदारां नै उड़ै पोहचकै उन ताहीं जेळ म्ह कोन्या पाया, अर बोहड़कै संदेशां दिया, 23 “हमनै जेळ ताहीं घणी चौकसी तै बन्द कर राख्या था, अर पैहरेदारां ताहीं बाहरणै दरवाज्यां पै खड़े पायां, पर जब खोल्या, तो भीत्तर कोए ना मिल्या।” 24 जब मन्दर के सरदार अर प्रधान याजकां नै या खबर सुणी, तो वे घबरागे थे, अर वे यो विचार करण लागगे के इन बात्तां का नतिज्जा के होगा!

25 इतनै म्ह किसे नै आकै उन ताहीं बताया, “देक्खो, जिन ताहीं थमनै जेळ म्ह बन्द कर राख्या था, वे माणस मन्दर म्ह खड़े होकै आदमियाँ नै उपदेश देण लागरे सै।” 26-27 फेर सरदार, पैहरेदारां कै गेल्या ओड़ै जाकै, प्रेरितां ताहीं यहूदी अगुवां की सभा कै स्याम्ही लीआया, पर हंगे तै न्ही, क्यूँके वे आदमियाँ तै डरै थे के कदे म्हारै पै पत्थर ना बरसा देवै। फेर महायाजक नै उनतै बुझ्या,

28 “के हमनै थारे ताहीं चिताकै हुकम न्ही दिया था के थम इस नाम तै उपदेश ना दियो? फेरभी, थमनै सारे यरुशलैम नगर ताहीं अपने उपदेश तै भर दिया सै अर उस माणस की हत्या का कसूर थम म्हारै पै लगाणा चाहो सो।”

29 फेर पतरस अर दुसरे प्रेरितां नै जवाब दिया, “माणसां के हुकम तै बढ़कै परमेसवर के हुकम का पालन करणा ए म्हारा फर्ज सै। 30 म्हारै पूर्वजां कै परमेसवर नै यीशु ताहीं मुर्दा म्ह तै जिन्दा करया, जिस ताहीं थमनै क्रूस पै लटकाकै मार दिया था। 31 उस्से ताहीं परमेसवर नै प्रभु अर उद्धारकर्ता ठैहराया अर परमेसवर

नै मसीह यीशु ताहीं अपणे सोळे हाथ कान्ही बैठाया, ताके इस्राएल के माणस पाप करणा छोड़ दे, अर अपणे पापां खात्तर उन ताहीं माफी मिल सकै।³² हम इन बात्तां के गवाह सां अर उस्से तरियां पवित्र आत्मा भी, जिस ताहीं परमेसवर नै उन ताहीं दिया सै जो उनका हुकम मान्नै सै।”

³³ यहूदी अगुवां की सभा के सारे माणस या बात सुणकै जळगे, अर प्रेरितां ताहीं मारणा चाह्या।³⁴ पर गमलीएल नामक एक फरीसी नै जो शास्त्री अर सारे आदमियाँ म्ह आदर-मान राक्खै था, यहूदी अगुवां की सभा म्ह खड़े होकै प्रेरितां ताहीं थोड़ी देर खात्तर बाहरणै ले जाण का हुकम दिया।³⁵ फेर वो बोल्या, “हे इस्राएलियों, थम जो किमे इन माणसां गैल करणा चाहवो सो, सोच-समझकै करियो।³⁶ इन दिनां तै पैहल्या थियूदास भी दावा करै था के मै भी किमे सूँ, अर तकरीबन चार सौ माणस उसकै चेल्लें बणगे, पर वो मारया गया, अर उस ताहीं मानण आळे सब लोग बिखरगे अर उनका नामो-निशान भी कोनी रह्या।³⁷ उसकै पाच्छै नाम लिखाई के दिनां म्ह गलीलवासी यहूदा आया, अर कई आदमी अपणी ओड़ कर लिये, वो भी मर गया, अर जितने आदमी उसनै मान्नै थे, सारे तित्तर-बितर होगये।³⁸ ज्यांतै मै थारे तै कहूँ सूँ, इन माणसां तै दूर ए रहो अर इनतै किमे काम ना राक्खो, क्यूँके जै यो धर्म या काम माणसां की ओड़ तै हो फेर तो मिट जावैगा।³⁹ पर जै परमेसवर की ओड़ तै सै, तो थम उन ताहीं कदे भी न्ही मिटा सकदे। कदे इसा ना हो के थम परमेसवर तै भी लड़णआळे ठहरो।” फेर उननै उसकी बात मान ली।

⁴⁰ अर प्रेरितां ताहीं बुलाकै छितवाया, अर यो हुकम देकै छोड़ दिया के यीशु के नाम तै दुबारा कोए बात ना करणा।

⁴¹ वे इस बात तै राज्जी होकै यहूदी अगुवां की सभा के स्याम्ही तै चले गये, के हम यीशु के नाम के खात्तर बेईज्जत होण के जोगगे तो ठहरे।⁴² वे हरेक दिन मन्दर म्ह अर घर-घर म्ह उपदेश करण तै, अर इस बात का सुसमाचार सुणाण तै के यीशु ए मसीह सै न्ही रुके।

6

?????????? ? ? ? ? ? ? ? ? ? ?

¹ उन दिनां म्ह जब चेल्यां की गिणती घणी बधण लाग्गी, फेर यूनानी भाषा बोल्लण आळे यहूदी चेल्लें इब्रानी भाषा बोल्लण आळे यहूदी चेल्यां पै बिरड़ाण लाग्गे, के हरेक दिन पईसा अर खाणे के मामलै म्ह

* 6:14 6:14 नासरत का यीशु

म्हारी बिधवायाँ की सुध कोनी ली जान्दी।² फेर उन बारहां चेल्यां नै उन बिश्वासियाँ ताहीं जो यरुशलेम म्ह थे, अपणे धोरै बुलाकै कह्या, “यो ठीक कोनी के हम परमेसवर का वचन छोड़कै खिलाण-पिलाण की सेवा म्ह रह्हां।³ इस करकै, हे बिश्वासी भाईयो, अपणे म्ह तै सात बढ़िया नाम्मी माणसां ताहीं जो पवित्र आत्मा अर बुद्धि तै भरे हो, जिनके बारें म्ह सब नै बेरा हो, छाँट ल्यो, के हम उननै इस काम पै ला देवां।⁴ पर हम तो प्रार्थना म्ह अर वचन के प्रचार अर शिक्षा देण की सेवा म्ह लाग्गे रहवांगें।”

⁵ या बात सारे टोळ नै आच्छी लाग्गी, अर उननै स्तिफनुस नामक एक माणस ताहीं जो बिश्वास अर पवित्र आत्मा तै भरया था, अर फिलिप्पुस, अर प्रुखुरुस, अर नीकानोर, अर तीमोन, अर परमिनास, अर अन्ताकियावासी नीकुलास ताहीं जो यहूदी पंथ म्ह आ गया था, छाँट लिया।⁶ इन ताहीं प्रेरितां के स्याम्ही ल्याए अर उननै प्रार्थना करकै उनपै हाथ धरे, ताके वे उस काम नै करै।

⁷ परमेसवर का वचन फैलदा गया अर यरुशलेम नगर म्ह चेल्यां की गिणती घणी बढ़दी गई, अर भोत सारे यहूदी याजक भी प्रभु यीशु के सुसमाचार पै बिश्वास करकै मानणआळे होगे।

?????????? ? ? ? ? ? ? ? ? ? ?

⁸ स्तिफनुस अनुग्रह अर सामर्थ तै भरया-पूरा होकै आदमियाँ म्ह बड़े-बड़े अनोक्खे काम अर चमत्कार दिखाया करै था।⁹ फेर वो आराधनालय म्ह तै जो लिबिरतिनां की कुह्वावै थी, अर कुरेनी अर सिकन्दरिया अर किलिकिया अर आसिया परदेस के आदमियाँ म्ह तै कई माणस उठकै स्तिफनुस तै बहसण लाग्गे।¹⁰ पर उस ज्ञान अर उस पवित्र आत्मा का जिसतै वो बात करै था, वे सामना न्ही कर सके।

¹¹ इसपै उननै कई आदमियाँ ताहीं उकसाया जो कहण लाग्गे, “हमनै इस ताहीं मूसा नबी अर परमेसवर के बिरोध म्ह बुराई की बात कहन्दे होए सुणया सै।”

¹² उननै स्तिफनुस के बिरुध्द माणसां, यहूदी अगुवां अर शास्त्रियाँ ताहीं उकसाया अर आकै उस ताहीं पकड़कै यहूदी अगुवां की सभा के स्याम्ही ले गये।

¹³ अर उननै झूठे गवाह खड़े करे, जिननै स्तिफनुस पै यो इलजाम लगाकै, कह्या, “यो माणस इस पवित्र जगहां अर मूसा के नियम-कायदे के बिरोध म्ह बुराई करणा न्ही छोड़दा।¹⁴ क्यूँके हमनै उस ताहीं न्यू कहन्दे सुणया सै के योए यीशु नासरी* इस मन्दर नै गेर देवैगा,

27 “पर जो अपने पड़ोसी पै जुल्म करै था, उसने उस ताहीं न्यू कहकै धक्का दिया, ‘तेरे ताहीं किसने म्हारै पै हाकिम अर न्यायाधीश ठहराया सै?’ 28 के जिस ढाळ तै तन्नै काल उस मिस्री आदमी ताहीं मार दिया मन्नै भी मार देणा चाहवै सै?’ 29 या बात सुणकै मूसा नबी डरकै भाज्या अर मिधान देश म्ह परदेशी होकै रहण लाग्या, अर ओड़ै उसके दो बेट्टे पैदा होए।”

30 “जिब मूसा ताहीं ओड़ै रहन्दे पूरे चाळीस साल बीतगे, तो परमेसवर नै एक सुर्गदूत के रूप म्ह सीनै पहाड़ के बण म्ह उस ताहीं बळदी होई झाड़ी की ज्वाला म्ह दर्शन दिया। 31 मूसा नबी नै यो बळदी होई झाड़ी का दर्शन देखकै हैरानी होई, अर जिब देखण खात्तर लोवै गया, तो प्रभु की या वाणी सुणाई दी, 32 ‘मै तेरे पूर्वज, अब्राहम, इसहाक, याकूब का परमेसवर सूं, फेर मूसा नबी डर के मारे काम्बग्या, उरै ताहीं के उसकी देखण की हिम्मत भी कोनी होई।”

33 “फेर प्रभु नै मूसा नबी तै कह्या, ‘अपणे पायां तै जूत्ती उत्तार ले, क्यूँके जिस जगहां तू खड्या सै, वा पवित्र धरती सै। 34 मन्नै साच्ये अपणे आदमियाँ की जो मिस्र देश म्ह सै, भुन्डी हालत देखी सै, अर उनकी आह अर उनका रोणा सुण्या सै, ज्यांतै उन ताहीं छुड़ाण के खात्तर उतरया सूं। इब आ, मै तन्नै मिस्र देश भेज्जूंगा।’”

35 “जिस मूसा नबी ताहीं उननै न्यू कहकै नकारा दिया था, ‘तेरे ताहीं किसने म्हारै पै हाकिम अर न्यायाधीश ठहराया सै?’ उस्से ताहीं परमेसवर नै हाकिम अर छुड़ाण आळा ठहराकै उस सुर्गदूत के जरिये जिसने उस ताहीं झाड़ी म्ह दर्शन दिया था, भेज्या। 36 योए माणस मिस्र देश अर लाल समुन्दर अर जंगळ म्ह चाळीस साल ताहीं अनोक्खे काम अर चमत्कार दिखा-दिखाकै उन ताहीं लिकाड़ ल्याया।”

37 यो वोए मूसा नबी सै, जिसने इसराएल के माणसां तै कह्या, “परमेसवर थारे भाईयाँ म्ह तै थारे खात्तर मेरै जिसा एक नबी ठावैगा। 38 यो वोए सै, जिसने जंगळ म्ह इसराएली मण्डळी के बिचाळै उस सुर्गदूत के साथ सीनै पहाड़ पै उसतै बात करी, अर म्हारे पूर्वजां के गेल्या था, उस्से ताहीं जिन्दा वचन मिल्या ताके म्हारै तक पोहोचावै।”

39 पर म्हारे पूर्वजां नै उसकी मानणी कोनी चाह्यी, बल्के उस ताहीं हटाकै अपणे मन मिस्र देश की ओड़ पलटे, 40 अर मूसा नबी के भाई हारुन तै, कह्या, म्हारै खात्तर इसा देवता बणा, जो म्हारै आगगै-आगगै चाल्लै, क्यूँके यो मूसा नबी जो हमनै मिस्र देश तै लिकाड़

ल्याया, हमनै न्ही बेरा के उसकै के होया? 41 उन दिनां म्ह उननै एक बाछड़े की मूर्ति बणाकै उसकै आगगै बलि चढ़ाई, अर अपने हाथ्यां तै बणाई होई मूर्ति तै मगन होण लागगे। 42 इस खात्तर परमेसवर नै मुँह मोड़कै उन ताहीं छोड़ दिया, के अकास के सूरज चांद सितारां ताहीं परमेसवर मानकै पुजै, जिसा नबियाँ की किताब म्ह लिख्या सै, “हे इसराएल के घराने, के थम जंगळ म्ह चाळीस साल ताहीं पशुबलि अर अन्नबलि मेरै ताहीं ए चढ़ान्दे रहे?”

43 “थम उस तम्बू ताहीं जिस म्ह मोलेक देवता की मूर्ति अर अपने रिफान देवता, के तारे नै लिये फिरे, यानिके उन मूरतां ताहीं जिन ताहीं थमनै आराधना करण के खात्तर बणाया था। इस करकै मै थारे ताहीं बेबीलोन देश तै परली ओड़ ले जाकै बसाऊंगा।”

44 “मिलापआळे तम्बू की जंगल-बियाबान म्ह म्हारै पूर्वजां के बिचाळै था, जिसा उसने ठहराया जिसने मूसा नबी तै कह्या, ‘जो रूप तन्नै देख्या सै, उसकै मुताबिक इसने बणा।’ 45 उस्से तम्बू नै म्हारे पूर्वज पाच्छले बखत तै पाकै यहोशू के गेल्या उरै लियाये, जिस बखत के उननै उन दुसरी जात्तां पै हक पाया, जिन ताहीं परमेसवर नै म्हारै पूर्वजां के स्याम्ही तै लिकाड़ दिया, अर वो तम्बू राजा दाऊद के बखत ताहीं रहया। 46 दाऊद पै परमेसवर नै अनुग्रह करया, राजा दाऊद नै याकूब के परमेसवर के खात्तर रहण की जगहां बणाण की बिनती करी। 47 पर उसके बेट्टे राजा सुलैमान नै उसकै खात्तर घर बणाया।”

48 पर परमप्रधान हाथ के बणाए होए घरां म्ह कोनी रहन्दा, जिसा के यशायाह नबी की किताब म्ह कह्या,

49 “परमेसवर कहवै सै, सुर्ग मेरा सिंहासन अर धरती मेरी पायां तळे की पीढी सै, मेरै खात्तर थम किस ढाळ का घर बणाओगे? अर मेरै आराम कि कौण-सी जगहां होवैगी?”

50 के ये सारी चीज मेरे जरिये न्ही बणाई गई सै?

51 “हे जिद्दी, अर मन अर कान के खतनारहित आदमियो, थम सारी हाण पवित्र आत्मा का बिरोध करो सो। जिसा थारे पूर्वज करै थे, उस्से तरियां ए थम भी करो सो। 52 के कोए इसा भी नबी था, जिस ताहीं थारे पूर्वजां नै न्ही सताया हो? उननै तो उस ताहीं भी मार दिया, जिननै भोत पैहले ए तै उस मसीहा के आण की मुनाही कर दी थी, जिस ताहीं इब थमनै धोक्खे तै पकड़वा दिया अर मार दिया। 53 थमनै सुर्गदूतां के जरिये ठहराये होए नियम-कायदे तो पाए, पर उसका पालन कोनी करया।”

54 ये बात सुणकै यहूदी अगुवें छो म्ह भरगे अर स्तिफनुस पै दाँत पिस्सण लागगे। 55 पर उसनै पवित्तर आत्मा तै पूरी तरियां भरकै सुर्ग की ओड़ देख्या अर परमेसवर की महिमा अर यीशु ताहीं परमेसवर के सोळी ओड़ खड्या देखकै 56 कह्या, “देखो, मै सुर्ग नै खुल्या होया, अर माणस के बेट्टे ताहीं परमेसवर के सोळी ओड़ खड्या देखु सूं।”

57 फेर ये बात सुणते ए सुणण आळा नै चीखते होए अपणे कान्ना पै हाथ रख लिये, अर वे छो म्ह एक साथ उसपै टूट पड़े, 58 अर स्तिफनुस ताहीं यरुशलेम नगर के बाहरणै लिकाड़कै उसपै पत्थर बरसाण लागगे। गवाहां नै अपणे लत्ते शाऊल नामक एक जवान के पायां के धौरै उतारकै धर दिए।

59 वे स्तिफनुस पै पत्थर बरसान्दे रहे, अर वो न्यू कहकै प्रार्थना करदा रह्या, “हे प्रभु यीशु, मेरी आत्मा ताहीं अपणाले।” 60 फेर गोड़डे टेकके टाड़ू आवाज म्ह रुक्का मारया, “हे प्रभु, यो पाप उनपै मतना ला।” अर न्यू कह कै उसनै अपणे प्राण दे दिए।

8

?????????? ?? ???????????

1 शाऊल उसकै मारण म्ह सहमत था। उससे दिन यरुशलेम नगर की कलीसिया म्ह घणा दंगा शरु होग्या अर प्रेरितां नै छोड़कै सारे के सारे यहूदिया अर सामरिया परदेस म्ह खिंड-मिंड होगये। 2 कुछ परमेसवर भगतां नै स्तिफनुस ताहीं कब्र म्ह धरया अर उसकै खात्तर घणा बिलाप करया। 3 शाऊल कलीसिया नै सताण लागरया था, अर घर-घर म्ह बड़कै माणसां अर लुगाईयां ताहीं घिसड़ा-घिसड़ा कै जेळ म्ह गेरै था।

?????????? ??? ??????????????? ?? ???????????

4 जो विश्वासी खिंड-मिंड होए थे, वे सुसमाचार सुणान्दे होए हान्दे, 5 अर फिलिप्पुस सामरिया परदेस के एक नगर म्ह जाकै माणसां म्ह मसीह का प्रचार करण लाग्या। 6 जो बात फिलिप्पुस नै कही उन ताहीं आदमियां नै सुणकै अर जो चमत्कार वो दिखावै था उन ताहीं देख देखकै, एक चित्त होकै मन लगाया। 7 क्यूँके घणखरयां म्ह तै भुंडी ओपरी आत्मा टाड़ू आवाज म्ह किल्ली मारदी होई लिकड़ग्यी, अर घणखरे लकवे के बीमार अर लंगड़े भी ठीक करे गये, 8 अर उस नगर म्ह घणी खुशी मनाई गई।

?????????? ?????

9 उस नगर म्ह शमौन नाम का एक माणस था, जो जादू-टोणा करकै सामरिया परदेस के आदमियां नै हैरान करदा अर खुद ताहीं एक बड़ड़ा माणस बतावै था।

10 छोटचा तै लेकै बड़ियां ताहीं सारे उसका आदर करकै कहवै थे, “यो माणस परमेसवर की वा शक्ति सै, जो महान् कुह्वावै सै।” 11 उसनै घणे दिनां तै उन ताहीं अपणे जादू के काम्मां तै हैरान कर राख्या था, ज्यातै वे उसकी घणी मान्नै थे। 12 पर जब माणसां नै परमेसवर के राज्य अर यीशु मसीह के नाम का सुसमाचार, फिलिप्पुस के संदेश म्ह सुण्या, तो सारे माणसां अर लुगाईयां नै बिश्वास करया अर सब नै बपतिस्मा ले लिया। 13 फेर शमौन नै खुद भी फिलिप्पुस के संदेश का बिश्वास करया अर बपतिस्मा लेकै उसकै गेल्या रहण लाग्या। वो चमत्कार अर बड़े-बड़े सामर्थ के काम होन्दे देखकै हैरान होवै था।

?????????? ??????? ??? ??????? ?? ???????????

14 जब प्रेरितां नै जो यरुशलेम नगर म्ह थे, सुण्या के सामरिया परदेस के माणसां नै परमेसवर का वचन मान लिया सै तो पतरस अर यूहन्ना ताहीं उनके धौरै भेज्या। 15 उननै ओड़ै जाकै उनके खात्तर प्रार्थना करी के पवित्तर आत्मा पावै। 16 क्यूँके वो इब ताहीं इन म्ह तै किसे पै भी कोनी उतरया था, उननै तो सिर्फ प्रभु यीशु के नाम तै बपतिस्मा लिया था। 17 फेर प्रेरितां नै उनपै हाथ धरे अर उननै पवित्तर आत्मा पाया।

18 जब शमौन नै देख्या के प्रेरितां कै हाथ धरण तै पवित्तर आत्मा दिया जावै सै, तो उनके धौरै रपिये ल्याकै कह्या, 19 “या शक्ति मन्नै भी द्यो, के जिस किसे पै हाथ धरूं वो पवित्तर आत्मा पावै।”

20 पतरस नै उसतै कह्या, “तेरे रपिये तेरे गेल्या नाश होज्या, क्यूँके तन्नै परमेसवर का दान रपियां तै मोल लेण का विचार करया। 21 इस बात म्ह ना तेरा हिस्सा सै, ना हक, क्यूँके तेरा मन परमेसवर के आगै सच्चा कोनी। 22 इस करकै अपनी इस बुरी सोच नै छोड़कै प्रभु तै प्रार्थना कर, हो सकै सै वो तेरे मन का यो बुरा विचार माफ करदे। 23 क्यूँके मै देखूँ सूँ के तू कड़वाहट तै भरया सै अर पाप के चुंगल म्ह फँसा सै।”

24 शमौन नै जवाब दिया, “थम मेरै खात्तर प्रभु तै प्रार्थना करो के जो बात थमनै कही, उन म्ह तै कोए भी मेरै पै न्ही आवै।”

25 आखर म्ह वे गवाही देकै प्रभु यीशु का वचन सुणकै यरुशलेम नगर नै बोहड़गे, अर सामरिया के घणखरे गाम्मां म्ह सुसमाचार सुणान्दे गये।

?????????????????? ?? ??????? ?? ???????????

26 फेर प्रभु के एक सुर्गदूत नै फिलिप्पुस तै कह्या, “उठ अर दक्षिण की ओड़ उस राह पै जा, जो यरुशलेम नगर तै गाजा नगर म्ह जावै सै।” यो बियावान राह सै। 27 वो उठकै चल दिया, अर देखो, कूश देश का

9

एक माणस आण लागरया था जो खोजा (किन्नर) अर कूशियों की राणी कन्दाके का मंत्री अर खजांची था। वो आराधना करण खात्तर यरुशलम नगर म्ह आया था। 28 वो अपने रथ पै बैठचा होया था, अर यशायाह नबी की किताब पढ़दा होया बोहड़ण लागरया था। 29 फेर पवित्र आत्मा नै फिलिप्पुस ताहीं कह्या, “लोवै जाके इस रथ के गेल्या हो ले।”

30 फिलिप्पुस दौड़ के रथ के धोरै पोहचा अर उस ताहीं यशायाह नबी की किताब पढ़ते होए सुण्या, अर बुझ्या, “तू जो पढ़ै सै, के उसनै समझै भी सै?”

31 वो बोल्या, “जिब ताहीं कोए मेरै ताहीं न्ही समझावै तो मै किस ढाळ समझूँ।” अर फिलिप्पुस तै बिनती करी के वो रथ पै चढ़के उसके धोरै बेट्टै।

32 पवित्र ग्रन्थ का जो पाठ वो पढ़ै था, वो यो था: “वो भेड़ की ढाळ मारण खात्तर पोहचाया गया, अर जिस तरियां मेम्ना अपने ऊन काट्टण आळा के स्याम्ही बोल-बाल्ला रहवै सै, उससे तरियां ए उसनै भी अपना मुँह कोनी खोल्या।”

33 “उस ताहीं अपमानित करया गया अर उस ताहीं कोए न्याय न्ही मिल्या। उसके बखत के माणसां का ब्यौरा कौण देवैगा? क्यूँके धरती तै उसका प्राण ठा लिया जावै सै।”

34 इसपै खोजे (किन्नर) नै फिलिप्पुस तै बुझ्या, “मै तेरे तै बिनती करूँ सूँ, न्यू बता के नबी यो किसके बारे म्ह कहवै सै, अपने या किसे दुसरे के बारे म्ह?” 35 फेर फिलिप्पुस नै बताणा शुरु करया, अर इससे पवित्र ग्रन्थ तै शुरु करके उस ताहीं यीशु का सुसमाचार सुणाया।

36 राह म्ह चाल्दे-चाल्दे वे किसे तालाब के धोरै पोहचे। फेर खोजे नै कह्या, “लखा उरै पाणी सै, इब मन्नै बपतिस्मा लेण म्ह के रोक सै।” 37 फिलिप्पुस बोल्या, “जै तू पूरे मन तै बिश्वास करै सै तो ले सकै सै।” उसनै जवाब दिया, “मै बिश्वास करूँ सूँ के यीशु मसीह परमेसवर का बेट्टा सै।” 38 फेर उसनै रथ खडचा करण का हुकम दिया, अर फिलिप्पुस अर खोजा (किन्नर) दोन्नु तालाब म्ह बड़गे, अर उसनै खोजा (किन्नर) ताहीं बपतिस्मा दिया। 39 जिब वे पाणी म्ह तै लिक्ड़के ऊपरान आये, तो प्रभु का आत्मा फिलिप्पुस ताहीं ठा लेग्या, अर खोजे नै उस ताहीं दुबारा न्ही देख्या, अर वो खुश था क्यूँके परमेसवर नै उस ताहीं बचा लिया सै। 40 फिलिप्पुस अशदोद नगर म्ह आ लिक्ड़या, अर जिब ताहीं कैसरिया नगर म्ह न्ही पोहच्या, तब तक नगर-नगर सुसमाचार सुणान्दा गया।

???? ? ? ????-????????

1 शाऊल जो इब ताहीं प्रभु यीशु के चेल्यां ताहीं धमकाण अर मारण की धुन म्ह था, महायाजक के धोरै गया 2 अर उसतै दमिश्क नगर के आराधनालयाँ के नाम पै इस बाबत म्ह चिट्ठियाँ मांगी के, के चाहे माणस हो, चाहे लुगाई हो, जिन नै वो इस पंथ म्ह पावै उन ताहीं बाँधके यरुशलम नगर लियावै। 3 पर चाल्दे-चाल्दे जिब शाऊल अर उसके साथी दमिश्क नगर के लोवै पोहच्ये, तो चाणचक अकास तै उसके चौगरदे नै चाँदणा चमक्या, 4 अर वो धरती पै पड़ग्या अर परमेसवर का यो शब्द सुण्या, “हे शाऊल, हे शाऊल, तू मन्नै क्यातै सतावै सै?”

5 उसनै बुझ्या, “हे प्रभु, तू कौण सै?” उसनै कह्या, “मै यीशु सूँ, जिस ताहीं तू सतावै सै। 6 पर इब उठके नगर म्ह जा, अर जो तन्नै करणा सै वो तेरे तै कह्या जावैगा।”

7 जो माणस उसके गेल्या थे, वे हैरान रहगये, क्यूँके बोल तो सुणै थे पर किसे ताहीं देखवै कोनी थे। 8 फेर शाऊल धरती पै तै उठचा, पर जिब आँख खोल्ली तो उस ताहीं किमे कोनी दिख्या, अर वे उसका हाथ पकड़के दमिश्क नगर म्ह ले गये। 9 वो तीन दिन ताहीं कोनी देख सक्या, अर ना खाया अर ना पिया।

10 दमिश्क नगर म्ह हनन्याह नामक एक चेल्ला था, उसतै प्रभु यीशु नै दर्शन म्ह कह्या, “हे हनन्याह!” वो बोल्या, “हाँ, प्रभु!”

11 फेर प्रभु नै उसतै कह्या, “उठके उस गळी म्ह चल्या जा जो ‘सीध्दी’ कुहावै सै, अर यहूदा के घर म्ह शाऊल नामक एक तरसुसवासी नै बुझ, क्यूँके देख, वो प्रार्थना करण लागरया सै, 12 अर उसनै दर्शन म्ह हनन्याह नामक एक माणस ताहीं भीत्तर आन्दे अर अपने उप्पर हाथ धरदे देख्या सै, ताके दुबारा आँखां की रोशनी पावै।”

13 हनन्याह नै जवाब दिया, “हे प्रभु, मन्नै इस माणस के बारे म्ह घणाए तै सुण्या सै के इसनै यरुशलम नगर म्ह तेरे आदमियाँ गेल्या बड़डी-बड़डी बुराई करी सै, 14 अर उरै भी इस ताहीं प्रधान याजकां की ओड़ तै हक मिल्या सै के जो माणस तेरे म्ह बिश्वास राक्खै सै, उन सारया नै बाँधके यरुशलम ले जा।”

15 पर प्रभु नै उसतै कह्या, “तू चल्या जा, क्यूँके वो तो गैर यहूदी अर राजयां अर इस्राएलियों के स्याम्ही मेरा नाम का प्रचार करण के खात्तर चुण्या होया पात्र सै। 16 अर मै उसनै बताऊँगा, के मेरे बारे बताण के खात्तर उसनै किसा-किसा दुख ठाणा पड़ैगा।”

अर बराबर परमेशवर की प्रार्थना करै था।³ उसनै दिन कै बजे कै लोवै दर्शन म्ह साफ तौर तै देख्या के परमेशवर का एक सुर्गदूत उसके धौरै भीत्तर आकै कहवै सै, “हे कुरनेलियुस!”

⁴ कुरनेलियुस नै उस ताहीं गौर तै देख्या अर डरकै कह्या, “हे प्रभु, के हुकम सै?” उसनै उसतै कह्या, “तेरी प्रार्थनाएँ अर तेरे दान याद कै खात्तर परमेशवर कै स्याम्ही पोहचे सै, ⁵ अर याफा नगर म्ह माणस भेजकै शमौन नै, जो पतरस कुह्वावै सै, बुलवा ले। ⁶ वो शमौन, चमड़े का धन्धा करण आळे कै उरै मेहमान सै, जिसका घर समुन्दर कै किनारे सै।”

⁷ जब वो सुर्गदूत जिसनै उसतै बात करी थी चल्या गया, तो कुरनेलियुस नै दो नौक्कर, अर जो उसके लोवै हाजिर रह्या करै थे उन म्ह तै एक भगत सिपाही ताहीं बुलाया, ⁸ अर उन ताहीं सारी बात बताकै याफा नगर की ओड़ भेज्या, ताके पतरस ताहीं ले आवै।

२२२२ २२ २२२२२२

⁹ दुसरे दिन जब वे तीन आदमी जो कुरनेलियुस जरिये भेज्जे गये थे, चाल्दे-चाल्दे नगर कै धौरै पोहचे, तो दोफारी कै लोवै पतरस छात पै प्रार्थना करण चढ़्या। ¹⁰ उसनै भूख लाग्गी अर कुछ खाणा चाहवै था, पर जब वे खाणा त्यार करै थे तो वो बेसुध होग्या, ¹¹ अर उसनै देख्या, के अकास खुलग्या, अर एक बड्डी चादर च्यारु कुणयां तै लटकदी होई, धरती की ओड़ उतरै सै। ¹² जिस म्ह धरती के सारे ढाळ के चार पैरां आळे अर रेंगणेआळे जिनोर अर अकास के पंछी थे। ¹³ उसनै एक इसा बोल सुण्या, “हे पतरस उठ, मार अर खा।”

¹⁴ पर पतरस नै कह्या, “ना प्रभु, कती भी न्ही, क्यूँके मन्नै कदे कोए अशुद्ध चीज न्ही खाई सै।”

¹⁵ फिर दुसरी बर उस ताहीं बोल सुणाई दिया “जो किमे परमेशवर नै शुद्ध कर दिया सै, उस ताहीं अशुद्ध मतना कहवै।”

¹⁶ तीन बर इस तरियां ए होया, फेर जिब्बे वा चादर अकास म्ह ठा ली गई।

¹⁷ जब पतरस अपने मन म्ह दुबिध्या म्ह था, के यो दर्शन जो मन्नै देख्या इसका के मतलब हो सकै सै, तो देख्खो, वे माणस जिन ताहीं कुरनेलियुस नै भेज्या था, शमौन कै घर का पता लगाकै दरबाजे पै आण खड़े होए, ¹⁸ अर रुक्का मारकै बुझ्झण लाग्गे, “के शमौन जो पतरस कुह्वावै सै, याडैए से के?”

¹⁹ पतरस तो उस दर्शन पै सोचण ए लागरया था, के पवित्र आत्मा नै उसतै कह्या, “देख, तीन माणस तेरी

टोहू म्ह सै। ²⁰ आखर उठकै तळै जा, अर बेझिझक उनकै गेल्या हो ले, क्यूँके मन्नै ए उन ताहीं भेज्या सै।”

²¹ फेर पतरस नै उतरकै उन माणसां ताहीं कह्या, “देख्खो, जिसकी टोहू म्ह थम सो, वो मै सू। थारे आण का के कारण सै?”

²² वे बोल्ले, “कुरनेलियुस सूबेदार जो धर्मी अर परमेशवर तै डरणआळा अर सारी यहूदी जात म्ह नाम्मी माणस सै, उसनै एक पवित्र सुर्गदूत तै यो निर्देश पाया सै के तेरे ताहीं अपने घरां बुलाकै तेरे तै वचन सुणै।”

²³ फेर उसनै उन ताहीं भीत्तर बुलाकै उनकी मेहमान-नवाजी करी।

२२२२२२२२२२ २२ २२ २२२ २२२२

दुसरे दिन वो उनके गेल्या गया, अर याफा नगर के बिश्वासी भाईयाँ म्ह तै कुछ उसके गेल्या हो लिए।

²⁴ आगले दिन वे कैसरिया नगर पोहचे, अर कुरनेलियुस अपने कुणबे आळा अर प्यारे साथियाँ ताहीं कट्टा करकै उनकी बाट देख्खे था। ²⁵ जब पतरस भीत्तर आवै था, तो कुरनेलियुस उसतै मिल्या, अर उसके पायां म्ह पड़कै उस ताहीं प्रणाम करया, ²⁶ पर पतरस नै उस ताहीं ठा कै कह्या, “खडचा हो, मै भी तो माणस सू।”

²⁷ अर उसके गेल्या बतळान्दा भीत्तर गया, अर घणे आदमियाँ ताहीं कट्टे देख्खे ²⁸ पतरस नै उनतै कह्या, “थमनै बेरा सै के हम यहूदियाँ कै खात्तर गैर यहूदियाँ तै संगति करणा या उसके उरै जाणा कानून के खिलाफ सै, पर परमेशवर नै मेरै तै बताया सै के किसे माणस ताहीं अपवित्र या अशुद्ध ना कहूँ। ²⁹ ज्यांतै मै जब बुलाया गया तो बिना कुछ कहे चल्या आया। इब मै बुझ्झु सूँ के मेरै ताहीं किस काम कै खात्तर बुलाया गया?”

³⁰ कुरनेलियुस बोल्ल्या, “इस्से घड़ी, पूरे चार दिन होए, मै अपने घर म्ह दोफाहरै पाच्छै तीन बजे प्रार्थना करण लागरया था, तो एक माणस चमकीला बाणा पहरे होए, मेरै स्याम्ही आण खडचा होया ³¹ अर कहण लाग्या, हे कुरनेलियुस, तेरी प्रार्थनाएँ अर तेरे दान याद कै खात्तर परमेशवर कै स्याम्ही पोहचे सै। ³² इस करकै किसे नै याफा नगर भेजकै शमौन जो पतरस कुह्वावै सै, बुलवा ले। वो शमौन, चमड़े का धन्धा करण आळे कै उरै मेहमान सै, जिसका घर समुन्दर कै किनारे सै। ³³ फेर मन्नै जिब्बे तेरे धौरै आदमी भेज्जे, अर तन्नै भला करया जो आ गया। इब हम सारे उरै परमेशवर कै स्याम्ही सां, ताके जो किमे परमेशवर नै तेरे तै कह्या उस ताहीं सुणां।”

२२२२ २२ २२२२२२

34 फेर पतरस बोल्या, “इब मेरै पक्का यकिन होगया के परमेसवर किसे का पक्षपात कोनी करदा, 35 बल्के हरेक जात म्ह जो परमेसवर तै डरै अर धर्म के काम करै सै, वो उसनै भावै सै। 36 थम जाणो सों के परमेसवर नै इस्राएल के माणसां ताहीं अपना संदेश भेज्जा, उसनै शान्ति के बारै म्ह सुसमाचार सुणाया जो माणसां ताहीं यीशु मसीह पै विश्वास करण के जरिये मिलै सै। 37 वो वचन थमनै बेरा सै, जो यूहन्ना के बपतिस्मा के प्रचार के पाच्छै गलील परदेस तै शरु होके साब्ले यहूदिया परदेस म्ह फैलगया। 38 परमेसवर नै किस तरियां तै यीशु नासरी ताहीं पवित्र आत्मा अर सामर्थ तै अभिषेक करया, वो भलाई करदा अर सारया ताहीं जो शैतान के सताए होइ थे, आच्छा करदा फिरया, क्यूँके परमेसवर उसकै गेल्या था।”

39 “हम उन सारे काम्मां के गवाह सां, जो उसनै यहूदिया परदेस अर यरुशलेम नगर म्ह भी करे, अर उननै उस ताहीं कूरुस पै लटकाके मार दिया। 40 उस ताहीं परमेसवर नै तीसरे दिन जिन्दा करया, अर जाहिर भी कर दिया सै, 41 सारे आदमियाँ पै न्ही बल्के उन गवाह पै जिन ताहीं परमेसवर नै पैहल्या तै छाँट लिया था, यानिके म्हारै पै जिन नै उसकै मरे होया म्ह तै जिन्दा उठण के पाच्छै उसकै गेल्या खाया-पिया, 42 अर उसनै म्हारै ताहीं हुकम दिया के आदमियाँ म्ह प्रचार करो अर गवाही द्यो, के यो वोए सै जिस ताहीं परमेसवर नै जिन्दा अर मरया होया का न्यायी ठहराया सै। 43 उसकी सारे नबी गवाही देवै सै के जो कोए उसपै विश्वास करैगा, उस ताहीं उसकै नाम तै पापां की माफी मिलैगी।”

प्रेरितों के काम 11:18

44 पतरस ये बात कहण ए लागरया था के पवित्र आत्मा वचन के सारे सुणण आळा पै उतर आया। 45 अर जितने खतना करे होए विश्वासी पतरस के गेल्या आये थे, वे सारे हैरान होए के गैर यहूदियाँ पै भी पवित्र आत्मा का दान ढाळा गया सै।

46 क्यूँके उननै उन ताहीं कई ढाळ की भाषा बोल्दे अर परमेसवर की बड़ाई करदे सुण्या। इसपै पतरस नै कह्या, 47 “के कोए पाणी नै रोक सकै सै के ये बपतिस्मा ना पावै, जिननै म्हारै की ढाळ परमेसवर की ओइ तै पवित्र आत्मा पाया सै?” 48 अर उसनै हुकम दिया के उननै यीशु मसीह के नाम म्ह बपतिस्मा दिया जावै। फेर उननै उसतै बिनती करी के वो कुछ दिन और उनकै गेल्या रहवै।

11

प्रेरितों के काम 11:18

1 फेर प्रेरितां अर विश्वासी भाईयाँ नै जो यहूदिया परदेस म्ह थे सुण्या के गैर यहूदियाँ नै भी परमेसवर का वचन मान लिया सै। 2 आखर म्ह जिब पतरस यरुशलेम नगर म्ह आया, तो खतना किये होए आदमी उसतै बहस करण लागगे, 3 “तन्नै खतनारहित आदमियाँ के उरै जाके उनके गेल्या खाया।”

4 फेर पतरस नै उन ताहीं शरु तै आखर ताहीं सारा किमे कह सुणाया 5 “मै याफा नगर म्ह प्रार्थना करण लागरया था, अर बेसुध होके एक दर्शन देख्या के एक बड्डी चादर च्यार कुणयां तै लटकदी होई, अकास तै उतरके मेरै धोरै आई।” 6 जिब मन्नै उसपै गौर करया, तो उस म्ह धरती के चार पैरां आळे अर बणपशु अर रेंगण आळे जिनोर अर अकास के पंछी देखे, 7 अर यो बोल भी सुण्या, “हे पतरस उठ, मार अर खा।”

8 मन्नै कह्या, “ना प्रभु, ना, क्यूँके कोए अशुद्ध चीज मेरै मुँह म्ह कदे न्ही गई।”

9 इसकै जवाब म्ह अकास तै दुसरी बर आवाज होई, “जो किमे परमेसवर नै शुद्ध ठेहराया सै, उस ताहीं अशुद्ध मतना कहवै।” 10 तीन बर इसा होया, फेर सारा किमे दुबारा अकास पै खींच लिया गया।

11 जिब्वे तीन माणस जो कुरनेलियुस नै कैसरिया परदेस तै मेरै धोरै भेज्जे थे, उस घर पै जिसम्ह हम थे, आण खडे होए। 12 फेर पवित्र आत्मा नै मेरै तै बेझिझक होके उनके गेल्या जाण खात्तर कह्या, अर छः भाई भी मेरै गेल्या हो लिये, अर हम उस माणस के घरां गये। 13 उसनै म्हारै ताहीं बताया, के उसनै एक सुगंदूत ताहीं अपणे घर म्ह खड्या देख्या, जिसनै उसतै कह्या, “याफा नगर म्ह माणस भेजके शमौन ताहीं जो पतरस कुद्दावै सै, बुलवा ले। 14 वो थारे तै इसी बात कहवैगा, जिनके जरिये तू अर तेरा सारा घराना उद्धार पावैगा।”

15 जिब म्ह बात करण लाग्या, तो पवित्र आत्मा उनपै उस्से तरियां तै उतरया जिस तरियां तै शरु म्ह म्हारै पै उतरया था। 16 फेर मन्नै प्रभु का यो वचन याद आया, जो उसनै कह्या था, “यूहन्ना नै तो पाणी तै बपतिस्मा दिया, पर थम पवित्र आत्मा तै बपतिस्मा पाओगे। 17 इस खात्तर जिब परमेसवर नै उन ताहीं भी वोए दान दिया, जो म्हारै ताहीं प्रभु यीशु मसीह पै विश्वास करण तै मिल्या था, तो मै कौण था जो परमेसवर नै रोक सकदा?”

18 यो सुणण के बाद उसके जवाब म्ह वे यहूदी विश्वासी कुछ भी न्ही बोल पाए, अर परमेसवर की

बड़ाई करके कहण लागगे, “फेर तो परमेसवर नै गैर यहूदियाँ ताहीं भी अनन्त जीवन कै खात्तर पापां की माफी अर यीशु मसीह पै बिश्वास करण का दान दिया सै।”

?????????? ???? ? ? ???? ???? ?

19 जो आदमी उस क्लेश के मारे जो स्तिफनुस के कारण पड्या था, खिंड-मिंड हो गये थे, वे हांडदे-हांडदे फीनीके परदेस अर साइप्रस टापू अर अन्ताकिया नगर म्ह पोहचे, पर यहूदियाँ नै छोड़ किसे और ताहीं वचन कोनी सुणावै थे। 20 पर उन म्ह तै कुछ बिश्वासी साइप्रस टापू अर कुरेनवासी थे, जो अन्ताकिया नगर म्ह आके यूनानियाँ ताहीं भी प्रभु यीशु का सुसमाचार सुणाण लागगे। 21 प्रभु का हाथ उनपै था, अर घणे आदमी बिश्वास करके प्रभु की ओड़ फिरे।

22 जब उनका जिक्र यरुशलेम नगर की कलीसिया के लोग्गां कै सुणण म्ह आया, तो उननै बरनबास ताहीं अन्ताकिया नगर भेज्या। 23 वो उड़ै पोहचके अर परमेसवर के अनुग्रह नै देखके राज्जी होया, अर सारया ताहीं उपदेश दिया के तन-मन लगाके प्रभु तै लिपटे रहो। 24 वो एक भला माणस था, अर पवित्र आत्मा अर बिश्वास तै पूरा भरया था, अर दुसरे घणखरे आदमी प्रभु म्ह आ मिले।

25 फेर वो शाऊल नै टोळ्ळ कै खात्तर तरसुस नगर म्ह चल्या गया। 26 जब वो उसतै मिल्या तो उस ताहीं अन्ताकिया नगर ल्याया, अर इसा होया के वे एक साल ताहीं कलीसिया कै गेल्या मिलदे अर प्रभु यीशु मसीह का घणे आदमियाँ ताहीं उपदेश देन्दे रहे, अर चेल्ले सारया तै पैहल्या अन्ताकिया नगर ए म्ह मसीह कुहाए।

27 उननै दिनां म्ह कई नबी यरुशलेम नगर तै अन्ताकिया नगर आए। 28 उन म्ह तै अगबुस नामक एक नबी नै खड़े होके आत्मा की प्रेरणा तै न्यू बताया के सारी दुनिया म्ह बड़ड़ा अकाळ पड़ैगा, वो अकाळ (रोम के सम्राट) क्लौदियुस के बखत म्ह पड्या। 29 फेर चेल्यां नै फैसला लिया के हरेक अपणी-अपणी पूंजी कै मुताबिक यहूदिया परदेस म्ह रहण आळे भाईयाँ की मदद कै खात्तर किमे भेज्जै। 30 उननै इस तरियां ए करया, अर बरनबास अर शाऊल कै हाथ कलीसिया के अगुवां कै धोरै कुछ भेज दिया।

12

?????? ? ? ???? ? ? ???? ? ? ?

1 उस बखत हेरोदेस राजा नै कलीसिया के कई माणसां ताहीं सताण कै मकसद तै बन्दी बना लिया। 2 उसनै प्रेरित यूहन्ना के भाई याकूब ताहीं तलवार तै मरवा

दिया। 3 जब उसनै देख्या के यहूदी माणस इसतै राज्जी होवै सै, तो उसनै पतरस ताहीं भी पकड़ लिया। वे अखमीरी रोटी के त्यौहार के दिन थे। 4 हेरोदेस नै उस ताहीं पकड़के जेळ म्ह गेरया, अर चार-चार सिपाहियाँ के चार पहरया म्ह राख्या, इस विचार तै के फसह कै बाद उसनै आदमियाँ कै स्याम्ही ल्यावै।

5 जेळ म्ह पतरस बन्द था, पर कलीसिया उसकै खात्तर लौ लाके परमेसवर तै प्रार्थना करण लागरी थी।

6 जब हेरोदेस राजा उसनै आदमियाँ कै स्याम्ही ल्याण आळा था, उससे रात पतरस दो जंजीरां तै बंध्या होड़ दो सिपाहियाँ कै विचाळै सोण लागरया था, अर पहरदार दरबाजे पै जेळ की रुखाळी करे थे। 7 तो देखो, प्रभु का एक सुर्गदूत आण खड्या होया अर उस कोटड़ी म्ह चाँदणा चमक्या, अर उसनै पतरस की पासळी पै हाथ मारके उस ताहीं जगाया अर बोल्या, “उठ, तावळ कर।” अर उसके हाथ्यां तै बेड़ी खुलके गिरगी।

8 फेर सुर्गदूत नै उसतै कह्या, “कमर बाँध, अर अपणे जूत्ते पहर ले।” उसनै उससे ढाळ करया। फेर उसनै उसतै कह्या, “अपणे लत्ते पहरके मेरै पाच्छै हो ले।” 9 वो लिकड़के उसकै पाच्छै हो लिया, पर उसनै न्यू न्ही बेरा था के जो किमे सुर्गदूत कर रह्या सै वो साच्ची सै, बल्के न्यू समझै था के जणु मै दर्शन देखण लागरया सूं। 10 फेर वे पैहल्या अर दुसरे पहर तै लिकड़के उस लोहे के फाटक पै पोहचे, जो नगर की ओड़ सै। वो उनकै खात्तर अपणे-आपे खुलग्या, अर वे लिकड़के एक गळी म्ह गए, अर जिब्बे ए सुर्गदूत उसनै छोड़के चल्या गया।

11 फेर पतरस नै चेत म्ह होके कह्या, “इब मन्ने सच का बेरा पटया सै के प्रभु नै अपना सुर्गदूत भेजके मेरै ताहीं हेरोदेस राजा के हाथ्यां तै छुड़ा लिया, अर यहूदी अगुवां की सारी मनसा पै पाणी फेर दिया सै।”

12 न्यू जाणके वो उस यूहन्ना की माँ मरियम कै घरां आया, जो मरकुस कुह्वावै सै। ओड़ै घणे आदमी कट्टे होके प्रार्थना करण लागरे थे। 13 जब उननै दरबाजा खटखटाया, तो रूदे नामक एक नौकराणी देखण नै आई। 14 पतरस का बोल पिच्छाणके उसनै खुशी के मारे दरबाजा न्ही खोल्या, पर भाजके भीत्तर गई अर बताया के पतरस दरबाजे पै खड्या सै।

15 उननै उसतै कह्या, “तू बावळी सै।” पर वा पूरे बिश्वास तै बोल्ली के पतरस ए सै। फेर उननै कह्या, “उसका सुर्गदूत होगा।”

16 पर पतरस खटखटान्दा ए रहया आखर म्ह उननै दरबाजा खोल्या, अर उस ताहीं देखके हैरान होगये।

17 फेर उसनै उन ताहीं हाथ तै इशारा करया के बोल-बाल्ले रहवै, अर उन ताहीं बताया के प्रभु किस ढाळ उस ताहीं जेळ तै लिकाड़ ल्याया सै। फेर बोल्या, “याकूब अर दुसरे भाईयाँ नै या बात बता दियो।” फेर लिकड़कै दुसरी जगहां चल्या गया।

18 तड़कैए जेळ के सिपाहियाँ म्ह घणी भगदड़ माचगी के पतरस कित्त गया। 19 जिब हेरोदेस राजा नै उसकी टोहया-टाही करवाई अर न्ही मिल्या, तो पैहरेदारां की जाँच करकै हुकम दिया के वे मार दिये जावै, अर वो यहूदिया परदेस नै छोड़कै कैसरिया नगर म्ह जाकै रहण लाग्या।

???????? ???? ? ?

20 हेरोदेस राजा सूर अर सैदा नगर के लोग्गां तै घणा नाराज था। वे एक टोळ बणाकै उसतै मिलण आये, राजा का एक खास कर्मचारी बलास्तुस ताहीं मनाकै राजा तै मेल करणा चाह्या, क्यूँके राजा के देश म्ह उनकै देश का पालन-पोषण होवै था।

21 खास दिन पै हेरोदेस राजा राजसी-बाणा पहरकै सिंहासन पै बैठचा, अर उन ताहीं खुलास्सा करण लाग्या। 22 फेर आदमियाँ नै रुक्का मारया, “यो तो माणस का न्ही ईश्वर का बोल सै।” 23 उस्से घड़ी प्रभु कै एक सुर्गदूत नै जिब्बे आकै हेरोदेस राजा ताहीं झिड़का, अर वो कीड़े पड़कै मरग्या। क्यूँके उसनै परमेसवर की महिमा कोनी करी,

24 पर परमेसवर का वचन बढ़दा अर फैलदा गया।

25 जिब बरनबास अर शाऊल नै अपणी सेवा पूरी कर ली तो यूहन्ना जो मरकुस कुह्वावै था, गेल्या लेकै यरुशलेम नगर तै बोहूड़े।

13

???????? ? ? ? ? ? ? ? ? ? ?

1 अन्ताकिया नगर की कलीसिया म्ह कई नबी अर उपदेशक थे, यानी बरनबास, शमौन जो नीगर (काळा आदमी) कुह्वावै सै, अर शाऊल अर कुरेनी लूकियुस, मनाहेम जिसका पालन-पोषण चौथाई देश के राजा हेरोदेस कै गैल होया था। 2 जिब ये लोग प्रभु की आराधना अर बरत करण लागरे थे, तो पवित्र आत्मा नै उनतै कह्या, “मेरै खात्तर बरनबास अर शाऊल नै उस काम कै खात्तर न्यारा करो जिसकै खात्तर मन्नै उन ताहीं बुलाया सै।” 3 फेर उननै बरत अर प्रार्थना करकै अर उनपै हाथ धरकै उन ताहीं परमेसवर के काम खात्तर बिदा करया।

???????? ? ? ? ? ? ? ? ? ? ?

4 शाऊल अर बरनबास पवित्र आत्मा के भेज्जै होए सिलूकिया बन्दरगाह गये, अर ओड़ै तै जहाज पै चढ़कै साइप्रस टापू कान्ही चाल्ले, 5 अर सलमीस नगर म्ह पोहचके, परमेसवर का वचन यहूदियाँ के आराधनालयाँ म्ह सुणाया। यूहन्ना उनका सेवक था।

6 वे उस सारे टापू म्ह होन्दे होए पाफुस परदेस ताहीं पोहचे। ओड़ै उननै बारयीशु नामक एक यहूदी जादूगर अर झूठटा नबी मिल्या। 7 वो राज्यपाल सिरगियुस पौलुस कै गेल्या था, जो अकलमंद माणस था। उसनै बरनबास अर शाऊल ताहीं अपणे धोरै बुलाकै परमेसवर का वचन सुणणा चाह्या। 8 पर इलीमास जादूगर नै (क्यूँके योए उसकै नाम का मतलब सै) उनका बिरोध करके हाकिम ताहीं यीशु पै बिश्वास करण तै रोकणा चाह्या। 9 फेर शाऊल नै जिसका नाम पौलुस भी सै, पवित्र आत्मा तै पूरी तरियां भरके उसकी ओड़ टकटकी लाकै देख्या अर बोल्या, 10 “हे सारे कपट अर सारी ढाळ कि चतुराई तै भरे होड़ शैतान की ऊलाद, सारे धर्मा के बैरी, के तू प्रभु के सीध्धी राही नै टेढ़ी करणा न्ही छोड़डैगा?”

11 इब लखा, “प्रभु का हाथ तेरे बिरोध म्ह उठचा सै, अर तू कुछ बखत ताहीं आन्धा रहवैगा अर सूरज नै कोनी देखेगा।” फेर जिब्बे धुँधळापण अर अन्धेरा उसपै छा गया, वो आस्सै-पास्सै टटोळण लाग्या ताके कोए उसका हाथ पकड़कै ले चाल्लै। 12 फेर हाकिम नै जो होया था उस ताहीं देखकै अर प्रभु के उपदेश तै हैरान होकै यीशु पै बिश्वास करया।

???????????????? ???? ? ? ? ? ? ? ? ? ? ? ? ? ? ?

13 पौलुस अर उसके मित्र पाफुस परदेस तै पाणी का जहाज खोल कै पंफूलिया परदेस के पिरगा नगर म्ह आये, अर यूहन्ना उननै छोड़कै यरुशलेम नगर बोहूड़ गया। 14 पिरगा नगर तै आगगै बढ़कै वे पिसिदिया परदेस के अन्ताकिया नगर म्ह पोहचे, अर आराम कै दिन आराधनालय म्ह जाकै बैठगये। 15 मूसा के नियम-कायदे अर नबियाँ की किताब नै पढ़ण कै पाच्छै आराधनालय के सरदारां नै उनकै धोरै कहवां भेज्या, “हे भाईयो, जै आदमियाँ के उपदेश कै खात्तर थारे मन म्ह कोए बात हो तो कहो।”

16 फेर पौलुस नै खड़े होकै अर हाथ तै इशारा करके कह्या, “हे इस्राएलियों, अर गैर यहूदी जो परमेसवर तै डरण आळो, सुणो!”

17 इस्राएल के परमेसवर नै म्हारै पूर्वजां ताहीं छाँट लिया, अर जिब वे मिस्र देश म्ह परदेशी होकै रहवै थे,

तो उनकी बढ़ोतरी करी, अर अपनी शक्ति के दम पै उननै लिकाड़ ल्याया।

18 वो कोए चाळीस साल ताहीं जंगल-बियाबान म्ह उनकी सहण करदा रहया, 19 अर कनान देश की सात जात्तां का नाश करकै उनका देश कोए साढ़े चार सौ साल म्ह इनकी वसियत म्ह कर दिया।

20 “इसकै बाद परमेसवर नै शमूएल नबी ताहीं उन म्ह न्यायाधीश ठहराया। 21 इसकै पाच्छै उननै शमूएल तै उनपै एक राजा ठेहराण की माँग करी, फेर परमेसवर नै चाळीस साल कै खात्तर बिन्यामीन के गोत्र म्ह तै एक माणस, यानिके कीश के बेट्टे शाऊल ताहीं उनपै राजा ठहराया। 22 फेर परमेसवर नै शाऊल ताहीं पद तै हटाकै दाऊद ताहीं उनका राजा बनाया, जिसकै बारे म्ह उसनै गवाही दी, ‘मन्नै एक माणस यिशै का बेट्टा दाऊद, जो मेरी इच्छा कै मुताबिक मिलगया सै, वोए मेरी सारी इच्छा पूरी करैगा।’ ”

23 इस्से पीढ़ी म्ह तै परमेसवर नै अपने वादा कै मुताबिक इस्राएल कै धोरै एक उद्धारकर्ता, यानिके यीशु भेज्या। 24 यीशु कै आण तै पैहल्या यूहन्ना नै सारे इस्राएलियाँ नै अपने पाप मान के परमेसवर की ओड़ मुड़ण का अर बपतिस्मा का प्रचार करया। 25 जिव यूहन्ना अपनी सेवा पूरी करण पै था, तो उसनै कह्या, “थम मन्नै के समझो सो? मै मसीह कोनी! बल्के देखो, मेरै पाच्छै एक आण आळा सै, जो भोत महान् सै, जिसके जूत्याँ के फित्ते भी मै खोल्लण जोगगा कोनी।”

26 “हे भाईयो, थम जो अबराहम की ऊलाद सो, अर थम गैर यहूदी जो परमेसवर तै डरो सो, थारे धोरै इस उद्धार का वचन भेज्या गया सै। 27 यरुशलेम नगर के रहणआळो अर उनकै सरदारों नै, ना मसीह यीशु ताहीं पिच्छाणा अर ना नबियाँ की बात समझी, जो हरेक आराम कै दिन पढ़ी जावै सै, ज्यांतै उस ताहीं कसूरवार ठहराकै उन बात्तां नै पूरा करया। 28 उननै मारण कै जोगगा कोए कसूर उस म्ह कोनी पाया, फेरभी राज्यपाल पिलातुस तै बिनती करी, के वो मार दिया जावै। 29 जिव उननै उसकै बारे म्ह पवित्र ग्रन्थ लिक्खी होई सारी बात पूरी करी, तो उस ताहीं क्रूस पै तै उतारकै कबर म्ह धरया। 30 पर परमेसवर नै उस ताहीं मरे होया म्ह तै जिन्दा करया, 31 अर वो उन ताहीं जो उसकै गेल्या गलील परदेस तै यरुशलेम नगर आये थे, घणे दिनां ताहीं अपने चेल्यां नै दिख्दा रहया, आदमियाँ कै स्याम्ही इब वैए उसके गवाह सै।”

32 हम थमनै उस वादा कै बारे म्ह जो बाप-दाद्या तै करया गया था, यो सुसमाचार सुणावां सां, 33 के परमेसवर नै यीशु ताहीं जिन्दा करकै, वोए वादा म्हारी

ऊलाद कै खात्तर पूरा करया, जिसा के भजन संहिता दो म्ह लिख्या सै, “तू मेरा बेट्टा सै, आज तै ए मै तेरा पिता बणगया सूं।”

34 अर उसके इस तरियां तै मरे होया म्ह तै जिन्दा होण कै बारे म्ह भी के वो कदे न्ही सड़ै, परमेसवर नै यो कह्या सै, “मै दाऊद पै की पवित्र अर अटल दया तेरे पै करुंगा।”

35 दाऊद नै और जगहां भी भजन संहिता म्ह भी लिख्या सै, “तू अपने पवित्र माणस नै सड़ण न्ही देवैगा।”

36 दाऊद तो परमेसवर की मर्जी कै मुताबिक अपने बखत म्ह सेवा करकै मर गया, अर अपने बाप-दाद्या म्ह जा मिल्या, अर सड़ भी गया। 37 पर जिस ताहीं परमेसवर नै जिन्दा करया, वो सड़ण कोनी पाया।

38 ज्यांतै, हे भाईयो, थम जाण ल्यो के इस्से के जरिये पापां की माफी का सुसमाचार थारे ताहीं दिया जावै सै, 39 अर पापां तै मुक्त करण म्ह मूसा नबी के नियम-कायदे हमेशा नाकामयाब रहे सै, हरेक जो बिश्वास करै सै, वो यीशु के जरिये सारे पापां तै मुक्त करया जावै सै।

40 ज्यांतै चौकन्ने रहो, इसा ना हो के जो नबियाँ की किताब म्ह आया सै, थारे पै भी आण पढ़ै 41 “हे बुराई करण आळो, देखो, अर हैरान होवो, अर मिट जाओ, क्यूँके मै थारे दिनां म्ह एक काम करुं सूं, इसा काम के जै कोए थारे तै उसका जिक्र करै, तो थम भी बिश्वास कोनी करोगे।”

42 जिव पौलुस अर बरनबास यहूदी सभाघर तै बाहरणै लिकड़ण लागरे थे, तो माणस उनतै बिनती करण लागे के आगले आराम कै दिन म्हारै ताहीं ये बात फेर सुणाई जावै। 43 जिव सभा उठ ली फेर भोत-से यहूदी अर यहूदी पंथ म्ह आये होए भगतां म्ह तै घणखरे पौलुस अर बरनबास कै पाच्छै हो लिये, अर उननै उन ताहीं बात करकै समझाया के परमेसवर कै अनुग्रह म्ह बणे रहो।

२२२२२ २२ २२२२२ २२२ २२२२२२२२ २२२
२२२२२२२ २२ २२२२२

44 आगले आराम कै दिन नगर के तकरीबन सारे लोग परमेसवर का वचन सुणण नै कठ्ठे हो गये।

45 पर यहूदी भीड़ नै देखकै मन ए मन म्ह जळण लागे, अर बुराई करदे होए पौलुस की बात्तां कै बिरोध म्ह बोल्लण लागे।

46 फेर पौलुस अर बरनबास हिम्मत करकै कहण लागे, “जरूरी था के परमेसवर का वचन पैहल्या थारे तै सुणाया जान्दा, इब जिव के थमनै इस ताहीं नकार दिया सै, अर यो करते होए अपने-आप ताहीं अनन्त जीवन कै खात्तर अयोग्य घोषित कर दिया सै, तो देखो, हम

26 अर ओड़ै तै वे पाणी के जहाज तै अन्ताकिया नगर गये, जित्त वे उस काम के खात्तर जो उननै पूरा करया था परमेसवर के अनुग्रह म्ह सौपे गये थे। 27 अन्ताकिया नगर पोहचकै उननै कलीसिया कट्ठी करी अर बताया के परमेसवर नै उनकै गेल्या होकै किसे बड़े-बड़े काम करे, अर गैर यहूदियाँ के खात्तर विश्वास का बारणा खोल दिया। 28 अर वे चेल्याँ के गेल्या घणे दिन ताहीं रहे।

15

???????? ???? ?? ???? ?

1 फेर कुछ यहूदी विश्वासी यहूदिया परदेस तै आकै भाईयाँ नै सिखाण लाग्गे “जै मूसा नबी की रीत पै थारा खतना न्ही हो तो थम उद्धार कोनी पा सकदे।” 2 जब पौलुस अर बरनबास का उनतै घणा वाद-विवाद अर बहस होई तो यो फैसला लिया गया के पौलुस अर बरनबास अर उन म्ह तै कुछ माणस इस बात के बारे म्ह प्रेरितां अर कलीसिया के अगुवाँ के धौरै यरुशलेम नगर म्ह जावै। 3 कलीसिया नै उन ताहीं बिदा करया, अर वे फीनीके अर सामरिया परदेसां तै होन्दे होए गैर यहूदियाँ के जरिये यीशु मसीह पै विश्वास करण का जिक्र करते गये, जिसतै सारे विश्वासी भाई घणे राज्जी होए। 4 जब वे यरुशलेम नगर पोहचे, तो कलीसिया अर प्रेरित अर कलीसिया के अगुवें उनतै खुशी के गैल मिले, अर पौलुस अर बरनबास नै बताया के परमेसवर नै उनकै गेल्या होकै किसे-किसे काम करे थे।

5 पर फरीसियाँ के पंथ म्ह तै जिन नै विश्वास करया था, उन म्ह तै कितन्याँ नै उठकै कह्या, “गैर यहूदियाँ ताहीं खतना कारण अर मूसा नबी के नियम-कायदे नै मानण का हुकम देणा चाहिए।”

6 फेर प्रेरित अर कलीसिया के अगुवें इस बात के बारे म्ह विचार करण के खात्तर कट्ठे होए। 7 फेर पतरस नै घणी बहस हो जाणकै पाच्छै खड़े होकै उनतै कह्या, “हे भाईयो, थमनै बेरा सै के घणे दिन होए परमेसवर नै थारे म्ह तै मेरै ताहीं छाँट लिया के मेरै मुँह तै गैर यहूदी सुसमाचार का वचन सुणकै विश्वास करै। 8 मन के जाँचण आळे परमेसवर नै उन ताहीं भी म्हारै की तरियां पवितर आत्मा देकै यो बताया सै के वे सब भी उसके माणस सै, 9 अर विश्वास के जरिये उनके मन शुद्ध करकै म्हारै म्ह अर उन म्ह किमे फर्क कोनी राख्या। 10 तो इब थम क्यातै परमेसवर नै परखो सों, ताके गैर यहूदी चेल्याँ के कंध्या पै इसा जूआ धरो, जिसनै ना म्हारे बाप-दाहे ठा सकै थे अर ना हम ठा सकां सां? 11 हाँ, म्हारा यो यकिन सै के

जिस तरियां तै वे प्रभु यीशु के अनुग्रह तै उद्धार पावेंगे, उस्से तरियां तै हम भी पावागें।”

12 फेर सारी सभा चुपचाप बरनबास अर पौलुस की सुणण लाग्गी, के परमेसवर नै उनकै जरिये गैर यहूदियाँ म्ह किसे बड़े-बड़े चमत्कार, अर अनोखे काम दिखाए। 13 उनके भाषण के खतम होण पै याकूब सभा ताहीं कहण लाग्या, “हे भाईयो, मेरी सुणो।” 14 शमौन पतरस नै बताया के परमेसवर नै पैहले-पहल गैर यहूदियाँ पै किसी दया की निगाह करी के उन म्ह तै अपणे नाम के खात्तर एक प्रजा बना ले। 15 नबियाँ लेख भी इस बात का समर्थन करै सै, जिसा के पवितर ग्रन्थ म्ह लिख्या सै

16 “इसकै पाच्छै मै फेर आकै दाऊद का पडचा होड़ डेरा उठाऊंगा, अर उसके खण्डरां नै दुबारा बणाऊंगा, अर उस ताहीं खडचा करूंगा,”

17 जिसके कारण बाकी की बची होड़ मानवजाति परमेसवर नै पा सकै, अर वे सारी गैर यहूदी भी, जिनपै मेरै नाम की छाप लाग्गी सै, प्रभु नै टोहवें,

18 यो वोए प्रभु कहवै सै जो दुनिया की शरुआत तै इन बात्तां की खबर देंदा आया सै।

19 “ज्यातै मेरा विचार यो सै के हम उन गैर यहूदियाँ खात्तर कोए मुसीबत पैदा ना करा, जो परमेसवर के कान्ही फिरै सै, हम उन ताहीं दुख ना देवां, 20 पर आच्छा तो यो होगा के हम उन ताहीं यो हुकम लिख भेज्जा, के वे मूर्तियाँ नै चढ़ाण आळी चिज्जां अर जारी अर गळा घोटटे होया के माँस तै अर लहू तै दूर रहवै। 21 क्यूँके गुजरे बखत तै नगर-नगर मूसा नबी के नियम-कायदे का प्रचार करण आळे होन्दे चले आये सै, अर वा हरेक आराम के दिन आराधनालय म्ह पढ़ी जावै सै।”

???? ???? ???? ???? ?

22 फेर सारी कलीसिया सुधा प्रेरितां अर कलीसिया के अगुवां नै आच्छा लाग्या के अपणे म्ह तै कुछ माणसां नै चुणै, यानिके यहूदा जो बरसब्बा कुह्वावै सै, अर सीलास ताहीं जो भाईयाँ म्ह मुखिया थे, अर उन ताहीं पौलुस अर बरनबास के गेल्या अन्ताकिया नगर खन्दावै। 23 उननै उनकै हाथ या चिट्ठी लिख भेजी “अन्ताकिया नगर, सीरिया अर किलिकिया परदेस के रहण आळे भाईयाँ नै जो गैर यहूदियाँ म्ह तै सै, प्रेरितां अर कलीसिया के अगुवें भाईयाँ का नमस्कार। 24 हमनै सुण्या सै के म्हारै म्ह तै कुछां नै ओड़ै जाकै, थारे ताहीं अपणी बात्तां तै डरा दिया, अर थारे मन उल्ट दिये सै पर हमनै उन ताहीं हुकम कोनी दिया था। 25 इस करके हमनै एक चित्त होकै ठीक जाण्या के छाँट होड़ माणसां

ताहीं अपने प्यारे बरनबास अर पौलुस कै गेल्या थारे धोरै भेज्जा। 26 ये इसे माणस सै जिन नै अपनी ज्यांन म्हारै प्रभु यीशु मसीह कै नाम कै खात्तर जोखम म्ह गेरी सै। 27 ज्यांतै हमनै यहूदा अर सीलास ताहीं भेज्या सै, के थम खुद उनके ए मुँह तै इस बारे म्ह सुण सको। 28 पवित्त्र आत्मा नै अर हमनै ठीक जाण पाट्टी के इन जरूरी बाततां नै छोड़, थारे पै और बोझ ना गेरै, 29 के थम मूर्तियाँ पै बलि करे होया तै अर लहू तै, अर गळा घोट्टे होए पशुआं के माँस तै, अर जारी तै दूर रहो। इनतै दूर रहो तो थारा भला होगा। बाकी सब ठीक-ठाक सै।”

30 फेर वे बिदा होकै अन्ताकिया नगर पोहचे, अर सभा नै कट्टी करके वा चिट्ठी उन ताहीं दे दी। 31 वे चिट्ठी पढ़के उस उपदेश की बात तै घणे राज्जी होए। 32 यहूदा अर सीलास नै जो आप भी नबी थे, घणी बाततां तै बिश्वासी भाईयाँ ताहीं उपदेश देके पक्का करया। 33 वे कुछे दिन रहके, बिश्वासी भाईयाँ तै शान्ति कै गेल्या बिदा होए के अपने खन्दाण आळा कै धोरै जावै। 34 (पर सीलास नै ओड़ै रहणा आच्छा लाग्या।) 35 पर पौलुस अर बरनबास अन्ताकिया नगर म्ह रह गये अर और घणखरे आदमियाँ कै गेल्या प्रभु यीशु कै वचन का उपदेश करदे अर सुसमाचार सुणान्दे रहे।

कुछे दिनां पाच्छे पौलुस नै बरनबास तै कह्या,

“जिन-जिन नगरां म्ह हमनै प्रभु का वचन सुणाया था, आओ, फेर उन म्ह चालके अपने बिश्वासी भाईयाँ ताहीं देखै के वे किस तरियां सै।” 37 फेर बरनबास नै यहूदा ताहीं जो मरकुस कुह्वावै सै, गेल्या लेण का विचार करया। 38 पर पौलुस नै उस ताहीं जो पंफूलिया परदेस म्ह उनतै न्यारा होग्या था, अर काम पै उनके गेल्या कोनी गया, गेल्या ले जाणा ठीक कोनी समझया। 39 आखर म्ह इसा वाद-विवाद होया के वे एक-दुसरे तै न्यारे पाटगे, अर बरनबास, मरकुस नै लेके जहाज पै साइप्रस टापू चल्या गया। 40 पर पौलुस नै सीलास ताहीं छोट्ट लिया, अर बिश्वासी भाईयाँ तै परमेसवर कै अनुग्रह म्ह सौंप्या जाके ओड़ै तै चल्या गया, 41 अर वो कलीसियाओं ताहीं स्थिर करदा होया सीरिया अर किलिकिया परदेस तै होन्दे होए लिकड़या।

16

फेर वो दिरबे अर लुस्त्रा नगर म्ह भी गया।

ओड़ै तीमुथियुस नाम का एक चेल्ला था, उसकी माँ एक यहूदी बिश्वासी थी, पर उसका बाप यूनानी था।

2 वो लुस्त्रा अर इकुनियुम नगर के भाईयाँ म्ह उसका आच्छा नाम था। 3 पौलुस की मर्जी या थी के वो उसके गेल्या जावै, अर जो यहूदी माणस उन जगहां म्ह थे उनके कारण उननै उनका खतना करया, क्यूँके वे सारे जाणै थे, के उनका बाप यूनानी था। 4 पौलुस अर उसका साथी नगर-नगर जान्दे होड़ चेल्यां ताहीं वे सारे हुकम सौपते जावै थे, जो यरुशलेम नगर के प्रेरितां अर कलीसिया के अगुवां नै तय करी थी। 5 इस तरियां कलीसिया बिश्वास म्ह पक्की होदी गई अर गिणती दिन-ब-दिन बधती गई।

वे फेरुगिया अर गलातिया परदेसां म्ह तै होके

गये, क्यूँके पवित्त्र आत्मा नै उननै आसिया परदेस म्ह वचन सुणाण तै मना करया। 7 उननै मूसिया परदेस कै लोवै पोहचके, बिथुनिया परदेस म्ह जाणा चाह्या, पर पवित्त्र आत्मा नै उन ताहीं जाण कोनी दिया। 8 आखर म्ह वे मूसिया परदेस तै होके त्रोआस म्ह आये। 9 ओड़ै पौलुस नै रात नै दर्शन देख्या के एक मकिदुनिया परदेस का माणस खड्या होया उनतै बिनती करके कहण लागरया सै, “पार उतरके मकिदुनिया परदेस म्ह आ, अर म्हारी मदद कर।” 10 उसके यो दर्शन देखदे हमनै जिब्बे मकिदुनिया परदेस जाणा चाह्या, न्यू सोचके के परमेसवर नै म्हारै ताहीं उनतै सुसमाचार सुणाण कै खात्तर बुलाया सै।

इस करके त्रोआस नगर तै जहाज खोल कै

हम सीधे सुमात्राके टापू अर दुसरे दिन नियापुलिस नगर म्ह आये। 12 ओड़ै तै हम फिलिप्पी नगर पोहचे, जो मकिदुनिया परदेस का खास नगर अर रोमियों का मोहल्ला सै, अर हम उस नगर कुछे दिन रहे।

13 आराम कै दिन हम नगर कै फाटक कै बाहरणै नदी कै किनारे न्यू सोचके गये के ओड़ै प्रार्थना करण की जगहां होगी, अर बैठके उन लुगाईयाँ तै जो कट्टी होई थी, बतळाण लागगे। 14 थुआतीरा नगर की बैजनी लत्ते बेचण आळी एक लुदिया नाम की परमेसवर की भगतणी उनकी बात सुणण लागरी थी। प्रभु नै उसका मन खोल्या ताके वा पौलुस की बाततां पै मन लगावै। 15 जिव उसनै अपने कुणबे सुधा बपतिस्मा लिया, तो उसनै म्हारै तै बिनती करी, “जै थम मन्नै प्रभु की बिश्वासिणी समझो सो, तो चालके मेरै घर म्ह रहो,” अर वा हमनै मनाके ले गई।

जै थम मन्नै प्रभु की बिश्वासिणी समझो सो, तो चालके मेरै घर म्ह रहो,”

16 जब हम प्रार्थना करण की जगहों पे जाण लागरे थे, तो हमनै एक कम उमर की दास्सी मिली जिसम्ह भविष्य बताण आळी आत्मा थी, अर वा भविष्य बताकै अपणे मालिकां कै खात्तर घणाए कमा लेवै थी। 17 वा पौलुस कै अर म्हारै पाच्छै आकै नै किल्की मारण लागगी, “ये माणस परमप्रधान परमेसवर के दास सै, जो म्हारै ताहीं उद्धार के राह की कथा सुणावै सै।” 18 वा घणे दिनां ताहीं न्यूए कर दी रही, पर पौलुस परेशान होग्या, अर बोहड़कै उस ओपरी आत्मा तै बोल्या, “मै तन्नै यीशु मसीह के नाम तै हुकम दियुं सूं के उस म्ह तै बाहरणै लिकड़ जा।” अर वा उस्से बखत लिकड़गी।

19 जब उसके मालिकां नै देख्या के म्हारी कमाई की आस खतम होग्यी, तो पौलुस अर सीलास नै पकड़कै चौक म्ह प्रधानां कै धोरै खींच ल्याए, 20 अर उन ताहीं न्यायाधीश कै धोरै ल्याए अर बोल्ले, “ये माणस जो यहूदी सै, म्हारे नगर म्ह दंगा मचाण लागरे सै, 21 अर इसे रीति-रिवाज बतावै सै, जिन ताहीं हम रोमियाँ कै खात्तर अपणाना सही कोनी।”

22 फेर भीड़ के माणस उनकै बिरोध म्ह कट्टे होकै उनपै चढ़ याए, अर हाकिमां नै उनके लत्ते पाड़कै उतार दिये, अर उनकै बैत मारण का हुकम दिया।

23 घणी बैत मारे पाच्छै उननै उन ताहीं जेळ म्ह गेर दिया अर दरोगगा ताहीं हुकम दिया के उननै चौक्कस राखिये।

24 उसनै इसा हुकम पाकै उन ताहीं भित्तरली कोठड़ी म्ह राख्या अर उनके पाँ काठ की बेड़ियाँ तै जकड़ दिये।

~~~~~

25 आधी रात कै बखत पौलुस अर सीलास प्रार्थना करदे होए परमेसवर के भजन गाण लागरे थे, अर कैदी उनकी सुणण लागरे थे।

26 इतनै म्ह चाणचक बड़ड़ा हाल्लण आ गया, उरै ताहीं के जेळ की नीम भी हालगी, अर जिब्बे सारे दरबाजे खुलगे, अर सारया के बन्धन खुलकै पड़गे। 27 दरोगगा जागग्या, अर जेळ के दरबाजे खुल्ले देखकै समझ गया के कैदी भाजगे सै, इस करकै उसनै तलवार खिंचकै खुद ताहीं मारणा चाह्या। 28 पर पौलुस नै ठाड़ू आवाज म्ह रुक्का मारया, “अपणे-आपनै किमे नुकसान ना पोहोचाइये, क्यूँके हम सारे उरैए सां।”

29 फेर दरोगगा दिवां मँगाकै भित्तर आया, अर काम्बदा होया पौलुस अर सीलास कै आगुँ पड्या,

30 अर उन ताहीं बाहरणै ल्याकै बोल्या, “हे भले माणसों, उद्धार पाण कै खात्तर मै के करुँ?”

31 उननै कह्या, “प्रभु यीशु मसीह पै बिश्वास कर, तो तू अर तेरा कुण्वा उद्धार पावैगा।” 32 अर उननै उस ताहीं अर उसके सारे घर के माणसां ताहीं प्रभु का वचन सुणाया। 33 रात नै उस्से बखत उसनै उन ताहीं ले जाकै उनके घाव धोये, अर उसनै अपणे सारे माणसां सुधा जिब्बे बपतिस्मा लिया। 34 फेर दरोगगै नै उन ताहीं अपणे घरां ले जाकै उनके आगुँ खाणा धरया, अर साब्ले कुण्बे सुधा परमेसवर पै बिश्वास करकै आनन्द करया।

35 आगले दिन फेर हाकिमां नै सिपाहियाँ के हाथ्यां कहवां भेज्या के उन माणसां नै छोड़ द्यो। 36 दरोगगै नै ये बात पौलुस तै कही, “हाकिमां नै थारे ताहीं छोड़ देण का हुकम दिया सै। ज्यातै इब खुश होकै जाओ।”

37 पर पौलुस नै उनतै कह्या, “उननै म्हारै ताहीं जो रोमी माणस सै, कसूरवार ठहराए बिना माणसां कै स्याम्ही मारया अर जेळ म्ह गेरया। इब के हमनै बोल-बाल्ले लिकाड़ण लागरे सै? इसा कोनी, पर वे खुद आकै हमनै बाहरणै लिकाड़ै।”

38 सिपाहियाँ नै ये बात हाकिमां तै कही, अर वे न्यू सुणकै के वे रोम के बासिन्दे सै, डरगे, 39 अर आकै उन ताहीं मनाया, अर बाहरणै ले जाकै बिनती करी के नगर चले जाओ। 40 वे जेळ तै लिकड़कै लुदिया कै उरै गये, अर बिश्वासी भाईयाँ तै भेंट करकै उन ताहीं शान्ति देई, अर चले गये।

## 17

~~~~~

1 पौलुस अर सीलास अम्फिपुलिस अर अपुल्लोनिया नगरां तै होकै थिस्सलुनीके नगर म्ह आये, जित्त यहूदियाँ का एक आराधनालय था। 2 पौलुस अपणी रीत कै मुताबिक उनकै धोरै गया, अर तीन्नु आराम कै दिनां म्ह पवित्तर ग्रन्थ म्ह तै उनकै गेल्या बहस करी, 3 अर वो उनका मतलब खोल-खोल कै समझावै था के मसीह नै दुख ठाणा, अर मरे होया म्ह तै जिन्दा उठणा, जरूरी था, अर “योए यीशु जिसकी मै थमनै कथा सुणाऊँ सूं, मसीह सै।” 4 कितने यहूदी अर परमेसवर के भगत यूनानियाँ म्ह तै घणखरयां नै, अर घणी आच्छे खानदान की लुगाईयाँ नै मान लिया, अर पौलुस अर सीलास कै गेल्या मिलगे।

5 पर यहूदियाँ नै जळण तै भरकै बाजारू माणसां म्ह तै कुछ दुष्ट माणसां ताहीं अपणे गेल्या लिया, अर भीड़ कट्टी करकै नगर म्ह दंगा मचाण लागगे, अर यासोन के घर पै चढ़ाई करकै उन ताहीं आदमियाँ कै स्याम्ही ल्याणा चाह्या। 6 उननै जब वे ओड़ै न्ही मिले तो वे किल्की मारदे होए यासोन अर कुछ बिश्वासी भाईयाँ ताहीं नगर के हाकिमां कै स्याम्ही खींच ल्याए, “ये

माणस जिन नै दुनिया ताहीं उल्टा-पुल्टा कर दिया सै, उरै भी आ लिए सै। 7 यासोन नै उन ताहीं अपणे घरां रहण की इजाजत दी सै। ये सारे के सारे न्यू कहवै सै के यीशु राजा सै, अर कैसर के हुकमां का बिरोध करै सै। 8 उननै आदमियां ताहीं अर नगर के हाकिमां ताहीं न्यू सुणाकै डरा दिया। 9 ज्यांतै उननै यासोन अर बाकी माणसां तै जमानत पै उन ताहीं छोड़ दिया।

10 विश्वासी भाईयां नै जिब्बे राते-रात पौलुस अर सीलास ताहीं बिरीया नगर भेज दिया, अर वे ओड़ै पोहचकै यहूदियां के आराधनालय म्ह गये। 11 ये माणस तो थिस्सलुनीके नगर के यहूदियां तै आच्छे थे, अर उननै घणे चाह तै वचन अपणाया, अर हर-रोज पवित्र ग्रन्थां म्ह टोहन्दे रहे के ये बात न्यू सै के न्ही। 12 ज्यांतै उन म्ह तै घणखरयां नै, अर यूनानी आच्छे खानदान की बिखानियां म्ह तै अर माणसां म्ह तै भी घणखरयां नै बिश्वास करया।

13 पर जब थिस्सलुनीके नगर के यहूदी जाणगे के पौलुस बिरीया नगर म्ह भी परमेसवर का वचन सुणावै सै, तो ओड़ै भी माणसां ताहीं उकसाण अर गड़बड़ मचाण लागगे। 14 फेर विश्वासी भाईयां नै जिब्बे पौलुस ताहीं बिदा करया के समुन्दर कै किनारे चल्या जावै, पर सीलास अर तीमुथियुस बिरीया रहगे। 15 पौलुस के मददगार उस ताहीं एथेंस नगर तक लेगे, अर सीलास अर तीमुथियुस कै खात्तर या आज्ञा पाकै बिदा होए के उसकै धौरै घणी तगाजै तै आवै।

16 जब पौलुस एथेंस नगर म्ह उसकी बाट देखवै था, तो नगर नै मूर्तियां तै भरया होड़ देखकै भोत परेशान होगया। 17 इस करकै वो आराधनालय म्ह यहूदियां तै अर भगतां तै, अर चौक म्ह जो माणस उसतै फेटै थे उनतै हरेक दिन बहस करया करै था। 18 फेर इपिकूरी अर स्तोईकी उपदेशकां म्ह तै कुछे उसतै तर्क करण लागगे, अर कुछां नै कह्या, “यो बकवादी के कहणा चाहवै सै?” पर दुसरयां नै कह्या, “वो दुसरे देवत्यां का प्रचारक दिक्खै सै” क्यूँके वो यीशु का अर पुनरुत्थान का सुसमाचार सुणावै था। 19 फेर वे उसनै अपणे गेल्या अरियुपगुस नामक आराधनालय म्ह लेगे अर बुझ्या, “के हम जाण सकां सां के यो नया पंथ जो तू सुणावै सै, के सै? 20 क्यूँके तू अनोक्खी बात म्हारै ताहीं सुणावै सै, ज्यांतै हम जाणणा चाहवां सां के इनका के मतलब सै।” 21 (ज्यांतै के सारे एथेंसवासी अर परदेशी जो ओड़ै रहवै

थे, नयी-नयी बात कहण अर सुणण कै सिवाए और किसे काम म्ह बखत कोनी बितावै थे।)

22 फेर पौलुस नै अरियुपगुस कै बिचाळै खड़े होकै कह्या, “हे एथेंस के माणसां, मै देखूँ सूँ के थम हर बात म्ह देवत्यां के घणे मानण आळे सो। 23 क्यूँके मै हांडदे होए जब थारी पूज्जण की चिज्जां नै देखण लागरया था, तो एक इसी वेदी* भी मिली, जिसपै लिख्या था, ‘अनजाणे ईश्वर कै खात्तर।’ इस करकै जिसनै थम बिना बेरे पूज्जो सो, मै थमनै उससे परमेसवर का सुसमाचार सुणाऊँ सूँ।”

24 जिस परमेसवर नै धरती अर उसकी सारी चिज्जां ताहीं बणाया, वो सुर्ग अर धरती का माल्लिक होकै, हाथ के बणाए होड़ मन्दरां म्ह कोनी रहन्दा, 25 उसनै माणसां की जरूरत कोनी, क्यूँके वो तो खुदे सारया ताहीं जिन्दगी अर साँस अर सारा किमे देवै सै। 26 उसनै एक ए मूल तै माणसां की सारी जात सारी धरती पै रहण कै खात्तर बणाई सै, अर उनकै ठहराए होड़ बखत अर रहण या निवास की हदां ताहीं ज्यांतै बाँधया सै, 27 के वे परमेसवर नै टोहवै, कदाचित उस ताहीं टटोळकै पावै, फेरभी वो म्हारै म्ह तै किसे तै दूर कोनी। 28 क्यूँके उससे म्ह म्हारा जीवन, चलणा-फिरणा अर म्हारी पहचान बणै सै, जिस ढाळ थारे कितने कवियां नै भी कह्या सै, “हम तो उससे के वंशज सां।”

29 “इस करकै म्ह परमेसवर का वंश होकै म्हारा यो समझणा सही कोनी के ईश्वरत्व सोन्ने-चाँदी, पत्थर के जिसा सै, जो माणसां की कारीगरी अर कल्पना तै गढ़े गये हों। 30 ज्यांतै परमेसवर नै अज्ञानता के बखत पै खियास कोनी करी, पर इब हरेक जगहां सारे माणसां ताहीं पाप छोड़ण का हुकम देवै सै। 31 क्यूँके उसनै एक दिन तय करया सै, जिसम्ह वो धार्मिकता म्ह खुद के जरिये ठहराया गये उस माणस के जरिये दुनिया का न्याय करैगा, जिन ताहीं उसनै मरे होया म्ह तै दुबारा जिन्दा करकै या बात सारे माणसां के स्याम्ही साबित कर दी सै।”

32 मरे होया के पुनरुत्थान की बात सुणकै कुछ तो मखौल करण लागगे, अर कुछां नै कह्या, “या बात हम तेरे तै फेर कदे सुणांगें।” 33 इसपै पौलुस उनकै बिचाळै तै लिकड़गया। 34 पर कई माणस प्रभु यीशु कै गेल्या मिलगे, अर बिश्वास करया, जिन म्ह दियुनुसियुस जो अरियुपगुस का सदस्य था, अर दमरिस नामकी एक लुगाई थी, अर उनकै गेल्या कुछ और भी माणस थे।

17:23 वेदी-परमेसवर ताहीं भेट चढ़ाण खात्तर एक जगहां

* 17:23 वेदी-परमेसवर ताहीं भेट चढ़ाण खात्तर एक जगहां

18

१११११११११ १११ १११

1 इसके पाँचहत्तर, पौलुस एथेंस नगर नै छोड़के कुरिन्थुस नगर म्ह आया। 2 ओड़ै उसनै अक्विला नामक एक यहूदी मिल्या, जिसका जन्म पुन्तुस परदेस म्ह होया था। वो अपनी घरआळी पिरसकिल्ला कै गेल्या इटली देश तै इब्बे आया था, क्यूँके सम्राट क्लौदियुस नै सारे यहूदियाँ ताहीं रोम तै लिकड़ जाण का हुकम दिया था। ज्यांतै वो उनकै उरै गया। 3 पौलुस अर अक्विला का एक ए काम-धन्धा था, इस करके वो उनकै गेल्या रहया अर वे काम करण लागगे, अर उनका काम-धन्धा तम्बू बणाण का था। 4 पौलुस हरेक आराम कै दिन आराधनालय म्ह बहस करके यहूदियाँ अर यूनानियाँ ताहीं भी समझावै था, के यीशु ए मसीह सै।

5 जब सीलास अर तीमुथियुस मकिदुनिया परदेस तै आये, तो पौलुस वचन सुणाण की धुन म्ह यहूदियाँ ताहीं गवाही देण लाग्या के यीशु ए मसीह सै। 6 पर जब यहूदी बिरोध अर बुराई करण लागगे, तो उसनै अपने लत्यां तै धूळ झाड़के उनतै कह्या, “इब जै परमेसवर थमनै इस पाप की सजा देवै तो उसकी मौत के जिम्मेदार थम खुदे हो! मै बेकसूर सूँ। इब तै मै गैर यहूदियाँ कै धोरै जाऊँगा।”

7 पौलुस यहूदी आराधनालय तै लिकड़के वो तीतुस यूस्तुस नामक परमेसवर के एक भगत कै घरां आया, जिसका घर आराधनालय तै लाग्या होड़ था। 8 फेर आराधनालय के सरदार किरस्पुस नै अपने सारे कुणबे सुधा प्रभु पै विश्वास करया, अर घणखरे कुरिन्थवासी सुणकै विश्वास लाये, अर बपतिस्मा लिया।

9 प्रभु नै एक रात दर्शन कै जरिये पौलुस तै कह्या, “मतना डरै, बल्के कहे जा अर बोल-बाल्ला मतना रहवै, 10 क्यूँके मै तेरे गैल सूँ, अर कोए तेरे पै चढ़ाई करके तेरा नुकसान कोनी करैगा, क्यूँके इस नगर म्ह मेरे घणे माणस सै।” 11 ज्यांतै पौलुस उन म्ह परमेसवर का वचन सिखान्दे होए डेढ़ साल ताहीं रहया।

12 जब गल्लियो अखाया परदेस का राज्यपाल था, तो यहूदी माणस एक्का करके पौलुस पै चढ़ आये, अर उस ताहीं न्याय गद्दी कै स्याम्ही ल्याकै कहण लागगे, 13 “यो माणसां नै समझावै सै, के परमेसवर की आराधना इस ढाळ तै करो, जो नियम-कायदे कै उल्ट सै।”

14 जब पौलुस बोल्लण पैए था, तो गल्लियो नै यहूदियाँ ताहीं कह्या, “हे यहूदियाँ, जै या किमे अन्याय या दुष्टता की बात होन्दी, तो सही था के मै थारी सुणदा। 15 पर जै या बहस शब्दां, अर नाम्मां, अर थारे

उरै के नियम-कायदे कै बारै म्ह सै, तो थमे जाणो, क्यूँके मै इन बाततां का न्यायाधीश कोनी बणाण चाहन्दा।” 16 अर उसनै उन ताहीं न्याय गद्दी कै स्याम्ही तै लिकाड़ दिया। 17 जद सारे माणसां नै आराधनालय के सरदार सोस्थिनेस ताहीं पकड़के न्याय गद्दी कै स्याम्ही मारया। पर गल्लियो नै इन बाततां की भी किमे चिन्ता कोनी करी।

१११११११११ १११ ११ ११११११११

18 पौलुस घणे दिन ताहीं कुरिन्थुस नगर रहया। फेर बिश्वासी भाईयाँ तै बिदा होके किखरया बन्दरगाह म्ह ज्यांतै सिर मुण्डाया, क्यूँके उसनै मन्नत मान्नी थी, अर जहाज पै सीरिया परदेस नै चल्या गया अर उसकै गेल्या पिरसकिल्ला अर अक्विला थे। 19 उसनै इफिसुस नगर पोहचके उन ताहीं ओड़ै छोड़्या, अर खुद आराधनालय म्ह जाके यहूदियाँ तै बहस करण लाग्या। 20 जब माणसां नै उसतै बिनती करी, “म्हारै गेल्या कुछ और दिन रह।” तो उसनै कोनी मान्नी, 21 पर न्यू कहके उसतै बिदा होया, “जै परमेसवर नै चाह्या तो मै थारे धोरै फेर आऊँगा।” फेर वो इफिसुस नगर तै जहाज खोल कै चाल दिया, 22 अर कैसरिया नगर म्ह उतरके (यरुशलेम नगर नै) गया अर कलीसिया ताहीं नमस्कार करके अन्ताकिया नगर म्ह आया।

११११११ ११ ११११११ १११११११-११११११११

23 फेर किमे दिन रहके वो ओड़ै तै लिकड़्या, अर एक और तै गलातिया अर फरुगिया परदेसां म्ह सारे चेल्यां ताहीं स्थिर करदा हांड्या।

११११११११ १११ १११ ११११११११

24 अपुल्लोस नामक एक यहूदी, जिसका जन्म सिकन्दरिया नगर म्ह होया था, जो ज्ञान्नी माणस था अर पवित्र ग्रन्थ ताहीं आच्छी तरियां तै जाणै था, इफिसुस नगर म्ह आया। 25 उसनै प्रभु कै राह की शिक्षा पाई थी, अर मन लाके यीशु कै बारै म्ह सही-सही सुणावै अर सिखावै था, पर वो सिर्फ यूहन्ना कै बपतिस्मा की बात जाणै था। 26 वो आराधनालय म्ह बिना डरे बोल्लण लाग्या, पर पिरसकिल्ला अर अक्विला उसकी बात सुणके उस ताहीं अपने उरै लेगे अर परमेसवर की राह उस ताहीं और भी सही-सही बताई।

27 जब उसनै फैसला करया के पार उतरके अखाया परदेस म्ह जावै तो बिश्वासी भाईयाँ नै उस ताहीं धीरज बन्धाके चेल्यां ताहीं लिख्या के वे उसतै आच्छी ढाळ फेटै, अर उसनै ओड़ै पोहचके उन माणसां की घणी मदद करी जिन नै अनुग्रह कै कारण विश्वास करया था। 28 क्यूँके वो पवित्र ग्रन्थ तै सबूत दे-देके के यीशु ए मसीह सै, घणे तावळेपण तै यहूदियाँ ताहीं सारया कै स्याम्ही निरुतर (बोलती बन्द) करदा रहया।

न्ही दिया।³¹ आसिया परदेस के हाकिमां म्ह तै भी उसके कई साथियाँ नै उसके धौरै कहवां भेज्या अर बिनती करी के रंगशाला म्ह जाकै जोखम ना टाईयो।

³² भीड़ म्ह तै कोए कुछ चिल्लावै था अर कोए कुछ, सारी भीड़ पूरी तरियां घबराई होई थी, अर घणखरे माणसां नै तो न्यूए कोनी बेरा था के वे क्यां खात्तर कट्टे होए सै।³³ फेर उननै सिकन्दर ताहीं, जिस ताहीं यहूदियाँ नै खड्या करया था, भीड़ म्ह आगै बढ़ाया। सिकन्दर हाथ तै इशारा करकै माणसां कै स्याम्ही जवाब देणा चाहवै था।³⁴ पर जब उननै बेरा लागग्या के वो यहूदी सै, तो सारे के सारे एक बोल म्ह कोए दो घंटे ताहीं चिल्लान्दे रहे, “इफिसियाँ की अरतिमिस देवी, महान् सै।”

³⁵ फेर नगर के मन्त्री नै माणसां ताहीं शान्त करकै कह्या, “हे इफिसुस नगर के माणसां, किसनै न्ही बेरा के इफिसियाँ का नगर महान् अरतिमिस देवी के मन्दर, अर ज्यूस की ओड़ तै गिरी होड़ मूर्ति का टहलुआ सै।”

³⁶ आखर म्ह जब के इन बातों का खण्डन ए कोनी हो सकदा, तो सही सै के थम शान्त रहो अर बिना सोच्चे-समझे किमे ना करो।³⁷ क्यूँके थम इन माणसां नै ल्याए सो जो ना मन्दर के लुट्टण आळे सै अर ना म्हारी देवी के बुराई करणीये सै।³⁸ इस करकै देमेट्रियुस अर उसके मित्तर-कारिगरां ताहीं किसे तै एतराज हो तो कच्चेड़ी जा सकै सै अर हाकिम भी सै, वे एक-दुसरे पै दोष लावै।³⁹ पर जै थम किसे और बात कै बारै म्ह किमे बुझणा चाहो सो, तो बखत पै सभा म्ह फैसला करया जावैगा।

⁴⁰ आज की इस घटना कै कारण म्हारै पै उपद्रव का इल्जाम लागगण का खतरा सै, क्यूँके इसकै खात्तर कोए भी ठोस कारण दिखाई कोनी देंदा, “हम इस भीड़ के कट्टा होण का कोए जवाब कोनी दे सकांगे।”⁴¹ न्यू कहकै उसनै सभा ताहीं बिदा करया।

20

?????????, ?????? ?? ????????? ????
??????

¹ जब दंगा थम गया तो पौलुस नै चेल्यां ताहीं बुलाकै उत्साहित करया, अर उनतै बिदा होकै मकिदुनिया परदेस की ओड़ चाल दिया।² उस सारे परदेस म्ह तै होकै अर चेल्यां ताहीं घणा समझाकै वो यूनान देश म्ह आया।³ जब तीन महिन्ने रहकै वो ओड़ै तै जहाज पै सीरिया परदेस की ओड़ जाण पै था, तो यहूदी अगुवें उसकी टाह म्ह लागगे, ज्यांतै उसनै निश्चय करया के मकिदुनिया परदेस होकै बोहड़ जावै।⁴ बिरीयावासी

* 20:11 20:11 रोटी तोड़ना-प्रभु भोज

पुरुस का बेट्टा सोपत्रुस अर थिस्सलुनीकियों नगर म्ह तै अरिस्तर्खुस अर सिकुन्दुस, अर दिरबे नगर का गयुस, अर तीमुथियुस, अर आसिया परदेस का तुखिकुस अर त्रुफिमुस आसिया परदेस ताहीं उसके गैल हो लिये।⁵ ये म्हारे मुसाफिर साथी म्हारे तै पैहले चले गये।⁶ अर हम अखमीरी रोटी के त्यौहार के दिनां कै पाच्छे फिलिप्पी तै जहाज पै चढ़कै पाँच दिन म्ह त्रोआस म्ह उसके धौरै पोहचे, अर सात दिन ताहीं रहे।

????????? ??? ???? ?????? ?????? ?????? ????
?????

⁷ हफ्तै के पैहलड़े दिन जब हम प्रभुभोज कै खात्तर कट्टे होए, तो पौलुस जो दुसरे दिन चले जाण पै था, उनतै बात करी, आधी रात ताहीं बात करदा रहया।⁸ जिस चौबारे पै हम कट्टे थे, उस म्ह घणे दीवे जळण लागरे थे।⁹ अर यूतुखुस नाम का एक जवान खिड़की पै बेटचा होया नींद की झपकियाँ लेण लागरया था। जब पौलुस वारी ताहीं बात करदा रहया तो यूतुखुस नींद कै झोक्के म्ह तीसरी अटारी पै तै पड़ग्या, अर उसकी मौत होगी।¹⁰ पौलुस नीचै गया, उसके धौरै जाकै उसतै लिपटग्या, अर गळे लाकै कह्या, “घबराओ ना, वो जीवै सै।”¹¹ अर उसनै दुबारा उपपर जाकै रोटी तोड़ी* अर खाकै दिन लिकड़ण ताहीं उनतै बात करदा रहया, सबेरा होग्या। फेर वो चल्या गया।¹² अर वे उस जवान ताहीं जिन्दा लियाए अर माणस भोत खुश होए।

????????? ?? ?????????? ?? ?????????

¹³ हम पाणी के जहाज पै सवार होकै अस्सुस नगर की ओड़ बढ़े, जड़ै हमनै पौलुस ताहीं साथ लेकै आगै बढ़णा था, पर पौलुस ओड़ै पैदल राह तै पोहोचा था, क्यूँके या उसकी पैहले तै बणाई तरकीब थी।¹⁴ अस्सुस नगर उन ताहीं मिल्या तो हमनै उस ताहीं पाणी के जहाज म्ह अपने साथ लिया अर मितुलेने नगर म्ह जा पोहचे।¹⁵ ओड़ै तै जहाज खोल कै हम दुसरे दिन खियुस टापू कै स्याम्ही पोहचे, अर आगले दिन सामुस टापू म्ह जाण लागगे, पर उसके आगले एक दिन कै बाद मीलेतुस बन्दरगाह म्ह आये।¹⁶ पौलुस नै इफिसुस नगर म्ह ना उतरकै आगै बढ़ जाण का इरादा करया क्यूँके वो चाहवै था के आसिया परदेस म्ह ठैहरण की बजाए जै हो सक्या तो तगाजै तै पिन्तेकुस्त कै त्यौहार के मौक्के पै यरुशलेम नगर म्ह पोहच जावै।

????????? ????? ?? ?????????????? ?? ???????

¹⁷ मीलेतुस नगर तै पौलुस नै इफिसुस नगर म्ह समाचार भेजकै कलीसिया के अगुवां ताहीं बुलवाया।

18 जब वे उसके लोवें आये, तो उनतै कह्या “थमनै बेरा सै के पैहल्डे ए दिन तै जब मै आसिया परदेस म्ह पोंहच्या, मै हर-बखत थारे गेल्या किस ढाळ रहया, 19 यानिके घणी दीनता तै, अर आँसू बहा-बहाकै, अर उन मुसीबतां म्ह जो यहूदियाँ की साजिस के कारण मेरै पै आण पड़ी, मै प्रभु की सेवा करदा ए रहया। 20 अर जो-जो बात थारे फायदे की थी, उन ताहीं बताण अर माणसां के स्याम्ही अर घर-घर सिखाण तै कदे न्ही झिझक्या, 21 बल्के यहूदियाँ अर यूनानियाँ के स्याम्ही गवाही देंदा रहया के परमेसवर की ओड़ मन फिराणा अर म्हारै प्रभु यीशु पै बिश्वास करणा चाहिये।”

22 इब देखो, मै पवित्र आत्मा म्ह बन्धया होया यरुशलेम नगर नै जाऊँ सूँ, अर मन्नै न्ही बेरा के ओड़ै मेरै पै के-के बीतैगी। 23 सिर्फ यो के पवित्र आत्मा हरेक नगर म्ह गवाही दे-देकै मेरै तै कहवै सै के बन्धन अर क्लेश तेरे खात्तर त्यार सै।

24 पर मै अपणी जान नै किमे न्ही समझदा के उसतै प्यार राखूँ, बल्के यो के मै अपणी दौड़ ताहीं अर उस सेवा नै पूरी करूँ, जो मन्नै परमेसवर के अनुग्रह के सुसमाचार पै गवाही देण के खात्तर प्रभु यीशु तै पाई सै।

25 इब देखो, मन्नै बेरा सै के थम सारे जिन म्ह मै परमेसवर के राज्य का प्रचार करया सै, मेरा मुँह दुबारा कोनी देखोगे।

26 ज्यांतै मै आज के दिन थारे तै गवाही देकै कहूँ सूँ, के मै किसे की भी मौत का कसूरवार न्ही सूँ।

27 क्यूँके मै परमेसवर की सारी इच्छा नै थारे ताहीं बताण म्ह कदे कोनी हिचकिचाया। 28 इस करके थम अपणा ध्यान राखो अर उस टोळ का भी, जिसका रुखाळा थारे ताहीं पवित्र आत्मा ठहराया सै, के थम परमेसवर की कलीसिया की रुखाळी करो, जिस ताहीं उसनै खुद अपणे लहू तै मोल लिया सै। 29 मन्नै बेरा सै के मेरै जाणके बाद पाड़ण आळे भेड़िये थारे म्ह आवैगें जो टोळ नै कोनी छोड़ैगें।

30 थारे ए बिचाळे तै भी इसे-इसे माणस उठैगें, जो चेल्यां ताहीं अपणे पाच्छै खींच लेण ताहीं टेढ़ी-मेढ़ी बात कहवैगें। 31 इस करके जागदे रहो, अर याद राखो के मन्नै तीन साल्लां ताहीं रात-दिन आँसू बहा-बहाकै हरेक ताहीं चेतावनी देणा न्ही छोड़्या।

32 “अर इब मै थमनै परमेसवर अर उनके अनुग्रह के वचन की देखभाळ म्ह सौपण लागरया सूँ, जिस म्ह थारी बढ़ोतरी करण अर उन सब के साथ मीरास देण की ताकत सै, जो प्रभु खात्तर न्यारे करे गये सै। 33 मन्नै किसे के चाँदी, सोन्ने या लत्ते का लोभ कोनी करया।

34 थमनै खुदे बेरा सै के इन्हे हाथ्यां नै मेरी अर मेरे साथियाँ की जरूरत पूरी करी सै। 35 मन्नै थारे ताहीं सारया किमे करके दिखाया के इस तरियां तै मेहनत करदे होए कमजोरां ताहीं सम्भालणा अर प्रभु यीशु के वचन याद राखणा जरूरी सै, जो उसनै खुदे कह्या सै: ‘लेण तै देणा धन्य सै।’”

36 न्यू कहकै उसनै गोड़डे टेक्के अर उन सारया के गेल्या प्रार्थना करी। 37 फेर वे सारे घणे रोये अर पौलुस के गळे लिपटकै उस ताहीं चुम्ण लागगे।

38 वे खासकर इस बात तै दुखी थे जो उसनै कही थी के थम मेरा मुँह दुबारा कोनी देखोगे। इसके बाद वे पौलुस के साथ पाणी के जहाज तक गये।

21

????? ?? ????????? ???? ?? ??????

1 जब हमनै उनतै न्यारे होके जहाज खोल्या, तो सीधी राही तै कोस टापू म्ह आये, अर दुसरे दिन रुदुस टापू म्ह अर ओड़ै तै पतरा टापू म्ह। 2 ओड़ै एक जहाज फीनीके परदेस नै जान्दा होया मिल्या, अर हमनै उसपै चढ़के अपणा सफर शरु करया। 3 हमनै ओळै हाथ कान्ही साइप्रस टापू दिखया, तो हम उसनै छोड़के सीरिया परदेस की ओड़ बढ़ते गये अर सूर नगर म्ह जा पोहचे, क्यूँके ओड़ै जहाज तै समान उतारया जाणा था। 4 चेल्यां नै पाके हम ओड़ै सात दिन ताहीं रहे। उननै पवित्र आत्मा के सिखाए पौलुस तै कह्या के ओड़ै (यरुशलेम नगर म्ह) पाँ ना धरिये। 5 सात दिन के बाद जब ओड़ै तै म्हारे जाण का बखत आया, तो वे पूरे परिवार के साथ म्हारै ताहीं बिदा करण खात्तर नगर की सीमा तक आये, अर समन्दर के किनारे हमनै घुटने टेकके प्रार्थना करी, 6 फेर एक-दुसरे तै बिदा होके, हम तो जहाज पै चढ़गे अर वे अपणे-अपणे घरां बोहड़गे।

7 जब हम सूर नगर तै जहाज पै सफर करके पतुलिमयिस नगर म्ह पोहचे, अर बिश्वासी भाईयाँ नै नमस्कार करके उनके गेल्या एक दिन रहे। 8 दुसरे दिन हम ओड़ै तै चालके कैसरिया नगर म्ह आये, अर फिलिप्पुस सुसमाचार प्रचारक के घर म्ह जो उन सात आदमियाँ म्ह तै एक था, जिन ताहीं प्रेरितां नै बिधवा जनानियाँ की सेवा करण खात्तर यरुशलेम म्ह छाट्या था, हम उस्से के घर म्ह ठहरे। 9 उसकी चार कुंवारी बेट्टी थी, जो भविष्यवाणी करया करै थी।

10 जब हम ओड़ै घणे दिन ताहीं रह लिये, तो अगबुस नाम का एक नबी यहूदिया परदेस म्ह आया। 11 उसनै म्हारै धोरै आके पौलुस का कमरबन्द लिया, अर अपणे हाथ-पाँ बाँधके कह्या, “पवित्र आत्मा न्यू कहवै सै के

जिस माणस का यो कमरबन्द सै, उस ताहीं यरुशलेम नगर म्ह यहूदी इस्से तरियां तै बाँधैगें, अर गैर यहूदियाँ कै हाथ्यां म्ह सौपैगें।”

12 जिब हमनै ये बात सुणी, तो हमनै अर ओड़ै के माणसां नै पौलुस तै बिनती करी के यरुशलेम नगर नै ना जाइए। 13 पर पौलुस नै जवाब दिया, “थम के करो सो के रो-रोकै मेरा मन तोड़ो सो? मै तो प्रभु यीशु कै नाम कै खात्तर यरुशलेम नगर म्ह ना सिर्फ बाँधे जाण ए कै खात्तर बल्के मरण कै खात्तर भी त्यार सूं।” 14 जिब उसनै न्ही मान्नी तो हम न्यू कहकै बोल-बाल्ले रहगे, “प्रभु की मर्जी पूरी हो।”

15 कई दिनां पाच्छै हमनै त्यारी करी अर यरुशलेम नगर नै चाल दिए। 16 कैसरिया नगर तै भी कुछ् चेल्लें म्हारै गेल्या हो लिए, अर म्हारै ताहीं ठैहराण खात्तर साइप्रसवासी मनासोन के घर ले गये, वो सब तै पैहले के चेल्यां म्ह तै एक था।

?????? ?? ???? ?? ???? ?

17 जिब हम यरुशलेम नगर म्ह पोहचे, तो विश्वासी भाई घणी खुशी कै गेल्या हम तै मिले।

18 दुसरे दिन पौलुस म्हारै ताहीं लेकै याकूब कै धोरै गया, जित्त सारे कलीसिया के अगुवें कट्ठे थे।

19 जद उसनै उन ताहीं नमस्कार करकै, जो-जो काम परमेसवर नै उसकी सेवा के जरिये गैर यहूदियाँ म्ह करे थे, एक-एक करकै सारे बताए।

20 उननै न्यू सुणकै परमेसवर की महिमा करी, फेर उसतै बोल्या, “हे भाई, तू देखे सै के यहूदियाँ म्ह तै कई हजारां नै विश्वास करया सै, अर सारे नियम-कायदे कै खात्तर मानण म्ह पक्के सै। 21 उननै यो सुण राख्या सै के तू गैर यहूदी माणसां के बीच म्ह रहन्दे होए यहूदियाँ ताहीं या शिक्षा देण लागरया सै के मूसा नबी के नियम-कायदा नै छोड़ द्यो, ना तो अपणे बाळकां का खतना करो अर ना रीति-रिवाज्जां पै चाल्लो। 22 तो फेर के करया जावै? माणस जरूर सुणैगें के तू आया सै। 23 इस करकै जो हम तेरे तै कह्वां सां, वो कर। म्हारा सुझाव मान उरै इसे चार माणस सै, जिन नै कसम खाई सै।”

24 तू उनकै गैल जा, शुद्ध होण की विधि पूरी कर, अर उसकै मुण्डन का खर्चा ठा, फेर सारया नै यो बेरा लाग ज्यागा के जो कुछ् भी बात तेरे बारै म्ह कह्या गया सै, उस म्ह कोए सच्चाई न्ही सै पर तू खुद भी नियम-कायदे का पालन करै सै। 25 पर उन गैर यहूदियाँ के बारै म्ह जिन नै विश्वास करया सै, हमनै यो फैसला करकै लिख भेज्या सै “के वे मूर्तियाँ कै स्याम्ही बलि करे हाइ माँस

तै, अर लहू तै अर घेट्टी घोट्टे होयां के माँस तै अर जारी तै बचे रहवें।”

26 फेर पौलुस उन माणसां नै लेकै, अर दुसरे दिन उनकै गेल्या शुद्ध होकै मन्दर म्ह गया, अर ओड़ै बता दिया के शुद्ध होण कै दिन, यानिके उन म्ह तै हरेक कै खात्तर चढ़ावा चढ़ाए जाण तक के दिन कद पूरे होवैगें।

?????? ???? ???? ? ? ???? ?

27 जिब वे सात दिन पूरे होण पै थे, तो आसिया परदेस के यहूदियाँ नै पौलुस ताहीं मन्दर म्ह देखकै सारे माणसां ताहीं उकसाया, अर न्यू रुक्का मारकै उस ताहीं पकड़ लिया, 28 “हे इस्राएलियों, मदद करो, यो वोए माणस सै, जो माणसां के, अर नियम-कायदे के, अर इस जगहां के बिरोध म्ह हरेक जगहां सारे माणसां नै सिखावै सै, उरै ताहीं के यूनानियाँ ताहीं भी मन्दर म्ह ल्याकै उसनै इस पवित्र जगहां ताहीं अपवित्र करया सै।” 29 उननै इसतै पैहल्या इफिसुसवासी त्रुफिमुस ताहीं पौलुस कै गेल्या नगर म्ह देख्या था, अर सोचै थे के पौलुस उसनै मन्दर म्ह लियाया सै।

30 फेर सारे नगर म्ह दंगा माचगया, अर माणस भाजकै कट्ठे होए, अर पौलुस नै पकड़कै मन्दर कै बाहरणै घसीट लियाए, अर जिब्बे किवाइ बन्द करे गये। 31 जिब वे उसनै मार देणा चाहवै थे, तो पलटन के सरदार नै सन्देशा पोंहच्या के सारे यरुशलेम नगर म्ह दंगा माचरया सै। 32 फेर वो जिब्बे सिपाहियाँ अर सूबेदारां नै लेकै उनकै धोरै तळै भाज आया, अर उननै पलटन के सरदार अर सिपाहियाँ ताहीं देखकै पौलुस ताहीं मारणा-छेतणा छोड़ दिया।

33 फेर पलटन के सरदार नै धोरै आकै पौलुस ताहीं पकड़ लिया, अर दो साँकळां तै बाँधण का हुकम देकै बुझ्झण लागया, “यो कौण सै अर इसनै के करया सै?”

34 पर भीड़ म्ह तै कोए किमे अर कोए किमे चिल्लान्दा रहया। जिब रोले कै कारण वो सही सच्चाई न्ही जाण सक्या, तो उस ताहीं गढ़ म्ह ले जाण का हुकम दिया।

35 जिब वो सीढ़ी पै पोंहच्या, तो इसा होया के भीड़ की दाब कै मारे सिपाहियाँ नै उस ताहीं ठाकै ले जाणा पड्या। 36 क्यूँके माणसां की भीड़ न्यू चिल्लान्दी होई उसकै पाच्छै पड़री थी, “उसनै खतम कर द्यो।”

37 जिब वे पौलुस नै गढ़ म्ह ले जावण आळे थे, तो उसनै पलटन के सरदार तै कह्या, “जै मन्नै इजाजत हो तो मै थारे तै किमे कहूँ?” वो बोल्या, “के तू यूनानी भाषा जाणै सै?”

38 “के तू मिस्र देश का कोनी, जो इन दिनां तै पैहल्या बिद्रोही बणकै, चार हजार हथियार सुधा माणसां नै जंगळ म्ह लेग्या?”

39 पौलुस नै कह्या, “मै तो तरसुस का यहूदी माणस सूँ! मै किलिकिया परदेस के तरसुस नगर का बासिन्दा सूँ। मै तेरे तै बिनती करूँ सूँ के मन्नै माणसां तै बात करण दे।”

40 जिव उसनै हुकम दिया, तो पौलुस नै सीढ़ी पै खड़े होकै माणसां ताहीं हाथ तै इशारा करया। जिव वे चुप होए तो वो इब्रानी भाषा म्ह बोल्लण लाग्या:

22

☞☞☞☞ ☞☞ ☞☞☞☞☞☞☞☞ ☞☞☞☞☞☞ ☞☞ ☞☞☞☞

1 “हे भाईयो अर बुजुर्गो, मेरा बदले म्ह जवाब सुणो, जो मै इब थारे स्याम्ही ल्याऊँ सूँ।”

2 वे न्यू सुणकै के वो हम तै इब्रानी भाषा म्ह बोल्लै सै, और भी बोल-बाल्ले होंगे। फेर उसनै कह्या 3 “मै तो यहूदी माणस सूँ, जो किलिकिया के तरसुस नगर म्ह जन्मा, पर इस नगर म्ह गमलीएल के पायां कै धोरै बैठकै पढ़ाया गया, अर पूर्वजां के नियम-कायदा नै ठीक रीति तै सिखाया गया अर परमेसवर कै खात्तर इसी धुन लारया था, जिस तरियां थम सारे आज लारे सो। 4 मन्नै माणस अर लुगाई दोनुआ ताहीं जुड़-जुड़कै अर जेळ म्ह गेर-गेर कै, इस पंथ नै उरै ताहीं सताया के उन ताहीं मरवा भी दिया। 5 इस बात कै खात्तर महायाजक अर सारे यहूदी अगुवें गवाह सै, के उनतै मै भाईयाँ के नाम पै चिट्ठियाँ लेकै दमिश्क नगर नै चाल्या जाऊँ था, के जो ओड़ै हों उन ताहीं भी सजा दुवाण कै खात्तर बाँधकै यरुशलेम नगर लाऊँ।

☞☞☞☞ ☞☞☞☞-☞☞☞☞☞☞☞☞☞☞ ☞☞ ☞☞☞☞☞☞

6 “जिव मै चाल्दे-चाल्दे दमिश्क नगर कै लोवै पोंहच्या, तो इसा होया के दोपहर कै करीबन चाणचक एक घणा चाँदणा अकास तै मेरै चौगरदे नै चमक्या। 7 अर मै धरती पै गिर गया अर यो शब्द सुण्या, हे शाऊल, हे शाऊल, तू मन्नै क्यातै सतावै सै?”

8 मन्नै जवाब दिया, “हे प्रभु, तू कौण सै?” उसनै मेरै तै कह्या, “मै यीशु नासरी सूँ,” जिस ताहीं तू सतावै सै। 9 मेरे साथियाँ नै चाँदणा तो देख्या, पर मेरै तै जो बोल्लै था उसनै समझ कोनी पाए।

10 फेर मन्नै कह्या, “हे प्रभु, मै के करूँ?” प्रभु नै मेरै तै कह्या, “उठकै दमिश्क नगर म्ह जा, अर जो किमे तेरे तै करण कै खात्तर ठहराया गया सै ओड़ै तेरे तै सब बता दिया जावैगा।” 11 जिव उस चाँदणे के तेज के मारे मन्नै

किमे कोनी दिख्या, तो मै अपणे साथियाँ का हाथ पकड़े होए दमिश्क नगर म्ह आया।

12 “फेर हनन्याह नामक नियम-कायदे कै मुताबिक एक भगत माणस, जो ओड़ै के रहणीये सारे यहूदियाँ म्ह सुनाम्मी था, मेरै धोरै आया,” 13 अर खड़े होकै मेरै तै कह्या, “हे भाई शाऊल, फेर देखण लाग।” उससे बखत मेरी आँख खुलगी अर मन्नै उस ताहीं देख्या।

14 फेर उसनै कह्या, “म्हारै बाप-दादा के परमेसवर नै तेरे ताहीं ज्यातै ठहराया के तू उसकी मर्जी नै जाणै, अर उस धर्मी नै देखै अर उसके मुँह की बात सुणै। 15 क्यूँके तू उसकी ओड़ तै सारे माणसां कै स्याम्ही उन बात्तां का गवाह होगा जो तन्नै देखी अर सुणी सै। 16 इब क्यातै वार करै सै? उठ, बपतिस्मा ले, अर उसका नाम लेकै अपणे पापां की माफी पा ले।”

☞☞☞☞☞☞ ☞☞☞☞☞☞☞☞☞☞ ☞☞☞☞☞☞☞☞☞☞☞☞☞☞☞☞

17 “जिव मै दुबारा यरुशलेम नगर म्ह आकै मन्दर म्ह प्रार्थना करण लागरया था, तो बेसुध होग्या, 18 अर उस ताहीं देख्या के वो मेरै तै कहवै सै, ‘तावळ करकै यरुशलेम नगर तै झट दे-सी लिकड़ज्या,’ क्यूँके वे मेरै बारै म्ह तेरी गवाही कोनी मान्नेगें।”

19 मन्नै कह्या, “हे प्रभु, उननै तो खुदे बेरा सै के मै तेरे पै बिश्वास करण आळा नै जेळ म्ह गेरू अर जगहां-जगहां आराधनालय म्ह छित्वाऊँ था। 20 जिव तेरे गवाह स्तिफनुस का लहू बहाया जाण लागरया था जद मै भी ओड़ैए खड्या था अर इस बात म्ह सहमत था, अर उसके मारणीयां के लत्यां की रुखाळी करूँ था।”

21 अर प्रभु नै मेरै तै कह्या, “चल्या जा क्यूँके मै तेरे ताहीं गैर यहूदियाँ कै धोरै दूर-दूर भेज्जूंगा।”

22 माणस इस बात तक उसकी सुणदे रहे, फेर जोर तै चिल्लाए, “इसे माणस का नाश करो, उसका जिन्दा रहणा ठीक कोनी!”

23 जिव वे चिल्लान्दे अर लत्ते बगान्दे अर अकास म्ह धूळ उड़ावै थे, 24 तो पलटन के सरदार नै कह्या, “इस ताहीं गढ़ म्ह ले जाओ, अर कोड़े मारकै जाँचो, के मन्नै बेरा लाग्गै के माणस किस कारण उसके बिरोध म्ह इस ढाळ चिल्लावै सै।” 25 जिव उननै उस ताहीं फिल्ल्यां तै बाँधया तो पौलुस नै उस सूबेदार तै जो धोरै खड्या था, कह्या, “के यो सही सै के थम एक रोमी माणस ताहीं, अर वो भी बिना कसूरवार ठहराए होए, कोड़े मारो?”

26 सूबेदार नै न्यू सुणकै पलटन के सरदार कै धोरै जाकै कह्या, “तू यो के करै सै? यो तो रोमी माणस सै।”

27 फेर पलटन के सरदार नै उसके धोरै आकै कह्या, “मन्नै बता, के तू रोमी सै?” उसनै कह्या, “हाँ।”

28 न्यू सुणकै पलटन के सरदार नै कह्या, “मन्नै रोमी होण का पद घणे रपिये देकै मिल्या सै।” पौलुस नै कह्या, “मै तो जन्म तै रोमी सू?”

29 फेर जो माणस उस ताहीं जांच्चण पै थे, वे जिब्बे उसके धोरै तै हटगे, अर पलटन का सरदार भी न्यू जाणकै के यो रोमी सै अर मन्नै उस ताहीं बाँधया सै, डरग्या।

30 दुसरे दिन उसनै सही-सही जाणण की मर्जी तै के यहूदी उसपै क्यातै दोष लावै सै, उसके बन्धन खोल दिए, अर प्रधान याजकां अर यहूदी अगुवां की सभा ताहीं कट्टा होण का हुकम दिया, अर पौलुस नै तळै ले जाकै उनके स्याम्ही खड्या कर दिया।

23

1 पौलुस नै यहूदी अगुवां की सभा की ओड़ गौर तै देख्या अर कह्या, “हे भाईयो, मन्नै आज ताहीं परमेसवर के खात्तर जमा-कती सच्चे मन तै जीवन बिताया सै।” 2 इसपै हनन्याह महायाजक नै उन ताहीं जो उसके धोरै खड़े थे, उसके मुँह पै थप्पड़ मारण का हुकम दिया। 3 फेर पौलुस नै उसतै कह्या, “हे चुन्ना फिरी होड़ भीत, परमेसवर तेरे ताहीं मारैगा। तू नियम-कायदे के मुताबिक मेरा न्याय करण नै बेट्या सै, अर फेर के नियम-कायदे के खिलाफ मेरै ताहीं मारण का हुकम देवै सै?”

4 जो धोरै खड़े थे उननै कह्या, “के तू परमेसवर के महायाजक नै आच्छा-भुंडा बोल्लै सै?”

5 पौलुस नै कह्या, “हे भाईयो, मन्नै न्ही बेरा था के यो महायाजक सै, क्यूँके वचन म्ह लिख्या सै: ‘अपणे माणसां के प्रधान नै भुंडा ना बोलिए।’”

6 फेर पौलुस नै न्यू जाणकै के एक टोळ सदकी अर दुसरा फरीसी लोग्गां का सै, यहूदी अगुवां की सभा म्ह रुक्का मारकै कह्या, “हे भाईयो, मै फरीसी अर फरीसी लोग्गां के वंश का सू, मरे होया की आस अर पुनरुत्थान के बारै म्ह मेरा मुकद्दमा होरया सै।” 7 जब उसनै या बात कही तो फरीसियाँ अर सदकियाँ म्ह दंगा होण लाग्या, अर सभा म्ह फूट पड़गी। 8 क्यूँके सदकियाँ का बिश्वास तो न्यू कहवै सै, के ना पुनरुत्थान सै, ना सुर्गदूत अर ना आत्मा सै, पर फरीसी इन सारया नै मान्नै सै।

9 फेर घणा दंगा माच्या अर कुछ शास्त्री जो फरीसियाँ के टोळ के थे, उठ लिए अर न्यू कहकै दंगा करण लागगे, “हम इस माणस म्ह कोए बुराई कोनी पांदे, अर जै कोए आत्मा या सुर्गदूत उसतै बोल्या सै तो फेर के होग्या?” 10 जब घणा दंगा होया, तो पलटन के सरदार नै इस भय तै के वे पौलुस के टुकड़े-टुकड़े ना

कर देवै, पलटन ताहीं हुकम दिया के उतरकै उस ताहीं उनके बिचाळै तै हाँगे तै लिकाड़ै, अर गढ़ म्ह ले जावै।

11 उस्से रात प्रभु यीशु नै उसके धोरै खड़े होकै कह्या, “हे पौलुस, धीरज राख, क्यूँके जिसी तन्नै यरुशलेम नगर म्ह मेरी गवाही देई, उसीए तन्नै रोम म्ह भी गवाही देणी होगी।”

12 जब दिन लिकड़या तो यहूदियाँ नै साजिस रची अर कसम खाई के जिब ताहीं हम पौलुस नै मार न्ही देवा, जै हम खावां या पीवां तो म्हारै पै धिक्कार सै।

13 जिन नै आप्स म्ह या कसम खाई थी, वे चाळीस जण्यां तै घणे थे। 14 उननै प्रधान याजकां अर यहूदी अगुवां के धोरै जाकै कह्या, “हमनै न्यू ठान लिया सै के जिब ताहीं हम पौलुस नै मार न्ही देंदे, जद ताहीं जै किमे चाक्खां तो म्हारै पै धिक्कार सै।” 15 इस करकै इब यहूदी अगुवां की सभा सुधा पलटन के सरदार नै समझाओ के उसनै धारे धोरै लियावै, मान ल्यो के थम उसके बारै म्ह और भी सही तै जाँच करणा चाहवो सो, अर हम उसके पोहोचण तै पैहल्याए उस ताहीं मार देण के खात्तर त्यार रहवांगे।”

16 पौलुस के भाणजै नै सुण्या के वे उसकी टाह म्ह सै, तो गढ़ म्ह जाकै पौलुस ताहीं संदेशां दिया।

17 पौलुस नै सूबेदारां म्ह तै एक ताहीं अपणे धोरै बुलाकै कह्या, “इस जवान नै पलटन के सरदार के धोरै ले जाओ, यो उसतै किमे कहणा चाहवै सै।”

18 इस करकै उसनै उस ताहीं पलटन के सरदार के धोरै ले जाकै कह्या, “कैदी पौलुस नै मेरै ताहीं बुलाकै बिनती करी के यो जवान पलटन के सरदार तै किमे कहणा चाहवै सै, उस ताहीं उसके धोरै ले जा।”

19 पलटन के सरदार नै उसका हाथ पकड़कै अर न्यारा जाकै बुझ्झया, “तू मेरै तै के कहणा चाहवै सै?”

20 वो बोल्या, “यहूदियाँ नै साजिस रची सै के तेरे तै बिनती करै के काल पौलुस नै यहूदी अगुवां की सभा म्ह ल्यावै, मान्नो वे और सही ढाळ तै उसकी जाँच करणा चाहवै सै। 21 पर उनकी मानियो मतना, क्यूँके उन म्ह तै चाळीस के उप्पर माणस उसनै मारण की टाह म्ह सै, जिन नै न्यू ठान लिया सै के जिब ताहीं वे पौलुस नै मार न्ही देवै, जद ताहीं ना खावैंगे अर ना पीवैंगे, अर इब वे त्यार सै अर तेरे वचन की बाट देखण लागरे सै।”

22 फेर पलटन के सरदार नै जवान ताहीं यो हुकम देकै बिदा करया, “किसे तै ना कहिये के तन्नै मेरै तै ये बात बताई सै।”

23 फेर उसने दो सूबेदारों ताहीं बुलाकै कह्या, “दो सौ सिपाही, सत्तर सवार, अर दो सौ भालैत, रात के नौ बजे कैसरिया नगर नै जाणकै खात्तर त्यार कर करो।

24 अर पौलुस की सवारी कै खात्तर घोड़े त्यार राक्खो, के उस ताहीं फेलिक्स राज्यपाल कै धोरै राज्जी-खुशी तै पोहोचा दे।”

25 उसने इस तरियां की चिट्ठी भी लिक्खी

26 महामहिम फेलिक्स राज्यपाल ताहीं क्लौकियुस लूसियास का नमस्कार।

27 इस माणस ताहीं यहूदियाँ नै पकड़कै मार देणा चाह्या, पर जब मन्ने जाण्या के रोमी सै, तो पलटन लेकै छुड़ा ल्याया। 28 मै जाणणा चाहूँ था के वे उसपै किस कारण दोष लावै सै, ज्यांतै उस ताहीं यहूदी अगुवां की सभा म्ह ले गया। 29 फेर मन्ने जाण लिया के वे अपने नियम-कायदे कै रोळे कै बारै म्ह उसपै इल्जाम लगावै सै, पर मार देण जोगगा या बाँधे जाणकै जोगगा उस म्ह कोए कसूर कोनी। 30 जब मेरै ताहीं बताया गया के वे इस माणस की टाह म्ह लागरे सै तो मन्ने जिब्बे उस ताहीं तेरे धोरै भेज दिया, अर बैरियाँ ताहीं भी हुकम दिया के तेरे स्याम्ही उसपै नालिश करै।

31 आखर म्ह जिसा सिपाहियाँ नै हुकम मिल्या था, उससे तरियां ए वे पौलुस नै लेकै रातो-रात अन्तिपत्रिस म्ह आये।

32 दुसरे दिन वे सवारा नै उसकै गेल्या जाणकै खात्तर छोड़कै खुद यरुशलेम म्ह बोहड़ै। 33 उननै कैसरिया पोहचकै राज्यपाल ताहीं चिट्ठी दी, अर पौलुस ताहीं भी उसकै स्याम्ही खड्या करया। 34 राज्यपाल नै चिट्ठी पढ़कै बुझ्झया, “यो किस प्रान्त का सै?” 35 अर जब जाण लिया के किलिकिया परदेस का सै तो उसतै कह्या, “जब तेरे बैरी भी आवैगें, तो मै तेरा मुकद्दमा करूँगा।” अर उसने उस ताहीं हेरोदेस कै किले म्ह पहरै म्ह राक्खण का हुकम दिया।

24

1 पाँच दिन कै पाच्छै हनन्याह महायाजक कई यहूदी अगुवें अर तिरतुल्लुस नामक किसे वकील नै गेल्या लेकै कैसरिया नगर आ पोहचे। उननै राज्यपाल कै स्याम्ही पौलुस कि बुराई करी। 2 जब पौलुस बुलाया गया तो तिरतुल्लुस उसपै इल्जाम लाकै कहण लाग्या: “हे महामहिम फेलिक्स, तेरे जरिये हम राज्जी-खुशी सां,

अर तेरे इन्तजाम तै इस जात कै खात्तर घणीए बुराईयाँ सुधरदी जावै सै। 3 इस ताहीं हम हरेक जगहां अर हरेक तरियां तै धन्यवाद कै गैल मान्नां सां। 4 मै तेरा और ज्यादा बखत कोनी लेऊँ, मै तेरे तै बिनती करूँ सू के दया करकै दो-एक बात सुण ले।”

5 “बात या सै के इस माणस ताहीं हमनै एक उत्पाती के रूप म्ह पाया सै, सारी दुनिया के यहूदिया परदेस म्ह इसनै दंगे भड़काए सै, यो नासरियाँ के पंथ का नेता सै। 6 उसनै मन्दर ताहीं अशुद्ध करणा चाह्या, पर हमनै उस ताहीं पकड़ लिया। (हमनै उस ताहीं अपने नियम-कायदे कै मुताबिक सजा दे दी होन्दी, 7 पर पलटन के सरदार लूसियास नै उस ताहीं हाँगे तै म्हारै हाथ तै खोस लिया, 8 अर बैरियाँ ताहीं तेरे स्याम्ही आण का हुकम दिया।) इन सारी बातों नै जिनकै बारै म्ह हम उसपै इल्जाम लावां सां, तू खुदे ए उसनै जाँच करकै जाण लेवैगा।”

9 यहूदियाँ नै भी उसका साथ देकै कह्या, ये बात इस्से ढाळ तै करी सै।

10 जब राज्यपाल नै पौलुस ताहीं बोल्लण का इशारा करया, तो उसनै जवाब दिया: “मै न्यू जाणकै के तू घणे साल्लां तै इस जात का न्याय करण लागरया सै, खुशी तै अपना बदले का जवाब देऊँ सूँ। 11 तू आप्पे ए जाण सकै सै जब तै मै यरुशलेम नगर के मन्दर म्ह आराधना करण नै आया, मन्ने बारहा दिनां तै बाध कोनी होए, 12 उननै मेरै ताहीं ना मन्दर म्ह, ना आराधनालयाँ म्ह, ना किसे नगर म्ह किसे तै बहस करदे या भीड़ लगांदे पाया, 13 अर ना तो वे उन बातों ताहीं, जिनका वे इब मेरै पै दोष लावै सै, तेरे स्याम्ही साच्ची साबित कर सकै सै। 14 पर मै तेरे स्याम्ही यो मान ल्यु सूँ के जिस पन्थ नै वे बुरा पन्थ कहवै सै, उससे की रीत पै मै अपने बाप-दादा के परमेसवर की सेवा करूँ सूँ, अर जो बात नियम-कायदे अर नबियाँ की किताबां म्ह लिक्खी सै, उन सारया पै विश्वास करूँ सूँ। 15 अर परमेसवर तै आस राक्खूँ सूँ जो वे खुद भी राक्खै सै, के धर्मी अर अधर्मी दोनुआ का जिन्दा उठणा होवैगा। 16 इसतै मै खुद भी कोशिश करूँ सूँ के परमेसवर की, अर माणसां की ओड़ तै मेरा मन सारी-हाण बेकसूर रहवै।”

17 “घणे साल्लां पाच्छै मै गरीबां नै दान पोहोचाण, अर भेंट चढ़ाण आया था। 18 उससे बखत इननै मेरै ताहीं मन्दर म्ह, शुद्ध होण की रीति पूरी करते देख्या, ओड़ै ना कोए भीड़ थी, अर ना ए किसे ढाळ का शोर, पर ओड़ै आसिया परदेस के कई यहूदी थे 19 जै मेरै विरोध म्ह उनकै धोरै कोए बात कहण की हो तो उरै तेरे स्याम्ही आकै मेरै पै इल्जाम लांदे। 20 या ये खुद ए बतावै के

जिब मै यहूदी अगुवां की सभा कै स्याम्ही खड्या था, तो उननै मेरै म्ह कौण सा कसूर पाया? 21 इस एक बात नै छोड़ जो मन्नै उनकै बिचाळै खड्या होकै कही थी: 'भरे होया के जिन्दा उठण कै बारै म्ह आज मेरा थारे स्याम्ही मुकद्दमा होण लागरया सै।' "

22 फेलिक्स नै, जो इस पन्थ की बात सही-सही जाणै था, उन ताहीं न्यू कहकै टाळ दिया, "जिब पलटन का सरदार लूसियास आवैगा, तो थारी बात का फैसला करूंगा।" 23 उसनै सूबेदार ताहीं हुकम दिया के पौलुस ताहीं जेळ म्ह तो राख्या जावै पर उस ताहीं इतनी छूट जरूर दी जावै के उसके खास साथी आकै उसकी सेवा कर सकै।

24 कुछ दिनां पाच्छै फेलिक्स हाकिम अपनी घरआळी दुसिल्ला ताहीं, जो यहूदी थी, गेल्या लेकै आया अर पौलुस ताहीं बुलवाकै उस बिश्वास कै बारै म्ह जो मसीह यीशु पै सै, उसतै सुण्या। 25 जिब पौलुस धर्म, अर संयम, अर आण आळे न्याय का जिक्र करण लागरया था, तो फेलिक्स नै भयभीत होकै जवाब दिया, "इब तो जा, मौक्का मिल तिए मै तन्नै दुबारा बुलवाऊंगा।" 26 फेलिक्स ताहीं पौलुस तै कुछ रपिये मिलण की भी आस थी, ज्यांतै और भी बुला-बुलाकै उसतै बात करया करै था।

27 पर जिब दो साल बीतगे तो पुरकियुस फेस्तुस, फेलिक्स की जगहां पै आया, अर फेलिक्स यहूदियाँ ताहीं राज्जी करण की मर्जी तै पौलुस ताहीं कैदी ए छोड़ गया।

25

1 राज्यपाल पद का काम सम्हाळण के तीन दिन बाद फेस्तुस कैसरिया नगर तै यरुशलेम नगर म्ह गया। 2 फेर प्रधान याजकां अर यहूदियाँ के खास माणसां नै उसकै स्याम्ही पौलुस की बुराई करी, 3 के वो खियास करकै पौलुस ताहीं यरुशलेम नगर भेजदे, असल म्ह उसकी तरकीब राह म्ह मौक्का देखकै पौलुस ताहीं मारण की थी। 4 फेस्तुस नै जवाब दिया, "पौलुस कैसरिया म्ह पहरे म्ह सै, अर मै आप्पे ए तावळ तै ओड़ै जाऊंगा।" 5 फेर बोल्या, "थारे म्ह जो अधिकार राख्वै सै वे गैल चाल्लै, अर जै इस माणस नै किमे गलत काम करया सै तो उसपै इल्जाम लावै।"

6 उनकै बिचाळै कोए आठ-दस दिन रहकै फेस्तुस कैसरिया चल्या गया, अर दुसरे दिन न्याय-गद्दी पै बैठकै

पौलुस ताहीं ल्याण का हुकम दिया। 7 जिब वो आया तो जो यहूदी अगुवें यरुशलेम नगर तै आये थे, उननै लोवै-धोवै खड़े होकै उसपै घणे भारया दोष लगाये, जिनका सबूत वे कोनी दे सकै थे।

8 पर पौलुस नै जवाब दिया, "मन्नै ना तो यहूदियाँ के नियम-कायदे कै अर ना मन्दर कै, अर ना ए कैसर कै बिरुध्द कोए अपराध करया सै।"

9 फेर फेस्तुस नै यहूदी अगुवां ताहीं राज्जी करण के मकसद तै पौलुस तै कह्या, "के तू चाहवै सै के यरुशलेम नगर नै जावै, अर ओड़ै मेरै स्याम्ही तेरा यो मुकद्दमा तय करया जावै?"

10 पौलुस नै कह्या, "मै कैसर कै न्याय-गद्दी कै स्याम्ही खड्या सूं, मेरै मुकद्दमे फैसला उरैए होणा चाहिये। जिसा तन्नै आच्छी ढाळ बेरा सै, यहूदियाँ का मन्नै किमे अपराध कोनी करया। 11 जै मै अपराधी सूं अर मारण कै जोगगा कोए काम करया सै, तो मरण तै कोनी नाटदा, पर जिन बात्तां की ये मेरै पै इल्जाम लावै सै, जै उन म्ह तै कोए भी बात साच्ची न्ही लिक्डी, तो कोए मेरै ताहीं उनकै हाथ्यां न्ही सौंप सकदा। मै कैसर की दुहाई द्यु सूं।"

12 फेर फेस्तुस नै मन्त्रियाँ की सभा कै गेल्या बात करकै जवाब दिया, "तन्नै कैसर की दुहाई दी सै, तू कैसर कै ए धोरै जावैगा।"

13 कुछे दिन बीतण कै पाच्छै अगिरप्पा राजा अर बिरनीके नै कैसरिया म्ह आकै फेस्तुस तै भेंट करी। 14 उनकै घणे दिन ओड़ै रहण कै पाच्छै फेस्तुस नै पौलुस कै बारै म्ह राजा ताहीं बताया "एक माणस सै, जिस ताहीं फेलिक्स कैदी छोड़ गया सै।" 15 जिब मै यरुशलेम नगर म्ह था, तो प्रधान याजक अर यहूदिया परदेस के यहूदी अगुवां नै उसकी बुराई करी अर चाह्या के उसपै दण्ड का हुकम होवै।

16 पर मन्नै उन ताहीं जवाब दिया के रोमियों की या रीत कोनी के किसे माणस ताहीं सजा कै खात्तर सौंप देवै, जिब ताहीं मुजरिम ताहीं अपने बैरियाँ कै स्याम्ही खड़े होकै दोष का जवाब देण का मौक्का ना मिलै। 17 आखर जिब वे कट्टे होए, तो मन्नै किमे वार कोनी करी, पर दुसरे ए दिन न्याय-गद्दी पै बैठकै उस माणस ताहीं ल्याण का हुकम दिया। 18 जिब उसके बैरी खड़े होए, तो उननै इसी गलत बात्तां की इल्जाम कोनी लाई, जिसा मै समझूँ था। 19 पर वे अपने पंथ कै अर यीशु नाम किसे माणस कै बारै म्ह, जो मरगया था अर पौलुस उस

ताहीं जिन्दा बतावै था, बहस करै थे। 20 मै उलझन म्ह था के इन बातों का बेरा किस ढाळ लाऊँ? ज्यातै मन्नै उसतै बुझ्झया, के तू यरुशलेम नगर जावैगा के ओड़ै इन बातों का फैसला होवै? 21 पर जिब पौलुस नै दुहाई देई के “उसके मुकद्दमे का फैसला सम्राट के उरै हो, तो मन्नै हुकम दिया के जिब तक उस ताहीं कैसर के धोरै न्ही भेज्जू, उस ताहीं हिरासत म्ह राख्या जावै।”

22 फेर अग्रिप्पा नै फेस्तुस तै कह्या, “मै भी उस माणस की सुणणा चाहूँ सूँ।” उसनै कह्या, “तू काल सुण लेवैगा।”

23 आखर म्ह दुसरे दिन जिब अग्रिप्पा अर बिरनीके बड्डी धूम-धड़ाके तै आये अर पलटन के सरदारों अर नगर के खास आदमियाँ के गेल्या दरबार म्ह पोहचे। फेर फेस्तुस नै हुकम दिया के वे पौलुस ताहीं ली यावै।

24 फेस्तुस नै कह्या, “हे राजा अग्रिप्पा, अर हे सारे माणसों जो उरै म्हारै गेल्या सो, थम इस माणस नै देख्खो सो, जिसके बारे म्ह सारे यहूदियाँ नै यरुशलेम नगर म्ह अर उरै भी रुक्के मार-मारके मेरै तै बिनती करी के इसका जिन्दा रहणा सही कोनी। 25 पर मन्नै बेरा पाट लिया के उसनै इसा किमे कोनी करया के मार दिया जा, अर जिब के उसनै आप्पे ए सम्राट की दुहाई दी, तो मन्नै उस ताहीं खन्दाण का फैसला करया। 26 मन्नै उसके बारे म्ह कोए पक्की बात कोनी पाई के अपने माल्लिक के धोरै लिखूँ। ज्यातै मै उस ताहीं थारे स्याम्ही अर खासकर हे राजा अग्रिप्पा तेरे स्याम्ही ल्याया सूँ के जाँचे पाच्छै, मन्नै किमे लिखण का मौक्का मिलै। 27 क्यूँके कैदी ताहीं खन्दाणा अर जो दोष उसपै लगाये सै, उन ताहीं न्ही बताणा, मन्नै खामखां लाग्या सै।”

26

अग्रिप्पा नै पौलुस तै कह्या, “तेरे ताहीं अपने बाबत बोल्लण की आज्ञा सै।” फेर पौलुस हाथ तै इशारा करके जवाब देण लाग्या, 2 “हे राजा अग्रिप्पा, जितनी बातों का यहूदी अगुवें मेरै पै इल्जाम लावै सै, आज तेरे स्याम्ही उनका जवाब देण म्ह अपने ताहीं धन्य समझूँ सूँ, 3 खास करके ज्यातै के तू सारी यहूदी प्रथा अर परेशानियाँ नै भली-भाँति जाणै सै। इस करके मै बिनती करूँ सूँ, धीरज तै मेरी सुण।”

4 “मेरा चाल-चलण शरुआत तै अपनी जात के बिचाळै अर यरुशलेम नगर म्ह जिसा था, उसका सारे यहूदियाँ नै बेरा सै। 5 जै वे गवाही देणा चाहवें, तो तू मेरै ताहीं तब तै पिच्छाणै सै जिब मै जवान था, के मै

फरीसी होके अपने धर्म के सबतै खरे पन्थ के मुताबिक चाल्या। 6 अर आज मै परमेसवर के जरिये म्हारे पूर्वजां नै दिए गये उस वादे की आस के कारण उरै दोषी के रूप म्ह खड्या सूँ। 7 यो वोए वादा सै, जिसके पूरे होण की आस म्हारे बारहां कुल दिन-रात सच्चाई म्ह परमेसवर की भगति-आराधना करदे होए आये सै। हे राजा, आज मेरे पै यहूदियाँ के जरिये मुकद्दमा इस्से आस के कारण चलाया जाण लागरया सै। 8 जिब के परमेसवर मरे होया नै जिन्दा करै सै, तो थारे उरै या बात क्यातै बिश्वास के जोगगी कोनी समझी जान्दी?”

9 “मन्नै भी समझया था के यीशु नासरी के नाम के बिरोध म्ह मन्नै भोत कुछ करणा चाहिये। 10 अर मन्नै यरुशलेम नगर म्ह न्यूए करया, अर प्रधान याजकां तै हक पाके घणखरे पवित्र माणसां ताहीं जेळ म्ह गेरया, अर जिब वे मार दिये जावै थे तो मै भी उनके बिरोध म्ह अपनी राय द्यु था। 11 हरेक आराधनालय म्ह मै उन ताहीं काल कर-करके यीशु की बुराई करवाऊँ था, उरै ताहीं के छो के मारे इसा बावळा होग्या के दुसरे नगरां म्ह भी जाके उन ताहीं काल करूँ था।”

अग्रिप्पा नै कह्या, “तू काल सुण लेवैगा।” (अग्रिप्पा 9:1-19; 22:6-16)

12 “इस्से धुन म्ह जिब मै प्रधान याजकां तै अधिकार अर हुकम-चिट्ठी लेके दमिश्क नगर नै जाण लागरया था, 13 तो हे राजा, राह म्ह दोफारी के बखत मन्नै अकास तै सूरज के तेज तै भी बढके एक चाँदणा, अपने अर अपने गेल्या चाल्लण आळा के चौगरदे नै चमकदा होइ देख्या। 14 जिब हम सारे धरती पै पड़गे, तो मन्नै इब्रानी भाषा म्ह, मेरै तै न्यू कहन्दे होए एक बोल सुण्या, हे शाऊल, हे शाऊल, तू मन्नै क्यातै सतावै सै? पने पै लात मारणा तेरे खात्तर ओक्खा सै। (जै तू मन्नै सतावैगा तो तू खुद नै सतावैगा)।”

15 फेर मै बोल्या, “हे प्रभु, तू कौण सै?” प्रभु नै कह्या, “मै यीशु सूँ, जिस ताहीं तू सतावै सै। 16 पर तू उठ, अपने पायां पै खड्या हो, क्यूँके मन्नै तेरे ताहीं ज्यातै दर्शन दिया सै के तन्नै उन बातों का भी सेवक अर गवाह ठहराऊँ, जो तन्नै देखी सै, अर उनका भी जिनके खात्तर मै तन्नै दर्शन दियुँगा। 17 अर मै तन्नै तेरे माणसां तै अर गैर यहूदियाँ तै बचान्दा रहूँगा, जिनके धोरै मै इब तन्नै इस करके भेज्जू सूँ 18 के तू उनकी आँख खोल्लै के वे अन्धेरै तै चाँदणे कान्ही, अर शैतान के अधिकार तै परमेसवर के कान्ही पलटै, इस करके के पापां की माफी अर उन माणसां के गेल्या जो मेरै पै बिश्वास करण तै पवित्र करे गये सै, वसियत पावै।”

१९ २० २१ २२ २३ २४ २५ २६ २७ २८ २९ ३० ३१ ३२ ३३ ३४ ३५ ३६ ३७ ३८ ३९ ४० ४१ ४२ ४३ ४४ ४५ ४६ ४७ ४८ ४९ ५० ५१ ५२ ५३ ५४ ५५ ५६ ५७ ५८ ५९ ६० ६१ ६२ ६३ ६४ ६५ ६६ ६७ ६८ ६९ ७० ७१ ७२ ७३ ७४ ७५ ७६ ७७ ७८ ७९ ८० ८१ ८२ ८३ ८४ ८५ ८६ ८७ ८८ ८९ ९० ९१ ९२ ९३ ९४ ९५ ९६ ९७ ९८ ९९ १००

19 “इस करके हे राजा अग्रिप्पा, मन्नै उस सुर्गीय दर्शन की बात कोनी टाळी, 20 मन्नै सबतै पैहल्या दमिश्क नगर कै, फेर यरुशलेम नगर कै, अर फेर यहूदिया परदेस के बासिन्दा ताहीं, अर गैर यहूदियाँ म्ह भी यो प्रचार करदा रहया के पाप करणा छोड़के परमेसवर कान्ही बोहड़ आओ, अर अपने सुभाव के जरिये यो साबित करो के थमनै पाप करणा छोड़ दिया सै। 21 इन बातों के कारण यहूदी मन्नै मन्दर म्ह पकड़के मार देण की कोशिश करै थे। 22 पर परमेसवर की मदद तै मै आज ताहीं बण्या सूं छोटा-बड़या सारया के स्याम्ही गवाही दूं सूं, अर उन बातों नै छोड़ किमे कोनी कहन्दा जो नबियाँ अर मूसा नबी नै भी कह्या के होण आळी सै, 23 के मसीह नै दुख ठाणा होगा, अर वोए सब तै पैहल्या मरे होया म्ह तै जी उठके, म्हारै माणसां म्ह गैर यहूदियाँ म्ह चाँदणे का प्रचार करैगा।”

24 जब वो इस तरियां तै जवाब देण लागरया था, तो फेस्तुस नै ऊँची आवाज म्ह कह्या, “हे पौलुस, तू बावळा सै। घणे ज्ञान नै तेरे ताहीं बावळा कर दिया सै।”

25 पर पौलुस नै कह्या, “हे महामहिम फेस्तुस, मै बावळा कोनी, पर सच्चाई अर बुद्धि की बात कहूं सूं। 26 राजा नै भी जिसके स्याम्ही मै बिना डरे बोल्लण लागरया सूं, इन बातों का बेरा सै, अर मन्नै विश्वास सै के इन बातों म्ह तै कोए उसतै लुक्ही कोनी, क्यूँके यो वाक्या गुप्त म्ह कोनी होया। 27 हे राजा अग्रिप्पा, के तू नबियाँ का विश्वास करै सै? हाँ, मन्नै बेरा सै के तू विश्वास करै सै।”

28 फेर अग्रिप्पा नै पौलुस तै कह्या, “तू माड़े-से समझाण तै मन्नै मसीह बणाणा चाहवै सै?”

29 पौलुस बोल्या, “परमेसवर तै मेरी प्रार्थना सै के, देर या सबेर तै, पर ये सारे सुणण आळे, जो आज मेरी बात सुणै सै, वे मेरै समान हो जावै।”

30 फेर राजा अर अधिकारी अर बिरनीके अर उनके गेल्या बैठणीये उठ खड़े होए, 31 न्यायालय तै बाहर लिकाड़के आपस म्ह कहण लागगे, “यो माणस इसा तो किमे कोनी करदा, जो मौत की सजा या जेळ, म्ह गेरण जोगगा हो।”

32 अग्रिप्पा नै फेस्तुस तै कह्या, “जै यो माणस कैसर की दुहाई न्ही देंदा, तो छूट सके था।”

27

१ २ ३ ४ ५ ६ ७ ८ ९ १० ११ १२ १३ १४ १५ १६ १७ १८ १९ २० २१ २२ २३ २४ २५ २६ २७ २८ २९ ३० ३१ ३२ ३३ ३४ ३५ ३६ ३७ ३८ ३९ ४० ४१ ४२ ४३ ४४ ४५ ४६ ४७ ४८ ४९ ५० ५१ ५२ ५३ ५४ ५५ ५६ ५७ ५८ ५९ ६० ६१ ६२ ६३ ६४ ६५ ६६ ६७ ६८ ६९ ७० ७१ ७२ ७३ ७४ ७५ ७६ ७७ ७८ ७९ ८० ८१ ८२ ८३ ८४ ८५ ८६ ८७ ८८ ८९ ९० ९१ ९२ ९३ ९४ ९५ ९६ ९७ ९८ ९९ १००

1 जब फेस्तुस राज्यपाल के जरिये यो पक्का होगया के हम जहाज कै जरिये इटली देश जावां, तो उननै

पौलुस अर कुछ दुसरे कैदियाँ ताहीं भी यूलियुस नामक औगुस्तुस सम्राट की पलटन कै एक सूबेदार कै हाथ्याँ सौंप दिया। 2 अद्रमुत्तियुम नगर के एक जहाज पै जो आसिया परदेस कै किनारे की जगहां पै जाण पै था, पाणी रास्ते हमनै अपना सफर शरु करया, अर अरिस्तर्खुस नामक जो मकिदुनिया परदेस के थिस्सलुनीके नगर का एक बसिन्दा था।

3 दुसरे दिन हम सैदा नगर पोहचाये गये, अर यूलियुस नै पौलुस पै दया करके उस ताहीं साथियाँ कै उरै जाण दिया के उनतै जरूरी चीज ले आवां। 4 ओड़ै तै हमनै सफर दुबारा शरु करया, हवा कै पलट होण कै कारण हम साइप्रस टापू की ओट म्ह होके चाल्ले, 5 अर किलिकिया परदेस अर पंफूलिया किनारे कै लोवै कै समुन्दर म्ह होके लूसिया के मूरा नगर म्ह उतरे। 6 ओड़ै सूबेदार नै सिकन्दरिया नगर का एक जहाज इटली देश जान्दा होड़ मिल्या, अर उसनै म्हारै ताहीं उस जहाज पै चढ़ा दिया। 7 जब हम घणे दिनां ताहीं होळे-होळे चालके मुश्किल तै कनिदुस कस्बे कै स्याम्ही पोहचे, तो इस करके के हवा म्हारै ताहीं आगै बढ़ण कोनी देवै थी, हम सलमोने कै स्याम्ही तै होके करेते टापू की आड़ म्ह चाल्ले, 8 अर उसके किनारे-किनारे मुश्किल तै चालके “शुभलंगरबारी” नामक एक जगहां पोहचे, जित्त तै लसया नगर लोवै था।

9 जब घणे दिन बीत लिये अर पाणी कै सफर म्ह जोखम ज्यांतै होवै थी बरत के दिन इब बीत लिये थे। आखर म्ह पौलुस नै उन सारया ताहीं कहके चेतावनी दी, 10 “हे सज्जनों, मन्नै इसा लागै सै के इस सफर म्ह मुश्किल अर घणा नुकसान, ना सिर्फ माळ अर जहाज की बल्के म्हारी जान का भी, होणआळा सै।” 11 पर सूबेदार नै पौलुस की बातों तै कप्तान अर जहाज कै माल्लिक की बातों तै बाध मान्या। 12 शुभ लंगरबारी नाम का बंदरगाह जाड्डा काटण कै खात्तर सही कोनी था, ज्यांतै घणाए का विचार होया के ओड़ै तै आगै बढ़ जावां जै किसे तरियां तै हो सके तो फीनिक्स पोहचके जाड्डा काटै। यो तो करेते टापू का एक बंदरगाह सै जो दक्षिण-पश्चिम अर उत्तर-पश्चिम कान्ही खुलै सै।

१३ १४ १५ १६ १७ १८ १९ २० २१ २२ २३ २४ २५ २६ २७ २८ २९ ३० ३१ ३२ ३३ ३४ ३५ ३६ ३७ ३८ ३९ ४० ४१ ४२ ४३ ४४ ४५ ४६ ४७ ४८ ४९ ५० ५१ ५२ ५३ ५४ ५५ ५६ ५७ ५८ ५९ ६० ६१ ६२ ६३ ६४ ६५ ६६ ६७ ६८ ६९ ७० ७१ ७२ ७३ ७४ ७५ ७६ ७७ ७८ ७९ ८० ८१ ८२ ८३ ८४ ८५ ८६ ८७ ८८ ८९ ९० ९१ ९२ ९३ ९४ ९५ ९६ ९७ ९८ ९९ १००

13 जब दक्षिणी हवा होळे-होळे चाल्लण लागगी, तो न्यू सोच्या के उनकी तरकीब पूरी करण खात्तर बढ़िया बखत था, लंगर उठाया अर किनारे धोरै होन्दे होए करेते टापू कै किनारे जाण लागगे। 14 पर माड़ी वार म्ह धरती कै कान्ही तै बड़डी ए आँधी उठी, जो “यूरकुलिन” कुह्वावै सै। 15 जब आँधी जहाज पै लागगी तो जहाज उसके

स्याम्ही ठैहर कोनी सक्या, इस करके हमनै जहाज ताहीं हवा के बाहाव छोड़ दिया, अर इस्से तरियां बहन्दे होए चाल्ले गये। 16 फेर कौदा नामक एक छोटे-से टापू की आइ म्ह बहन्दे-बहन्दे हम मुश्किल तै डोंगी नै बस म्ह कर सके। 17 फेर जहाज के मल्लाहां नै उस ताहीं ठाकै सही उपाय करके जहाज ताहीं तलै तै रस्यां तै कसकै बांध्या, अर सुरतिस खाड़ी के चोरबालू पै फँस जाणकै डर तै उननै लंगर ताहीं थोड़े नीचै उतारकै जहाज ताहीं हवा के बाहाव के गैल-गैल बहण कैं खात्तर छोड़ दिया। 18 जब हमनै आंधी तै घणे हिचकोले अर धक्के खाए, तो दुसरे दिन वे जहाज का माळ बगाण लागगे, 19 अर तीसरे दिन उननै अपणे हाथ्यां तै जहाज का साज-सामान भी बगा दिया। 20 जब घणे दिन ताहीं ना सूरज, ना तारे दिक्खे अर बड्डी आंधी चाल्दी रही, तो आखर म्ह म्हारै बचण की सारी उम्मीद जान्दी रही।

21 जब वे घणे दिन ताहीं भूखे रह लिये, तो पौलुस नै उनकै बिचाळै खड़े होकै कह्या, “हे भाईयो, चाहिये था के थम मेरी बात मानकै करेते टापू तै आगै ए ना बढ़ते तो या मुसीबत न्ही आन्दी अर ना यो नुकसान ठान्दे। 22 पर इब मै थमनै समझाऊँ सूँ के धीरज राक्खो, क्यूँके थारे म्ह तै किसे की जान का नुकसान कोनी होवैगा, पर सिर्फ जहाज का। 23 क्यूँके परमेसवर जिसका मै सूँ, अर जिसकी भगति करूँ सूँ, उसके सुर्गदूत नै आखरी रात मेरै धोरै आकै कह्या, 24 हे पौलुस, डरै मतना! तन्नै कैसर कैं स्याम्ही खड्या होणा जरूरी सै। परमेसवर नै सारया ताहीं जो तेरे गेल्या सफर करै सै, जीवन दान दिया सै। 25 ज्यांतै, हे भले माणसों, सब्र करो, क्यूँके मै परमेसवर का बिश्वास करूँ सूँ, के जिसा मेरै तै कह्या गया सै, उसाए होगा। 26 पर म्हारै ताहीं किसे टापू पै जा टिकणा होगा।”



27 जब चौदहवीं रात आई, अर हम अदिरया समुन्दर म्ह भटकदे होए हाँ डरे थे, तो आध्धी रात कैं लोवै मल्लाहां नै अंदाजे तै जाणया के हम किसे देश कैं लोवै पोहच रहे सां। 28 पाणी की गहराई नाप्पण पै उननै एक सौ बीस फुट डून्धा पाया, अर थोड़ा आगै बढ़कै दुबारा थाह लेई तो नब्बै फुट पाया। 29 फेर पथरीली जगहां तै टकराण कैं डर तै उननै जहाज की पिछली ओड़ चार लंगर गेरे, अर सबेरै होण की चाह करदे रहे। 30 पर जब मल्लाह जहाज पै तै भाजणा चाहवै थे, अर गलही तै लंगर गेरण कैं बहाणै डोंगी समुन्दर म्ह उतार दी, 31 तो पौलुस नै सूबेदार अर सिपाहियाँ तै कह्या, “जै ये जहाज पै न्ही रहे, तो थम भी कोनी बच सकदे।” 32 फेर सिपाहियाँ नै जोड़े काटकै डोंगी गेर दी।

33 जब सबेरै होण पै था, फेर पौलुस नै न्यू कहकै, सारया ताहीं खाणा खाण कैं खात्तर बिनती करी, “आज चौदहा दिन होगे सै के थम चिन्ता करते-करते भूखे रहे, अर किमे न्ही खाया। 34 ज्यांतै थारे तै समझाऊँ सूँ के किमे खा ल्यो, जिसतै थारा बचाव होवै, क्यूँके थारे म्ह तै किसे का सिर का एक बाल भी कोनी गिरैगा।” 35 न्यू कहकै उसनै रोटी लेकै सारया कैं स्याम्ही परमेसवर का धन्यवाद करया अर तोड़कै खाण लाग्या। 36 इस बात तै वे सारे उत्साहित होकै खाणा खुवाण लागगे। 37 हम सारे मिलकै जहाज पै दो सौ छिहत्तर जणे थे। 38 जब वे खाणा खाकै छिक्क लिये, तो गेहूँ ताहीं समुन्दर म्ह बगाकै जहाज हल्का करण लागगे।

39 जब दिन लिकड़या तो उननै उस देश ताहीं कोनी पिच्छाणा, पर एक खाड़ी देखी जिसका किनारा चौरस था, अर विचार करया के जै हो सकै तो इस्से पै जहाज नै टिकावै। 40 फेर उननै लंगरा ताहीं खोल कैं समुन्दर म्ह छोड़ दिया अर उस्से बखत पाल के रस्से ढील्ले कर दिये, अर हवा कैं स्याम्ही आगला पाल चढाकै किनारे कैं कान्ही चाल्ले। 41 पर दो समुन्दर के संगम की जगहां पड़कै उननै जहाज ताहीं टिकाया, अर आगला भाग तो टिक गया, पर पिछली ओड़ लहरा तै टूटण लागगी।

42 फेर सिपाहियाँ का यो विचार होया के कैदियाँ ताहीं मार देवै, इसा ना हो के कोए तैर कैं लिकड़ भाज्जै। 43 पर सूबेदार नै पौलुस ताहीं बचाण की मर्जी तै उन ताहीं इस विचार तै रोक्का अर न्यू कह्या, के जो तैर सकै सै, पैहल्या छलाँग मारकै किनारे पै लिकड़ जावै। 44 अर बाकी कोए फट्टा पै, अर कोए जहाज की दुसरी चीज कैं सहारै लिकड़ जावै। इस तरियां तै सारे धरती पै बच लिकड़े।

28



1 जब हम बच लिकड़े, तो बेरा लाग्या के यो माल्टा टापू कुह्वावै सै। 2 ओड़ै के बासिन्दयां नै म्हारै पै अनोक्खी दया करी, क्यूँके मिह बरसण कैं कारण ठण्ड थी, ज्यांतै आग सुलगाकै हम सारया ताहीं ठहराया। 3 जब पौलुस नै लाकड़ियाँ का भरोटा कट्टा करके आग पै धरया, तो एक साँप आँच पाके लिकड़या अर उसकै हाथ तै लिपट गया। 4 जब उन बासिन्दयां नै साँप ताहीं उसकै हाथ तै लिपटे होड़ देख्या, तो आप्पस म्ह कह्या, “साच्चए यो माणस खून्नी सै के फेर भी समुन्दर तै बच गया, तोभी न्याय नै जिन्दा कोनी रहण दिया।” 5 फेर उसनै साँप ताहीं आग म्ह झटक दिया, अर उस ताहीं किमे नुकसान कोनी होया। 6 पर वे लोग बाट देखवै थे के

वो सूज जावैगा या चाणचक पड़कै मर जावैगा, पर जिब वे घणी वार ताहीं देखदे रहे अर देख्या के उसका किमे भी कोनी बिगड़या, तो अपणा विचार बदलकै कह्या, “यो तो कोए देवता सै।”

7 उस जगहां कै लोवै-धोवै उस टापू कै प्रधान पुबलियुस की धरती थी। उसनै म्हारै ताहीं अपणे घरां ले जाकै तीन दिन मित्तर की ढाळ सेवा-पाणी करी। 8 पुबलियुस का बाप बुखार अर बवासीर तै बीमार पड्या था। आखर म्ह पौलुस नै उसकै धोरै कमरे म्ह जाकै प्रार्थना करी अर उसपै हाथ धरकै उस ताहीं ठीक करया। 9 जिब इसा होया तो उस टापू के बाकी बीमार पौलुस कै धोरै आये अर वे चंगे करे गये। 10 उननै म्हारा घणा आदर-मान करया, अर जिब हम चाल्लण लागगे तो जो किमे म्हारै खात्तर जरूरी था, उननै जहाज पै धर दिया।

?????? ???? ?? ???? ?? ???????

11 तीन महिन्ने कै पाच्छै हमनै सिकन्दरिया जावण आळे जहाज पै सफर शरु करया, यो जहाज ठण्ड के कारण इस टापू म्ह ठेहरा होया था, इस जहाज के आगले भाग पै एक जोड़ी देवत्यां का एक निशान था। (दियुसकूरी गढ़ी होई थी) 12 सुरकूसा नगर म्ह लंगर गेर कै हम तीन दिन टिके रहे। 13 ओड़ै तै आगुँ बढकै हम रेगियुम नगर म्ह आये, अर एक दिन कै पाच्छै दक्षिणी हवा चाल्ली, फेर हम दुसरे दिन पुतियुली नगर म्ह आये। 14 ओड़ै हमनै विश्वासी भाई मिले, उनकै कहणे तै हम उनके उरै सात दिन ताहीं रहे, अर इस तरियां तै हम रोम देश कान्ही चाल्ले। 15 कुछ विश्वासी भाई रोम देश तै म्हारी खबर सुणकै अप्पियुस कै चौक अर तीन-सराए ताहीं म्हारै तै फेटण नै लिकड़ आये, जिन नै देखकै पौलुस नै परमेसवर का धन्यवाद करया अर बड़ा उत्साहित होया। 16 जिब हम रोम नगर म्ह पोहचे, तो पौलुस ताहीं एक सिपाही कै गेल्या जो उसकी रुखाळी करै था, एक्ले रहण का हुकम मिलगया।

??? ???? ???????

17 तीन दिन कै पाच्छै उसनै यहूदियाँ कै खास माणसां ताहीं बुलाया, अर जिब वे कठ्ठे होए तो उनतै कह्या, “हे भाईयो, मन्नै अपणे माणसां कै या बाप-दाद्या कै बीवारां कै बिरोध म्ह किमे भी कोनी करया, तोभी कैदी बणाकै यरुशलेम नगर तै रोमी सरकार कै हाथ्यां सौंप्या गया। 18 उननै मेरै ताहीं जाँचकै छोड़ देणा चाह्या, क्यूँके मेरै म्ह मौत कै जोगगा कोए कसूर कोनी था। 19 पर जिब यहूदी अगुवें इसकै बिरोध म्ह बोल्लण लागगे, तो मन्नै कैसर की दुहाई देणी पड़ी यो न्ही के मन्नै अपणे माणसां

पै कोए दोष लाणा था। 20 ज्यांतै मन्नै थारे ताहीं बुलाया सै के थारे तै मिलूं अर बतळाऊँ, क्यूँके इस्राएल की आस कै खात्तर वो मसीह इस बेल तै जकड़े होए सै।”

21 उननै उसतै कह्या, “ना हमनै तेरे बारै म्ह यहूदिया परदेस तै चिट्ठी पाई, अर ना विश्वासी भाईयाँ म्ह तै किसे नै आकै तेरे बारै म्ह किमे बताया अर ना बुरा कह्या। 22 पर तेरा विचार के सै? वोए हम तेरे तै सुणणा चाहवां सां, क्यूँके हमनै बेरा सै के हरेक जगहां इस पंथ कै बिरोध म्ह माणस बात करै सै।”

23 फेर जो यहूदी पौलुस कै गैल थे, उननै उसकै खात्तर एक दिन ठहराया, अर घणे माणस उसकै उरै कठ्ठे होए, अर वो परमेसवर कै राज्य की गवाही देंदा होया, अर मूसा नबी के नियम-कायदे अर नबियाँ की किताबां तै यीशु कै बारै म्ह समझा-समझाकै सबेरै तै साँझ ताहीं वर्णन करदा रहया। 24 फेर कुछां नै उन बात्तां ताहीं मान लिया, अर कुछां नै विश्वास कोनी करया। 25 जिब वे आप्पस म्ह एक पंथ कोनी होए, तो पौलुस की इस बात कै कहण पै चाल्ले गये “पवित्तर आत्मा नै यशायाह नबी कै जरिये थारे बाप-दाद्या तै सही ए कह्या था,”


26 “जाकै इन माणसां तै कह, के सुणदे तो रहोगे, पर ना समझोगे, देखदे तो रहोगे, पर ना बुझोगे!

27 क्यूँके इन माणसां का मन मोट्टा अर उनके कान भारया हो गये सै, अर उननै अपणी आँख मूंद ली सै, इसा ना हो के वे कदे आँखां तै देखवै अर कान्ना तै सुणै अर मन तै समझै अर पलटै, अर मै उन ताहीं ठीक करूँ।”

28 “इस करकै थम जाणो सो के परमेसवर कै इस उद्धार की कथा गैर यहूदियाँ कै धोरै भेज्जी गयी सै, अर वे स्वीकार करैगें।” 29 जिब उसनै न्यू कह्या तो यहूदी आप्पस म्ह घणे बहस करण लागगे अर ओड़ै तै चले गये।

30 वो पूरे दो साल अपणे किराए कै घर म्ह रहया, 31 अर जो उसकै धोरै आवै थे, उन सारया तै मिलदा रहया अर बिना रोक-टोक घणा निडर होकै परमेसवर कै राज्य का प्रचार करदा अर प्रभु यीशु मसीह की बात सिखान्दा रहया।

रोम नगर के माणसां ताहीं पौलुस की चिट्ठी



रोम नगर के माणसां ताहीं पौलुस की चिट्ठी लिखण का मकसद था रोम म्ह कलीसिया की यात्रा कै खात्तर राह तैयार करणा, जिसकी योजना पौलुस नै बणाई थी। उसकी योजना थी के थोड़े बखत ताहीं वो ओड़ै के बिश्वासियाँ के बीच काम करै, फेर उनकी मदद तै स्पेन देश ताहीं जावै। इस किताब म्ह म्हारे ताहीं पौलुस के सन्देश का सारा विवरण मिल्या सै। रोम की कलीसिया के माणसां ताहीं नमस्कार अर उनके खात्तर अपनी प्रार्थनाओं के बारे म्ह बताण बाद, पौलुस इस चिट्ठी की खास बात का जिक्र कर सै, क्यूँके इस सुसमाचार म्ह परमेसवर की धार्मिकता बिश्वास तै, अर बिश्वास खात्तर जाहिर होवै सै, (1:17)। पौलुस आगै इस खास बात नै खुलकै समझावै सै। सारी माणस जात, यहूदी अर गैर यहूदी दोनुआ नै, परमेसवर कै गैल मेलजोल करण की जरूरत सै, क्यूँके सारे समान रूप तै पाप के बस म्ह सै। यीशु मसीह म्ह बिश्वास के जरिये माणसां का परमेसवर के गैल मेलजोल होवै सै। फेर पौलुस मसीह के गैल नए जीवन का जिक्र करै सै, जो परमेसवर के गैल इस नए सम्बन्ध होण के कारण होवै सै। बिश्वासी का परमेसवर के गैल जो मेळ-मिलाप होवै सै, अर परमेसवर का आत्मा पाप अर मृत्यु के अधिकार तै उननै आजाद कर देवै सै। पाठ 5-8 म्ह पौलुस बिश्वासी के जीवन म्ह, परमेसवर के नियम-कायदा का मकसद, अर परमेसवर के आत्मा की शक्ति पै भी जिक्र करै सै। फेर प्रेरित इस सवाल तै जूझै सै, के सारी मानव जाति के खात्तर परमेसवर की योजना म्ह यहूदी अर गैर यहूदी किस तरियां आ सकै सै। वो इस नतिज्जे पै पोहँचै सै, के यहूदी माणसां के जरिये यीशु का ठुकराया जाणा भी परमेसवर की उस योजना का एक भाग सै, जो पूरी मानव जाति नै यीशु मसीह म्ह परमेसवर के अनुग्रह म्ह ल्याण खात्तर बणाई गयी सै, अर उसका बिश्वास सै के यहूदी लोग सदा यीशु तै मुकरते न्ही रहवैंगे। आखिर म्ह पौलुस लिखै सै, के मसीह जीवन किस तरियां जीणा चाहिए, खासकर दुसरयां के गैल प्यार राखणा। वो इन बाततां नै जिसा के परमेसवर की सेवा, राज्य अर एक दुसरा के खात्तर बिश्वासियाँ का फर्ज, अर अन्तरात्मा

के सवालां के रूप म्ह लेवै सै। वो चिट्ठी का समापन निजी सन्देशां अर परमेसवर की बड़ाई के गैल करै सै।

रूप-रेखा

भूमिका अर खास बात 1:1-17

माणस नै उद्धार की जरूरत 1:18-3:20

उद्धार परमेसवर का रास्ता सै 3:21-4:25

मसीह म्ह नया जीवन 5:1-8:39

परमेसवर की योजना म्ह इस्राएल 9:1-11:36

मसीह चाल-चलण 12:1-15:13

समापन अर व्यक्तिगत अभिवादन 15:14-16:27



1 या चिट्ठी पौलुस की ओड़ तै सै, जो यीशु मसीह का दास सै अर परमेसवर के जरिये प्रेरित होण कै खात्तर चुण्या गया अर उसका सुसमाचार सुणाण खात्तर न्यारा करया गया सै। 2 यीशु के इस दुनिया म्ह आण तै भोत पैहले परमेसवर नै वादा करया था, के वो नबियाँ कै जरिये इस सुसमाचार ताहीं जाहिर करै, जिननै इसके बारे म्ह पवित्र ग्रन्थ म्ह लिख्या सै। 3 यो सुसमाचार परमेसवर के बेटे के बारे म्ह सै, जो म्हारा प्रभु यीशु मसीह सै। वो शारीरिक तौर पै तो राजा दाऊद की पीढ़ी तै पैदा होया, 4 पर पवित्र आत्मा की शक्ति तै मरे होया म्ह तै जिन्दा होण के कारण परमेसवर का बेटा कुह्वाया। 5 मसीह कै जरिये हमनै अनुग्रह अर प्रेरिताई परमेसवर तै मिली, ताके उसके नाम कै कारण गैर यहूदी माणस मसीह म्ह बिश्वास करके उसकी मान्ने, 6 थम गैर यहूदी बिश्वासी जो रोम नगर म्ह सों, उन माणसां म्ह शामिल सों, जिन ताहीं परमेसवर नै यीशु मसीह के माणस होण खात्तर बुलाया सै।

7 या चिट्ठी रोम नगर के उन सारे माणसां के नाम सै, जो परमेसवर के प्यारे सै, अर उसके पवित्र जन होण कै खात्तर बुलाए गये सै। मै प्रार्थना करूँ सूँ, के म्हारै पिता परमेसवर अर प्रभु यीशु मसीह की ओड़ तै थारे ताहीं अनुग्रह अर शान्ति मिलदी रहवै।



8 सब तै पैहल्या मै थम सारया कै खात्तर यीशु मसीह कै जरिये अपने परमेसवर का धन्यवाद करूँ सूँ, क्यूँके यीशु मसीह म्ह थारे बिश्वास का जिक्र साबती दुनिया म्ह होरया सै। 9 परमेसवर, जिसकी सेवा मै पूरे मन तै करूँ सूँ, अर उसके बेटे के सुसमाचार कै बारे म्ह माणसां ताहीं बताऊँ सूँ, वोए मेरा गवाह सै, के मै अपनी प्रार्थना म्ह थमनै किस तरियां सारी हाण याद करूँ सूँ। 10 अर बिनती करूँ सूँ, के जै हो सक्या तो परमेसवर की इच्छा के मुताबिक मै थारे तै मिलण भी आऊँ। 11 क्यूँके

मै थारे तै मिलण की लालसा करूँ सूँ, ताके मै थमनै कोए आत्मिक आशीष दियुँ जिसतै थम विश्वास म्ह मजबूत हो जाओ। 12 मेरे कहण का मतलब यो सै, के जब मै थारे तै मिलु, तो मै थारे ताहीं अर थम मन्नै उत्साहित कर सको, थम मेरे विश्वास नै जाणकै मजबूत हो जाओ, अर मै थारे विश्वास नै जाणकै मजबूत हो जाऊँ। 13 हे विश्वासी भाईयो, मै चाहूँ सूँ के थम इस बात नै जाणो, के मन्नै कई बार थारे धौरै आण की योजना बनाई, के मै थारे बीच म्ह उसीए आत्मिक बढ़ोतरी देख सकूँ, जिसी मन्नै बाक्की गैर यहूदियाँ म्ह देखी सै, पर इब तक मेरे आण म्ह रुकावट ए होन्दी रही सै। 14 मै उन संस्कारी माणसां का जो यूनानी भाषा अर सभ्यता नै जाणै सै, अर जो माणस उनकी भाषा अर सभ्यता नै नही जाणते, अर अकलमंद अर बेअक्ल माणसां ताहीं वचन सुणाण का मन म्ह बोझ राखूँ सूँ। 15 इस करकै म्ह मै थमनै भी जो रोम नगर म्ह रहो सो, सुसमाचार सुणाण खात्तर जमा उत्सुक सूँ।

?????????? ?? ????????

16 क्यूँके मै मसीह के सुसमाचार के बारें म्ह कोनी सरमान्दा, परमेसवर अपनी शक्ति के जरिये सब नै बचावै सै जो सुसमाचार पै विश्वास करै सै, पैहलया यहूदियाँ ताहीं अर फेर गैर यहूदी ताहीं। 17 क्यूँके सुसमाचार हमनै बतावै सै, के परमेसवर अपनी नजर म्ह हमनै किस तरियां धर्मी बनावै सै। जो शरु तै लेकै अंत तक मसीह पै विश्वास करण तै हो सै, जिसा पवित्र ग्रन्थ म्ह लिख्या भी सै, के परमेसवर अपनी नजर म्ह धर्मी जन बनावै सै, वो विश्वास तै जिन्दा रहवैगा।

?????? ????? ?? ??????

18 परमेसवर का छो तो उन माणसां की सारी अभगति अर अधर्म के काम्मां के कारण जो माणस करै सै, सुगं तै जाहिर हो सै, वो अपने सब अधर्म के काम्मां तै माणस ताहीं, परमेसवर की सच्चाई के बारें म्ह जाणण तै रोककै सै। 19 वे परमेसवर के बारें म्ह इस करकै सही अर आसान्नी तै जाण सकै सै, क्यूँके परमेसवर नै उन ताहीं इन बाततां के बारें म्ह बताया सै। 20 सच यो सै के दुनिया की शरुआत तै ए परमेसवर के अनदेखे गुण, उसकी अनन्त सामर्थ्य अर उनका परमेसवरत्व, दुनिया म्ह सै, अर दिक्खै भी सै, इस करकै माणस कै धौरै कोए बहाना कोनी, के वो परमेसवर नै नही जाणता। 21 परमेसवर का ज्ञान होण पै, भी उननै ना तो उस ताहीं परमेसवर होण कै लायक सम्मान दिया, अर ना ए उसका धन्यवाद करया। इसके उल्ट वो उसके बारें म्ह बेकार की बात सोचण लागगे, अर जिसा उन ताहीं सोचणा चाहिए था

उसा नही सोच्या, पर बुरा ए सोच्या। 22 वे अपने-आप ताहीं अकलमंद मानकै बेअक्ले बणगे, 23 अर अविनाशी परमेसवर की महिमा नही करी, बल्के नाशवान माणस, अर पंछियाँ, रेंगण आळे अर चार पैरां आळे जानवरां की मूर्ति की आराधना करण लागगे।

24 इस करकै परमेसवर नै उन ताहीं उनकै मन की बुरी इच्छा कै मुताबिक गलत काम करण खात्तर छोड़ दिया ताके वे आप्पस म्ह अपने शरीरां तै गन्दे काम करै। 25 क्यूँके उननै परमेसवर के बारें म्ह सच्ची बाततां ताहीं जाणण की बजाये झूठ पै विश्वास करया, अर सृष्टि की चिज्जां की आराधना अर सेवा करी, ना के उस सृजनहार परमेसवर की जो सदा खात्तर महिमा के लायक सै! आमीन। 26 ज्यातै परमेसवर नै उन ताहीं उनकी नीच कामनाओं कै बस म्ह छोड़ दिया, जिस कारण उनकी लुगाईयाँ नै भी प्राकृतिक संभोग की जगहां अप्राकृतिक संभोग अपना लिया। 27 उससे तरियां ए लुगाईयाँ कै गेल्या प्राकृतिक संभोग नै छोड़कै माणस दुसरे माणस कै खात्तर आप्पस म्ह कामुकता म्ह जळण लागगे, अर माणस का माणस कै गेल्या बेशर्मी के काम करणा उनके उप्पर दण्ड लेकै आये।

28 अर जब उननै परमेसवर ताहीं जाणणा बेवकूफी लागया, तो परमेसवर नै भी उन ताहीं उनकै निकम्मे मन के बस म्ह छोड़ दिया, ताके वे बुरे काम करै। 29 ज्यातै वे सारे ढाळ के अधर्म, दुष्टता, लालच, अर बैर-भाव तै भरगे, अर जळण, हत्या, झगड़े, छळ, ईर्ष्या तै भरगे, अर चुगलखोर, 30 बदनाम करण आळे, परमेसवर तै नफरत करण आळे, बुराई करण आळे, दुसरयां की बेजती करण आळे, डिंगमार, घमण्डी, भुंडी-भुंडी बाततां कै बणाण आळे, माँ-बाप का हुकम ना मानण आळे, 31 बेअक्ले, विश्वासघाती, प्यार अर दया की कमी अर निर्दयी होगये। 32 वे तो परमेसवर की या धार्मिक विधि नै जाणै सै, के इसे-इसे काम करण आळे मौत के दण्ड कै जोगगे सै, फेरभी ना सिर्फ आप ए इसे काम करै सै, बल्के इसे काम करण आळा तै राज्जी भी होवै सै।

2

?????????????? ?? ????????

1 इस करकै हे मेरे विश्वासी भाईयो, थम जो कोए भी क्यूँ ना हो, थारे धौरै इस बात का कोए जवाब कोनी, के थम जो दुसरयां पै दोष लगाओ सों, तो उस बात के कारण खुद अपने-आप पै दण्ड लेकै आओ सों, क्यूँके जिस बात के बारें म्ह थम उसनै दोषी बणाओ हो, थम खुद भी वोए काम करो सों। 2 हमनै यो बेरा सै, के परमेसवर उसका न्याय धार्मिकता कै साथ जरूर

करैगा, जो इसे बुरे काम करै सै।³ जिव के थम जो इसे-इसे काम करणीया पै दोष लगाओ सों, अर खुद वैए काम करो सों, के न्यू समझों सों के थम परमेसवर के दण्ड तै बच जाओगे? ⁴ के थम परमेसवर की भलाई, सहनशीलता, अर धीरजरूपी धन ताहीं तुच्छ जाणो सों? के थम न्ही समझते के परमेसवर की भलाई ए थारे ताहीं पाप छोड़णा सिखावै सै? ⁵ पर थम हठिल्ले सों, अर पाप करणा न्ही छोड़दे, अर ना ए अपने-आपनै बदलना चाहन्दे। इस करकै जिस दिन परमेसवर अपना छो दिखावैगा, उस दिन धार्मिकता के साथ उसका न्याय जाहिर होवैगा, अर वो थारे ताहीं भारी दण्ड देवैगा। ⁶ परमेसवर हरेक नै उसके काम के मुताबिक फल देवैगा। ⁷ जो माणस भले काम करते रहवै सै, अर परमेसवर की महिमा, आदर अर अनन्त जीवन की खोज म्ह लागे रहवै सै, परमेसवर उन सारया ताहीं अनन्त जीवन देवैगा। ⁸ पर जो मतलबी सै अर सच नै कोनी मान्दे, बल्के अधर्म नै मान्ने सै, उनपै परमेसवर का छो अर प्रकोप पड़ेगा। ⁹ क्लेश अर संकट हरेक माणस पै आवैगा। परमेसवर सबतै पैहल्या यहूदियाँ का अर बाद म्ह उन माणसां का न्याय करैगा जो गैर यहूदी सै। ¹⁰ पर महिमा, आदर अर शान्ति हरेक नै मिलैगी, जो भले काम करै सै, पैहल्या यहूदी ताहीं फेर उन माणसां ताहीं जो गैर यहूदी सै। ¹¹ क्यूँके परमेसवर किसे का पक्षपात कोनी करदा।

¹² वे सारे गैर यहूदी माणस जिननै परमेसवर के नियम-कायदे जो मूसा नबी ताहीं मिले थे, उन ताहीं जाणे बिना जिसनै पाप करया सै, वे नियम-कायदा नै बिना जाणे नाश भी होवेंगे, पर जिन नै नियम-कायदे नै जाणके भी पाप करया सै, उनका न्याय भी नियम-कायदे के मुताबिक करया जावैगा। ¹³ क्यूँके परमेसवर की निगांहे म्ह नियम-कायदे के सुणण आळे धर्मी माणस कोनी, पर नियम-कायदे पै चाल्लण आळा नै धर्मी बणावैगा। ¹⁴ फेर जिव गैर यहूदी लोग जिनके धारे मूसा नबी के नियम-कायदे कोनी, कुदरती तौर पैए नियम-कायदे की बात्तां पै चाल्लै सै, तो नियम-कायदे उनके धारे ना होण पै भी, उन ताहीं बेरा सै, के उननै के करणा सै, अर के न्ही करणा। ¹⁵ वे नियम-कायदे की बात अपने-अपने दिलां म्ह लिखी होई दिखावै सै अर उनकी अन्तरात्मा भी इसकी गवाही देवै सै, के ये बात सच सै, क्यूँके उनके विचार उनपै दोष लगावै सै, या फेर यो बतावै सै के वो ठीक करै सै। ¹⁶ यो सब उस दिन स्पष्ट हो जावैगा, जिव परमेसवर मेरै जरिये सुणाये गये सुसमाचार के मुताबिक, माणसां की लुक्की होई बात्तां का न्याय, यीशु मसीह के जरिये करैगा।

22222 22 2222-22222

¹⁷ थम खुद नै यहूदी कुह्वावै सों, अर मूसा नबी के नियम-कायदे पै भरोस्सा राक्खों सों, परमेसवर थारे पै दया करै सै, इस कारण थम घमण्ड करण लागरे सों। ¹⁸ अर थमनै परमेसवर की मर्जी का बेरा सै, थम आच्छी-आच्छी बात्तां नै तो चाहो सों, क्यूँके थारे ताहीं ये बात मूसा नबी के नियम-कायदे म्ह तै सिखाई गई सै। ¹⁹ अर थमनै इस बात का पूरा भरोस्सा सै, के थम आंध्याँ नै राह दिखाण आळे अर अन्धकार म्ह भटके होए माणसां खात्तर परमेसवर का चाँदणा सों। ²⁰ अर बेअक्लां नै सिखाण आळे अर बाळकां के उपदेशक सों। थमनै बेरा सै के परमेसवर के नियम-कायदे थमनै पूरी तरियां तै ज्ञान अर सच्चाई देवै सै। ²¹ इस करकै थम जो दुसरयां नै शिक्षा देओ सों, तो अपने-आपनै शिक्षा क्यूँ न्ही देन्दे? थम उपदेश देओ सों, के “चोरी ना करियो,” के थम खुद चोरी कोनी करते! ²² थम जो कहवै सों, के “जारी ना करियो,” के खुद जारी कोनी करते? थम जो मूर्तियाँ तै नफरत करो सों, के खुद ए मन्दरां नै कोनी लूटते? ²³ थम जो नियम-कायदे नै जाणण का घमण्ड करो सों, के नियम-कायदे नै ना मानके परमेसवर का अनादर कोनी करते? ²⁴ “थम यहूदियाँ के कारण गैर यहूदियाँ म्ह परमेसवर के बारे म्ह बुरा भला कहा जावै सै, जिसा पवित्र ग्रन्थ म्ह लिख्या भी सै।”

²⁵ मै थमनै कुछ बताऊँ सूँ, थारा खतना करया जाणा जिब्बे फायदेमन्द सै, जिव थम नियम-कायदा नै मान्को, जै थम इसा न्ही करते तो थम उन माणसां की ढाळ सों जिनका खतना न्ही होया। ²⁶ जै बिना खतना करे होए माणस नियम-कायदे की विधियाँ नै मान्ने, तो परमेसवर उन ताहीं अपने माणस क्यूँ न्ही कहवैगा। ²⁷ बिना खतना होए माणस जो परमेसवर के हुकमां नै मान्ने सै, वे थारी बुराई करैगे जिनके धारे परमेसवर के नियम-कायदे सै जिन ताहीं थम मानते न्ही। ²⁸ असली यहूदी वो कोनी जो सिर्फ यहूदी माँ-बाप तै पैदा होया सै, अर ना ए वो असली खतना सै, जो दिखाण खात्तर देह म्ह करया गया सै। ²⁹ यहूदी वो सै, जो अपने मन म्ह यहूदी सै, अर खतना वो सै, जो पवित्र आत्मा के जरिये मन का करया जावै सै, ना के वो जो नियम-कायदा के मुताबिक करया जावै सै, इस ढाळ के माणसां की तारीफ माणसां की ओड़ तै न्ही, पर परमेसवर की ओड़ तै करी जावै सै।

3

¹ कोए कह सकै सै, के भला यहूदी होण का के फायदा, या खतना करण का के फायदा? ² यहूदी होण के भोत फायदे सै, क्यूँके परमेसवर के वचन यहूदियाँ ताहीं ए

सौंपे गये सै। ³ अगर कुछ यहूदी माणस बिश्वासघाती लिक्डै भी तो उसतै के फर्क पड़े सै? परमेसवर अपणे वादे पूरा करण म्ह बिश्वास जोगगा सै, तो इसका यो मतलब कोनी के परमेसवर भी बिश्वासघाती सै। ⁴ न्ही! बिल्कुल न्ही! बल्के परमेसवर सच्चा सै, अर दुनिया का हरेक माणस झूठठा ठैहरै, जिसा पवित्र ग्रन्थ म्ह परमेसवर के बारे म्ह लिख्या सै, “जिसतै तू अपणी बात्तां म्ह धर्मी साबित हो अर न्याय करदे बखत तू जीत पावै।” ⁵ इस करके जै म्हारे बुरे काम परमेसवर की धार्मिकता साबित कर देवै सै, तो हम के कद्दां? के न्यू कद्दां के परमेसवर जो छो करै सै, तो के वो अन्यायी सै? (यो तो मै दुनियावी नजरिये तै कहूँ सँ)। ⁶ न्ही! बिल्कुल न्ही! जै परमेसवर यहूदी माणसां का न्याय सही तरिकके तै न्ही कर सकता, तो वो दुनिया के माणसां का भी न्याय सही तरिकके तै न्ही कर सकता? ⁷ के कोए कह सकै सै, जै मेरा झूठ परमेसवर की सच्चाई नै दिखावै अर उसकी महिमा नै बढ़ावै, तो परमेसवर किस तरियां मन्नै परख के पापी साबित कर सकै सै? ⁸ कई माणस यो कह के मेरे पै दोष लगावै सै, के “आओ, हम बुरे काम करा के इसतै ए कुछ भलाई हो जा।” जो मेरे बिरुध्द इसी बात कहवै सै वो दण्ड के लायक सै।

२२२ २२२२२ २२२२

⁹ तो फेर हम के कह सका सां? के हम यहूदी गैर यहूदियाँ तै आच्छे सां? कदे भी न्ही! क्यूँके हम यहूदी अर गैर यहूदी दोनुवां पै यो दोष ला चुके सां के वे सारे के सारे पाप की शक्ति के बस म्ह सै। ¹⁰ जिसा के पवित्र ग्रन्थ म्ह लिख्या सै: “कोए भी माणस परमेसवर की नजर म्ह धर्मी कोनी, एक भी कोनी। ¹¹ कोए भी माणस समझदार कोनी, कोए परमेसवर का टोह आळा कोनी। ¹² सारे माणस परमेसवर की राह तै भटक गये सै, सबके सब परमेसवर की नजर म्ह निकम्मे बणगे सै, कोए भी भलाई करण आळा कोनी, एक भी कोनी। ¹³ उनका मुँह खुली होई कबर की ढाळ सै, जिस म्ह तै बदबू आवै सै। क्यूँके अपणे मुँह तै वे भुंडा बोल्लै सै, अर वे जो भी बोल बोल्लै सै वो साँप के जहर की तरियां जहरीले सै। ¹⁴ उनका बोल श्राप अर कड़वाहट तै भरया सै। ¹⁵ वो लहू बहाण खात्तर फुर्तीले सै, ¹⁶ वे जित्त भी किते जावै सै ओड़ै नाश अर क्लेश लेके जावै सै, ¹⁷ वे न्ही जाणते के माणसां के गैल खुशी अर शान्ति तै किस तरियां जीणा सै। ¹⁸ उन म्ह परमेसवर का डर सै ए कोनी।” ¹⁹ हमनै बेरा सै के मूसा नबी के नियम-कायदे जो कुछ कहवै सै, उन्हे तै कहवै सै, जो नियम-कायदे के अधीन सै, ताके कोए भी माणस भान्ना न्ही बणा सकै, अर दुनिया के

सारे माणस परमेसवर के स्याम्ही दोषी ठैहराये जावै। ²⁰ क्यूँके मूसा नबी के नियम-कायदे के पुगाण तै कोए माणस उसके स्याम्ही धर्मी कोनी बणैगा, क्यूँके नियम-कायदा के जरिये हमनै बेरा लाग्गै सै के हम पापी सां।

२२२२२२२ २२ २२२२२ २२२२२२२२२

²¹ पर इब नियम-कायदा नै मान्ने बिना धार्मिकता जो परमेसवर तै मिलै सै, अर जिसके बारे म्ह मूसा नबी के नियम-कायदा अर नबियाँ की किताब्बां म्ह भोत पैहले लिख्या सै, के परमेसवर हमनै धर्मी किस तरियां बणावै सै। ²² मतलब यो के हम प्रभु यीशु मसीह पै बिश्वास करण तै धर्मी बणा सां, जो यीशु मसीह पै बिश्वास करण तै सब माणसां खात्तर सै। क्यूँके परमेसवर की नजर म्ह सब माणस एक समान सै। ²³ क्यूँके सारया नै पाप करया सै, अर सब परमेसवर की महिमा तै दूर होगे सै, ²⁴ परमेसवर नै म्हारे पै अनुग्रह करया, के उसनै यीशु मसीह के जरिये म्हारे ताहीं म्हारे पापां के दण्ड तै छुड़ा लिया, अर म्हारे ताहीं बिना कुछ करे धर्मी बणाया। ²⁵⁻²⁶ परमेसवर नै यीशु मसीह ताहीं म्हारे पाप की कीमत चुकाण खात्तर इस दुनिया म्ह भेज्जा, यीशु मसीह नै म्हारे खात्तर अपना लहू बहा के अपणी जान दे दी। ताके हम उसपै बिश्वास करण के जरिये परमेसवर के धोरै आ सकां, अर उसनै इसा यो दिखाण खात्तर करया, के वो पैहले जमाने म्ह भी पापी माणसां गैल सबर तै रहण म्ह अर उनके पाप माफ करण म्ह धर्मी था, बल्के इब भी उसकी धार्मिकता जाहिर हो जावै, जिसतै वे खुद धर्मी बणै अर जो प्रभु यीशु म्ह बिश्वास राक्खै सै, वो परमेसवर की नजर म्ह भी धर्मी बण जावै। ²⁷ तो के हम किसे बात पै घमण्ड कर सकां सां? उसके खात्तर कोए जगहां न्ही। के नियम-कायदा के जरिये या उननै मानण के जरिये सां? न्ही! पर यीशु मसीह पै बिश्वास करण तै घमण्ड करां सां। ²⁸ इस करके हम इस नतीजै पै पोहचै सा, के परमेसवर म्हारे ताहीं यीशु मसीह पै बिश्वास करण के जरिये धर्मी बणावै सै, ना के मूसा नबी के नियम-कायदा ताहीं मानण तै। ²⁹ परमेसवर सिर्फ यहूदियाँ ए का परमेसवर कोनी, पर वो गैर यहूदियाँ का भी परमेसवर सै। ³⁰ क्यूँके एक ए परमेसवर सै, जो खतना आळा नै यीशु मसीह पै बिश्वास करण तै अर बिन-खतना आळा ताहीं भी, बिश्वास के जरिये धर्मी बणावै सै। ³¹ तो के म्हारा बिश्वास नियम-कायदे नै बेकार बतावै सै? न्ही! बिल्कुल न्ही! बल्के इसके उल्ट जिब हम बिश्वास करा सां तो हम समझ जावां सां, के परमेसवर नै म्हारे ताहीं नियम-कायदा क्यूँ दिये।

परमेश्वर की महिमा की आस म्ह खुश सां। 3 सिर्फ योए न्ही, बल्के हम मुसीबतां म्ह भी खुश रहवां, न्यू जाणकै के मुसीबतां तै धीरज, 4 धीरज तै खरयां लिकड़णा, अर खरे लिकड़ण तै आस होवै सै। 5 अर आस तै निराशा न्ही होन्दी, क्यूँके पवित्र आत्मा जो परमेश्वर नै म्हारै ताहीं दिया सै, उसकै जरिये परमेश्वर का प्यार म्हारै मन म्ह भरया गया सै। 6 क्यूँके जिब हम कमजोर थे, तो मसीह परमेश्वर के बताये गये सही बखत पै बुरे माणसां कै खात्तर मरया। 7 किसे धर्मी माणस कै खात्तर कोए जान देवै यो तो मुश्किल सै, पर शायद कोए भले माणस खात्तर जान देण खात्तर तैयार हो सकै सै। 8 पर परमेश्वर म्हारै पै अपणे प्यार की भलाई इस तरियां तै साबित करै सै, के जिब हम पापी ए थे, जिब्वे मसीह यीशु म्हारै खात्तर मरया। 9 जिब के इब यीशु कै लहू बहाण के कारण परमेश्वर नै म्हारै ताहीं अपणी नजर म्ह धर्मी बनाया सै, तो उसकै जरिये परमेश्वर कै छो तै क्यांतै न्ही बचांगें? 10 क्यूँके जिब हम परमेश्वर के बैरी थे, तो उसकै बेट्टे की मौत कै जरिये म्हारा मेळ-मिलाप परमेश्वर कै गेल्या होया, अर सब तै आच्छी बात या सै, के मेळ-मिलाप हो जाण के कारण उसकै बेट्टे यीशु मसीह के जरिये दिए गये जीवन कै कारण म्हारा उद्धार पक्का सै। 11 इब तो म्हारै प्रभु यीशु मसीह कै जरिये, परमेश्वर म्ह म्हारा मेळ-मिलाप होगया सै, इस खात्तर हम उस म्ह खुश सां।

१२ १३ १४ १५ १६ १७ १८ १९ २० २१ २२ २३ २४ २५ २६ २७ २८ २९ ३० ३१ ३२ ३३ ३४ ३५ ३६ ३७ ३८ ३९ ४० ४१ ४२ ४३ ४४ ४५ ४६ ४७ ४८ ४९ ५० ५१ ५२ ५३ ५४ ५५ ५६ ५७ ५८ ५९ ६० ६१ ६२ ६३ ६४ ६५ ६६ ६७ ६८ ६९ ७० ७१ ७२ ७३ ७४ ७५ ७६ ७७ ७८ ७९ ८० ८१ ८२ ८३ ८४ ८५ ८६ ८७ ८८ ८९ ९० ९१ ९२ ९३ ९४ ९५ ९६ ९७ ९८ ९९ १००

12 परमेश्वर नै एक माणस आदम बनाया, जिसकै कारण दुनिया म्ह पाप आया, अर उस पाप के करण मौत आई, अर इस तरियां तै मौत सारे माणसां म्ह फैलगी, क्यूँके आदम के वंश होण के कारण सब पापी बणगे। 13 मूसा नबी के नियम-कायदा कै दिए जाण तै पैहले भी, दुनिया म्ह माणस पाप करै थे, पर वो पाप गिण्या कोनी जावै था, क्यूँके ओड़ै नियम-कायदे कोनी थे, जिन ताहीं तोड्या जा सकै। 14 तोभी आदम तै लेकै मूसा नबी तक सब नै मौत आई। जिस तरियां आदम नै परमेश्वर के हुकम ताहीं तोड्या उसकी तरियां हमनै उसके हुकम ताहीं न्ही तोड़ा, अर आदम यीशु मसीह का नमूना था जो आण आळा था। 15 पर आदम के अपराध अर परमेश्वर के अनुग्रह के वरदान के बीच म्ह एक भोत बड़ा अन्तर सै, क्यूँके जब एक माणस आदम, कै अपराध करण के कारण, भोत-से माणसां की मौत होई, पर दुसरे माणस यीशु मसीह के जरिये, परमेश्वर का अनुग्रह भोत-से माणसां पै होया सै। 16 तो परमेश्वर के वरदान का नतिज्जा आदम के पाप तै भोत अलग सै। उसका

पाप दण्ड लेकै आवै सै, पर परमेश्वर का वरदान म्हारै ताहीं धर्मी बणावै सै, भलाए हम कई पापां के दोषी क्यूँ ना हो। 17 क्यूँके एक माणस के अपराध के कारण सब नै मौत आई। पर इसतै ज्यादा परमेश्वर का अनुग्रह अर धार्मिकता का वरदान सै, जो उस ताहीं पावै सै, वो पाप अर मौत पै यीशु मसीह कै जरिये जयवन्त होवै सै, अर वे उसकै गैल अनन्त जीवन म्ह राज करैगें।

18 जिस तरियां आदम का अपराध, सारे माणसां कै खात्तर दण्ड लेकै आया, ठीक उससे तरियां ए मसीह यीशु के धार्मिकता के काम करण तै, सारे माणसां नै जिन्दगी मिली, अर वे परमेश्वर की नजर म्ह धर्मी बणै। 19 क्यूँके जिसा एक माणस कै हुकम ना मानण तै भोत-से माणस पापी बणे, उससे तरियां ए एक माणस कै हुकम मानण तै भोत-से माणस धर्मी बणैगें। 20 मूसा के नियम-कायदे म्हारै ताहीं इस खात्तर दिए गये, ताके माणस देख सकै के वे कितने पापी सै पर जिब माणस पाप पै पाप करै सै, तो ओड़ै परमेश्वर का अनुग्रह उसतै भी घणा होया करै। 21 सारे माणसां नै पाप पै पाप करया, अर वे मरगे, पर म्हारै प्रभु यीशु मसीह कै जरिये परमेश्वर का अनुग्रह हमनै धर्मी बणावै सै, अर म्हारै ताहीं अनन्त जीवन देवै सै।

6

१ २ ३ ४ ५ ६ ७ ८ ९ १० ११ १२ १३ १४ १५ १६ १७ १८ १९ २० २१ २२ २३ २४ २५ २६ २७ २८ २९ ३० ३१ ३२ ३३ ३४ ३५ ३६ ३७ ३८ ३९ ४० ४१ ४२ ४३ ४४ ४५ ४६ ४७ ४८ ४९ ५० ५१ ५२ ५३ ५४ ५५ ५६ ५७ ५८ ५९ ६० ६१ ६२ ६३ ६४ ६५ ६६ ६७ ६८ ६९ ७० ७१ ७२ ७३ ७४ ७५ ७६ ७७ ७८ ७९ ८० ८१ ८२ ८३ ८४ ८५ ८६ ८७ ८८ ८९ ९० ९१ ९२ ९३ ९४ ९५ ९६ ९७ ९८ ९९ १००

1 कोए कह सकै सै? के परमेश्वर अपणे अनुग्रह तै म्हारै पाप माफ करै सै, पर इसा मत सोच्चों के पाप करदे रहवां ताके अनुग्रह घणा हो। 2 न्ही! बिल्कुल न्ही! हम जिब पाप कै खात्तर मरगये तो हमनै आगूँ तै दुबारा पाप न्ही करणा चाहिए। 3 हम जाणा सां, के हम सारे जिननै मसीह यीशु के नाम म्ह बपतिस्मा लिया सै, यो इसा सै, के जिसा हम मसीह के गैल मर जाणा। 4 इस करकै जिब हम बपतिस्मा लेवां सां, तो हम उसकै साथ मर जावां सां, अर उसके साथ गाड़डे जावां सां, ताके जिस तरियां मसीह पिता परमेश्वर की महिमा कै जरिये मरे होया म्ह तै जिन्दा करया गया, उससे तरियां ए हमनै भी नया जीवन जीणा चाहिए।

5 क्यूँके जै हम उसकी मौत की समानता म्ह बपतिस्मै के जरिये उसके गेल्या एक हो जावां सां, तो पक्के तौर पै उसकै जिन्दा उठण की समानता म्ह भी एक हो जावांगें। 6 इससे तरियां म्हारा पुराणा पापी सुभाव यीशु मसीह कै गेल्या कूरूस पै चढ़ाया गया, ताके जो पापी सुभाव म्हारी देह म्ह सै वो नाश हो जावै, अर हम आगूँ दुबारा पाप की गुलामी म्ह न्ही रहवां। 7 क्यूँके जिब

हम मसीह के गैल मरा सां, तो हम पाप की शक्ति तै आजाद हो जावां सां। ⁸ इस करकै जै हम मसीह कै गेल्या मरगे, तो म्हारा बिश्वास यो सै के उसकै गेल्या जीवांगें भी। ⁹ क्यूँके न्यू बेरा सै, के मसीह मरे होया म्ह तै जिन्दा उठकै दुबारा फेर न्ही मरैगा, उसपै फेर मौत का राज न्ही होवैगा। ¹⁰ क्यूँके मसीह पाप कै खात्तर एक ए बार मर गया, पर इब जो जिन्दा सै, तो परमेसवर की महिमा करण कै खात्तर जिन्दा सै। ¹¹ इस्से तरियां थम भी अपणे-आप ताहीं पाप कै खात्तर तो मरया होड़, पर परमेसवर की महिमा करण खात्तर मसीह यीशु म्ह जिन्दा समझो। ¹² इस करकै पाप की लालसा थारी नाश होण आळी देह म्ह राज न्ही करै, के थम उसकी लालसाओं के कब्जे म्ह ना रहो। ¹³ अपणे देह के अंगा ताहीं अधर्म कै काम्मां खात्तर इस्तमाल ना करो, पर अपणे-आप ताहीं मरे होया म्ह तै जिन्दे जाणकै अपणी जिन्दगी परमेसवर ताहीं दे दो, अर अपणे देह के अंगा ताहीं धार्मिक काम्मां खात्तर परमेसवर नै सौंप दो। ¹⁴ फेर थारे पै पाप का राज कोनी होवैगा, क्यूँके थम नियम-कायदे कै अधीन म्ह न्ही, बल्के परमेसवर के अनुग्रह कै अधीन म्ह जीण लागरे सों।

?????????? ?? ???? ?

¹⁵ तो इसका मतलब के सै? के हम नियम-कायदे का अधीन म्ह न्ही, बल्के परमेसवर के अनुग्रह कै अधीन सां, इस करकै के हम पाप कर सका सां? न्ही! बिलकुल न्ही! ¹⁶ थम जाणो सों के जिब थम खुद नै किसे का गुलाम होण खात्तर देओ सों, तो थम वोए करो सों, जो थारा माल्लिक कहवै सै। थम पाप के गुलाम भी बण सकों सों, जो मौत लेकै आवै सै, या फेर थम परमेसवर के हुकम नै मानकै धार्मिकता का जीवन जी सको सों। ¹⁷ थम पाप के गुलाम थे, पर इब थमनै वे सारी शिक्षा मान्नी सै, जो थारे ताहीं मिली थी, इस करकै मै परमेसवर का धन्यवाद करूँ सूँ। ¹⁸ इब पाप की शक्ति तै छुटाये जाकै परमेसवर के दास बणो ताके थम धर्म के काम करो। ¹⁹ मै थारे ताहीं आसान तरिककें लिखूँ सूँ, ताके आम आदमी भी आसान्नी तै समझ सकै, के जिब थम अपणी पिच्छली जिन्दगी की गुलाम थे, अर थम हरेक ढाळ के अशुद्ध अर भुन्डे काम करो थे। तो इब थम अपणी देह नै धार्मिक जीवन के दास बणा ल्यो, ताके थम पवित्र जीवन जी सको।

²⁰ जिब थम पाप के गुलाम थे, तो थम धार्मिकता के काम न्ही कर पाओ थे। ²¹ थम बुरा काम करो थे, अर इब उन बुरे काम्मां के कारण शर्मिन्दा सों, तो थमनै के मिल्या? इन सारी बाततां का नतिज्जा मौत सै। ²² पर इब पाप तै आजाद होकै अर परमेसवर के दास बणकै

इब थम वो काम करो सों, जिसतै थम पवित्र बणो सों, अर उसका नतिज्जा अनन्त जीवन सै। ²³ क्यूँके पाप का नतिज्जा तो मौत सै, पर परमेसवर का वरदान म्हारै प्रभु मसीह यीशु म्ह अनन्त जीवन सै।

7

???????????? ???? ?? ???? ?

¹ हे बिश्वासी भाईयो, थमनै बेरा सै, (मै नियम-कायदे के जाणण आळा तै कहूँ सूँ) के जिब ताहीं माणस जिन्दा रहवै सै, तब तक उसनै नियम-कायदे मानने पड़ेंगें। ² उदाहरण के तौर पै एक ब्याता लुगाई नै मरते दम तक नियम-कायदे कै मुताबिक अपणे धणी कै साथ रहणा चाहिये, पर जै धणी मर जा, तो वा धणी के नियम-कायदे तै आजाद हो जा सै। ³ ज्यातै जै धणी कै जिन्दे जी वा किसे दुसरे माणस की हो जावै, तो जार कुह्वावैगी, पर जै धणी मर ज्या, तो वा उस नियम-कायदे तै आजाद हो जा सै, उरै ताहीं के जै किसे दुसरे माणस की हो जावै तोभी जार कोनी ठैहरैगी। ⁴ उस्से तरियां ए हे मेरे बिश्वासी भाईयो, जिब थम मसीह कै साथ मरगे, तो थम नियम-कायदा खात्तर मरेगे, इब थम मसीह के हो, जो मरे होया म्ह तै जिन्दा उठ्या, ताके हम परमेसवर कै खात्तर धार्मिक जीवन जी सका। ⁵ क्यूँके जिब हम अपणे देह की इच्छा के मुताबिक जिवां सां, तो पाप की लालसा म्हारै अंगा म्ह काम करै सै, अर नियम-कायदे ए उन लालसा नै उजागगर करकै मौत नै लेकै आवै सै। ⁶ हम नियम-कायदा खात्तर मरगे जिसकै बन्धन म्ह हम पैहले थे। इब हम पवित्र आत्मा की मानकै, नये सिरे तै परमेसवर की सेवा कर सकां सां।

?????-?????? ?? ???? ?

⁷ तो हम के कह्वां? के मूसा नबी के नियम-कायदे पाप सै? न्ही! बिलकुल न्ही! बल्के नियम-कायदा ए सै, जो मेरे ताहीं बतावै सै, के पाप के सै! जै नियम-कायदे न्ही कहन्दे, के लालच मतना करै तो मै लालच नै जाण ए न्ही पान्दा। ⁸ पर पाप नै मौक्का पाकै, हुकम कै जरिये मेरै म्ह सारी तरियां का लालच पैदा करया, क्यूँके बिना नियम-कायदे पाप मुर्दा सै। ⁹ एक बखत था जिब मै मूसा नबी के नियम-कायदे बिना जीऊँ था, पर जिब मन्नै मूसा नबी के नियम-कायदा ताहीं जाणया, तो मेरे म्ह पाप करण की इच्छा होण लागगी, अर मै मरे होया जिसा होग्या। ¹⁰ अर वो हुकम जिसतै मन्नै जिन्दगी मिलणी थी वो मेरी आत्मिक मौत का कारण बणया। ¹¹ क्यूँके पाप नै मौक्का पाकै हुकम कै जरिये मेरै ताहीं भकाया, अर उस्से कै जरिये मेरी आत्मिक मौत भी हो गई। ¹² ज्यातै हम यो नतिज्जा लिकाड़ा सां, के नियम-कायदे पवित्र सै,

अर हुकम पवित्तर, धर्मी अर खरया सै। 13 तो के मूसा नबी के नियम-कायदे जो खरे थे, मेरै खात्तर मौत लेकै आये? न्ही! बिलकुल न्ही! यो पाप ए था जिसनै इसा करया। पर नियम-कायदे जो खरे थे, मेरै खात्तर मौत लेकै आये, ताके पाप की असलियत जाहिर हो जा, अर हुकम दिखावै सै के पाप घणाए बुरा सै।

???? ? ? ? ? ? ? ? ? ? ?

14 क्यूँके हमने बेरा सै, के मूसा नबी के नियम-कायदे तो आत्मिक सै, पर मै शारीरिक सू, अर पाप का गुलाम सू। 15 अर जो मै करूँ सू, उस ताहीं कोनी जाणदा, क्यूँके जो मै चाहूँ सू, वो न्ही करया करदा, पर जिसतै मन्नै घृणा आवै सै वोए करै सू। 16 जै जो मै न्ही चाहन्दा वोए बुरे काम करूँ सू, तो मै मान ल्यूँ सू, के मूसा नबी के नियम-कायदे खरे सै। 17 तो इसी हालत म्ह जो मेरे म्ह बुरे काम करै सै, वो मै न्ही, बल्के पाप सै, जो मेरै म्ह बस्या होया सै। 18 क्यूँके मन्नै बेरा सै के मेरै म्ह यानिके मेरे पापी सुभाव म्ह कोए आच्छी चीज वास कोनी कर दी। मेरा जी तो भले काम करण की इच्छा तो करै सै, पर भले काम मेरै तै बणदे कोनी। 19 क्यूँके जिस आच्छे काम करण नै मेरा जी करै सै, वो तो कोनी करदा, पर जो बुरे काम करणा न्ही चाहन्दा, वोए करूँ सू। 20 इस करकै जै मै वोए करूँ सू जो न्ही चाहन्दा, तो उसका करण आळा मै कोनी रहया, पर पाप सै जो मेरै भित्तर म्ह बस रहया सै।

21 इस तरियां तै मन्नै सच का बेरा पटै सै, के जब मै भलाई करण की इच्छा करूँ सू, तो बुराई ए करूँ सू। 22 क्यूँके मै भीतरी माणस-पण तै तो परमेसवर के नियम-कायदे तै घणा खुश रहूँ सू। 23 पर मेरे भित्तर एक नियम-कायदा की शक्ति काम करण लागरी सै, जो मेरी पापी अन्तरात्मा तै युध्द करै सै। या नियम-कायदा की शक्ति मेरी अन्तरात्मा नै पाप का गुलाम बणावै सै जो इब भी मेरी देह म्ह सै। 24 मै किसा निरभागा माणस सू! मन्नै इस पापी सुभाव तै जो मौत लेकै आवै सै, कौण छुड़ावैगा? 25 म्हारै प्रभु यीशु मसीह के जरिये परमेसवर का धन्यवाद होवै। ज्यांतै मै अपनी समझ तै तो परमेसवर के नियम-कायदे नै मानना चाहूँ सू, पर पापी सुभाव के कारण मै पाप का गुलाम सू।

8

???? ? ? ? ? ? ? ? ? ? ?

1 इस करकै इब जो मसीह यीशु पै विश्वास करै सै, उनपै दण्ड का हुकम कोनी। 2 क्यूँके पवित्तर आत्मा थमनै वा जिन्दगी देवैगा, जो मसीह यीशु की ओड़ तै

आवै सै, अर वो थारे ताहीं पाप अर मौत तै आजाद करै सै। 3 क्यूँके जो काम मूसा नबी के नियम-कायदे पापी सुभाव के कारण देह म्ह न्ही कर सके, उस ताहीं परमेसवर नै करया, यानिके अपने ए बेटटे ताहीं इन्सान के रूप म्ह पापबलि होण के खात्तर भेज दिया, परमेसवर नै पाप की शक्ति ताहीं अपने बेटटे की देह के बलिदान के जरिये तोड़ दिया। 4 ज्यांतै के मूसा नबी के नियम-कायदे की विधि म्हारै म्ह पूरी करी जावै, जो पापी सुभाव के मुताबिक न्ही, बल्के पवित्तर आत्मा के मुताबिक चाल्लै सै, 5 क्यूँके जो अपने पापी सुभाव के कारण चाल्लै सै, वो बुरी चिज्जां के बारे म्ह सोचवै सै, पर जो-जो पवित्तर आत्मा के जरिये चाल्लै सै, वो उन चिज्जां के बारे म्ह सोचवै सै, जो पवित्तर आत्मा ताहीं खुश करै सै। 6 जै थम अपनी पापमय लालसा के मुताबिक चाल्लोंगे तो मरोगे, पर पवित्तर आत्मा के कहे मुताबिक चाल्लोंगे तो जिन्दगी अर शान्ति पाओगे। 7 क्यूँके पापमय लालसा के मुताबिक चालणा तो परमेसवर तै बैर राखणा सै, क्यूँके ना तो वो परमेसवर के नियम-कायदे के अधीन सै अर ना कदे हो सके सै। 8 अर जो पापमय लालसा के मुताबिक चाल्लै सै, वे परमेसवर नै खुश न्ही कर सकदे।

9 पर जब के परमेसवर का पवित्तर आत्मा थारे म्ह बसै सै, तो थम पापमय लालसा के मुताबिक न्ही पर पवित्तर आत्मा के कहे मुताबिक चाल्लों। जै किसे म्ह मसीह का आत्मा कोनी चाल्दा तो वो परमेसवर का माणस कोनी। 10 जै मसीह थारे म्ह वास करै सै, तो पाप के कारण देह मरी होई सै, पर धार्मिकता के कारण थारी आत्मा जिन्दा सै। 11 जै परमेसवर का आत्मा जिसनै मसीह यीशु ताहीं मरे होया म्ह तै जिन्दा करया, थारे म्ह बस्या होया सै, तो जिसनै मसीह ताहीं मरे होया म्ह तै जिन्दा करया, वो थारी नाश होण आळी देह नै भी अपने पवित्तर आत्मा के जरिये जिन्दा करैगा, जो थारे म्ह बस्या होया सै।

12 इस करकै हे विश्वासी भाईयो, हम पापी सुभाव के कर्जदार कोनी के हम इसके मुताबिक बरताव करां। 13 क्यूँके जै थम पापी सुभाव के मुताबिक जीओगे, तो मरोगे जै पवित्तर आत्मा तै पापमय लालसा के काम्मां नै मरोगे तो जिन्दे रहोगे। 14 ज्यांतै के जितने माणस परमेसवर के आत्मा के चलाए चाल्लै सै, वैए परमेसवर की ऊलाद सै। 15 क्यूँके थारे ताहीं गुलामी की आत्मा कोनी दी गई, के थम डरो, पर पवित्तर आत्मा हमनै परमेसवर की ऊलाद बणावै सै, जिसतै हम हे अब्बा, हे पिता कहकै बोल्लां सां। 16 पवित्तर आत्मा आप ए म्हारी आत्मा के गेल्या गवाही देवै सै, के हम परमेसवर की ऊलाद सां, 17 अर जै ऊलाद सां तो वारिस भी, बल्के परमेसवर के वारिस अर मसीह के संगी वारिस सां, अगर

हम मसीह के ढाळ दुख ठावांगे, तो हम उसकी महिमा म्ह भी शामिल हो पावांगे।

११ १११ १११ १११ १११ ११११११ १११ ११११११

18 मन्नै पक्का यकिन सै, के इस बखत के दुख अर क्लेश उस महिमा के स्याम्ही, उस महिमा के समान जो प्रभु म्हारै ताहीं देवैगा, किमे भी कोनी सै। 19 क्यूँके सृष्टि की सारी चिज्जें घणी उम्मीद भरी निगांह तै परमेसवर की ऊलाद की बाट देखण लागरी सै। 20 परमेसवर की बणाई गई हर एक चीज नै अपणे मकसद ताहीं खो दिया सै, यो इस करके न्ही के सृष्टि खुद चाहवै थी, पर परमेसवर नै इसा करया, पर फेर भी आस सै। 21 सृष्टि भी खुद उस दिन की बाट देखवै सै, जिब वो मौत अर विनाश की गुलामी तै छुटकारा पाकै, परमेसवर की महिमा म्ह उसकी ऊलाद के साथ शामिल होवैगे। 22 क्यूँके हमनै बेरा सै के सारी सृष्टि इब ताहीं मिलकै कराहती अर दर्दा म्ह पड़ी, उस जनानी की तरियां सै, जिसा बच्चा होण तै पैहले दर्दा म्ह तड़फै सै। 23 अर सिर्फ परमेसवर की बणाई सृष्टि ए न्ही, पर हम भी जिस म्ह होण आळी महिमा के पैहले तै स्वाद चखण के रूप म्ह पवित्र आत्मा का वास सै, हम खुद भी अपणे-आप म्ह कराहवा सां। यो जिब्बे होगा जिब हम देह तै आजाद होवांगे, अर परमेसवर हमनै अपनी ऊलाद बणाण के खात्तर अपनावै। 24 आण आळी महिमा की आस के जरिये ए थारा उद्धार होया सै, जै थम उन चिज्जां की आस राख्वां सां जो थारे धोरै पैहले तै सै, तो थारी आस धरणा बेकार सै, कोए भी उस चीज की आस कोनी राखदा, जो उसकै धोरै पैहले तै सै। 25 हम उन चिज्जां की आस करां सां, जो म्हारे धोरै इब ताहीं सै कोनी, तो हम धीरज तै बाट देख्वां सां, जिब तक वो चीज हमनै मिल ना जावै।

26 प्रार्थना करण खात्तर म्हारे धोरै बुद्धि कोनी, पर पवित्र आत्मा म्हारी मदद करै सै, क्यूँके हमनै न्ही बेरा के किन बात्तां के खात्तर प्रार्थना करणी चाहिये, पर पवित्र आत्मा आप्पे इसी आह भर-भरकै, जो बयान तै बाहरणै सै, म्हारै खात्तर बिनती करै सै। 27 परमेसवर जो मनां का जाँचण आळा सै उसनै बेरा सै, के पवित्र आत्मा का मकसद के सै? क्यूँके वो पवित्र माणसां के खात्तर परमेसवर की मर्जी के मुताबिक बिनती करै सै।

28 हमनै बेरा सै के जो माणस परमेसवर तै प्यार राखवै सै, उनके खात्तर सारी बात मिलकै भलाई ए नै पैदा करै सै, यानिके उनके खात्तर जो उसकी मर्जी के मुताबिक चुणे होए सै। 29 क्यूँके जिन ताहीं परमेसवर नै पैहल्या तै चुण्या होया सै, उन ताहीं उसकै बेट्टे यीशु मसीह जिसे बणण खात्तर ठहराया भी सै, ताके वो घणे भाईयाँ

म्ह पैहलड़ा यानी जेट्टा बणै। 30 फेर जिन माणसां ताहीं उसनै पैहल्या तै ठहराया, उन ताहीं चुण्या भी, अर जिन ताहीं चुण्या, उन ताहीं धर्मी भी बणाया सै, अर जिन ताहीं धर्मी बणाया, उन ताहीं अपनी महिमा म्ह भागीदारी भी बणाया सै।

१११११११ ११ ११११११

31 तो इन बात्तां तै हम यो नतिज्जां लिकाड़ा सां, जै परमेसवर म्हारी कान्ही सै, हमनै कौण हरा सकै सै? 32 परमेसवर वो सै जिसनै अपणे खुद के बेट्टे ताहीं भी म्हारे खात्तर बलिदान करण म्ह कोए संकोच कोनी करया, तो जो उसनै म्हारे तै वादा करया सै, वो सारा कुछ म्हारे ताहीं क्यूँ न्ही देवैगा? 33 कोए भी हमनै परमेसवर के स्याम्ही दोषी न्ही ठहरा सकता? परमेसवर ए सै जो म्हारे ताहीं धर्मी बणावै सै। 34 कोए भी हमनै दोषी न्ही ठहरा सकता? क्यूँके यीशु मसीह ए सै, जो मरया बल्के मुर्दा म्ह तै जिन्दा भी उठचा, अर परमेसवर के सोळी ओड़ सै, अर म्हारै खात्तर बिनती भी करै सै। 35 कौण हमनै मसीह के प्यार तै न्यारा करैगा? के क्लेश, संकट, उपद्रव, अकाळ, नंगाई, जोख्खम, या तलवार? 36 जिसा पवित्र ग्रन्थ म्ह लिख्या सै, “तेरे खात्तर लोग हमनै रोज मारण की धमकी देवै सै, हम मरण आळी भेड्डां की तरियां समझे गये सां।” 37 पर इन सारी बात्तां म्ह हम उसकै जरिये जिसनै म्हारै तै प्यार करया सै, जयवन्त तै भी बाध सै। 38-39 क्यूँके मै जाणुं सै, के कोए भी चीज मसीह नै म्हारे तै प्यार करण तै न्ही रोक सकदी। इसतै कोए फर्क न्ही पड़ता के चाहे हम जिवां या मरा, सुगंदूत, प्रधानताएँ, शक्तियाँ जो सुगं म्ह सै इन म्ह तै कोए भी हमनै मसीह के प्यार तै अलग न्ही कर सकदी, अर इब जो होण लागरया सै, जो भविष्य म्ह होण आळा सै, गहराई, ऊँचाई हमनै परमेसवर के प्यार तै, जो म्हारे प्रभु यीशु मसीह म्ह सै अलग न्ही कर सकदी।

9

११११११११ ११ १११११ ११११११ १११ १११११

1-3 जै कोए भी चीज हमनै परमेसवर के प्यार तै अलग न्ही कर सकदी, तो क्यूँ इस्राएली, मेरे यहूदी भाई परमेसवर तै दूर सै? मेरा मन उन खात्तर भोत दुखी सै, जै उन माणसां के छुटकारे खात्तर मेरे उप्पर चाहे दोष भी लगाये जावै या मसीह तै अलग करया जावै, तोभी मै इसकै खात्तर तैयार सै, अर मै मसीह नै गवाह मानते होए सच बोल्लू सै, पवित्र आत्मा अर मेरी अन्तरात्मा भी या गवाही देवै सै के मै झूठ कोनी बोल्ला। 4 वे इस्राएल देश के माणस सै, अर वे परमेसवर के गोद लिये होड़ माणस सै, अर महिमा, करार, नियम-कायदे

यहूदी माणसां खात्तर, परमेसवर तै मेरी याए प्रार्थना सै के वे बचाए जावै।² क्यूँके मै उनकी गवाही दूँ सूँ, के उन ताहीं परमेसवर के खात्तर उत्साह रहवै सै, पर सही समझकै गेल्या न्ही।³ क्यूँके वा धार्मिकता जो परमेसवर की ओड़ तै आवै सै, उस ताहीं वे समझण म्ह नाकामयाब रहे अर अपने तरिके तै धर्मी बणण की कोशिश करी, वे परमेसवर की धार्मिकता के अधीन न्ही होए।⁴ क्यूँके मसीह नै पैहले तै ए उस मकसद ताहीं पूरा कर लिया सै। जिस खात्तर नियम-कायदे दिए गये थे, उसका नतिज्जां यो होया के जो यीशु मसीह पै बिश्वास करै सै वो धर्मी बणाए जावैगे।

?????? ???? ? ? ?

⁵ क्यूँके मूसा नबी नै नियम-कायदा तै धर्मी बणण के बारे म्ह पवित्र ग्रन्थ म्ह यो लिख्या सै, के जो माणस उननै मानै सै, वो इस्से कारण तै जिन्दा रहैगा।⁶ पर बिश्वास के जरिये धर्मी बणाये जाण के बारे म्ह पवित्र ग्रन्थ या कहवै सै, के “तू अपने मन म्ह न्यू ना कहिये, के मसीह ताहीं नीचै ल्याण खात्तर सुर्ग पै कौण चढ़ैगा?”⁷ या “अधोलोक म्ह कौण उतरैगा?” (यानिके मसीह ताहीं मरे होया म्ह तै जिन्दा उप्पर लाण के खात्तर!)⁸ पर के कहवै सै, योए के “परमेसवर का वचन तेरे धारे सै, ताके तू उसनै अपने मुँह तै अंगीकार कर सकै अर अपने मन म्ह राख सकै,” यो वोए बिश्वास का वचन सै, जो हम प्रचार करा सां।⁹ जै तू माणसां के स्याम्ही यीशु नै प्रभु मान ले, अर अपने मन तै बिश्वास करै के परमेसवर नै उस ताहीं मरे होया म्ह तै जिन्दा करया, तो परमेसवर तन्नै बचावैगा।¹⁰ क्यूँके हम अपने मन तै बिश्वास करां सां, तो हम परमेसवर के जरिये धर्मी बणाए जावै सै, अर हम मुँह तै अंगीकार करां सां, के हम मसीह पै बिश्वास करां सां, तो इस करके हम बच जावांगे।¹¹ क्यूँके यशायाह नै पवित्र ग्रन्थ म्ह मसीह के बारे म्ह यो लिख्या सै, “जो कोए उसपै बिश्वास करैगा वो शर्मिन्दा कोनी होवैगा।”¹² यहूदियाँ अर यूनानियाँ म्ह किमे फर्क कोनी, ज्यांतै के परमेसवर सारया का प्रभु सै, जो उसका नाम लेवै सै उस ताहीं वो बचावै सै।¹³ क्यूँके पवित्र ग्रन्थ म्ह लिख्या सै के “जो कोए प्रभु का नाम लेवैगा, वो बचाया जावैगा।”

¹⁴ पर जिन माणसां नै मसीह पै बिश्वास न्ही करया, तो वे उसनै मदद खात्तर किस तरियां पुराँगे? अर जिसके बारे म्ह सुण्या न्ही उसपै किस तरियां बिश्वास करैंगे? अर वे किस तरियां सुणैंगे जब तक कोए प्रचारक ना जावै।¹⁵ जै प्रचारक भेज्जे ना जावै, तो

किस तरियां प्रचार करै? जिसा पवित्र ग्रन्थ म्ह लिख्या सै, “जो आच्छी बातों का सुसमाचार लेके आवै सै, उनके पाँव कितने सुहावने सै।”¹⁶ पर सारया नै उस सुसमाचार पै बिश्वास कोनी करया जिसा यशायाह नबी कहवै सै, “हे प्रभु, किस्से नै भी म्हारै सन्देस पै बिश्वास न्ही करया?”¹⁷ पर मसीह के बारे म्ह वचन सुणण तै बिश्वास होवै सै।¹⁸ पर मै पूच्छु सूँ, के यहूदियाँ नै, मसीह के बारे म्ह न्ही सुण्या? सुण्या तो जरूर सै, क्यूँके पवित्र ग्रन्थ म्ह लिख्या सै, “उनके बोल साब्ती धरती पै, अर उनके वचन दुनिया के कुणे ताहीं पोहोचगे सै।”¹⁹ फेर मै पूच्छु सूँ, के इस्राएली लोग मसीह के बारे म्ह सन्देस ताहीं समझै सै? पैहल्या तो प्रभु नै मूसा नबी के जरिये यो कह्या, “मै उन गैर यहूदियाँ के जरिये थारे मन म्ह जळण पैदा करूँगा, मै थमनै यहूदियाँ के जरिये मूर्ख समझण आळे माणसां तै गुस्सा दिलाऊँगा।”²⁰ फेर जो बात प्रभु नै कही वा बात यशायाह नबी बड़ी हिम्मत करके कहवै सै, “जो मन्नै न्ही टोहवै थे, उननै मेरै ताहीं पा लिया, अर जो मन्नै बुझै भी कोनी थे, उनपै मै जाहिर होया।”²¹ पर इस्राएल देश के माणसां के बारे म्ह, परमेसवर यशायाह नबी के जरिये न्यू भी कहवै सै, “मै सारा दिन अपने हाथ, एक हुकम ना मानण आळी अर विवाद करण आळी प्रजा के कान्ही पसारे रहया।”

11

???????? ? ? ?

¹ ज्यांतै मै पूच्छु सूँ, के परमेसवर नै अपनी प्रजा ताहीं छोड़ दिया? न्ही! बिलकुल न्ही! मै भी तो इस्राएली सूँ, मै अब्राहम की पीढ़ी अर बिन्यामीन के गोत्र म्ह तै सूँ।² परमेसवर नै अपनी उस प्रजा ताहीं कोनी छोड़्या, जिस ताहीं उसनै पैहल्याए तै चुण्या सै। के थमनै न्ही बेरा के पवित्र ग्रन्थ एलियाह नबी के बारे म्ह के कहवै सै, वो इस्राएल के माणसां के बिरोध म्ह परमेसवर तै शिकायत करै सै।³ “हे प्रभु, उननै तेरे नबियाँ ताहीं मार दिया, अर तेरी वेदियाँ* ताहीं नाश कर दिया सै, अर मै ए एक्ला बचा सूँ, जो तेरे पै बिश्वास करूँ सूँ अर जिन्दा सूँ, अर वे मेरी जान भी लेणा चाहवै सै।”⁴ तब परमेसवर नै एलियाह नबी तै कह्या, “मन्नै अपने खात्तर सात हजार माणसां ताहीं राख राख्या सै, जिन नै बाल देवता की मूर्ति की आराधना करण खात्तर गोड्डे कोनी टेक्के सै।”⁵ ठीक इस्से तरियां तै इस बखत भी, परमेसवर के अनुग्रह तै अलग करे होए कुछ यहूदी

* 11:3 11:3 वेदी-परमेसवर ताहीं भेट चढ़ाण खात्तर एक जगह

माणस बचरे सै, जिन ताहीं उसनै अपणे खात्तर चुण्या सै। 6 जै उन ताहीं परमेसवर नै अपणे अनुग्रह तै चुण्या सै, तो यो आच्छे काम्मां तै न्ही होया, न्ही तो अनुग्रह फेर अनुग्रह न्ही रहया।

7 फेर इसका नतिज्जा के लिकइया? हालाकि इस्राएली माणस जो परमेसवर की नजर म्ह धर्मी बणणा चाहवै थे, पर वो बण न्ही पाए, पर परमेसवर नै जिन ताहीं चुण्या वे उसके गैल धर्मी बण गये, अर बचे होइ माणस हठीले करे गये अर उननै उसकी सुणण तै इन्कार कर दिया। 8 जिसा पवित्तर ग्रन्थ म्ह यशायाह नबी नै लिख्या सै, “परमेसवर नै उन ताहीं आज कै दिन तक सुस्त दिमाग दे राख्या सै, अर इसी आँख दी जो ना देखवै, अर इसे कान दिये जो ना सुणै।” 9 अर राजा दाऊद कहवै सै, “के जिसा एक पंछी खाणा खाण खात्तर जाळ म्ह फँस जावै सै अर जानवर खड्डे म्ह गिर जावै सै, उसी तरियां ये माणस भी परमेसवर की ओइ तै दण्ड पावेंगे। 10 उनकी आँख आँधी हो जावै ताके वो देख न्ही पावै, अर वे सारी हाण मुसीबतां म्ह फसे रहवै।” 11 तो मै पूच्छुं, के यहूदी लोग ठोक्कर खाण कै कारण सदा कै खात्तर नाश होगे? न्ही! बिलकुल न्ही! पर उनके अबिश्वास कै कारण गैर यहूदियाँ ताहीं उद्धार मिल्या, ताके इस्राएल के माणसां कै जळण होवै। 12 ज्यांतै जै उनका अबिश्वास दुनिया की गैर यहूदियाँ कै खात्तर भलाई का कारण बणै, तो इस्राएल के माणसां का परमेसवर के धौरै बोहड़ के आणा और भी आच्छा क्यूँ न्ही होगा।

????? ????????? ? ? ????????? ???? ???? ?
?????????

13 मै थम दुसरी जात्तां तै ये बात कहूँ सूं। जिन के मै गैर यहूदियाँ कै खात्तर प्रेरित सूं, तो मै अपनी सेवा की बड़ाई करूँ सूं, 14 ताके किसे तरियां तै मै अपणे कुण्बे आळे माणसां म्ह जळण पैदा करवा कै उन म्ह तै एक-आधै का उद्धार कराऊँ। 15 क्यूँके जिन इस्राएली माणसां का छोड़ दिया जाणा, गैर यहूदियाँ का परमेसवर कै साथ मेळ-मिलाप का कारण होया। तो उनका मसीह ताहीं अपनाया जाणा, इसा होगा, जिसा किसे माणस का मुर्दा म्ह तै जिन्दा जाणा। 16 मै थमनै एक उदाहरण देऊँ सूं, यो यहूदी माणसां का रिवाज सै, जिन हम चून गुंधा सां, तो उस म्ह तै पैहले रोटी का एक पेड़ा परमेसवर कै खात्तर लिकाड़ा सां, तो पूरा गुन्दा होया चून भी परमेसवर कै खात्तर सै, उससे तरियां जिस तरियां जइ परमेसवर की सै, तो डाळी भी उससे की सै।

17 इस्राएल के माणस जैतून की डाळी की तरियां सै अर पिता अब्राहम, इसहाक अर याकूब पेड़ की जइ की

तरियां सै, पर जै कुछ डाळी तोड़ दी गई, अर तू जंगळी जैतून होके उन म्ह कलम करया गया, अर यहूदी माणसां ताहीं मिलण आळी आशीष का फायदा थारे ताहीं भी होया, जिसा जैतून के पेड़ की डाळी पेड़ की जइ तै रस हासिल करै सै। 18 तो थम यो घमण्ड ना करियो, के थम उन कटी होई डाळियाँ तै बढ़िया सों, यो याद राक्खों के थम जइ नै कोनी पर, जइ थमनै सम्भाळै सै। 19 फेर थम बोल सकों सों के “परमेसवर पेड़ तै टुट्टी होए डाळियाँ की तरियां थमनै छोड़ देगा।” ताके गैर यहूदियाँ ताहीं अपनाले, जो के उन डाळियाँ की तरियां सै जो कलम करके लगाई गई सै। 20 यो सच सै के वे तो अबिश्वास के कारण तोड़ी गई, पर तू बिश्वास तै बणया रहवै सै ज्यांतै घमण्डी ना होवै, पर भय मान, 21 क्यूँके जिन परमेसवर नै खुद की डाळियाँ पै दया न्ही करी तो वो थारे पै भी दया न्ही करैगा। 22 ज्यांतै परमेसवर की दया अर कठोरता नै देख! जो अबिश्वासी माणसां खात्तर कठोरता अर थारे खात्तर दया सै, जै थम असलियत म्ह उसकी दया की हद म्ह न्ही बणे रहवोंगे, तो थारे ताहीं भी काट के अलग कर दिया जावैगा। 23 यहूदी लोग भी जै बिश्वास करणा शरु करदे, तो दुबारा तै लगा दिए जावेंगे, क्यूँके परमेसवर उन ताहीं फेर छांग सकै सै। 24 एक जंगळी डाळी खात्तर एक आच्छे पेड़ का हिस्सा बणणा कुदरती न्ही सै, अर जो यहूदी कोनी जंगळी जैतून के पेड़ की डाळी की तरियां सै, जो के एक आच्छे जैतून के पेड़ म्ह लगाई गई सै, पर यहूदी एक डाळी की तरियां सै जो आच्छे पेड़ तै उगै सै, पक्के तौर पै वे अपणे पेड़ म्ह शामिल हो सकै सै।

????????? ????????????? ? ? ??????????

25 हे बिश्वासी भाईयो, मै न्ही चाहन्दा के थम इस भेद तै अनजाण रहों, इसा ना हो के थम अपणे-आप पै घमण्ड करण लागगों, जिन तक गैर यहूदी परमेसवर के धौरै ना आवै सै, तब तक इस्राएल के कुछ माणस सख्त बणे रहवेंगे। 26 अर इसके बाद सारे इस्राएल के माणस उद्धार पावेंगे। जिसा पवित्तर ग्रन्थ म्ह लिख्या सै, “छुटाण आळा यरुशलेम तै आवैगा, अर अभगति नै याकूब के वंश तै दूर करैगा। 27 अर उनके गेल्या मेरा यो करार होगा, जिन मै उनके पापां नै माफ कर दियुँगा।” 28 यहूदी लोग परमेसवर के दुश्मन बणगे थे, क्यूँके वे उस सुसमाचार पै बिश्वास करणा न्ही चाहन्दे, यो थारे खात्तर फायदेमन्द होया, पर परमेसवर उनतै प्यार करै सै, क्यूँके उसनै अपणे खात्तर उन ताहीं चुण्या सै, योए वो वादा सै जो उसनै म्हारे पूर्वजां तै करया था। 29 क्यूँके परमेसवर अपणे वरदान्नां तै, अर बुलाहट तै

तै इन्कार करै सै, जिनके धोरै शासन करण की शक्ति सै, तो वो परमेसवर की विधि का बिरोध करै सै, अर बिरोध करण आळे दण्ड पावैगें। ³ क्यूँके हाकिम आच्छे काम के न्ही, पर भुन्डे काम कै खात्तर डर का कारण सै। जै तू हाकिम तै बिना डरे रहणा चाहवै सै, तो आच्छा काम कर, ताके उसकी ओड़ तै तेरी बड़ाई हो। ⁴ क्यूँके वो तेरी भलाई कै खात्तर परमेसवर का सेवक सै। परन्तु जै तू बुराई करै, तो डर, क्यूँके उसनै दण्ड देण का हक सै, अर वो परमेसवर का सेवक सै ताके उसकै छो के मुताबिक भुन्डे काम करण आळे ताहीं सजा देवै। ⁵ ज्यांतै थम उनके अधीन रहों ना सिर्फ उसकै दण्ड तै बचण खात्तर बल्के साफ अन्तरात्मा राक्खण खात्तर भी। ⁶ ज्यांतै चुंगी भी दो क्यूँके शासन करण आळे परमेसवर के सेवक सै अर सारी हाण उस फर्ज नै पूरा करण म्ह लागगे रहवै सै। ⁷ ज्यांतै हरेक का हक चुकाया करो, जिस ताहीं चुंगी देणी चाहिये, उस ताहीं चुंगी देओ, कर देण आळे ताहीं कर* देओ, जिसतै डरणा चाहिये, उसतै डरो, जिसका आदर-मान करणा चाहिये, उसका आदर-मान करो।

११-११११११ ११ ११११११ ११११११११

⁸ एक ए चीज सै जिसके थमनै कर्जदार होणा चाहिए, वो सै थारा आप्स म्ह प्यार, क्यूँके जो एक-दुसरे तै प्यार करै सै, उससे नै परमेसवर के नियम-कायदा ताहीं पूरा करया सै। ⁹ क्यूँके, मूसा नबी के नियम-कायदा म्ह भोत-से हुकम सै, “जारी ना करणा, खून ना करणा, चोरी ना करणा, लालच ना करणा,” अर इन्नै छोड़ और कोए भी हुकम हो, तो सारया का निचोड़ इस एक हुकम म्ह पाया जावै सै, “अपणे पड़ोसी तै अपणे जिसा प्यार करो।” ¹⁰ प्यार पड़ोसी की कुछ बुराई कोनी करदा, जो प्यार करै सै, वो परमेसवर के नियम-कायदा नै पूरा करै सै।

¹¹ आप्स म्ह हरेक नै एक-दुसरे तै प्यार करते रहणा चाहिए, क्यूँके वो बखत आवै सै, के जिब परमेसवर हमनै इस बुरी दुनिया तै छोड़वैगा, जिब हमनै पैहली बार मसीह म्ह विश्वास करया था, तब तै इब वो बखत धोरै आ लिया सै, तो थारे ताहीं नींद तै जागणा चाहिए अर सावधान रहणा चाहिए। ¹² दुनिया म्ह रहण का म्हारा बखत लगभग एक रात की ढाळ सै, जो खतम होण आळी सै, अर मसीह के बोहड़ण आळा बखत भोत लवै सै, ज्यांतै हमनै अन्धकार के काम्मां नै छोड़कै, चाँदणे की ढाळ आच्छे काम करणे चाहिए, जो बुराई का बिरोध करण म्ह म्हारे हथियार बणै सकै। ¹³ आओ! हम खुद नै सही तरिकके तै चलाणा शरू करा, जो उन माणसां की तरियां सै जो चाँदणे म्ह रहवै सै, पर अँधेरे म्ह रहण आळे

* 13:7 13:7 कर-हरेक ढाळ का टैक्स

माणसां की ढाळ ना बणो जो भोग-विलास, दारूबाजी, जारी, लुचपण, रोळे अर जळण करण जिसा काम करै सै। ¹⁴ बल्के प्रभु यीशु मसीह ताहीं कवच बणा के पैहर ल्यो, अर देह की पापी अभिलाषायां नै पूरा करण का उपाय ना करो।

14

१११११ ११११ ११ ११११ १११११ ११११

¹ जो माणस विश्वास म्ह कमजोर सै, उस ताहीं अपणी संगति म्ह ले ल्यो, पर उस ताहीं के करणा चाहिए के न्ही करणा चाहिए इस बारे म्ह बहस ना करो। ² एक नै विश्वास सै, के सारा कुछ खाणा सही सै, पर जो विश्वास म्ह कमजोर सै वो साग-पात ए खावै सै। ³ अर माँस-मच्छी खाण आळे साग-पात खाण आळे ताहीं तुच्छ ना जाणै, अर ना साग-पात खाणआळा, माँस-मच्छी खाणआळै पै दोष लावै, क्यूँके परमेसवर नै दोनुआ ताहीं अपणायया सै। ⁴ तू कौण सै जो दुसरे कै नौक्कर पै दोष लावै सै? पर उसकी कामयाबी या नाकामयाबी उसकै माल्लिक कै ए हाथ्यां म्ह सै, बल्के वो कामयाब ए कर दिया जावैगा, क्यूँके प्रभु उस ताहीं कामयाब कर सकै सै।

⁵ इस तरियां कई माणस तो एक दिन नै दुसरे तै बाध मान्नै सै, अर कई माणस सारे दिनां नै एक जिसा जाणै सै, इस तरियां तै हरेक अपणे ए मन म्ह, इस बात नै पक्का कर लेवै जो वो सोचवै सै वोए सही सै। ⁶ जो कोए किसे दिन नै बाध मान्नै सै, वो प्रभु नै आदर मान देण खात्तर मान्नै सै। जो कोए माँस-मच्छी खावै सै, वो प्रभु नै आदर मान देण खात्तर खावै सै, क्यूँके वो परमेसवर का धन्यवाद करै सै, अर जो साग-पात खावै सै, क्यूँके वो प्रभु नै आदर मान देण खात्तर खावै अर परमेसवर का धन्यवाद करै सै। ⁷ क्यूँके हम सारे प्रभु के सां। म्हारै म्ह तै ना तो कोए अपणे खात्तर जिन्दा सै, अर ना कोए अपणे खात्तर मरै सै, पर परमेसवर ताहीं खुश करण खात्तर करै सै। ⁸ जै हम जिवां सां, तो प्रभु कै खात्तर जिवां सां, अर जै मरा सां, तो प्रभु कै खात्तर ए मरा सां, हम जिवां या मरा, हम प्रभु ए के सां। ⁹ क्यूँके मसीह यीशु इस्से खात्तर मरा अर मुर्दा म्ह तै जिन्दा भी हो गया के वो मरे होया अर जिन्दयां का, दोनुआं का प्रभु होवै।

¹⁰ तू अपणे विश्वासी भाई पै क्यांतै दोष लावै सै? या फेर क्यांतै अपणे विश्वासी भाई नै तुच्छ जाणै सै? परमेसवर हम सारा का न्याय करैगा। ¹¹ क्यूँके पवित्त्र ग्रन्थ म्ह लिख्या सै, “प्रभु कहवै सै,

14 हे मेरे विश्वासी भाईयो, मैं अपने-आप थारे बारे में पक्का जानूँ, के थम भी आप ए भलाई तै भरे होए सों, अर थमनै बेरा होणा चाहिए के थमनै के करणा चाहिए, अर एक-दुसरे नै सीखा भी सको सों। 15 तो भी मन्नै कई बातों के बारे में थारे ताहीं जो हिम्मत करके लिख्या। यो उस अनुग्रह के कारण होया जो परमेसवर नै मेरे ताहीं दिया सै, 16 के मैं गैर यहूदियाँ के खात्तर मसीह यीशु का सेवक होके परमेसवर के सुसमाचार की सेवा याजक के ढाळ करूँ, ताके गैर यहूदियाँ ताहीं परमेसवर खात्तर भेट के रूप में दे सकूँ, जिसके साथ वो खुश होवै सै, जिन ताहीं पवित्र आत्मा नै पवित्र माणस बना दिया। 17 ज्यांतै मैं यीशु मसीह के कारण ए परमेसवर की सेवा पै गर्व कर सकूँ सूं। 18 क्यूँके मैं हिम्मत के गैल सिर्फ उन बातों बारे में जिंकर करणा चाहूँ सूं, जो मसीह नै मेरे ताहीं करण के काबिल बनाया, ताके जो मन्नै कइया अर करया सै उसके जरिये गैर यहूदी माणस परमेसवर का हुकम मान्नै। 19 पवित्र आत्मा के जरिये दी गई शक्ति तै मैं अदभुत चिन्ह-चमत्कार करूँ सूं, इस कारण जित्त भी मैं यरुशलेम नगर तै लेके चौगरदेके इल्लुरिकुम परदेस तक गया, ओड़ै मन्नै सारया ताहीं यीशु मसीह का सुसमाचार सुणाया। 20 पर मेरे मन की इच्छा या सै के जित्त-जित्त मसीह यीशु का नाम नही लिया गया, ओड़ै सुसमाचार सुणाऊँ, अर उस मकान बनाण आळे मिस्त्री की ढाळ ना होऊँ जो दुसरे की नीम पै घर बनावै सै। 21 पर जिसा पवित्र ग्रन्थ में लिख्या सै मैं उस ताहीं पूरा करणा चाहूँ सूं, “जिनके धारे यीशु मसीह का सुसमाचार नही पोहच्यो, वैए देखेंगे, अर जिन नै नही सुणा वैए समझेंगे।”

22 ज्यांतै मैं थारे धारे आण तै बार-बार रुक्या रहया।

23 पर इब यरुशलेम नगर अर इल्लुरिकुम परदेस में मन्नै माणसां ताहीं परमेसवर का वचन सुणा दिया सै, जिननै यीशु मसीह के बारे में सुण्या ए नही था, अर इब मैं थारे तै आके मिलूँगा, जिसकी लालसा मन्नै घणे साल्लां तै थी। 24 ज्यांतै जब मैं स्पेन देश में जाऊँगा, तो थारे धारे होंदा होया जाऊँगा, क्यूँके मन्नै उम्मीद सै के उस सफर में थारे तै भेंट होवैगी, अर जब थारी संगति तै मेरा जी खुश हो जावै, तो थम मेरी स्पेन देश जाण में मदद कर दिओ। 25 पर इब तो मैं यरुशलेम नगर में जाऊँ सूं ताके ओड़ै परमेसवर के पवित्र माणसां नै दान दे सकूँ। 26 क्यूँके मकिदुनिया अर अखाया परदेस के माणसां नै यो आच्छा लाग्या के यरुशलेम नगर के

गरीब माणसां के खात्तर कुछ दान कट्टा करै। 27 उननै आच्छा तो लाग्या, पर वे यरुशलेमवासियों के कर्जदार भी सै, क्यूँके यहूदियाँ नै गैर यहूदियाँ के साथ परमेसवर की आत्मिक बातों का साँझा करया सै, यो सही सै गैर यहूदियाँ की दुनियावी चिज्जां नै यहूदियाँ के गैल साँझा करै। 28 ज्यांतै मैं यरुशलेम नगर में जाण लागरया सूं, ताके वो दान दे सकूँ, जो मन्नै कट्टा करया सै, उसके बाद थारे तै रोम देश में मिलके स्पेन देश में जाऊँगा। 29 अर मन्नै बेरा सै के जब मैं थारे धारे आऊँगा, तो मैं मसीह की आशीष नै थारे साथ साँझा करूँगा।

30 हे विश्वासी भाईयो, म्हारै प्रभु यीशु मसीह में विश्वास के कारण अर जो पवित्र आत्मा नै म्हारै ताहीं जो प्यार दिया सै मैं थारे तै बिनती करूँ सूं, के मेरे खात्तर अर मेरे साथ मन तै परमेसवर तै प्रार्थना करो 31 ताके मैं यहूदिया परदेस के अविश्वासियाँ तै बचा रहूँ, अर जो दान मैं यरुशलेम नगर में लेके जाण लागरया सूं, वो परमेसवर के पवित्र माणसां खात्तर खुशी का कारण बणै। 32 अर मैं परमेसवर की मर्जी तै थारे धारे आनन्द के गैल आके थारे गेल्या आराम पाऊँ। 33 मैं प्रार्थना करूँ सूं, शान्ति का दाता परमेसवर थारे सारया के गेल्या रहवै। आमीन।

16

1 मैं थारे तै फिबे के खात्तर जो म्हारी विश्वासी भाण अर किखरया नगर की कलीसिया की सेविका सै, मैं चाहूँ सूं के थम उसका आदर करो। 2 थम यो जाणके उसका इसा स्वागत करो जिसा थम परमेसवर के पवित्र माणसां का करो सों, अर जिस किसे बात में उस ताहीं थारी जरूरत होवै, उसकी मदद करो, क्यूँके वा भी घणखरयां की बल्के मेरी भी उपकार करण आळी रही सै।

3 प्रिसकिल्ला विश्वासी भाण अर उसके धणी अक्विला नै जो मसीह यीशु में मेरे गैल काम करणीये सै, उन ताहीं मेरा नमस्कार। 4 उननै मेरे प्राण के खात्तर अपना ए जीवन जोखवम में गेर दिया था, अर सिर्फ मैं ए नही, बल्के गैर यहूदियाँ की सारी कलीसिया भी उनका धन्यवाद करै सै। 5 अर उस कलीसिया नै भी नमस्कार जो उनके घर में कट्टा होवै सै। मेरे प्यारे भाई इपैनिटुस नै, जिसनै आसिया में सब तै पैहले मसीह पै विश्वास करया, उस ताहीं भी मेरा नमस्कार। 6 विश्वासी भाण मरियम ताहीं, जिसनै थारे खात्तर घणी मेहनत करी, नमस्कार। 7 विश्वासी भाई अन्दरुनीकुस अर उसकी भाण यूनियास नै जो मेरे यहूदी

साथी सै, जो मेरै गेल्या कैद होए थे अर प्रेरितां म्ह बड़ा नाम्मी सै, अर मेरै तै पैहल्या मसीह म्ह आए थे, नमस्कार। ⁸ बिश्वासी भाई अम्पलियातुस नै, जो प्रभु मसीह म्ह मेरा प्यारा सै, नमस्कार। ⁹ बिश्वासी भाई उरबानुस नै, जो मसीह म्ह म्हारा गैल काम करणीया सै, अर मेरे प्यारे बिश्वासी भाई इस्तखुस नै नमस्कार। ¹⁰ बिश्वासी भाई अपिल्लेस नै जो मसीह म्ह खरयां लिकड़या, नमस्कार। बिश्वासी भाई अरिस्तुबुलुस कै कुण्बे नै नमस्कार। ¹¹ मेरै बिश्वासी साथी हेरोदियोन नै नमस्कार। बिश्वासी भाई नरकीस्सुस का कुण्बे के जो माणस परमेसवर पै बिश्वास करै सै, उन ताहीं नमस्कार। ¹² त्रुफेना अर त्रुफोसा बिश्वासी भाणां नै जो प्रभु म्ह मेहनत करै सै, नमस्कार। प्यारी बिश्वासी भाण पिरसिस नै, जिसनै प्रभु म्ह घणी मेहनत करी, नमस्कार। ¹³ बिश्वासी भाई रूफुस नै जो प्रभु नै अपणा होण खात्तर चुण्या सै, अर उसकी माँ नै, जो मेरी भी माँ के समान सै, दोनुआ नै, नमस्कार। ¹⁴ बिश्वासी भाई अंसुकिरतुस, फिलगोन, हिमेंस, पत्रुबास, हर्मास अर उनके साथ के सारे बिश्वासी भाईयाँ नै, नमस्कार। ¹⁵ बिश्वासी भाई फिलुलुगुस, यूलिया अर नेर्युस अर उसकी बेब्बे, अर बिश्वासी भाई उलुम्पास अर उनके साथ के सारे पवित्त्र माणसां नै नमस्कार। ¹⁶ आप्पस म्ह एक-दुसरे ताहीं गळे मिलकै प्यार तै नमस्कार करो। थारे ताहीं मसीह की सारी कलीसियाओं की ओड़ तै नमस्कार।

????? ??????????

¹⁷ इब हे बिश्वासी भाईयो, मै थारे तै बिनती करूँ सूँ, के जो माणस उस सच्ची शिक्षा कै उल्ट जो थमनै मिली सै, अर उन माणसां नै जो फूट गेरण अर टेस लागगण का कारण बणे सै, उननै ताड़ लिया करो अर उनतै दूर रहो। ¹⁸ क्यूँके इसे माणस म्हारै प्रभु मसीह के न्ही, पर अपणी ए इच्छा पूरी करै सै, अर चिकणी-चुपड़ी बात्तां तै सीधे-सादे माणसां नै भका देवै सै। ¹⁹ थारा, परमेसवर के हुकम मानण का जिक्र सारे माणसां म्ह फैल गया सै, ज्यांतै म्ह थारे बारै म्ह आनन्द करूँ सूँ, पर मै न्यू चाहूँ सूँ के थम भलाई कै खात्तर अकलमंद, पर बुराई कै खात्तर भोळे बणे रहो। ²⁰ शान्ति का परमेसवर शैतान की शक्तियाँ नै खतम करके, थारे अधीन कर देवैगा। म्हारै प्रभु यीशु मसीह का अनुग्रह थारे पै होंदा रहवै। ²¹ मेरे गैल काम करणीया बिश्वासी भाई तीमुथियुस का, अर मेरे कुण्बे आळे भाई लूकियुस, यासोन अर सोसिपत्रुस का थारे ताहीं नमस्कार। ²² मै तिरतियुस जो पौलुस की चिट्ठी लिखण म्ह मदद करण लागरया सूँ, मेरा प्रभु म्ह थारे

ताहीं नमस्कार। ²³ बिश्वासी भाई गयुस भी थारे ताहीं नमस्कार करै सै मै इब उसके घर म्ह रहण लागरया सूँ, जित्त कलीसिया कट्ठी हो सै। बिश्वासी भाई इरास्तुस जो नगर का भण्डारी सै, अर भाई क्वारतुस का भी थारे ताहीं नमस्कार। ²⁴ मै प्रार्थना करूँ सूँ के म्हारै प्रभु मसीह का अनुग्रह थारे पै होंदा रहवै।

????????? ?? ??-?? ???

²⁵ इब जो मन्नै थारे ताहीं सुसमाचार सुणाया सै, यानिके यीशु मसीह कै संदेश कै प्रचार कै मुताबिक जो थमनै बिश्वास म्ह मजबूत कर सकै सै, उस भेद कै प्रकाशन कै मुताबिक जो पुराणे बखत तै लुहक्या रहया। ²⁶ पर इब जाहिर होके, सनातन परमेसवर कै हुकम तै, अर नबियाँ की किताबां कै जरिये गैर यहूदियाँ ताहीं बताया गया सै, ताके वे भी बिश्वास करके हुकम मानणआळे हो जावै, ²⁷ यीशु मसीह कै जरिये उस एकमात्र बुद्धिमान परमेसवर की युगानुयुग महिमा होन्दी रहवै। आमीन।

कुरिन्थिस नगर के माणसां ताहीं प्रेरित पौलुस की पैहली चिट्ठी

????????

पौलुस नै कुरिन्थुस नगर म्ह कलीसिया बणाई थी। उस म्ह मसीह जीवन अर बिश्वास तै जुड़ी भोत सी समस्या पैदा होगी थी। उन समस्याओं के समाधान के खात्तर कुरिन्थियों के नाम पौलुस प्रेरित की पैहली चिट्ठी लिखी गयी सै। उस बखत कुरिन्थुस यूनान का एक अंतराष्ट्रीय नगर था। जो रोमी साम्राज्य के अखाया प्रान्त की राजधानी था। वो अपने भोत सारे व्यापार, शानों-शोकत, संस्कृति अर कई तरियां के धर्मा खात्तर मशहुर था। पर वो अपनी हद तै ज्यादा बुराई के कारण बदनाम था। प्रेरित की घणी चिन्ता की बात कलीसिया म्ह बटवारा, बुराई, नाजायज रिश्ते, अर अंतरआत्मा तै जुड़े सवाल, कलीसिया का प्रबन्ध, पवित्र आत्मा के दान अर दुबारा जी उठणा था। पौलुस अपने गहरे आत्मिक ज्ञान तै यो बतावै सै, कै सुसमाचार के जरिये इन सवालां का समाधान किस तरियां हो सकै सै। पाठ 13 म्ह पौलुस बतावै सै के परमेसवर के माणसां नै मिले वरदानां म्ह तै सब तै बढ़िया वरदान प्रेम सै। यो इस किताब का सब तै खास पाठ सै।

रूप-रेखा

भूमिका 1:1-9

कलीसिया म्ह दलबन्दी 1:10-4:21

नैतिकता अर पारिवारिक जीवन 5:1-7:40

मसीह अर मूर्तिपूजा 8:1-11:1

कलीसिया के माणसां का जीवन अर आराधना 11:2-14:40

मसीह यीशु अर बिश्वासियां का पुनरुत्थान 15:1-58

यहूदिया परदेस के बिश्वासियां खात्तर दान 16:1-4

व्यक्तिगत बात अर समापन 16:5-24

????????

1 या चिट्ठी पौलुस की ओड़ तै सै, जो परमेसवर की इच्छा तै प्रभु यीशु मसीह का प्रेरित होण कै खात्तर बुलाया गया अर बिश्वासी भाई सोस्थिनेस भी मेरे गैल सै। 2 मै या चिट्ठी परमेसवर की उस कलीसिया के माणसां ताहीं लिखूँ सूं, जो कुरिन्थुस नगर म्ह सै, अर जिन ताहीं परमेसवर नै मसीह यीशु म्ह अपने खात्तर अलग तै छाँट कै राखे सै, अर उसनै म्हारे ताहीं अपने पवित्र माणस होण कै खात्तर बुलाया सै, अर उन सारया

* 1:5 1:5 सम्पन्न-धनी, माळदार

के नाम भी जो हरेक जगहां म्हारे अर अपने प्रभु यीशु मसीह की सेवकाई करै सै। 3 हम प्रार्थना करां सां, के म्हारै पिता परमेसवर अर प्रभु यीशु मसीह की ओड़ तै थमनै अनुग्रह अर शान्ति मिल्दी रहवै।

??????

4 मै थारे बारे म्ह अपने परमेसवर का सारी हाण धन्यवाद करूँ सूं, क्यूँके मसीह यीशु म्ह परमेसवर का अनुग्रह जो थारे पै होया सै, उसके कारण उसनै थारे ताहीं भोत सी आशीष दी सै। 5 थम मसीह यीशु म्ह सारी *ढाळ तै सम्पन्न करे गये सां, उसनै थारे ताहीं हरेक ढाळ के आत्मिक वरदान दिए सै, ताके थम दुसरयां नै वचन का ज्ञान अर सुसमाचार सुणा सको। 6 जो खास काबलियत थारे ताहीं मिली सै, वा साबित करै सै, के मसीह यीशु के बारे जो सन्देश सै, वो सच्चा सै। 7 इस कारण जब थम म्हारै प्रभु यीशु मसीह के बोहड़ण की बाट देखण लागरे सां, तो पवित्र आत्मा नै थारे ताहीं हरेक ढाळ के आत्मिक वरदान दिये सै। 8 परमेसवर थमनै आखिर ताहीं बिश्वास म्ह मजबूत करैगा, ताके थम म्हारै प्रभु यीशु मसीह के बोहड़ण के दिन म्ह बेकसूर ठहरो। 9 परमेसवर इसाए करैगा, क्यूँके जो वो कहवै सै, उसनै वो करण म्ह बिश्वास लायक सै, अर उसनै थारे ताहीं अपने बेटे, अर म्हारै प्रभु यीशु मसीह की संगति म्ह बुलाया सै।

????????

10 हे बिश्वासी भाईयो, जो प्रभु यीशु मसीह नै मेरे ताहीं हक दिया सै, उसके कारण मै थारे तै बिनती करूँ सूं, के थम सारे एक-दुसरे तै सहमत रहो, थम एकता बणाए राखो ताके थारे म्ह फूट ना होवै, अर थम एक मत हो कै आपस म्ह मिले रहो। 11 क्यूँके हे मेरे बिश्वासी भाईयो, खलोए के कुण्बे के माणसां नै मेरै ताहीं थारे बारे म्ह बताया सै, के थारे म्ह झगड़ें होवै सै। 12 मेरे कहण का मतलब यो सै के, थारे म्ह तै कोए अपने-आपनै पौलुस का, कोए अपुल्लोस का, कोए कैफा का, कोए मसीह का चेल्ला कहवै सै। 13 जो थम करो सां वो ठीक कोनी, के मसीह बट गया? के मै पौलुस थारे खात्तर कूरुस पै चढ़ाया गया? के थमनै मेरे नाम तै बपतिस्मा मिल्या? 14 मै परमेसवर का धन्यवाद करूँ सूं, बिश्वासी भाई किरस्पुस अर गयुस नै छोड़, मन्नै थारे म्ह तै किसे ताहीं भी बपतिस्मा कोनी दिया। 15 कदे इसा ना हो के कोए थारे म्ह तै कहवै के थमनै मेरै नाम पै बपतिस्मा मिल्या सै। 16 अर हाँ, मन्नै स्तिफनास के कुण्बे ताहीं भी बपतिस्मा दिया, इन्नै छोड़ मै न्ही जाण्दा के मन्नै और

किसे ताहीं भी बपतिस्मा दिया। 17 क्यूँके मसीह नै मेरै ताहीं बपतिस्मा देण ताहीं न्ही, बल्के सुसमाचार सुणाण ताहीं भेज्या सै, अर मन्नै माणसां ताहीं सुसमाचार चतुर विचार के मुताबिक कोनी सुणाया, इसा ना हो के मसीह के क्रूस पै मरण की कथा बेकार ठहरै।

18 क्यूँके क्रूस पै मसीह यीशु के मरण की कथा,

नाश होण आळे माणसां के खात्तर बेकूफी सै, पर हम उद्धार पाण आळा के खात्तर परमेसवर की सामर्थ सै। 19 क्यूँके पवित्र ग्रन्थ म्ह परमेसवर नै कह्या सै, के “जो अपणे-आपनै ज्ञानवान समझ सै, मै उननै दिखा दियुंगा के असलियत म्ह उनका ज्ञान बेकूफी तै भरया सै, अर वे बेकूफ सै।” 20 कित्त रहया ज्ञान्नी? कित्त रहया शास्त्री? कित्त रहया इस दुनिया का विवाद करण आळा? के परमेसवर नै दुनिया के ज्ञान ताहीं बेकूफी न्ही ठहराया? 21 क्यूँके परमेसवर नै यो आच्छा लाग्या के दुनिया के माणस अपणे ज्ञान के मुताबिक परमेसवर ताहीं न्ही जाण सकै, तो उसनै म्हारे जरिये सुसमाचार के प्रचार ताहीं इस्तमाल करया, ताके उन माणसां नै बचा सकै जिननै उसपै बिश्वास करया सै, पर कुछ लोग्गां नै इस ताहीं बेकूफी समझा। 22 यहूदी लोग ए इस ताहीं बेकूफी समझै सै, क्यूँके वे सुर्ग तै चिन्ह-चमत्कार की बात्तां नै ए सच मान्नै सै, अर यूनानी लोग ज्ञान की टोह म्ह रहवै सै। 23 पर हम तो उस क्रूस पै चढ़ाए होइ मसीह का प्रचार करा सां, जो यहूदी लोग्गां के खात्तर ठोक्करा का कारण अर गैर यहूदियाँ के खात्तर बेकूफी सै। 24 पर जिन ताहीं परमेसवर नै बुलाया सै, के यहूदी लोग, के यूनानी लोग, योए मसीह यीशु परमेसवर का सामर्थ अर परमेसवर का ज्ञान सै। 25 क्यूँके जो परमेसवर की बेकूफी लाग्गै सै, वो माणसां के ज्ञान तै ज्ञानवान सै, अर जो परमेसवर की कमजोरी लाग्गै सै, वो माणसां की ताकत तै घणी ताकतवर सै।

26 हे बिश्वासी भाईयो, याद करो के थम किसे थे जिब परमेसवर नै थारे ताहीं बुलाया था, ना तो दुनिया के मुताबिक घणे ज्ञानवान, अर ना घणे सामर्थी, अर ना घणे आच्छे खानदान आळे थे। 27 बल्के परमेसवर नै दुनिया के बेकूफां ताहीं छाँट लिया सै के ज्ञानवानां ताहीं शर्मिन्दा करै, अर परमेसवर नै दुनिया के कमजोरां ताहीं छाँट लिया सै के ठाड्यां नै शर्मिन्दा करै। 28 अर परमेसवर नै उन माणसां ताहीं चुण्या, जो दुनिया की निगांह म्ह नीच अर तुच्छ सै। इनके जरिये परमेसवर नै, जो घणे

खास समझे जावै सै, उन ताहीं बेकार ठहरा दिया। 29 परमेसवर नै यो इस करके करया, ताके कोए प्राणी उसके स्याम्ही घमण्ड न्ही करण पावै। 30 परमेसवर के जरिये करे गये काम के नतिज्जे तै थम मसीह यीशु म्ह सो, जो परमेसवर की ओइ तै म्हारै खात्तर ज्ञान, धार्मिकता, पवित्रता, अर छुटकारा बणगे। 31 ताके जिसा पवित्र ग्रन्थ म्ह लिख्या सै, उस्से तरियां ए होवै, “जो घमण्ड करै वो प्रभु नै जो करया उसपै घमण्ड करै।”

2

1 हे बिश्वासी भाईयो, मै थारे धारे बात्तां की चतुराई

अर ना ए उत्तम ज्ञान का प्रदर्शन करण आया, बल्के मै थारे धारे परमेसवर का सन्देश सुणाण आया था। 2 क्यूँके मन्नै यो ठान लिया था, के मै मसीह यीशु अर उसकी क्रूस की मृत्यु के अलावा, किसे और चीज के बारे म्ह थारे तै ना सुणु। 3 मै कमजोरी अर डरके गेल्या, घणा थरथराता* होया थारे गेल्या रहया। 4 अर मेरी शिक्षा, अर प्रचार म्ह ज्ञान की लुभाण आळी बात कोनी, पर पवित्र आत्मा नै सामर्थी रूप तै जाहिर करया सै, के जो सन्देश मन्नै थारे ताहीं सुणाया सै, वो सच्चा सै। 5 ज्यातै के थारा बिश्वास माणसां के ज्ञान पै न्ही, पर परमेसवर की सामर्थ के आसरे हो।

6 फेर भी मै, जो बिश्वास म्ह मजबूत सै उन ताहीं,

ज्ञान भरया सन्देश सुणाऊँ सूँ, पर यो इस दुनिया का अर इस दुनिया के नाश होण आळे हाकिमां का ज्ञान कोनी। 7 पर जो ज्ञान हम सुणावां सां, वो परमेसवर का ज्ञान सै, जो छिप्या होया था, कोए भी उस ताहीं इब ताहीं न्ही समझ पाया था, परमेसवर नै दुनिया बणाण तै पैहले ए यो फैसला कर लिया था, के उसका ज्ञान म्हारे खात्तर महिमा लेके आवैगा। 8 परमेसवर की योजना ताहीं इस दुनिया के हाकिमां म्ह तै कोए न्ही जाण पाया, क्यूँके जै वे जाणदे तो तेजोमय प्रभु ताहीं क्रूस पै कोनी चढ़ान्दे। 9 जिसा पवित्र ग्रन्थ म्ह लिख्या सै, “जो कदे आँखां तै देख्या कोनी गया, अर कान तै सुण्या कोन्या गया, अर जो बात माणसां के चित्त म्ह कोनी चढ़ी, वे सारी बात परमेसवर नै उन खात्तर तैयार करी जो उसतै प्यार करै सै।”

10 पर परमेसवर नै उन बात्तां ताहीं अपणे पवित्र आत्मा के जरिये म्हारै पै जाहिर करया, क्यूँके पवित्र आत्मा सारी बात, बल्के परमेसवर की गहरी बात्तां नै

† 1:23 1:23 यहूदी लोग्गां के खात्तर ठोक्कर यहूदी लोग सोचवै थे के मसीहा सदा खात्तर जिवैगा, इस खात्तर वे बिश्वास कोनी करै थे के यीशु ए मसीह सै * 2:3 2:3 थरथराता काम्बदा होया

भी जाँचै सै। 11 माणसां म्ह तै कौण किसे माणस की बात्तां नै जाणै सै, सिर्फ माणस की आत्मा जो उस म्ह सै? उस्से तरियां ए परमेसवर की बात्तां नै भी कोए न्ही जाणदा, सिर्फ परमेसवर की आत्मा। 12 पर परमेसवर नै म्हारे ताहीं अपणा आत्मा दिया सै, अर हम इसा न्ही सोचते जो दुनिया के लोग सोचै सै, इस करके हम उन आशीषां नै पिच्छाण सका सां जो परमेसवर नै म्हारे ताहीं मुफ्त म्ह दी सै। 13 अर हम ये बात थारे ताहीं बतावां सां, हम माणसां के ज्ञान की सिखाई होइ बात्तां नै न्ही, पर पवित्र आत्मा की सिखाई होइ बात्तां नै आत्मिक माणसां ताहीं सिखावा सां। 14 पर शारीरिक माणस परमेसवर के आत्मा की बात अपणान्दा कोनी, क्यूँके वे उसकी निगाह म्ह बेकूफी की बात सै, अर ना वो उन ताहीं जाण सकै सै क्यूँके उनकी जाँच आत्मिक तरियां तै होवै सै। 15 आत्मिक माणस सारा किमे जाँचै सै, पर वो दुसरयां के जरिये जाँचया न्ही जान्दा। 16 यो सच सै, क्यूँके पवित्र ग्रन्थ म्ह लिख्या से, के कोए भी न्ही जाणता के प्रभु के मन म्ह के सै? पर हम बिश्वासी माणस जाणा सां के मसीह के मन म्ह के सै।

3

???????? ???? ?????????? ?? ?????????????

1 हे बिश्वासी भाईयो, जब मै थारे साथ था तो थारे ताहीं आत्मिक बात न्ही सीखा पाया, जिस तरियां मै आत्मिक माणसां नै सिखाऊँ सूँ, पर मन्ने थारे तै दुनियावी माणसां की तरियां बात करी, क्यूँके थम मसीह म्ह इब भी बाळक के समान सां। 2 मन्ने थारे ताहीं परमेसवर के सुसमाचार की शुरुआती शिक्षा ए सिखाई, जिस तरियां कोए इन्सान छोट्टे बाळक नै दूध पियावै सै, अर मन्ने थारे ताहीं वचन की गहरी बात न्ही सिखाई जो की रोटी की तरियां सै, क्यूँके थम इब्बे उस ताहीं अपणा न्ही सकदे। 3 क्यूँके इब ताहीं थम दुनियावी माणसां के पापी सुभाव के मुताबिक जीवन जिओ सां। ज्यांतै के इब भी थारे म्ह जळण अर झगड़े सै, तो के थम दुनियावी माणसां की तरियां कोनी? थम उन माणसां की तरियां सां जो परमेसवर के कोनी। 4 क्यूँके जब एक माणस कहवै सै, “मै पौलुस का चेल्ला सूँ,” अर दुसरा कहवै सै, “मै अपुल्लोस का चेल्ला सूँ,” तो के थम दुनियावी माणस की तरियां कोनी?

5 अपुल्लोस कौण सै? अर पौलुस कौण सै? सिर्फ सेवक, जिनके जरिये थमनै मसीह म्ह बिश्वास करया। हम सब नै वोए काम करया जो म्हारे ताहीं प्रभु नै दिया। 6 यो उस पौधे की ढाळ सै, जो मन्ने लगाया, अपुल्लोस नै सीचा, अर परमेसवर नै बढ़ाया। 7 ज्यांतै

ना तो लाणआळा किमे सै अर ना सींचण आळा, पर परमेसवर ए सारा किमे सै जो बढ़ाण आळा सै। 8 पौधा लगाण आळा अर उस ताहीं सींचण आळा दोनुआ का एक्के मकसद सै, पर हरेक माणस अपणी ए मेहनत के मुताबिक अपणी ए मजदूरी पावैगा। 9 क्यूँके हम परमेसवर के गैल काम करणीये सां, अर थम परमेसवर की खेत्ती अर उस घर की ढाळ सां जिस ताहीं परमेसवर बणाण लाग रह्या सै।

10 परमेसवर नै जो वरदान मेरे ताहीं दिए सै, तो मन्ने एक अकलमंद चिणाई आळे मिस्त्री की तरियां घर की नीम धरी, अर दुसरा उसपै रद्दा* धरै सै। पर हरेक माणस चौक्कस रहवै के वो उसपै किसा रद्दा धरै सै। 11 क्यूँके जो नीम धरी सै, वा यीशु मसीह सै, कोए दुसरी नीम कोनी धर सकदा। 12 जै सेवक परमेसवर की सच्ची शिक्षा सिखावै सै, जो परमेसवर नै उस ताहीं दी सै, तो वो उस राज मिस्त्री की ढाळ सै, जो उस नीम पै आच्छे समान तै, जुकर सोन्ना, चाँदी, बेसकिमती पत्थर के जरिये, नीम पै घर बणावै सै, अर जै वो झूट्टी शिक्षा नै सिखावै सै, तो वो उसकी ढाळ सै, जो लाकड़ी, घास-फूस तै नीम पै घर बणावै सै। 13 तो हरेक माणस अपणे काम नै देक्खैगा के उसनै किसा काम करया सै, क्यूँके यीशु मसीह जाहिर कर देवैगा जब वो बोहड़ के आवैगा, यो उस दिन की तरियां होगा जब वो समान आग म्ह डाला जावैगा तो वो देक्खैगा के किसनै किसा काम करया सै, फेर वो फैसला करैगा के किसनै आच्छा अर किसनै बुरा काम करया सै। 14 जिस किसे का बणाया गया घर उस नीम पै डटया रहवैगा, तो वोए उसकी मजदूरी पावैगा। 15 जै मसीह तय करै के जो काम करया सै वो सही कोनी तो मसीह उस काम करण आळे नै मजदूरी न्ही देवैगा, पर वो अनन्त जिन्दगी नै न्ही खोवैगा जो परमेसवर नै उस ताहीं दी सै। 16 के थमनै न्ही बेरा के थम परमेसवर के मन्दर सो, अर परमेसवर की आत्मा थारे म्ह वास करै सै? 17 जै कोए परमेसवर के मन्दर नै नाश करैगा, तो परमेसवर उसनै नाश करैगा, क्यूँके परमेसवर का मन्दर पवित्र सै, अर वो थम सो।

18 धोक्खे म्ह ना रहों, जै थारे म्ह तै कोए यो सोच बेट्टै के वो दुनियावी बात्तां के मुताबिक अकलमंद सै, तो ठीक तो यो होगा के वो खुद नै बेकूफ बणाले ताके अकलमंद बण जावै। 19 क्यूँके इस दुनिया का ज्ञान परमेसवर की नजर म्ह बेकूफी सै, जिसा पवित्र ग्रन्थ म्ह लिख्या सै, “वो ज्ञानियाँ ताहीं उनकी श्याणपत म्ह फँसा देवै सै।” 20 अर यो भी लिख्या सै, के “प्रभु ज्ञानियाँ के विचारां नै जाणै सै, के वो बेकार सै।” 21 ज्यांतै

* 3:10 3:10 रद्दा ईट का पाळा

माणसां पै कोए घमण्ड ना करै, क्यूँके सारा किमे थारा सै। 22 के पौलुस, के अपुल्लोस, के कैफा, के दुनिया, के जीवन, के मरण, के वर्तमान, के भविष्य, सारा किमे थारा सै, 23 अर थम मसीह के सो, अर मसीह परमेसवर का सै।

4

????? ? ? ? ? ? ? ? ? ?

1 माणस हमनै मसीह के सेवक अर परमेसवर के भेदां के भण्डारी समझै, जो माणसां नै परमेसवर का भेद समझावै सै। 2 फेर उरै भण्डारी म्ह या बात देखी जावै सै, के वो बिश्वास कै जोगगा हो। 3 पर मेरी निगांह म्ह या घणी छोट्टी बात सै, के थम या माणसां का कोए न्यायाधीश मन्नै परखै, बल्के मै खुद अपणे-आप ताहीं कोनी परखदा। 4 क्यूँके मेरा मन मेरै ताहीं किसे बात म्ह कसूरवार कोनी ठहरान्दा, इस म्ह मै बेकसूर कोनी ठहरदा, पर मेरा परखण आळा प्रभु सै। 5 ज्यांतै जिब ताहीं प्रभु का आणा ना हो, कोए किसे नै परखै ना, वो माणसां के विचारां नै साफ-साफ जाहिर कर देगा, अर वो माणसां के मनां के मकसद नै दिखावैगा, फेर परमेसवर की ओड़ तै हरेक की बड़ाई होवैगी।

6 हे बिश्वासी भाईयो, मन्नै अपणा अर अपुल्लोस का जिक्र उदाहरण के तौर पै करया सै, यो बताण खात्तर के मै थारे ताहीं के कहणा चाहूँ सूँ, जै थम उसपै ध्यान करो, जो पवित्तर ग्रन्थ म्ह लिख्या सै, अर उसतै आगू ना बढो, इसा ना हो के थम एक माणस का पक्ष ल्यो, अर दुसरे का अपमान करो। 7 थारे ताहीं कौण कहवै सै, के थम दुसरयां तै उत्तम हो? हर काबलियत थमनै परमेसवर की ओड़ तै मिली सै, अर सब कुछ परमेसवर के जरिये दिया गया सै, तो थमनै घमण्ड करण का कोए हक कोनी?

8 थम सोच्चो सों के थारे धोरै पवित्तर आत्मा के सारे वरदान सै, जो माणसां ताहीं दिए जावै सै, थम यो सोच्चों सों के म्हारे बिना सहयोग के थम राजा बणगे सो, अर थम साहूकार भी बण लिए सो, पर आच्छा तो यो होंदा के थम असलियत म्ह ए राजा बणे होन्दे, अर हम भी थारे गेल्या राज करदे। 9 परमेसवर नै हम प्रेरितां ताहीं सारया तै आखरी जगहां पै राख्या सै। हम उन माणसां की तरियां सां, जिनकी मौत का हुकम हो लिया सै, क्यूँके हम सुर्गदूतां अर दुनिया के माणसां के खात्तर एक तमाशा बणे सां। 10 माणस हमनै बेकूफ समझै सै, क्यूँके हम मसीह का प्रचार करया सां। थम या सोच्चों सों के थम अकलमंद सों, क्यूँके मसीह कै गैल थारा रिश्ता सै। भोत सारे माणस या सोच्चै सै के प्रेरित होण का म्हारे धोरै अधिकार कोनी, पर थम घमण्ड तै कहो

सों, के थारे धोरै परमेसवर की शक्ति सै। माणस म्हारा न्ही थारा आदर करै सै। 11 हम आज तक भूक्खे-प्यास्से मार खावां सां, अर पाट्टे-पुराणे लत्यां म्ह रहवां सां, अर ना ए म्हारे घर-बार सै। 12 अर अपणे ए हाथ्यां तै काम करकै मेहनत करा सां। माणस म्हारै ताहीं बुरा कहवै सै, हम आशीष देवां सां, वे सतावै सै, हम सहण करा सां। 13 वे बदनाम करै सै, हम प्यार तै बोल्ला सां। आज भी दुनिया के माणस म्हारा आदर कोनी करते, क्यूँके वे न्यू समझै सै के हम बेकार के माणस सां।

????? ? ? ? ? ? ? ? ? ?

14 मै थमनै शर्मिन्दा करण कै खात्तर ये बात कोनी लिखदा, मेरा मकसद यो सै के मै थमनै सुधारु क्यूँके थम मेरे उन प्यारे बाळकां की ढाळ सों, जिनतै मै प्यार करूँ सूँ। 15 जै मसीह म्ह थारे सिखाण आळे दस हजार भी होन्दे, तोभी थारे पिता घणे कोनी, क्यूँके मसीह यीशु म्ह थारे ताहीं सुसमाचार सुणाण कै कारण मै थारा पिता बणग्या। 16 मै थारे तै बिनती करूँ सूँ के मेरे जिसा जीवन जिओ। 17 इस करकै मन्नै तीमुथियुस ताहीं जो प्रभु म्ह मेरा प्यारा अर बिश्वास कै जोगगा बेटटा सै, थारे धोरै भेज्या सै। वो थमनै मसीह यीशु म्ह मेरा चाल-चलण याद करवावैगा, जिस तरियां के हरेक जगहां मै हरेक कलीसिया म्ह उपदेश देऊँ सूँ। 18 थारे म्ह तै घणखरे तो यो सोच्चै सै, के मै थमनै दुबारा मिलण कोनी आऊँगा, इस करकै वे घमण्डी होगे सै। 19 पर प्रभु नै चाह्या तो मै थारे धोरै तावळा-ए आऊँगा, अर देखूँगा के ये घमण्डी माणस सिर्फ बणावटी बात करै सै, या इनकै धोरै परमेसवर की सामर्थ सै। 20 क्यूँके परमेसवर का राज्य बात्तां म्ह न्ही पर परमेसवर की सामर्थ के साथ जीण म्ह सै। 21 थम के चाहो सों, जो मै थारे गैल करूँ? जै थम अपणा बुरा सुभाव न्ही छोड़ोगे तो मै सखताई तै थारे गैल पेश आऊँ, अर जै बुरा सुभाव छोड़ दोगे तो मै प्यार अर नरमाई तै थारे धोरै आऊँगा।

5

????? ? ? ? ? ? ? ? ? ?

1 कई माणसां नै थारे बारे म्ह बताया सै, के कलीसिया म्ह कई माणस सै जो जारी करै सै, बल्के इसी जारी जो अबिश्वासी माणसां म्ह भी कोनी होन्दी, के एक माणस अपणी सौतेल्ली माँ गैल गलत सम्बन्ध राखवै सै। 2 कलीसिया के माणसां नै इस बात तै दुखी अर उदास होणा चाहिए, जिननै इसा काम करया सै, उननै कलीसिया तै काढ देणा चाहिए, पर थम तो इसी बात्तां पै घमण्ड करो सों। 3 भलाए मै थारे तै दूर था, पर इसा मान्ना, जणु मै आत्मा म्ह थारे धोरै था, अर इसा

14 इस्से तरियां म्हारी देह भी महत्वपूर्ण सै, क्यूँके जिस तरियां परमेसवर नै अपणी सामर्थ तै प्रभु यीशु ताहीं जिन्दा करया, अर वो म्हारे ताहीं भी जिन्दा करैगा। 15 के थमनै बेरा सै के थारी देह मसीह का अंग सै? तो के मै मसीह के अंग लेकै उन ताहीं बेश्या के संग जोड़ दूँ? कदे भी न्ही। 16 के थमनै न्ही बेरा के जो कोए बेश्या तै संगति करै सै, वो उसके गेल्या एक तन हो जावै सै, क्यूँके पवित्र ग्रन्थ म्ह लिख्या सै, “वे दोन्नु एक तन होवेंगे।” 17 अर जो प्रभु की संगति म्ह रहवै सै, उसकी अर परमेसवर की आत्मा एक हो जावै सै। 18 जारी तै बचे रहो। और दुसरा कोए पाप म्हारे देह पै असर कोनी गेरै जितना के जारी, पर जारी करणीया अपणी ए देह के खिलाफ पाप करै सै। 19 के थमनै न्ही बेरा के थारी देह पवित्र आत्मा का मन्दर सै, जो थारे म्ह बस्या होया सै, अर थारे ताहीं परमेसवर की ओड़ तै मिल्या सै, अर थम परमेसवर के सो। 20 क्यूँके थम दाम देकै मोल लिये गये सो, ज्यातै अपणी देह के जरिये परमेसवर की महिमा करो।

7

????? ?? ?????????? ?????

1 उन बात्तां के बारे म्ह जो थमनै मेरे ताहीं चिट्ठी म्ह पूच्छी थी, के यो ठीक सै, के माणस ब्याह ना करै। 2 क्यूँके भोत सारे माणस जारी करै सै, इस करके हरेक माणस जारी तै बचण खात्तर ब्याह करले, अर धणी-बीर* एक-दुसरे के प्रति वफादार हो। 3 पति अपणी पत्नी की शारीरिक इच्छा पूरी करै, अर उस्से तरियां ए पत्नी भी अपणे पति की शारीरिक इच्छा पूरी करै। 4 पत्नी का अपणी देह पै हक कोन्या पर उसके पति का हक सै, उस्से तरियां ए पति नै भी अपणी देह पै हक कोनी, पर पत्नी का सै। 5 थम एक-दुसरे तै न्यारे ना रहो, पर सिर्फ कुछ बखत खात्तर आप्स म्ह सलाह करके प्रार्थना के खात्तर बखत लिकाड़ो, अर फेर एक साथ रहो, इसा ना हो के थारे असंयम के कारण शैतान थमनै इम्तिहान म्ह फँसा ले। 6 पर मेरा यो सुझाव सै, ना के आज्ञा। 7 मेरा तो यो सुझाव सै, के जिसा मै अकेल्ला सूँ, उस्से तरियां ए सारे माणस भी अकेल्ले रहै। हरेक माणस ताहीं परमेसवर की ओड़ तै एक तरियां का उपहार मिला सै, किसे ताहीं ब्याह का, अर किसे ताहीं एकला रहण का।

8 अविवाहितां अर बिधवायां के बारे म्ह मेरी या सलाह सै, के उनके खात्तर एकला रहणा ठीक सै, जिसा मै सूँ। 9 पर जै वे खुद पै काबू ना राख सकै, तो ब्याह करै, क्यूँके ब्याह करणा वासना म्ह जळण तै भला सै।

10 जिनका ब्याह होगया सै, उन ताहीं मै न्ही, बल्के प्रभु यीशु हुकम देवै सै, के पत्नी अपणे पति तै तलाक ना देवै 11 जै तलाक हो भी जावै, तो पत्नी बिना दुसरा ब्याह करे रहवै, या पत्नी अपणे पति तै दुबारा मेल कर लेवै, अर पति अपणी पत्नी नै तलाक ना दे।

12 दुसरयां तै, प्रभु यीशु मसीह न्ही पर मै ए कहूँ सूँ, जै किसे भाई की पत्नी बिश्वास ना राखदी हो अर उसके गेल्या रहण म्ह राज्जी हो, तो वो उस ताहीं तलाक ना देवै। 13 जिस बिरबान्नी का धणी बिश्वास ना राखदा हो, अर उसके गेल्या रहण म्ह राज्जी हो, तो वा धणी नै तलाक ना देवै। 14 बिश्वासी पत्नी होण के कारण अबिश्वासी पति ताहीं भी परमेसवर अपणे ए लोग मान्ने सै, क्यूँके उसकी पत्नी बिश्वासी सै, इस्से तरियां जै बिश्वासी पति हो तो उसके कारण अबिश्वासी पत्नी ताहीं भी परमेसवर अपणे ए लोग मान्ने सै, क्यूँके उसका पति बिश्वासी सै, जै यो सच न्ही होन्दा तो थारा अबिश्वासी पति या पत्नी परमेसवर के न्ही कुहान्दे, अर थारे बाळ-बच्चे भी परमेसवर के न्ही कुहान्दे, पर इब वे परमेसवर के कुह्वावै सै। 15 पर जो माणस बिश्वास कोनी राखदा, अर जै वो तलाक देणा चाहवै, तो उस ताहीं तलाक देण द्यो, इसी दशा म्ह बिश्वासी भाई या भाण ब्याह के बन्धन तै आजाद हो जावै सै। क्यूँके परमेसवर नै म्हारे ताहीं मेळ-मिलाप के खात्तर बुलाया सै। 16 क्यूँके हे बिरबान्नी, तू के जाणै सै के तू अपणे धणी का उद्धार करा लेवैगी? अर हे भले माणस, तू के जाणै सै के तू अपणी पत्नी का उद्धार करा लेवैगा?

????????? ?? ?????????? ?? ??????????

17 परमेसवर नै जिस ताहीं जिस दशा म्ह राख्या सै, अर जिस रूप म्ह मसीह पै बिश्वास करण खात्तर बुलाया सै, वो उस्से म्ह बणया रहवै। मै सारी कलीसियां ताहीं योए सुझाव देऊँ सूँ। 18 जो यहूदी माणस परमेसवर पै बिश्वास करै सै, उस ताहीं खतने के निशान नै हटाण की जरूरत कोनी, अर जो गैर यहूदी माणस परमेसवर पै बिश्वास करै सै, उस ताहीं खतना करवाण की जरूरत कोनी। 19 इस बात तै कोए फर्क न्ही पड़ता के किसे माणस का खतना होया सै या कोनी होया, पर सब तै जरूरी बात या सै, के वो परमेसवर के हुकमां नै मान्ने। 20 हरेक माणस मसीह बणण तै पैहले जिस हालत म्ह बुलाया गया हो, उस्से हालत म्ह रहवै। 21 जै तू गुलाम की हालत म्ह बुलाया गया सै, तो फिकर ना करै, पर जै तू आजाद हो सकै, तो तू आजाद होण की कोशिश कर। 22 क्यूँके जो दास की हालत म्ह मसीह पै बिश्वास करण

* 7:2 7:2 धणी-बीर पति-पत्नी

खात्तर बुलाया गया सै, वो मसीह का आजाद करया होया सै। उस्से तरियां ए जो आजादी की हालत म्ह बुलाया गया सै, वो मसीह का दास सै। 23 परमेसवर नै थम दाम देकै मोल लिये हो, इस करकै थम माणसां के दास न्ही, पर परमेसवर के दास बणो। 24 मै दुबारा तै कहूँ सूँ, हे बिश्वासी भाईयो, मसीह पै बिश्वास करण तै पैहले थम जिस हालत म्ह बुलाये गये थे, विवाहित या अविवाहित उस्से हालत म्ह परमेसवर कै गेल्या रहों।

???????? ?? ???????

25 अविवाहितां कै बारै म्ह प्रभु का कोए हुकम मन्नै कोनी मिल्या, पर प्रभु नै दया करकै मेरै ताहीं बुद्धि दी सै, जिसपै भरोस्सा करया जा सकै सै, अर मै थमनै सलाह देऊँ सूँ। 26 मेरी समझ म्ह यो ठीक सै के आजकाल के क्लेश कै कारण, जै माणस कुवारा सै, तो वो कुवारा ए रहवै। 27 जै तेरी पत्नी सै, तो उसनै तलाक देण की कोशिश ना करै, अर जै तेरे पत्नी कोन्या, तो अपणे खात्तर उसनै टोहवै ना। 28 पर जै तू ब्याह भी करै, तो पाप कोनी, अर जै कोए कुंवारी छोरी ब्याह करै सै, तो यो कोए पाप कोनी। हालाकि शादीशुदा माणस इस दुनिया म्ह भोत सी परेशानियाँ का सामना करैगें, अर मै चाहूँ सूँ के थम इन परेशानियाँ म्ह ना पड़ो। 29 हे बिश्वासी भाईयो, मेरा मतलब यो सै के मसीह के आण का बखत थोड़ा ए बाक्की रह गया सै, इस करकै आज तै या चिन्ता ना करो के थारी पत्नी सै या न्ही, पर परमेसवर की सेवा म्ह लागगे रहों। 30 रोण आळे, आनन्द करण आळे, अर चिज्जां नै मोल लेण आळे इन चिज्जां के बारें म्ह घणा ना सोचवै, क्यूँके इन सारी बात्तां की फिकर थमनै परमेसवर की सेवा तै भटका देवैगी। 31 जो भी इस दुनिया म्ह सै, उननै अपणे खात्तर ज्यादा कीमती ना समझों, क्यूँके दुनिया की सारी चीज नाश हो जावैगी। 32 मेरी इच्छा या सै के थम संसारिक जिन्दगी की अभिलाषा तै मुक्त रहों। कुंवारे माणस प्रभु की सेवा करण की फिकर म्ह रहवै सै के प्रभु ताहीं किस तरियां खुश करै। 33 पर ब्याहता माणस दुनिया की चिज्जां की फिकर म्ह रहवै सै, के अपणी पत्नी नै किस तरियां तै खुश करै। 34 कुंवारी अर ब्याहता बिरबान्नी म्ह भी फर्क सै, कुंवारी बिरबान्नी प्रभु की सेवा की फिकर म्ह रहवै सै, अर वा देह अर आत्मा म्ह पवित्तर रहण की कोशिश कर दी रहवै सै, पर ब्याहता बिरबान्नी दो बात्तां की फिकर म्ह रहवै सै, के अपणे पति नै किस तरियां खुश राक्खूँ, अर परमेसवर नै किस तरियां खुश राक्खूँ। 35 मै या बात थारी ए भलाई खात्तर कहूँ सूँ, ना के थमनै फसाण के मारे, बल्के ज्यांतै के जिसा शोभा देवै सै, उसाए करया

जावै, के थम एक चित्त होकै प्रभु की सेवा म्ह लागगे रहो।

36 जै किसे पिता नै यो लागगै के मै अपणी कुंवारी बेट्टी के ब्याह म्ह देर करकै उसकै गैल अन्याय करूँ सूँ, क्यूँके उसकी उमर ढळण लागरी सै, तो वो वोए करै जो उसनै ठीक लागगै सै, वो उसनै ब्याह करण दे, यो कोए पाप कोनी। 37 पर जिस पिता नै मन म्ह यो ठान लिया सै, के वो अपणी छोरी का ब्याह कोनी करै, तो उस ताहीं कोए उसका ब्याह करण खात्तर मजबूर ना करै, यो उसका हक सै जो वो चाहवै वोए करै, अर वो अपणी छोरी नै कुवारी ए राक्ख सकै सै। 38 ज्यांतै जो अपणी कुवारी छोरी का ब्याह कर देवै सै, तो वो सही करै सै, अर जो ब्याह न्ही करदा, वो और भी सही करै सै।

39 बिरबान्नी जिब ताहीं धणी कै गैल बंधी रहवै सै, जिब ताहीं के उसका धणी जिन्दा सै, पर जै उसका धणी मर जावै तो जिसतै चाहवै वा ब्याह कर सकै सै, पर वो परमेसवर पै बिश्वास करण आळा हो। 40 पर जै वा दुबारा ब्याह ना करै, तो मेरै विचार म्ह और भी ज्यादा सुखी सै, अर मै समझूँ सूँ, के परमेसवर का आत्मा मेरी अगुवाई करै सै।

8

???????????????? ??????? ????????????? ?????????

1 थारी चिट्ठियाँ म्ह मूर्तियाँ के आगै चढ़ाई होइ चिज्जां कै खाण के बारै म्ह थमनै पूछा था। हम सारया नै इस बात के बारें म्ह कुछ ज्ञान सै। ज्ञान म्हारे म्ह घमण्ड पैदा करै सै, पर प्यार तै बढ़ोतरी होवै सै, अर प्यार म्हारे ताहीं दुसरयां की मदद करणा सिखावै सै। 2 जै कोए समझै सै के वो सब कुछ जाणै सै, तो वो इब ताहीं यो कोनी जाणता के किस तरियां जाणणा चाहिये। 3 पर जै कोए परमेसवर तै प्यार करै सै, तो परमेसवर भी उस ताहीं जाणै सै।

4 मूर्तियाँ कै स्याम्ही बलि करी होई चिज्जां कै खाण के बारै म्ह हम जाणा सां, के दुनिया म्ह कोए भी मूर्ति सच्चा परमेसवर कोनी, क्यूँके एकैए सच्चा परमेसवर सै। 5-6 फेर भी धरती अर अकास पै भोत सै, जिन ताहीं लोग ईश्वर अर देवता कहवै सै, पर म्हारे खात्तर तो एकैए परमेसवर सै। यानिके पिता जिसकी ओइ तै सारी चीज सै, अर हम उस्से कै खात्तर सां। एकैए प्रभु सै, यानिके यीशु मसीह जिसकै जरिये सारी चीज बणाई गई, अर हम भी उस्से के जरिये जिन्दे सां।

7 पर म्हारे कुछ बिश्वासी भाईयाँ नै इब ताहीं बेरा कोनी के मूर्तियाँ म्ह कोए शक्ति कोनी। क्यूँके वे पैहले

मूर्तियाँ की पूजा करै थे, जिब वे मूर्तियाँ ताहीं दी गई बलि म्ह तै खावै सै, तो गलती तै इब भी मूर्तियाँ की पूजा करण म्ह शामिल सै, अर गलती तै सोचवै सै के उननै पाप कर दिया जिब वे मूर्ति के स्याम्ही चढ़ाई चीज खा लेवै सै। 8 खाणा हमनै परमेसवर के लोवै कोनी पोहोचान्दा। खाण तै इन्कार करण तै परमेसवर म्हारे तै खुश न्ही होन्दा, अर ना ए खाणा म्हारे ताहीं परमेसवर की निगांह म्ह आच्छा बणादा। 9 पर सावधान! इसा ना होवै के थारी या आजादी कदे विश्वास म्ह कमजोर लोग्गां खात्तर ठोक्कर का कारण हो जावै। 10 थम जाणो सों के मूर्त असली देवता कोनी, अर थम मूर्तां के मन्दर म्ह खाओ सों, पर जो विश्वास म्ह कमजोर आदमी थारे ताहीं ओड़ै खान्दे देखवै सै तो वो उत्साहित होवैगा, ताके मूर्ति के स्याम्ही बलि करया गया मांस वो खावै, जिब के उस ताहीं बेरा सै के यो पाप सै, जै वो इसा काम करै सै। 11 इस तरियां तै तेरे ज्ञान के कारण वो विश्वास म्ह कमजोर भाई जिसके खात्तर मसीह मरया, मसीह म्ह विश्वास करणा छोड़ देवैगा। 12 इस तरियां तै विश्वासी भाईयाँ के खिलाफ अपराध करण तै अर उनकी कमजोर अन्तरात्मा ताहीं चोट पोहोचाण तै, थम मसीह के खिलाफ अपराध करो सो। 13 इस कारण जै मूर्तियाँ ताहीं दिया गया खाणा खाण तै दुसरे विश्वासियाँ खात्तर विश्वास छोड़ण का कारण बणै सै, तो मै उस तरियां का खाणा कदे न्ही खाऊंगा ताके दुसरे विश्वासी भाई विश्वास करणा ना छोड़ दे।

9

???????? ?? ??????? ?? ?????????

1 जो मै चाहूँ सूँ, वो सब कुछ करण खात्तर मै आजाद सूँ, मै प्रेरित सूँ। मन्नै म्हारे प्रभु यीशु ताहीं देख्या सै, थम प्रभु म्ह मेरी मेहनत का ईनाम सों। 2 जै दुसरे माणस या न्ही मानते के मै प्रभु यीशु का प्रेरित सूँ, तो भाईयो थमनै विश्वास करणा होगा, क्यूँके मै वो सूँ, जो थारे धोरै सुसमाचार लेकै आया। थारा प्रभु यीशु मसीह म्ह विश्वास यो बतावै सै के मै प्रेरित सूँ।

3 जो माणस मेरे प्रेरित होण पै शक करै सै, उनकै खात्तर योए मेरा जवाब सै। 4 बरनबास अर मेरे खात्तर, प्रेरित होण के कारण म्हारे ताहीं यो हक सै, के हम अपने काम के खात्तर थारे तै आर्थिक मदद ले सका सां। 5 के हमनै यो हक कोनी, के किसे मसीह भाण के गेल्या ब्याह करके उस ताहीं अपने गैल सफर म्ह लेकै जावां, जिसा दुसरे प्रेरित अर प्रभु का भाई याकूब, यहूदा अर पतरस करै सै। 6 मेरै अर बरनबास के धोरै भी यो हक सै, के

हम और प्रेरितां के स्याम्ही आर्थिक मदद हासिल करां अर म्हारे ताहीं जीण खात्तर कोए काम करण की जरूरत कोनी। 7 कौण सा फौज्जी अपने खर्च तै जंग लड़ै सै? कौण अंगूर का बाग लगाके उसका फल न्ही खान्दा? कौण भेड़ों की रुखाळी करके उनका दूध कोनी पीन्दा?

8-9 मै इन बाततां नै सिर्फ माणस होण के नाते कोनी कहन्दा। मूसा नबी के नियम-कायदे भी योए कहवै सै, क्यूँके मूसा नबी के नियम-कायदे म्ह लिख्या सै, “नाज लिकाइते बखत चाल्दे होए बल्लह का मुँह ना बाँधियो।” के परमेसवर बल्लहों की ए फिकर करै सै? 10 यो खास करके म्हारे खात्तर कह्या गया सै, हाँ, म्हारे खात्तर ए लिख्या गया सै, क्यूँके यो जरूरी सै, के खेत बाहण आळा अर खलिहाण म्ह, भूसी तै नाज अलग करण आळा फसल का कुछ हिस्सा पाण खात्तर तो आस राखवै ए गा। 11 हमनै परमेसवर के सुसमाचार का प्रचार थारे बीच म्ह करया। उस माणस की ढल जो पौधे लगावै सै, हमनै थारे भित्तर परमेसवर के सन्देश ताहीं लगाया सै। इस करके यो म्हारा हक सै, के म्हारी आर्थिक जरूरतां के खात्तर हम थारी मदद हासिल करां। 12 थमनै दुसरे माणसां की भी आर्थिक मदद करी, जिननै थारे ताहीं सुसमाचार सुणाया था, बरनबास अर मै उनतै भी ज्यादा आर्थिक मदद पाण का हक राख्वां सां, हालाकि, म्हारे म्ह तै किसे नै भी जोर कोनी दिया के थम उन चिज्जां नै द्यो जिनकी हमनै जरूरत सै। बल्के हम सब कुछ सहण खात्तर तैयार सां, ताके हम किसे ताहीं भी मसीह के बारे म्ह सुसमाचार पै विश्वास करण म्ह अडचन पैदा ना करा। 13 के थमनै न्ही बेरा के जो मन्दर म्ह काम करण आळे सै, वे मन्दर म्ह तै खाणा खावै सै? पर जो वेदी* पै बलि चढ़ावै सै वे बलिदानां का हिस्सा लेवै सै? 14 इस्से तरियां तै प्रभु नै भी ठहराया के जो माणस सुसमाचार सुणावै सै, उनकी जिन्दगी का गुजारा उन माणसां तै होणा चाहिए जो सुसमाचार सुणै सै।

15 पर मन्नै इन म्ह तै किसे भी अधिकार का इस्तमाल कोनी करया, अर ना ए मै इस मकसद तै लिखूँ सूँ, के मेरै खात्तर इसा कुछ करया जावै। बजाये इसके, के कोए मन्नै, मेरी इस बात के गर्व तै अलग करै। इसतै आच्छा मै मर जाणा समझूँगाँ। 16 जै मै सुसमाचार सुणाऊँ, तो इस म्ह मन्नै गर्व करण का कोए हक कोनी। या तो मेरै ताहीं सौप्पी गई जिम्मेदारी सै। जै मै सुसमाचार न्ही सुणाऊँ, तो मेरै पै धिक्कार सै! 17 जै मै यो काम करूँ सूँ, जो मन्नै अपनी मर्जी तै चुण्या सै, तो मेरे ताहीं एक ईनाम मिलैगा, अर जै या मेरी अपनी मर्जी कोनी,

* 9:13 9:13 वेदी-परमेसवर ताहीं भेट चढ़ाण खात्तर एक जगहां

14 इस कारण, हे मेरे प्यारे दोस्तों, मूर्तिपूजा तै बचे रहो। 15 मै अकलमंद जाणकै थारे तै कहूँ सूँ, जो मै कहूँ सूँ, उसके बारे में सोचचों के वो सही से या गलत। 16 जब हम उसके कटोरे में तै (अंगूर का रस) पीवां सां, जिस ताहीं हम प्रभु भोज में इस्तमाल करां सां, जिसकै खात्तर हम परमेश्वर का धन्यवाद करां सां, हम असलियत में मसीह के लहू में साझी होण लागरे सां, अर जब हम रोटी तोड़ा सां अर इस ताहीं खावां सां, तो हम असलियत में मसीह के देह में साझा करण लागरे सां। 17 जब के सिर्फ एकै रोटी सै, जो मसीह सै, भला हम घणे सां, फेर भी हम एक देह बण जावां सां, क्यूँके हम सब एक रोटी में तै ए खावां सां। 18 इस्राएल के माणसां के बारे में सोचचों, जब वे सारे माणस खावै सै, जो परमेश्वर ताहीं चढ़ाया जावै सै, उसतै वे परमेश्वर की आराधना में शामिल हो जावै सै, इस्से तरियां जो वो खाणा खावै सै, जो मूर्ति के आगू चढ़ाया जावै सै, तो वो भी मूर्ति की आराधना में शामिल होवै सै, 19 मेरे कहण का मतलब के सै? यो सै के मूर्ति असलियत में देवता सै, जिनके खात्तर बलिदान करे जावै सै अर के इस बलिदान की कोए अहमियत सै? 20 न्ही, बल्के जो माणस मूर्तियाँ नै बलिदान करै सै, वे परमेश्वर के खात्तर न्ही पर ओपरी आत्मायाँ के खात्तर बलिदान करै सै, अर मै न्ही चाहन्दा के थम ओपरी आत्मायाँ के गैल-साइड्री होवो। 21 यो थारे खात्तर ठीक कोनी के, थम वो खाओ अर पीओ सों, जो ओपरी आत्मायाँ ताहीं चढ़ाया जावै सै, अर वो भी खाओ अर पीओ सों, जो हमनै प्रभु की मौत की याद दुवावै सै। 22 जै हम इसा करां सां, तो हम परमेश्वर नै घणा गुस्सा दुवावां सां, अर हम परमेश्वर तै घणे ताकतवर कोनी।

23 हम सब कुछ करण खात्तर आजाद सां, हम कहवां सां, हाँ, पर सब कुछ में खात्तर आच्छा कोनी, हम सब कुछ करण खात्तर आजाद सां, पर सब कुछ में बिश्वास नै कोनी बढ़ाते। 24 कोए अपनी ए भलाई नै न्ही, बल्के औरां की भलाई के बारे में सोचचों। 25 हालाकि जब थम कस्साइयाँ धरै मांस लेण खात्तर बजारां में जाओ सों, तो उनतै या ना पूछो, के यो मूर्तियाँ के आगू चढ़ाया गया सै या न्ही, अर इसतै थारी अन्तरात्मा भी दुखी न्ही होगी। 26 थम इस करके खा सको सों क्यूँके पवित्र ग्रन्थ कहवै सै, “क्यूँके धरती अर धरती पे जो कुछ भी सै सब कुछ प्रभु का सै।” 27 जै अबिश्वासियाँ में तै कोए थमनै न्योँदा देवै, अर

थम खाण खात्तर जाणा चाहो, तो जो किमे थारे स्याम्ही धरया जावै वोए खा ल्यो, अर थमनै यो न्ही पूछणा चाहिए, के यो चढ़ावा सै या न्ही, ताके चढ़ावा हो तो थम खुद नै दोषी महसूस कोनी करोगे। 28 पर जै कोए थारे तै कहवै, “यो खाणा तो मूर्ति ताहीं बलि करया गया था,” तो इस ताहीं अपनी अन्तरात्मा के कारण न्ही, बल्के थमनै बताण आळे माणस की अन्तरात्मा के कारण इसनै ना खाओ। 29 मै थारी अन्तरात्मा के बारे में न्ही, पर उस बताण आळे माणस की अन्तरात्मा बारे में कहूँ सूँ। जै थम खाण की आजादी पे जोर देओ सों, अर दुसरे माणस नै लागू सै के यो पाप सै, तो उसका के फायदा सै? कुछ भी तो कोनी। 30 जै मै मूर्तियाँ के आगू चढ़ाई होए चीज ताहीं धन्यवाद करके खाणे में शामिल होऊँ सूँ, तो उसके खात्तर मेरे पे दोष क्यूँ लगाया जावै सै, जिसके खाणे खात्तर मन्ने परमेश्वर के प्रति धन्यवाद जाहिर करया?

31 सारी बातों का निचोड़ यो सै के थम चाहे खाओ, चाहे पीओ, चाहे जो किमे करो, सारा किमे परमेश्वर की महिमा के खात्तर करो। 32-33 मै जो कुछ भी करूँ सूँ, हरेक ताहीं खुश करण की कोशिश करूँ सूँ, अपने-आप का भला कोनी सोचदा, बल्के सबके भले के खात्तर सोचूँ सूँ, ताके वो बचाए जा सकै। उस्से तरियां थम भी इस्से तरियां जिओ, ताके यहूदी, गैर यहूदी अर परमेश्वर की कलीसिया के माणसां के खात्तर उदार पाण में रुकावट ना बणो।

11

1 जिस तरियां मै मसीह के जिसी चाल चाल्लुँ सूँ, थम भी मेरी सी चाल चाल्लों।

2 हे बिश्वासी भाईयो, मै थारी तारीफ करूँ सूँ। क्यूँके थम मेरे ताहीं हर बखत याद करो सों, अर जितनी शिक्षा मन्ने थारे ताहीं दी सै, उनका सावधानी तै पालन करते रहों। 3 पर एक बात सै जो मै चाहूँ सूँ के थम उसनै जाण ल्यो, वा या सै के हरेक माणस का सिर मसीह सै, अर बिरबान्नी का सिर उसका धणी सै, अर मसीह का सिर परमेश्वर सै। 4 जब थम कलीसिया में कट्टे होओ सों, तो जो माणस सिर ढके होए प्रार्थना या भविष्यवाणी करै सै, वो मसीह का अपमान करै सै। 5 पर जो बिरबान्नी उघाड़े सिर प्रार्थना या भविष्यवाणी करै सै, इसका मतलब सै के वा अपने धणी का अपमान करै सै, क्यूँके वा गन्जी होण के बरोबर सै। 6 जै बिरबान्नी ओढ़णी ना ओढ़े तो बाळ भी कटवा लेवै, जै बिरबान्नी के खात्तर बाळ कटवाणा या गन्जी होणा बड़े शर्म की बात सै, तो

ओढ़णी ओढ़ै।⁷ हाँ, एक माणस नै सिर ढक्कण की जरूरत कोनी, क्यूँके परमेसवर नै उस ताहीं खुद के समान बना दिया सै, अर उस ताहीं अपणे जिसा सुभाव अर महिमा दी सै, पर बिरबान्नी मर्द की शोभा सै।⁸ क्यूँके पैहला माणस बिरबान्नी तै न्ही होया, पर पैहली बिरबान्नी हव्वा, माणस तै होई।⁹ परमेसवर नै पैहले माणस ताहीं बिरबान्नी की मदद करण खात्तर न्ही बनाया था, बल्के उसनै बिरबान्नी ताहीं बनाया ताके माणस की मदद करै।¹⁰ अर इस बजह तै सुर्गदूतां की मौजूदगी के कारण बिरबान्नी खात्तर जरूरी सै, के अधिकार के रूप म्ह उसनै अपणे सिर पै कुछ ओढ़णा चाहिए।¹¹ फेर भी प्रभु म्ह ना तो बिरबान्नी माणस तै, अर ना माणस बिना बिरबान्नी तै आजाद सै।¹² भलाए परमेसवर नै पैहले इन्सान तै पैहली जनानी बनाई, अर या जनानी ए सै जो इन्सान नै जन्म देवै सै, पर सारी चीज परमेसवर तै सै।¹³ थम आप ए विचार करो, के कलीसिया म्ह बिरबान्नी नै उघाड़े सिर परमेसवर तै प्रार्थना करणा शोभा देवै सै? ¹⁴ के सुभाव के तौर पै भी थमनै न्ही बेरा के जै माणस लाम्बे बाळ राक्खै, तो उसके खात्तर अपमान सै।¹⁵ पर जै लुगाई लाम्बे बाळ राक्खै तो उसके खात्तर शोभा सै, क्यूँके बाळ उसकी ओढ़णी के खात्तर दिए गये सै।¹⁶ पर जै कोए मेरे तै सहमत कोनी, तो म्हारे धोरे अर परमेसवर की कलीसिया के धोरे आराधना करण का इसके अलावा कोए और रिवाज कोनी।

????? ? ? ? ? ? ? ?

¹⁷ इब जो बात मै थारे ताहीं बताऊँ सूँ, उसके खात्तर मै थारी बड़ाई कोनी करदा, ज्यांतै के थारे कट्टे होण तै भलाई न्ही, पर नुकसान होवै सै।¹⁸ क्यूँके मेरे सुणण म्ह आया सै, के जिव थम कलीसिया म्ह आराधना के खात्तर कट्टे होवो सों, तो थारे म्ह फूट होवै सै, अर मै मान्नु सूँ के यो सच सै।¹⁹ पर यकीनन थारे बीच बटवारा होणा चाहिए, ताके जिनके धोरे परमेसवर की मंजूरी सै, उन ताहीं पिच्छाणा जावै।²⁰ आखर म्ह थम जो एक जगहां म्ह कट्टे होवो सों, म्हारे प्रभु यीशु मसीह की मौत नै याद करण के खात्तर होओ सों, यो प्रभु-भोज खाण के खात्तर न्ही।²¹ क्यूँके खाण के बखत एक-दुसरे तै पैहल्या अपणा खाणा खा लेवै सै, इस ढाळ कोए तो भूक्खा रहवै सै अर कोए मतवाला हो जावै सै।²² के खाण-पीण के खात्तर थारे घर कोनी? या थम परमेसवर की कलीसिया का तिरस्कार अर गरीबां नै शर्मिन्दा करण पै तुले होए सों? इब मै थारे तै के कहूँ? के इस बात म्ह थारी बड़ाई करूँ? ना! बिलकुल न्ही।

* 11:29 11:29 प्रभु की देह कलीसिया नै बोल्लै सै

²³ मन्नै थारे ताहीं जितनी शिक्षा दी सै वोए शिक्षा सै, जो मन्नै परमेसवर की ओड़ तै मिली थी, के प्रभु यीशु जिस रात पकड़ाया गया, रोट्टी लेई,²⁴ अर परमेसवर का धन्यवाद करके उसनै तोड़ी अर कह्या, “या मेरी देह सै, जो थारे खात्तर सै: मेरी यादगारी खात्तर न्यूए करया करो।”²⁵ इसे तरियां उसनै खाणे के बाद अंगूर के रस का कटोरा भी लिया अर कह्या, “यो कटोरा मेरे लहू म्ह नया करार सै: जिव कदे पीओ, तो मेरी यादगारी के खात्तर न्यूए करया करो।”²⁶ क्यूँके जिव कदे थम या रोट्टी खाओ अर इस कटोरे म्ह तै पीओ सो, तो प्रभु की मौत नै जिव ताहीं वो न्ही आवै, प्रचार करदे रहो।

²⁷ ज्यांतै जो कोए इस तरिके तै प्रभु की रोट्टी खावै या उसके कटोरे म्ह तै पीवै, जिसतै मसीह का आनंद हो, तो वो प्रभु की देह अर लहू के बिरुध्द पाप करै सै।²⁸ ज्यांतै माणस अपणे-आप ताहीं जाँच लेवै अर इस्से तरियां तै इस रोट्टी म्ह तै खावै, अर इस कटोरे म्ह तै पीवै।²⁹ क्यूँके जो खादे-पिंदे बखत प्रभु की देह* के साथ अपणे रिश्ते नै न्ही पिच्छाणता, वो इस खाणे अर पीणै तै अपणे उप्पर दण्ड ल्यावै सै।³⁰ अर दण्ड की शरुआत थारे बीच हो ली सै, इस्से कारण थारे म्ह तै घणखरे कमजोर अर बीमार सै, अर घणखरे मर भी गये।³¹ जै हम अपणे-आपने जाँचदे तो दण्ड न्ही पांदे।³² पर प्रभु म्हारे ताहीं दण्ड देके म्हारी ताड़ना करै सै, ज्यांतै के हम न्याय के दिन दुसरे माणसां के साथ दंडित ना करे जावां।

³³ इस करके, हे विश्वासी भाईयो, जिव थम प्रभु भोज खाण खात्तर कट्टे होओ सो, तो एक-दुसरे के खात्तर ठहरे रहो, ताके थम मिलके प्रभु भोज खा सको।³⁴ जै कोए भूक्खा हो तो अपणे घर म्ह खा लेवै, ताके जिव थम एक साथ आओगे, तो थम सही तरियां तै बरताव करोगे, अर परमेसवर थारा न्याय कोनी करैगा। दुसरी बात्तां नै मै जिब्बे सुलझाऊँगा जिव आऊँगा।

12

????? ? ? ? ? ? ? ?

¹ हे विश्वासी भाईयो, इब पवित् आत्मा के जरिये दी गई उन खुबियाँ तै तालुकात राखती उन बात्तां के बारे म्ह मै न्ही चाहन्दा के थम अनजाण रहो।² थम जाणो सो, के प्रभु म्ह विश्वास करण तै पैहले थम किसे थे, कोए थमनै राह दिखावै था ताके थम मूर्तियाँ की पूजा कर सको जो बोल न्ही सकदी।³ ज्यांतै मै थमनै बताणा चाहूँ सूँ, के जो कोए परमेसवर की आत्मा की अगुवाई तै बोल्लै सै, वो न्ही कहन्दा के यीशु श्रापित सै, अर ना

कोए पवित्र आत्मा कै बिना कह सकै सै के यीशु प्रभु सै।

4 आत्मिक वरदान तो कई ढाळ के सै, पर या पवित्र आत्मा ए सै जो इन सबका भण्डार सै। 5 अर काम भी कई ढाळ के सै, जो हम परमेसवर खात्तर करा सां, पर हम सब एकैए परमेसवर की सेवा करा सां। 6 परमेसवर म्हारी जिन्दगी म्ह कई ढाळ के तरिक्कां तै काम करै सै, पर यो वोए परमेसवर सै, जो हमनै उसके काम करण की काबलियत देवै सै। 7 एक इसी काबलियत सै जो म्हारे म्ह तै हरेक ताहीं दी जावै सै, जो पवित्र आत्मा की मौजूदगी नै दिखावै सै ताके हम अपने संगी बिश्वासियाँ की मदद कर सका। 8 परमेसवर की आत्मा एक माणस ताहीं बुद्धि तै भरा सन्देस बोल्लण की काबलियत देवै सै, अर वाए आत्मा किसे दुसरे माणस नै ज्ञान तै भरा सन्देस बोल्लण की काबलियत देवै सै। 9 वो एक माणस ताहीं मसीह म्ह मजबुत्ती तै बिश्वास करण की काबलियत देवै सै, अर दुसरे माणस ताहीं आत्मा, बीमार लोग्गां नै ठीक करण की काबलियत देवै सै। 10 किसे ताहीं सामर्थ के काम करण की ताकत, अर किसे ताहीं भविष्यवाणी की, अर किसे ताहीं आत्मायाँ की परख, अर किसे ताहीं घणी ढाळ की भाषा, अर किसे ताहीं भाषायाँ का मतलब बताणा की काबलियत दी। 11 पर ये परमेसवर की आत्मा सै, जो सारी काबलियत का भण्डार सै, अर वो हर किसे नै बाट देवै सै, जिसा वो चाहवै सै।

११११ ११ ११११ ११११

12 जिस तरियां देह के भोत सारे अंग होवै सै, पर भोत सारे अंग मिलकै एक देह नै बणावै सै, उस्से ढाळ मसीह देह सै, अर सब बिश्वासी उसके देह के अंग सै। 13 क्यूँके हम सब यहूदी, यूनानी, गुलाम अर आजाद, एकए देह की तरियां सां, अर परमेसवर हम सब नै पवित्र आत्मा का बपतिस्मा देवै सै, अर हम सारया नै एके तरियां का पवित्र आत्मा पाया सै।

14 देह म्ह एके अंग न्ही, पर भोत-से सै। 15 जै पैर कहवै के मै हाथ कोनी, इस करकै देह का अंग कोनी, तो के उसके इसा कहण तै वो देह का अंग कोनी? 16 अर जै कान कहवै, के मै आँख कोनी, इस करकै देह का अंग कोनी, तो के वो इस कारण देह का अंग कोनी? 17 जै साबती देह आँख होन्दी तो सुणणा कित्त तै होंदा? जै साबती देह कान ए होंदी तो सूँघणा कित्त तै होंदा? 18 पर सचमुच परमेसवर नै देह के सारे अंगा ताहीं अपणी मर्जी कै मुताबिक एक-एक करकै देह म्ह सही जगहां पै राख्या सै। 19 जै सारे अंग एके अंग होन्दे, तो देह कित्त तै होंदी? 20 बल्के अंग तो भतेरे सै, पर देह एके सै। 21 आँख हाथ तै कोनी कह सकदी, “मन्नै तेरी जरूरत कोनी,” अर ना

सिर पैर तै कह सकै सै, के “मन्नै तेरी जरूरत कोनी।” 22 पर देह के कुछ अंग जो दुसरे अंगा तै कमजोर लागौ सै, भोत-ए जरूरी सै। 23-24 अर देह के जिन अंगा नै हम कम आदर देवां सां, वे सै जिन ताहीं हम बड़ी सावधानी तै ढका सां, इस करकै उन अंगा की हम सावधानी तै हिफाजत करा सां, जिन ताहीं देख्या न्ही जा सकता, जिब के आदर के लायक अंगा नै इस खास देखभाळ की जरूरत कोनी। इस करकै परमेसवर नै देह ताहीं एक साथ राख्या सै, ताके उन अंगां ताहीं खास आदर अर देखभाळ दी जावै, जिनका महत्व कम सै। 25 ताके देह म्ह फूट ना पड़ै पर देह के सारे हिस्से दुसरे अंगा की देखभाळ करै। 26 जै देह का कोए अंग दुख पावै सै, तो उसके गैल देह के सारे अंग दुख पावै सै, अर जै एक अंग की बड़ाई होवै सै, तो उसके गेल्या सारे अंग आनन्द मनावै सै।

27 इस्से ढाळ थम सारे मिलकै मसीह की देह सो, अर थारे म्ह तै हरेक उसके देह के कुछ हिस्सां के रूप म्ह उसके अंग सों 28 मसीह की इस देह म्ह जो के कलीसिया सै, परमेसवर नै म्हारे ताहीं न्यारे-न्यारे ढाळ के काम करण कै खात्तर दिया, सब तै पैहल्या प्रेरितां, फेर नबी, तीसरे शिक्षक, फेर सामर्थ के काम करण आळे, फेर चंगाई देण आळे, भलाई करण आळे, अर अगुवें, अर अन्य भाषा बोल्लण की काबलियत दी। 29 के सारे प्रेरित सै? न्ही! के सारे नबी सै? न्ही! के सारे उपदेशक सै? न्ही! के सारे सामर्थ के काम करण आळे सै? न्ही! 30 के सारया नै चंगा करण का वरदान मिल्या सै? न्ही! के सारे अन्य भाषा बोल्लै सै? न्ही! 31 के सारे अन्य भाषा का मतलब बताणीये सै? न्ही! थम सबतै उपयोगी वरदानां की धुन म्ह रहो, पर मै थमनै सारया तै बढ़िया राह बताऊँ सूँ।

13

११११११-११११११ ११ ११११११ ११११११११

1 जै मै माणसां अर सुर्गदूतां की बोल्ली बोल्लूँ अर दुसरयां तै प्यार ना करूँ, तो मै ठनठनादा होया पीत्तळ, अर झंझनाती होई झाँझ सूँ। 2 अर जै मै भविष्यवाणी कर सकूँ, अर सारे भेद अर सारी ढाळ के ज्ञान ताहीं समझूँ, अर मन्नै उरै ताहीं इतणा बिश्वास हो के मै पहाड़ां ताहीं हटा दियुँ, पर दुसरयां तै प्यार ना करूँ, तो मै कुछ भी कोनी। 3 जै अपणा सारा धन कंगालां नै खुवा दियुँ, या अपणी देह जळाण कै खात्तर दे दियुँ, अर दुसरयां तै प्यार ना करूँ, तो मन्नै किमे भी फायदा कोनी।

4 जो लोग दुसरयां तै प्यार करै सै, वे पूरे धीरज अर दयालु तरिक्कें तै काम करै सै, वे नफरत न्ही करते, अर वे खुद की बड़ाई न्ही करते। 5 वे दुसरयां का अनादर कोनी

करते, वे स्वार्थी कोनी अर ना ए तावळे नाराज होवै सै, पर आसान्नी तै उन माणसां ताहीं माफ करदे सै जो उनके खिलाफ बुरा बरताव करै सै। 6 जिब लोग बुरे काम करै सै तो वे खुश कोनी होन्दे, पर जिब लोग सही काम करै सै तो वे खुश होवै सै। 7 प्यार सारी बाततां नै सह लेवै सै, अर हमेशा म्हारे हरेक हालात्तां म्ह विश्वास करण म्ह, परमेसवर पै भरोस्सा राक्खण म्ह, अर दुख अर मुसीबतां नै धीरज तै सहण करण म्ह म्हारी मदद करै सै।

8 प्यार सदा तक रहण आळा सै। जडै ताहीं भविष्यवाणीयां का सवाल सै, वे थोड़े ए बखत खात्तर सै, भाषाएँ बिना शब्द की हो जावैगी अर ज्ञान मिट जावैगा। 9 क्यूँके म्हारा ज्ञान अर म्हारी भविष्यवाणी का वरदान अधूरा सै। 10 पर जिब हम सिद्धता तक पोहच जावांगे तो, वो सब, जो अधूरा सै, मिट जावैगा। 11 जिब मै बाळक था, तो मै बाळकां की ढाळ बोल्लू था, बाळकां जिसी मेरी सोच थी, बाळकां जिसी समझ थी, पर जिब श्याणा हो गया तो बाळकां के जिसी बात छोड़ दी। 12 इब जो हम परमेसवर के बारे में म्ह जाणा सां, वो सब शीशे म्ह धुँधळा दिखाई देण की ढाळ सै, पर बाद म्ह हम उस ताहीं आम्ही-स्याम्ही देखवांगे, इब्बे हम सब कुछ न्ही जाणते, पर बाद म्ह हम सब किमे जाण जावांगे जिस तरियां परमेसवर म्हारे ताहीं जाणै सै। 13 ये तीन्नु चीज सदा खात्तर सै, विश्वास, आस, अर प्यार पर इन म्ह सारया तै बड्डा प्यार सै।

14

?????????? ?? ????-???? ???? ?

1 एक-दुसरे तै प्यार करण की कोशिश करो, अर आत्मिक वरदानां की भी धुन म्ह रहो, खास करके यो के भविष्यवाणी करो। 2 क्यूँके जो अन्य भाषा म्ह बात करै सै वो माणसां तै न्ही पर परमेसवर तै बात करै सै, ज्यांतै के उसकी बात कोए न्ही समझदा, क्यूँके वो भेद की बात पवित्र आत्मा की शक्ति तै बोल्लै सै। 3 पर जो भविष्यवाणी करै सै, वो विश्वासियाँ नै मजबूत करण की, उत्साहित करण की, अर शान्ति की बात कहवै सै। 4 जो अन्य भाषा म्ह बात करै सै, वो अपना ए विश्वास मजबूत करै सै, पर जो भविष्यवाणी करै सै, वो कलीसिया के विश्वासियाँ के विश्वास नै मजबूत करै सै। 5 मै चाहूँ सूँ के थारे म्ह तै हरेक नै अन्य भाषायां म्ह बात करण की काबलियत मिलै, पर इसकी बजाए आच्छा तो यो सै के थमनै भविष्यवाणी की काबलियत मिलै, क्यूँके जो भविष्यवाणी करै सै, वो उस अन्य भाषा बोल्लण आळा तै, जो उसका मतलब खोल कै बताए बिना अन्य भाषा म्ह बात करै सै, उसतै आच्छा सै, क्यूँके

उसका मतलब खोल कै बताये जाण पैए कलीसिया के विश्वासियाँ के विश्वास की बढोतरी हो सकै सै।

6 ज्यांतै, हे विश्वासी भाईयो, जै मै थारे तै अन्य भाषा म्ह बात करूँ, तो उसतै थमनै के फायदा होगा, जै इस म्ह थारे खात्तर कोए प्रकाशन, ज्ञान, भविष्यवाणी या शिक्षा की बात ना हो, तो मै इस म्ह थारा के भला करूँगा? 7 इस्से ढाळ बेजान चीज म्ह तै भी आवाज लिकडै सै, चाहे बाँसुरी हो या संगीत के साज, जै उनतै लिकडै सुरां म्ह फकं ना हो तो यो किस तरियां बेरा लागगैगा के यो कौण सा साज बजाया जाण लाग रह्या सै। 8 अर जै तुरही का शब्द साफ ना हो, तो कौण लडाई कै खात्तर तयारी करैगा? 9 इस्से तरियां जै थम अन्य भाषा म्ह बोल्लों सों, अर थारे शब्दां नै कोए समझ न्ही पावै, के थम के बोल्लण लागरे सों? तो यो तो हवा तै बात करण जिसा होगा। 10 भलाए दुनिया म्ह कितनी ए ढाळ की भाषा क्यूँ ना हों, पर हरेक भाषा का मतलब सै। 11 पर जै मै किसे भाषा का मतलब ना समझूँ, तो बोल्लण आळे की निगांह म्ह परदेशी ठहरूँगा, अर बोल्लण आळा भी मेरी निगांह म्ह परदेशी ठहरैगा। 12 ज्यांतै थम भी जिब आत्मिक वरदानां की खोज म्ह हो, तो इसे वरदानां की लालसा राक्खों, जिसतै कलीसिया के विश्वासी माणसां का विश्वास भी मजबूत हो सकै।

13 इस कारण जो अन्य भाषा बोल्लै, वो प्रार्थना करै के उसका खोल कै मतलब भी बता सकै। 14 ज्यांतै जै मै अन्य भाषा म्ह प्रार्थना करूँ, तो मेरी आत्मा प्रार्थना करै सै, पर मेरी बुद्धि काम न्ही देंदी। 15 इस बजह तै मै आत्मा तै भी प्रार्थना करूँगा, अर बुद्धि तै भी प्रार्थना करूँगा, मै आत्मा तै भी गाऊँगा, अर बुद्धि तै भी गाऊँगा। 16 मान ल्यो के कई आम आदमी थारे गैल परमेसवर की आराधना म्ह शामिल होवै सै, अर जिब थम अपनी आत्मा के साथ परमेसवर की आराधना करण लागरे सों, अर जो थम बोल्लो सों वो उनने समझ कोनी आन्दा, तो परमेसवर का धन्यवाद करण कै बाद, उननै किस तरियां बेरा लागगैगा के कद “आमीन” कहणा सै, जो थम कहण लागरे सों? 17 परमेसवर का धन्यवाद करणा थारे खात्तर अदभुत हो सकै सै, पर यो दुसरयां ताहीं उनके विश्वास म्ह मजबूत न्ही बणा सकदा। 18 मै अपने परमेसवर का धन्यवाद करूँ सूँ, के मै थम सारया तै घणा अन्य भाषायां म्ह बोल्लू सूँ। 19 पर कलीसिया म्ह अन्य भाषा म्ह दस हजार बात कहण तै यो मन्ने और भी सही लागगै सै, के दुसरयां नै सिखाण कै खात्तर मै बुद्धि तै पाँच ए बात कह सकूँ।

20 हे विश्वासी भाईयो, इन बाततां नै समझण म्ह बाळक ना बणो, बुराई करण म्ह तो बाळक बणे रहो,

पर इस तरियों के मामलां नै समझण म्ह श्याणे बणो । 21 पवित्तर ग्रन्थ म्ह लिख्या सै, के प्रभु कहवै सै, “के मै अजनबियाँ के जरिये बात करूंगा, जो अन्य भाषा बोल्लैगें, तोभी वे मेरी न्ही सुणैगें।” 22 ज्यातै अन्य भाषा बिश्वासियाँ कै खात्तर न्ही, पर अबिश्वासियाँ कै खात्तर निशान्नी सै, जो ये भाषा न्ही समझते, पर भविष्यवाणी अबिश्वासियाँ कै खात्तर न्ही, पर बिश्वासियाँ कै खात्तर निशान्नी सै। 23 इस करकै जै कलीसिया एक जगहां कट्ठी हो, अर सारे के सारे अन्य भाषा बोल्लै, जो ये भाषा न्ही समझते, या अबिश्वासी माणस भीत्तर आ जावै, तो के वे थमनै बावळे न्ही कहवैगें? 24 पर जै सारे भविष्यवाणी करण लागे, अर कोए अबिश्वासी माणस या जो भविष्यवाणी नै न्ही समझते हो, भीत्तर आ जावै, तो उननै अपणे पापां का अहसास होगा अर जो थम बोल्लण लागे सों उसकी बजह तै अपणे-आप ताहीं कसूरवार महसूस करैगें। 25 अर परमेसवर का संदेश उस ताहीं उसकी बुराई या उसकी गुप्त सोच का अहसास करां देवैगा। वो महसूस करैगा के वो पापी सै, अर वो पाप करण छोड़ देगा अर वो झुककै प्रभु की आराधना करैगा, अर मान लेवैगा के सच म्ह ए परमेसवर थारे बिचाळै सै।

?????? ???? ??????????

26 हे बिश्वासी भाईयो, सुणो के ये बात किस तरियां होणी चाहिये? जिब थम आराधना खात्तर कट्ठे होवो सो, तो थारे म्ह तै कोए तो भजन गावै सै, कोए उपदेश देवै सै, कोए प्रभु के जरिये दिए गये प्रकाशन सै, कोए अन्य भाषा म्ह बात करै सै, कोए उसका मतलब बतावै सै। इन सारी बाततां का मकसद योए सै, के कलीसिया बिश्वास म्ह मजबूत हो सकै। 27 जै अन्य भाषा म्ह बात करै तो ज्यादा तै ज्यादा दो या तीन माणस बारी-बारी तै बोल्लै, अर एक माणस उन बाततां का खोल कै मतलब भी बतावै। 28 पर जै खोल कै मतलब बताणीया ना हो, तो अन्य भाषा बोल्लण आळा कलीसिया म्ह शान्त रहवै, अर अपणे मन म्ह परमेसवर तै बात करै। 29 नबियाँ म्ह तै दो या तीन बोल्लै, अर बाकी माणस उनकै वचन नै परखे। 30 जै उस बखत ओड़ै कोए बेटचा हो जिस ताहीं ईश्वरीय प्रकाशन मिलै, तो पैहले आळा माणस चुप हो जावै अर दुसरे माणस नै बोल्लण दे। 31 थम सारे एक-एक करकै भविष्यवाणी कर सको हो, ताके सारे सीखै अर सारे उत्साहित भी हो जावै। 32 अर नबियाँ की आत्मा नबियाँ कै बस म्ह सै, उसकै भित्त इतनी काबलियत सै, के वो अपनी इच्छा के मुताबिक बोल सकै सै, अर चुप भी रह सकै सै। 33 क्यूँके परमेसवर गड़बड़ी का न्ही, पर शान्त का परमेसवर सै।

यो वो नियम सै जिसका पालन परमेसवर के माणसां के सारी कलीसियाओं म्ह करया जाणा चाहिए। 34 बिरबान्नी कलीसिया की सभा म्ह चुपचाप रहवै, क्यूँके उन ताहीं बात करण का हुकम कोनी, पर अधीन रहण का हुकम सै, जिसा नियम-कायदे म्ह लिख्या भी सै। 35 जै वे किमे सिखणा चाहवै, तो घर म्ह अपणे-अपणे धणी तै बुझै, क्यूँके बिरबान्नी का कलीसिया म्ह घणा बोलणा शर्म की बात सै। 36 इसा क्यूँ सै के थारे म्ह तै कुछ पैहले उप्पर लिखे होए नियमां का पालन न्ही करणा चाहन्दे? के थमनै लागै सै, के थम परमेसवर का वचन देण आळे पैहले आदमी सों?

37 जै कोए माणस खुद नै नबी या आत्मिक माणस समझै, तो न्यू जाण ले के जो बात मै थमनै लिखूँ सूँ, वे प्रभु के हुकम सै। 38 जै कोए माणस इन बाततां पै बिश्वास न्ही करदा, तो थम भी उसकी बाततां पै बिश्वास ना करो, जो वो बोल्लण लागरया सै।

39 इस करकै हे बिश्वासी भाईयो, भविष्यवाणी करण की धुन म्ह रहो, अर अन्य भाषा बोल्लण तै मना ना करो। 40 कलीसिया म्ह जो कुछ भी करो सों, आच्छी तरियां अर सही ढंग तै करया जावै।

15

????? ?? ??????????????

1 हे बिश्वासी भाईयो, इब मै थमनै वोए सुसमाचार याद दिवाऊँ सूँ, जो पैहल्या सुण्या जा चुक्या सै, जिस सुसमाचार का थमनै बिश्वास भी करया था, अर थम उस बिश्वास म्ह बणे भी रहो। 2 जै थम सुसमाचार म्ह बिश्वास करणा जारी राखवों सों, जो मन्नै थारे ताहीं सुणाया था तो परमेसवर थमनै सुसमाचार के जरिये बचावैगा, जै थम उस सुसमाचार पै बिश्वास करणा छोड़ द्यो, तो थारा मसीह पै बिश्वास करणा बेकार सै।

3 इस्से कारण मन्नै थारे ताहीं सब तै खास सन्देस बताया सै, जो मेरे ताहीं प्रभु यीशु तै मिल्या सै, वो सन्देस यो सै, के पवित्तर ग्रन्थ कै वचन कै मुताबिक यीशु मसीह म्हारै पापां कै खात्तर मारया गया, 4 गाडचा गया, अर पवित्तर ग्रन्थ कै मुताबिक तीसरे दिन जिन्दा भी होग्या, 5 अर उसकै बाद वो पतरस ताहीं अर फेर बारहां चेल्यां नै दिख्या। 6 फेर वो पाँच सौ तै ज्यादा चेल्यां नै एक साथ दिख्या, जिन म्ह तै घणखरे तो इब ताहीं जिन्दे सै पर कई मर लिये सै। 7 इसकै बाद वो याकूब नै अर फेर सारे प्रेरितां नै भी दिख्या। 8 सब तै आखर म्ह मन्नै भी दिख्या, मेरे ताहीं प्रभु नै अदभुत तरिककें तै प्रेरित बनाया। 9 क्यूँके मै प्रेरितां म्ह सारया तै कम महत्वपूर्ण सूँ, बल्के प्रेरित बणण कै जोगगा

भी कोनी था, क्यूँके मन्नै परमेसवर की कलीसिया के विश्वासियाँ ताहीं सताया था। 10 पर मै जो कुछ भी सूँ, परमेसवर के अनुग्रह तै प्रेरित सूँ। उसका अनुग्रह जो मेरै पै होया, वो बेकार न्ही होया, पर मन्नै उन और प्रेरितां तै बाध मेहनत भी करी, तोभी या मेरी ओड़ तै न्ही होई, पर परमेसवर का अनुग्रह तै होई जो मेरै पै था। 11 ज्यातै चाहे मै हूँ, चाहे दुसरे प्रेरित हों, हम सब नै मसीह के बारे म्हे एक जिसा प्रचार करा, अर इस्से पै थमनै विश्वास भी करया।

????????????????

12 मै थारे तै एक बात पूच्छु सूँ, जिव तै हम सारया नै यो प्रचार करया सै, के परमेसवर नै मसीह ताहीं मुदाँ म्हे तै जिन्दा करया, तो थारे म्हे तै कई क्यूँ न्ही मानते के विश्वासी भी मरकै जिवेंगे? 13 जै मरे होया का जी उठणा सै ए कोनी, तो मसीह भी मरे होया म्हे तै जिन्दा कोनी होया, 14 अर जै मसीह मरे होया म्हे तै न्ही जी उठचा, तो म्हारा प्रचार करणा बेकार सै अर थारा विश्वास करणा भी बेकार सै। 15 इसतै भी बढ़कै यो सै के हम परमेसवर के झूठे गवाह साबित होण लागरे सां, क्यूँके हमनै उनके बारे म्हे या गवाही दी सै के उननै मसीह ताहीं मरे होया म्हे तै जिन्दा करया सै, पर जै मरे होए वास्तव म्हे जिन्दे न्ही करे गये होन्दे तो परमेसवर नै मसीह ताहीं भी जिन्दा न्ही करया। 16 अर जै मरे होए माणस जिन्दा न्ही होन्दे, तो मसीह भी मरे होया म्हे तै जिन्दा कोनी होया। 17 अर जै मसीह मरया होया म्हे तै जिन्दा कोनी होया, तो थारा विश्वास करणा बेकार सै, अर थम इब ताहीं अपणे पापां म्हे जीण लागरे सो। 18 बल्के जो मसीह पै विश्वास करण आळे मर लिये सै, वे भी नाश होए। 19 जै हम सिर्फ इस्से जीवन म्हे मसीह तै आस राक्खां सां, ना के आण आळी दुनिया कै खात्तर, तो हम सारे माणसां तै घणे अभागे सां।

20 पर सच म्हे-ए परमेसवर नै मसीह ताहीं मुर्दयां म्हे तै जिन्दा करया सै, अर वो पैहला माणस सै, जो मरे होया म्हे तै जिन्दा करया गया। 21 क्यूँके जिव एक माणस आदम कै जरिये दुनिया म्हे मौत आई, तो दुसरा माणस मसीह कै जरिये मरे होया का दोबारा जिन्दा हो जाणा भी होया। 22 अर जिस तरियां आदम के पाप के जरिये सारे माणस मरै सै, उस्से तरियां ए मसीह नै जो करया, उसके जरिये सारे माणस मरे होया म्हे तै जिन्दा भी करे जावेंगे। 23 पर हरेक माणस इस तरियां जिन्दा होवैगा, परमेसवर नै पैहल्या मसीह ताहीं मरे होया म्हे तै जिन्दा करया, फेर मसीह कै आण पै परमेसवर उन लोग्गां नै भी जिन्दा करैगा जो मसीह के सै। 24 इसकै बाद दुनिया का अन्त होगा। उस बखत

मसीह सारी प्रधानता, अर सारा हक अर सामर्थ का अन्त करकै राज्य नै परमेसवर पिता कै हाथ म्हे सौंप देवैगा। 25 क्यूँके जिव तक परमेसवर अपणे बैरियाँ नै पूरी तरियां तै हरा ना देवै, तब तक मसीह का राज्य करणा जरूरी सै। 26 सारया तै आखरी बैरी जो नाश करया जावैगा, वो मौत सै। 27 पवित्र ग्रन्थ म्हे भजनकार नै लिख्या सै, के परमेसवर सब कुछ मसीह के अधीन कर देवैगा, तो यो तय सै, के परमेसवर शामिल कोनी, क्यूँके वोए सै जिसनै मसीह ताहीं अधिकार दिया सै। 28 जिव सब कुछ मसीह कै अधीन हो जावैगा यानी बेट्टे के अधीन, तो बेट्टा आप भी परमेसवर के अधीन हो जावैगा, जिसनै उस ताहीं यो अधिकार दिया था। परमेसवर ए प्रभु सै, जो सब कुछ अर हर किसे म्हे काम करै सै।

29 जै मरे होया का पुनरुत्थान कोनी, तो उस परम्परा का के मतलब सै, जिस म्हे माणस मरे होया की जगहां पै बपतिस्मा लेण लागरे सै? जै परमेसवर मरे होए माणस ताहीं जिन्दा न्ही करदा, तो माणस इस परम्परा नै क्यूँ मानण लागरे सै? 30 म्हारे खात्तर जै मुदाँ का जी उठणा सै, तो खुद ताहीं खतरां म्हे गेरणा बेकूफी सै। 31 हे विश्वासी भाईयो, मै हर दिन मौत का सामना करूँ सूँ, यो भी सच सै, के प्रभु यीशु मसीह म्हे मन्नै थारे पै गर्व सै। 32 मै इफिसुस नगर म्हे बड़ी तै बड़ी मुसीबतां म्हे तै गुजरा सूँ, जो जंगली-जानवरां की तरियां मेरा बिरोध करै सै, तो मन्नै के फायदा होया? जै मुर्दे जिन्दे न्ही करे जावेंगे, तो हम कह सका सां, के “आओ, खावां-पीवां, क्यूँके काल तो मरणा ए सै।” 33 धोक्खा ना खाओ, “भुंडी संगति आच्छे चाल-चलण नै बिगाड़ देवै सै।” 34 अपणे सोचवण के तरिककें नै ठीक कर ल्यो, अर पाप करणा छोड़ द्यो, क्यूँके कुछ इसे सै जो परमेसवर नै न्ही जाणदे। मै थमनै शर्मिन्दा करण कै खात्तर न्यू कहूँ सूँ।

????????????????

35 उदाहरण के तौर पै जै कोए न्यू कहवैगा, “के परमेसवर मुदाँ नै किस तरियां तै जिवांवै सै, अर उनकी देह किसी होवै सै?” 36 हे निरे बेअक्लो! जिव तू बीज नै माट्टी म्हे बोवै सै, तो वो अंकुरित कोनी होवै सै, अर जिव वो अंकुरित होवै सै तो वो बीज कोनी रहन्दा। 37 जै तू गेहूँ या कोए दुसरा बीज बोवै सै, तो तू शरू म्हे ए पौधा न्ही लगान्दा, बल्के बीज नै ए लगावै सै, जो बाद म्हे पौधा बणै सै। 38 परमेसवर जिसा चाहवै उसा आकार पौधे नै देवै सै, हरेक ढाळ के बीज का उगण का अपणा अलग ए तरिककां होवै सै। 39 दुनिया के सब प्राणियाँ की देह एक जिसी कोनी होन्दी, माणसां की देह

न्यारी सै, डांगरां की न्यारी सै, पंछियाँ की देह न्यारी सै, मच्छियाँ की देह न्यारी सै।⁴⁰ अर जिस तरियां धरती पै अलग-अलग तरियां की देह सै, उस्से तरियां अकास म्ह भी सूरज, चाँद अर तारे सै। अकास म्ह चिज्जां की एक अलग तरियां की खूबसूरती हो सै, अर धरती पै, की चिज्जां की खूबसूरती अलग ढाळ की हो सै।⁴¹ सूरज का तेज न्यारा सै, चाँद का तेज न्यारा सै, अर तारा के टोळ का तेज न्यारा सै, (क्यूँके एक तारे तै दुसरे तारे के तेज म्ह फर्क सै)।

⁴² तो यो मेरे होए माणसां का जी उठणा भी इसाए होगा। देह जिस ताहीं वे दफणावै सै वो गळ जा सै, पर जब यो फेर तै जी उठै सै, तो या एक इसी देह होगी जो गळै कोनी।⁴³ जब म्हारी देह दफणाई जावै सै, तो वा बदसूरत अर कमजोर हो सै, पर जब दुबारतै जीवन मिलै सै, तो वा सुथरी अर मजबूत हो सै।⁴⁴ जिस तरियां म्हारी देह माँस अर लहू तै बणी सै, इस्से तरियां इसी देह भी सै जिस ताहीं जीवन परमेसवर के आत्मा के जरिये मिलै सै, अर जो म्हारी देह माँस अर लहू तै बणी सै, उस देह म्ह बदल जावैगा, जिस ताहीं जीवन परमेसवर की आत्मा तै मिलै सै।⁴⁵ पवित्र ग्रन्थ म्ह भी लिख्या सै, के “पैहल्डा माणस, यानिके आदम जिन्दा प्राणी बण्या” अर आखरी आदम जो मसीह सै, वोए सै जो हमनै अनन्त जीवन देवै सै।⁴⁶ माँस अर लहू तै बणी देह पैहल्या वजूद* म्ह आई, फेर उस देह ताहीं परमेसवर की आत्मा के जरिये जीवन मिलै सै।⁴⁷ पैहल्डा माणस धरती तै, यानिके माट्टी तै बण्या होया था, दुसरा माणस जो मसीह था सुर्ग तै आया।⁴⁸ धरती पै रहण आळे लोग, धरती के पैहले माणस आदम की ढाळ माट्टी तै बणे सै, पर सुर्ग म्ह रहण आळे लोग, सुर्ग के माणस मसीह यीशु की तरियां सै।⁴⁹ हम सबका रूप आदम की ढाळ सै, जो माट्टी तै बण्या सै, उस्से तरियां एक दिन हमनै मसीह का रूप भी मिलैगा, जो सुर्गीय सै।

⁵⁰ हे विश्वासी भाईयो, मै चाहूँ सूँ के थम जाण ल्यो, के म्हारी देह जो लहू अर माँस तै बणी सै, इस देह के साथ हम परमेसवर के सुर्गीय राज्य म्ह न्ही रह सकदे। हम सुर्ग म्ह उस देह के साथ न्ही रह सकदे जो नाश हो जावै सै, क्यूँके ओड़ै कोए मौत कोनी।⁵¹ देखो, मै थारे तै एक भेद की बात बताऊँ सूँ, म्हारे म्ह तै कुछ विश्वासी मरै कोनी, पर उनकी देह बदल जावैगी।⁵² अर यो पलभर म्ह, पलक झपकदे ए जब आखरी तुरही फूक्की जावैगी तो मुर्दे सदा रहण खात्तर जिन्दा हो जावैंगे, अर जो जिन्दा सै उनकी देह सुर्गीय देह म्ह बदल जावैगी।

⁵³ क्यूँके यो जरूरी सै, ताके म्हारी या नाशवान देह अविनाशी देह म्ह बदल जावै, अर या मरणहार देह कदे ना मरण आळी देह म्ह बदल जावै।⁵⁴ जब इसा होवै सै, तो जो परमेसवर नै पवित्र ग्रन्थ म्ह लिख्या सै, वो पूरा हो जावैगा, “मौत पूरी तरियां तै हार जावैगी अर वजूद म्ह कोनी रहवैगी।⁵⁵ हे मौत, तेरी जीत कित्त रही? हे मौत, तेरा डंक कित्त रहया?”⁵⁶ पाप वो डंक सै जो मौत नै लेकै आवै सै, अर नियम-कायदे पाप नै शक्ति देवै सै।⁵⁷ पर परमेसवर का धन्यवाद हो, जो म्हारै प्रभु यीशु मसीह के जरिये हमनै पाप अर मौत पै जयवन्त करै सै।⁵⁸ ज्यांतै हे मेरे प्यारे भाईयो, मजबूत अर पक्के रहो, अर प्रभु के काम म्ह सारी हाण बढ़ते जाओ, क्यूँके थम जाणो सो के थारी मेहनत प्रभु म्ह बेकार न्ही सै।

16

?????????????? ?? ??????? ???? ?

¹ इब यरुशलेम नगर म्ह परमेसवर के पवित्र माणसां के खात्तर कट्टे करे गये उस चन्दे के बारै म्ह, जिसा हुकम मन्नै गलातिया परदेस की सारी कलीसियां ताहीं दिया, उसाए थम भी करो।² हफ्तै के पैहल्डे दिन थारे म्ह तै हरेक, अपणी आमदणी के मुताबिक कुछ धन अपणे धोरै अलग धरो, ताके मेरै आण पै थमनै चन्दा कट्टा करणा न्ही पडै।³ अर जब मै ओड़ै होऊँगा, तो उन माणसां ताहीं दान लेण खात्तर यरुशलेम भेज्जूंगा जिन ताहीं थमनै भरोस्सेमंद समझा सै, मै उन विश्वासियाँ के हाथ एक चिट्ठी भी भेज्जूंगा ताके ओड़ै के विश्वासी भी उन ताहीं जाण सकै।⁴ जै मेरा भी जाणा जरूरी होया, तो वे मेरै गेल्या जावैंगे।

?????? ?? ??????? ?? ?????????????

⁵ पर मन्नै पैहले मकिदुनिया परदेस जाणा सै, फेर मै मकिदुनिया परदेस तै होकै थारे धोरै आऊँगा।⁶ पर हो सकै सै, के थारे धोरै ए लम्बे बखत ताहीं ठैहर जाऊँ, अर पूरा जाड्डा थारे धोरै रहूँ, फेर जिस सफर पै मन्नै जाणा हो उसपै थम मन्नै भेज दियो।⁷ जै या परमेसवर की इच्छा सै, तो मै थारे धोरै बाद म्ह, घणे दिनां खात्तर आऊँगा, बजाए इसके के इब मै थोडे दिनां खात्तर, थारे धोरै आऊँ।⁸ पर मै पिन्तेकुस्त त्यौहार तक इफिसुस नगर म्ह रहूँगा,⁹ क्यूँके याडै भोत सारे लोग सै, जो परमेसवर के वचन के बारें म्ह सुणाणा चाहवै सै, अर मेरा याडै रहणा जरूरी सै, हालाकि याडै मसीह के भोत बिरोधी सै।

¹⁰ जब तीमुथियुस कुरिन्थुस नगर म्ह आ जावै सै, तो उसके गैल सम्मानपूर्वक बरताव करियो, क्यूँके वो

* 15:46 15:46 वजूद अस्तित्व

मेरी तरियां प्रभु का काम करै सै। ¹¹ ज्यांतै कोए उसनै तुच्छ न्ही जाणै, पर जो सफर खात्तर जरूरी चीज सै उसनै दे दिओ, ताके वो मेरै धोरै आ जावै, क्यूँके मै उसकी बाट देखूँ सूँ, के वो बिश्वासी भाईयाँ कै गैल आवै। ¹² बिश्वासी भाई अपुल्लोस तै मन्नै घणी बिनती करी सै, ताके वो थारे धोरै और दुसरे बिश्वासी भाईयाँ कै गेल्या आ जावै, पर वो इस सफर कै खात्तर तैयार कोनी, पर जब सही बखत होगा तो वो थारे धोरै आ जावैगा।

????? ???? ? ???? ???? ?

¹³ चौकस रहो, बिश्वास म्ह डटे रहो, निडर बणे रहों, बिश्वास म्ह मजबूत बणो। ¹⁴ जो किमे करो सो प्यार तै करो। ¹⁵ हे बिश्वासी भाईयो, थम स्तिफनास कै कुणबे नै जाणो सो के वे अखाया परदेस के पैहले बिश्वासी सै, अर पवितर माणसां की सेवा कै खात्तर त्यार रहवै सै। ¹⁶ ज्यांतै मै थारे तै बिनती करूँ सूँ, के इस्यां कै अधीन रहो, बल्के हरेक के जो इस काम म्ह कड़ी मेहनती करै सै, अर जो सच्ची भगति के साथ सेवा करै सै। ¹⁷ मै स्तिफनास अर फूरतूनातुस अर अखइकुस कै आण तै राज्जी सूँ, क्यूँके वो मेरी मदद करण लागरे सै, जो थम न्ही कर पाए। ¹⁸ उननै मेरी अर थारी आत्मा ताहीं चैन दिया सै, इस करके इसे माणसां का आदर करो।

¹⁹ आसिया की कलीसियाओं की ओड़ तै थारे ताहीं नमस्कार, अक्विला अर उसकी घरआळी, पिरसकिल्ला का अर उनकै घर की कलीसिया का भी, थारे ताहीं प्रभु म्ह दिल तै नमस्कार। ²⁰ सारे बिश्वासी भाईयाँ का थारे ताहीं नमस्कार। आप्स म्ह एक-दुसरे ताहीं गळे मिलकै प्यार तै नमस्कार करो। ²¹ मुझ पौलुस का थारे ताहीं अपणे हाथ तै यो नमस्कार लिखूँ सूँ। ²² जै कोए प्रभु तै प्यार न्ही राक्खै तो वो श्रापित होवै। हे म्हारे प्रभु आ! ²³ प्रभु यीशु का अनुग्रह थारे पै होन्दा रहवै। ²⁴ मै उन सारया तै प्यार करूँ सूँ, जिनका मसीह यीशु के साथ रिश्ता सै। आमीन।

कुरिन्थिस नगर के माणसां ताहीं प्रेरित पौलुस की दुसरी चिट्ठी

????????

कुरिन्थिस नगर के नाम पौलुस प्रेरित की दुसरी चिट्ठी पौलुस अर कुरिन्थुस की कलीसिया के बीच बिगड़ते सम्बन्धां के बखत लिखी गयी थी। कलीसिया के माणसां नै पौलुस के बिरुद्ध गम्भीर दोष लगाये थे, पर वो मेळ-मिलाप की अपणी गहरी लालसा नै दिखावै सै। इस चिट्ठी के पैहले भाग म्ह पौलुस कुरिन्थुस नगर की कलीसिया के गैल अपने सम्बन्धां पै विचार करै सै, अर उननै समझावै सै, के उसनै क्यूँ कलीसिया म्ह अपमान अर बिरोध करण जिसा कठोर बरताव करया, अर फेर अपणी खुशी नै जाहिर करै सै, के उसकी कठोरता का नतिज्जा पछतावा अर मेळ-मिलाप होया। इब वो कलीसिया तै, यहूदिया के गरीब बिश्वासियाँ खात्तर खुल्ले दिल तै दान देण की बिनती करै सै। आखरी पाठां म्ह पौलुस कुरिन्थुस नगर के कई माणसां के खिलाफ अपणी प्रेरिताई का समर्थन करै सै, जिननै खुद अपने-आप ताहीं साच्चा प्रेरित होण का दर्जा दे दिया था, जब के वे पौलुस पै झूट्टा प्रेरित होण का दोष लगाया करदे।

रूप-रेखा

जानकारी 1:1-11

पौलुस अर कुरिन्थुस नगर की कलीसिया 1:12-7:16

यहूदिया के बिश्वासियाँ खात्तर दान 8:1-9:15

पौलुस के जरिये प्रेरित के तौर पै अपने हक का समर्थन 10:1-13:10

समापन 13:11-14

????????

1 या चिट्ठी पौलुस अर म्हारे बिश्वासी भाई तीमुथियुस की ओड़ तै सै, मै पौलुस परमेसवर की इच्छा तै मसीह यीशु का प्रेरित सूँ, उस कलीसिया के नाम जो कुरिन्थुस नगर म्ह सै; अर साबते अखाया परदेस के सारे पवित्तर माणसां के नाम।² हम प्रार्थना करा सां, के पिता परमेसवर अर प्रभु यीशु मसीह की ओड़ तै थारे ताहीं अनुग्रह अर शान्ति मिल्दी रहवै।

????????

3 म्हारे प्रभु यीशु मसीह के पिता अर परमेसवर का धन्यवाद होवै, जो दया का पिता, अर जो हमेशा तसल्ली देवै सै।⁴ परमेसवर म्हारे सारे दुखां म्ह तसल्ली देवै सै, ताके हम उस तसल्ली के कारण जो परमेसवर

म्हारे ताहीं देवै सै, उन ताहीं भी तसल्ली दे सका, जो इस तरियां के दुखां म्ह हो।⁵ क्यूँके जिस तरियां मसीह म्ह हमनै घणे दुख होवै सै, उस्से तरियां ए मसीह के जरिये हमनै घणी तसल्ली भी होवै सै।⁶ जै हम दुख पावां सां, तो या थारी तसल्ली अर उद्धार के खात्तर, क्यूँके परमेसवर म्हारे ताहीं तसल्ली देवै सै, तो वो थमनै भी तसल्ली देगा ताके थम धीरज के गेल्या उन दुखां ताहीं सह लेओ सो, जिन नै हम भी सहवां सां।⁷ अर म्हारी आस थारे बारे म्ह पक्की सै, क्यूँके हमनै बेरा सै, के थम जिस तरियां तै म्हारे दुखां म्ह साइझी सां, उस्से तरियां तै थम म्हारी तसल्ली म्ह भी साइझी सां।

8 हे बिश्वासी भाईयो, हम चाहवां सां, के थम म्हारे उन दुखां नै जाणो, जो आसिया परदेस म्ह म्हारे पै पडचा, हम इसे भारया बोझ तै दबगे थे, वो बोझ म्हारे सहण तै बाहर था, उरै ताहीं के हमनै जिन्दा रहण की आस छोड़ दी थी।⁹ बल्के हमनै अपने मन म्ह समझ लिया था, के म्हारे ताहीं मार दिया जावैगा, अर हम अपने-आप पै भरोस्सा ना राक्खां, बल्के परमेसवर पै भरोस्सा राक्खां, जो मरे होया नै जिन्दा करै सै।¹⁰ उस्से नै म्हारे ताहीं इसी बडडी मुसीबत तै बचाया, अर बचावैगा, अर उसपै हमनै भरोस्सा सै, अर वो आगै भी म्हारे ताहीं बचान्दा रहवैगा।¹¹ जिस तरियां थम प्रार्थना के जरिये म्हारी मदद करो सां, उन आशीषां के खात्तर जो भोत सारे माणसां की प्रार्थना की बजह तै हमनै मिली सै, उसके कारण भोत-से माणस म्हारी ओड़ तै परमेसवर का धन्यवाद करै सै।

????????

12 क्यूँके म्हारी अन्तरात्मा शुद्ध होण के कारण हम घमण्ड करा सां, अर दुनिया म्ह अर खास करके थारे बिच्चाळै, म्हारा चाल-चलण जो परमेसवर की ओड़ तै सै, वो पवित्तरता अर सच्चाई सुधा था, ना के दुनियावी ज्ञान तै, पर परमेसवर के अनुग्रह के साथ था।¹³⁻¹⁴ क्यूँके मन्नै अपणी चिट्ठियाँ म्ह हमेशा साफ-साफ लिख्या सै, ताके जब थम उन चिट्ठियाँ नै पढ़ों तो आसान्नी तै समझ सकों, पर इब भी थम उन ताहीं ठीक तै न्ही समझ पाते, मन्नै आस सै के एक दिन जब प्रभु यीशु बोहड़ के आवैगा, तो थम इन ताहीं पूरी तरियां समझ ल्योगे। तब हम थारे गर्व का कारण बणागे, अर थम भी म्हारे खात्तर गर्व का कारण बणागे।

15 मन्नै भरोस्सा सै, के थम मेरी बातों नै पूरी तरियां तै समझगे सां, इस करके मै पैहल्या थारे धोरै आणा चाहूँ था, ताके मेरे दुबारा आण तै थमनै दुगणी आशीष मिलै।¹⁶ मेरी योजना या थी, के मै थारे धोरै तै होके मकिदुनिया परदेस म्ह जाऊँ, अर दुबारा मकिदुनिया परदेस तै थारे

धोरे आऊँ; अर मै उम्मीद करूँ सूँ, के थम मन्नै यहूदिया परदेस के सफर खात्तर जरूरत की चीज देकै मेरी मदद करोगे। 17 थम मेरे तै पूछ सकों सों, के मन्नै अपना योजना क्यूँ बदली। थम के सोच्चों सों, के मन्नै या योजना लापरवाही तै बणाई, या फेर मै दुनिया के माणसां की तरियां सूँ? जिनके जुबान पै तो हाँ हो सै, अर मन म्ह ना हो सै। 18 जिसा परमेसवर विश्वास जोग्गा सै, उससे तरियां म्हारी बात भी विश्वास जोग्गी सै। 19 क्यूँके परमेसवर का बेट्टा यीशु मसीह जिसका म्हारै जरिये यानिके म्हारे अर सिलवानुस अर तीमुथियुस कै जरिये थारे बिचाळै प्रचार होया, उस मसीह यीशु म्ह “हाँ” अर “ना” दोन्नु न्ही हो सकदे। पर उस म्ह “हाँ” ए “हाँ” होई। 20 क्यूँके परमेसवर के सारे वादे मसीह यीशु म्ह पूरे होए सै। ज्यांतै हम आमीन बोल्ला सां यानी “हाँ”, ताके म्हारै जरिये परमेसवर की महिमा होवै। 21-22 परमेसवर ए सै, जो हमनै थारे गेल्या मसीह म्ह मजबूत करै सै, परमेसवर नै म्हारे पै अपना मोहर लगाकै बयान्ने के रूप म्ह अपना पवित्र आत्मा म्हारे मन म्ह बसाकै म्हारे ताहीं चुण्या सै।

23 परमेसवर मेरी इस सच्चाई का गवाह सै के मै दुबारा कुरिन्थुस नगर म्ह ज्यांतै कोनी आया, के मै थमनै दुख देणा कोनी चाहूँ था। 24 इसका मतलब यो कोनी के हम विश्वास कै बारे म्ह थारे पै हक जताणा चाहवां सां; पर थारे आनन्द म्ह साइझी सां, क्यूँके थम विश्वास ए तै डटे रहो सो।

2

1 मन्नै अपने मन म्ह न्यू ठान लिया था, के दुबारा थारे धोरे ओड़ै आके थमनै दुख ना देऊँ। 2 क्यूँके जै मै थमनै उदास करूँ, तो थारे अलावा मन्नै आनन्द देण आळा कोए कोनी रह्या, सिर्फ थमे सों, जिस ताहीं मन्नै उदास करया। 3 अर मन्नै याए बात थारे तै ज्यांतै लिक्खी के कदे इसा ना हो के मेरै आण पै, जिनतै मन्नै आनन्द मिलणा चाहिये, मै उनतै उदास होऊँ; क्यूँके थम सारया पै मन्नै इस बात का भरोस्सा सै, के जो मेरा आनन्द सै, वोए थम सारया का भी सै। 4 बड़े क्लेश अर दुखी मन तै मन्नै घणेए आँसू बहा-बहाकै थारे ताहीं चिट्ठी लिखी, ज्यांतै न्ही के थम उदास होवो पर ज्यांतै के थम उस घणे प्यार नै जाण ल्यो, जो मन्नै थारे तै सै।

☞☞☞☞☞ ☞☞☞☞☞ ☞☞☞☞

5 अर जै किसे नै उदास करया सै, तो मेरे ताहीं ए न्ही बल्के थोड़ा-थोड़ा थारे सारया ताहीं उदास करया सै, अर मै उसकी गलतियाँ के बारे म्ह इसतै ज्यादा कुछ और न्ही कहणा चाहन्दा। 6 इसे माणस कै खात्तर या सजा जो

सारे विश्वासी भाईयाँ नै उस ताहीं देई सै, वा भतेरी सै। 7 ज्यांतै इसतै भला यो सै, के उसका अपराध माफ करो अर उस ताहीं उत्साहित करो, इसा ना हो के वो माणस घणी उदासी म्ह डूब जावै। 8 इस कारण मै थारे तै बिनती करूँ सूँ के उस ताहीं अपने प्यार का सबूत द्यो। 9 क्यूँके मन्नै यो ज्यांतै भी लिख्या था के थमनै परख ल्यूँ, के थम मेरी सारी बातों नै मानण नै त्यार सो के न्ही। 10 जिस ताहीं थम किसे बाबत माफ करो सो, उस ताहीं मै भी माफ करूँ सूँ, क्यूँके जिस बात के बारे मन्नै उस ताहीं माफ करया सै, जै वो सच म्ह माफी लायक था, तो मन्नै मसीह ताहीं हाजिर जाणके उस ताहीं थारे खात्तर माफ करया सै। 11 ताके शैतान का म्हारै पै दाँव ना चाल्लै। क्यूँके हम उसके बुरे इराद्यां तै अनजाण कोनी।

☞☞☞☞☞ ☞☞☞ ☞☞☞☞☞ ☞☞ ☞☞☞☞☞

12 जब मै मसीह का सुसमाचार सुणाण नै त्रोआस नगर म्ह आया, अर प्रभु नै मेरे ताहीं वचन सुणाण खात्तर एक राह खोल दिया। 13 अपने विश्वासी भाई तीतुस ताहीं ओड़ै ना पाके, मेरे मन नै चैन कोनी मिल्या, ज्यांतै विश्वासी भाईयाँ तै बिदा होके मै मकिदुनिया परदेस म्ह बोहड़ गया।

☞☞☞☞ ☞☞☞ ☞☞☞☞-☞☞☞☞☞

14 पर परमेसवर का धन्यवाद हो, जो मसीह कै साथ म्हारी संगति होण के कारण हमनै जीत कै उत्सव म्ह लिये फिर सै, इब परमेसवर म्हारे ताहीं खसबूदार इत्र की ढाळ मसीह का ज्ञान फैलाण खात्तर हरेक जगहां इस्तमाल करै सै। 15 हम परमेसवर कै खात्तर मसीह के जरिये, जळाई गई उस धूप की खस्बू की ढाळ सां, जो उद्धार पाण आळे अर नाश होण आळे दोनुआ कै खात्तर सै, यो परमेसवर का सुसमाचार सै, अर सारे माणसां धोरे फैल्लण लागरया सै। 16 कितन्याँ कै खात्तर तो मरण कै कारण मौत की गन्ध, अर कितन्याँ कै खात्तर जिन्दगी कै कारण जिन्दगी की खस्बू सां। कोए भी माणस इस काम नै न्ही कर सकता। 17 हम उन बरगे कोनी जो परमेसवर के वचन नै पईसा खात्तर प्रचार करै सै; पर यो जाण सां के परमेसवर नै म्हारे ताहीं भेज्या सै अर मन की सच्चाई तै हम उसका वचन आज्ञाकारिता अर मसीह अधिकार तै सुणावां सां, यो जाणके के परमेसवर म्हारे ताहीं देक्खे सै।

3

☞☞☞ ☞☞☞☞☞ ☞☞ ☞☞☞☞

1 के हम दुबारा अपना बड़ाई करण लागगे? या हमनै और माणसां की ढाळ सिफारिश की चिट्ठियाँ थारे धोरे ल्याण की या थारे तै लेण की जरूरत सै? 2 थम म्हारे खात्तर एक चिट्ठी की ढाळ सों, जो म्हारै खात्तर

सिफारिश करै सै, अर म्हारे दिलां पै लिक्खी होई सै, उस ताहीं सारे माणस पढ़ सकै, अर म्हारे भले काम्मां नै पिच्छाण सकै।³ यो तो साफ दिक्खै सै के थम मसीह की चिट्ठी के समान सां, जो मसीह की ओड़ तै सै, जो म्हारी सेवकाई का फळ सै, अर जो स्याही तै पत्थर की पटियाँ पै न्ही, पर जिन्दे परमेसवर की आत्मा तै दिल की माँस रूपी पटियाँ पै लिक्खी सै।⁴ हम इस करकै कहवां सां, के हम मसीह कै जरिये परमेसवर पै भरोस्सा करा सां।⁵ हम यो न्ही कहन्दे के म्हारी कुछ करण की काबलियत खुद तै सै, पर वो काबलियत परमेसवर की ओड़ तै सै।⁶ जिसनै म्हारै ताहीं नये करार के सेवक होण कै लायक भी बणाया, मूसा के नियम-कायदा के सेवक न्ही, बल्के पवित्र आत्मा के सेवक सां; क्यूँके मूसा के नियम-कायदे ना मानण तै मौत आवै सै, पर पवित्र आत्मा जिन्दगी देवै सै।

⁷⁻⁸ मूसा नबी के नियम-कायदे जो पत्थर की पटियाँ पै लिखे गये थे, तब परमेसवर की महिमा ओड़ै जाहिर होई थी, उस कारण भोत बखत ताहीं इस्राएल के माणस मूसा नबी का चेहरा भी कोनी देखण पाए थे, क्यूँके उसका चेहरा तेजोमय था, उसके चेहरे का तेज ज्यादा बखत ताहीं कोनी रह सका, इस करकै मूसा नबी ताहीं जो नियम-कायदे दिए गये थे, वे मौत नै लेकै आवै थे। तो पवित्र आत्मा का काम जो नये करार के मुताबिक सै, वो और भी तेजोमय होवैगा।⁹ क्यूँके जब माणसां नै कसूरवार बणाण आळा पुराणा करार तेजोमय था, तो जो माणसां नै धर्मी बणाण आळा नया करार सै और भी तेजोमय होवैगा।¹⁰ अर जो तेज पुराणे करार तै आवै था, उसका तेज जो अब नये करार तै आवै सै, उसके आगै कुछ भी कोनी।¹¹ क्यूँके जो तेज मूसा नबी के नियम-कायदा म्ह था, जब वो जो घटदा जावै था, तोभी वो तेजोमय था, तो उस नये करार का तेज जो स्थिर सै, वो और भी तेजोमय होवैगा।

¹² ज्यांतै इसी आस राखकै हम हिम्मत कै गेल्या बोल्लां सां।¹³ हम मूसा नबी की ढाळ न्ही, जिसनै अपने मुँह पै पड़दा गेरया था। ताके इस्राएली माणस उस घटणआळे तेज कै अन्त नै ना देख पावै।¹⁴ पर इस्राएल के माणसां की अकल खराब होगी, क्यूँके आज ताहीं पुराणा नियम पढ़ते बखत उनके दिलां पै वोए पड़दा पड्या रहवै सै, पर वो पड़दा मसीह पै विश्वास करण तै ए उठ जावै सै।¹⁵ आज ताहीं जब कदे भी मूसा नबी की किताब पढ़ी जावै सै, तो उन ताहीं पूरी तरियां समझ म्ह कोनी आन्दी।¹⁶ पर जब कदे वो यीशु मसीह पै विश्वास करैगें, तो वो पड़दा उठ जावैगा।¹⁷ प्रभु तो आत्मा सै: अर जित्त किते परमेसवर का

आत्मा सै, ओड़ै नियम-कायदे तै आजादी सै।¹⁸ हम परमेसवर की महिमा इस तरियां देखवां सां, जिस तरियां शीशे म्ह अपना मुँह, उस मुँह के आगै पड़दा कोनी, परमेसवर आत्मा सै। अर वो हमनै अपने तेजस्वी स्वरूप म्ह थोड़ा-थोड़ा करकै बदलता जावां सै।

4

???????? ?? ????????? ???? ??

¹ ज्यांतै जब म्हारै पै इसी दया होई के हमनै या परमेसवर के वचन प्रचार करण की सेवा मिली, तो हम हिम्मत न्ही हारते।² हमनै शर्मनाक अर गुप्त काम्मां ताहीं छोड़ दिया, अर ना चतुराई करते, अर ना परमेसवर कै वचन नै तोड़-मरोड़ के पेश करा सां। पर परमेसवर के वचन की सच्चाई नै माणसां के स्याम्ही जाहिर करां सां, ताके हरेक माणस परमेसवर के स्याम्ही या गवाही दे सकै सै, के यो सच सै।³ पर जै म्हारै सुसमाचार नै कोए समझ न्ही पावै, तो यो नाश होण आळा ए कै खात्तर गुप्त सै।⁴ इस दुनिया के ईश्वर शैतान नै उन अबिश्वासियाँ की अकल ताहीं, आँधी कर दिया सै, ताके उस चाँदणे नै जो मसीह के तेजोमय सुसमाचार तै आवै सै, उस ताहीं देख ना सकै। जो दिखावै सै के परमेसवर किसा सै।⁵ क्यूँके हम खुद नै न्ही, पर मसीह यीशु नै प्रचार करा सां, के मसीह यीशु ए प्रभु सै। अर अपने बारै म्ह न्यू कहवां सां, के हम यीशु कै कारण थारे सेवक सां।⁶ ज्यांतै के परमेसवर नै कह्या, “अन्धकार म्ह तै चाँदणा चमकै,” अर परमेसवर म्हारै दिलां म्ह चाँदणा की तरियां समझ दे, ताके हम परमेसवर की महिमा नै समझ सका, जो यीशु मसीह म्ह सै।

⁷ हम माट्टी के बासणा की तरियां सां, जिस म्ह धन भरया सै, या घणी सामर्थ म्हारी न्ही, बल्के परमेसवर की सै।⁸ हम चौगरदे तै क्लेश तो भोग्गां सां, पर संकट म्ह न्ही पड़दे, म्हारै धोरै उपाय तो कोनी, पर निराश न्ही होन्दे।⁹ सताए तो जावां सां, पर छोड़डे न्ही जान्दे; गिराए तो जावां सां, पर नाश न्ही होन्दे।¹⁰ हम हर बखत मौत के खतरे म्ह रहवां सां, जिस तरियां यीशु म्हारे खात्तर मरया गया, ताके हम दुसरे माणसां नै म्हारे उन काम्मां के जरिये दिखा सका के यीशु म्हारे म्ह बसै सै।¹¹ क्यूँके हम जिन्दे जी सारी हाण यीशु कै कारण मौत खतरे म्ह रहवां सां, ताके मसीह यीशु का जीवन म्हारी मरण आळी देह म्ह जाहिर होवै।¹² इस करकै हम मौत के खतरे म्ह रहवां सां, इसका नतिज्जा यो होगा के थमनै अनन्त जीवन मिलैगा।¹³ पर हम तो प्रचार करते रहवांगे क्यूँके म्हारा विश्वास उस भजनकार की ढाळ सै, जिसनै भजन संहिता म्ह कह्या, “मै परमेसवर पै विश्वास

करूँ सूँ,” इस खात्तर बोल्लू सूँ। 14 इस करकै हमनै बेरा सै के जिसनै प्रभु यीशु ताहीं मुर्दा म्ह तै जिन्दा करया, वोए परमेसवर हमनै भी यीशु म्ह जिन्दा करैगा, अर थारे गेल्या हमनै भी अपणी मौजूदगी म्ह ले जावैगा। 15 क्यूँके सारे दुख हमनै सहे, ताके भोत सारे लोग जाण सकै के परमेसवर कितना करुणामय सै, अर परमेसवर की महिमा के खात्तर ज्यादा तै ज्यादा लोग उसका धन्यवाद करै।

16 ज्यांतै हम हिम्मत न्ही हारते; हालाके म्हारी देह नाश होन्दी जावै सै, तोभी म्हारी अन्तरात्मा हर रोज नई होन्दी जावै सै। 17 क्यूँके म्हारी मौजूदा परेशानियाँ भोत छोट्टी सै, अर वो लम्बे बखत ताहीं कोनी रहवैगी। क्यूँके ये अनन्त महिमा का कारण बणैगी, जो म्हारे सोचण तै भी बड़ी सै। 18 अर हम तो देखी होई चिज्जां ताहीं न्ही पर अनदेखी चिज्जां नै देखदे रहवां सां; क्यूँके देखी होई चीज माड़े-से दिन की सै, पर अनदेखी चीज सारी हाण बणी रहवै सै।

5

???????? ???? ??

1 क्यूँके हमनै बेरा सै के पलभर का शारीरिक देह सरीखा घर जो हमनै मिल्या सै, जो नाश करया जावैगा, तो हमनै परमेसवर के कान्ही तै सुर्ग पै एक इसा घर मिलैगा, जो हाथ्यां तै बण्या होया न्ही, पर सारी हाण खात्तर टिकाऊ सै। 2 इस देह म्ह तो हम कराहवा अर बड्डी लालसा राक्खां सां, ताके अपणे सुर्गीय देह नै पैहर ल्या 3 क्यूँके सुर्गीय देह पैहरण तै हम उघाड़े न्ही पाए जावैगे। 4 अर हम शारीरिक देह सरीखे घर म्ह रहन्दे होए बोझ तै दबे रोन्दे-पिटते रहवां सां, क्यूँके हम इसनै छोड़णा न्ही चाहन्दे, पर हम चाहवां सां के परमेसवर हमनै सुर्गीय देह देवै, ताके शारीरिक देह नाश होण के बाद हमनै अनन्त राज्य म्ह सुर्गीय देह मिल जावै। 5 जिसनै म्हारै ताहीं जिस सुर्गीय देह के खात्तर त्यार करया सै, वो परमेसवर सै, जिसनै म्हारै ताहीं ब्याने म्ह पवित्र आत्मा भी दिया सै।

6 आखर म्ह हम सारी हाण होसला राक्खां सां, अर या जाणां सां के जिब ताहीं हम देह म्ह रहवां सां, तब तक प्रभु के सुर्ग तै न्यारे सां, जो सुर्ग म्ह सै। 7 हम प्रभु यीशु पै बिश्वास करण तै जिवां सां, ना के उस ताहीं देखण तै। 8 ज्यांतै हम होसला राक्खां सां, अर हम मरण के बाद, देह तै न्यारे होकै प्रभु के गेल्या रहणा हम और भी घणा बढ़िया समझां सां। 9 इस कारण म्हारै मन की इच्छा या सै, चाहे हम सुर्ग म्ह परमेसवर के गैल रहवां, या धरती पै रहवां, पर हम उसनै भान्दे रहवां। 10 क्यूँके

जरूरी सै के हम सब मसीह के न्याय आसन के स्याम्ही खड़े होवां, ताके हरेक माणस अपणे-अपणे आच्छे-भुन्डे काम्मां का बदला पावै, जो उसनै शारीरिक देह के जरिये करे सै।

???????? ?? ????-????

11 ज्यांतै प्रभु का भय मानकै हम माणसां ताहीं न्यू समझावां सां, के वे इस सच्चाई पै बिश्वास करै, अर परमेसवर जाणै सै के हम कौण सां, अर मै उम्मीद करूँ सूँ, के थम भी अपणी अन्तरात्मा म्ह हमनै आच्छी तरियां जाण ल्यो। 12 हम फेर भी अपणी बड़ाई थारे स्याम्ही कोनी करदे, बल्के हम अपणे बारै म्ह थारे ताहीं गर्व करण का मौक्का देवां सां, के थम उननै जवाब दे सको, जो अपणे मन की बजाये बाहरी रूप पै घमण्ड करै सै। 13 जै कोए कहवै के हम पागल सां, तो परमेसवर के खात्तर, अर जै श्याणे सा तो थारे खात्तर सां। 14 क्यूँके मसीह का प्यार हमनै मजबूर कर देवै सै। ज्यांतै के हम न्यू समझां सां, के जिब एक माणस सारया के खात्तर मरया तो सारे माणस मरगे। 15 अर मसीह इस कारण सारे माणसां खात्तर मरया ताके जो जिन्दे सै, वे आगौ तै अपणे खात्तर न्ही जीवै, पर मसीह के खात्तर जीवै, जो उनके खात्तर मरया अर दुबारा जिन्दा होगया।

???? ???? ?? ?????

16 इस करकै इब हमनै माणसां ताहीं दुनियावी नजरिये तै देखणा छोड़ दिया सै। हालाके एक बखत था, जिब हमनै मसीह ताहीं भी दुनियावी नजरिये तै देख्या था, पर इब न्ही, क्यूँके इब हम उस ताहीं जाणगे सां। 17 जै कोए मसीह म्ह बिश्वास करै सै, तो वो नयी जिन्दगी पा लेवै सै। पुराणा सुभाव चल्या जावै सै, अर नया सुभाव आ जावै सै। 18 ये सारी बात परमेसवर की ओड़ तै सै, जिसनै मसीह के जरिये अपणे गेल्या म्हारा मेळ-मिलाप कर लिया सै, अर मेळ-मिलाप की सेवकाई का काम म्हारै ताहीं सौंप दिया सै। 19 यानिके परमेसवर नै मसीह म्ह होकै अपणे गेल्या दुनिया का मेळ-मिलाप कर लिया, अर माणसां के पापां का दोष उनपै न्ही लाया, अर याए बात मेळ-मिलाप का सन्देस सै, जो परमेसवर नै म्हारै ताहीं सौंप दिया सै।

20 ज्यांतै, हम मसीह के राजदूत सां। परमेसवर म्हारै जरिये माणसां तै बिनती करण लाग रहया सै। हम मसीह की ओड़ तै थारे तै बिनती करा सां, के परमेसवर के गेल्या मेळ-मिलाप कर ल्यो। 21 मसीह जो पाप तै अनजाण था, उस्से ताहीं परमेसवर नै म्हारै खात्तर पापी ठहराया, ताके हम परमेसवर की नजर म्ह धर्मी बण जावां, क्यूँके यीशु मसीह नै म्हारे पापां का दण्ड अपणे उप्पर ले लिया।

ना पोहोचै। ¹⁰क्यूँके परमेसवर की ओड़ तै मिलण आळा दुख, पापां नै छोड़ण का कारण बणै सै, जिसका नतिज्जा छुटकारा सै, उस तरियां के दुख का पछतावा कोनी होन्दा। पर दुनिया तै मिलण आळा दुख अनन्त मौत का कारण बणै सै। ¹¹इस करके सुणो, परमेसवर की ओड़ तै मिलण आळे दुख तै थम कितने गुणवाण बण गये, थारे म्ह कितना उत्साह, जबाबदारी, रिस, भय, लालसा, धुन अर बदला लेण का विचार छोड़णा, थमनै सारी तरियां तै न्यू साबित कर दिया सै, के थमनै इन सारी बाततां म्ह कोए कमी कोनी छोड़डी। ¹²फेर मन्नै पैहले जो थारे धोरै वो चिट्ठी लिखी थी, वा ना तो उसकै कारण लिखी, जिसनै नाइंसाफी करी, अर ना उसकै कारण जिसके साथ नाइंसाफी करी गई, पर ज्यांतै के थारा जोश जो म्हारै खात्तर सै, वो परमेसवर कै स्याम्ही थारे पै जाहिर हो जावै।

¹³ज्यांतै हमनै तसल्ली मिली, म्हारी तसल्ली तो तीतुस की खुशी के कारण सै, म्हारे ताहीं और भी घणी खुशी होई क्यूँके उसका मन थारे कारण और भी ज्यादा खुशमिसाज होगया सै। ¹⁴क्यूँके जै मन्नै उसकै स्याम्ही थारे बारै म्ह कुछ गर्व दिखाया, तो मै शर्मिन्दा कोनी होया, पर जिसा हमनै थारे तै सारी बात सच-सच कह दी थी, उस्से तरियां ए म्हारा गर्व दिखाणा तीतुस कै स्याम्ही भी सच्चा लिकड़या। ¹⁵जिब तीतुस ताहीं थम सारया के आज्ञाकारी होण की बात याद आवै सै, अर किस ढाळ थम डरदे अर काम्बदे होए उसतै मिले, तो उसका प्यार थारे खात्तर और भी बधता जावै सै। ¹⁶मन्नै घणी खुशी हो सै, क्यूँके मन्नै हरेक बात म्ह थारे पै पूरा भरोस्सा सै।

8

?????? ?? ?? ?? ??

¹इब हे विश्वासी भाईयो, हम थमनै परमेसवर के उस अनुग्रह की खबर देवां सां, जो मकिदुनिया परदेस की कलीसिया के विश्वासियां पै होया सै। ²उनकी परख बड़ी मुसीबतां म्ह होवै सै, अर घणी गरीब होण पै भी खुशी अर खुल्ले दिल तै दुसरे विश्वासियां की मदद करी। ³उनकै बारै म्ह मेरी या गवाही सै, के उननै जितना दे सकै थे दिया, बल्के उसतै भी ज्यादा बढ़कै दिया। ⁴उननै भोत ज्यादा बिनती करी के यो दान उन विश्वासी भाईयां म्ह बाटचा जावै जो यरुशलेम नगर म्ह सै। ⁵उननै म्हारी सोच तै भी बढ़कै करया, उननै पैहल्या काम यो करया, के उननै अपणे-आप ताहीं परमेसवर के खात्तर अर फेर म्हारे खात्तर अपणे-आप ताहीं भी दे दिया, जिसा के परमेसवर चाहवै था के वो इसा करै। ⁶ज्यांतै हमनै तीतुस तै बिनती करी, के जिस तरियां उसनै पैहल्या इस दान देण के काम

की शरुआत करी थी, उस्से तरियां ए वो इस सराहनीय काम ताहीं थारे बिचाळै पूरा भी करै ले। ⁷ज्यांतै जिसा थम हरेक बात म्ह यानिके विश्वास, वचन प्रचार करण म्ह, ज्ञान अर सारी ढाळ की कोशिश म्ह, अर उस प्यार म्ह जो म्हारै तै करो सो, बढ़दे जाओ सो, उस्से तरियां ए गरीब विश्वासियां खात्तर दान देण म्ह भी बढ़ते जाओ।

⁸मै थमनै कोए हुकम कोनी देंदा, मै सिर्फ बाकियां के उत्साह तै थारे प्यार की सच्चाई नै परखण लागरया सूं। ⁹थम म्हारै प्रभु यीशु मसीह कै अनुग्रह नै जाणो सो, के वो धनी होकै भी थारे खात्तर कंगाल बण गया, ताके उसकै कंगाल हो जाण तै थम धनी हो जाओ। ¹⁰पिच्छली साल थमनै दान दिया बल्के दान देण की इच्छा म्ह आगै भी थे, इस बारें म्ह मै थमनै एक सलाह देणा चाहूँ सूं, के दान देण का सब तै बढ़िया तरिकका के सै? ¹¹जो काम थमनै शरु करया सै, उस ताहीं पूरा भी करो। इस काम के खतम होण तक, इसे तरियां उत्साहित बणे रहों, जिस तरियां उसकी योजना तैयार करते बखत थे। इस काम नै अपणी पूंजी अर काबलियत कै मुताबिक पूरा भी करो, जो इस बखत थारे धोरै सै। ¹²जै किसे की दान देण की इच्छा हो, तो जो कुछ उसकै धोरै सै, उस्से कै मुताबिक उसका दान लिया जावैगा, ना के उसकै मुताबिक जो उसकै धोरै कोनी। ¹³म्हारा मतलब यो कोनी के दुसरयां की भलाई करण तै थम खुद दुख सहो, म्हारा मकसद सिर्फ सब कै साथ एक जिसा बरताव करो। ¹⁴इस बखत तो थारी बढ़ोतरी उनकी जरूरत पूरी करण कै खात्तर भोत सै, कदे यो भी हो सकै सै, के थमनै खुद नै जरूरत पड़े अर वे अपणी बढ़ोतरी म्ह तै थारी मदद करै फेर दोन्नु पक्ष बरोबर हो जावेंगे। ¹⁵जिसा के पवित्तर ग्रंथ म्ह लिख्या सै, “जिसनै घणा कट्ठा करया उसनै कुछ भी घणा न्ही पाया। अर जिसनै घाट कट्ठा करया उसनै कुछ कमी कोनी होई।”

?????? ?? ?? ?? ??

¹⁶परमेसवर का धन्यवाद होवै, जिसनै थारे खात्तर वाए चिंता तीतुस कै मन म्ह दे दी। ¹⁷जिब हमनै उस ताहीं थारे धोरै आण खात्तर बिनती करी, तो उसनै म्हारी बिनती मान ली, अर घणा उत्साहित होकै वो अपणी मर्जी तै थारे धोरै चल्या गया। ¹⁸हमनै उसकै गेल्या उस विश्वासी भाई ताहीं भी भेज्या सै, जिसका नाम सुसमाचार फैलाण के बारें म्ह सारी कलीसिया म्ह फैल्या होया सै। ¹⁹अर इतणाए न्ही, पर वो कलीसिया के माणसां कै जरिये ठहराया भी गया, ताके इस दान कै काम के खात्तर म्हारै गेल्या जावै। हम दान देण की या सेवा यरुशलेम के विश्वासियां ताहीं ज्यांतै करा सां के प्रभु

हथियारां का इस्तमाल करां सां। ⁵ हम इन्सानी बहस-बाजी की बजह तै आण आळी हरेक रुकावट नै दूर कर देवां सां, जो माणसां नै परमेसवर तै दूर राक्खै सै, हम उनकी बिद्रोही भावना नै कैद करकै मसीह का आज्ञाकारी बणा देवां सां, ⁶ अर जिब वे पूरी रीति तै मसीह के हुकम नै मानण आळे बण जावै सै, तो हम मसीह यीशु के हुकम नै ना मानण आळा ताहीं दण्ड देवां सां।

⁷ थम बाहरी दिखावट पै ध्यान देओ सों। जै किसे माणस नै खुद पै यो भरोस्सा हो के वो मसीह यीशु का सै, तो वो यो भी जाण ले के जिसा वो मसीह यीशु का सै, उस्से तरियां हम भी मसीह यीशु के सां। ⁸ क्यूँके जै मै उस हक के बारे म्ह और भी गर्व करूँ, जो प्रभु नै थारे बिश्वास ताहीं घटाण खात्तर न्ही पर थारे बिश्वास नै बढ़ाण खात्तर म्हारै ताहीं दिया सै, तो मै शर्मिन्दा न्ही होऊँगा। ⁹ मै अपणी चिट्ठियाँ के जरिये थमनै डराण की कोशिश न्ही करदा। ¹⁰ क्यूँके थारे म्ह तै कई माणस कहवै सै, “की मेरी सारी चिट्ठी तो भोत कठोर अर असरदार सै; पर जिब मै आमनै-सामनै मिलु सूँ, तो मै कमजोर अर बोल्लण म्ह बेकार लागू सूँ।” ¹¹ जो इसा कहवै सै, वो न्यू समझ लेवै के जिसा पीठ पाच्छै, चिट्ठियाँ म्ह म्हारे सन्देस सै, उस्से तरियां ए थारे स्याम्ही म्हारे काम भी होवैंगे। ¹² क्यूँके म्हारै म्ह या हिम्मत कोनी के हम अपणे-आपनै उन म्ह गिण्या अर मिलावां, जो अपणी बड़ाई खुद करै सै, अर अपणे-आप ताहीं आप्पस म्ह नाप-तौलके एक-दुसरे तै बरोबरी करके बेकूफ ठहरावै सै।

¹³ हम तो उस काम की हद तै बाहरणै घमण्ड कदे भी न्ही करागें, जो काम परमेसवर नै म्हारे ताहीं दिया सै, पर उस्से हद तक जो परमेसवर नै म्हारै खात्तर ठहरा दी सै, अर उस म्ह थम भी आगे सो, अर उन काम्मां की हद म्ह ए घमण्ड करागें। ¹⁴ जिब हम पैहली बार थारे धोरै पोहचे तो हम घमण्ड करण म्ह उस हद नै न्ही लांघे जित्त परमेसवर नै म्हारे ताहीं काम करण खात्तर ठहराया था। उसनै म्हारे ताहीं थारे इलाके म्ह काम करण खात्तर ठहराया था, अर हम थारे ताहीं मसीह का सुसमाचार सुणाण आळे पैहले माणस सां। ¹⁵ अर हम हद तै बाहरणै दुसरयां की मेहनत पै घमण्ड न्ही करदे; पर हमनै आस सै के ज्यों-ज्यों थारा बिश्वास बधता जावैगा त्यों-त्यों हम अपणी हद के मुताबिक थारे कारण और भी माणसां ताहीं मसीह का सुसमाचार सुणा पावांगें। ¹⁶ ताके हम थारी इलाके की हद तै परै दूर-दूर जगहां म्ह भी माणसां ताहीं सुसमाचार सुणावां, अर न्यू न्ही के हम दुसरयां की हद के भीत्तर बणे बणाए काम्मां पै घमण्ड करा। ¹⁷ पर

जिसा के पवित्र ग्रन्थ म्ह लिख्या सै, जै कोए घमण्ड करै, तो वो प्रभु पै घमण्ड करै।

¹⁸ क्यूँके जो अपणी बड़ाई करै सै वो न्ही, पर जिसकी बड़ाई प्रभु करै सै, वोए प्रभु की निगांह म्ह सही कुद्दावै सै।

11

?????? ?? ??????? ????????

¹ थम उन माणसां की सह ल्यो सों जो अपणी खुद की बड़ाई करते रहवै सै, इस करके मै सोचु सूँ, के थम मेरी भी सह ल्योगे जै मै थोड़ा सां बेकुफां के जिसा बरताव करूँ, हाँ, मेरी सह भी ल्यो सो। ² क्यूँके मै थारे तै प्यार करूँ सूँ, अर थारा ख्याल भी राक्खूँ सूँ, जिसा परमेसवर राक्खै सै। थम एक पवित्र कुवारी के समान सों, जिसकी सगाई मन्नै सिर्फ मसीह यीशु तै करण की, अर उस्से ताहीं सौपण का वादा करया सै। ³ पर मै डरूँ सूँ के जिस तरियां तै साँप नै अपणी श्रयाणपत तै पैहली बिरबान्नी हव्वा ताहीं भकाया, उस्से तरियां ए थारे मन उस सीधाई अर पवित्रता तै जो मसीह के साथ चालण तै आवै सै, उसतै कदे बहक न्ही जाओ। ⁴ जै कोए थारे धोरै आके किसे दुसरे यीशु का प्रचार करै, जिसका प्रचार हमनै न्ही करया; या कोए और आत्मा थमनै मिलै, जो पैहल्या ना मिला था; या और कोए सुसमाचार सुणावै, जिस ताहीं थमनै पैहल्या न्ही मान्या था, तो थम इसनै खुशी तै स्वीकार कर लेते। ⁵ मै तो समझूँ सूँ के मै किसे बात म्ह बड़े तै बड़े प्रेरितां तै घाट न्ही सूँ। ⁶ जै मै बोल्लण मै अनाड़ी सूँ, तोभी मन्नै सुसमाचार अर मसीह का ज्ञान सै। मन्नै थारे ताहीं जो भी ज्ञान सिखाया सै, वो ज्ञान मन्नै थारे ताहीं साबित करके दिखाया सै।

⁷ इस करके मन्नै थारे खात्तर परमेसवर के सुसमाचार का प्रचार मुफ्त म्ह करया, के थारे ताहीं ऊँचा करण के मकसद तै मेरा खुद ताहीं नरम बणा लेणा मेरा अपराध था? ⁸ मन्नै दुसरी कलीसिया तै दान कट्टा करया, ताके मै हर कीमत पै थारी मदद कर सकूँ, थम इस ताहीं चोरी करणा ना कहों। ⁹ अर जिब मै थारे गेल्या था, अर मेरे ताहीं पईसा की कमी होई, तो मन्नै किसे पै बोझ न्ही गेरया, क्यूँके बिश्वासी भाईयाँ नै मकिदुनिया परदेस तै आके मेरी जरूरत नै पूरा करया, अर मन्नै हरेक बात म्ह अपणे-आप ताहीं थारे पै बोझ बणण तै रोक्या, अर रोकके रहूँगा। ¹⁰ जै मसीह की सच्चाई मेरै म्ह सै, तो अखाया परदेस म्ह कोए मन्नै इस घमण्ड तै न्ही रोकैगा। ¹¹ मन्नै थारे तै पईसा न्ही लिया, क्यूँके इस खात्तर न्ही, के मै थारे

खात्तर भोत सै, क्यूँके मेरी सामर्थ कमजोरी म्ह सिध्द होवै सै।” ज्यांतै मै घणा राज्जी होकै अपणी कमजोरी पै घमण्ड करुंगा के मसीह की सामर्थ मेरै पै छाया कर दी रहवै।¹⁰ इस कारण मै मसीह कै खात्तर कमजोरियाँ म्ह, अर बुराईयाँ म्ह, गरीबी म्ह, अर रोळयाँ म्ह, अर संकटाँ म्ह राज्जी सू; क्यूँके जब मै कमजोर होऊँ सू, तभी मै मसीह की शक्ति म्ह मजबूत होऊँ सू।

?????????????? ?? ??????? ??????? ??
????????

11 मै बेकूफ तो बण्या, पर थमनै ए मन्नै न्यू करण कै खात्तर मजबूर करया। थमनै तो मेरी बड़ाई करणी चाहिये थी, क्यूँके ऊतो मै किमे भी कोनी, तोभी उन बड्या तै बड़े प्रेरिताँ तै किसे बात म्ह घाट कोनी सू।¹² सच्चे प्रेरित के लक्षण भी थारे बिचाळै सारे ढाळ के धीरज सुधा निशान्नां, अर अनोक्खे काम्मां, अर सामर्थ के काम्मां तै दिखाए गये।¹³ थम कौण-सी बात म्ह दुसरी कलीसियाँ तै घाट थे, सिर्फ इस म्ह के मन्नै थारे पै आर्थिक बोझ कोनी गेरया। मेरा यो अपराध माफ करो।¹⁴ देखो, मै तीसरी बर थारे धोरै आण नै त्यार सू, अर मै थारे तै कोए मदद न्ही ल्यूंगा, क्यूँके मै थारी सम्पत्ति न्ही बल्के थमनै ए चाहूँ सू। क्यूँके बाळकाँ नै माँ-बाप कै खात्तर धन कट्टा न्ही करणा चाहिये, पर माँ-बाप नै बाळकाँ कै खात्तर धन कट्टा करणा चाहिये।¹⁵ थारी आत्मा के भले खात्तर मै पक्का अपणा सब कुछ खर्च करण खात्तर तैयार सू, बल्के आप भी खर्च हो जाऊंगा। मै थारे तै प्यार करूँ सू, पर थम मेरै तै भोत कम प्यार करो सों।¹⁶ कुछ भी हो, मै थारे पै बोझ कोनी बण्या। फेर भी कोए नै कोए मेरे पै यो दोष जरूर लगा सकै सै, के मन्नै श्याणपत तै थारे ताहीं धोक्खा देकै फँसा लिया।¹⁷ मन्नै ना ए तो तीतुस अर ना ए किसे और के जरिये अपणे खात्तर थारे तै पईसे लिये।¹⁸ मन्नै तीतुस ताहीं समझाकै उसकै गेल्या उस भाई ताहीं भेज्या। के तीतुस नै छळ करकै थारे तै किमे लिया? के म्हारा सुभाव एक ए तरियाँ तै प्रेरित का न्ही था? के हम उनकी ए लीकाँ पै न्ही चाल्ले?

¹⁹ थम इब भी योए समझरे सों, के हम थारे स्याम्ही बदले म्ह जवाब देण लागरे सां। हम तो परमेसवर नै हाजर जाणकै मसीह म्ह बोल्लां सां, हे प्यारे विश्वासी भाईयो, हम ये सारी बात थमनै विश्वास म्ह मजबूत करण खात्तर कह्वां सां।²⁰ क्यूँके मन्नै इस बात का डर सै, कदे इसा ना हो के मै आकै जिसा चाहूँ सू, उसाए थमनै पाऊँ; अर मन्नै भी जिसा न्ही चाहो सो उसाए

पाओ; मन्नै इस बात का डर सै के ओडै झगड़ा, जळण, छो, उदासी, विरोध, चुगली, घमण्ड अर बखेड़े ना हों;²¹ कदे इसा ना हो के जब मै दुबारा आऊँ, तो मेरा परमेसवर मेरै ताहीं अपमानित करै। अर मन्नै घणखरयाँ खात्तर फेर दुखी होणा पडै, जिन नै पैहल्या पाप करया था। अर भुन्डे काम अर जारी अर लुचपण के कारण पाप करणा न्ही छोड्या।

13

????? ?????????

1-2 पवित्तर ग्रन्थ म्ह लिख्या सै, के दो या तीन गवाहाँ कै मुँह तै हरेक बात सच साबित हो जावै सै। जब मै दुसरी बार थारे तै मिलण आया था, तो मन्नै उन माणसाँ ताहीं चेतावनी देई, जो पैहल्या तै पाप करण लागरे थे। इब मन्नै दुसरी बार चिट्ठी लिख के थारे ताहीं अर दुसरे बाकी माणसाँ तै भी चेतावनी देकै कह्या के वे पाप ना करै। इब मै तीसरी बार थारे धोरै आण आळा सू, अर जै इब भी उन माणसाँ नै पाप करणा न्ही छोड्या सै, तो कोए भी उननै परमेसवर के दण्ड तै बचा न्ही पावैगा।³ मन्नै थारे तै कह्या सै, के उन ताहीं दण्ड मिलैगा पर फेर थम सबूत चाहों सों, के ये बात मै मसीह के जरिये बोल्लू सू। अर जब मसीह थारे ताहीं सुधारैगा तो थारे खात्तर कमजोर न्ही पर थारे बीच म्ह सामर्थी होगा।⁴ वो कमजोर होते होए कूरूस पै चढ़ाया तो गया, तोभी परमेसवर की सामर्थ तै जिन्दा होया। हम भी तो मसीह के समान कमजोर सां, पर थारे खात्तर परमेसवर की सामर्थ तै हम उसके साथ जीवांगें।

⁵ अपणे-आप ताहीं परखो, के विश्वास म्ह सच्चे सां के न्ही। जै थम अपणे-आपनै सच्चा पाओ, तो थम इस बात नै जाण ल्योगे, के यीशु मसीह थारे म्ह वास करै सै। अर जै मसीह थारे म्ह वास न्ही करदा तो थम अपणे परखे जाण म्ह हारगे सों।⁶ पर मेरी आस सै के थम या जाण ल्यो, के थम अपणे परखे जाण म्ह न्ही हारे।⁷ भलाए थारे म्ह तै कईयाँ नै यो लागगै सै के हम सच्चे प्रेरित कोनी। फेर भी हम अपणे परमेसवर तै या प्रार्थना करा सां के थम कोए बुराई ना करो, बल्के भलाई करो।⁸ जै हम सच्चाई के विरोध म्ह हम कुछ भी न्ही कर सकदे। हम सच के पक्षधर ए रह सकां सै।⁹ जब हम कमजोर सां अर थम ठाड्डे सों, तो हम राज्जी होवां सां, अर या प्रार्थना भी करा सां, के थम विश्वास म्ह सिध्द हो जाओ।¹⁰ इस करकै मै थारे तै दूर रहकै ये सारी बात लिखूँ सू, के ओडै आण पै, मन्नै प्रभु के जरिये दिए गये हक तै मन्नै थारे ताहीं दण्ड देणा ना पडै, क्यूँके मै इस हक ताहीं थारे विश्वास ताहीं मजबूत करण

खात्तर इस्तमाल करणा चाहूँ सू, ना के थारे बिश्वास नै कमजोर करण खात्तर। ¹¹ हे बिश्वासी भाईयो, आखर म्ह मै थारे तै कहणा चाहूँ सू, के आनन्दित रहों, सिध्द बणदे जाओ, अर एक-दुसरे नै उत्साहित करो, एक ए मन रहों, मिल-जुल के रहों। अर प्यार अर शान्ति का देण आळा परमेसवर थारे गेल्या होवैगा। ¹² आप्स म्ह एक-दुसरे तै गळे मिलकै प्यार तै नमस्कार करो। ¹³ सारे पवित्र माणस थारे ताहीं नमस्कार कहवै सै। ¹⁴ प्रभु यीशु मसीह का अनुग्रह अर परमेसवर का प्यार अर पवित्र आत्मा का साङ्झापण थारे सारया कै गैल होंदा रहवै।

गलातिया परदेस ताहीं पौलुस की चिट्ठी

????????

जिब यीशु के सुसमाचार का प्रचार अर गैर यहूदी माणसां के बीच म्ह होण लाग्या, तो यो सवाल उठ्या के एक साच्चा विश्वासी होण खात्तर एक माणस नै मूसा के नियम-कायदा का पालन करणा जरूरी सै या न्ही। पौलुस यो विचार पेश कर सै, के यो जरूरी कोनी। वो कहवै सै के सच म्ह मसीह जीवन का एकमात्र ठोस आधार विश्वास सै। उसकै जरिये सारे माणसां का परमेसवर के साथ रिश्ता सुधरै सै। पर एशिया माइनर म्ह एक रोमी देश के गलातिया परदेस की कलीसियाओं के माणसां नै पौलुस का बिरोध अर दावा करया, के परमेसवर के साथ सही रिश्ता कायम करण खात्तर एक माणस का मूसा के नियम-कायदा का पालन करणा भी जरूरी सै। गलातियों के नाम पौलुस प्रेरित की चिट्ठी इस खात्तर लिखी गई थी, ताके वे माणस जो गलत शिक्षा तै बहक गये थे, उननै सच्चे विश्वास अर बरताव म्ह उल्टा ल्या जावै। पौलुस इस चिट्ठी की शुरुआत यीशु मसीह का एक प्रेरित होण के, अपणे दावे के साथ करै सै। वो इस बात पे जोर देवै सै, के एक प्रेरित होण खात्तर उसका बुलावा परमेसवर की ओड़ तै सै, ना के किसे माणस की ओड़ तै, अर उसका मकसद खासकर गैर-यहूदियों म्ह सुसमाचार प्रचार करणा सै। फेर वो यो विचार देवै सै के सिर्फ विश्वास के जरिये माणसां का परमेसवर गैल रिश्ता सुधर सकै सै। आखरी पाठां म्ह पौलुस यो दिखावै सै, के मसीह पै विश्वास करण तै जो प्रेम पैदा होवै सै, वोए मसीह माणसां का चाल-चलण सै।

रूप-रेखा

भूमिका 1:1-10

प्रेरित के रूप म्ह पौलुस का हक 1:11-2:21

परमेसवर के अनुग्रह का सुसमाचार 3:1-4:31

मसीह आजादी अर जिम्मेदारी 5:1-6:10

समापन 6:11-18

????????

1 या चिट्ठी मुझ पौलुस की ओड़ तै सै, मै प्रेरित होण के खात्तर बुलाया गया सूं। मेरा प्रेरित होणा किसे माणस या माणसां की ओड़ तै न्ही बल्के यीशु मसीह के जरिये होया सै, जिस ताहीं पिता परमेसवर नै मरे होए म्ह तै जिवाया। 2 या चिट्ठी गलातिया परदेस

की कलीसियाओं के खात्तर, उन सारे विश्वासी भाईयां की ओड़ तै सै, जो मेरे गेल्या सै। 3 मै प्रार्थना करूं सूं, के परमेसवर पिता अर म्हारे प्रभु यीशु मसीह की ओड़ तै थमनै अनुग्रह अर शान्ति मिल्दी रहवै। 4 म्हारे परमेसवर अर पिता की मर्जी के मुताबिक मसीह यीशु नै अपणे-आप ताहीं म्हारे पापां के कारण बलिदान कर दिया ताके हम आज की दुनिया के माणसां के बुरे असर तै बचे रहवां। 5 परमेसवर का गुणगान अर बड़ाई युगायुग होंदी रहवै। आमीन।

????????

6 मन्नै अचम्भा होवै सै के परमेसवर नै थारे ताहीं मसीह के अनुग्रह तै बुलाया उसतै थम इतनी तावळे भटक के अलग ए तरियां के सुसमाचार पै विश्वास करण लागगे। 7 सच्चा सुसमाचार एके सै, जो के मसीह का सै, पर बात या सै, के कुछ लोग इसे सै जो मसीह के सुसमाचार नै बदलना चाहवै सै, अर थमनै भरमाणा चाहवै सै। 8 पर जै म्हारे म्ह तै, या सुर्ग तै उतरया होया कोए सुर्गदूत भी उस सुसमाचार नै छोड़ जो हमनै थारे ताहीं सुणाया सै, कोए अलग सुसमाचार थारे ताहीं सुणावै, तो परमेसवर उस ताहीं श्राप देगा। 9 जिसा हमनै पैहल्या कहा सै, उसाए मै इब फेर कहूं सूं के उस सुसमाचार नै छोड़ जिस ताहीं थमनै मान्या सै, जै कोए अलग सुसमाचार सुणावै सै, तो श्रापित हो। 10 मै माणसां नै खुश करण की कोशिश न्ही करदा, पर परमेसवर नै खुश करण की कोशिश करूं सूं, जै मै इब लग माणसां नै खुश करदा रहन्दा तो मसीह का दास न्ही होंदा।

????????

11 हे विश्वासी भाईयो, मै थमनै बता द्यु सूं, के जो सुसमाचार मन्नै सुणाया सै, वो माणस के जरिये बणाया गया कोन्या। 12 क्यूंके वो मन्नै मेरे पूर्वजां, की ओड़ तै न्ही पोंहच्या, अर ना माणसां के जरिये सिखाया गया, पर यीशु मसीह नै सुसमाचार समझण म्ह मेरी मदद करी। 13 थमनै सुणा होगा के यहूदी पंथ म्ह जो मेरा चाल-चलण था वो किसा था, मै परमेसवर की कलीसिया के विश्वासियां ताहीं घणा काल अर उन ताहीं नाश करण की कोशिश करया करूं था। 14 अर मै यहूदी मत म्ह अपणे पूर्वजां की शिक्षा का अध्यन करण अर उन ताहीं मानण म्ह अपणे हम उम्र के यहूदियां म्ह भोत उत्सुक था। 15-16 पर परमेसवर की जिब इच्छा होई के वो मेरे पै अपणे बेट्टे नै जाहिर करै के मै गैर यहूदियां म्ह उसका सुसमाचार सुणाऊं, उसनै मेरे ताहीं मेरी मां की कोख म्ह ए चुण लिया, अर अपणे अनुग्रह तै मेरे ताहीं बुला

लिया था। तो मन्ने किसे की राय कोनी ली, 17 अर ना यरुशलेम म्ह उनके धोरै गया जो मेरै तै पैहल्या प्रेरित चुणे गये थे, पर जिब्वे अरब देश म्ह चल्या गया अर फेर ओड़ै तै दमिश्क नगर म्ह बोहड़ गया। 18 फेर तीन साल के पाच्छे मै पतरस* जो प्रेरित सै उसतै मिलण खात्तर यरुशलेम गया, अर उसके धोरै पन्द्रह दिन तैई रह्या। 19 पर मै प्रभु यीशु मसीह के भाई याकूब नै छोड़ और किसे प्रेरित तै न्ही मिल्या। 20 परमेसवर मेरा गवाह सै के मन्ने थारे ताहीं जो लिख्या सै उस म्ह कुछ भी झूठ कोनी। 21 उन प्रेरितां के मिलण के बाद मै सीरिया अर किलिकिया के परदेसां म्ह आया। 22 पर यहूदिया परदेस की कलीसियां के विश्वासी भाईयाँ नै जो मसीह म्ह विश्वास करै थे, उननै मेरा मुँह कदे न्ही देख्या था, 23 पर न्यूए सुण्या करै थे के एक बखत था जो हमनै सताण आळा था, इब वोए उस विश्वास का सुसमाचार सुणावै सै जिसनै पैहल्या नाश करै था। 24 अर वे मेरै बारै म्ह परमेसवर की बड़ाई लगातार करै थे।

2

11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

1 चौदहा साल के पाच्छे मै बरनबास के गेल्या फेर यरुशलेम नगर म्ह गया, अर तीतुस नै भी गेल्या लेग्या। 2 मै इस खात्तर ओड़ै गया क्यूँके परमेसवर नै मेरे ताहीं ओड़ै जाण खात्तर कह्या था, अर जिब मै ओड़ै था तो मै कलीसिया के अगुवां तै एकान्त म्ह मिला, अर उस सुसमाचार के बारें म्ह उन ताहीं बताया, जो मै गैर यहूदियाँ म्ह प्रचार करूँ सूँ, ताके इसा ना हो के जो मन्ने पैहले अर जो इब भी करण लागरया सूँ, उसका कोए नतिज्जा ना लिकड़ै। 3 पर तीतुस जो मेरा संगी साथी सै अर जो यूनानी सै, उसका कदे खतना कोनी होया पर कलीसिया के अगुवां नै जो यरुशलेम म्ह सै उस ताहीं अपणालिया, अर उननै उस ताहीं खतना करण खात्तर मजबूर कोनी करया। 4 तो या बात एक समस्या बणगी, उन झूठे भाईयाँ* के कारण होया जो चोरी तै घुस आये थे, के उस आजादी का जो मसीह यीशु म्ह हमनै मिली सै, भेद लेकै हमनै यहूदी नियम-कायदा के दुबारा तै दास बणा दे। 5 उनके साथ एक पल भी हमनै सहमत होणा न्ही चाह्या, ताके थम सुसमाचार की सच्चाई के मुताबिक जिन्दगी जिओ। 6 उन कलीसिया के अगुवां ताहीं जो यरुशलेम नगर म्ह थे, उननै मेरे ताहीं मजबूर कोनी करया, के मै अपणे सन्देश नै बदलू, जो मै थमनै

* 1:18 1:18 पतरस का दुसरा नाम कैफा भी था * 2:4 2:4 झूठे भाईयाँ-ये वो यहूदी मसीह थे जो यो विश्वास करै थे, के मसीह के हुकमां साथ-साथ हमनै मूसा नबी के नियम-कायदा ताहीं मानण तै उद्धार होया

सिखाऊँ सूँ। इसतै कोए फर्क कोनी पड़ता, के वो अगुवें मेरे खात्तर के सै, क्यूँके परमेसवर बाहरी रूप नै देखके न्याय न्ही करदा। 7 पर इसके उल्ट जिब उन अगुवां नै देख्या के परमेसवर नै पतरस ताहीं हक दे राख्या सै, वो के यहूदी माणसां ताहीं सुसमाचार सुणावै, उस्से तरियां गैर यहूदियाँ के खात्तर मेरै ताहीं भी सुसमाचार सुणाणा सौप्या गया। 8 (क्यूँके जिसनै पतरस तै यहूदी माणसां म्ह प्रेरिताई का काम बड़े असरदार ढंग तै करवाया, उस्से नै मेरै तै भी गैर यहूदियाँ म्ह असरदार काम करवाया), 9 जो लोग कलीसिया के खम्भे समझे जावै थे, यानी याकूब, पतरस, अर यूहन्ना, उननै अनुग्रह का वो वरदान पिच्छाणा जो मेरे ताहीं मिला सै। उननै मेरै ताहीं अर बरनबास ताहीं अपणा साथी समझके म्हारे ताहीं खास सहभागी बणा लिया। वे इस बात खात्तर सहमत होगे के हम गैर यहूदियाँ के धोरै जावै, अर वे यहूदियाँ के धोरै जावै। 10 उननै म्हारे तै सिर्फ याए बिनती करी के हम यरुशलेम के गरीब विश्वासी भाईयाँ की मदद करां, अर इस्से काम नै करण की मै खुद भी कोशिश करूँ था।

11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

11 एक दिन जिब पतरस अन्ताकिया नगर म्ह आया, तो मन्ने विश्वासी भाईयाँ के स्याम्ही उस ताहीं फटकारा, क्यूँके जो वो काम करै था वो गलत था। 12 वो पैहले गैर यहूदियाँ के गैल खाया-पिया करै था, जिब कुछ विश्वासी जो याकूब नै यरुशलेम नगर म्ह भेज्जे थे, तो उसनै अपणे-आप ताहीं गैर यहूदियाँ तै अलग कर लिया, अर उनके गैल खाणा-पीणा छोड़ दिया अर उसनै यहूदी माणसां के डरके मारै इसा करया, क्यूँके वे चाहवै थे, के गैर यहूदियाँ का भी खतना हो। 13 पतरस के गेल्या बाकी बचे यहूदी माणस भी उसके कपट म्ह शामिल होगे, अर उन म्ह बरनबास भी शामिल था। 14 पर जिब मन्ने देख्या के उनका सुभाव सुसमाचार की सच्चाई के मुताबिक कोनी, तो मन्ने सारे विश्वासी भाईयाँ के स्याम्ही पतरस तै कह्या, “जिब तू यहूदी होकै गैर यहूदियाँ की तरियां चाल्ले सै अर यहूदी माणसां की तरियां कोनी चाल्दा, तो तू गैर यहूदियाँ नै यहूदी माणसां की तरियां चालण खात्तर क्यूँ कहवै सै।”

15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

15 हम तो जन्म तै यहूदी सां, अर पापी गैर यहूदियाँ म्ह तै कोन्या। 16 हम यहूदी विश्वासी यो जाणा सां, के माणस मूसा नबी के नियम-कायदा तै न्ही, पर यीशु

मसीह पै बिश्वास करण के जरिये परमेसवर की नजर म्ह धर्मी बणै सै, इस खात्तर हमनै खुद भी प्रभु यीशु मसीह पै बिश्वास करया, ताके हम नियम-कायदा तै न्ही, पर यीशु मसीह पै बिश्वास करण तै परमेसवर की नजर म्ह धर्मी बणा, क्यूँके के मूसा नबी के नियम-कायदा तै कोए माणस धर्मी न्ही बणैगा। 17 हम जो मसीह के जरिये परमेसवर की नजर म्ह धर्मी बणणा चांह्वा सां, बल्के इसकै के हम मूसा नबी के नियम-कायदा नै मानण के जरिये, तो कुछ यहूदी हमनै पापी समझै सै (क्यूँके इब हम यहूदी नियम-कायदा नै कोनी मानते) तो के इसका मतलब यीशु मसीह नै म्हारे तै पाप करवाया, न्ही बिलकुल न्ही! 18 पर मै सचमुच म्ह पाप करूँ सूँ जै मै उन काम्मां नै करूँ सूँ, जिन ताहीं मन्नै छोड़ दिया था जिसा के माणस परमेसवर की नजर म्ह धर्मी बणणा चाहवै, मूसा नबी के नियम-कायदा के मानण के जरिये। 19 मै जाणु सूँ, के मूसा नबी के नियम-कायदा के मानण तै मै धर्मी न्ही बण सकता, तो मै सोचु सूँ, के मै नियम-कायदा के खात्तर मर जाऊँ ताके परमेसवर के खात्तर मै सदा जिन्दा रहूँ। 20 यो इसा सै, के मान्ना जिसा मै मसीह के गैल क्रूस पै मारया गया, अर इब मै जिन्दा न्ही रह्या, पर मसीह मेरै म्ह जीवै सै, अर इब जो मै जीण लागरया सूँ, तो सिर्फ परमेसवर के बेट्टे पै बिश्वास करण के जरिये जिसनै मेरै तै इतणा प्यार करया के मेरै खात्तर अपणी जान दे दी। 21 मै परमेसवर के अनुग्रह नै बेकार न्ही बतान्दा, क्यूँके जै नियम-कायदे धार्मिकता का कारण होन्दे तो मसीह का जान देणा बेकार हो जान्दा।

3

☞☞☞☞ ☞☞ ☞☞☞☞☞☞☞☞

1 हे बिना अकल के गलातिवासियो! किसनै थारे ताहीं बहका दिया सै? मन्नै थारे ताहीं समझाया सै के यीशु मसीह के क्रूस पै जान देण के जरिये उसनै के हासिल करया! 2 मेरे ताहीं एक बात बताओ के थमनै पवित्र आत्मा, मूसा नबी के नियम-कायदा के मानण तै पाया था या बिश्वास की खबर तै जो हमनै थारे ताहीं सुणाई थी? 3 के थम इसे बेअकल के सां के थमनै नई जिन्दगी पवित्र आत्मा के जरिये शरु करी पर इब थम अपणी जिन्दगी का अन्त अपणी ताकत तै करणा चाहो सों? 4 जब थम बिश्वासी बणे तो थमनै भोत दुख ठाया, मै उम्मीद करूँ सूँ के थमनै बेकार म्ह ए वो दुख न्ही ठाया। 5 परमेसवर थमनै पवित्र आत्मा भरपूरी तै देवै सै, अर जो थारे म्ह सामर्थ के काम करै सै, के वो मूसा नबी के नियम-कायदा के मानण तै या मसीह के

सुसमाचार पै बिश्वास करण तै इसा करै सै? 6 अब्राहम के बारे म्ह पवित्र ग्रन्थ या कहवै सै, “अब्राहम नै तो परमेसवर पै बिश्वास करया अर उसकी बजह तै परमेसवर नै उस ताहीं धर्मी बणा दिया।” 7 तो यो जाण ल्यो के जो अब्राहम की तरियां बिश्वास करण आळे सै, वेए अब्राहम के वंशज कुह्वावैगें। 8 अर परमेसवर नै पवित्र ग्रन्थ म्ह पैहल्या तै ए यो कह्या, के वो गैर यहूदियाँ नै बिश्वास के जरिये धर्मी बणावैगा, परमेसवर नै भोत पैहले तै ए अब्राहम ताहीं यो सुसमाचार सुणा दिया था, के “तेरे म्ह तै सारी जात आशीष पावैगी।” 9 जितने मसीह पै बिश्वास करण आळे सै, वे अपणे बिश्वास के कारण वोए आशीष पावैगें जो अब्राहम नै पाई थी। 10 इस करके जितने माणस मूसा नबी के नियम-कायदा नै मानके परमेसवर की नजर म्ह धर्मी बणण की सोचवै सै, वे सारे परमेसवर की ओड़ तै श्रापित सै, क्यूँके पवित्र ग्रन्थ म्ह लिख्या सै, “वो श्रापित सै, क्यूँके कोए भी माणस हर पल नियम-कायदा की किताब म्ह लिखी होई सारी बात्तां नै निभा न्ही सकदा।” 11 पर या बात साफ सै, के मूसा नबी के नियम-कायदा के मानण के जरिये परमेसवर की नजर म्ह कोए भी धर्मी न्ही बणदा, क्यूँके पवित्र ग्रन्थ कहवै सै, के “जो मसीह पै बिश्वास करैगा, परमेसवर उसनै ए धर्मी बणावैगा।” 12 पर मूसा नबी के नियम-कायदा नै मानके जीणा अर परमेसवर पै बिश्वास करके जीणा एक जिसा कोनी, जिसा पवित्र ग्रन्थ म्ह लिख्या सै पर “जो इन सारी बात्तां नै मान्नागा, वो उनके कारण जिन्दा रह्यैगा।” 13 हम सारे परमेसवर के श्राप के लायक थे, क्यूँके हम उसके नियम-कायदा नै पूरी तरियां न्ही मानते, तोभी मसीह म्हारै ताहीं उस श्राप तै छुड़ावै सै, जो नियम-कायदा के जरिये आवै सै। जब मसीह क्रूस पै मारया गया, तो उसनै अपणे उप्पर वो श्राप ले लिया, जिसा के पवित्र ग्रन्थ म्ह लिख्या सै, के “श्रापित सै वो जो क्रूस पै लटकाया जावै सै।” 14 मसीह नै यो इस करके करया, ताके जिसका वादा परमेसवर नै अब्राहम तै करया था, वो आशीष मसीह यीशु पै बिश्वास करण तै गैर यहूदियाँ तक पोहच सकै, अर हम मसीह म्ह बिश्वास के जरिये उस पवित्र आत्मा नै पा लेवां, जिसका देण का वादा उसनै म्हारे तै करया सै।

☞☞☞☞ ☞☞ ☞☞☞☞☞☞☞☞

15 हे बिश्वासी भाईयो, मै रोज की जिन्दगी का उदाहरण देके थमनै समझाऊँ सूँ, जब दो आदमी कोए करार करै सै अर उस ताहीं पक्का करै सै, तो ना कोए उसनै घटा सकै सै अर ना उस म्ह किमे बढ़ा सकै सै।

16 इस तरियां परमेसवर नै वादा अब्राहम अर उसकै वंश तै करया था। पवित्र ग्रन्थ न्यू कोनी कहवै, के तेरी “वंशां नै,” जिसका मतलब भोत सारे माणस, पर यो एक माणस के बारे म्हा कहवै सै “तेरे वंश नै” अर वो मसीह सै। 17 मेरे कहण का मतलब यो सै, के परमेसवर नै अब्राहम के गैल करार करण के चार सौ तीस साल के बाद मूसा नबी के नियम-कायदे दिए, जो उस करार नै ना तो तोड़ पाए, अर ना उसके वादे नै टाळ पाए। 18 परमेसवर माणसां नै इस बजह तै आशीष कोनी देवै, के वे मूसा नबी के नियम-कायदा नै मान्ने, बल्के वो इस करके देवै सै, क्यूँके इसका देण का परमेसवर नै वादा करया था, अर अब्राहम ताहीं भी ये आशीष इस करके मिली थी। 19 जिब फेर नियम-कायदे क्यूँ दिये गये? नियम-कायदे इस खात्तर दिए गये ताके लोग जाण सकै के पाप के सै। मूसा नबी के नियम-कायदे तब तक रहणे थे, जिब तक अब्राहम की पीढ़ी म्हा तै जिसका परमेसवर नै वादा करया था के वो आ ना जावै। मूसा नबी ताहीं नियम-कायदे सुर्गदूतां के जरिये दिए गये थे अर मूसा नबी लोगां के बीच एक बिचौलिया बणया। 20 परमेसवर नै अब्राहम तै वादा करया था इस करके बिचौलिया की जरूरत कोनी थी।

??????

21 तो के मूसा नबी के नियम-कायदे परमेसवर के वादे के बिरोध म्हा सै? न्ही बिल्कुल न्ही! क्यूँके जै इसे नियम-कायदे सै, जो परमेसवर की नजर म्हा हमनै धर्मी बणावै, तो सदा का जीवन मूसा नबी के नियम-कायदा के मानण तै हम पा सकां सां। 22 पर पवित्र ग्रन्थ हमनै बतावै सै के हम सब पापी सां, ताके परमेसवर उन माणसां नै जो यीशु मसीह पै बिश्वास करै सै वो दे सकै जिसका उसनै उसका वादा करया सै। 23 पर इसतै पैहल्या के लोग प्रभु यीशु मसीह पै बिश्वास करै हम यहूदी कैद म्हा थे, नियम-कायदे म्हारी रुखाळी करै थे। हम कैद म्हा जिब ताहीं रहे जिब के मसीह कौण सै अर हम उस म्हा बिश्वास करते रहवां। 24 नियम-कायदे म्हारे ताहीं इस खात्तर दिए गये, ताके मसीह के आण तक वो म्हारी अगुवाई कर सकै अर म्हारे ताहीं सम्भाळ सकै, ताके हम मसीह पै बिश्वास करण के जरिये परमेसवर की नजर म्हा धर्मी बणा। 25 जिब हमनै मसीह यीशु पै भरोस्सा करया सै तो नियम-कायदा की अगुवाई अर मदद की जरूरत कोनी। 26 थम सारे मसीह यीशु पै बिश्वास करण के कारण परमेसवर की ऊलाद सां। 27 अर थारे म्हा तै जितना नै मसीह के नाम म्हा बपतिस्मा लिया सै, उननै नई जिन्दगी पा ली सै। 28 इब मसीह म्हा यहूदी अर

गैर यहूदी म्हा कोए फर्क न्ही रह्या, अर ना नौक्कर ना आजाद म्हा, ना लोग अर लुगाई म्हा कोए फर्क रह्या, क्यूँके थम सारे मसीह यीशु म्हा एक सां। 29 अर जै थम मसीह के सां तो अब्राहम के वंश अर वादे के मुताबिक वारिस भी सां।

4

1 मै थमनै एक उदाहरण देके समझाऊँ सूँ, के बेट्टा पिता की सम्पत्ति का वारिस होगा, जिब ताहीं वो बाळक सै, वो एक दास की तरियां सै, इब ताहीं उसका सम्पत्ति पै कोए हक कोनी पर आण आळे बखत म्हा वो पिता की सम्पत्ति का माल्लिक होवैगा। 2 पर जिब ताहीं बेट्टे की सही उम्र न्ही हो अर सारी सम्पत्ति का माल्लिक ना बण जावै सै, वो रुखवाळियाँ अर भण्डारीयाँ के बस म्हा रहवै सै। 3 उससे तरियां जिब हम मसीह नै न्ही जाणा थे, तो दुनिया की रीति-रिवाजां अर नियम-कायदा के गुलाम थे। 4 पर जिब सही बखत आया तो परमेसवर नै अपना बेट्टा इस दुनिया म्हा भेज्या, अर एक बीरबानी नै उस ताहीं जन्म दिया, वो यहूदी माणसां म्हा पैदा होया अर उसनै मूसा के नियम-कायदा ताहीं मान्या। 5 ताके हमनै छुड़ाले जो हम मूसा नबी के नियम-कायदा के अधीन सां, अर हमनै उसकी ऊलाद होण का हक मिल्या। 6 इब थम उसकी ऊलाद सां, इस करके परमेसवर नै अपने बेट्टे की आत्मा नै म्हारे दिलां म्हा भेज्या सै, जो आत्मा परमेसवर ताहीं “हे अब्बा, हे पिता” कहके नै बुलावै सै। 7 इस करके तू इब नौक्कर कोनी, पर उसकी ऊलाद सै, अर परमेसवर वो सारी चीज थमनै देवैगा जिसनै उसका वादा थारे ताहीं देण का करया सै।

??????????

8 जिब थम परमेसवर नै न्ही जाणो थे तो उस बखत थम उसके गुलाम थे, जो असलियत म्हा परमेसवर सै ए कोनी। 9 इब थारा रिश्ता परमेसवर के गैल सै, उसनै म्हारे ताहीं अपना बेट्टा होण खात्तर बुलाया सै, तो उन कमजोर अर निकम्मी पुराणी शिक्षाओं के गुलाम बणण खात्तर क्यूँ उसकी ओड़ जाओ सां, के थम दुबारा उनके गुलाम होणा चाह्ते सां? 10 थम गैर यहूदी बिश्वासी लोग दिन, महिन्ना, सही बखत अर साल्लां नै मान्ने सां, जो मूसा नबी के नियम-कायदा के मुताबिक सै। 11 मै थारे बारे म्हा डरूँ सूँ, जो थम करो सां, कदे इसा ना हो के जो मेहनत मन्ने थारे खात्तर करी सै वा बेकार हो जावै। 12 हे बिश्वासी भाईयो, मै थारे तै बिनती करूँ सूँ, के अपने-आपनै मूसा नबी के नियम-कायदा तै आजाद करो, क्यूँके मै भी मूसा नबी के नियम-कायदा तै आजाद

होगया सू, जिस तरियां थम गैर यहूदी होण तै नियम-कायदा तै आजाद हो, थमनै मेरे साथ बुरा बरताव न्ही करया।¹³ थमनै याद होगा के मन्नै पैहलम पहल देह की बीमारी के कारण थारे ताहीं सुसमाचार सुणाया।¹⁴ मेरी बीमारी थारे खात्तर मुसीबत थी, फेर भी थमनै ना तो मेरे तै नफरत करी, अर ना ए मेरे ताहीं तुच्छ जाण्या, पर परमेसवर के सुर्गदूत बल्के खुद मसीह यीशु के समान मेरे ताहीं अपणाया।¹⁵ थम खुश थे, पर इब थारी खुशी कित्त गई? मै थारा गवाह सू के थम मेरे खात्तर सब कुछ कुरबान कर सको थे, बल्के अपनी आँख भी लिकाड़के मन्नै दे देन्दे।¹⁶ तो के थारे तै सच बोलण के कारण मै थारा बैरी बणगया सू? ¹⁷ वे थमनै अपने पक्ष म्ह करणा तो चाहवै सै, पर भले मकसद तै न्ही, बल्के उनका मतलब तो थारे ताहीं मेरे तै न्यारा पाडना सै ताके थम उनके ए चेल्लें बण जाओ।¹⁸ सदा ए अच्छे मकसद के खात्तर उत्साही होणा आच्छा सै अर सिर्फ उस्से बखत न्ही, जब मै थारे गेल्या रहूँ सू।¹⁹ हे मेरे बाळकों, जिस तरियां एक औरत बच्चा होण के बखत जो दर्द सहवै सै उस्से तरियां मै भी थारे खात्तर दर्द सहूँ सू मै जब ताहीं दर्द म्ह रहूँगा जब ताहीं थम मसीह म्ह सिध्द ना हो जाओ।²⁰ जी तो इसा करै सै, के इस बखत मै थारे धारै होन्दा अर प्यार तै थारे ताहीं समझान्दा, क्यूँके मेरी समझ म्ह कोनी आन्दा के मै थमनै के कहूँ।

????? ?? ????????? ?? ?????????

²¹ थम जो मूसा नबी के नियम-कायदा के अधीन होणा चाहवै सों, मेरी बातों पै ध्यान द्यो, मै बताऊँ सू के मूसा नबी के नियम-कायदा की किताब म्ह के लिख्या सै? ²² पवित्र ग्रन्थ म्ह यो लिख्या सै, के अब्राहम के दो छोरे होए, उसका एक छोरा हाजिरा नाम की नौकराणी तै पैदा होया अर दुसरा सारा तै पैदा होया जो उसकी ब्याहता* थी।²³ पर जो नौकराणी तै पैदा होया था वो एक साधारण बच्चा था जो शरीर की इच्छा तै पैदा होया, अर जो उसकी ब्याहता बीरबानी तै पैदा होया, वो परमेसवर के वादे के मुताबिक पैदा होया जो उसनै अब्राहम तै करया था।²⁴ इन बातों तै हमनै या सीख मिलै सै, ये बीरबानी मान्नो दो करार सै। करार जो परमेसवर नै सीनै पहाड़ पै इसराएली माणसां तै जो करया था वो हाजिरा की तरियां सै।²⁵ अर हाजिरा मान्नो अरब देश का सीनै पहाड़ सै, अर वो आज के यरुशलेम नगर की तरियां सै जडै के माणस मूसा के नियम-कायदा के समान सै।²⁶ पर सुर्गीय यरुशलेम अब्राहम की बिरबानी सारा के समान सै, अर उसके

बाळक गुलाम कोनी, यो यरुशलेम बिश्वासियाँ के खात्तर माँ की तरियां सै।²⁷ जिसा यशायाह नै पवित्र ग्रन्थ म्ह लिख्या सै, “हे बाँझ बिरबानी, तू जो बाळक पैदा न्ही कर सकदी, आनन्दित हो, तू जो प्रसव-पीड़ा तै अनजाण सै, ऊँची आवाज म्ह जयजयकार कर, क्यूँके छोड्डी होई की ऊलाद सुहागण की ऊलाद तै भी घणी सै।”²⁸ हे बिश्वासी भाईयो, थम इसहाक की तरियां हो क्यूँके थारा जन्म परमेसवर के वादे के मुताबिक होया सै जो उसनै अब्राहम तै करया सै।²⁹ अर जिसा उस बखत शरीर की इच्छा के मुताबिक जन्मा होया बेट्टा परमेसवर की आत्मा के शक्ति के मुताबिक जन्मे होए बेट्टे नै सतावै था, उस्से तरियां हम भी उन माणसां तै सताये जावां सां, जो यो चाहवै सै के परमेसवर की नजर म्ह धर्मी बणण खात्तर मूसा नबी के नियम-कायदा नै मानना जरूरी सै।³⁰ पर पवित्र ग्रन्थ कहवै सै, के “नौकराणी अर उसके बेट्टे नै लिकाड़ दे, क्यूँके वो ब्याहता बिरबानी के बेट्टे के गैल कदे भी पिता की सम्पत्ति का वारिस न्ही होगा।”³¹ इस करके हे बिश्वासी भाईयो, हम नौकराणी की ऊलाद कोनी जो के मूसा नबी के नियम-कायदे सै, बल्के ब्याहता बिरबानी की ऊलाद सां जो के बिश्वास सै।

5

?????? ?? ????????? ?? ?????????

¹ मसीह नै म्हारे ताहीं मूसा नबी के नियम-कायदा तै आजाद कर दिया सै, इस करके अपनी आजादी बणा के राखो, अर मूसा के नियम-कायदा नै मानण खात्तर कोए थमनै गुलाम ना बणावै।² सुणो! मै, पौलुस, थारे तै कहूँ सू के जै खतना करावोगे, तो मसीह तै थमनै किमे फायदा न्ही होगा।³ फेर भी मै एक खतना कारण आळे नै बता द्यु सू, के उसनै सारे नियम-कायदे मानने पडेंगे।⁴ थम जो नियम-कायदा के जरिये धर्मी बणणा चाहो सों, तो फेर थमनै यीशु मसीह तै रिश्ता तोड़ लिया सै, अर थमनै अपने-आप ताहीं उस दया तै अलग कर लिया सै जिसके जरिये परमेसवर थमनै बचा सकै सै।⁵ मै यो इस खात्तर कहूँ सू, क्यूँके हमनै पवित्र आत्मा की ओड़ तै पूरा भरोस्सा सै, के परमेसवर यीशु मसीह पै बिश्वास करण के कारण हमनै धर्मी बणावैगा।⁶ जै थम यीशु मसीह नै मानण आळे सों, तो उसतै कोए फर्क कोनी पडता के थारा खतना होया सै के न्ही होया, पर जरूरी यो सै, के हम मसीह पै बिश्वास करां, अर परमेसवर अर माणसां प्रति प्यार राख्वा।⁷ थम मसीह पै बिश्वास करण म्ह बढ़ण लागरे थे, पर इब थमनै सच्चाई मानण तै कोए रोक न्ही

* 4:22 4:22 ब्याहता-जिसके गैल ब्याह होया हो

ले। ⁸ इसी सीख परमेसवर की ओड़ तै न्ही आन्दी जो थमनै अपणी ऊलाद होण खात्तर बुलावै सै। ⁹ सीख जो सच्ची न्ही सै वो इस कहावत की तरियां सै, थोड़ा-सा खमीर सारे गूँधे होए चून नै खमीर बणा दे सै। ¹⁰ पर मै परमेसवर पै भरोस्सा राक्खूँ सूँ, के वो थमनै झूठ्ठी अर भरमाण आळी सीख तै बचाये राक्खैगा, पर जो थमनै भरमा दे सै चाहे वो कोए भी क्यूँ ना हो परमेसवर तै दण्ड पावैगा। ¹¹ हे विश्वासी भाईयो, थम जाणो सों के मै यो प्रचार करूँ सूँ, के खतना करवाणा जरूरी कोनी, इस करके यहूदी माणस मेरे ताहीं सारी हाण सतावै सै, जै मै करूस नै छोड़के खतना का प्रचार करूँ तो उसतै यहूदी माणस मेरे ताहीं कोनी सतावैगें। ¹² भला होंदा जो थमनै डामाडोल करै सै, वे अपणे-आपनै नपुंसक बणा लेवै। ¹³ हे विश्वासी भाईयो, थम आजाद होण के खात्तर परमेसवर के जरिये बुलाए गये सों, इस खात्तर थमनै मूसा नबी के नियम-कायदा ताहीं मानण की जरूरत कोनी, पर इसा ना होवै के थम इसनै बुरी लालसा पूरी करण का जरिया बणा ल्यो, पर हरेक के गैल प्यार करो अर सेवा करो। ¹⁴ क्यूँके सारे नियम-कायदे इस एक बात म्ह पूरे हो ज्या सै, “तू अपणे पड़ोसी तै अपणे जिसा प्यार कर।” ¹⁵ पर जै थम एक-दुसरे नै जानवरां की ढाळ पाड़ खाओ सों, तो चौक्कस रहो, के थम एक-दुसरे नै नाश ना कर दियो।

११११११ ११११११ ११ ११११११ ११११११११

¹⁶ पर मै कहूँ सूँ, पवित्र आत्मा नै थारे जीवन म्ह अगुवाई करण द्यो, ताके थम अपणी बुरी आदत्तां नै (लालसा) नै पूरी ना कर सकों। ¹⁷ देह की बुरी लालसा पवित्र आत्मा के विरोध म्ह, अर पवित्र आत्मा देह की बुरी लालसा के विरोध म्ह लड़दी रहवै सै। इस कारण जो भले काम थम करणा चाहो सों वो न्ही कर पान्दे। ¹⁸ जै थम आत्मा की अगुवाई म्ह चाल्लों सों, तो थम मूसा के नियम-कायदा के अधीन न्ही सों। ¹⁹ देह के काम तो दिक्खै सै, यानी के जारी, भुन्डे काम, लुचपण, ²⁰ मूर्तिपूजा, टोणा, बैर, गुस्सा, विरोध, फूट विधर्म, ²¹ डाह, मतवालापण, रासलीला अर इनके जिसे और काम सै, इनके बारे म्ह मै थारे तै पैहल्या कह द्यु सूँ जिसा पैहल्या कह्या था, के इसे-इसे काम करणीये परमेसवर के राज्य के वारिस न्ही होंगे। ²² पर आत्मा का फळ प्यार, आनन्द, शांति, धीरज, करुणा, भलाई, विश्वास, ²³ नम्रता, अर सयंम सै, इसे-इसे काम्मां के विरोध म्ह कोए भी नियम-कायदे कोनी। ²⁴ अर जो मसीह यीशु म्ह सै उननै देह की बुरी लालसाओं* ताहीं करूस पै चढ़ा

दिया सै। ²⁵ क्यूँके पवित्र आत्मा नै म्हारे ताहीं नई जिन्दगी दी सै, इस खात्तर पवित्र आत्मा नै जिन्दगी के हरेक क्षेत्र म्ह अगुवाई करण द्यो। ²⁶ हम घमण्डी होके ना एक-दुसरे नै छेड़ा, अर ना एक-दुसरे तै जळण करा।

6

१११-११११११ ११ ११११ ११११

¹ हे विश्वासी भाईयो, जै कोए माणस किसे पाप या कसूर म्ह पकडचा भी जावै, तो थम जो पवित्र आत्मा के चलाए चाल्लों सों, उसनै नरमाई के गेल्या धर्म की राह पै उल्टा ल्यावण म्ह उसकी मदद करो, अर अपणा भी ध्यान राक्खों के थम भी इसे इम्तिहान म्ह ना पड़ जाओ। ² म्हारे म्ह तै जै कोए भी मुसीबत म्ह हो, तो हमनै एक-दुसरे की मदद करणी चाहिए, अर इस तरियां हम मसीह के नियम-कायदा नै मान्ना सां। ³ क्यूँके जै कोए अपणे-आपनै नै बड़ा समझै सै, तो अपणे-आपनै धोक्खा देण लाग रहया सै। ⁴ हरेक माणस अपणे काम्मां नै परख ले, उसके काम आच्छे सै तो वो अपणे-आपनै पै घमण्ड कर सकै सै, अर उसनै अपणे काम की बराबरी किसे दुसरे के काम गैल न्ही करणी चाहिए। ⁵ म्हारे म्ह तै हरेक माणस अपणे सुभाव के खात्तर जिम्मेदार सै। ⁶ यो जरूरी सै के जो माणस परमेसवर के वचनां नै सिखावै सै, तो उसकी संसारिक चिज्जां की जरूरत सीखण आळे तै पूरी हो होणी चाहिए। ⁷ अपणे-आप ताहीं धोक्खा ना द्यो, कोए माणस यो ना सोचवै के वो परमेसवर नै धोक्खा दे सकै सै। ⁸ क्यूँके जो माणस इसे काम करै सै उसका बुरा सुभाव उसके खात्तर मौत लेके आवै सै, पर जो माणस परमेसवर की इच्छा पूरी करै सै, तो उसका आत्मा उसनै अनन्त जीवन देवै सै। ⁹ हम भले काम करण का होसला ना छोड़डा, क्यूँके जै हम हिम्मत ना छोड़डा तो परमेसवर के बखत पै कटनी काटैगें। ¹⁰ इस करके जड़ै ताहीं मौक्का मिलै हम सारा के गेल्या भलाई करा, खास करके विश्वासी भाईयाँ के गैल।


१११११ १११११११११ ११ ११११११११११

¹¹ मननै बड़े-बड़े अक्षरां म्ह थारे तैई अपणे हाथ तै लिख्या सै। ¹² इस कारण के यहूदी लोग थमनै अपणावै, अर वे थारा खतना करवाण के खात्तर मजबूर करै सै, ताके लोग उन ताहीं इस बात का प्रचार करण खात्तर सतावै ना, के परमेसवर माणसां ताहीं जिब्बे बचावैगा जिब वे विश्वास करैगें के मसीह करूस पै मरा। ¹³ क्यूँके खतना करण आळे खुद तो मूसा नबी के नियम-कायदा पै न्ही चाल्दे, वो थारा इस खात्तर खतना करणा चाहवै सै ताके और यहूदियाँ के स्याम्ही घमण्ड कर सकै, के थारा

* 5:24 5:24 बुरी लालसाओं शरीर की बुरी आदत

खतना उनकी बजह तै होया सै ।। 14 खुद कै खात्तर, मै, किसे बात पै घमण्ड कोनी करणा चाहूँ, पर यीशु मसीह के करूस पै जान देण कै कारण, मै घमण्ड करणा चाहूँ सूँ, अर जो उसनै करया उस बजह तै दुनियावी चिज्जां का मेरे उप्पर कोए हक कोनी रह्या, अर इब मेरी दुनियावी चिज्जां म्ह कोए दिलचस्पी कोनी । 15 क्यूँके ना खतना अर ना बिना खतना कुछ सै, जो जरूरी बण चुके सै, जो जरूरी सै वो यो सै के परमेसवर हमनै पवित्र आत्मा के जरिये नया इन्सान बणा दे । 16 परमेसवर अपणी शान्ति अर आशीष उन सारया नै देवैगा, जो उसके हुकम नै मान्नै सै । वे परमेसवर के माणस सै । 17 आगै तै मन्नै कोए दुख ना दे, क्यूँके जो मेरे देह पै जख्मां के दाग सै वो ये दिखावै सै के मै यीशु का दास सूँ । 18 हे बिश्वासी भाईयो, म्हारे प्रभु यीशु मसीह का अनुग्रह थारी आत्मा के गेल्या रहवै । आमीन ।

इफिसुस नगर के माणसां ताहीं प्रेरित पौलुस की चिट्ठी



इफिसुस नगर के माणसां ताहीं प्रेरित पौलुस की चिट्ठी परमेसवर की योजना जुड़ी सै, के जो कुछ सुर्ग म्ह सै अर जो कुछ धरती पै सै, सारा सब कुछ वो मसीह म्ह कट्टा करां (1:10)। इफिसियों के पैहले भाग म्ह लेखक एकता के बारे में बात करै सै, उस राह के बारे में बतावै सै, जिसके जरिये परमेसवर पिता नै अपने माणसां का चुनाव करया, के किस तरियां बेटे यीशु मसीह के जरिये उन ताहीं अपने पाप तै माफी मिल्ली अर वे छुड़ाए गये सै, अर किस तरियां पवित्र आत्मा के जरिये परमेसवर का महान वादे नै पूरा करण का भरोसा दिया गया सै। दूसरा भाग म्ह वो पाठकां ताहीं इसी जिन्दगी जीण की बिनती करै सै, के मसीह म्ह उनकी एकता उनके सामूहिक जीवन की सच्चाई बण जावै।

मसीह तै जुड़े परमेसवर के माणसां म्ह एकता नै दिखाण खात्तर कई मिसाल काम म्ह लाई गई सै, कलीसिया एक देह की तरियां सै, जिसका सिर मसीह सै, या फेर यो एक मकान के तरियां सै, जिस म्ह कुण के सिरे का पत्थर मसीह सै, यो एक पत्नी की तरियां सै जिसका धनी मसीह सै। हर एक बात इस म्ह मसीह के प्रेम, बलिदान, माफी, अनुग्रह अर सिद्धता की रोशनी म्ह देख्या गया सै।

रूप-रेखा

जानकारी 1:1,2

मसीह अर कलीसिया 1:3-3:21

मसीह म्ह नया जीवन 4:1-6:20

समापन 6:21-24

1 या चिट्ठी पौलुस की ओड़ तै सै, जो परमेसवर की इच्छा तै यीशु मसीह का प्रेरित सै, मै या चिट्ठी उन पवित्र अर मसीह यीशु म्ह विश्वासी माणसां के नाम लिखूँ सूँ, जो इफिसुस नगर म्ह रहवै सै। 2 मै प्रार्थना करूँ सूँ, के म्हारे पिता परमेसवर अर प्रभु यीशु मसीह की ओड़ तै थारे ताहीं अनुग्रह अर शान्ति मिलदी रहवै।



3 म्हारे परमेसवर अर प्रभु यीशु मसीह के पिता का धन्यवाद हो के उसनै म्हारे ताहीं मसीह म्ह आत्मिक रूप तै हरेक तरियां तै, उन आशीषां के जरिये आशिषित करया जो सुर्ग तै आवै सै। 4 परमेसवर नै धरती अर अकास बणाण तै पैहले ए उसनै मसीह म्ह म्हारे ताहीं

चुण लिया, ताके हम इसकी निगांह म्ह पवित्र अर बेकसूर होवां। 5 अर प्यार म्ह उसनै अपनी भले मकसद मुताबिक म्हारे ताहीं अपने खात्तर पैहले तै ठहराया के यीशु मसीह के जरिये हम उसकी गोद ली होई ऊलाद हो। 6 तो आओ हम परमेसवर के अदभुत अनुग्रह की महिमा करा, अर यो इस खात्तर होया सै क्यूँके म्हाारा रिश्ता उसके बेटे के गैल सै, जिसतै वो प्यार करै सै। 7 यीशु मसीह के लहू बहाए जाण के कारण हम छुड़ाए गये, जिसका मतलब यो सै के म्हारे सारे पाप माफ होए। परमेसवर के भोत अनुग्रह के मुताबिक मसीह म्ह उसके लहू के जरिये छुटकारा यानी पापां तै माफी मिलै सै। 8 परमेसवर नै सारी बुद्धि अर ज्ञान तै म्हारे पै भोत-ए घणी दया करी। 9 परमेसवर नै अपनी इच्छा का भेद म्हारे पै भले मकसद के मुताबिक जाहिर करया, जिस ताहीं उसनै खुद मसीह म्ह स्थापित करया। 10 अर परमेसवर की योजना के मुताबिक, तय करे गए बखत पै, जो किमे सुर्ग अर धरती पै सै, वो सारा किमे मसीह के हाथ म्ह सौंपैगा। 11 परमेसवर नै मसीह म्ह हम यहूदी माणसां ताहीं भी अपने माणस होण खात्तर छोट लिया सै, क्यूँके शुरु तै ए उसकी या योजना थी, उसनै यो सब कुछ अपनी इच्छा अर योजना के मुताबिक करया। 12 यो उसनै इस खात्तर करया जिसतै के हम यहूदियां ताहीं जो पैहले माणस सै, जो मसीह पै आस राखवै सै, अर उसकी महिमा की बड़ाई के कारण बणा। 13 अर योए थारे गैल भी होया के थमनै सच्चाई का वचन सुण्या, अर वो सुसमाचार यो सै, के थमनै वो किस तरियां बचा सकै सै, जिव थम मसीह पै विश्वास करो सों तो परमेसवर थमनै वादे के मुताबिक पवित्र आत्मा देवै सै, यो दिखाण खात्तर के थम परमेसवर के माणस सों। 14 क्यूँके परमेसवर नै म्हारे ताहीं पवित्र आत्मा दिया सै, तो हम यो जाणा सां के परमेसवर म्हारे ताहीं और भी आच्छी चीज देवैगा, जिसका उसनै वादा करया सै, अर यो उस बखत होगा जिव परमेसवर अपने माणसां नै पूरी तरियां तै छुड़ावैगा, उसके अदभुत अनुग्रह की बड़ाई होवै।



15-16 इस कारण, जिव तै मन्नै भी प्रभु यीशु मसीह म्ह थारे विश्वास अर पवित्र माणसां के प्रति थारे प्यार के बारे में सुण्या, तो मै परमेसवर का सदा धन्यवाद करूँ सूँ, अर अपनी प्रार्थना म्ह थमनै हमेशा याद राखूँ सूँ। 17 मै प्रार्थना करूँ सूँ, के महिमामय परमेसवर जो के म्हारे प्रभु यीशु मसीह का पिता सै, वो थारे ताहीं आत्मिक समझ अर ज्ञान देवै, ताके थम परमेसवर नै पूरी

तरियां जाण सकों। 18 मै या भी प्रार्थना करूँ सू, के वो सच्चाई जाणण म्ह थारी मदद करै के थम जाण सकों के परमेसवर के जरिये बुलाये जाण की आस के सै, अर थम जाण सकों के इतनी बड़ी अर महान् आशीष अपने पवित्त्र माणसां खात्तर राख राखी सै। 19 मै चाहूँ सू के थम उसनै जाण सको, के उस महान् परमेसवर नै यीशु मसीह पै बिश्वास करण आळे खात्तर जो शक्ति राख राखी सै, या वाए बड़ी शक्ति सै। 20 जिसनै मसीह ताहीं मरे होया म्ह तै जिवाया अर सुर्ग म्ह अपनी सोळी ओड़ बैठाया। 21 सारी ढाळ की प्रधानता, हक, सामर्थ, प्रभुता के उप्पर राज करैगा जो इस लोक म्ह सै, अर आण आळे लोक म्ह भी राज करैगा। 22 परमेसवर नै सारा किमे उसके पायां तळै कर दिया, अर उसनै कलीसिया की भलाई खात्तर सब किमे उसके हाथ्यां म्ह सौप दिया। 23 कलीसिया मसीह की देह सै, अर उसतै भरपूर सै, वो अपनी मौजूदगी तै हरेक चीज अर हरेक जगहां नै भरे सै।

2

?????? ? ? ? ? ? ? ? ?

1 पुराणे बखत म्ह थारे धोरै नई जिन्दगी कोनी थी, थम अपने बुरे काम्मां अर पापां के कारण मरे होए माणसां के समान थे। 2 थम उस बखत दुनिया की रीति-रिवाज के मुताबिक, बुरी आत्मायां के सरदार जो अकास म्ह सै, उसके मुताबिक चाल्लों थे, जो इब भी उनके मनां म्ह काम करै सै, जो परमेसवर का हुकम न्ही मानते। 3 इन म्ह हम भी सारे के सारे पैहले अपनी देह की लालसाओं म्ह दिन बितावा थे, अर देह अर मन की मर्जियां नै पूरी करा थे, अर और माणसां की ढाळ सुभाव तै ए छो की ऊलाद थे। 4 पर परमेसवर नै जो दया का धनी सै, अपने उस घणे प्यार के कारण जिसतै उसनै म्हारै तै प्यार करया। 5-6 अपने पुराणे जीवन म्ह पापां के कारण हम मरे होए थे तो परमेसवर नै जिस तरियां यीशु मसीह ताहीं जिन्दा करया, हमनै भी आत्मिक रूप तै जिन्दा करैगा, अर सुर्गीय जगहां म्ह मसीह के गेल्या बिठावैगा, अर परमेसवर के अनुग्रह तै ए थारा उद्धार होया सै। 7 परमेसवर नै यो इस खात्तर करया के अपनी दया तै जो मसीह यीशु म्ह म्हारै पै सै, आण आळे दिनां म्ह दिखा सकै, के उसका अनुग्रह कितना बड़ा सै, हम जो मसीह म्ह सां, उसनै म्हारै पै भी अनुग्रह दिखाया। 8 जब थमनै परमेसवर पै बिश्वास करया तो उसनै अपने अनुग्रह के जरिये थारा उद्धार करया सै, थारा उद्धार थारी ओड़ तै न्ही, बल्के परमेसवर ओड़ तै दान सै। 9 यो इस करके

न्ही होया के थमनै कोए भला काम करया सै, अर थम उसपै घमण्ड करो। 10 क्यूँके हम उसके बणाए होए सां, अर मसीह यीशु म्ह उन भले काम्मां के खात्तर रचे गये जिन ताहीं परमेसवर नै पैहले तै म्हारे करण के खात्तर तैयार करया।

????? ???? ??

11 इस कारण थम याद राखों के थम जन्म तै गैर यहूदी सों, अर यहूदी लोग थारा मजाक उड़ावै सै, के थारा खतना कोनी होया, पर उनका खतना होया सै, इस खात्तर वे परमेसवर के लोग सै। पर उननै खतना अपनी देह का करवाया सै मन का कोनी करवाया। 12 थम उस बखत मसीह ताहीं कोनी जाणो थे, अर थम परमेसवर के चुणे होए इस्राएली माणस कोनी थे, अर वादे के करार के भी साझी कोनी थे, जो उसनै अपने माणसां तै बाँधी थी, अर बिना आस अर दुनिया म्ह बिना ईश्वर के थे। 13 पर पैहले जो थम, परमेसवर तै दूर थे, परमेसवर नै थारे ताहीं मसीह यीशु के लहू बहाण के जरिये धोरै बुला लिये सों। 14 मसीह नै हम यहूदी अर थम गैर यहूदी माणसां म्ह शान्ति बणाई सै, पुराणे बखत म्ह यो लागै था के यहूदी अर गैर यहूदी माणसां म्ह एक दीवार सै, वो एक-दुसरे तै नफरत करै थे, पर मसीह नै वा दीवार ढा दी सै, अर दोन्नु दलां* ताहीं एक कर दिया सै। 15 उसनै अपनी मौत के जरिये मूसा के नियम-कायदा ताहीं रद कर दिया, ताके वो यहूदी अर गैर यहूदी माणसां म्ह शान्ति लेकै आवै, अर इसके जरिये वो अपने-आप म्ह यहूदी अर गैर यहूदी की जगहां एक नई जात बणा दे। 16 उसनै क्रूस पै अपनी जाण देकै यहूदी-अर गैर यहूदी माणसां म्ह बैर का नाश करके एक देह बणाके परमेसवर तै मिला दिया। 17 मसीह नै आके थम गैर यहूदी जो उसतै दूर थे, अर थम यहूदी माणस जो परमेसवर के लोवै थे, दोनुआ ताहीं मेळ-मिलाप का सुसमाचार सुणाया। 18 क्यूँके मसीह म्ह ए हम सब उस एक पवित्त्र आत्मा के जरिये ए पिता के धोरै पोहच सका सां। 19 इस करके थम गैर यहूदी इब विदेशी अर मुसाफिर कोनी रहे, पर पवित्त्र माणसां के साथी देशी अर परमेसवर के कुण्बे के होंगे सों। 20 थम उस घर की तरियां सों जिसकी नीम प्रेरित अर नबी सै, अर जिसके कोणे का पत्थर मसीह यीशु आप सै। 21 मसीह ए सै जिसनै घर ताहीं टिकाके राख्या सै, अर उसतै प्रभु के खात्तर एक पवित्त्र मन्दर बणदा जावै सै। 22 क्यूँके थम मसीह म्ह सों, इस खात्तर थम गैर यहूदी बिश्वासी परमेसवर के माणसां गैल एक

* 2:14 2:14 दलां टोळ, समूह

सारे ब्रह्माण्ड में फैल जावें। 11-12 यो मसीह से जो म्हारे ताहीं वरदान देवै से, उसनै कईयाँ तै प्रेरित, अर कईयाँ तै नबी, कईयाँ तै सुसमाचार सुणाण आळे, कईयाँ तै सेवक अर शिक्षक नियुक्त करया, इनकी जिम्मेदारी या से के ये और दुसरे माणसां नै सीखा के परमेसवर का काम करवा सकै, अर कलीसिया जो मसीह की देह से उस ताहीं मजबूत कर सकै। 13 यो तब तक होन्दा रहवैगा जब तक के हम अपने विश्वास, अर परमेसवर के बेटे के बारे में अपनी समझ में एक ना हो जावां, फेर हम सिध्द बनागे जिस तरियां मसीह सिध्द से, अर हम पूरी तरियां तै उसके जिसे बण जावांगे। 14 मसीह में बढ़ण अर सिध्द होण के कारण, हम बाळकां के जिसा बरताव ना करां, हम उस किस्ती की ढाळ ना बना, जिसनै झाल* आगूँ-पाच्छै, अर हवा आस्सै-पास्सै उछाळै से। इसका मतलब यो से, के चलाक, अर ठग माणस अपनी झूट्टी शिक्षा के जरिये हमनै धोखा न्ही देण पावै। 15 बल्के सच नै प्यार तै बोल्लो, अर सारी बातों में मसीह यीशु की तरियां सिध्द बणो, जो के म्हाारा सिर से। 16 हम सारे जो मसीह में विश्वास करां सां, हम उसकी देह के अंग की तरियां सां, जिस तरियां एक माणस की देह, जोड़ा के जरिये एक साथ जुड़ी हो से अर जब देह का हर हिस्सा आच्छी तरियां काम करै से, तो देह का विकास होके मजबूत बणे से, इससे तरियां म्हारे में तै जै कोए मसीह का काम करै से, जो मसीह नै म्हारे ताहीं दिया से, तो हम भी मजबूत अर सिध्द होवां सां, अर हम एक-दुसरे तै ज्यादा प्यार करां सां।

???? ???? ???? ???? ?

17 इस करके परमेसवर नै जो अधिकार मेरे ताहीं दिया से, उसकी बजह तै मैं न्यू कहूँ से, के जिसा अविश्वासी माणस अपने मन की बेकार की रीति-रिवाजां में अपना जीवन जीवै से, थम आज तै इसा जीवन ना जिओ। 18 क्यूँके वे समझ न्ही पाण लागरे, के उस अज्ञानता के कारण, अर उनके मन की कठोरता के कारण, जो उन में से, वे परमेसवर के उस जीवन तै न्यारे करे गए से जो परमेसवर देवै से। 19 वे बुरे काम की बजह तै अपनी गलती महसूस न्ही करते अर उननै अपने-आप ताहीं बुरे कामों खात्तर सौप दिया से, वे सारी ढाळ के भुन्डे काम लगातार करते जावै से। 20 पर थमनै मसीह की शिक्षायां में इसे काम करणे न्ही सीखे। 21 बल्के जो थमनै यीशु मसीह के बारे में सुण्या अर जो थारे शिक्षकां नै सिखाया, वोए उसकी ओड़ तै सच्चा सन्देश से। 22 अर थारे शिक्षकां नै थारे बुरे काम अर बुरा सुभाव छोड़णा सिखाया से, थारी बुरी लालसायां नै

* 4:14 4:14 झाल लहरे

थारा जीवन नाश कर दिया। 23 थम पवित्र आत्मा नै थारे सुभाव अर सोचचण के तरिके नै बदलण दो। 24 परमेसवर नै थारे ताहीं एक नया सुभाव दिया से, जो के उसके अपने सुभाव की तरियां से, इस करके इस नये सुभाव के मुताबिक बरताव करो। असलियत में धर्मी अर पवित्र बणो। 25 इस कारण झूठ बोलणा छोड़के हरेक अपने पड़ोसी तै सच बोल्लै, क्यूँके हम आपस में हम एक ही देह के अंग सां। 26 जै थारे ताहीं गुस्सा आ भी जावै तो उस गुस्से में पाप ना करियो, अर सूरज ढळण तै पैहल्या थारा गुस्सा भी न्ही रहणा चाहिए। 27 अर अपने-आप ताहीं शैतान नै परखण का मौक्का ना दो। 28 चोरी करण आळा फेर चोरी ना करै, बल्के मेहनत करके अपनी कमाई के जरिये दुसरे माणसां की भी मदद कर सकै, जो जरूरत मन्द हो। 29 कोए भी गलत बात थारे मुँह तै ना लिक्डै, पर जरूरत के मुताबिक वोए लिक्डै जो दुसरयां के विश्वास की बढ़ोतरी के खात्तर हो, ताके वा बात जो थारे मुँह तै लिक्डै से वा सुणाण आळा नै उत्साहित कर सकै। 30 परमेसवर के पवित्र आत्मा नै दुखी ना करो, जो उसनै थारे ताहीं दिया से, जो पक्का छुटकारे के दिन थमनै बचा सकै से। 31 इस करके सारी ढाळ की कड़वाहट, प्रकोप, गुस्सा, झगड़ा, अर बुराई, सारे बैरभाव नै अपनी जिन्दगी तै लिकाड़ दो। 32 एक-दुसरे पै दयालु अर करुणामय हो, अर जिसा परमेसवर नै मसीह में थारे कसूर माफ करे, उससे तरियां थम भी एक-दुसरे के कसूर माफ करो।

5

???????? ???? ???? ???? ?

1 थम परमेसवर के बाळक सां, जिनतै वो प्यार करै से, इस करके उसकी ढाळ बणण की कोशिश करो। 2 दुसरयां तै प्यार करण आळी जिन्दगी जिओ, जिस तरियां मसीह जिया, जिसनै थारे तै प्यार करया अर म्हारे पापां नै मिटाण खात्तर अपने-आप ताहीं कुरबान कर दिया, अर परमेसवर उसकी कुरबान्नी तै खुश था, क्यूँके वा कुरबान्नी परमेसवर के खात्तर खसबूदार भेट के समान थी। 3 जिसा पवित्र माणसां के लायक से, उसाए थारे में जारी अर किसे ढाळ के अशुद्ध काम या लोभ का जिक्र तैई ना हो, 4 अर ना बेशर्मी, ना मूर्खता की बातचीत, ना मजाक की, क्यूँके ये बात शोभा न्ही देदी, बल्के थारे मुँह तै परमेसवर का ए धन्यवाद सुण्या जावै। 5 क्यूँके थम यो आच्छी तरियां तै जाणो सां, के कोए भी जार, दुराचारी, या लोभी माणस जो मूर्तिपूजकां के समान से, ये मसीह अर परमेसवर के राज्य के भागी न्ही

हो सकदे। ⁶ कोए थमनै धोक्खा ना देवै के परमेसवर पाप करण आळे माणसां नै दण्ड कोनी देवै, क्यूँके परमेसवर का छो हुकम ना मानण आळे पै भड़कै सै। ⁷ इस करकै थम उनके पापी काम्मां म्ह उनके साझीदार ना होओं। ⁸ क्यूँके थम तो पैहल्या उन माणसां की ढाळ थे जो अन्धकार म्ह थे, पर इब थम परमेसवर के लोग बणगे सों, इस करकै थम इब चाँदणे म्ह सों, तो इब थमनै उन माणसां की ढाळ जीणा चाहिए जो चाँदणे म्ह सै। ⁹ क्यूँके जै माणस चाँदणे म्ह सै तो उसका सुभाव आच्छा अर धर्मी सै, अर उसपै बिश्वास करया जा सकै सै। ¹⁰ अर यो परखो के प्रभु नै के आच्छा लागै सै। ¹¹ थम उनके बुरे काम्मां म्ह उनके साझीदार ना होओं, बल्के लोगां नै बताओ के ये काम बुरे सै। ¹² क्यूँके उनके गुप्त काम्मां का जिक्र भी शर्म की बात सै। ¹³ जब बुरे लोग थारा आच्छा सुभाव देखै सै तो उनका बुरा सुभाव जाहिर हो जावै सै, उसकी बजह तै वो अपणा बुरा सुभाव छोड़ दे सै, अर थारे जिसे आच्छे बण जावै सै। ¹⁴ इस कारण एक कहावत सै के “हे सोण आळे जाग! अर मुर्दा म्ह तै जी उठ! ताके मसीह थारे पै अपणा चान्दणा चमकावै।” ¹⁵ इस करकै ध्यान तै देखों, के किसा जीवन जीण लागरे सों। बेअक्ला की तरियां न्ही पर अकलमंद की तरियां जिओ। ¹⁶ मौकै नै घणा कीमती समझों, क्यूँके दिन बुरे सै। ¹⁷ इस कारण बेअक्ल ना होओं, पर ध्यान तै समझो के प्रभु की मर्जी के सै। ¹⁸ मदिरा पी के मतवाले ना बणो, क्यूँके इसतै लुचपण होवै सै, पर पवित्त्र आत्मा तै भरदे जाओ। ¹⁹ जब थम पवित्त्र आत्मा के कहे म्ह चाल्लोंगे तो ये काम करोगे, जब थम कठ्ठे होओगे तो आप्पस म्ह परमेसवर के भजन, उसकी जै-जै कार अर आत्मिक गीत गाया करोगे, अर अपने-अपने मन म्ह प्रभु के आगै गान्दे अर कीर्तन करदे रहो। ²⁰ अर सदा सारी बात्तां के खात्तर म्हारे प्रभु यीशु मसीह के नाम तै परमेसवर पिता का धन्यवाद करते रहो। ²¹ मसीह के प्रति श्रद्धा-भक्ति राखण के कारण एक-दुसरे के अधीन रहो।

22 हे पत्नियों, अपने-अपने पति के इस ढाळ अधीन रहो जिस ढाळ प्रभु के अधीन रहो सों। ²³ क्यूँके पति तो पत्नी का सिर सै, जिस ढाळ मसीह कलीसिया का सिर सै, अर कलीसिया मसीह की देह सै अर उद्धारकर्ता भी सै। ²⁴ पर जिस ढाळ कलीसिया मसीह के अधीन सै, उससे तरियां पत्नियाँ भी हर बात म्ह अपने-अपने पति के अधीन रहै। ²⁵ हे पतियों, अपनी-अपनी पत्नियाँ तै प्यार राखो, जिसा मसीह नै भी कलीसिया तै प्यार करकै उसके खात्तर अपनी जान दे दी। ²⁶ ताके वो

कलीसिया (बिश्वासी लोग्गां) ताहीं वचन तै नाहण के जरिये पापां तै शुद्ध करै, अर पवित्त्र बणावै। ²⁷ वो अपनी कलीसिया खात्तर मरया ताके वो अपने माणसां नै सिध्द बणाके अपनी हजुरी म्ह ल्या सकै, जिस म्ह ना कलंक, ना झुरी, ना कोए और इसी चीज हो बल्के पवित्त्र अर बेकसूर हो। ²⁸ इस तरियां सही सै के पति अपनी-अपनी पत्नी तै अपनी देह के समान प्यार राखै। जो अपनी पत्नी तै प्यार करै सै। वो अपने-आप तै प्यार करै सै। ²⁹ क्यूँके किसे नै कदे अपने देह तै बैर न्ही करया बल्के वो उसका पालन-पोषण करै सै, जिसा मसीह भी कलीसिया के गैल करै सै। ³⁰ इस करकै के हम मसीह की देह के अंग के समान सां। ³¹ जिसा के पवित्त्रग्रन्थ म्ह लिख्या सै, “इस कारण माणस अपने माँ बाप नै छोड़के अपनी पत्नी तै मिल्या रहैगा, अर वे दोनु एक देह होंगे।” ³² यो भेद तो बड़ड़ा सै, पर मै याड़े मसीह अर कलीसिया के बारे म्ह कहूँ सूँ। ³³ पर थारे म्ह तै हरेक अपनी पत्नी तै अपने समान प्यार करै, अर पत्नी भी अपने पति का डर मानै।

6

1-3 पवित्त्र ग्रन्थ कहवै सै, के “अपने माँ बाप का

आदर कर, तो तेरा भला होगा अर इस धरती पै तेरी उम्र भी लम्बी होवैगी।” अर यो परमेसवर की ओड़ तै दिया गया पैहला हुकम सै, जिसके गैल वादा भी सै। हे बाळकां आळो, यो थारे खात्तर सही सै, के थम जो परमेसवर पै बिश्वास करो सों, तो अपने माँ-बाप का कहणा मान्णो। ⁴ हे बाळकां आळो, अपने बाळकां नै गुस्सा ना दुवाओ, पर शिक्षा अर चेतावनी देंदे होए उनका पालन-पोषण करो।

5 हे नौकरों, जो माणस इस दुनिया म्ह थारे माल्लिक

सै, उनका हुकम डरदे अर कापते होए मान्णो, जिस मन तै थम मसीह का हुकम मान्णो सों। ⁶ माणसां नै खुश करण आळा के समान दिखावटी सेवा ना करो, पर थम मसीह के दास सों, इस करकै थम पूरे मन तै वो काम करो जो परमेसवर चाहवै सै। ⁷ अर उस सेवा नै माणसां की न्ही, पर प्रभु की सेवा जाणके सच्चे मन तै करो। ⁸ क्यूँके थम जाणो सों के जो कोए जिसा आच्छा काम करैगा, चाहे दास हो चाहे आजाद माणस, प्रभु तै उसका फळ पावैगा। ⁹ हे मालिकों, थम भी धमकी देणा छोड़के नौकरां गैल उसाए व्यवहार करो, क्यूँके थम जाणो सों के उनका अर थारा दोनुआ का माल्लिक सुर्ग म्ह सै, अर वो किसे का पक्षपात न्ही करदा।

?????? ???? ? ? ???? ?

10 इस करकै मै कहूँ सूँ के थम प्रभु म्ह आत्मिक रूप तै शक्तिशाली बणो । 11 परमेसवर के सारे हथियार बाँध ल्यो ताके थम शैतान की चालां कै स्याम्ही खड़े रह सको । 12 क्यूँके म्हारा यो आत्मिक युध्द माणसां तै कोनी, पर प्रधानां, अधिकारियां, अर इस संसार के अन्धकार के हाकिमां अर दुष्टता की आत्मिक सेनाओं तै सै, जो अकास म्ह सै । 13 इस करकै परमेसवर के सारे हथियार बाँध ल्यो ताके जिब बुरे दिन आवै तो उनका सामना कर सको, अर सब कुछ करण म्ह मजबुत्ती तै डटे रह सको । 14 इस करकै परमेसवर की सच्चाई के मुताबिक जिओ, यो इस तरियां सै, जिसा एक सिपाही का बेल्ट तै अपणी कमर कसणा, अर धार्मिकता की झिलम पैहर ल्यो जो थारे आच्छे सुभाव नै दिखावै सै, जो थमनै शैतान के हमले तै बचावैगा । 15 जिस तरियां एक सिपाही युध्द लड़ण कै खात्तर पैरां म्ह जूत्ते पैहरै सै, उस्से तरियां थम भी परमेसवर के साथ शान्ति के सुसमाचार के जरिये, शैतान तै लड़ण खात्तर त्यार हो जाओ । 16 अर इन बात्तां के होन्दे होए जिस तरियां सिपाही, ढाल तै अपणे-आपनै दुश्मन के तीरां तै बचावै सै, उस्से तरियां मसीह म्ह पक्का बिश्वास करो ताके थम शैतान के हमलां तै खुद नै बचा सको । 17 जिस तरियां सिपाही युध्द म्ह अपणे सिर नै बचाण खात्तर टोप पैहरै सै, उस्से तरियां परमेसवर की ओड़ तै मिल्या उद्धार भी म्हारा टोप सै, जो थमनै शैतान के हमलां तै बचावैगा, अर जिस तरियां सिपाही युध्द म्ह तलवार तै अपणे-आपनै बचावै सै, अर थम भी आत्मा की तलवार, जो परमेसवर का वचन सै, ले ल्यो, अर शैतान तै खुद नै बचा ल्यो । 18 हरेक बखत अर हरेक ढाळ तै पवित्तर आत्मा की अगुवाई म्ह प्रार्थना अर बिनती करते रहों, इस करकै जागते रहों अर सारे पवित्तर माणसां खात्तर लगातार बिनती करते रहों । 19 अर थम मेरै खात्तर भी प्रार्थना करो, ताके मेरे बोल्लण कै बखत इसे शब्द दिये जावै के मै हिम्मत कै गैल सुसमाचार का भेद बता सकूँ । 20 इस्से खात्तर मै बेल्लां तै जकड़ा होया राजदूत के समान सेवा करण लाग रहया सूँ, प्रार्थना करो के जिस तरियां मन्ने बोलणा चाहिए, उस्से ढाळ बेधड़क होकै सुसमाचार का प्रचार कर सकूँ ।

???? ???? ?

21 तुखिकुस जो प्रभु म्ह मेरा प्यारा भाई अर बिश्वास लायक सेवक सै, वो थारे ताहीं मेरे सारे हालात अर सारी बात्तां के बारें म्ह बता देवैगा । 22 उस ताहीं मन्ने थारे धोरै इस्से खात्तर भेज्या सै के थम म्हारी दशा नै जाणो, अर वो थारे मनां नै होसला दे । 23 परमेसवर पिता अर प्रभु

यीशु मसीह की ओड़ तै बिश्वासी भाईयाँ नै शान्ति अर बिश्वास गैल प्यार मिलै । 24 उन सारा पै अनुग्रह होंदा रहवै, जो म्हारै प्रभु यीशु मसीह तै कदे ना खतम होण आळा प्यार करै सै ।

फिलिप्पी नगर के माणसां ताहीं प्रेरित पौलुस की चिट्ठी

????????

फिलिप्पी नगर के माणसां ताहीं प्रेरित पौलुस की चिट्ठी यूरोप की धरती पै बणाई पैहली कलीसिया ताहीं लिखी गई थी, जिसकी शुरुआत पौलुस नै करी थी। या रोमी प्रान्त के मकिदुनिया परदेस म्ह थी। या चिट्ठी उस बखत लिखी गई थी, जब प्रेरित पौलुस जेळ म्ह था, अर जब वो दुसरे मसीह कार्यकर्ताओं के जरिये अपणे बिरोध के कारण परेशान अर फिलिप्पी की कलीसिया म्ह घणी गलत शिक्षा तै दुखी था। फेर भी या चिट्ठी एक खुशी अर तसल्ली नै दिखावै सै, के सिर्फ यीशु मसीह म्ह पौलुस के गहरे बिश्वास के जरिये समझया जा सकै सै।

इस चिट्ठी का जिब्बे लिखण का कारण यो था, फिलिप्पियों के बिश्वासियाँ ताहीं धन्यवाद देणा, उस दान खात्तर जो उननै पौलुस की जरूरत के बखत पै उस ताहीं भेज्जा था। वो इस मौकै का इस्तमाल उन ताहीं भरोस्सा देण खात्तर करै सै, के वे उसकी अर साथ-साथ खुद अपणी सारी मुसीबतां के बाद भी हिम्मत अर भरोस्सा राखवै सै। वो उनतै बिनती करै सै, के वे स्वार्थी लालसा अर घमण्ड के बदले यीशु के दीन सुभाव नै अपणावै। वो उननै याद करावै सै, के मसीह म्ह उनका जीवन परमेसवर के अनुग्रह का एक दान सै, जो उननै बिश्वास के जरिये पाया सै, ना के यहूदी नियम-कायदा ताहीं पुगाण के जरिये। वो उस आनन्द अर शान्ति के बारे म्ह लिखै सै, जो परमेसवर उन माणसां ताहीं देवै सै, जो मसीह कै गेल्या एकता का जीवन जीवै सै। मसीह बिश्वास अर जीवन म्ह आनन्द, निश्चय, एकता अर मजबुत्ती पै जोर देणा इस चिट्ठी की खासियत सै। या चिट्ठी फिलिप्पी नगर की कलीसिया के प्रति पौलुस के गहरे प्रेम नै दिखावै सै।

रूप-रेखा

जानकारी 1:1-11

पौलुस की निजी हालात 1:12-23

मसीह म्ह जीवन 1:27-2:18

तीमुथियुस अर इपफुरुदीतुस कै खात्तर योजना 2:19-30

दुश्मनां अर खतरां के खिलाफ चेतावनी 3:1-4:9

पौलुस अर उसके फिलिप्पी नगर के मित्तर 4:10-20

समापन 4:21-23

1 या चिट्ठी पौलुस अर तीमुथियुस की ओड़ तै सै, जो यीशु मसीह के दास सै, मै पौलुस कलीसिया के सारे पवित्तर माणसां, अगुवां, अर सेवकां के नाम जो प्रभु यीशु मसीह म्ह होकै फिलिप्पी नगर म्ह रहवै सै। 2 हम प्रार्थना करां सां के म्हारै पिता परमेसवर अर प्रभु यीशु मसीह की ओड़ तै थारे ताहीं अनुग्रह अर शान्ति मिल्दी रहवै।

?????? ?? ?????????????? ?? ???????????

3 मै जब-जब थमनै याद करूँ सूँ, तब-तब अपणे परमेसवर का धन्यवाद करूँ सूँ, 4 अर खुशी कै गैल अपणी हरेक प्रार्थना म्ह थारे सारया खात्तर हमेशा परमेसवर तै मदद की बिनती करूँ सूँ। 5 इस करके के पैहले दिन तै जब थमनै सुसमाचार पै बिश्वास करया, तब तै आज तक थम यीशु मसीह कै प्यार के बारे म्ह सुसमाचार फैलाण म्ह म्हारे साथ रह्ये सां। 6 मन्नै इस बात का भरोस्सा सै, के परमेसवर जिसनै थारे म्ह आच्छा काम शुरु करया सै, वोए उसनै जब यीशु मसीह बोहड़ के आवैगा तब तक पूरा करैगा। 7 सही सै ताके मै थारे सारया खात्तर इसाए विचार करूँ। क्यूँके थारे खात्तर मेरै मन म्ह खास जगहां सै, इब मै कैद म्ह सूँ, अर सुसमाचार की सच्चाई नै साबित अर बचाव करण म्ह लागरया सूँ, तो थम सब मेरै गैल परमेसवर के अनुग्रह म्ह साझीदार सां। 8 इस म्ह परमेसवर मेरा गवाह सै, के मै मसीह यीशु की तरियां लगाव करके, थारे सारया की मिलण की लालसा करूँ सूँ। 9 मै या प्रार्थना करूँ सूँ, के थारा प्यार वास्तविक ज्ञान अर अन्तरात्मा म्ह और भी बढ़ता जावै। 10 ताके थम आच्छी तै आच्छी बात नै चुण सकों, अर मसीह कै बोहड़ण तक हरेक बुराई तै बचे रहों, अर ठोक्कर ना खाओ। 11 अर उस धार्मिकता के काम नै जो यीशु मसीह कै जरिये होवै सै, भरपूर होन्दे जाओ जिसतै परमेसवर की महिमा अर बड़ाई होंदी रहवै।

?????? ?? ??? ?? ?????????????? ?? ???????????

12 हे बिश्वासी भाईयो, मै चाहूँ सूँ के थम यो जाण ल्यो, के जो मेरै पै बित्या सै, उसतै भोत सारे माणसां नै सुसमाचार पै बिश्वास करया सै। 13 उरै ताहीं के महाराजा के राजभवन की सारी पलटन अर बाकी सारे माणस यो जाणगे सै, के मै कैद म्ह सूँ, क्यूँके मै मसीह का दास सूँ। 14 अर प्रभु म्ह जो बिश्वासी भाई सै, उन म्ह तै घणखरे मेरै कैद होण कै कारण, साहस कै गैल परमेसवर का वचन बिना डरे सुणावै सै। 15 कुछ लोग तो जळण अर झगड़े कै कारण मसीह के सुसमाचार के बारे म्ह सुणावै सै, अर कई माणस भली इच्छा तै, ताके

मेरे वचन फैलाण म्ह मदद कर सकै। 16 भली इच्छा तै प्रचार करण आळे प्यार तै प्रचार करै सै, क्यूँके वो जाणै सै, के मै सुसमाचार के बचाव कै खात्तर जेळ म्ह बन्द सू। 17 कई माणस तो जळण अर बिरोध के कारण मसीह का प्रचार करै सै, यो सोचकै के मेरी कैद म्ह मेरै खात्तर और क्लेश पैदा कर सकै। 18 तो के होया? सिर्फ यो के हर ढाळ तै, बुरी इच्छा तै चाहे सच्चाई तै, मसीह के वचन का प्रचार हरेक जगहां करया जाण लागरया सै, अर मै इसतै आनन्दित सू अर आनन्दित रहूंगा भी।

?????? ???? ???? ??

19 क्यूँके मै जाणु सू, के थारी बिनती कै जरिये, अर पवित्र आत्मा जो यीशु मसीह की ओड़ तै आया सै, इसका प्रतिफळ जो मेरे बिश्वास म्ह बणे रहण अर कैद तै लिंकडण का कारण होगा। 20 मै तो याए मन तै लालसा अर आस राखूँ सू, के मै किसे बात म्ह शर्मिन्दा ना होऊँ, पर साहस कै साथ परमेसवर का वचन सुणा सकूँ, जिसा पैहले मन्नै सुण्या था, चाहे मै जिन्दा रहूँ या मरु, मसीह की बड़ाई मेरी देह के जरिये होन्दी रहवै। 21 क्यूँके मेरै खात्तर जिन्दा रहणा मसीह सै, अर मर जाणा और भी आच्छा सै, क्यूँके मै मसीह कै धोरै चला जाऊंगा। 22 पर जै देह तै जिन्दा रहणा ए परमेसवर के काम कै खात्तर फायदेमन्द सै, तो मै न्ही जाणदा के किसनै चुणु। 23 क्यूँके मै उळझन म्ह सू, के मै के करूँ, जी तो करै सै, के मै दुनिया छोड़कै मसीह के धोरै चला जाऊँ, क्यूँके यो घणाए आच्छा सै, 24 पर देह म्ह रहणा थारे कारण और भी जरूरी सै, ताके मै थारी मदद कर सकूँ। 25 इस करकै के मन्नै इसका भरोस्सा सै। मै जाणु सू के मै जिन्दा रहूंगा, बल्के सारा कै गेल्या रहूंगा, जिसतै थमनै बिश्वास म्ह मजबूत कर सकूँ, अर उस म्ह आनन्दित रहों। 26 जब मै थारे धोरै बोहड़ के आऊंगा तो यीशु मसीह जो मेरे जरिये काम करण लागरया सै, उसपै थम गर्व कर सकों सों। 27 सिर्फ इतणा करो, के थारा चाल चलण मसीह कै सुसमाचार कै लायक हो जावै। चाहे मै आकै थमनै देखूँ, चाहे ना भी आऊँ, तोभी थारे बारें म्ह योए सुणु, कै थारा एक ए मकसद हो, अर एक मन होकै बिश्वास तै जो सुसमाचार तै आवै सै, उसकै खात्तर मेहनत करते रहों। 28 अर किसे बात म्ह बिरोधियाँ तै भय ना खाओ। उनके खात्तर विनाश का, अर थारे खात्तर उद्धार का साफ सबूत सै, अर यो परमेसवर की ओड़ तै सै। 29 क्यूँके मसीह कै कारण थारे पै या अनुग्रह होया के ना केवल उसपै बिश्वास करो पर उसकै खात्तर दुख भी ठाओ, 30 अर थमनै उसीए मेहनत परमेसवर कै खात्तर

करणी सै, जिसी थमनै मेरै ताहीं पैहले फिलीपी नगर म्ह करते देख्या सै, अर इब भी सुणो सों के मै उसाए करूँ सू।

2

?????? ?? ???? ?? ???? ??

1 थम यीशु मसीह के कारण उत्साहित हो, अर जो उसका प्यार थारे खात्तर सै, वो थमनै शान्ति देवै सै, क्यूँके पवित्र आत्मा कै गैल थारी संगति सै, अर मसीह की करुणा अर दया थारे पै सै। 2 तो मेरा यो आनन्द पूरा करो के एक मन रहों, अर एके प्यार, एके चित्त, अर एके मनसा राखों। 3 मतलबीपण या झूट्टी बड़ाई कै खात्तर कुछ ना करो, पर दीनता तै एक-दुसरे नै अपणे तै घणा आदर मान द्यो। 4 हरेक अपणे ए हित की न्ही, बल्के दुसरयां कै हित की भी चिंता करै। 5 जिसा मसीह यीशु का सुभाव था उसाए तेरा भी सुभाव हो। 6 यीशु, परमेसवर कै समान होकै भी होकै भी परमेसवर कै बराबर होण नै अपणे बस म्ह राक्खण की चीज ना समझा। 7 बल्के अपणा सारा सुर्गीय हक छोड़ दिया, अर दास का रूप धारण करते होए माणस की समानता म्ह होगया। 8 अर माणस कै रूप म्ह जाहिर होकै अपणे-आपनै दीन करया, अर परमेसवर का आज्ञाकारी रहया अर याडै तक के अपराधियाँ की तरियां मौत, हाँ क्रूस की मौत भी सह ली। 9 इस कारण परमेसवर नै उस ताहीं ऊँची उपाधि दी, अर उसनै वो नाम दिया जो सारे नाम्मां म्ह ऊँचा सै, 10 के जो सुर्ग म्ह अर धरती पै धरती कै नीचवै सै, वे सारी यीशु कै नाम की बड़ाई करै, 11 अर परमेसवर पिता की महिमा के खात्तर हरेक इन्सान मान ले के यीशु मसीह ए प्रभु सै।

?????? ?? ???? ?? ???? ??

12 इस करकै हे मेरै प्यारे बिश्वासी भाईयो, जिस ढाळ थम सदा तै हुकम मानते आये सों, उसाए इब भी ना सिर्फ मेरै गैल रहंदे होए, पर खास करकै इब मेरै दूर रहण पै, भी परमेसवर तै डरदे अर कापते होए अपणे उद्धार के काम नै पूरा करो। 13 क्यूँके परमेसवर थारे म्ह काम करण लागरया सै, अर वोए थमनै अपणी इच्छा अर सामर्थ देवै सै, वो काम करो जो उसनै पसन्द सै। 14 सारे काम बिना कुड़कड़ाए अर बिना विवाद कै करया करो, 15 ताके थम परमेसवर की ऊलाद की तरियां इस दुनिया के बुरे अर मतलबी माणसां के बीच म्ह पवित्र अर बेदाग जीवन जी सकों। दुनिया के माणसां के बीच म्ह थम जीवन का वचन लिये होए, आसमान के तारां के समान चमकों। 16 जब मसीह बोहड़ै तो मन्नै गर्व करण का कारण हो, ताके मेरी कोशिश अर मेरी मेहनत करणा बेकार ना होवै। 17 जब मन्नै थारे ताहीं वचन सुणाया,

तो थमनै यीशु मसीह पै बिश्वास करया, अर अपणा जीवन भी सेवा खात्तर प्रभु ताहीं बलिदान दिया। इस करकै मै प्रभु खात्तर मर भी जाऊँ, तोभी थारे साथ खुश अर आनन्दित सूँ। 18 उस्से तरियां थम भी आनन्दित होओ, अर मेरै गैल आनन्द करो।

?????????? ?? ???????????????

19 मन्नै प्रभु यीशु मसीह म्ह आस सै, के मै तीमुथियुस नै थारे धौरे तावळा-ए भेजूगाँ, ताके थारे हाल नै जाणकै, मै उत्साहित होऊँ। 20 क्यूँके मेरै धौरे तीमुथियुस के जिसा सुभाव आळा माणस और कोए न्ही सै जो शुद्ध मन तै थारी चिंता करै। 21 क्यूँके सारे अपणे स्वार्थ की खोज म्ह रहवै सै, परमेसवर के काम्मां खात्तर न्ही। 22 पर थम जाणो सों, के तीमुथियुस तो बिश्वास लायक अर आच्छे सुभाव का सै, जिसा बेट्टा पिता कै गेल्या रहवै सै, उसाए उसनै सुसमाचार कै फैलाण म्ह मेरै गैल मेहनत करी। 23 इस करकै मन्नै आस सै, कै ज्यो ही मन्नै बेरा लागैगा के मेरा के हाल होगा, त्यो ही मै उसनै तावळी सी भेज देऊँगाँ। 24 अर मन्नै प्रभु म्ह भरोस्सा सै, के मै आप भी तावळा आऊँगा। 25 मन्नै इपफरुदीतुस नै थारे धौरे भेजणा जरूरी समझा, जो मेरा भाई अर सहकर्मी साथी योध्दा, अर जरूरतां म्ह मेरी मदद करण आळा थारी ओड़ तै भेज्जा गया दूत सै। 26 क्यूँके उसका मन थारे सारया म्ह लाग्या रह्या था, अर वो बेचैन रहवै था क्यूँके थमनै उसकी बीमारी का हाल सुण्या था। 27 पक्का वो बीमार तो होग्या था, उरै ताहीं वो मरण पै था, पर परमेसवर नै उस ताहीं मरण न्ही दिया, अर सिर्फ उस्से पै न्ही पर मेरै पै भी दया करी, ताके मन्नै दुख पै दुख ना हो। 28 इस करकै मन्नै उस ताहीं भेजण का और भी जत्न करया, के तू उसतै फेर मिलकै आनन्दित हो जा, अर मेरी भी चिन्ता घट जावै। 29 इस करकै तू प्रभु म्ह उसतै घणे आनन्द कै गैल मिलये, अर इसा का आदर करया करिये। 30 क्यूँके वो मसीह कै काम खात्तर अपणी जान जोखिम म्ह गेर कै मौत कै धौरे आ गया था। ताके वो मेरी मदद कर सकै जिस काम नै थम कर न्ही पाये, क्यूँके थम दूर थे।

3

?????? ???????????????

1 इस करकै हे मेरै बिश्वासी भाईयो, प्रभु म्ह आनन्दित रहों। वेए बात थारे ताहीं बारबार लिखण म्ह मन्नै तो कोए दिक्कत कोनी होन्दी, पर ये बात थमनै इस्से झूठे शिक्षाकां तै बचाकै राखैगी। 2 उन बुरे माणसां तै चौक्कस रहों जो कुत्याँ कै समान सै, अर जो कहवै सै, के उद्धार पाण खात्तर खतना करणा जरूरी सै।

3 हम्मे परमेसवर के सच्चे लोग सां, जो पवित् आत्मा की अगुवाई म्ह आराधना करा सां, अर मसीह यीशु पै घमण्ड करा सां, पर अपणे उन काम्मां के जरिये न्ही जो हम शरीर तै करा सां। 4 पर मै तो शारीरिक काम्मां पै घमण्ड राख सकूँ। जै किसे और का शारीरिक काम्मां पै घमण्ड राखण का विचार हो, तो मै उसतै भी बढ़कै राख सकूँ। 5 परमेसवर के हुकम के मुताबिक जन्म के आठवे दिन मेरा खतना होया, मै जन्म तै इस्राएली अर बिन्यामीन कै गोत्र का सूँ, मेरे माँ-बाप इब्रानी थे, इस करकै मै भी इब्रानी सूँ, अर (मूसा नबी के) नियम-कायदा नै मानण के कारण मै फरीसी भी था। 6 उत्साह कै बारे म्ह जै कहो तो कलीसिया का सतावण आळा, अर सारे यहूदी नियम-कायदा नै मानण आळा था, इस करकै लोग मन्नै धर्मी मान्ने थे। 7 पर जिन बात्तां नै मै लाभ की समझू था, उन ताहीं मन्नै मसीह यीशु कै कारण नुकसान समझ लिया सै। 8 बल्के अपणे प्रभु मसीह यीशु नै आच्छी तरियां जाणण के महत्व कै आगै, मै बाक्की की सारी बात्तां नै बेकार समझूँ। जिसकै कारण मन्नै उन सारी चिज्जां ताहीं छोड़ दिया सै, अर उननै कूड़ा समझूँ। ताके मै मसीह नै आच्छी तरियां जाण सकूँ। 9 अर मै उसका कहलाऊँ, इब मेरी अपणी धार्मिकता वा कोनी जो नियम-कायदा के पुगाण तै आवै सै, बल्के मेरी धार्मिकता वा सै जो सिर्फ परमेसवर की ओड़ तै मसीह पै मेरे बिश्वास करण कै कारण आवै सै। 10 मै चाहूँ सूँ, के मसीह नै जाण ल्यु। अर मै उसके पुनरुत्थान के सामर्थ्य नै अनुभव करूँ, अर उसकै गैल दुखां म्ह साझीदार हो कै मसीह की मृत्यु की समानता नै पा सकूँ। 11 ताके मै भी मरे होए माणसां म्ह तै जी उठण आळा म्ह शामिल हो जाऊँ।

?????????????? ?? ???? ???????

12 इसका यो मतलब कोनी के मन्नै यो सारा काम करया सै, या मै सिध्द हो लिया सूँ, मै आगै बढ़ण की कोशिश करते जाण लागरया सूँ, ताके मन्नै वो मिल जावै, जिसकै खात्तर मसीह यीशु नै मेरै ताहीं चुण्या सै। 13 हे मेरे बिश्वासी भाईयो, मेरे विचार तै मै इस ताहीं इब तक पा न्ही सका सूँ, पर हाँ, मै यो जरूर करण लागरया सूँ, क्यूँके जो बात हो ली सै, मै उननै भूलकै जो आगै होण आळा सै उसकै खात्तर मेहनत करण लागरया सूँ। 14 मै निशान्ने की ओड़ भाज्या चाल्या ज्या सूँ ताके वो ईनाम पाऊँ, अर वो ईनाम यो सै के परमेसवर मन्नै सुर्ग म्ह बुलाण लागरया सै क्यूँके मसीह यीशु मेरे खात्तर मरया। 15 म्हारै म्ह तै जितने आत्मिक रूप तै सिध्द सै, जो इसा विचार राखै सै, अर जै किसे बात म्ह थारा

ए विचार नही हो, तो परमेसवर उस ताहीं भी थारे पै जाहिर कर देगा। ¹⁶ इस करकै हमनै सच के मुताबिक चालणा सै, जो परमेसवर नै म्हारे पै जाहिर करया। ¹⁷ हे मेरे बिश्वासी भाईयो, थारा सुभाव मेरे जिसा हो, अर उन माणसां ताहीं पिच्छाणो, जिनका सुभाव मेरे जिसा सै, अर उनकी तरियां जिन्दगी जिओ। ¹⁸ क्यूँके घणेए इसी चाल चाल्लै सै, जिनका जिक्र मन्नै थारे ताहीं बार-बार करया सै, अर इब भी रो-रोकै कहुँ सूँ के उनका सुभाव यो दिखावै सै, के वे मसीह कै करूस पै मरण के सन्देस का बिरोध करै सै। ¹⁹ उनका अंत विनाश सै, वो अपनी शारीरिक इच्छा नै ए पूरी करणा चाहवै सै, अर वे अपनी शर्म के काम जो वे करै सै, उनपै घमण्ड करै सै, अर दुनियावी चिज्जां के बारें म्ह सोचते रहवै सै। ²⁰ पर म्हारा देश सुर्ग म्ह सै, अर हम एक उद्धारकर्ता प्रभु यीशु मसीह के ओड़ै तै आण की बेसबरी तै बाट देखण लाग रहे सां। ²¹ वो अपनी शक्ति कै असर कै मुताबिक जिसकै जरिये वो सारी चिज्जां नै अपने बस म्ह कर सकै सै, म्हारी दीन-हीन देह का रूप बदलकै, अपनी देह कै अनुकूल बना देगा।

4

????????????????????

¹ हे मेरे बिश्वासी भाईयो, मै थारे ताहीं भोत प्यार करूँ सूँ, मन्नै थारे तै मिलण की बड़ी इच्छा सै। थम मेरा आनन्द अर मुकुट हो, मजबुती तै बिश्वास करो, अर प्रभु के हुकम नै मानते रहो। ² मै यूओदिया नै भी समझाऊँ सूँ, अर सुन्तुखे नै भी, के थम आप्पस म्ह एक-दुसरे तै बहस मत करो। ³ हे मेरे सच्चे सहकर्मी, मै तेरे तै भी बिनती करूँ सूँ के तू उन बिबानियाँ की लड़ाई बन्द करवाण म्ह मदद कर, क्यूँके उननै मेरै गैल सुसमाचार फैलाण म्ह, क्लेमैस अर मेरै और सहकर्मियाँ गैल मेहनत करी, जिनके नाम जीवन की किताब म्ह लिखे होए सै। ⁴ प्रभु म्ह सदा आनन्दित रहो, मै फेर कहुँ सूँ, आनन्दित रहो। ⁵ थारी कोमलता सारे माणसां पै जाहिर हो। प्रभु का आणा लोवै सै, ⁶ किसे भी बात की चिंता ना करो, पर हर हालात म्ह थारे निवेदन, प्रार्थना, बिनती अर धन्यवाद कै गैल परमेसवर कै आगुँ पेश करै जावै। ⁷ फेर परमेसवर की शान्ति, जो माणस की समझ तै परै सै, थारे मन अर विचारां नै मसीह यीशु म्ह सुरक्षित राखेगी। ⁸ इस करकै हे बिश्वासी भाईयो, जो बात सच सै, जो बात आदरणीय, जो धर्मी सै, पवित्र सुहावनी अर जो-जो बात बड़ाई लायक सै, यानी जो भी सद्गुण अर प्रशंसा की बात सै उनपै ए मन लगाया करो। ⁹ जो बात थमनै मेरै तै सुणी, मेरे म्ह देखी, सीखी, अर पाई

सै, उननै मान्या करो, फेर शान्ति का परमेसवर थारे गैल रहैगा।

????????????????

¹⁰ मै प्रभु मै घणा आनन्दित सूँ के जब इतने दिनां के पाच्छै थारी चिंता मेरै बारें म्ह फेर जागगी सै, पक्का थारे शरुआत म्ह भी इसका विचार था, पर थमनै मौक्का नही मिला। ¹¹ क्यूँके मेरे धोरे वो कोनी जो मन्नै चाहिए, पर मन्नै यो सिख्या सै के मै जिन हालातां म्ह मै सूँ, उस्से म्ह सबर करूँ। ¹² मन्नै कंगाली अर भरपूरी म्ह रहणा सीख लिया सै, हरेक हालातां अर हरेक बात म्ह मन्नै तृप्त अर भूक्खा रहणा, बढ़णा अर घटणा सीख लिया सै। ¹³ मसीह मन्नै सामर्थ देवै सै उस म्ह मै सब कुछ कर सकूँ सूँ। ¹⁴ तोभी थमनै भला करया के मेरै क्लेश म्ह मेरे साझीदार होए। ¹⁵ हे फिलिप्पी नगर के माणसां, थम आप भी जाणो सां के सुसमाचार कै शरुआत म्ह, जब मै मकिदुनिया परदेस तै बिदा होया, जब थारे अलावा किसे कलीसिया के बिश्वासी नै लेण देण कै बारें म्ह मेरी मदद नही करी। ¹⁶ इसे ढाळ थिस्सलुनीके नगर म्ह मेरी जरूरतां नै पूरा करण म्ह थमनै दो बार रपिये भेजके मेरी मदद करी। ¹⁷ मै यो नही लिखता, के मै दान चाहूँ सूँ पर मै चाहूँ सूँ के थारे दान के बदले थमनै आशीष मिलै। ¹⁸ मेरै धोरे सब कुछ सै, बल्के भोत घणाए सै, जो चीज थमनै इपफरुदीतुस कै हाथ तै भेजी थी उननै पाके मै तृप्त होगया सूँ, थारे दान तो मनमोहक सुगन्धित भेट की तरियां सै, अर उस बलिदान की तरियां सै, जो याजक परमेसवर नै चढ़ावै सै, अर वे उसनै भावै सै। ¹⁹ म्हारा पिता परमेसवर, अपने अपार धन के मुताबिक जो महिमा समेत मसीह यीशु म्ह थारी हरेक जरूरत नै पूरी करैगा। ²⁰ म्हारै परमेसवर अर पिता की बड़ाई युगानुयुग होंदी रहवै। आमीन।

????????????????

²¹ यीशु मसीह म्ह सभी पवित्र माणसां नै, मेरी ओड़ तै नमस्कार कहो। जो बिश्वासी भाई मेरै गैल सै वे थारे ताहीं नमस्कार कहवै सै। ²² सारे पवित्र माणस, जो मेरे साथ सै, अर खास करके वे माणस जो कैसर के घराने तै बिश्वासी बणे सै, थारे ताहीं नमस्कार कहवै सै। ²³ म्हारै यीशु मसीह का अनुग्रह थारी आत्मा कै गैल रहवै।

कुलुस्से नगर के माणसां ताहीं प्रेरित पौलुस की चिट्ठी

????????

कुलुस्से नगर के माणसां ताहीं पौलुस प्रेरित की चिट्ठी एशिया माइनर के कुलुस्से नगर की कलीसिया ताहीं लिखी गई थी, जो इफिसुस नगर के पूरब दिशा म्ह था। इस कलीसिया ताहीं पौलुस नै कोनी बनाया, पर या उस जगहां म्ह थी जिसकी जिम्मेदारी पौलुस अपने कान्धयां पै महसूस करै था, जिसा के हम पौलुस तै रोमी राज्य के एक परदेस, अखाया की राजधानी इफिसुस नगर सै, मसीह सेवकां ताहीं भेजदे होए पावां सां। पौलुस ताहीं यो बेरा लाग्या था के कुलुस्से नगर की कलीसिया म्ह कुछ गलत शिक्षा देणीये थे, जो इस बात पै जोर देवै थे के परमेसवर ताहीं जाणण अर पूरी तरियां मुक्ति पाण खात्तर एक आदमी ताहीं कुछ खास “आत्मिक प्रधानां अर अधिकारियां” की भगति करणी जरूरी था। इसके साथ-साथ ये शिक्षा देणीये कहवै थे के माणस ताहीं कुछ खास धर्म-विधियां जिस तरियां खतना करवाणा, खाणा, अर कई दुसरी बात्तां तै जुड़े कठोर नियमां का पालन करणा जरूरी सै। पौलुस इन सारी शिक्षा का बिरोध करण खात्तर सच्चे मसीह सन्देश के साथ या चिट्ठी लिखै सै। उसके जवाब म्ह मर्म यो सै, के यीशु मसीह पूरी तरियां मुक्ति देण म्ह सामर्थी सै, अर दुसरा बिश्वास अर रीति-रिवाज सच म्ह माणस नै उसतै दूर कर देवै सै। मसीह के जरिये परमेसवर नै इस सृष्टि की रचना करी, अर इब उसके जरिये ए वो अपने धरै उल्टा ल्यावै सै। सिर्फ मसीह म्ह ए दुनिया ताहीं उद्धार की आशा सै। पौलुस जब बिश्वासियां के जीवन खात्तर इस बड़ी शिक्षा का मतलब बतावै सै। तो या ध्यान देण आळी बात सै, के तुखिकुस, जो पौलुस की या चिट्ठी कुलुस्से नगर लेग्या था, के साथ म्ह उनेसिमुस भी था यो गुलाम जिसके पक्ष म्ह पौलुस नै फिलेमोन की चिट्ठी लिखी थी।

रूप-रेखा

जानकारी 1:1-8

मसीह का सुभाव अर काम 1:9-2:19

मसीह म्ह नया जीवन 2:20-4:6

समापन 4:7-18

????????

1 या चिट्ठी पौलुस अर म्हारे बिश्वासी भाई तीमुथियुस की ओड़ तै सै, जो परमेसवर की इच्छा तै

मसीह यीशु का प्रेरित सै।² मसीह म्ह उन पवित्तर अर बिश्वासी भाईयां के नाम जो कुलुस्से नगर म्ह रहवै सै: म्हारा पिता परमेसवर थारे ताहीं अनुग्रह अर शान्ति देदा रहवै।

????????

3 जब हम थारे खात्तर बिनती करां सां, तो हम अपने प्रभु यीशु मसीह के पिता, यानी परमेसवर का धन्यवाद करा सां।⁴ क्यूंके हमनै सुण्या सै के यीशु मसीह पै थारा बिश्वास सै, अर सारे पवित्तर माणसां तै थम प्यार करो सो।⁵ जो बिश्वास अर प्यार इन बिश्वासी भाईयां के धरै सै, वो उस आस की बजह तै ए सै, जो थारे खात्तर सुर्ग म्ह धरी सै, जिसका वर्णन थमनै पैहले तै सुण राख्या सै। जब माणस थारे धरै आए अर यीशु मसीह का सुसमाचार थारे ताहीं सुणाया, जो के परमेसवर का वचन सै।⁶ जो थारे धरै पोहचा सै, अर जिसा दुनिया म्ह यो नतिज्जा ल्याण लागरया सै अर दुनिया म्ह हरेक जगहां फैलण लागरया सै, उस्से तरियां जिस दिन तै थमनै उस ताहीं सुण्या अर या सच्चाई आच्छी तरियां समझी के परमेसवर मुफ्त म्ह उन माणसां का पाप माफ करै सै जो यीशु पै बिश्वास करै सै। थारे म्ह भी इसाए करै सै।⁷ उस्से की शिक्षा थमनै म्हारे गैल काम करणीये प्यारे इपफ्रास तै पाई, जो म्हारे खात्तर मसीह का बिश्वास लायक दास सै।⁸ उस्से नै म्हारे ताहीं पवित्तर आत्मा के प्यार के बारे म्ह बताया सै, जो परमेसवर नै म्हारे ताहीं दिया सै।⁹ इस करके जिस दिन तै हमनै यो सुण्या सै, हम भी थारे खात्तर सदा प्रार्थना करां सां। के थम परमेसवर का आत्मा थारे ताहीं आत्मिक ज्ञान अर समझ देवै, ताके थम उसकी इच्छा नै समझ सको।¹⁰ थारा बरताव इसा होणा चाहिए जिसा परमेसवर के माणसां का हो सै, ताके थम परमेसवर नै हरेक काम म्ह खुश कर सको, ताके थम सारी हाण भले काम करते रहों अर थम परमेसवर की पिच्छाण म्ह बढ़ते जाओ।¹¹ उसकी महिमा की शक्ति के मुताबिक सारी ढाळ की सामर्थ तै शक्तिशाली होन्दे जाओ, ताके थम खुशी अर धीरज के गैल दुखां नै सह सको।¹² अर पिता परमेसवर का धन्यवाद करते रहो, जिसनै थारे ताहीं इस लायक बनाया के थम उसके राज्य म्ह साझीदार हो सको, जो उसनै अपने माणसां खात्तर सुर्ग म्ह तैयार करया सै।¹³ उस्से नै म्हारे ताहीं शैतान की सामर्थ तै छुड़ाके अपने प्यारे बेटे के राज्य म्ह दाखल कराया, ¹⁴ जिसतै अपने बेटे की कुरबान्नी के जरिये म्हारे ताहीं छुटकारा दिया, यानी पापां की माफी।

????????

¹⁵ परमेसवर नै कोए न्ही देख सकता, पर जब उसका बेटा यीशु मसीह इन्सान की देह धारण करके इस

धरती पै आया तो हम उसनै जाण पाए के परमेसवर किसान सै, वो बिलकुल उसके समान सै। 16 क्यूँके मसीह नै परमेसवर के साथ मिलके सारी चिज्जां की सृष्टि करी, सुर्ग की हो या धरती की, देखी या अनदेखी, के सिंहासन, के प्रभुताएँ, के प्रधानताएँ, के हक, सारी चीज उससे कै जरिये अर उससे खात्तर बणाई गई। 17 सारी चिज्जां के बणण तै पैहला मसीह था, अर सारी चीज उससे म्ह मिलके काम करै सै। 18 मसीह की देह कलीसिया नै चलावै सै, जिस तरियां सिर पूरे देह नै चलावै सै, यानी मसीह कलीसिया का सिर सै, वोए शुरुआत सै, अर मरे होया म्ह तै जी उठण आळा म्ह जेट्ठा सै, ताके सारी बात्तां म्ह वोए प्रधान बणै। 19 क्यूँके पिता परमेसवर की खुशी इस्से म्ह सै के मसीह म्ह परमेसवर की सारी भरपूरी रहवै। 20 अर उसके कूरूस पै बहे होए लहू कै जरिये मेळ-मिलाप करके, परमेसवर नै अपने बेटे ताहीं भेज्जा, जिसनै अपना लहू बहाया अर अपनी जाण दे दी। परमेसवर नै यो इस खात्तर करया ताके उसका अर सारी चिज्जां तै दुबारा मेळ हो सकै। इस तरियां तै उसनै अपने बीच अर सारी चीज जो सुर्ग म्ह सै या अर सारी चीज जो धरती पै सै शान्ति की स्थापना करी। 21 थम जो पैहले पराये थे अर बुरे काम्मां के कारण मन तै बैरी थे। 22 परमेसवर नै इब अपने बेटे ताहीं इन्सान बणाके भेज्जा ताके वो कूरूस पै मारया ज्या, जिसकी बजह तै थारा भी मेळ करवाया ताके थमनै अपने आगूँ पवित्तर अर बिना कलंक अर बेकसूर बणाके खड्या करै। 23 जै थम मसीह म्ह बिश्वास करो सों, अर थारा बिश्वास उस घर की तरियां हो जो मजबूत नीम पै खड्या सै, अर उस सुसमाचार की आस नै ना छोड़ो, जिस ताहीं थमनै सुण्या सै, जिसका प्रचार दुनिया के माणसां म्ह करया गया सै, उसका मै, पौलुस, वचन का सुणण आळा बणया।

???????? ? ? ????-??????

24 मै उन दुखां के कारण आनन्दित सूं, जो थारे खात्तर ठाऊँ सूं अर मसीह के क्लेश की कमी उसकी देह के खात्तर, यानी कलीसिया के खात्तर, अपने गात म्ह पूरी करूं सूं, 25 इस्से कलीसिया के खात्तर मै थारे खात्तर परमेसवर के जरिये सौंपी गई सेवा के मुताबिक दास चुण्या गया के मै परमेसवर के आदेश नै पूरी तरियां प्रचार करूं। 26 यानी उस राज नै जो बखत अर पीढ़ियाँ तै गुप्त रह्या, पर इब उसके उन पवित्तर माणसां पै दिख्या सै। 27 परमेसवर चाहवै सै के मसीह के धन अर महिमा नै गैर यहूदियाँ के माणस जाणै सै, अर वो राज यो सै के मसीह थारे म्ह रहवै सै, यो थमनै परमेसवर की महिमा नै

साँझा करण की आस देवै सै। 28 इस खात्तर हम दुसरयां नै मसीह के बारे म्ह बतावां सां, अर हरेक आदमी नै चेतावनी देवा सां अर परमेसवर के दिए गए ज्ञान तै हरेक आदमी नै सिखावा सां, हरेक आदमी नै मसीह म्ह सिध्द करके परमेसवर के स्याम्ही पेश करणा चाहवां सां। 29 इस्से ताहीं पूरा करण खात्तर मै भोत मेहनत अर कष्ट सहू सूं। उस सामर्थ के जरिये जो मसीह देवै सै अर जो मेरे म्ह काम करण लागरया सै।

2

1 मै चाहूं सूं के थम जाण ल्यो के थारे अर उनके खात्तर जो लौदीकिया नगर म्ह सै अर उन सारया खात्तर जिनतै मै न्ही मिला, मै उनके खात्तर किसी मेहनत करूं सूं। 2 मै इस खात्तर मेहनत करूं सूं ताके मै उनके बिश्वास नै मजबूत कर सकूं। थारा एक-दुसरे के खात्तर प्यार थारे ताहीं आप्स म्ह बाँधके राखै, मै चाहूं सूं के उननै पूरा भरोस्सा हो क्यूँके उन ताहीं परमेसवर की गुप्त योजना की पूरी समझ सै, जो के मसीह सै ए। 3 परमेसवर ए सै जो बुद्धि अर ज्ञान की समझ देवै सै जो छिपे होए खजाने की ढाळ सै। 4 यो मै इस करके कहूं सूं के कोए आदमी थमनै झूठी शिक्षा तै ना भरमावै। 5 हालाकि मै थारे तै दूर सूं, तोभी मै थारे बारे म्ह सोचता रहूं सूं, अर जिसा थमनै जीणा चाहिए उसा जीवन अर थारे मजबूत बिश्वास नै देखके जो मसीह म्ह सै, मै राज्जी होऊँ सूं।

?????? ???? ???? ? ? ??????

6 इस करके जिस तरियां थमनै मसीह यीशु ताहीं प्रभु करके मान लिया सै, उससे तरियां उस ताहीं मानते रहो। 7 थारा मसीह पै बिश्वास उस जमीन म्ह लगाये गये पेड़ की तरियां हो, जिसकी जड़ गहरी अर मजबूत हो सै। बिश्वास म्ह मजबूत होन्दे जाओ, जिसा के थारे ताहीं सिखाया गया सै, अर सदा परमेसवर का धन्यवाद करते रहो। 8 इस कारण हम मानवीय शिक्षा का पालन न्ही करणा चाहन्दे, ताके कोए थमनै उस बेकार ज्ञान अर धोक्खे के जरिये अपने बस म्ह ना करले, जो माणसां के रिवाज अर दुनियावी शिक्षा के मुताबिक तो सै, पर मसीह के मुताबिक कोनी। 9 थारे ताहीं ये लोग धोक्खा ना देण पावै, जिब के मसीह नै मानव रूप धारण करया पर वो पूरी तरियां तै परमेसवर था। 10 अर हरेक शक्ति अर प्रधानता पै उसका अधिकार सै। जै थम मसीह के कहलाओ हो, तो थमनै किसे चीज की कमी कोनी। 11 जिब थम मसीह म्ह बिश्वास करो सों, तो थारा माणसां के जरिये खतना कोनी करया जान्दा, पर मसीह के जरिये करया जावै सै, जो के खुद ताहीं पापमय

सुभाव तै दूर करणा सै। 12 जिब थारा बपतिस्मा होया (यो थारा पापमय सुभाव दिखावै सै) तो थम मसीह की तरियां गाड़े गये, अर जिसा मसीह जिवाया गया, अर उस्से तरियां थम भी जिन्दा करे गए (नये सुभाव तै)। यो इस खात्तर होया क्यूँके थम विश्वास करो सों, के परमेसवर नै मसीह ताहीं अपणी शक्ति तै मुदां म्ह तै जिवाया। 13 थम जो अपणे कसूर अर अपणे पापमय सुभाव तै आजाद न्ही थे, परमेसवर नै थारे ताहीं भी मसीह के गैल जिवाया, अर म्हारे सारे कसूर माफ कर दिए। 14 अर इसा लागै सै जिसा परमेसवर नै म्हारे पापां का वो लेख मिटा दिया, जो म्हारे खिलाफ इल्जाम नै बतावै थे। जिब मसीह ताहीं कूरूस पै कील्लां तै जकड़ा गया तो उसनै उस लेख ताहीं पूरी तरियां हटा दिया। 15 अर उसनै प्रधानता अर अधिकारां ताहीं हरा के उनका खुल्लमखुल्ला तमाशा बनाया अर कूरूस के जरिये उनपै जयजयकार की आवाज सुणाई। 16 इस करके थमनै कोए धोक्खा ना देवै, अर ना कोए थमनै खाण-पीण या त्यौहार, नये चाँद अर आराम के दिन के बारे म्ह परखे। 17 क्यूँके ये सारी आण आळी बात्तां की छाया सै, पर मूल चीज मसीह की सै। 18 कोए आदमी झूठ्ठी विनम्रता अर सुगंदूत्तां की पूजा करा के थारे ताहीं दौड़ के ईनाम तै राख ना दे। इसा आदमी देखी होड़ बात्तां म्ह लाग्या रहवै सै अर अपणी शरीरिक समझ पै बेकार फुल्लै सै, 19 उसनै विश्वास अर मसीह का सच्चा सन्देश सिखाणा छोड़ दिया सै, जो के देह म्ह सिर की तरियां सै। जिस तरियां एक सिर देह नै निर्देश देवै सै, उस्से तरियां मसीह अपणे लोग्गां ताहीं निर्देश देवै के वे एक साथ अर एक जुट रहवै जिस तरियां देह के जोड़ अर नस देह नै पकड़ै सै, अर यो बढै सै, जिस तरियां परमेसवर उन ताहीं बढ़ाणा चाहवै सै।

???? ? ? ? ? ? ? ? ? ? ? ? ? ? ? ? ?

20 जिब के थम मसीह के गैल दुनिया की पुराणी शिक्षा की ओड़ तै मरगे सों, तो फेर क्यूँ उनकी तरियां जो दुनिया के सै जीवन बिताओ सों? थम इसी विधियाँ के बस म्ह क्यूँ रहों सों, 21 के ना तो “इसनै छुईये,” ना “उस ताहीं खाके देखिये,” अर ना उसके हाथ लगाईये? 22 ये सारी चीज काम म्ह लाँदे-लाँदे नाश हो जावैगी, क्यूँके ये माणस के हुकम अर शिक्षा के मुताबिक सै। 23 ये तीन नियम बुद्धिमानी का राह दिखावै सै, जो ये सै, खुद ताहीं परमेसवर के प्रति समर्पित करणा, झूठ्ठी विनम्रता अर अपणी देह के गैल कठोरता तै बरताव करणा। पर माणस इन विधियाँ नै मान्ने सै, तोभी पापमय सुभाव नै न्ही छोड़ पान्दा।

3

1 यो इसा सै, के मान्ने जणु परमेसवर नै थारे ताहीं मुदां म्ह तै जिवा दिया हो, जिस तरियां उसनै मसीह ताहीं मुदां म्ह तै जिवाया, तो सुर्गीय चिज्जां की खोज म्ह रहों, जड़ै मसीह परमेसवर के साथ महिमाय जगहां म्ह बैठचा होया सै। 2 धरती पै की न्ही पर सुर्गीय चिज्जां पै ध्यान लगाओ, 3 क्यूँके यो इसा सै थम तो मर गये जिब मसीह मारा गया अर थारा जीवन मसीह के गैल परमेसवर म्ह छिप्या होया सै। 4 जिब मसीह जो म्हारा जीवन सै, बोहड़ के आवैगा, तो थम भी उसके गैल दिखोगे अर उसकी महिमा म्ह शामिल होओगे।

???????? ? ? ? ? ? ? ? ? ? ? ? ? ? ? ? ?

5 इस करके अपणे उन बुरे काम्मां नै छोड़ द्यो जो थारे पापमय सुभाव का कारण बणै सै, जो धरती पै सै, यानी जारी, अशुद्धता, दुष्कामना, बुरी लालसा अर लालची ना बणो यो मूर्तिपूजा के बराबर सै। 6 क्यूँके माणस ये बुरे काम करै सै, इस कारण परमेसवर उन ताहीं बड़डा दण्ड देवैगा। 7 अर थम भी, जिब इन बुराईयां म्ह जीवन बिताओ थे, तो इन बुरी लालसा के मुताबिक जिओ भी थे। 8 पर इब थम भी इन सारया नै, यानी छो रोष, बैरभाव, बुराई अर मुँह तै गाळी बकणा ये सारी बात छोड़ द्यो। 9 एक-दुसरे तै झूठ ना बोल्लो, क्यूँके थमनै बुरा सुभाव अर बुरे काम छोड़ दिये सै। 10 अर इब थमनै नये सुभाव ताहीं धारण कर लिया सै, यो नया सुभाव ज्यादा तै ज्यादा म्हारे रचण आळे के मुताबिक बणण लागरया सै, ताके हम उसनै आच्छी तरियां जाण पावां। 11 इस नई जिन्दगी म्ह कोए फर्क कोनी पड़ता चाहे यूनानी हो या यहूदी हो, खतना हो या खतनारहित हो, जंगळी हो या असभ्य हो, दास हो या आजाद हो, पर मसीह ए सै, जो सब तै खास सै अर वो हम सब म्ह बसै सै। 12 क्यूँके परमेसवर नै थारे ताहीं पवित्र माणस बणण खात्तर चुण्या सै, अर वो थारे ताहीं प्यार करै सै, इस करके बड़ी करुणा, भलाई, दीनता, नम्रता, अर सहनशीलता नै धारण करो। 13 अर जै किसे नै किसे पै दोष लगाण का कोए कारण हो, तो एक-दुसरे की सह ल्यो अर एक-दुसरे के कसूर माफ करो, जिस तरियां प्रभु नै थारे कसूर माफ करे, उस्से तरियां थम भी करो। 14 इन सारा तै बढके थम जो काम कर सकों सों, वो यो सै, के थम एक-दुसरे तै प्यार करो, प्यार ही सै जो म्हारे ताहीं एक-दुसरे के गैल एकता म्ह जोड़े राखवै सै। 15 जो शान्ति मसीह देवै सै, वा थारे दिलां पै राज करैगी, क्यूँके थम सारे एक देह के अंग सों, इस करके थारे ताहीं एक-दुसरे के साथ शान्ति तै रहण के खात्तर बुलाया गया

सै, अर थम सदा उसका धन्यवाद करदे रहों। 16 हर बखत मसीह कै वचन कै उप्पर ध्यान करते रहवों ताके थारा सोचणा अर काम करणा उसके मुताबिक हो, अर सिध्द ज्ञानसुधा एक-दुसरे नै सिखाओ अर समझाओ, अर अपणे-अपणे मन म्ह धन्यवाद कै गैल परमेसवर कै खात्तर भजन अर जै-जै कार अर आत्मिक गीत गाओ। 17 वचन म्ह या काम म्ह जो किमे भी करो, सारा प्रभु यीशु मसीह कै नाम तै करो, अर उसके जरिये परमेसवर पिता का धन्यवाद करो।

१११ १११११ ११ १११११११११ १११११

18 हे पत्नियों, जिसा प्रभु म्ह सही से, उसाए अपणे-अपणे धणी कै अधीन रहो। 19 हे पतियों, अपणी-अपणी घरआळी तै प्यार राक्खो, अर उनके गैल नरमाई तै पेश आओ। 20 हे बाळकों, सारी बातों म्ह अपणे-अपणे माँ बाप के हुकम नै मान्नों, क्यूँके प्रभु इसतै खुश होवै सै। 21 हे बाळकां आळो, अपणे बाळकां नै तंग ना करो, इसा ना होके वे परेशान हो जावै। 22 हे सेवको, जो इस दुनिया म्ह थारे माल्लिक सै, सारी बातों म्ह उनके हुकम का पालन करो, माणसां नै राज्जी करण आळा कै समान दिखाण कै खात्तर न्ही, पर मन की सीधाई अर परमेसवर कै डर तै। 23 जो किमे थम करो सों, पूरे मन तै करो, यो समझके के माणसां कै खात्तर न्ही पर प्रभु कै खात्तर करो सों, 24 याद राक्खों परमेसवर थमनै ईनाम देवैगा, या फेर वो थमनै आशीष म्ह साझीदार करैगा जो उसनै अपणे माणसां कै खात्तर राक्खी सै, क्यूँके थम मसीह यीशु की सेवा करो सो। 25 जो बुरा काम करै सै, परमेसवर हरेक ताहीं उसकी बुराई का उसनै दण्ड देवैगा, क्यूँके परमेसवर किसे कै गैल पक्षपात कोनी करदा।

4

1 हे मालिकों, अपणे-अपणे नौकरां कै गैल न्याय अर एक सा बरताव करो, या समझके के सुर्गा म्ह थारा भी एक माल्लिक सै।

११ १११११११११११ १११११

2 प्रार्थना म्ह लाग्गे रहो, अर जब प्रार्थना करो तो सावधान रहियो अर परमेसवर का धन्यवाद हमेशा करते रहो। 3 अर उसके गैल ए गैल म्हारे खात्तर भी प्रार्थना करते रहो के परमेसवर म्हारै खात्तर वचन सुणाण का इसा द्वार खोल दे, के हम मसीह कै उस भेद का वर्णन कर सकां जिसके कारण मै कैद म्ह सूँ, 4 प्रार्थना करो के मै स्पष्ट रूप तै अर खुल्ले तौर पै मसीह के भेद नै बता पाऊँ। 5 अबिश्वासी कै गैल जब बात करो तो उस मौक्के का सही इस्तमाल करो। 6 थारा बोलणा सदा अनुग्रह समेत सलोना हो ताके थमनै हरेक माणस ताहीं बढिया ढाळ तै जवाब देणा आ जावै।

११११ १११११११११

7 प्यारे बिश्वासी भाईयो अर बिश्वास लायक दास तुखिकुस, जो प्रभु म्ह मेरै गैल दास सै, वो थमनै सारी बात बता देगा। 8 उस ताहीं मन्नै इस खात्तर थारे धोरै भेज्जा, ताके थमनै म्हारे हाल का बेरा पाट जावै अर वो थमनै उत्साहित करैगा। 9 उसके गैल मन्नै उनेसिमुस ताहीं भी भेज्जा सै, जो बिश्वास लायक अर पिरय बिश्वासी भाई सै, अर वो भी थारे ए नगर का सै, ये थमनै याडै की सारी बात बता देंगे। 10 मेरै गैल कैदी अरिस्तर्खुस अर मरकुस की ओड़ तै थमनै नमस्कार, मरकुस जो बरनबास का चचेरा भाई सै, जिसके बारे म्ह थमनै चिट्ठी मिली सै, के जै वो थारे धोरै आवै, तो उसतै आच्छी ढाळ बरताव करियो। 11 अर यीशु जो यूस्तुस कुह्वावै सै, थारे ताहीं नमस्कार कहवै सै। यहूदी बिश्वासियाँ म्ह तै सिर्फ ये तीन माणस सै, जो परमेसवर कै राज्य कै खात्तर मेरै गैल काम करणीये अर मेरै उत्साहित होण का कारण सै। 12 इपफ्रास, जो थारे नगर का सै, अर मसीह यीशु का दास सै, थारे तै नमस्कार कहवै सै। वो सदा थारे खात्तर मन लगाके प्रार्थना करै सै, अर परमेसवर तै सदा बिनती करै सै, के परमेसवर थमनै मजबूत अर सिध्द बणावै, अर थमनै पूरा भरोस्सा हो के थम परमेसवर की इच्छा का पालन करो सों। 13 मै उसका गवाह सूँ, के वो थारे खात्तर अर लौदीकिया अर हियरपुलिस नगर के माणसां कै खात्तर बड़ी मेहनत करदा रहवै सै। 14 म्हारे पिरय वैद लूका अर देमास का थारे ताहीं नमस्कार। 15 लौदीकिया नगर के बिश्वासी भाईयाँ नै, अर नुमफास अर उनके घर की कलीसिया नै नमस्कार कहिये। 16 जब या चिट्ठी थम पढ़ ल्यो तो इसा करियो के लौदीकिया की कलीसिया म्ह भी या पढ़ी जावै, अर वा चिट्ठी जो लौदीकिया तै आवै उसनै थम भी पढ़ईयो। 17 अर अरखिप्पुस तै कहिये के जो सेवा प्रभु म्ह तेरे ताहीं सौप्यी गयी सै, पक्का इरादा करो के उस सेवकाई नै पूरा कर सको। 18 मै (पौलुस) अपणे हाथ्यां तै थमनै नमस्कार लिखूँ सूँ। याद राखियो के मै कैद म्ह सूँ, अर मेरे खात्तर प्रार्थना करो। परमेसवर का अनुग्रह थारे पै होंदा रहवै। आमीन।

थिस्सलुनीकियों नगर के माणसां ताहीं प्रेरित पौलुस की पैहली चिट्ठी

????????

रोमी राज म्ह घणेए परदेस थे, उन म्ह तै मकिदुनिया परदेस एक था अर थिस्सलुनीके नगर उसकी राजधानी था। फिलिप्पी शहर तै आण के बाद पौलुस नै याडै एक कलीसिया बणाई थी। याडै भी, तावळी ए उन यहूदिया गैल बिरोध शरु होगया, जो गैर-यहूदियों म्ह पौलुस के मसीह सन्देश की कामयाबी तै जळै थे, जो के गैर यहूदी, यहूदी धर्म म्ह दिलचस्पी राक्खै थे। आखर म्ह पौलुस नै थिस्सलुनीके नगर छोड़णा पड्या, अर वो बिरिया नगर चला गया। बाद म्ह, जब वो कुरिन्थुस नगर पोहचा, तो पौलुस नै अपने साथी तीमुथियुस के जरिये व्यक्तिगत रूप तै थिस्सलुनीके नगर की कलीसिया कै मौजूदा हाल के बार म्ह समाचार मिल्या। यो समाचार मिल्या पाच्छै थिस्सलुनीकियों नगर के नाम पौलुस प्रेरित की पैहली चिट्ठी बिश्वासियाँ म्ह हिम्मत बढ़ाण अर तसल्ली देण के खात्तर लिखी गई। वो उनके बिश्वास अर प्रेम के बारे म्ह सन्देश कै खात्तर आभार प्रगट करै सै। वो उननै अपने जीवन की याद दुवावै सै, जो उसनै उनके साथ रहन्दे होए बिताया था। जब वो मसीह के दुबारा आण तै जुड़े सवालां का जवाब देवै सै, जो उस कलीसिया म्ह उठरे थे। सवाल यो था, कै एक बिश्वासी, जो मसीह के दुबारा आण तै पैहल्याए मर जावै सै, उस जीवन का भागी होवैगा ताके जो उसके आण तै मिलण आळा सै? मसीह का दुसरा आगमन कद होवैगा? पौलुस इस मौकै पै उननै यो बतावै सै, के उस हालत म्ह जब कै थम मसीह के दुसरे आगमन की आशा म्ह बाट देखण लागरे सों, चुपचाप अपने काम म्ह लागरे रहो।

रूप-रेखा

जानकारी 1:1

धन्यवाद अर बड़ाई 1:2-3:13

मसीह चाल-चलण तै जुड़े उपदेश 4:1-12

मसीह के दुसरा आगमन कै बारे म्ह शिक्षा 4:13-5:11

आखरी उपदेश 5:12-22

समापन 5:23-28

????????

1 या चिट्ठी पौलुस अर सिलवानुस अर तीमुथियुस की ओड़ तै थिस्सलुनीकियों नगर की कलीसिया के उन

बिश्वासियाँ के नाम लिखी सै, जो परमेसवर पिता अर प्रभु यीशु मसीह म्ह सै। परमेसवर का अनुग्रह अर शान्ति थारे ताहीं मिल्दी रहवै।

????????

2 हम अपनी प्रार्थनायां म्ह थारे ताहीं याद करदे अर सारी हाण थम सारया कै बारे म्ह परमेसवर का धन्यवाद करा सां। 3 अर अपने परमेसवर अर पिता कै स्याम्ही जो काम बिश्वास तै करे, अर बिश्वासियाँ खात्तर इतने प्यार तै मेहनत करी, अर प्रभु यीशु मसीह के बोहड़ण की आस के कारण बड़ी धीरजता तै दुखां नै सहन्दे होए, सारी हाण थमनै याद करा सां। 4 हे बिश्वासी भाईयो, अर परमेसवर के प्यारे माणसां हम जाना सां, के परमेसवर नै थारे ताहीं अपने माणस होण खात्तर छाट्या सै। 5 क्यूँके म्हारा सुसमाचार जो यीशु मसीह के बारे म्ह था, थारे धोरै ना सिर्फ बात्तां तै ए न्ही बल्के पवित्र आत्मा की सामर्थ अर बड़े पक्के सबूत कै गैल पोहच्या सै; जिसा थमनै बेरा सै, के थारे कल्याण खात्तर थारे म्ह म्हारा बरताव किसा था। 6 थारे उप्पर बड़े क्लेश थे, पर थमनै पवित्र आत्मा के जरिये दिए गये आनन्द कै गेल्या सुसमाचार ताहीं मान लिया, थमनै म्हारी अर प्रभु यीशु की तरियां बरताव कराया। 7 उरै ताहीं के मकिदुनिया परदेस अर अखाया परदेस के सारे बिश्वासियाँ कै खात्तर थम बढ़िया मिसाल बणै। 8 क्यूँके थारे उरै तै ना सिर्फ मकिदुनिया परदेस अर अखाया परदेस म्ह प्रभु का वचन सुणाया गया, पर थारे बिश्वास की जो परमेसवर पै सै, हरक जगहां जित्त भी हम गये, तो हमनै माणसां तै थारे बिश्वास के बारे म्ह सुण्या, इस करके हमनै माणसां ताहीं थारे बारे म्ह बताण की जरूरत ए कोनी। 9 क्यूँके वे आप ए म्हारै बारे म्ह बतावै सै, के जब हम थारे धोरै आये, तो थमनै म्हारा स्वागत किस ढाळ कराया; अर थम किस ढाळ मूर्तियाँ तै दूर होकै, परमेसवर की ओड़ मुड़ गये, ताके जिन्दे अर सच्चे परमेसवर की सेवा करो। 10 अर परमेसवर के बेट्टे यीशु की सुर्गा तै बोहड़ के आण की बाट देखदे होए, जिस ताहीं परमेसवर नै मरे होयां म्ह तै जिन्दा करया, जो म्हारै ताहीं आण आळे न्याय तै बचावै सै।

2

1 हे बिश्वासी भाईयो, थमनै आप्पे बेरा सै, के म्हारा थारे धोरै आणा कितना फायदेमन्द था, 2 बल्के थमनै खुद नै ए बेरा सै, के पैहल्या हमनै फिलिप्पी नगर म्ह दुख टाया, के म्हारा नगर के माणसां नै सख्त बिरोध करया, अर परमेसवर नै म्हारै तै इसी हिम्मत देई, के हम परमेसवर का सुसमाचार घणे बिरोध होण के बावजूद भी थमनै सुणावां। 3 क्यूँके म्हारा उपदेश ना भ्रम तै

सै, अर ना गलत इरादे तै, अर ना छळ के गैल सै; 4 पर परमेसवर नै म्हारै ताहीं लायक समझके सुसमाचार सौंप्या, इस करके हम माणसां नै न्ही, पर जो म्हारै मनां नै जांच्चण आळे परमेसवर ताहीं राज्जी करण खात्तर उपदेश देवा सां। 5 थमनै बेरा सै, परमेसवर गवाह सै, के हमनै कदे चापलूसी की बात कोनी करी, अर ना ए लोभ के खात्तर हमनै कोए इसा काम करया, अर ना कुछ थारे तै छुपाया। 6 तोभी हम माणसां तै आदर कोनी चाहवां थे, अर ना थारे तै, ना और किसे तै, हालाकि हम मसीह के प्रेरित होण के कारण थारी मदद पाणा म्हारा हक था। 7 पर जिस तरियां माँ अपने बाळकां का पालन-पोषण करै सै, उस्से तरियां ए हमनै भी थारे बिचाळै रहके नरमाई दिखाई सै; 8 एक माँ की तरियां ए हम थारी चाहना करदे होए, ना सिर्फ परमेसवर का सुसमाचार, पर अपना-अपना प्राण भी थारे ताहीं देण नै त्यार थे, क्यूँके के हम थारे तै भोत प्यारे करां सां।

9 हे बिश्वासी भाईयो, म्हारी कड़ी मेहनत नै याद राखो, हमनै ज्यांतै दिन-रात काम-धन्धा करदे होए, परमेसवर का सुसमाचार प्रचार करया, के थारे म्ह तै किसे पै बोझ ना बण जावां। 10 थम अर परमेसवर भी इस बात के गवाह सां, के सारे बिश्वासी भाईयाँ के गैल म्हारा सुभाव कितना सच्चा, धर्मी अर बेकसूर था। 11 थमनै बेरा सै के जिसा पिता अपने बाळकां के गेल्या बरताव करै सै, उस्से तरियां ए हम भी थारे म्ह तै हरेक ताहीं उपदेश देन्दे, अर शान्ति देन्दे, अर समझावां थे 12 के थम इसा जीवन जिओ, जिसा परमेसवर चाहवै सै, जो थमनै अपने राज्य अर महिमा म्ह बुलावै सै।

13 ज्यांतै हम भी परमेसवर का धन्यवाद सारी हाण करा सां के जब म्हारै जरिये परमेसवर के सुसमाचार का वचन थमनै सुण्या, तो थमनै उस ताहीं माणसां का न्ही पर परमेसवर का वचन समझके अपनाया; अर सच म्ह यो परमेसवर का वचन सै भी, अर यो सुसमाचार थारे म्ह काम करण लागरया सै, जो यीशु पै थम बिश्वास करो सो। 14 ज्यांतै थम, हे बिश्वासी भाईयो, परमेसवर की उस कलीसियाओं के स्याम्ही दुख सहण लागे जो यहूदिया परदेस म्ह सै, अर मसीह यीशु पै बिश्वास राखै सै, क्यूँके थमनै भी अपने माणसां तै उसाए दुख पाया, जिसा उननै अपने यहूदी माणसां तै पाया था। 15 जिन नै प्रभु यीशु ताहीं अर नबियाँ ताहीं मार दिया। अर म्हारै ताहीं भी सताया, अर परमेसवर उनतै राज्जी कोनी, अर वे सारे माणसां का बिरोध करै सै। 16 अर वे दुसरी जात्तां म्ह उनके उद्धार के खात्तर बात करण तै हमनै रोक्के सै, अर वे पाप पै पाप करते जावै सै, जब ताहीं के परमेसवर उननै दण्ड ना दे दे; अर इब परमेसवर

उननै बड़ा भरी दण्ड देण आळा सै।

?????????? ?? ??????? ?? ???????????

17 हे बिश्वासी भाईयो, जब हम थोड़े बखत खात्तर थारे धारे न्ही थे, पर हम सदा थारे बारे म्ह ए सोच्चा थे, तो हमनै और भी बड़ी लालसा तै थारे ताहीं मिलण की अर देखण की कोशिश करी। 18 ज्यांतै हमनै (यानिके मुझ पौलुस नै) एक बर न्ही बल्के दो या तीन बार आण की कोशिश करी, पर शैतान हमनै रोक्के रहया। 19 भला! म्हारी आस, खुशी या बड़ाई का ताज कौण सै? वो थमे होओगे जब यीशु बोहड़ के आवैगें? 20 म्हारी बड़ाई अर खुशी थमे सो।

3

?????????????????? ?? ??????????? ???????

1 आखिर जब हम थारे तै दूर ना रह पाए, तो मै पौलुस अर सीलास नै यो तय करया के एथेंस नगर म्ह एकले रह जावां। 2 अर हमनै तीमुथियुस ताहीं जो मसीह के सुसमाचार म्ह म्हारा भाई, अर परमेसवर का सेवक सै, इस करके भेज्या, के वो थारे ताहीं मसीह के बिश्वास म्ह मजबूत अर उत्साहित करै। 3 ताके कोए इन क्लेशां के कारण डगमगा न्ही जावै; क्यूँके थम जाणो सो, के म्हारे ताहीं परमेसवर नै इसे तरियां सताये जाण खात्तर छाटचा सै। 4 क्यूँके पैहल्या भी, जब हम थारे साथ थे, तो थारे तै कह्या करा थे, के म्हारे ताहीं सताया जावैगा, अर इसाए होया सै, अर थम जाणो भी सो। 5 इस कारण जब मेरै तै और न्ही रहया गया, तो थारे बिश्वास का हाल जाणण के खात्तर मन्नै तीमुथियुस ताहीं भेज्या, मन्नै डर था, के परखण आळे शैतान नै थारे ताहीं परख्या ना हो, अर म्हारी मेहनत बेकार ना होगी हो।

?????????????????? ??????????? ??????????? ???????????

6 पर इब्बे तीमुथियुस नै जो थारे धारे तै म्हारै उरै आके थारे बिश्वास अर प्यार का सुसमाचार सुणाया अर इस बात ताहीं भी सुणाया, के थम सारी हाण प्यार के गेल्या म्हारै ताहीं याद करो सो, अर म्हारै देखण की चाहना राखो सो, जिसा हम भी थमनै देखण की। 7 हे बिश्वासी भाईयो, हम अपनी सारे दुख अर क्लेश म्ह उत्साहित सां, क्यूँके हमनै थारे बिश्वास के बारे म्ह सुण्या के थम इब भी यीशु मसीह के बिश्वास म्ह मजबूत सां। 8 क्यूँके इब जै थम प्रभु म्ह मजबूत हो तो हम जिन्दे सां। 9 अर थारे बारे म्ह जो खुशी हमनै मिली से, उसकी बजह तै हम परमेसवर का धन्यवाद किस तरियां तै करा? 10 हम दिन-रात घणीए प्रार्थना करदे रहवां सां, के थमनै दुबारा देक्खां, अर थारे मसीह पै मजबूती तै बिश्वास करण म्ह मदद करा।

थिस्सलुनीकियों नगर के माणसां ताहीं प्रेरित पौलुस की दुसरी चिट्ठी

????????

मसीह का दुबारा आण तै जुड़ी उलझन के कारण थिस्सलुनीकियों की कलीसिया म्ह गड़बड़ी के हालात बणे होए थे। थिस्सलुनीकियों के नाम पौलुस प्रेरित की दुसरी चिट्ठी इस बिश्वास पै के प्रभु के आण का दिन पैहल्या आ लिया सै। विचार करण खात्तर लिखी गई सै। पौलुस यो बतान्दे होए इस विचार नै सुधारै सै, के मसीह के आण तै पैहल्या दुष्टता अर बुराई अपनी हद पार कर जावैगी। यो रहस्यमय राजा के अधीन म्ह होगा जिसनै “पाप का माणस मतलब नाश का बेट्टा” कहा गया सै, जो मसीह का बिरोध करैगा। प्रेरित याडै इस जरूरत पै जोर देवै सै, के सारे दुखां अर कष्टां का होन्दे होए भी उसके पाठकां नै अपने बिश्वास म्ह मजबूती तै बणे रहणा चाहिए, अपनी कमाई खात्तर काम करदे रहणा चाहिए, जिस तरियां पौलुस अर उसके साथी करै थे, अर भलाई करण म्ह लागगे रहणा चाहिए।

रूप-रेखा

जानकारी 1:1,2

बड़ाई अर तारीफ 1:3-12

मसीह के दुबारा आण तै जुड़ी शिक्षा 2:1-17

मसीह चाल-चलण तै जुड़े उपदेश 3:1-15

समापन 3:16-18

????????

1 या चिट्ठी हम पौलुस, सिलवानुस अर तीमुथियुस की ओड़ तै थिस्सलुनीकियों नगर की कलीसिया के बिश्वासियाँ ताहीं लिखां सां, जो म्हारै पिता परमेसवर अर प्रभु यीशु मसीह के सै। 2 म्हारै पिता परमेसवर अर प्रभु यीशु मसीह की ओड़ तै थमनै अनुग्रह अर शान्ति मिलदी रहवै।

?????? ??

3 हे बिश्वासी भाईयो, थारे बारै म्ह हमनै हरेक बखत परमेसवर का धन्यवाद करणा चाहिये, अर यो सही भी सै ज्यांतै के थारा बिश्वास यीशु मसीह म्ह घणा बढ़दा जावै सै, अर थारा एक-दुसरे के खात्तर आपस म्ह प्यार घणाए बढ़ता जावै। 4 इस करके हम परमेसवर की कलीसिया के बिश्वासियाँ के बारै म्ह गर्व करा सां, के जितने थम इम्तिहान अर मुसीबतां तै गुजरो सों, थम उननै धीरज तै

सहण लागरे सों, अर थम फेर भी यीशु मसीह पै बिश्वास राखों सों।

5 अर परमेसवर इन दुखां का इस्तमाल अपने न्याय ताहीं दिखाण अर थारे ताहीं अपने राज्य के लायक बनाण खात्तर करैगा, जिस खात्तर थम दुख भी ठाओ सो। 6 क्यूँके परमेसवर हमेशा सही न्याय करै सै, ताके जो थमनै दुख देवै सै, उननै बदले म्ह वो दुख देवै। 7 अर थमनै वो इस दुख तै राहत देवैगा, जो थम इब उठाण लागरे सों, अर म्हारे ताहीं भी राहत दे, यो उस बखत होगा जब प्रभु यीशु अपने सामर्थी सुर्गदूतां के गैल, धधकती होई आग म्ह सुर्ग तै आवैगा। 8 अर जो परमेसवर नै न्ही पिच्छाणदे, अर जो म्हारे प्रभु यीशु के बारें म्ह सुसमाचार ताहीं न्ही मानते उनतै वो बदला लेवैगा। 9 वे परमेसवर तै हमेशा खात्तर अलग हो जावेंगे अर उसकी महिमामय शक्ति म्ह शामिल न्ही हो पावेंगे अर वे अनन्त विनाश का दण्ड पावेंगे। 10 यो उस दिन होवैगा, जब प्रभु यीशु मसीह बोहड़के आवैगा, ताके वो उन माणसां तै महिमा पावै जो उसके कहलावै सै, उन माणसां तै सम्मानित करया जावैगा जो उसपै बिश्वास करै सै, अर उस दिन थम भी उनकी तारीफ करण आळा म्ह तै एक होओगे, क्यूँके थमनै उसपै बिश्वास करा, जो हमनै थारे ताहीं बताया। 11 ज्यांतै हम सारी हाण थारे बारै म्ह प्रार्थना भी करा सां, के म्हारा परमेसवर थारे ताहीं इसा करण म्ह काबिल बनावैगा, जिसके खात्तर उसनै म्हारे ताहीं बुलाया सै, अर वो थारी हरेक भली इच्छा नै सामर्थी रूप तै पूरा करै, अर हर उस काम नै पूरा करा जो थम बिश्वास तै करो सों। 12 इस तरियां म्हारे प्रभु यीशु मसीह का नाम थारे जरिये महिमा पावैगा, यो सब कुछ म्हारे परमेसवर अर प्रभु यीशु मसीह के अनुग्रह तै होवैगा।

2

???? ?? ???? ???? ???? ??

1 हे बिश्वासी भाईयो, इब हम अपने प्रभु यीशु मसीह के बोहड़ण, अर जब हम कट्टे होके उसतै मिलागें तो उस दिन के बारें म्ह थारे ताहीं बताणा चाहूँ सूं। 2 थम किसे भविष्यवाणी या किसे उपदेश या किसे चिट्ठी नै म्हारी ओड़ तै लिखी होई मानके चाणचक बोखळा ना जाइयो, अर ना ए अपने-आप म्ह घबराइयो के परमेसवर का दिन पैहले ए आ लिया सै। 3 किसे ढाळ तै भी किसे के धोखे म्ह ना आइयो, क्यूँके प्रभु यीशु के आण तै पैहले इसा बखत आवैगा, जब भोत सारे लोग परमेसवर के बिरोधी हो जावेंगे, अर वो अधर्मी माणस यानिके विनाश का बेट्टा दिखाई देवैगा, जिस

ताहीं परमेसवर सदा खात्तर खतम कर देवैगा। 4 वो अधर्मी माणस परमेसवर अर उन दुसरी चिज्जां का बिरोध करैगा। जिनकी लोग भगति करै, वो दावा करैगा के वो उनतै भी घणा बड़ा सै, उरै ताहीं के वो परमेसवर के मन्दर म्ह बैठकै अपणे-आप ताहीं ईश्वर बतावैगा। 5 के थमनै याद कोनी के जिब मै थारे धोरै था, तो थारे तै ये बात कह्या करुं था? 6 वो जो अधर्मी माणस इब ताहीं दिख्या न्ही सै, क्यूँके इसा कुछ तो सै जिसनै उस ताहीं रोक राख्या सै, पक्का थम जाणो सों, के वो के सै। इस करकै जिब परमेसवर का बखत आवैगा तो वो अधर्मी माणस दिख जावैगा। 7 अर उस अधर्मी माणस की शक्ति पैहले तै गुप्त रूप तै इस दुनिया म्ह काम करण लागरी सै, पर वो सै जो उस शक्ति नै रोक्कण लागरया सै, अर जिब ताहीं वो दूर ना हो जावै तब तक वो इस ताहीं रोकणा जारी राखवैगा। 8 फेर वो अधर्मी माणस दिख जावैगा, पर बाद म्ह जिब प्रभु यीशु आवैगा तो वो अपणे मुँह की फूँक तै अधर्मी माणस ताहीं मार देवैगा, अर अपणे आगमन के तेज तै भस्म करैगा। 9 वो अधर्मी माणस शैतान की शक्ति गैल आवैगा, वो सारे ढाळ के झूठे चमत्कार, अर अचम्भे के काम करैगा, जो हमनै यो सोच्चण कै खात्तर मजबूर करैगा के योए परमेसवर सै जो इननै करण लागरया सै। 10 वो सारी ढाळ के बुरे तरिककें अपणावैगा उन माणसां खात्तर जो अनन्त विनाश के राह की ओड़ जावै सै, क्यूँके उननै सच्चाई पै बिश्वास कोनी करया जिसतै उनका उद्धार हों सकै सै। 11 इस्से कारण परमेसवर उन माणसां म्ह एक भटकाण आळी शक्ति नै भेज्जै सै, जो उन ताहीं सच्चाई तै दूर ले जावैगी, ताके वे झूठ पै बिश्वास करै। 12 परमेसवर उन सब का न्याय करैगा जिननै सच्चे सन्देस (यीशु मसीह के बारे म्ह) बिश्वास कोनी करया, अर जिननै अधर्म के काम्मां तै प्यार करया।

२२२२२ २२२ २२२

13 हे बिश्वासी भाईयो, उरै थारे खात्तर परमेसवर कै स्याम्ही म्हारा हमेशा धन्यवाद देणा सही सै, थम प्रभु के प्यारे सों, क्यूँके परमेसवर नै थारे ताहीं दुनिया की शरुआत तै ए उद्धार कै खात्तर चुण लिया सै। ताके वो थमनै पवित्र आत्मा के काम के जरिये पवित्र बणावै, अर यीशु मसीह के सच्चे सुसमाचार पै बिश्वास करण के जरिये थमनै बचाले। 14 म्हारे सुसमाचार के जरिये उसनै थारे ताहीं बचाण खात्तर बुलाया सै, ताके थम उसकी महिमा म्ह हिस्सा ले सको, जो परमेसवर नै म्हारे प्रभु यीशु मसीह ताहीं दी सै। 15 ज्यांतै हे बिश्वासी भाईयो, मजबूत रहो, अर जो-जो शिक्षा थमनै चाहे वचन या

चिट्ठी कै जरिये म्हारै जरिये सीक्खी सै, उननै थाम्बे राखो।

16 हम प्रार्थना करां सां के खुद म्हारा प्रभु यीशु मसीह, अर म्हारा पिता परमेसवर, जिसनै म्हारै तै प्यार करया अर अनुग्रह तै अनन्त शान्ति अर घणी बढ़िया उम्मीद देई सै, 17 थारे मनां म्ह शान्ति दे अर थमनै हरेक आच्छे काम अर वचन म्ह मजबूत करै।

3

२२२२२२२२२ २२२ २२ २२२२२२२

1 इस करकै, हे बिश्वासी भाईयो, म्हारै खात्तर प्रार्थना करया करो के प्रभु के बारे म्ह सन्देस भोत तावळा दुसरी जगहां म्ह भी सुणाया जा सकै, अर लोग उसपै बिश्वास करैगें जिसा थम बिश्वास करो सों। 2 या भी प्रार्थना करया करो के परमेसवर हमनै बैरी अर बुरे माणसां के जरिये दिए जाण आळे नुकसान तै भी बचावै, क्यूँके भोत-से लोग सुसमाचार पै बिश्वास कोनी करते। 3 पर प्रभु भरोस्सेमंद सै, वो थमनै अन्दरूनी रूप तै मजबूत करैगा अर उसकी रक्षा करैगा, ताके बुराई, शैतान थमनै नुकसान ना पंहुचा सकै। 4 हमनै प्रभु म्ह थारे उप्पर भरोस्सा सै हमनै जो कुछ थारे ताहीं करण खात्तर कह्या सै थम उसाए करण लागरे सों अर करते भी रहोगे। 5 हम प्रार्थना करा सां के प्रभु यीशु थमनै यो समझण कै काबिल बणावै के परमेसवर थमनै कितना प्यार करै सै, अर धीरज राखणा सिखावै जिसा मसीह राखै सै।

२२२ २२२ २२ २२२२२२२२२२२२२२

6 हे बिश्वासी भाईयो, प्रभु यीशु मसीह नै जो हक म्हारे ताहीं दिया सै, उसके कारण हम थमनै हुकम देवां सां, के थम हरेक इसे बिश्वासी भाई तै न्यारे रहो जो कोए काम न्ही करदा, अर जो शिक्षा उसनै म्हारै तै पाई उसकै मुताबिक न्ही करदा। 7 क्यूँके थम सारे अपणे-आपनै आच्छी तरियां जाणो सों, के थमनै उस्से तरियां जीणा चाहिए जिस तरियां हम जिवां सां, क्यूँके जिब हम थारे बिचाळै रहण लागरे थे, तो हम आलसी कोनी थे। 8 अर किसे की रोट्टी मुफ्त म्ह कोनी खाई, मेहनत अर कष्ट तै दिन-रात काम-धन्धा करा थे, ताके हम अपनी जरूरतां खात्तर थारे भरोस्से ना रह्हां। 9 हालाकि थारे तै आर्थिक मदद पाण का म्हारा हक बणै सै, फेर भी हम कड़ी मेहनत करा सां, पर ज्यांतै के अपणे-आप ताहीं थारे खात्तर आच्छा नमूना बणावां ताके थम भी म्हारै जिसा जीवन जिओ। 10 क्यूँके जिब हम थारे धोरै थे, तब भी योए कह्या करा थे, के जै कोए काम करणा ना चाहवै*

* 3:10 3:10 जै कोए काम करणा ना चाहवै जो कोए आलसी सै

तो उसका खाण का भी हक कोनी । 11 हम सुणां सां के कुछ माणस थारे बिचाळै सुस्त सै अर वे कोए काम न्ही करदे, पर दुसरयां के काम म्ह रुकावट करै सै, अर उन ताहीं भी काम करण तै रोक्कै सै । 12 प्रभु यीशु मसीह नै म्हारे ताहीं हक दिया सै, अर हम थमनै भी समझावां सां, के चुपचाप काम करके अपणी ए कमाई तै रोट्टी खाया कर । 13 पर हे बिश्वासी भाईयो, थम खुद वो काम करण तै पाच्छै ना हटियो, जो सही अर भले सै । 14 जै कोए म्हारी इस चिट्ठी म्ह दी गई हिदायत† नै कोनी मान्ने तो सब जाण ल्यो के वो कौण सै, अर उसकी संगति ना करो, जिसतै वो शर्मिन्दा होवै । 15 तोभी उस ताहीं दुश्मन मतना समझो, पर बिश्वासी भाई जाणके समझाओ ।

????? ?????????

16 मै प्रार्थना करूँ सू, के प्रभु जो शान्ति का चोवा सै आप ए थारे ताहीं सारी हाण अर हरेक तरियां तै शान्ति देवै । प्रभु थम सारया के साथ रहवै । 17 मै, पौलुस, अपने हाथ तै नमस्कार लिक्खूँ सू । इस्से तरियां तै मै अपणी सारी चिट्ठियाँ के अन्त म्ह न्यूए लिक्खूँ सू, ताके थम जाण ल्यो के ये मेरी ओड़ तै सै । 18 मै प्रार्थना करूँ सू, के म्हारे प्रभु यीशु मसीह का अनुग्रह थम सारया पै होंदा रहवै ।

† 3:14 3:14 हिदायत निर्देश

बात्तां म्ह पैहले परखे जावै, फेर जै बेकसूर लिकडै तो सेवक का काम करै। 11 इस्से तरियां तै बिरबानियाँ नै भी गम्भीर होणा चाहिये, दोष लाण आळी ना हों, पर सचेत अर सारी बात्तां म्ह बिश्वास जोगगी हों। 12 कलीसिया का सेवक एक ए बिरबान्नी का धणी हों अर बाळ-बच्यां अर अपने घरां का आच्छा इन्तजाम करणा जाणदे हों। 13 क्यूँके जो कलीसिया के सेवक का काम आच्छी ढाळ तै कर सकै सै, वो माणसां म्ह सम्मान लायक होगा, पर मसीह यीशु म्ह अपने बिश्वास के बारे म्ह वो बड़ी दिलेरी तै बोल्लण आळा हो।

????? ??????

14 मै तेरे धोरै तावळा आण की आस करते होए भी, ये बात तेरे तै ज्यातै लिक्खूं सूं, 15 ताके जै मेरे ओड़ै आण म्ह देर हो भी जावै, तो मै चाहूं सूं, थम इस बात नै जाण ल्यो, के परमेसवर का परिवार जो के एक कलीसिया सै, उस म्ह हमनै एक-दुसरे तै किसा बरताव करणा चाहिए। जिन्दे परमेसवर की कलीसिया के माणस सच्चाई की शिक्षा की नीम अर खम्भे की तरियां सै। 16 हम दावे के साथ कह सका सां, के परमेसवर नै जो शिक्षाएँ जाहिर करी सै, वो पूरी तरियां तै सच सै, यानी, वो जो देह म्ह जाहिर होया, वो पवित्र आत्मा के जरिये परमेसवर का बेट्टा साबित होया, अर उस ताहीं सुर्गदूतां नै देख्या, दुनिया के माणसां नै उसपै बिश्वास करया, दुसरी जात्तां म्ह उसका प्रचार होया, अर महिमा म्ह उप्पर ठाया गया।

4

????????? ??????????

1 पर पवित्र आत्मा साफ तौर पै कहवै सै, के अन्त के दिनां म्ह कुछ लोग मसीह शिक्षा ताहीं मानना छोड़ देवैगें, वो ओपरी आत्मायाँ ताहीं अपना लेवैगें जो उन ताहीं भटका देवैगी, अर वो उस झूट्टी शिक्षा पै मन लगावैगें जो ओपरी आत्मा की ओड़ तै सै। 2 वे पाखण्डी झूट्टे लोग सै जो झूट्टी शिक्षा सिखावै सै, उनकी अन्तरात्मा, जो सही या गलत के बीच का फैसला करै सै, वा मर चुकी सै, जिस तरियां के एक गरम लोहे नै अन्तरात्मा ताहीं जळा दिया हो। 3-4 ये झूट्टे लोग सिखावै सै, के ब्याह करणा अर कई चीज जो खाण-पीण की सै, वे गलत सै, पर परमेसवर नै इन खाण-पीण की चिज्जां ताहीं बिश्वासियाँ खात्तर बनाया सै, जो सच्ची शिक्षा नै जाणै सै के परमेसवर की बनाई हरेक चीज आच्छी सै, कोए भी चीज नकारन की कोनी, जै उस ताहीं धन्यवाद देकै खावै। 5 क्यूँके परमेसवर के वचन अर प्रार्थना के जरिये सब कबूल हो जावै सै।

????? ?????? ?? ?????? ??????

6 जै तू लगातार बिश्वासी भाई-भाणा नै याद दुआन्दा रहवै, के जो मन्नै निर्देश दिए सै, अर तू जो बिश्वास अर आच्छे शिक्षा के सन्देस के जरिये मजबूत बनाया गया सै, जिसका तन्नै पालन करया सै, तो तू यीशु मसीह का एक आच्छा सेवक सै। 7 सांसारिक अर मनघडन्त कहाँनियाँ तै दूर रहों, अर थम अपने-आपनै ईश्वरीय जीवन जीण खात्तर अनुशासित कर ल्यो। 8 क्यूँके देह की कसरत तै माड़ा सा फायदा होवै सै, पर भगति सारी बात्तां के खात्तर फ़ैयदेमन्द सै, क्यूँके यो इस धरती पै जिन्दा रहन्दे होए अर मरण के बाद भी एक ईनाम का वादा सै। 9 या बात सच्ची अर हरेक ढाळ तै मानण जोगगी सै। 10 क्यूँके हम मेहनत अर कोशिश इस्से खात्तर करा सां के म्हारी आस उस जिन्दे परमेसवर पै सै, जो सारे माणसां अर खास करके अपने बिश्वासियाँ का उद्धार करणीया सै।

11 बिश्वासियाँ नै ये बात करणा अर उननै मानना सीखा। 12 छोट्टी उम्र के कारण कोए तन्नै तुच्छ ना समझै पर वचन, अर चाल-चलण, अर प्यार, अर बिश्वास, अर पवित्रता म्ह बिश्वासियाँ के खात्तर बढ़िया नमूना बण जा। 13 जब ताहीं मै न्ही जाऊँ, जब तक बखत लिकाड़के पवित्र ग्रन्थ बिश्वासियाँ ताहीं पढ़कै सुणा, अर उन ताहीं उत्साहित अर वचन सिखाण म्ह लग्या रह। 14 उस आत्मिक वरदान के बारे म्ह, जो तेरे म्ह सै, अर भविष्यवाणी के जरिये कलीसिया के अगुवां के हाथ धरदे बखत तन्नै मिल्या था, निश्चिन्त मतना रह। 15 इन बात्तां नै सोचदा रह अर इन्नै म्ह अपना ध्यान लाये रह, ताके तेरी बढ़ोतरी सारया पै दिख जावै। 16 यो ध्यान राक्खों के थम किस तरियां जिन्दगी जिओ सों, अर के सिखाओ सों। इन बात्तां पै स्थिर रह, क्यूँके इसा करदा रहवैगा तो तू अपने अर अपने सुणण आळा के खात्तर भी उद्धार का कारण होगा।

5

????????????????????? ?? ????????? ??????????????????

1 किसे बूढ़े ताहीं छो म्ह ना धमका, पर उस ताहीं अपना बाप जाणकै समझा दे, अर जवानां नै अपना भाई जाणकै समझा दे। 2 बूढ़ी बिरबानियाँ नै माँ जाणकै, अर जवान बिरबानियाँ नै पूरी पवित्रता तै भाण मानकै समझा दे।

3 उन बिधवा बिरबानियाँ का, जिनकी देखभाळ करणीया कोए कोनी उनका आदर कर। 4 जै किसे बिधवा के बाळक या नात्ती-पोत्ते हों, तो वे सब तै पैहल्या अपने ए कुणवे के प्रति अपने फर्ज नै पूरा करके परमेसवर का भगत बणणा सीखै, अर अपने माँ-बाप के उपकारां का

फळ दे, क्यूँके यो परमेसवर नै भावै सै। 5 जो सच म्ह ए बिधवा सै, अर उसका मदद करण आळा कोए न्ही, वा परमेसवर पै आस राक्खै सै, अर दिन-रात बिनती अर प्रार्थना म्ह लाग्गी रहवै सै। 6 पर जो बिधवा भोगविलास म्ह पड़गी, वा जिन्दे जी मरगी सै। 7 इन बात्तां का भी हुकम दिया कर ताके कोए उनपै दोष ना लगा सकै। 8 पर जै कोए अपने रिश्तेदारां की अर खास करके अपने कुण्बे की फिकर ना करै, तो वो बिश्वास तै मुकर गया सै अर अबिश्वासी तै भी बुरा बण गया सै।

9 उस्से बिधवा का नाम लिख्या जावै जो साठ साल तै उप्पर की हो, अर जो एके धणी की बिश्वास लायक रही हों। 10 अर भले काम म्ह आच्छी नाम्मी रही हो, जिसनै बाळकां का पालन-पोषण, मेहुमानां की सेवा, परमेसवर के माणसां की सेवा, दुखियां की मदद करी हो, अर हरेक भले काम म्ह मन लगाया हो। 11 पर जवान बिधवा बिरबानियाँ के नाम ना लिखिए, क्यूँके जब उनकी शारीरिक अभिलाषा मसीह की सेवा करण तै बढ़के हो जावै सै, तो वा ब्याह करणा चाहवै सै। 12 दुबारै ब्याह करके, वे खुद कसूरवार बणैगी, क्यूँके उननै अपने पैहलडे वादे ताहीं जो के ब्याह ना करण का था, उस ताहीं तोड़ दिया सै। 13 इसके गेल्या ए गेल्या वे घर-घर हाँड के आलसी होणा सिक्खै सै, अर सिर्फ आलसी न्ही पर बकबक कर दी रहै सै, अर दुसरयां के काम म्ह भी दखल देती रहवै सै, अर चुगली कर दी रहवै सै। 14 ज्यांतै मै न्यू चाहूँ सूँ के जवान बिधवां ब्याह करै, अर बाळक जामै अर घर-बार सम्भाळै, अर किसे बिरोधी नै बदनाम करण का मौक्का ना देवै। 15 मै इस करके कहूँ सूँ, के उन म्ह तै कईयाँ नै प्रभु का कहणा मानना छोड़ दिया सै, अर शैतान के पाच्छे चालणा शरु कर दिया सै। 16 जै किसे बिश्वासी परिवार म्ह कोए बिधवां हों, तो वैए उनकी मदद करै के कलीसिया पै बोझ ना हो, ताके कलीसिया उनकी मदद कर सकै जो साच्चए बिधवां सै।

17 कोए भी कलीसिया का अगुवां जो अपना काम आच्छी तरियां करै सै उस ताहीं बड़ा सम्मान अर पर्याप्त वेतन पाण के लायक मान्या जाणा चाहिए, खासकर जो लोग परमेसवर के सन्देश नै पढ़ाण अर प्रचार करण म्ह कड़ी मेहनत करै सै। 18 क्यूँके पवित्र ग्रन्थ म्ह लिख्या सै, “नाज लिकाड़ण आळे बळध का मुँह ना बाँधिये,” क्यूँके “मजदूर अपनी मजदूरी का हकदार सै।” 19 किसे भी कलीसिया के अगुवै के बिरुध्द दो या तीन गवाह के बिना कोए भी उसनै दोषी ना मान्ना। 20 पाप करण आळा नै सारया के स्याम्ही समझा दे, ताके बाक्की के बिश्वासी भी डरै। 21 परमेसवर, अर मसीह यीशु अर छाँटे होड़ सुर्गदत्तां नै मौजूद जाणके मै तन्नै हुकम देऊँ

सूँ, के बिना भेदभाव के तू इन हुकमां नै पूरा कर, अर सब के गैल एक जिसा बरताव कर। 22 किसे ताहीं जल्दबाजी म्ह अगुवां ना बणाईये, अर जै तू इसा करै सै, तो उसका जिम्मेदार भी तू खुद होवैगा, तू यो तय करके मै कोए पाप न्ही करूँगा।

23 आण आळे बखत म्ह सिर्फ पाणी ए का पीण आळा ना रह, पर अपने पेट के अर अपने बार-बार बीमार होण के कारण माड़ा-माड़ा अंगूर का रस भी काम म्ह ल्याया कर। 24 मै कहूँ सूँ, के किसे ताहीं जल्दबाजी म्ह अगुवां ना बणाईये, क्यूँके कई लोग सब के स्याम्ही पाप करै सै, इसतै पैहले के उनका न्याय हो, बिश्वासियाँ के स्याम्ही वे पापी बण चुके सै, दुसरे माणसां के पाप दिखाई न्ही देन्दे, पर पाच्छे नजर आवै सै। 25 उस्से तरियां तै जब माणस आच्छे काम करै सै तो दुसरे माणस उसके काम्मां नै देखै सै, अर जै इब न्ही दिखदे तो बाद म्ह वे दिख जावै सै।

6

1 जितने बिश्वासी गुलाम सै, वे अपने-अपने माल्लिक का आदर करै, ताके दुसरे लोग परमेसवर की अर म्हारी शिक्षा की बुराई ना करै। 2 जिनके माल्लिक बिश्वासी सै, वे अपने माल्लिकां का अपमान ना करै, यो जाणके के इब तो वे उनके बिश्वासी भाई सै, बल्के वे उनकी सेवा और भी ज्यादा मन तै करै, क्यूँके वे जो सेवा तै फायदा टाण लागरे सै, अर उननै वे मसीह म्ह अपने भाईयाँ की तरियां प्यार करै, इन बात्तां का उपदेश देंदा रह, अर उन ताहीं मानण खात्तर भी उत्साहित करदा रह।

222222 222222 22 22 22 2222

3 जै कोए झूठी शिक्षा देवै सै अर खरी शिक्षा नै न्ही मानता, यानिके म्हारै प्रभु यीशु मसीह की शिक्षा अर हुकम नै जिसतै परमेसवर नै महिमा मिलै सै। 4 तो वो घमण्डी सै, अर किमे न्ही जाणदा, बल्के इसा माणस फालतू के मुद्दे अर शब्दां के बारै म्ह बहस करणा चाहवै सै, जिसतै जळण, अर झगड़े, अर बुराई की बात, भुन्डे-भुन्डे शक, 5 अर उन माणसां म्ह बेकार रगड़े-झगड़े पैदा होवै सै, जिनकी अकल खराब हो जा सै, अर वे सच तै दूर हो गये सै, जो समझै सै, के परमेसवर की सेवा करणा कमाई का साधन सै। 6 पर यो म्हारे खात्तर भला सै, के हम वो करा जिसतै परमेसवर खुश होवै सै, अर उस्से म्ह सबर करा जो वो म्हारे ताहीं देवै सै। 7 क्यूँके ना हम दुनिया म्ह किमे ल्याए सां, अर ना किमे लेके जा सकां सां। 8 जै म्हारै धोरै खाण अर पैहरण नै हो, तो इन्नै म्ह सबर करणा चाहिये। 9 पर जो साहूकार होणा चाहवै सै,

वे हर तरियां के पाप करण के जरिये धोक्खे म्ह पड़े सै, वे एक जानवर की तरियां जाळ म्ह फँस जावै सै, वे उन चिज्जां नै करणा चाहवै सै जो उनकै खात्तर बेकूफी अर खतरनाक सै अर येए इच्छा उनके नाश का कारण बण जावै सै। ¹⁰ क्यूँके रपियाँ का लोभ सारे ढाळ की बुराई की जड़ सै, जिसनै पाण की कोशिश करदे होए घणखरयां नै मसीह की शिक्षा पै बिश्वास करणा बन्द कर दिया सै, क्यूँके वे भोत पईसा चाहवै थे, अर उननै अपणे-आप ताहीं कई ढाळ के दुखां तै छलनी कर लिया सै।


२२२२२२२२२२ २२२२२२ २२२२२२२२२२ २२२२२२२२

¹¹ पर हे तीमुथियुस, परमेसवर के जन, तू इन बातों तै भाज, अर धर्म, बिश्वास, प्यार, धीरज, अर नम्रता कै पाच्छे चाल। ¹² एक आच्छे सिपाही की तरियां जो हार न्ही मानता, परमेसवर पै बिश्वास करणा अर उसका कहणा मानना ना छोड़ै अर उस अनन्त जीवन नै पा ले, जिसकै खात्तर तू बुलाया गया सै, अर भोत सारे माणसां के स्याम्ही तन्नै मान लिया सै, के तू मसीह पै बिश्वास करै सै। ¹³ मै तेरे ताहीं परमेसवर नै, जो सब नै जीवन दे सै, अर मसीह यीशु नै गवाह मानके जिसनै पुन्तियुस पिलातुस कै स्याम्ही अपणे बारें म्ह बड़ी हिम्मत तै सच बोल्या, यो निर्देश देऊँ सूँ, ¹⁴ के जो परमेसवर नै तेरे ताहीं हुकम दिये सै, उन सब ताहीं दिल तै मान, ताके कोए भी तन्नै प्रभु यीशु मसीह के बोहड़ण तक गलत काम म्ह दोषी ना बता सकै। ¹⁵ परमेसवर जो एकमात्र राजा सै, वोए महिमा कै लायक सै, जो राजयां का राजा, अर प्रभुओ का प्रभु सै, वो मसीह ताहीं सही बखत पै जाहिर करैगा। ¹⁶ वोए सै जो सदा खात्तर जिन्दा सै, अर वो उस चमकदार रोशनी म्ह रहवै सै, जिसकै धोरै कोए न्ही आ सकदा, अर ना उस ताहीं किसे माणस नै देख्या अर ना कदे देख सकै सै। उसकी प्रतिष्ठा अर राज्य युगानुयुग रहवैगा। आमीन।

¹⁷ इस दुनिया के साहूकारां नै आज्ञा दे, के वे घमण्डी ना हों अर अपणे धन पै भरोस्सा ना राक्खै, जो के थोड़े दिन का सै, पर परमेसवर पै भरोस्सा राक्खै, जो उदारता तै सब कुछ देवै सै, जो हमनै चाहिए, ताके हम उसका आनन्द उठा सका। ¹⁸ वे भलाई करै, अर भले काम्मां म्ह धनी बणै, अर उदार अर मदद करण म्ह त्यार हों। ¹⁹ जै वे इसा करै सै, तो इसा लागै सै, के वे सुर्ग म्ह अपनी सम्पत्ति जमा करण लागरे सै, जो असलियत म्ह खू न्ही सकदी, अर उस ताहीं सच्चा जीवन भी दिया जावैगा, जिसका मतलब सै सदा का जीवन। ²⁰ हे तीमुथियुस, वो सब कुछ करण म्ह सावधान रह, जो परमेसवर नै तेरे ताहीं दिया सै, अर अभगति, बेकूफी भरी बात, अर

उस झूट्टी शिक्षा तै जो सच्ची शिक्षा के बिरोध म्ह सै, जिन ताहीं वे ज्ञान की बात कहवै सै, उनतै दूर रह। ²¹ कई माणसां नै इस झूट्टे ज्ञान ताहीं अपणालिया सै, अर कहवै सै, के हमनै ज्ञान सै, इसा करण तै वे सच्ची शिक्षा तै दूर होंगे सै, मै प्रार्थना करूँ सूँ, के परमेसवर का अनुग्रह उनपै भी अर थारे पै भी होन्दा रहवै।

तीमुथियुस के नाम प्रेरित पौलुस की दूसरी चिट्ठी



तीमुथियुस के नाम पौलुस प्रेरित की दूसरी चिट्ठी, पौलुस के एक जवान साथी अर मदद करणीये के रूप म्ह काम करणीया तीमुथियुस ताहीं पौलुस की व्यक्तिगत सलाह सै। इसकी खास बात सै धीरता। तीमुथियुस ताहीं सलाह अर होसला देवै सै, के सताव अर बिरोध होण के बाद भी वो बिश्वास योग्यता के साथ यीशु मसीह की गवाही देन्दा रहवै, सुसमाचार अर पुराणे-नियम की सच्ची शिक्षा पै मजबूत बणया रहवै, अर शिक्षक अर प्रचारक के रूप म्ह अपणे फर्ज का पालन करदा रहवै। तीमुथियुस ताहीं खास तौर पै “बेवकूफी अर बेकार की बातचीत” म्ह उलझन तै पैदा खतरा के बारे म्ह चेतावनी देई गई सै। इसतै किमे फायदा कोनी होन्दा, पर यो सुणण आळा खात्तर नाश का कारण हो जावै सै। इन सब म्ह, तीमुथियुस नै खुद लेखकां ताहीं अपणे जीवन अर मकसद, उसके बिश्वास, सहनशक्ति, प्रेम, धीरज, अर सताव के बखत दुख-के उदाहरण ताहीं याद दिलाया गया सै।


रूप-रेखा

जानकारी 1:1,2

बड़ाई अर उपदेश 1: 3-2:13

सलाह अर चेतावनी 4: 6-18

समापन 4:19-22



1 या चिट्ठी मुझ पौलुस की ओड़ तै सै, परमेसवर नै मेरे ताहीं मसीह यीशु का प्रेरित होण खात्तर चुण्या सै, ताके मै यो सन्देश प्रचार कर सकू, के परमेसवर नै अनन्त जीवन देण का वादा करया सै, जो यीशु मसीह पै बिश्वास करण तै मिलै सै। 2 मै तीमुथियुस ताहीं या चिट्ठी लिखूँ सूँ, जिसतै मै प्यार करूँ सूँ, अर मै प्रार्थना करूँ सूँ, के पिता परमेसवर अर म्हारै प्रभु मसीह यीशु की ओड़ तै तन्नै अनुग्रह, दया अर शान्ति मिलदी रहवै।



3 मै परमेसवर का धन्यवाद करूँ सूँ, जिसकी आराधना मै साफ अन्तरात्मा तै उससे ढाळ करूँ सूँ, जिस तरियां मेरे पूर्वज करै थे, मै अपनी प्रार्थनायां म्ह तन्नै दिन रात याद करूँ सूँ। 4 मन्नै याद सै के जब मन्नै थारे ताहीं छोड़कै जाणा पड्या था, तो थम मेरे खात्तर किस तरियां रोए थे। मै दिन-रात तेरे तै मिलण की लालसा राखूँ

सूँ, ताके आनन्द तै भर जाऊँ। 5 मन्नै तेरी माँ यूनिके का खरा बिश्वास भी याद सै, अर तेरी नानी लोइस का भी इसाए बिश्वास था, अर मन्नै पक्का बिश्वास सै के थारा भी बिश्वास उसाए होगा सै। 6 इस्से कारण मै तन्नै याद दुवाऊँ सूँ के तू परमेसवर के उस वरदान नै जो मेरै हाथ धरण के जरिये तन्नै मिल्या सै प्रज्वलित करदे। 7 क्यूँके परमेसवर नै म्हारै ताहीं डरपोक न्ही बणाया, बल्के उसका आत्मा म्हारे मन मजबूत बणावै सै, जो म्हारे ताहीं दुसरयां तै प्यार करण म्ह मदद करै सै, अर म्हारे ताहीं अपणे-आप पै काबू राखणा सिखावै सै।

8 इस कारण म्हारै प्रभु यीशु मसीह के बारे म्ह लोगां ताहीं बताण म्ह शर्मिन्दा मत होओ, अर शर्मिन्दा होणा भी न्ही चाहिए, क्यूँके मै उसकी सेवा करण के कारण जेळ म्ह सूँ, इसके बजाये थमनै उस शक्ति का इस्तमाल करणा चाहिए जो परमेसवर थमनै देवै सै, अर सुसमाचार के खात्तर मेरै गेल्या दुख नै सह ल्यो। 9 परमेसवर नै म्हारा उद्धार करया सै, अर म्हारे ताहीं पवित्र जीवन जीण खात्तर बुलाया सै। उसनै म्हारै ताहीं इस कारण कोनी चुण्या के हमनै आच्छे काम करे सै, बल्के अपनी अनुग्रह अर इच्छा के मुताबिक चुण्या सै। उसनै यीशु मसीह ताहीं भेजकै म्हारे उप्पर अनुग्रह दिखाण की योजना दुनिया बणाण तै पैहले ए बणा ली थी। 10 पर इब म्हारै उद्धारकर्ता मसीह यीशु जाहिर होए, अर अपनी करुणा दिखाई, जिसनै मौत की शक्ति ताहीं हरा दिया अर म्हारे ताहीं सुसमाचार के जरिये दिखाया के अनन्त जीवन का एक ए रास्ता सै। 11 जिसके खात्तर परमेसवर नै मेरे ताहीं प्रचारक, प्रेरित, अर उपदेशक भी बणाया। 12 इस कारण मै जेळ म्ह इन दुखां नै भी सहूँ सूँ, पर सरमान्दा कोनी, क्यूँके मै मसीह नै जाणू सूँ, जिसपै मन्नै बिश्वास करया सै, अर मन्नै पक्का बिश्वास सै के मसीह मेरी उस धरोहर की रक्षा जब तक करदा रहवैगा जब तक के वो आ ना ले, क्यूँके वो भरोसेमंद सै। 13 जो खरी बात तन्नै मेरै तै सुणी सै, उन ताहीं उस बिश्वास अर प्यार के गैल, जो मसीह यीशु म्ह सै, अपना बढ़िया नमूना बणाकै राख। 14 अर उस धरोहर की रक्षा करो जो पवित्र आत्मा के जरिये थारे ताहीं सौप्या गया सै, जो म्हारै भित्तर रहवै सै। 15 तन्नै बेरा सै के आसिया परदेस के भोत-से बिश्वासी भाईयां नै मेरे ताहीं छोड़ दिया सै, जिन म्ह फूगिलुस अर हिरमुगिनेस भी शामिल सै। 16 उनेसिफुरुस के कुणवे पै प्रभु दया करै, क्यूँके वो कई बार मेरै धोरै आया अर उसनै मेरे ताहीं उत्साहित करया अर जेळ म्ह भी मेरे तै मिलण खात्तर आण म्ह शर्मिन्दगी महसूस कोनी करी। 17 पर जब वो

3

????? ?????? ???? ???????

1 मै इब के कहूँ सूँ, उन बात्तां पै ध्यान दे अन्त के दिनां म्ह कष्ट का बखत भी आवैगा। 2 क्यूँके माणस स्वार्थी, लोभ्मी, डिंगमार, अभिमानी, बुराई करण आळे, माँ-बाप का हुकम टाळण आळे, अहसान-फरमोस, अपवित्, 3 निर्दयी, माफ ना करण आळे, दोष लाण आळे, असंयमी, कठोर, भले के बैरी, 4 बिश्वासघाती, द्वीठ, घमण्डी, अर परमेसवर के न्ही बल्के सुखविलास ए के चाहणआळे होंगे। 5 वे भगति का भेष तो धरैंगे, पर वे उस शक्ति नै अपणावै कोनी, जो उननै ईश्वरीय बना सकै सै, इसा तै परै रहियो। 6 इन्हे म्ह तै वे माणस सै जो घरां म्ह दबे पाँ बड़ जावै सै, अर उन लुगाईयाँ ताहीं बस म्ह कर लेवै सै, जो पापां तै दबी अर हरेक ढाळ की अभिलाषायां कै बस म्ह हो सै। 7 अर वे हमेशा नई बात सिखदी तो रहवै सै, पर सच की पिच्छाण तक कदे न्ही पोहोचदी। 8 जिस तरियां यत्रेस अर यम्बरेस* नै मूसा नबी का बिरोध करया था, उस्से तरियां ए ये भी सच का बिरोध करै सै, ये इसे माणस सै, जिनकी बुद्धि भ्रष्ट होगी सै अर वे बिश्वास कै बारै म्ह निकम्मे सै। 9 उनकी कामयाबी थोड़े बखत की थी, क्यूँके जिस तरियां माणसां नै मान लिया के यत्रेस अर यम्बरेस बेकूफ थे, अर हर कोए यो स्वीकार कर लेगा के वे बेकूफ सै।

????????????? ?????? ???? ?????????

10-11 पर तन्नै उपदेश, चाल-चलण, मनसा, बिश्वास, सहनशीलता, प्यार, धीरज, अर सताए जाण, अर दुख ठाण म्ह मेरा साथ दिया, अर इसे दुखां म्ह भी जो अन्ताकिया नगर अर इकुनियुम अर लुस्त्रा नगरां म्ह मेरै पै आण पड़े थे, अर दुसरे दुखां म्ह भी जो मन्नै ठाए सै, पर प्रभु नै मेरै ताहीं उन सारया तै छुटा लिया। 12 पर जितने मसीह यीशु म्ह भगति कै गेल्या जीवन बिताणा चाहवै सै वे सारे सताए जावैंगे। 13 पर दुष्ट अर भकाण आळे बिगड़दे चले जावैंगे, वे दुसरयां नै धोक्खा देवैंगे, अर खुद दुसरयां तै धोक्खा खावैंगे। 14 थमनै बिश्वास करते रहणा चाहिए जो हमनै थारे ताहीं सिखाया सै, क्यूँके थम हमनै जाणो सों, अर म्हारे पै भरोस्सा कर सको सों जिननै थारे ताहीं ये बातें सिखाई सै। 15 जब थम छोट्टे बाळक थे, जब तै ए थमनै अपने पवित् ग्रन्थां म्ह सिख्या सै, जो थारे ताहीं या समझण म्ह मदद करै के जब थम मसीह यीशु म्ह बिश्वास करो सों तो परमेसवर थमनै बचावै सै। 16 साब्ला पवित् ग्रन्थ परमेसवर की प्रेरणा तै रच्या गया, अर म्हारे

* 3:8 3:8 यत्रेस अर यम्बरेस इनके बारें म्ह निर्गमन की किताब पढ़े

ताहीं सिखाण खात्तर उपयोगी सै, के सच के सै, अर म्हारे ताहीं यो महसूस करण खात्तर के म्हारी जिन्दगी म्ह के गलत सै। यो म्हारी गलतियाँ नै सुधारै, जब हम गलत होवां सां, अर वोए करणा सिखावै सै जो सही सै। 17 ताके परमेसवर का जन हरेक भले काम करण खात्तर तयार अर सिध्द बण जावै।

4

1 जब मसीह यीशु राजा के रूप म्ह शासन करण खात्तर आवैगा, तो वो उन जिन्दे अर मरे होए माणसां का न्याय करैगा जो मर चुके सै, तो गवाह के रूप म्ह परमेसवर अर मसीह कै साथ, मै ईमानदारी कै साथ थारे तै आग्रह करूँ सूँ। 2 के तू परमेसवर के वचन का प्रचार कर, परमेसवर के वचन ताहीं सुणाण खात्तर सदा तैयार रह, चाहे लोग इस ताहीं सुणाणा चाहवै या ना चाहवै, ताके थम माणसां नै दिखा सको, के जो उननै करया सै, वो गलत करया सै, अर उनके पापां खात्तर उन ताहीं डाट सको, पर थम माणसां नै उत्साहित भी करो जब थम उननै बड़े धीरज तै सिखाओ सों। 3 क्यूँके इसा बखत आवैगा जब माणस खरयां उपदेश न्ही सह सकैंगे, पर अपनी ए इच्छा पूरी करैंगे अर वे अपने खात्तर कई उपदेशक कट्टे करैंगे जो उपदेश वे सुणाणा चाहवै सै उन ताहीं वे बतावैंगे। 4 अर वे सच्चाई नै अणदेखा कर देवैंगे, अर झूठ्ठी कथा-कहाँनियाँ पै मन लगावैंगे। 5 थमनै हरेक बखत अपने-आप पै काबू राखणा चाहिए, दुख ठा, सुसमाचार प्रचार का काम कर, अर परमेसवर के जरिये दी गई सेवा नै पूरी कर।

6 जै वे मन्नै मार भी देवैंगे, तो मेरी जिन्दगी परमेसवर ताहीं चढ़ाई गई एक भेट की तरियां होगी। इस दुनिया ताहीं छोड़ण का इब मेरा बखत आ लिया सै। 7 मन्नै मसीह की सेवा करण खात्तर कड़ी मेहनत करी सै, मन्नै अपनी दौड़ पूरी कर ली सै, मन्नै आखरी तक उसपै बिश्वास करया। 8 आण आळे बखत म्ह प्रभु मेरै ताहीं मुकुट देवैगा, जो के धार्मिकता का मुकुट सै, वो जो सच्चा न्याय करै सै, अर मन्नै वो ईनाम देवैगा जब बोहड़ के आवैगा बल्के मेरे ताहीं ए न्ही उन सब ताहीं भी देवैगा, जो उसके दुबारा आण की बाट बड़ी आस तै देखण लागरे सै।

????????????? ?????? ???? ???????

9 मेरै धीरै तावळा आण की कोशिश कर। 10 क्यूँके देमास नै इस दुनिया की चिज्जां तै प्यार करया सै, अर मेरै ताहीं छोड़ दिया सै, अर वो थिस्सलुनीके नगर म्ह चल्या गया सै। क्रैसकेंस, गलातिया नगर की ओड़

कोनी, वे हर बखत बुरे काम करै सै, क्यूँके उनका मन पूरी तरियां अशुद्ध हो लिया सै। 16 ये झूठे शिक्षक कहवै सै, के हम परमेसवर नै जाणा सां, पर उनके काम दिक्खै सै, के वो परमेसवर ताहीं न्ही जाणते क्यूँके वे घृणित अर हुकम ना मानण आळे सै, अर किसे आच्छे काम कै लायक कोन्या।

2

???? ? ? ? ? ? ? ? ? ? ? ? ? ? ? ? ? ? ?

1 पर तीतुस तेरे खात्तर योए सही सै के तू बिश्वासियाँ ताहीं वोए सीखा जो सच्ची शिक्षा कै मुताबिक हो। 2 यानी के बूढ़े माणस शान्त गम्भीर अर संयमी हो, अर उनका बिश्वास, प्यार अर धीरज पक्का हो। 3 इस ढाळ बूढ़ी बिरबानियाँ का बरताव इसा हो के परमेसवर नै महिमा मिलै, वे लाच्छण लगाण आळी अर पियक्कड़ न्ही हो, पर आच्छी बात सिखाण आळी हो। 4 जवान बिरबानियाँ नै तीतुस तै न्ही बल्के बूढ़ी बिरबानियाँ तै निर्देश पाणा चाहिए, ताके वो उन ताहीं सीखा सकै किस तरियां अपणे धणी अर बाळकां तै प्यार करै। 5 अर वे मन पै काबू राक्खण आळी, पतिव्रता, घर का कामकाज सम्भाळण आळी, भली अर अपणे-अपणे धणी कै प्रति बिश्वास लायक हो, ताके कोए परमेसवर के वचन की बुराई ना कर सकै। 6 इसे तरियां जवान माणसां नै भी समझाया कर, के वे खराई तै चाल्लण आळे हो। 7 हरेक काम म्ह तू अपणे आच्छे बरताव तै दुसरयां खात्तर एक मिसाल बण जा, जिब तू बिश्वासियाँ ताहीं परमेसवर के बारे म्ह सिखावै सै, तो उन ताहीं आच्छे मकसद तै सीखा, अर इसा सीखा ताके लोग तेरा आदर कर सकै। 8 तेरी शिक्षाओं म्ह हमेशा सच्चाई हो, जिसकी आलोचना ना हो सकै, जिसतै बिरोधी नै म्हारै म्ह कोए दोष लगाण का मौक्का ना मिलै अर वो खुद पै शर्मिन्दा हो जावै। 9 नौकरां नै समझा के अपणे-अपणे माल्लिक कै कह्ये म्ह रहवै, अर सारी बात्तां म्ह उसनै राज्जी राक्खै, अर उल्ट कै जवाब ना दे। 10 चोरी चलाकी ना करो, अर हमेशा यो दिक्खै के वो बिश्वास लायक सै, अर थारे आच्छे सुभाव नै देखकै, वे भी म्हारे उद्धारकर्ता परमेसवर की शिक्षा ताहीं सुणणा चाहवैगें। 11 परमेसवर नै अपणा अनुग्रह इस बात म्ह जाहिर करया के उसनै मसीह यीशु ताहीं म्हारा उद्धारकर्ता बणाकै भेज दिया, ताके हरेक माणस बचाए जा सकै। 12 अपणी दया के कारण परमेसवर म्हारे ताहीं सिखावै सै, के हम उन तरिककां तै बरताव करणा बन्द कर द्या, जो उस ताहीं खुश न्ही कर सकदे, अर इसी लालसा ना राक्खा जिसी अबिश्वासी लोग राक्खै सै, पर बुध्दमानी अर धार्मिकता तै बरताव करां, अर इसा

बरताव करा जो परमेसवर नै पसन्द हो, जिब तक हम दुनिया म्ह रहवां। 13 हम इस तरिकके तै बरताव करा, जिसा के हम उस अदभुत दिन की बाट देखदे हो, जिसकी हम आस राक्खां सां, यो वो दिन सै जिब यीशु मसीह जो म्हारा परमेसवर अर उद्धारकर्ता सै बड़ी महिमा म्ह इस दुनिया म्ह बोहड़ के आवैगा। 14 इस मसीह यीशु नै अपणे-आप ताहीं म्हारे पापां खात्तर बलिदान कर दिया, ताके हम सारे पापां तै आजाद हो जावां, अर म्हारे ताहीं शुद्ध करया ताके हम उसके अपणे खास माणस बण जावां, जो भले काम करण की बड़ी इच्छा राक्खै सै। 15 पूरे अधिकार कै गैल इन सारी बात्तां की शिक्षा देते होए लोगगां नै समझा अर उत्साहित करदा रह, अर कोए तन्नै तुच्छ न्ही जाणण पावै।

3

???? ? ? ? ? - ? ? ? ?

1 बिश्वासियाँ नै याद दुआ के हाकिमां अर अधिकारियां का आदर कर, अर उनका हुकम मान्ना, अर दुसरयां का भला करदे रहो। 2 किसे नै बदनाम ना करै, अर ना झगड़ालू बणै, पर दुसरे माणसां कै खात्तर दया दिखाण आळे बणो, अर सारे माणसां कै गैल बड़ी नरमाई के गैल रहवै। 3 क्यूँके हम भी पैहल्या बेअक्ल, परमेसवर का हुकम ना मानण आळे, भ्रम म्ह पड़े होए अर न्यारी-न्यारी ढाळ की बुरी अभिलाषा अर सुखभोगण की गुलामी म्ह, अर बैरभाव अर माणसां के प्रति जळण करण म्ह जीवन बिताण लागरे थे, हम घृणा के लायक माणस थे, अर हर कोए म्हारे तै घृणा करै था, अर हम भी उनतै घृणा करा थे। 4 पर फेरभी परमेसवर जो म्हारा उद्धारकर्ता सै उसनै अपणी दया अर प्यार हम माणसां पै दिखाया। 5 उसनै म्हारे ताहीं पापां के दण्ड तै बचाया, अर यो धार्मिक काम्मां के जरिये न्ही होया जो हमनै खुद करे, पर उसनै म्हारे पै दया करी। उसनै म्हारे ताहीं पवित्तर आत्मा देण कै जरिये बचाया, जो म्हारे पापां नै माफ करै सै, अर हमनै नई जिन्दगी अर नया सुभाव देवै सै। 6 परमेसवर नै मुफ्त म्ह पवित्तर आत्मा दिया ताके वो म्हारे म्ह सामर्थी रूप तै काम करै क्यूँके मसीह यीशु म्हारे पापां खात्तर मरया अर म्हारा उद्धारकर्ता बण गया। 7 ताके हम अनन्त जीवन की आस राक्ख सका, जिसका परमेसवर नै अपणे माणसां ताहीं देण का वादा करया सै, अर हमनै उसपै पूरा भरोस्सा सै, क्यूँके वो अपणी करुणा के मुताबिक म्हारे ताहीं धर्मी बणावै सै। 8 या बात सच सै, अर मै चाहूँ सू, के तू इन बात्तां के बारे म्ह मजबूती तै बोल्लै इस करके के जिननै परमेसवर पै बिश्वास करया सै, वे भले काम करण खात्तर हमेशा ध्यान लगावैगें। ये

फिलेमोन के नाम प्रेरित पौलुस की चिट्ठी

☞☞☞☞☞☞

फिलेमोन एक खास विश्वासी था, जो इसा लाग्गै सै के वो कुलुस्से की कलीसिया का सदस्य था, अर उनेसिमुस नाम का एक गुलाम का माल्लिक था। यो गुलाम अपने माल्लिक के धोरै तै भाग गया था, अर फेर किसे तरियां पौलुस ताहीं मिल्या, जो उस बखत जेळ म्ह था। पौलुस के जरिये, उनेसिमुस एक विश्वासी बन गया। फिलेमोन के नाम पौलुस प्रेरित की चिट्ठी फिलेमोन सै यो बिनती कर सै, के वो अपने दास तै दुबारा मेळ-जोळ करले, अर उसने पौलुस फेर तै उसके धोरै भेज्जै सै, अर उस ताहीं माफ करे गए एक दास के रूप म्ह ए न्ही पर एक विश्वासी भाई के रूप म्ह उसका स्वागत करै।

रूप-रेखा

जानकारी 1-3 फिलेमोन की बड़ाई 4-7

उनेसिमुस के खात्तर बिनती 8-22

समापन 23-35

☞☞☞☞☞☞

1 या चिट्ठी मुझ पौलुस, की ओड़ तै सै, जो मसीह यीशु का कैदी सै। हे फिलेमोन, मेरी अर विश्वासी भाई तीमुथियुस की ओड़ तै तन्नै नमस्कार। तू म्हारा प्यारा मित्र अर मसीह के काम करण म्ह म्हारा साझेदारी सै। 2 मै भाण अफफिया, अर अरखिप्पुस ताहीं जो परमेसवर की सेवा एक सिपाही की तरियां करण लागरया सै, अर उस कलीसिया नै भी लिखूँ सूँ, जो फिलेमोन के घर म्ह कट्ठी हो सै। 3 मै प्रार्थना करूँ सूँ, के म्हारे पिता परमेसवर अर प्रभु यीशु मसीह की ओड़ तै थमनै अनुग्रह अर शान्ति मिलती रहवै।

4 मै जिब भी थारे खात्तर प्रार्थना करूँ सूँ, तो मै सारी हाण थारे खात्तर परमेसवर का धन्यवाद करूँ सूँ। 5 मै प्रभु यीशु मसीह पै थारे विश्वास अर परमेसवर के पवित्र माणसां के प्रति प्यार के बारे म्ह सुणदा रहूँ सूँ। 6 मै प्रार्थना करूँ सूँ, के जो विश्वासियाँ गैल थारी साझेदारी सै, उन भली चिज्जां के जाणण के जरिये जो परमेसवर नै म्हारे ताहीं दी सै, वा और घणी बढ़ती जावै। अर या म्हारे मसीह की महिमा खात्तर हो। 7 क्यूँके हे विश्वासी भाईयो, मै भोत खुश सूँ, अर मेरे प्रति थारे प्यार तै मै घणा उत्साहित सूँ, अर इस कारण पवित्र माणसां नै घणी खुशी मिली सै।

☞☞☞☞☞☞ ☞☞ ☞☞☞☞☞☞ ☞☞☞☞☞☞

8-9 जो हक मेरे ताहीं मसीह नै दिया सै, उसकी बजह तै मै थमनै हुकम दे सकूँ सूँ, के थमनै के करण की जरूरत सै, पर मै इसा कोनी करूँ, मै पौलुस, बुजुर्ग माणस होण के नाते अर मसीह यीशु का कैदी होण के कारण थारे तै प्यार तै बिनती करूँ सूँ। 10 मेरी बिनती या सै के उनेसिमुस जो मेरे बाळक की तरियां सै, वो मसीह म्ह मेरा आत्मिक बेटा जिब बणया जिब मै कैद म्ह था, थम उसपै दया करियो। 11 वो तो पैहला तेरे किमे काम का ना था, पर इब तेरे अर मेरे दोनुआ के खात्तर बड़े काम का सै। 12 उससे नै यानी जो मेरे दिल का टुकड़ा सै, मै तेरे धोरै भेज्जूँ सूँ। 13 उसनै मै अपने ए धोरै राखणा चाहूँ था, ताके वो तेरी जगहां मेरी मदद कर सकै, जिब के मै मसीह का सुसमाचार सुणाण के खात्तर कैद म्ह सूँ। 14 पर मन्नै तेरी इच्छा बगैर कुछ भी न्ही करणा चाह्या। मै चाहूँ था के तू मेरी मदद मजबूरी म्ह न्ही पर खुद की इच्छा तै खुशी तै करै। 15 हो सकै सै के परमेसवर नै उनेसिमुस ताहीं, तेरे तै इस करके थोड़े बखत खात्तर दूर जाण का मौक्का दिया, ताके वो मसीह पै विश्वास कर सकै, अर उसकी बजह तै तू सदा खात्तर उसनै पा लेवै। 16 पर इब वो तेरा दास ए कोनी बल्के दास तै भी बढ़कै, यानी विश्वासी भाई सै। मै उसतै भोत प्यार करूँ सूँ, पर इब तू मेरे तै भी ज्यादा उसतै प्यार कर, दास की तरियां न्ही, पर विश्वासी भाई की तरियां। 17 इस करके जै तू मन्नै अपना साझेदार समझै सै, तो उनेसिमुस जिब थारे धोरै बोहड़ के आवैगा, तो उसनै प्यार तै अपना लियो, जिस तरियां थम मन्नै अपनाओ सों। 18 जै उसनै तेरा कुछ भी नुकसान करया सै, या उसपै तेरा कुछ कर्ज सै, तो आकै दे दियुँगा। 19 मै पौलुस अपने हाथ तै लिखूँ सूँ, के उसका कर्जा मै आप दे दियुँगा, तू खुद जाणै सै, जै मै तेरी मदद न्ही करदा, तो तन्नै नई जिन्दगी न्ही मिलती, इस करके तू जिन्दगी भर मेरा कर्जदार सै। 20 हे मेरे प्यारे भाई, मेरे खात्तर योए कर क्यूँके हम विश्वासी भाई सां, अर तेरे इसा करण तै मै मसीह म्ह उत्साहित हो जाऊँगा। 21 मै तेरे पै भरोसा करके तेरे तै लिखूँ सूँ, अर या जाणु सूँ के जो कुछ मै कहूँ सूँ, तू उसतै घणा बढ़कै करैगा। 22 अर या भी के मेरे खात्तर रुकण की जगहां तैयार राखै। मन्नै उम्मीद सै, के परमेसवर थारी प्रार्थनायां का जवाब देवैगा, अर मै थारे धोरै आकै थमनै देख पाऊँगा।

☞☞☞☞ ☞☞☞☞☞☞☞☞

23 इपफ्रास, जो मेरे गैल जेळ म्ह कैद सै, क्यूँके वो यीशु मसीह की सेवा करै सै थारे ताहीं नमस्कार कहवै

सै ।²⁴अर मरकुस, अरिस्तर्खुस, देमास अर लूका जो मेरे गैल परमेसवर का काम करणीये सै, इनका भी तेरे ताहीं नमस्कार ।²⁵ मै प्रार्थना करूँ सूँ, के म्हारे प्रभु यीशु मसीह का अनुग्रह थारे साथ होदा रहवै । आमीन ।

इब्रानियों के नाम चिट्ठी

????????

इब्रानियों के नाम चिट्ठी विश्वासियों के एक झुण्ड ताहीं लिखी गई सै, जो बढ़ते होए बिरोध के कारण, अपने मसीह विश्वास नै छोड़ण के खतरे म्ह थे। लेखक उननै अपने विश्वास म्ह बणे रहण के खात्तर हिम्मत बढ़ावै सै, खास तौर पे यो दिखान्दे होए के यीशु मसीह ही परमेसवर का सच्चा अर आखरी प्रकाशन सै। इसा करते बखत वो तीन सच्चाईयाँ पै जोर देवै सै: (1) यीशु ए परमेसवर का सच्चा बेट्टा सै, उसनै दुख ठा-ठाके पिता की सच्ची आज्ञाकारिता सीक्खी। परमेसवर के बेट्टे के रूप म्ह यीशु पुराणा-नियम के नबियों, सुर्गदूतां, अर खुद मूसा तै भी बढ़के सै। (2) यीशु परमेसवर के जरिये अंत काल का महायाजक बणाया गया सै, पुराणे-नियम के महायाजक के रूप म्ह सच्चा मुक्ति देणिया सै, यहूदी धर्म की धर्म-विधियाँ अर पशु बलि के जरिये जिनका मात्र पैहले तै ए जिक्र मिलै सै। इस्राएली इतिहास के कुछ नाम्मी माणसां के विश्वास के उदाहरणा नै पेश करदे होए (पाठ 11), लेखक अपने पाठकां तै विश्वास म्ह बणे रहण की बिनती करै सै, और 12 वे पाठ म्ह वो अपने पाठकां तै बिनती कर सै, के अन्त ताहीं विश्वास म्ह बणे रहो अर अपनी आँख यीशु पै लगाई राखो, अर जो दुख और सताव उनपै आवै सै उसनै धीरज तै सह ल्यो। या चिट्ठी कुछ सलाह अर चेतावनी के साथ खतम हो सै।

रूप-रेखा

जानकारी : मसीह, परमेसवर का पूर्ण प्रकाशन 1:1-

3

मसीह, सुर्गदूतां तै भी श्रेष्ठ सै 1:2-18

मसीह, मूसा अर यहोशू तै श्रेष्ठ सै 3:1-4:13

मसीह के याजक के पद की श्रेष्ठता 4:14-7:28

मसीह के करार की श्रेष्ठता 8:1-9:28

मसीह की कुरबान्नी की श्रेष्ठता 10:1-39

विश्वास की श्रेष्ठता 11:1-12:29

आखरी उपदेश अर समापन 13:1-25

????????

1 पैहलडे युग म्ह परमेसवर नै म्हारे पूर्वजां तै भोत बार अर अलग-अलग ढाळ तै नबियाँ के जरिये बात करी। 2 पर इन आखरी के दिनां म्ह म्हारै तै, अपने बेट्टे के जरिये बात करी। परमेसवर नै सारी सृष्टि की रचना अपने बेट्टे के जरिये करी अर उसनै उस ताहीं सारी

चिज्जां का वारिस बणाया। 3 बेट्टा ए परमेसवर की महिमा का चाँदणा सै अर उस म्ह हम देख्वां सां, के वो किसान सै, अर सारी चिज्जां नै अपने शक्तिशाली हुकम तै सम्भालै सै। वो माणसां के पापां की माफी का कारण बणया, अर ऊँच्ची जगहां पै महिमामय के सोळी ओड़ जा बेट्टा, 4 इसा करण तै सुर्गदूतां तै उतनाए बढ़िया ठैहराया, जितना उसनै बड़े ओढ़े का उसका पद सुर्गदूतां तै ऊँच्चा ठैहराया।

????????

5 क्यूँके परमेसवर नै कदे किसे सुर्गदूत तै न्ही कह्या, के “तू मेरा बेट्टा सै, आज मै घोषणा करूँ सूँ के, तू मेरा बेट्टा सै” अर सुर्गदूतां म्ह तै उसनै कद किसे तै कह्या, के “मै उसका पिता होऊँगा, अर वो मेरा बेट्टा होवैगा?” 6 अर जब परमेसवर नै अपने जेठे बेट्टे ताहीं इस दुनिया म्ह भेज्या, तो कहवै सै, “परमेसवर के सारे सुर्गदूत उस ताहीं मोध्हे मुँह पड़के प्रणाम करै।” 7 अर सुर्गदूतां के बारे म्ह न्यू कहवै सै, “वो अपने सुर्गदूतां ताहीं हवा, अर अपने सेवकां नै भड़कदी होई आग बणावै सै।” 8 पर बेट्टे के बारे म्ह कहवै सै, “हे परमेसवर, उसका राज युगायुग रहवैगा, तेरे राज्य का राजदण्ड न्याय का राजदण्ड सै। 9 तन्नै धर्म तै प्यार अर अधर्म तै बैर राख्या, इस कारण परमेसवर, तेरे परमेसवर नै, तेरे साथियाँ तै बढ़के हर्षरूपी तेल तै तेरा अभिषेक करया।” 10 अर यो के, “हे प्रभु, शरुआत म्ह तन्नै धरती अर जो कुछ अकास म्ह सै उन ताहीं बणाया, अर सुर्ग तेरे हाथ्यां की कारीगरी सै। 11 वे तो नाश हो जावेंगे, पर तू सदा खात्तर जिन्दा रहवैगा, अर वे सारे लत्ते की ढाळ पुराणे हो जावेंगे, 12 अर तू उन ताहीं चादर की तरियां लपेटैगा, अर वे लत्ते की ढाळ बदल जावेंगे पर तू कदे न्ही बदलैगा, अर तू सदा खात्तर जिन्दा रहवैगा।” 13 अर सुर्गदूतां म्ह तै उसनै किसतै कद कह्या, “तू मेरै सोळी ओड़ बैठ, यानी के तू हक की जगहां पै बैठ। जब ताहीं के मै तेरे बैरियाँ नै पूरी तरियां तै हरा ना दूँ?” 14 के वे सारे परमेसवर की सेवा-पाणी करण आळी आत्मा कोनी, जो उद्धार पाण आळा के खात्तर मदद करण नै भेजी जावै सै?

2

????????

1 इस करके म्हारे ताहीं जो कुछ सिखाया गया था उसका पालन करण खात्तर हमनै और सावधान रहणा चाहिए। तब हम सच्चाई तै दूर न्ही जावांगे। 2 क्यूँके जो वचन सुर्गदूतां के जरिये कह्या गया था। जब वो सच साबित होया अर हरेक अपराध अर हुकम ना मानण का

परमेसवर नै उन ताहीं दण्ड दिया। 3 तो हम माणस इसे महान् उद्धार नै अणदेखा करकै किस तरियां बच सकां सां? इस महान् उद्धार की पैहली बार प्रभु यीशु नै घोषणा करी थी, अर जिन चेल्यां नै उस ताहीं सुण्या, तो चेल्यां नै म्हारे ताहीं साबित करकै दिखा दिया के यो सच सै। 4 अर गेल्या ए परमेसवर भी अपणी मर्जी के मुताबिक चमत्कार, अर अनोक्खे काम्मां, अर कई ढाळ के सामर्थ के काम्मां, अर पवित्तर आत्मा के वरदान्नां के बांडण के जरिये इन बात्तां नै सच साबित करदा रह्या। 5 उसनै उस आण आळी दुनिया ताहीं जिसका जिक्र हम करण लागरे सां, सुर्गदूत्तां के अधीन न्ही करया, पर अपने बेटटे के अधीन कर दिया। 6 पवित्तर ग्रन्थ म्ह किते, किसे नै परमेसवर तै यो कह्या सै, के “माणस के सै के तू उसकी सुधि लेवै सै? या माणस का बेटटा के सै, के तू उसकी फिक्र करै सै? 7 तन्नै उस ताहीं सुर्गदूत्तां तै थोड़ा ए कम महत्वपूर्ण बणाया, तन्नै उस ताहीं राजा की तरियां महिमा अर सम्मान दिया, अर सब किमे उसके अधीन कर दी। 8 तन्नै उस ताहीं सारी चिज्जां पै हक दिया।” इसा लागै सै के परमेसवर नै सारा कुछ उसके अधीन कर दिया सै, उरै ताहीं के कुछ भी न्ही बचा जो उसके अधीन ना हो, पर हम देख सका सां, के सारी चिज्जें उसके अधीन म्ह न्ही।

9 पर हम यो देख्वां सां, के यीशु ताहीं कुछ बखत खात्तर सुर्गदूत्तां तै कम करया गया था, ताके परमेसवर के अनुग्रह तै वो हरेक किसे खात्तर मर सकै, क्यूँके उसनै दुख ठाया अर मर गया, इस करकै परमेसवर नै उस ताहीं महिमा अर सम्मान दिया। 10 परमेसवर नै जो कुछ भी बणाया सै, वो सारा अपने खात्तर सै, अर उस ताहीं योए आच्छा लाग्या के जब वो भोत सारे माणसां ताहीं अपणी महिमा म्ह साँझा करै, तो यीशु मसीह जो उनका उद्धारकर्ता सै, उसके दुख ठाण के जरिये उन ताहीं सिध्द बणा लेवैगा। 11 क्यूँके जो माणसां नै उनके पाप तै साफ करै सै, अर जिन माणसां के पाप साफ होण लागरे सै, दोन्नु एक ए पिता परमेसवर की ऊलाद सै, इस्से कारण वो उननै भाई-भाण कहण तै कोनी सरमान्दा। 12 अर वो (मसीह) परमेसवर तै कहवै सै, “मै अपने भाईयाँ ताहीं बताऊंगा के तन्नै मेरे खात्तर कितने भले काम करे सै, अर जब आराधना करण खात्तर मण्डली म्ह कटटे होंगे तो मै तेरी महिमा करूंगा।” 13 अर वो दुबारा कहवै सै, के मै उन माणसां के साथ सँ, “जो परमेसवर नै मेरे ताहीं दिए सै।” 14 ज्यांतै जब के परमेसवर के बच्चे सै, जो के माँस अर लहू तै बणे सै, अर उसका बेटटा (यीशु मसीह) भी इन्सान बण्या, इस करकै वो एक इन्सान के रूप म्ह ए मर सकै था, अर सिर्फ मरण तै ए वो शैतान की शक्ति नै

तोड़ सकै था, जिसके धरै मौत की शक्ति थी। 15 अर इस तरियां यीशु नै उन सारे माणसां ताहीं मुक्त कर दिया जो हर बखत गुलाम्मां की तरियां जीवै थे, अर वे मरण तै डरै थे। 16 क्यूँके मसीह यीशु तो सुर्गदूत्तां ताहीं न्ही बल्के अबराहम की पीढी नै सम्भाळै सै। 17 इस कारण उस ताहीं चाहिये था, के वो हर बात्तां म्ह बिश्वासी भाईयाँ की तरियां बणै, ताके वो परमेसवर का महायाजक बण सकै, जो दयालु अर बिश्वास जोग्गा सै, अर वो माणसां के पापां की माफी खात्तर खुद नै बलिदान कर सकै। 18 क्यूँके यीशु का इम्तिहान हो लिया अर उसनै खुद दुख ठाया सै, इस करकै वो इम्तिहान म्ह पड़े होए माणसां की मदद कर सकै सै।

3

????-????-????

1 ज्यांतै हे बिश्वासी भाईयो, थम जो परमेसवर के कुह्वाओ सां, सुर्ग म्ह साइझी होण खात्तर बुलाये गये सां, यीशु पै ध्यान द्यो, जो म्हारे खात्तर परमेसवर की ओड़ तै भेज्जा गया प्रेरित अर महायाजक सै, जिसपै हम बिश्वास करा सां। 2 यीशु परमेसवर के प्रति वफादार था, जिस ताहीं उसनै नियुक्त करया था, जिसा मूसा नबी नै भी वफादारी तै पूरा काम करया जो भी परमेसवर नै उस ताहीं करण खात्तर कह्या था। 3-4 जिसा के घर बणाण आळे माणस नै घर तै बढकै सम्मान मिलै सै। इस्से तरियां यीशु मूसा नबी तै घणा सम्मान जोग्गा सै। क्यूँके हरेक घर का कोए ना कोए बणाण आळा होवै सै, पर जिसनै सारा किमे बणाया वो परमेसवर सै। 5 मूसा नबी तो परमेसवर के घर के माणसां खात्तर सेवक की तरियां बिश्वास जोग्गा रह्या। के जो मूसा नबी नै करया था, वो दिखावै सै के परमेसवर आण आळा बखत म्ह के करण आळा सै। 6 पर परमेसवर के कुण्बे म्ह मसीह, तो एक बेटटे के रूप म्ह बिश्वास लायक सै, अर उस आस म्ह बिश्वास नै बणाए राखै सै, तो हमे उसका कुण्बा सां। 7 जिसा परमेसवर अपने पवित्तर आत्मा के जरिये कहवै सै, “जै आज थम परमेसवर की आवाज सुणो,

8 “तो अपने मन ताहीं कठोर ना करो, जिसा के छो दुवाण के बखत अर इम्तिहान के दिन जंगळ म्ह थारे पूर्वजां नै करया था। 9 थारे पूर्वजां नै चाळीस साल तक मेरे महान् काम देख्खण के बाद भी चुनौती देन्दे होए मेरे ताहीं परख्या था। 10 इस कारण मै उस बखत के माणसां तै गुस्सा रह्या, अर कह्या, ‘उननै मेरे पाच्छै चालणा न्ही चाह्या, अर इसा करण तै इन्कार कर दिया जो मन्नै उन ताहीं करण का आदेश दिया था।’ 11 फेर मन्नै छो म्ह आकै कसम खाकै कह्या, के ‘उस आराम

की जगहां म्ह थम बड़ण न्ही पाओगे, जित्त मै उननै आराम देऊंगा।” 12 हे बिश्वासी भाईयो, चौक्कस रहो के थारे म्ह इसा बुरा अर अबिश्वासी मन ना हो, जिसतै थम जिन्दे परमेसवर तै दूर हो जाओ। 13 जिव भी थम पवित्तर ग्रन्थ नै यो कहते सुणो, “आज का दिन” तो एक-दुसरे नै उत्साहित करते रहो, इसा ना हो पाप थारे ताहीं धोक्खा देवै, अर थम परमेसवर कै खिलाफ जिद्दी हो जाओ। 14 क्यूँके जै हम अन्त तक मजबुत्ती कै साथ अपणे शरुआती बिश्वास नै थाम्मे राक्खां सां, तो हम मसीह के साइद्दीदार बण जावां सां। 15 जिसा पवित्तर ग्रन्थ कहवै सै, “जै आज थम परमेसवर का शब्द सुणो, तो अपणे मनां नै कठोर ना करो, जिसा के छो दुवाण के बखत थारे पूर्वजां नै करया था।” 16 कौण थे वे माणस जिननै परमेसवर की आवाज सुणकै भी उस ताहीं छो दुवाया? ये वे माणस थे जिन ताहीं मूसा नबी मिस्र देश तै बाहर लेकै गया था। 17 चाळीस साल तक परमेसवर ताहीं इन माणसां नै गुस्सा दुवाया, ये इस्राएल के माणस थे, जिननै मरुस्थल म्ह पाप करया अर वे मरगे, अर उनकी लाश जंगळ म्ह पड़ी रहीं? 18 अर जिव परमेसवर नै कसम खाई के “वे उस आराम की जगहां म्ह कदे न्ही बड़ पावेंगे, जित्त मै उननै आराम देऊंगा।” वो वास्तव म्ह उन माणसां के बारे म्ह बात करै था जिननै उसका विरोध करया था। 19 इस बात तै हमनै यो बेरा लाग्या सै, के वे अपणे अबिश्वास कै कारण बड़ न्ही सके।

4

???????? ?? ????????? ? ? ? ? ? ? ? ?

1 इस करकै परमेसवर नै म्हारे ताहीं वादा करया सै, के हम आराम की जगहां पै जावेंगे, क्यूँके आराम की जगहां म्ह बड़ण का वादा इब भी सै, तो हमनै भोत सावधान रहणा चाहिए, इसा ना हो के थारे म्ह तै कोए माणस आराम की जगहां जाण म्ह नाकामयाब हो जा, जिस ताहीं देण का वादा परमेसवर नै म्हारे ताहीं करया सै। 2 जिस तरियां हमनै यीशु मसीह के बारे म्ह सुसमाचार सुण्या, अर उन इस्राएल के माणसां नै भी जिन नै आराम की जगहां म्ह बड़ण के बारे म्ह सुसमाचार सुण्या पर उननै उस सुसमाचार पै बिश्वास न्ही करया, इस कारण उनकै खात्तर संदेश बेकार टैहराया। 3 पर म्हारे ताहीं जो परमेसवर नै कह्या सै, हम उसपै भरोस्सा करां सां, अर हम आराम की जगहां म्ह बडांगे। जिसा औरां खात्तर परमेसवर नै कह्या सै, “मन्नै अपणे छो म्ह कसम खाई के वे मेरी आराम की जगहां म्ह बड़ण न्ही पावेंगे।” फेर भी उसके काम दुनिया के बणाण तै पैहल्याए पूरे

हो लिए थे। 4 क्यूँके सातमै दिन कै बारै म्ह परमेसवर नै पवित्तर ग्रन्थ म्ह न्यू कह्या सै, “परमेसवर नै सातमै दिन अपणे सारे काम्मां ताहीं निपटा कै बिश्राम करया।” 5 हमनै यो भी पढ़या के उसनै बाद म्ह कह्या, के “वे मेरै आराम की जगहां म्ह बड़ण न्ही पावेंगे।” 6 इस्राएल के वे माणस जिन ताहीं सुसमाचार सुणाया गया था, वो आराम की जगहां म्ह बड़ण म्ह नाकामयाब रहे, क्यूँके उननै परमेसवर के हुकम ताहीं कोनी मान्या था, पर उस आराम की जगहां म्ह जाण का इब भी मौक्का सै। 7 ज्यातै उसनै आराम की जगहां म्ह बड़ण का एक और मौक्का तय करया, अर वो मौक्का आज सै। म्हारे पूर्वजां के बिद्रोह के कई साल्लां बाद, दाऊद के मुँह तै यो कह्या था, “जै आज थम उसकी आवाज सुणो, तो उस ताहीं सुणकै इन्कार ना करो।”

8 हम यो भी जाणा सां के परमेसवर नै जो आराम की जगहां का वादा करया सै, वो कनान देश कोनी, जिसपै यहोशू नै म्हारे पूर्वजां की अगुवाई करी थी, जै यो कनान देश होन्दा, तो परमेसवर नै बाद म्ह यो न्ही कह्या होगा, के एक और मौक्का सै। 9 यो भी हो सकै सै, के परमेसवर के माणसां नै इस तरियां के तरिकके तै आराम करणा पड़े, जिस तरियां तै परमेसवर नै दुनिया बणाण के सातवे दिन आराम करया था। 10 क्यूँके जो उसकै आराम की जगहां म्ह बड़या सै, उसनै भी परमेसवर की ढाळ अपणे काम पूरे करकै बिश्राम करया सै। 11 इस करकै हम उस आराम की जगहां म्ह बड़ण की कोशिश बड़ी मेहनत कै साथ करा, ताके कोए भी उन माणसां की तरियां ना बणे जिननै परमेसवर के हुकम ताहीं मानण तै इन्कार कर दिया, फेर हम उसकी आराम की जगहां म्ह बड़ण पावांगे। 12 क्यूँके परमेसवर का वचन जिन्दा, अर प्रभावशाली सै, अर वो एक दोधारी तलवार तै भी घणा पैना सै। वो प्राण अर आत्मा ताहीं, अर गाँठ-गाँठ अर गुद्दे-गुद्दे ताहीं न्यारा करकै आरम-पार पाड़ दे सै अर मन की भावनायां अर विचारां ताहीं परख ले सै। 13 जिस ताहीं लेखा देणा सै, उसकी नजर तै कोए भी प्राणी छुप्या कोनी। सारी चीज उसके स्याम्ही साफ अर खुली होड़ सै।

???????? ?????????

14 ज्यातै जिव म्हारा इसा बड़ड़ा महायाजक सै, जो सुर्ग म्ह चल्या गया सै, यानिके परमेसवर का बेट्टा यीशु, तो आओ, हम बिश्वास म्ह पक्के बणे रहवां जो हमनै सारे माणसां के आगै स्वीकार करया सै। 15 क्यूँके म्हारा यो महायाजक जो यीशु मसीह सै, म्हारी हरेक कमजोरियां नै जाणे सै, बल्के वो सारी बात्तां म्ह म्हारै

तरियां परख्या तो गया, फेर भी निष्पाप लिकड़या। 16 इस करकै आओ, हम परमेसवर के स्याम्ही बिना डर के जावां जो करुणा तै भरा होया सै, फेर परमेसवर म्हारै पै दया करैगा, अर जब हमनै मदद की जरूरत होगी तो वो म्हारी मदद करैगा।

5

1 परमेसवर इस्राएल के माणसां म्ह तै एक महायाजक ताहीं चुणै सै, अर वो महायाजक ताहीं नियुक्त करै सै, ताके वो उसकी सेवा भेट चढ़ाकै, अर माणसां के पापां की माफी कै खात्तर बलि चढ़ाकै कर सकै। 2 वो बेअक्ले अर भूले भटक्यां कै गेल्या नर्मी तै बरताव कर सकै सै, ज्यांतै वो आप भी कमजोरी तै धिरया सै। 3 उसकै खात्तर एक महायाजक के रूप म्ह अपणे अर माणसां कै पापां नै दूर करण खात्तर बलि चढ़ाणा जरूरी सै। 4 कोए भी इन्सान अपणे-आपनै तै महायाजक होण का पद न्ही ले सकता। एक माणस सिर्फ महायाजक जिब्बे बण सकै सै, जब परमेसवर उस ताहीं याजक होण कै खात्तर बुलावै सै, जिस तरियां हारुन ताहीं परमेसवर नै पैहला महायाजक होण खात्तर बुलाया था।

5 उस्से तरियां ए मसीह नै भी खुद ताहीं महायाजक बणाकै खुद का सम्मान करण का फैसला कोनी करया, परमेसवर नै उस ताहीं यो सम्मान दिया जब उसनै कह्या, के “तू मेरा बेट्टा सै, आज मन्नै ए तेरे ताहीं पैदा करया सै।” 6 एक और जगहां परमेसवर उस ताहीं दुबारा कहवै सै, “तू मलिकिसिदक* की रीत पै सारी हाण खात्तर याजक सै।” 7 जब यीशु इस दुनिया म्ह रहवै था, तो टाइडू शब्दां तै रुक्का मार-मारकै अर आँसू बहा-बहाकै परमेसवर तै प्रार्थनाएँ अर बिनती करी, जो उस ताहीं मौत तै बचा सकै था, अर आदरपूर्ण समर्पण कै कारण परमेसवर नै उसकी सुण ली। 8 परमेसवर का बेट्टा होण पै भी मसीह यीशु नै दुख ठा-ठाकै भी उसका हुकम मानना सिख्या। 9 फेर सिध्द हो जाणकै बाद वो खुद उन सब खात्तर, जो उसके हुकमां नै मानणीयां कै खात्तर अनन्त काल के उद्धार का कारण बणग्या। 10 अर उस ताहीं परमेसवर की ओड़ तै मलिकिसिदक की रीत पै महायाजक का पद मिल्या।

???????? ?? ???? ???? ?? ?????????

11 इसकै बारे म्ह हमनै घणीए बात कहणी सै, पर उनके बारे म्ह खुलकै जिक्र करणा मुश्किल सै, क्यूँके थम परमेसवर के वचन के बारे म्ह जाणण खात्तर आलसी होगे सों। 12 बखत कै विचार तै तो थमनै शिक्षा देण आळा बण जाणा चाहिए था, पर थमनै तो इब भी इसे माणस की

जरूरत सै, जो थारे ताहीं नये सिरै तै परमेसवर की शिक्षा की शुरुआती बात ए सिखावै, थम तो इब्बे भी उन छोटे-बाळक की ढाळ सों, जिन ताहीं दूध चाहिए, पर भारी खाणा न्ही। 13 याद राक्खों जो माणस इब भी वचन की शुरुआती शिक्षा नै सीखण लागरे सै, वे न्ही जाणदे, के परमेसवर धर्मी बणण के बारे म्ह के कहवै सै, वो दूध पीन्दे बाळक की तरियां सै। 14 पर जिस माणस की तुलना श्याणे माणस तै करी जा सै, जो ठीक तै खाण चबा-चबा कै खा सकै सै, वो यो माणस सै जिसका विश्वास पक्का सै अर जो खरी शिक्षा नै समझ सकै सै, उसनै आच्छे अर बुरे की पिच्छाण करणा सीखा लिया सै।

6

1 इस करकै जब म्हारे ताहीं मसीह के बारे म्ह शुरु म्ह सिखाया गया था, तो आओ हम उन ताहीं छोड़ के खरी शिक्षा पै चर्चा करण खात्तर आगू बढ़े जावां। शुरुआती शिक्षा जिसा पाप तै भरे काम तै जो मौत नै लेकै आवै सै, परमेसवर पै विश्वास करण नै नीम की तरियां ना धरो, 2 अर बपतिस्मा अर हाथ धरण, अर मरे होया के जिन्दा उठण, अर आखरी न्याय की शिक्षा रूपी नीम दुबारा ना बणावां। 3 जै परमेसवर नै चाह्या तो मै थमनै खरी शिक्षा दिऊंगा। 4 क्यूँके जो माणस अपणे विश्वास नै खो दे सै, तो उन ताहीं फेर तै पश्चाताप करण कै खात्तर उलटा न्ही ल्याया जा सकता। एक बार उननै परमेसवर की सच्चाई नै जाणा अर सुर्ग तै वरदानां ताहीं पाया, अर बाकियाँ की तरियां पवित्र आत्मा भी पाया। 5 अर उननै अनुभव करया था के परमेसवर का वचन आच्छा सै, अर वे परमेसवर की आण आळी शक्ति का अनुभव कर चुके थे। 6 उननै फेर तै उल्टा ल्याण का कोए तरिकका कोन्या, क्यूँके वे परमेसवर के बेट्टे ताहीं अपणे खात्तर दुबारा करूस पै चढ़ावै सै, अर सबके स्याम्ही उसपै कलंक लगावै सै। 7 जिन माणसां नै आच्छी शिक्षा मिलै सै, वे उस जमीन की तरियां सै, जित्त बारिस होन्दी ए रहवै सै, जै जमीन बढ़िया सै, तो या किसान खात्तर बढ़िया फसल देवै सै, अर उसपै परमेसवर की आशीष होवै सै। 8 पर दुसरे माणस उस जमीन की तरियां सै जो काण्डे अर खरपतवार उगावै सै तो या बेकार सै। उस ताहीं परमेसवर के जरिये श्राप दिये जाण का खतरा सै, अर वो आग तै नाश हो जावैगा।

9 हे प्यारे भाईयो, भलाए हम इस ढाळ की बात करण लागरे सां, पर हम असलियत म्ह विश्वास न्ही करते के यो थारे खात्तर लागू होवै सै। हमनै विश्वास सै के थम बढ़िया चिज्जां खात्तर बणाये गये सों, जो उद्धार कै साथ आवै सै। 10 जिसा के थमनै आच्छे काम करे सै, अर इब

* 5:6 5:6 मलिकिसिदक अब्राहम के बखत का एक याजक अर सम्राट था। उत्पत्ति 14:17-24

थम परमेश्वर के नाम में विश्वासी भाईयाँ के खात्तर प्यार तै, सेवा के काम करण लागरे सां, इसकी बजह तै परमेश्वर थारे ताहीं भुल्लैगा न्ही, क्यूँके वो धर्मी सै। 11-12 आलसी ना बणो। पर कड़ी मेहनत करण आळा की तरियां थमनै इन प्रेमपूर्वक काम्मां ताहीं जारी राखणा चाहिए, ताके परमेश्वर के वादे पाण खात्तर थारी आस पक्की हो।

?????????? ?? ???? ??????????????

13 जिव परमेश्वर नै अब्राहम तै करार करया, तो तब खुद परमेश्वर तै बड़डा कोए और न्ही था, जिसकी कसम ली जा सकै, इस करके अपनी खुद की कसम लेन्दे होए परमेश्वर नै अब्राहम तै कह्या, 14 “मै सचमुच तेरे ताहीं घणा आशीष दियुंगा, अर तेरे वंशां नै अनगिणत बणा दिऊंगा।” 15 अब्राहम नै भोत धीरज धरण के बाद वादा का ईनाम मिल्या। 16 माणस तो अपने तै किसे बड़े का नाम लेके कसम खाया करै सै, अर उन में कसम के जरिये बात का फैसला होवै सै, अर सारा विवाद खतम हो जावै सै। 17 योए कारण था, के परमेश्वर नै भी कसम खाई थी। इस बात तै वो उन माणसां नै साफ तरियां तै दिखाना चाहवै था, के वो जो भी वादा करै सै, उस ताहीं वो पूरा करै सै। 18 तो उरै दो बात सै उसका वादा अर उसकी कसम जो कदे बदल न्ही सकदे अर जिनके बारे में परमेश्वर कदे झूठ कोनी बोल सकता। इस करके हम जो परमेश्वर के धोरै बचण आये सां अर जो आस उसनै म्हारे ताहीं दी सै उस ताहीं थाम्मे होए घणे उत्साहित सां। 19 जिस तरियां किस्ती ताहीं लंगर तै बाँधया जावै सै, जो किस्ती नै पकड़के राखवै सै, इस्से तरियां तै आस म्हारी जिन्दगी नै मजबूत अर टिकाए राखवै सै, अर म्हारी आस यीशु सै, वो परमेश्वर के धोरै सुर्ग में पवित्र मन्दर में परदे के पाच्छे पोहचा सै। 20 जित्त यीशु नै मलिकिसिदक* की रीत पै सारे हाण के बखत का महायाजक बणके, म्हारै खात्तर अगुवां के रूप में दाखल होया सै।

7

???????????????? ???? ?

1-3 यो मलिकिसिदक शालेम नगर का राजा अर परमप्रधान परमेश्वर का याजक था, उनके नाम का मतलब “राजा” सै जो नियम के साथ न्याय करै सै, शालेम के राजा का मतलब सै “शान्ति का राजा।” पवित्र ग्रन्थ में उसके माँ-बाप, उसके पूर्वज, या उसकी मौत या जन्म के बारे में, कुछ भी न्ही लिखया गया सै। वो हमेशा खात्तर एक याजक सै। इस करके

* 6:20 6:20 मलिकिसिदक अब्राहम के बखत का एक याजक अर सम्राट था। उत्पत्ति 14:17-24 * 7:13 7:13 वेदी-परमेश्वर ताहीं भेट चढ़ाण खात्तर एक जगहाँ

वो परमेश्वर के बेटे की तरियां सै। जिव अब्राहम नै चार राजां की हत्या कर दी थी, तो मलिकिसिदक नै उसतै मुलाकात करी, अर उस ताहीं आशीर्वाद दिया। अब्राहम नै युद्ध में जीत हासिल करी, अर सारी चिज्जां का दसमां हिस्सा भी दिया। 4 अब इसपै ध्यान करो के वो किसा महान् था जिस ताहीं पूर्वज अब्राहम नै दुश्मनां की लूट के बढ़िया तै बढ़िया माळ का दसमां हिस्सा दिया। 5 मूसा नबी के नियम-कायदे बतावै सै के लेवी के वंशज जो याजक का पद पावै सै, उननै इस्राएल के माणसां तै दसमां हिस्सा लेणा चाहिए, यानिके उसके खुद के माणस तै, पर वे याजक अर दुसरे विश्वासी भाईयाँ की तरियां सै, क्यूँके वे सब अब्राहम के वंश के सै। 6 पर इसनै, जो लेवी-वंशी भी न्ही था, अब्राहम तै दसमां हिस्सा लिया, फेर भी अब्राहम वो था जिसके धोरै परमेश्वर का वादा था, फेर भी मलिकिसिदक नै उस ताहीं आशीर्वाद दिया। 7 इस में कोए शक कोनी के जो आशीर्वाद देवै सै, वो उस माणस तै बड़डा हो सै जिस ताहीं आशीर्वाद देवै सै। 8 उरै तो याजक दसमां हिस्सा लेवै सै, भलाए वो सिर्फ एक माणस सै, जो जीवै सै अर फेर मर जावै सै, पर मलिकिसिदक, जिसनै अब्राहम तै दसमां हिस्सा लिया, वो अब भी जिन्दा सै, जिसा के पवित्र ग्रन्थ कहवै सै। 9 के जिव अब्राहम नै मलिकिसिदक ताहीं दसमां हिस्सा दिया, जिव ताहीं लेवी माणसां का जन्म अब्राहम के वंश में न्ही होया था। पर अब भी उसके वंश होण के कारण, यो इस तरियां सै के लेवी नै खुद ही अब्राहम के जरिये मलिकिसिदक ताहीं दसमां हिस्सा दिया। 10 क्यूँके जिस बखत मलिकिसिदक उसके पिता तै मिल्या, उस बखत वो अपने पिता की देह में था।

???????????????? ?? ???? ???? ???? ?

11 माणसां ताहीं जिन याजकां के आधार पै नियम-कायदे दिए गये थे, जो हारुन के परिवार का अर लेवी के गोत्र का था, पर ये याजक सिध्द न्ही बण सकै। इस करके यो जरूरी था, के एक और याजक आवै, जो हारुन जिसा न्ही, पर मलिकिसिदक जिसा हो। 12 क्यूँके अब एक्के तरियां का याजक कोनी, तो नियम-कायदे का भी बदलना जरूरी सै। 13 क्यूँके हम मसीह के बारे में ये बात करण लागरे सां, जो एक अलग गोत्र तै थे। उस जनजाति में तै किसे नै भी वेदी* पै एक याजक के रूप में सेवा न्ही करी, 14 सब जाणै सै, के म्हारा प्रभु यीशु यहूदा के गोत्र में तै पैदा होया सै, मूसा नबी नै यहूदा के किसी भी वंशज के बारे में न्ही बताया, जो

यहूदा के याजक बणगे अर यहूदा का कोए वंशज कदे याजक न्ही बणा। ¹⁵ इब हम और भी आच्छी तरियां तै समझा सां, जिब मलिकिसिदक कै तरियां एक और याजक पैदा होण आळा था, जो के यीशु मसीह सै। ¹⁶ यीशु का याजक बणणा, नियम-कायदा नै पुगाण पै, या लेवी के वंश म्ह तै पैदा होण पै आधारित कोनी। पर वो अपने अविनाशी जीवन की शक्ति के कारण याजक बणगया। ¹⁷ क्यूँके उसके बारे म्ह पवित्र ग्रन्थ कहवै सै, “तू मलिकिसिदक की रीत पै युगानुयुग याजक सै।” ¹⁸ इस करकै, पैहल्डी आज्ञा कमजोर अर बेअसर होण कै कारण बदलगी। ¹⁹ (ज्यातै के नियम-कायदे नै किसे बात ताहीं सिध्द कोन्या करया), अर उसकी जगहां पै एक बेहतर उम्मीद सै, जो के यीशु मसीह सै, जिसकै जरिये हम परमेसवर कै लोवै जा सकां सां। ²⁰ जिब यीशु मसीह ताहीं परमेसवर नै याजक बणा दिया तो परमेसवर नै कसम खाई। ²¹ क्यूँके लेवी के वंश तो बिना कसम याजक बणाए गये, पर यीशु मसीह बिना कसम के परमेसवर की ओड़ तै नियुक्त करया गया, जिसनै उसके बारे म्ह कह्या, “प्रभु नै कसम खाई, अर उसतै फेर ना पछतावैगा के तू युगानुयुग याजक सै।” ²² इस करकै यीशु नै म्हारे ताहीं परमेसवर कै गैल सब तै आच्छे करार का वादा करै सै।

²³ यीशु के याजक होण का एक और फायदा से, पैहले तो घणी बड्डी गिणती म्ह याजक बणदे आये, क्यूँके हरेक याजक की मौत के साथ उसकी सेवा खतम हो जावै थी। ²⁴ यीशु युगानुयुग जिन्दा रहवै सै, इस कारण उसके याजक का पद कोए न्ही ले सकता। ²⁵ इस्से खात्तर जो यीशु कै जरिये परमेसवर कै धोरै आवै सै, वो उनका पूरा-पूरा उद्धार कर सकै सै, क्यूँके वो उनके खात्तर बिनती करण ताहीं सारी हाण जिन्दा सै। ²⁶ इसाए महायाजक म्हारी जरूरतां नै पूरा कर सकै सै, जो पवित्र, अर बेकसूर, शुद्ध, अर पापमुक्त हो, अर सुर्ग तै भी जिस ताहीं ऊँचा करया होया हो। ²⁷ जो महायाजक हारुन के वंश तै सै, उसनै जरूरत कोनी के हरेक दिन पैहल्या अपने पापां कै खात्तर बलिदान चढ़ावै, क्यूँके यीशु नै अपने-आप ताहीं बलिदान चढ़ाकै उसनै एक ए बर म्ह पूरा कर दिया। ²⁸ क्यूँके नियम-कायदे तो कमजोर माणसां ताहीं महायाजक नियुक्त करै सै, पर कसम जो नियम-कायदा के बाद आवै सै, उस बेट्टे नै नियुक्त करै सै जो युगानुयुग कै खात्तर सिध्द महायाजक सै।

8

????? ??????? ????????

¹ इब जो बात हम कहण लागरे सां उन म्ह तै सारया तै बड्डी बात या सै म्हारे धोरै इस तरियां का महायाजक

सै, जो सुर्ग पै महामहीम के सिंहासन कै सोळी ओड़ सै, ² म्हारा महायाजक सब तै घणी पवित्र जगहां अर उस सच्चे तम्बू (सुर्ग म्ह) काम करै सै, जो के माणसां के जरिये न्ही, परमेसवर के जरिये बणाया गया सै। ³ क्यूँके हरेक महायाजक पापां की माफी कै खात्तर बलिदान अर भेंट चढ़ावै सै, इस कारण जरूरी सै के म्हारे महायाजक मसीह यीशु कै धोरै भी चढ़ाण खात्तर किमे हो। ⁴ जै वो धरती पै होंदा तो कदे भी याजक न्ही होंदा, ज्यातै के मूसा के नियम-कायदे कै मुताबिक भेंट चढ़ाण खात्तर याजक सै। ⁵ वे सुर्ग म्ह की चिज्जां के नकल अर छाया की सेवा करै सै, जिसा जिब मूसा नबी तम्बू बणाण पै था, तो उस ताहीं या चेतावनी मिली, “लखा, जो नमूना तेरे ताहीं पहाड़ पै दिखाया गया था, उसके मुताबिक सारा किमे बणाणा।” ⁶ पर जो काम यीशु ताहीं दिया गया सै, वो दुसरे याजकां तै दिए गये काम तै ज्यादा बाध सै, क्यूँके वो जिस करार का बिचौलिया सै, वो पुराणे करार तै बढ़िया सै, अर बढ़िया चिज्जां की कसमां पै आधारित सै।

⁷ क्यूँके जै वो पैहल्डा करार बेकसूर होन्दा, तो दुसरे करार कै खात्तर मौक्का ना टोहया जान्दा। ⁸ पर प्रभु उनपै दोष लाकै कहवै सै, “प्रभु कहवै सै, लखाओ, वे दिन आवै सै के मै इस्राएल के माणसां कै गेल्या, अर यहूदा के माणसां कै गेल्या नया करार करूंगा। ⁹ यो उस करार की तरियां न्ही होवैगा, जिसा मन्ने उनके पूर्वजां कै गेल्या उस बखत करया था, जिब मन्ने उनका हाथ मिस्र देश तै लिकाड़ ल्याण खात्तर पकड्या था, क्यूँके प्रभु कहवै सै, के वे मेरे करार के बिश्वासी न्ही रहे, ज्यातै मन्ने उनतै मुँह फेर लिया। ¹⁰ फेर प्रभु कहवै सै, के जो करार मै आण आळे दिनां म्ह इस्राएल कै माणसां कै गेल्या करूंगा, वो यो सै के मै अपने नियमां नै उनके मनां म्ह गेरूंगा, मै उन ताहीं अपने नियमां कै बारे म्ह उननै याद दुआऊंगा, अर मै उनका परमेसवर ठहरूंगा अर वे मेरे माणस ठहरेंगे। ¹¹ अर हरेक अपने यहूदी भाई ताहीं अर अपने सगे-सम्बन्धी ताहीं या शिक्षा न्ही देवैगा, के तू प्रभु ताहीं पिच्छाण, क्यूँके छोट्टे माणसां तै लेकै बड़े माणसां ताहीं सारे मन्ने जाण लेवेंगे। ¹² मै उनकी दुष्टता की ओड़ दया करूंगा, अर उनके पापां नै दुबारा याद कोनी करूंगा।” ¹³ परमेसवर नै इस ताहीं नया करार कह्या, इस करकै उसनै पैहल्डे करार ताहीं पुराणा ठहरा दिया, जो चीज पुराणी अर घिसी होई सै उसका मिट जाणा जरूरी सै।

9

????? ??????? ????????

1 इब, उस पैहलड़े करार म्ह भी सेवा के नियम थे, अर इसी पवित्र जगहां थी, जो इस दुनिया की थी। 2 यानी के एक तम्बू बनाया गया जिस म्ह दो कमरे थे, पैहले कमरे म्ह दीवट*, मेज अर मेज के उप्पर भेंट की चढ़ाई होई रोटियाँ थी, अर वा पवित्र जगहां कुह्वावै सै। 3 ओइ एक परदा था उस परदे के पाच्छे दुसरा कमरा था, जो परमपवित्र जगहां कुह्वावै सै। 4 उस दुसरे कमरे म्ह सोन्ने की धूपदानी, अर चौगरदेके सोन्ने तै मन्ढया होया करार का सन्दूक था, अर उस म्ह मन्ना तै भरया होया सोने का मर्तबान भी था, अर हारुन की छड़ी जिस म्ह फूल फळ आ गये थे, अर करार की पत्थर की पटियाँ भी थी। 5 इसके अलावा सन्दूक के उप्पर दोन्नु ओड़ तेजोमय करुब थे, जो प्रायश्चित के ढक्कण जिस ताहीं प्रायश्चित के दिन पापबलि के लहू तै छिड़क दिया जावै था। इनका एक-एक करके जिक्र करण का इब्बे बखत न्ही सै।

6 ये चीज इस तरियां तै धरी गई थी। उस पैहलड़े कमरे म्ह परमेसवर की आराधना करण के खात्तर याजक हरेक दिन पैहले कमरे म्ह जाया करै था। 7 पर दुसरे कमरे म्ह यानी घणी पवित्र जगहां म्ह, सिर्फ महायाजक साल भर म्ह एक ए बर जावै सै, अर बलिदान के जानवर का लहू लिये जाया करै था, जिस ताहीं वो अपने खात्तर अर माणसां की भूल-चूक म्ह करया पापां खात्तर भेंट चढ़ावै सै। 8 इसतै पवित्र आत्मा योए दिखावै सै, के पुराणे करार के मुताबिक दुसरा कमरा यानी घणी पवित्र जगहां जो सुर्ग म्ह सै, जित्त परमेसवर रहवै था, ओड़ तक पुहचण का रास्ता बन्द था। 9 यो तम्बू आज के दिन का एक उदाहरण सै, जिस म्ह याजक भेंट अर बलिदान चढ़ावै सै, जिन माणस बलिदान की भेंट लेके आवै थे, तो उनकी अन्तरात्मा समझ न्ही पावै थी, के इब उसके पाप माफ होए सै या न्ही। 10 क्यूँके ये उपहार अर बलिदान सिर्फ खाण-पीण की चिज्जां, अर कई ढाळ की शुद्ध करण की शारीरिक विधियाँ, तब तक थी, जिन तक परमेसवर कोए नई विधि न्ही देता।

???? ? ? ? ? ? ? ? ? ? ?

11 पर जिन मसीह म्हारा महायाजक बणके आया, तो अपने साथ बढ़िया-बढ़िया चीज लेके आया जो इब भी मौजूद सै, जिन वो दिख्या तो वो परमेसवर की मौजूदगी म्ह चला गया, यो तम्बू हाथ का बनाया होया कोनी यानिके इस सृष्टि का कोनी। 12 जिन मसीह तम्बू म्ह चला गया तो वो सब खात्तर सब तै पवित्र जगहां म्ह दाखल होया, उसनै बलिदान के रूप म्ह बकरयां अर

बाछड़ियाँ का लहू न्ही लिया, बल्के उसनै अपना लहू लिया, ताके हम अनन्त छुटकारा पा सकै। 13 क्यूँके जै मूसा नबी के नियम-कायदा के मुताबिक जिन बकरयां अर बळ्धां का लहू अर बाछड़े की राख का अपवित्र माणसां पै छिड़के जाण की विधि के मुताबिक, अशुद्धता दूर हो जावै सै। 14 तो मसीह का बेकसूर लहू जो म्हारी अन्तरात्मा नै, म्हारे पाप, जो म्हारी मौत की बजह बणै सै, उनतै शुद्ध करै सै, ताके हम जिन्दे परमेसवर की आराधना कर सका। पवित्र आत्मा की शक्ति के जरिये मसीह नै म्हारे ताहीं अपने पापां खात्तर एक सम्पूर्ण बलिदान के रूप म्ह परमेसवर ताहीं अपने-आप ताहीं दे दिया।

15 इस कारण मसीह परमेसवर अर माणसां के बीच म्ह नये करार का बिचोल्ला सै, ताके जो माणस परमेसवर के जरिये बुलाये गये सै, वो सनातन आशीषे पा सकै, जिसका परमेसवर नै वादा करया सै, क्यूँके पैहलड़े करार के अधीन रहन्दे होए जितने माणसां नै पाप करया, उन ताहीं छुड़ाण खात्तर यीशु नै अपनी जान दे दी। 16 करार एक वसियत के समान हो सै। एक वसियत के नियम नै लागू करण खात्तर यो साबित करणा जरूरी होवै सै, के जिसनै वा वसियत बणाई हो, वो मर चुक्या हो। 17 क्यूँके एक वसियत जिब्बे लागू हो सकै सै, जिन उसके बणाण आळा की मौत होगी हो। वो जिन तक लागू न्ही होन्दी जिन ताहीं उसका बणाण आळा जिन्दा हो। 18 इस कारण पैहलड़ा करार का नियम जानवरां के लहू ताहीं बहाए जाण पै लागू होवै था। 19 क्यूँके जिन मूसा नबी सारे माणसां नै नियम-कायदे का हरेक हुकम सुणा चुक्या तो उसनै बकरयां अर बाछड़ियाँ का लहू लेके, पाणी म्ह मिला लिया अर लाल ऊन अर जूफा (झाड़ी) की छड़ी के गेल्या, उस नियम-कायदे की किताब अर सारे माणसां पै छिड़क दिया 20 अर कह्या, “के यो लहू परमेसवर के साथ करे गये करार नै पक्का करै सै, जिसका हुकम परमेसवर नै थारे खात्तर दिया सै।” 21 अर इस्से तरियां तै उसनै तम्बू अर सेवा के सारे समान पै लहू छिड़क्या, जित्त सारे माणस आराधना करण लागरे थे। 22 सच तो यो सै के नियम-कायदे के मुताबिक आमतौर पै सारी चीज लहू के जरिये शुद्ध करी जावै सै, मसीह नै जो लहू बहाया उसके बगैर पापां की माफी कोन्या।

???? ? ? ? ? ? ? ? ? ? ?

23 यो जरूरी सै के तम्बू अर उसकी सारी चीज, जो सुर्ग की चिज्जां का हुबहू सै, इन जानवरां का लहू सै, जो

* 9:2 9:2 दीवट भोत-से दीवे रखण का एक बरतन

शुद्ध करया जा, पर सुर्ग की चीज नै शुद्ध करण कै खात्तर बढ़िया बलिदानां की जरूरत थी। ²⁴क्यूँके मसीह जिस पवित्र जगहां म्ह दाखल होया, वो माणसां के हाथ की बणाई होई न्ही थी, वो असली तम्बू की सिर्फ एक नकल सै, बल्के वो सीध्वा सुर्ग गया अर इब म्हारी मदद करण खात्तर परमेसवर के साथ सै। ²⁵वो सुर्ग म्ह इस करकै दाखल होया के माणसां के पापां के कारण बारबार अपणे-आपने बलिदान करै, जिस तरियां महायाजक हरेक साल दुसरे का लहू लिए पवित्र जगहां म्ह दाखल होया करै था, ²⁶जै इसा करणा जरूरी था तो दुनिया की शुरुआत तै लेकै इब तक उसनै बार-बार दुख ठाणा पड़दा, पर इब युग के आखरी म्ह वो एक ए बर जाहिर होया सै, ताके अपणे क्रूस पै बलिदान कै जरिये पाप ताहीं दूर कर देवै। ²⁷अर जिस तरियां माणसां के खात्तर एक बर मरणा अर उसके पाच्छै न्याय का होणा तय सै, ²⁸उस्से तरियां ए मसीह भी माणसां के पापां की माफी खात्तर एक बर धरती पै आया अर सूळी पै अपनी जान दे दी, अर जो माणस उसकी बोहड़ण की बाट देखवै सै, उनकै उद्धार कै खात्तर दुसरी बर बिना पाप उठाए होए दिखैगा।

10

????? ?????

¹ मूसा नबी के नियम-कायदे, आण आळी असली चिज्जां की छाया सै, पर ये वो आळी असली चीज कोनी, ज्यांतै नियम-कायदा की विधि के मुताबिक बलिदानां कै जरिये जो हरेक साल हर बार चढ़ाए जावै सै, बलिदान चढ़ाण आळा, कदे भी माणसां नै पूरी तरियां तै शुद्ध न्ही कर सकदा। ²जै बलिदानां कै जरिये माणस पूरी तरियां शुद्ध हो जावै, तो उनका चढ़ाणा बन्द क्यांतै न्ही हो जान्दा? बलिदान करण आळा, आराधना करण आळा अर सेवा करण आळे एक ए बर शुद्ध हो जान्दे, तो उनका बलिदान चढ़ाण पै भी उनका मन उन ताहीं क्यूँ कहवै सै, के वे पापी सै। ³उनके जरिये चढ़ाया गया बलिदान उन ताहीं हर साल यो याद दुआवै सै, के उननै पाप करया सै। ⁴क्यूँके या अनहोणी बात सै, के बळ्धां अर बकरयां का लहू माणसां के पापां नै माफ करै।

⁵इस्से कारण जब मसीह इस दुनिया म्ह आया तो उसनै परमेसवर तै कह्या, “बलिदान अर भेंट तन्नै कोनी चाही, पर मेरै खात्तर एक देह तयार करी सै। ⁶बलिदान के रूप म्ह चढ़ाये गये जानवरां की भेंट अर पाप के खात्तर चढ़ाये गये बलिदान तै तू खुश कोनी होया। ⁷फेर मसीह नै कह्या, ‘लखा, परमेसवर मै तेरी इच्छा पूरी करण खात्तर आ गया सूँ, जिसा पवित्र ग्रन्थ मेरै बारै म्ह कहवै सै।’” ⁸पैहले तो मसीह कहवै सै, “बलिदान के

रूप म्ह चढ़ाये गये जानवरां की भेंट अर पाप के खात्तर चढ़ाया गया बलिदान कोनी मांग्या, अर ना ए उन भेटां तै तू खुश होया।” हालाकि ये बलिदान तो नियम-कायदे के मुताबिक चढ़ाए जावै सै। ⁹फेर मसीह यो भी कहवै सै, “लखा, मै तेरी इच्छा पूरी करण आ गया सूँ,” इस करकै पापां की माफी के पैहले तरिककें ताहीं, जो नियम-कायदा के मुताबिक थे, उननै हटा के नये तरिककें तै जो मेरे लहू के जरिये माफ होवै सै, उन ताहीं लागू करूँ। ¹⁰परमेसवर याए चाहवै था, के हम मसीह यीशु की देह के एके बार बलिदान चढ़ाए जाणकै जरिये पवित्र करे जावां।

¹¹पैहले करार के मुताबिक हरेक याजक वेदी के स्याम्ही खड़े होकै रोज सेवा करै सै, अर एक ए ढाळ के बलिदान नै, जो पापां नै कदे भी दूर न्ही कर सकदे, बार-बार चढ़ावै सै। ¹²पर मसीह जो म्हारा बड़ा याजक सै, उसनै माणसां के पापां के खात्तर एक ए बलिदान के रूप म्ह, परमेसवर के स्याम्ही सदा कै खात्तर अपणे-आप ताहीं चढ़ा दिया, अर परमेसवर कै सोळी ओड़ महिमाय जगहां म्ह पै जा बेठ्या, ¹³अर उस्से बखत तै मसीह इस बात की बाट देखण लागरया सै, के कद परमेसवर उसके बैरियां नै पूरी तरियां तै हरावैगा। ¹⁴क्यूँके क्रूस पै बलिदान के जरिये, परमेसवर नै जिन माणसां ताहीं पवित्र करया, उन ताहीं सदा खात्तर सिध्द कर दिया सै। ¹⁵अर पवित्र आत्मा भी हमनै यीशु के बलिदान के बारे म्ह याए गवाही देवै सै, के यो सच सै, अर म्हारे ताहीं यो बतावै सै के परमेसवर नै इस बलिदान के बारे म्ह के कह्या सै।

¹⁶“प्रभु कहवै सै, के जो नया करार, मै आण आळे दिनां म्ह, उनतै करूँगा, वो यो सै, के मै अपणे नियम उन ताहीं याद दुआऊँ, अर नियमां नै मानण म्ह उनकी मदद करूँगा।” ¹⁷फेर यो भी कहवै सै, “मै उनकै पापां नै अर उनकै अधर्म के काम्मां नै दुबारा याद कोनी करूँगा।” ¹⁸अर जब पापां की माफी होगी तो पापां खात्तर बलिदान चढ़ाण की कोए जरूरत कोनी। ¹⁹ज्यांतै हे विश्वासी भाईयो, यीशु कै सलीब पै लहू बहाण कै जरिये हम पिता कै धोरै बिना डरे घणी पवित्र जगहां म्ह जा सका सां। ²⁰⁻²¹इस करकै हे विश्वासी भाईयो, परमेसवर के परिवार म्ह म्हारे खात्तर एक सबतै उत्तम याजक निर्धारित सै, यीशु कै सलीब पै लहू बहाण कै जरिये म्हारे खात्तर एक नया अर जिन्दगी देण आळा राह खोल दिया सै। जिस ताहीं उसनै उस पड़दे, यानिके अपनी देह के बलिदान के जरिये म्हारे ताहीं घणी पवित्र जगहां म्ह जाण का साहस होया सै। ²²तो आओ, हम सचे मन अर पूरे विश्वास कै गेल्या, अर अपनी अन्तरात्मा ताहीं

पापां तै मुक्त करण खात्तर अर सच्चे मन तै, देह ताहीं शुद्ध पाणी तै धोकै, परमेसवर कै लोवै जांवा। 23 अर इब हम बिना किसे शक के अपणी उस आस म्ह मजबूत रहवां, जिस ताहीं हमनै मान्या सै, क्यूँके जिसनै वादा करया सै, वो बिश्वास जोगगा सै। 24 अर हम यो भी खास ध्यान राक्खां के हम आप्पस म्ह प्यार, अर भले काम्मां म्ह उकसाण कै खात्तर हम एक-दुसरे की फिक्र करते रहवां। 25 अर हम आराधना सभायां म्ह लगातार कट्ठे होण म्ह सुस्त ना हो जावां, जिसा के भोत-से तो सुस्त हो भी लिये सै, पर एक-दुसरे नै उत्साहित करते रहों, जिसा के थम जाणो सों, के यीशु का आण का बखत लोवै सै। 26 क्यूँके मसीह नै जाणण कै बाद जै हम जाण-बुझके पाप करदे रहवां, तो पापां की माफी खात्तर फेर कोए बलिदान बाकी न्ही बचा। 27 तो हाँ, परमेसवर के न्याय का दिन आवैगा, अर वो अपने बिरोधियाँ नै नाश कर देवैगा, अर ये सारी बात होण आळी सै। 28 जो माणस मूसा नबी के नियम-कायदा के मुताबिक दो या तीन माणसां की गवाही पै, बिना दया कै मार दिया जावै सै, 29 तो सोच ल्यो के वो माणस और भी भारया दण्ड कै जोगगा ठहरैगा, जिसनै परमेसवर के बेट्टे की कदर न्ही जाणी अर मसीह के लहू ताहीं अपवित्तर जाण्या, जो उस ताहीं शुद्ध करै सै, अर उस पवित्तर आत्मा का अपमान करै सै, जो हमनै अनुग्रह देवै सै। 30 क्यूँके हम उसनै जाणा सा, जिसनै कह्या सै, “बदला लेणा मेरा काम सै, मै ए बदला दियुंगा।” अर फेर यो भी कह्या के “परभु अपने माणसां का न्याय करैगा।” 31 जिन्दे परमेसवर कै हाथ्यां म्ह पड़णा भयानक (डरावणी) बात सै। 32 पर उन पाच्छले दिनां नै याद करो, जिब थमनै पैहली बार मसीह पै बिश्वास करया अर परमेसवर कै खात्तर दुख ठाण म्ह पाच्छै न्ही हटे। 33 कदे-कदे तो माणसां नै सब कै स्याम्ही थारी बुराई करी अर थारे ताहीं मारा पिट्या भी, अर थमनै उन माणसां कै गैल भी दुख सहया जो इसे दुख ठावै सै। 34 क्यूँके जो लोग कैद म्ह थे, उनकै दुख म्ह भी थम दुखी होए, अर अबिश्वासी नै थारी सम्पत्ति ताहीं भी लूट ली, तो थम लुटण खात्तर भी तैयार होगे, न्यू जाणके के थारे गेल्या एक और भी सारया तै बढ़िया अर सारी हाण ठहरण आळी सम्पत्ति सै। 35 ज्यांतै अपने दुख म्ह भी बिश्वास म्ह बणे रहों क्यूँके उसका ईनाम बड़ड़ा सै। 36 क्यूँके थारा धीरज धरणा जरूरी सै, ताके थम परमेसवर की इच्छा नै पूरी करके वो पा सको जो परमेसवर नै थारे तै वादा करया सै। 37 “क्यूँके पवित्तर ग्रन्थ म्ह लिख्या सै, घणाए थोड़ा बखत रहगया सै, जिब के आण आळा आवैगा अर वार न्ही करैगा। 38 पर मेरे धर्मी माणस बिश्वास तै जिन्दा

रहवैगे, जै वो बिश्वास तै पाच्छै हट जावै तो मेरा मन उसतै राज्जी कोनी होवैगा।” 39 पर हम बिश्वास तै हटण आळे कोनी के नाश हो जावै पर परमेसवर पै बिश्वास करण आळे सां ताके हम अनन्त मौत तै बचाएँ जावां।

11

?????????? ?? ????????

1 जो माणस परमेसवर म्ह बिश्वास करै सै, वो ये बात आच्छी तरियां जाणै सै, के परमेसवर वे चीज उन ताहीं जरूर देवैगा, जिसकी आस वे राक्खै सै। उननै पूरा बिश्वास सै, के जो चीज उननै इब्बे न्ही देखी, वो असलियत म्ह सै। 2 म्हारे पूर्वजां नै परमेसवर म्ह इस तरियां बिश्वास करया था, इस करके परमेसवर उनतै खुश थे। 3 बिश्वास तै ए हम जाणा सां, के सृष्टि परमेसवर के वचन तै बणी सै। हम या भी जाणै सां, के जो चीज हम देख सका सां, वे अनदेखी चिज्जां म्ह तै बणी सै। 4 बिश्वास तै ए आदम के बेट्टे हाबिल नै, अपने बड़े भाई कै न तै घणा बढ़िया बलिदान परमेसवर कै खात्तर चढ़ाया, अर उस बलिदान के जरिये परमेसवर नै गवाही दी, के हाबिल एक धर्मी जन सै, क्यूँके परमेसवर उसकी भेंट तै खुश था, इब हाबिल मर लिया सै, अर हमनै उसके जरिये परमेसवर पै बिश्वास करणा सिख्या सै। 5 हनोक के बिश्वास के जरिये परमेसवर नै उस ताहीं जिन्दा ए सुर्ग पै उठा लिया, इस बजह तै इब ताहीं किसे नै उसकी लाश न्ही मिली, सुर्ग म्ह जाण तै पैहले उसनै परमेसवर ताहीं खुश करया था, जिसा के परमेसवर का पवित्तर ग्रन्थ बतावै सै। 6 माणस परमेसवर नै खुश कर सकै सै, जै वे उसपै बिश्वास करै तो। क्यूँके परमेसवर कै धोरै आणआळे माणस नै बिश्वास करणा चाहिये के वो परमेसवर सै, अर वो पूरी सच्चाई तै अपने टोह्ल आळे नै ईनाम देवै सै। 7 बिश्वास ए तै नूह नै परमेसवर के जरिये बाढ़ की चेतावनी पाकै, जिस ताहीं उसनै देख्या भी कोनी था। परमेसवर का डर मानते होए, अपने कुण्बे नै बचाण कै खात्तर उसनै जहाज बनाया, नूह के बिश्वास के कारण उसनै उस बखत के माणसां ताहीं जिननै बिश्वास न्ही करया था, उन ताहीं दोषी ठहराया, अर वो डूबके मरगे। नूह नै परमेसवर पै बिश्वास करया था, इस करके परमेसवर नै उस ताहीं धर्मी ठहराया था। 8 जिब परमेसवर नै अब्राहम ताहीं किते जाण खात्तर बुलाया था, तो उसनै बिश्वास तै ए परमेसवर के हुकम ताहीं मानकै, एक इसी जगहां लिकड़ गया, जो जगहां परमेसवर अब्राहम ताहीं उसकी जायदाद के तौर पै देण आळा था, पर वो या कोनी जाणै था के वो कित्त जावै सै, अर वो फेर भी चला गया। 9 बिश्वास ए तै जिस

देश ताहीं परमेसवर नै देण का वादा करया था, ओड़ अब्राहम नै एक परदेशी की तरियां रहकै अपणे बेट्टे इसहाक अर अपणे पोत्ते याकूब सुधा तम्बुआ म्ह बसेरा करया, जो उसकै गेल्या उस्से वादे के वारिस थे।¹⁰ क्यूँके वो उस नगर की जो सुर्ग म्ह सै, अर जिसकी नीम पक्की सै, उसकी बाट देखै था, जिसका रचण आळा अर बणाण आळा परमेसवर सै।¹¹ यो सिर्फ बिश्वास ए सै, जिसकै जरिये अब्राहम बाप बण सका, हालाकि अब्राहम भोत बूढ़ा था, अर उसकी पत्नी सारा भी बाळक न्ही पैदा कर सकै थी, परमेसवर वो जरूर करै सै, जो उन ताहीं वादा करया था।¹² जब अब्राहम इतणा बूढ़ा होगया था, के मरण आळा ए था, तो अकास म्ह सुर्ग के तारां अर समुन्दर के किनारे की बाळू की तरियां उसके अनगिणत वंश पैदा होए।¹³ ये सारे माणस जिननै परमेसवर पै बिश्वास करया था, वे उन चिज्जां नै पाए बिना मरगे, जिसका परमेसवर नै उन खात्तर वादा करया था। वादा करी होई चीज न्ही पाई, पर उननै अपणे मन म्ह देखकै राज्जी होए अर मान लिया के हम धरती पै परदेशी अर बाहर के सां।¹⁴ ये उन माणसां के बारें म्ह सै, जो कहवै सै के वे इस दुनिया म्ह अजनबी सै, वे दिखावै सै के अपणे देश की टोहू म्ह सै।¹⁵ अर जिस देश तै वे लिकड़ आये थे, जै उसके बारें म्ह सोचते तो वे उल्टा जा सकै था।¹⁶ पर वे एक घणा बढ़िया यानिके सुर्गीय देश के चाहण आळे सै, इस्से खात्तर परमेसवर उनका परमेसवर कुह्वाण म्ह खुशी महसूस करै सै, क्यूँके उसनै उनके खात्तर एक नगर तयार करया सै।

¹⁷ बिश्वास ए तै अब्राहम नै, परखे जाणकै बखत म्ह, अपणे बेट्टे इसहाक ताहीं बलिदान चढ़ाया, उस्से नै परमेसवर के वादा ताहीं पाया, क्यूँके वो अपणे इकलौते बेट्टे की बलि देण खात्तर भी तैयार होगया था।¹⁸ अर जिसतै न्यू कह्या गया था, “इसहाक तै तेरा वंश कुह्वावैगा,” वोए अपणे एकलौते बेट्टे ताहीं बलिदान चढ़ाण लाग्या।¹⁹ क्यूँके उसनै मान लिया, के परमेसवर सामर्थी सै के इसहाक ताहीं मरे होया म्ह तै जिन्दा कर सकै सै। यो इसाए था के उननै इसहाक ताहीं मौत के मुँह तै उल्टा पा लिया हो, उदाहरण की रीत पै वो उस ताहीं फेर मिल्या।²⁰ बिश्वास ए तै इसहाक नै अपणे दो बेट्टे याकूब अर एसाव ताहीं आण आळी बात्तां के बारै म्ह आशीर्वाद दिया।²¹ बिश्वास ए तै याकूब नै मरदे बखत यूसुफ के दोन्नु बेट्टां म्ह तै एक-एक ताहीं आशीर्वाद दिया, अर अपणी लाट्टी का सहारा लेकै प्रभु की आराधना करी।²² बिश्वास ए तै यूसुफ नै, जब वो मरण पै था, तो आत्मबिश्वास तै कह्या, के इस्राएल के माणस

मिस्र देश छोड़ देंगे, हुकम देकै जब वो मिस्र देश छोड़ के जान्दे, तो उसकी हाड्डियाँ ले जान्दे।²³ तब मिस्र के राजा नै यो हुकम दिया था के सारे इस्राएली छोरे पैदा होण पै मारे जावेंगे, तो बिश्वास के कारण ए तै मूसा नबी के माँ-बाप नै उस ताहीं, पैदा होए पाच्छै, तीन महिन्ने ताहीं ल्हकोए राख्या, क्यूँके उननै देख्या के बाळक भोत सुथरा सै, अर वे राजा के हुकम मानण तै डरे कोनी थे।²⁴ मिस्र देश के फिरौन की बेट्टी नै मूसा ताहीं अपणालिया था, जब मूसा बड़ा होया, बिश्वास तै वो न्ही चाहवै था, के माणस उस ताहीं राजकुमारी के बेट्टे के रूप म्ह बुलावै।²⁵ ज्यातै के उस ताहीं पाप म्ह माड़े-से दिन के सुख भोग्गण तै परमेसवर के माणसां के गेल्या दुख भोग्गण घणा बढ़िया लाग्या।²⁶ उसनै मसीह के कारण बदनाम होण ताहीं मिस्र देश के भण्डार तै बड़ड़ा धन समझया, क्यूँके वो जो करण लागरया था, उस ताहीं वो जाणे था, के सुर्ग म्ह उसका ईनाम मिलैगा।²⁷ बिश्वास ए तै राजा के छो तै ना डरकै उसनै मिस्र देश ताहीं छोड़ दिया, क्यूँके वो समझ गया था, के उसनै इसा लाग्या, के मान्ना उसनै परमेसवर ताहीं देख लिया हो, जो अदृश्य सै।²⁸ बिश्वास ए तै मूसा नबी नै फसह अर लहू छिड़कण का तरीका मान्या, जिसतै के जेट्टा का विनाशक दूत इस्राएलियाँ के जेट्टे बेट्टा पै हाथ न्ही गरै।

²⁹ बिश्वास ए तै इस्राएल के माणस लाल समुन्दर के पार इसे उतरगे, जिस तरियां सूक्खी धरती पर तै, अर जब मिस्र देश नै उस्से तरियां ए करणा चाह्या तो समुन्दर उल्टा अपणी जगहां पै आ गया अर बाढ़ आ गयी अर सब डूब मरे।³⁰ क्यूँके इस्राएल के माणस परमेसवर पै बिश्वास करै थे, इस करकै वे यरीहो नगर की चारदीवारी के च्यारु ओड़ सात दिनां तक लगातार चालते रहे, तो चारदीवारी पड़गी।³¹ बिश्वास ए तै राहाब बेश्या परमेसवर का हुकम ना मानण आळा के गेल्या नाश न्ही होई, उसनै इस्राएली जासूसां का स्वागत करया जो यरीहो नगर नै छुप के देखण आये थे।³² इब और के कहूँ? क्यूँके बखत कोनी रहया के गिदोन का, अर बाराक का अर शिमशोन का, अर यिफतह जिसा माणसां के बारें म्ह, अर दाऊद अर शमूएल का, अर नबियाँ का जिकूर करूँ।³³ इसे बिश्वास के जरिये राज्य जीत्ते, धर्म के काम करे, वादा करी होई चीज पाई, शेर उन ताहीं खा न्ही सका।³⁴ आग की ज्वाला ताहीं शीळा करया, तलवार की धार तै बच लिकड़े, एक बार कमजोर होण पै फेर तै ठाड़डे बणा दिया, वे लड़ाई म्ह वीर लिकड़े, उननै अपणे दुश्मनां की पलटन ताहीं

करदे रहो, क्यूँके हमनै भरोस्सा सै के म्हारी अन्तरात्मा शुद्ध सै: हम हर बखत भले काम करणा चाहवां सां।
 19 प्रार्थना करण कै खात्तर मै थमनै और भी समझाऊँ सूँ के मै तावळा थारे धोरै दुबारा आ सकूँ। 20-21 अर इब शान्तिदाता परमेसवर, जिसनै म्हारै प्रभु यीशु ताहीं मुर्दा म्ह तै जिन्दा करया, वो थारे ताहीं सब कुछ दे, जो उसकी इच्छा पूरी करण खात्तर चाहिये सै, परमेसवर यीशु मसीह की शक्ति के जरिये वो सब थारे म्ह पूरा करै, जो उस ताहीं खुशी दे सकै सै, यीशु मसीह भेड्डां का महान् रुखाळा सै, उसनै अपने लहूँ के जरिये सदा के करार नै स्थापित करया सै, उस ताहीं सदा महिमा मिलती रहवै। आमीन। 22 हे विश्वासी भाईयो, मै थारे तै बिनती करूँ सूँ, के उत्साहित करण आळे इन सन्देशां ताहीं धीरज तै सह ल्यो, क्यूँके मन्नै थारे ताहीं थोड़े-से शब्दां म्ह लिख्या सै। 23 थमनै यो बेरा लाग्या हो के तीमुथियुस, म्हारा भाई जेळ की कैद तै छुटग्या सै, अर जै वो तावळा आ गया तो मै उसके गेल्या थारे तै भेंट करूँगा। 24 अपने सारे अगुवां अर सारे पवित्र माणसां ताहीं नमस्कार कहो। इटली देश के विश्वासी थमनै नमस्कार कहवै सै। 25 थम सारया पै परमेसवर का अनुग्रह होंदा रहवै। आमीन।

याकूब की ओड़ तै चिट्ठी

????????

याकूब की चिट्ठी दुनियादारी कै बारे म्हा हिदायतां की एक सूची सै, जो सारे दुनिया म्हा तित्तर-बितर होकै रहण आळे परमेसवर के माणसां खात्तर लिखी गई सै। लेखक मसीह बरताव अर चाल-चलण के खात्तर दुनियादारी ज्ञान अर मार्गदर्शन तै सम्बन्ध हिदायत नै पेश करण खात्तर कई जिन्दा मिसाल का इस्तमाल करै सै। वो कई तरियां की बातों नै मसीह नजरिये तै विचार करै सै, जिस तरियां अमीरी अर गरीबी, इम्तिहान, आच्छा चाल-चलण, पक्षपात, विश्वास, अर कर्म, जीभ के काम, अकलमन्दी, लड़ाई-झगड़ा, घमण्ड अर दीनता, दुसरयां पै दोष लगाणा, डींग मारणा, धीरज धरणा, अर प्रार्थना करणा। या चिट्ठी मसीहयत का पालन करण म्हा विश्वास के साथ कर्म करण कै उप्पर जोर देवै सै।

रूप-रेखा

जानकारी 1:1 विश्वास अर अकलमन्दी 1:2-8
गरीबी अर धन-दौलत 1:9-11
परख अर लोभ 1:12-18
सुणणा अर करणा 1:19-27
पक्षपात कै खिलाफ चेतावनी 2:1-13
विश्वास अर कर्म 2:14-26
मसीह अर उसकी जीभ 3:1-18
मसीह अर संसार 4:1-5:6
कई तरियां कै आदेश 5:7-20

????????

1 मै याकूब, परमेसवर अर प्रभु यीशु मसीह का दास सूं, मेरी ओड़ तै थम सारया नै मेरा नमस्कार। मै या चिट्ठी इस्राएल के उन यहूदी मसीह विश्वासियां नै लिखूँ सूं, जिनके बाराह गोत्र सारी दुनिया म्हा तित्तर-बितर होकै रहण लागरे सै।

????????

2 हे मेरे विश्वासी भाईयो, जब थम कई ढाळ की मुसीबतां का सामना करो सो, तो इसनै पूरे आनन्द की बात समझो, ³क्यूँके थम जाणो सों, के थारे विश्वास कै परखे जाण तै धीरज बढ़ै सै। ⁴हरेक बात म्हा धीरज धरणा सीखों, ताके थम आत्मिकता म्हा पूरे सिध्द हो जाओ, अर थारे म्हा किसे बात की कमी ना रहवै। ⁵पर थारे म्हा तै जै किसे नै बुद्धि की कमी सै, तो परमेसवर तै माँगौ, जो बिना उल्हाणा दिये, सारया नै बड़ी उदारता तै देवै सै, अर उस ताहीं दी जावैगी। ⁶पर वो बिना शंका के विश्वास तै माँगौ, अर कुछ शक ना करै, क्यूँके शक करण आळा

माणस टिक्या न्ही रहन्दा जो समुन्दर की उस लैहर की तरियां सै जो हवा के चाल्लण तै उच्छळै सै। ⁷शक करण आळा माणस या बात बिल्कुल ना सोचै, कै उसनै प्रभु तै कुछ मिलैगा, ⁸वो माणस दोगला सै अर अपनी किसे बात म्हा टिकता कोनी।

????????

⁹ जो विश्वासी भाई गरीब सै, उननै खुश होणा चाहिए, क्यूँके परमेसवर उनकी इज्जत करै सै, ¹⁰ अर धनवान अपने ऊँचे पद पै घमण्ड ना करै, क्यूँके वो घास कै फूल की ढाळ सूख जावैगा। ¹¹सूरज लिकड़दे ए घणा घाम पड़े सै, अर घास नै सुखा देवै सै, अर उसका फूल झड़ जावै सै, अर उसकी खूबसूरती जान्दी रहै सै। इस ढाळ धनवान भी अपने काम करदे-करदे माट्टी म्हा मिल ज्या जावैगा।

????????

¹² धन्य सै वो माणस जो परखे जाण पै खरे उतरै सै, क्यूँके परखे जाणके बाद ए जीवन का वो मुकुट पावैगें, जिसका वादा परमेसवर नै उन माणसां तै करया सै, जो परमेसवर तै प्यार करै सै। ¹³जब किसे की परख हो सै, तो वो या ना कहवै के परमेसवर मन्नै परखण लागरया सै, क्यूँके परमेसवर बुरी बातों की परख म्हा कोनी पड़ता, अर ना वो किसे की परख आप करै सै। ¹⁴पर हरेक माणस अपनी ए लालसा म्हा पड़के अर फँसके परख्या ज्या सै। ¹⁵जब बुरी इच्छा भोत घणी बढ़ ज्या सै, तो पाप नै जन्म देवै सै, अर पाप जब भोत घणा बढ़ जावै सै, तो अनन्त मौत नै जन्म देवै सै।

¹⁶ हे मेरे प्यारे विश्वासी भाईयो, धोक्खे म्हा ना रहों।

¹⁷ क्यूँके हरेक आच्छा वरदान अर हरेक उत्तम दान परमेसवर की ओड़ तै ए सै, जो सिध्द सै, जिसनै आसमान की ज्योतियां बणाई सै, अर वो इनकी छाया की तरियां कदे बदलता कोनी। ¹⁸ उसनै अपनी ए इच्छा तै, म्हारै ताहीं सच के वचन कै जरिये जन्म दिया, ताके हम उसकी बणाई होई रचना म्हा सब तै खास हो, जिस तरियां किसान खात्तर फसल का पैहला हिस्सा नाज होवै सै।

????????

¹⁹ हे मेरे प्यारे विश्वासी भाईयो, या बात थम जाण ल्यो, हरेक माणस सुणण कै खात्तर तैयार अर बोल्लण म्हा उतावळा ना हो, अर अपने छो नै काब्बू म्हा करण आळा हो। ²⁰ क्यूँके माणस जब छो म्हा हो सै तो वो धार्मिकता के काम न्ही कर सकता, जो परमेसवर उसतै करवाणा चाहवै सै। ²¹ इस करके सारे मन की गंदगी अर नफरत नै दूर करके, परमेसवर के उस वचन नै नम्रता तै मान ल्यो, जो मन म्हा बोया गया सै, अर जो थारे प्राणा का उद्धार कर सकै सै।

22 पर परमेसवर के वचन पै चाल्लण आळे बणो, अर सिर्फ सुणण आळे ए न्ही, जो अपणे-आपनै धोक्खा देवै सै।

23 क्यूँके जो कोए परमेसवर के वचन का सुणण आळा हो, अर उसपै चाल्लण आळा ना हो, तो वो उस माणस के समान सै, जो अपणा मुँह शीशे म्ह देखै सै। 24 इस करके के वो अपणे-आपनै देखके चाल्या जावै सै, पर जिब्बे भूल जावै सै, के मै किसा था। 25 पर जो माणस ध्यान तै परमेसवर के सिध्द नियम-कायदा नै पढ़ता रहवै सै, जो हरेक माणसां नै पापां तै आजादी देवै सै, परमेसवर उसनै आशीर्वाद देवैगा, क्यूँके वो सुणके भूलता कोनी, पर उसाए करै सै।

26 जै कोए अपणे-आपनै परमेसवर का भगत समझै, अर अपणी जीभ पै लगाम ना लगावै, पर अपणे मन नै धोक्खा दे, तो उसकी भगति बेकार सै। 27 म्हारे पिता परमेसवर की नजर म्ह सच्ची अर शुद्ध भगति या सै, के अनाथ्यां अर विधवाया के क्लेश म्ह उसकी सुधि ले, अर अपणे-आपनै दुनिया तै बेदाग राक्खै।

2

???????? ?? ?????? ?????????

1 हे मेरे विश्वासी भाईयो, थम म्हारे महिमामय प्रभु यीशु मसीह के चेल्लें सों, इस करके थारे म्ह भेद-भाव की भावना ना हो। 2 जै एक माणस सोन्ने के छल्ले अर सुथरे लत्ते पहरें होए थारी मण्डली म्ह आवै, अर एक कंगाल भी मैल्ले कुचले लत्ते पहरें होए आवै, 3 अर थम उस सुथरे लत्ते आळे नै इज्जत देके कहो, “तू ओड़ै खास जगहां बैठ,” अर उस कंगाल तै कहो, “तू ओड़ै खड्या रहै,” या “मेरे पायां धोरै बैठ।” 4 तो के थमनै भेद-भाव कोनी करया, अर बुरे विचार तै न्याय करण आळे न्ही बणे?

5 हे मेरे प्यारे विश्वासी भाईयो, सुणो। के परमेसवर नै इस दुनिया के कंगालां ताहीं न्ही छाट्या, के विश्वास म्ह धनी हो जाओ, अर उस राज्य के अधिकारी हो जाओ, जिसका वादा उसनै उनतै करया सै, जो उसतै प्यार करै सै? 6 पर थमनै उस कंगाल की बेजती करी सै। के धनी माणस ए थारे पै जुल्म न्ही करदे, अर के वे थमनै कोट-कचेहड़ी म्ह न्ही घसीट-घसीट कै ले जान्दे? 7 ये वे धनी माणस ए सै, जो प्रभु यीशु के महिमामय नाम की, जिसके थम कहवाओ सों, बेजती करै सै।

8 तोभी जै थम पवित्र ग्रन्थ के इस वचन के मुताबिक के “तू अपणे पड़ोसी तै अपणे समान प्यार कर” साच्ये उस राजसी नियम नै पूरा करो सों, तो आच्छा ए

करो सों। 9 पर जै थम भेद-भाव करो सों तो पाप करो सों, अर मूसा के नियम-कायदे थमनै कसूरवार बतावै सै। 10 क्यूँके जो कोए मूसा के सारे नियम-कायदे नै पुगावै सै, पर एके बात म्ह चूक जावै, तो वो सारी बाततां म्ह कसूरवार बण लिया सै। 11 इस करके के जिसनै यो कह्या, “तू जारी ना करिये” उस्से नै यो भी कह्या, “तू हत्या ना करिये,” इस करके जै तन्नै जारी तो कोनी करी, पर हत्या करी सै, तोभी तू नियम-कायदा का तोड़ण आळा बणया।

12 इस करके थारी कथनी अर करणी उनके समान हो, जिनका न्याय उस नियम-कायदा के मुताबिक करया जावैगा, जो म्हारे ताहीं आजादी देवै सै।

13 क्यूँके जिसनै दया न्ही करी, उसका न्याय बिना दया के होगा: जै थम दुसरयां पै दया न्ही करते, तो न्याय के दिन परमेसवर भी थारे पै दया कोनी करैगा।

???????? ?? ??????

14 हे मेरे विश्वासी भाईयो, जै कोए कहवै के मै प्रभु यीशु मसीह पै विश्वास करूँ सूँ, पर वो उसके मुताबिक आच्छे काम न्ही करदा हो, तो इसतै के फायदा? के इसा विश्वास उसका उद्धार कर सकै सै? 15 जै कोए विश्वासी भाई या भाण जिनके धोरै पैहरण खात्तर भी लत्ते ना हो, अर उननै रोज खाण नै भी ना मिलता हो, 16 मान ल्यो थारे म्ह तै कोए उनतै कहवै, “ठीक-ठाक जाओ, थम गरम लत्ते पैहरो अर छिके रहों,” पर जो चीज देह खात्तर जरूरी सै, वा उनतै ना देवै, तो के फायदा? 17 उस्से तरियां विश्वास भी, जै आच्छे कर्म सुधा ना हो, तो अपणे सुभाव म्ह मरया होया सै।

18 बल्के कोए या कह सकै सै, “तन्नै विश्वास सै, अर मै कर्म करूँ सूँ।” तू अपणा विश्वास मन्नै आच्छे कर्म बिना तो दिखां, अर मै अपणा विश्वास तन्नै अपणे कर्मां के जरिये दिखाऊँगा। 19 तन्नै विश्वास सै, के एके परमेसवर सै, तू आच्छा करै सै। ओपरी आत्मा भी विश्वास करै सै, अर डर तै थरथर काप्पै सै।

20 पर हे बिना अकल के माणस, के तू यो भी न्ही जाणदा के बिना आच्छे कर्म विश्वास बेकार सै? 21 म्हारे पूर्वज अब्राहम नै अपणे बेट्टे इसहाक ताहीं (बलि खात्तर) वेदी* पै चढ़ाया, तो वो आच्छे कर्मां तै धर्मी ठहरया गया। 22 थमनै देख लिया के उसके काम के गैल विश्वास नै मिलके असर करया, अर आच्छे काम के कारण उसका विश्वास सिध्द होगया। 23 अर पवित्र ग्रन्थ का यो वचन पूरा होया: “के अब्राहम नै परमेसवर का विश्वास करया,” अर इस खात्तर धर्मी बण गया, अर वो परमेसवर का साथी कुह्याया। 24 इस ढाळ

* 2:21 2:21 वेदी-परमेसवर ताहीं भेट चढ़ाण खात्तर एक जगहां

7 इस करकै परमेसवर के अधीन हो जाओ, अर शैतान का बिरोध करो, तो वो थारे धोरै तै भाग ज्यागा। 8 परमेसवर के धोरै आओ तो वो भी थारे धोरै आवैगा। हे पापियों, अपने जीवन तै पाप दूर करो, अर हे दोगले माणसों अपने मन नै पवित्र करो। 9 अपने पापों के कारण दुखी होओ, अर शोक करो, रोओ। थारी हाँसी शोक म्ह अर थारा आनन्द उदासी म्ह बदल जावै। 10 प्रभु के स्याम्ही नरम बणो तो वो थमनै आदर मान देवैगा।

????? ? ? ? ? ? ? ? ?

11 हे विश्वासी भाईयो, एक-दुसरे की बदनामी ना करया करो। जो अपने विश्वासी भाई की बदनामी करै से या उसपै दोष लगावै सै, वो मूसा के नियम-कायदा का बिरोध करै सै, अर जै तू मूसा के नियम-कायदा का बिरोध करै सै, तो तू नियम-कायदा पै चाल्लण आळा कोनी, पर उसपै न्याय करण आळा बणग्या। 12 मूसा के नियम-कायदे देण आळा अर न्याय करण आळा एके सै, जो परमेसवर सै, जो बचाण अर नाश करण म्ह दोनुआ का हक राक्खै सै, पर तन्नै किसे पै इल्जाम लगाण का कोए हक कोनी।

????? ? ? ? ? ? ? ? ?

13 थम जो या कहो सों, “आज या तड़कै हम किसे और नगर म्ह जाकै ओड़ै एक साल बितावागें, अर व्यापार करकै फायदा कमावागें।” 14 पर थम यो न्ही जाण्डे के कल के होवैगा? सुण तो ल्यो, थारा जीवन सै ए के? थम तो धुंध की तरियां सों, जो थोड़ी देर दिक्खै सै फेर खू ज्या सै। 15 इसकी बजाए थमनै या कहणा चाहिए, “जै प्रभु चाहवै तो हम जिन्दा रहवागें, अर यो काम भी करागें।” 16 पर इब थम अपने-आप पै घमण्ड करो सों, यो घमण्ड पाप सै। 17 इस करकै जो कोए भलाई करणा जाणै सै, अर कोनी करदा, उसकै खात्तर यो पाप सै।

5

????? ? ? ? ? ? ? ? ?

1 हे साहूकारों, सुण तो ल्यो, थम अपने आण आळे दुखां पै किल्की मारकै रोओ। 2 थारा धन खराब होग्या अर थारे लत्ता नै कीड़े खांगे सै। 3 थारे सोन्ने चाँदी की कोए किम्मत कोनी रही, जिस सोन्ना चाँदी ताहीं थमनै कट्टा करया सै, वाए थारी गवाही देंगे, अर थारी देह नै राख कर देगी। थमनै अन्त के युग म्ह धन कट्टा करया सै। 4 देखों जिन मजदूरों नै थारे खेत काटटे, उनकी वा मजदूरी जो थमनै धोक्खा देकै राखली सै। वे मजदूर चिल्लावै सै, अर उनकी दुहाई सेनाओं के प्रभु के कान्ना तक पहुँच गयी सै। 5 थम धरती पै ऐसो-आराम म्ह लागो

रहै, अर बड़ड़ा ए सुख भोग्या, अर इसा करते-करते थम जानवरों की तरियां बणगे सों, जिन ताहीं काट्टण तै पैहले मोट्टा ताजा करया जावै सै, उस्से तरियां थम न्ही जाणते के थम भी अपने-आप ताहीं परमेसवर की सजा खात्तर तैयार करण लागरे सों। 6 जो धर्मी जन थारा सामना न्ही कर सकै थे, थमनै उन ताहीं कसूरवार बणाकै मार दिया।

????? ? ? ? ? ? ? ? ?

7 इस करकै हे विश्वासी भाईयो, प्रभु के आण तक धीरज धरो। जिस तरियां जमीदार धरती की कीमती फसल की आस धरकै पैहली अर आखरी बारिस होण तक धीरज धरै सै। 8 थम भी धीरज धरो, अर अपनी आस नै ना खोओ, क्यूँके प्रभु का आणा लोवै सै। 9 हे विश्वासी भाईयो, एक-दुसरे पै कुड़कुड़ाओ ना, न्ही तो परमेसवर भी थमनै दण्ड देवैगा, क्यूँके लखाओ, न्याय करण आळा आण खात्तर घणा लोवै सै।

10 हे विश्वासी भाईयो, जिन नबियाँ नै प्रभु के नाम तै बात करी, उननै दुख उटाण अर धीरज धरण का एक आदर्श समझों। 11 हम धीरज धरण आळे नै धन्य कहाँ सां। थमनै अय्यूब नामक माणस के धीरज के बारे म्ह तो सुण्या ए सै, अर किस तरियां प्रभु नै उस ताहीं प्रतिफळ दिया, जिसतै थमनै प्रभु ताहीं जाण भी लिया के किस तरियां प्रभु करुणा अर दया करै सै। 12 पर हे मेरे विश्वासी भाईयो, सारा तै बड़डी बात या सै के कसम ना खाईयों, ना सुर्ग की, ना धरती की, ना किसे और चीज की, पर थारी बात हाँ की हाँ ना की ना हो, ताके परमेसवर थमनै दण्ड ना देवै।


????? ? ? ? ? ? ? ? ?

13 जै थारे म्ह तै कोए दुखी सै, तो वो प्रार्थना करै। जै आनन्दित सै, तो परमेसवर की बड़ाई के भजन गावै। 14 जै थारे म्ह तै कोए रोगगी सै, तो कलीसिया के अगुवां नै बुलावै, अर वे प्रभु के नाम तै उसपै तेल मल के उसकै खात्तर प्रार्थना करै, 15 अर विश्वास की प्रार्थना के जरिये रोगगी बच ज्यागा अर प्रभु उस ताहीं ठीक करैगा, अर उसनै जै पाप भी करे हो, तो उनकी भी माफी हो ज्यागी। 16 इस करकै थम एक-दुसरे के विरुद्ध किये गये, अपने-अपने पापों नै मान ल्यो, अर एक-दुसरे खात्तर प्रार्थना करो, जिसतै ठीक हो जाओ: धर्मी जन की प्रार्थना के असर तै सब कुछ हो सकै सै।

17 एलिय्याह नबी भी तो म्हारै समान दुख-सुख भोगी माणस था, अर उसनै मन लगाकै प्रार्थना करी, के मिह ना बरसै, अर साढ़े तीन साल तक धरती पै मिह कोनी बरसा। 18 फेर उसनै प्रार्थना करी, तो अकास तै बरसा होई, अर धरती पै फसल भी होई।

19 हे मेरे विश्वासी भाईयो, जै थारे म्ह तै कोए सच की राह तै भटक जावै अर दुसरा कोए उसनै बोहड़ के उस राह पै ले आवै सै, 20 तो वो यो सच जाण लेवै के जो कोए भटके होए पापी नै पाप छोड़ण म्ह उसकी मदद करैगा, पाप छोड़ण आळे के अनेक पाप माफ हो जावेंगे अर उसकी जिन्दगी अनन्त मृत्यु तै बचावैगा।

पतरस की पैहली चिट्ठी



पतरस की पैहली चिट्ठी उन बिश्वासियाँ के नाम लिखी गई थी, जिननै ओड़ै “परमेसवर कै चुणे होए माणस” कह्या गया सै, जो एशिया माइनर के सारे उतरी इलाके म्ह तित्तर-बितर हो कै रहवै थे। इस चिट्ठी का खास मकसद अपने पाठकां ताहीं उत्साहित करना सै, जो कै अपने बिश्वास के कारण दुःख अर सताव का सामना करण लागरे थे। लेखक अपने पाठकां ताहीं यीशु मसीह के सुसमाचार की याद दुवा, कै इसा कर सै, क्यूँके यीशु का मरणा, जी उठणा, अर यीशु का दुबारै आण के बारै म्ह बेरा होणा उननै तसल्ली देवै सै। इस नजरिये तै उननै अपने दुखां अपना अर सहण करण था, इस बिश्वास कै साथ कै यो उनके बिश्वास की सच्चाई की परख सै, अर यो सै के “यीशु मसीह कै प्रगट होण” के दिन उननै इसका फल मिलैगा। सताव कै बखत हिम्मत बढ़ाण के साथ, लेखकां नै या भी बिनती करै सै, कै उसके पाठक इसे माणसां की तरियां जीवन बितावै जो मसीह के जन सो।

रूप-रेखा

जानकारी 1:1,2

परमेसवर के उद्धार नै याद करवाणा 1:3-12

पवित्र जीवन कै खात्तर उपदेश 1:13-2:10

दुखां के बखत बिश्वासी की जिम्मेदारियां 2:11-4:19

मसीह की दीनता अर सेवा 5:1-11

समापन 5:12-14

1 या चिट्ठी पतरस की ओड़ तै सै, जो यीशु मसीह का प्रेरित सै, मै या चिट्ठी परमेसवर के चुणे होए माणसां कै खात्तर लिखण लागरया सूं, जो परदेशी होके पुन्तुस, गलातिया, कप्पदकिया, आसिया अर बिथुनिया परदेसां म्ह तित्तर-बितर होके रहवै सै।² परमेसवर पिता नै थारे ताहीं अपने माणस बणाण खात्तर, भोत पैहले चुण लिया था, ताके थमनै पवित्र आत्मा के काम के जरिये पवित्र बणावै, यो उसनै इस खात्तर करया ताके थम यीशु मसीह का कहणा मान्नो, अर उसके लहू तै शुद्ध हो जाओ। हम प्रार्थना करा सां के परमेसवर थमनै अनुग्रह अर शान्ति भोत-ए घणी दे।³ म्हारे मसीह यीशु के पिता अर परमेसवर का धन्यवाद हो, जिसनै म्हारे पै बड़ी दया करके म्हारे ताहीं नई जिन्दगी दी सै, क्यूँके परमेसवर नै यीशु मसीह ताहीं मुर्दा म्ह तै जिन्दा करया, उसनै म्हारे ताहीं बड़े बिश्वास कै साथ जीण कै लायक बणाया, ताके हम उन चिज्जां की आस

राक्खां जिसका देण का उसनै वादा करया सै।⁴ हम उस वसियत नै जो परमेसवर नै म्हारे खात्तर तैयार करी सै, उस ताहीं लेण की हम बाट देक्खां सां, उसनै म्हारे खात्तर उस ताहीं सुर्ग म्ह राख्या सै, जित्त वा कदे गळ न्ही सकदी, खराब न्ही हो सकदी, अर नाश न्ही हो सकदी।⁵ परमेसवर नै अपनी महान शक्ति तै थारे ताहीं सम्भाळ कै राख्या सै, क्यूँके थम मसीह पै बिश्वास करो सो, जिस दिन मसीह बोहड़के आवैगा, उस दिन तक मसीह थमनै सम्भाळ कै राक्खेगा, फेर थम जाणोगे के परमेसवर नै थारे ताहीं पाप अर मौत तै बचा के राख्या सै।⁶ थमनै इन सारी बाततां तै खुश होणा चाहिए भलाए थम कुछ बखत खात्तर कई ढाळ की मुसीबतां के कारण दुखी सो।⁷ ये मुसीबत इस्से खात्तर आवै सै, ताके देख्या जा सकै, के परमेसवर पै थारा पक्का बिश्वास सै के न्ही। थारा मसीह यीशु पै बिश्वास करणा सोन्ने तै भी घणा कीमती सै, जिस तरियां नाशवान सोन्ना आग म्ह परख्या अर शुद्ध करया जावै सै, उस्से तरियां जै थारा बिश्वास घणी मुसीबतां म्ह भी बणया रहवै सै, तो जिब प्रभु यीशु मसीह बोहड़ के आवैगें तो थारे ताहीं बड़ाई महिमा अर आदर मिलैगा।⁸ थमनै मसीह ताहीं कदे न्ही देख्या, उसतै थम बिन देखे प्यार करो सो, अर इब तो उसपै बिन देखे भी बिश्वास करके इसे राज्जी अर मग्न होवो सो, जिस ताहीं बताण खात्तर म्हारे धोरै शब्द कोनी।⁹ थम इस खात्तर खुश सो, क्यूँके परमेसवर नै थारे ताहीं पाप की सजा तै बचा लिया सै, अर योए मसीह पै बिश्वास करण का ईनाम सै।¹⁰ इस्से उद्धार कै बारै म्ह उन नबियाँ नै घणी खोज अर जाँच-पड़ताळ करी, जिननै उस अनुग्रह कै बारै म्ह, जो थारे पै होण आळा था, भविष्यवाणी करी थी।¹¹ मसीह का आत्मा जो उन म्ह था अर उन ताहीं बताण लागरया था, के मसीह किसा दुख ठावैगा अर उसके पाच्छै उस बारै म्ह उस ताहीं महिमा मिलैगी, इस कारण उननै यो बेरा पाड़ण खात्तर उसकी खोज करी, मसीह कौण होवैगा, अर यो कद होवैगा।¹² पर परमेसवर नै इन नबियाँ ताहीं बताया था, के यो सन्देस उन खात्तर न्ही बल्के थारे खात्तर सै, यो सन्देस मसीह यीशु के बारें म्ह खुशखबरी सै, जिसके बारें म्ह थम इब सुणो सो। परमेसवर नै सुर्ग तै पवित्र आत्मा ताहीं भेज्या ताके वो माणसां नै सुसमाचार सुणाण म्ह मदद कर सकै, यो इतणा अदभुत सै, के सुर्गदूत भी इन चिज्जां नै होन्दे होए देखणा चाहवै सै।¹³ इस खात्तर गौर तै सोच्चों के थम के करण आळे सो, अर अपने-आप पै काब्बू राक्खों अर परमेसवर तै उद्धार पाण का भरोस्सा राक्खों जो अनुग्रह तै मिलै सै, अर वो थमनै जिब देवैगा जिब मसीह यीशु सुर्ग तै बोहड़के आवैगा।

14 परमेसवर के आज्ञाकारी बणो जिस तरियां आच्छे बाळक अपणे पिता का हुकम मान्नै सै, अर पुराणी जिन्दगी के मुताबिक मत जिओ, जिब थम बुरी लालसा नै पूरी करो थे। 15 पर जिसा थारा बुलाण आळा पवित्र सै, उस्से तरियां ए थम भी अपणे सारे चाल-चलण म्ह पवित्र बणो। 16 क्यूँके पवित्र ग्रन्थ म्ह लिख्या सै, “पवित्र बणो, क्यूँके मै पवित्र सूँ।” 17 अर जिब के थम हे पिता कहके परमेसवर तै प्रार्थना करो सो, जो बिना पक्षपात, हरेक के काम के मुताबिक न्याय करै सै, तो इब जो थम, जिब इस धरती पै परदेशियाँ की तरियां जीण लागरे सों, तो थम उसके प्रति बड़े आदर रखते होए अपणी जिन्दगी जीणी चाहिए। 18 क्यूँके थमनै बेरा सै, के थारा निकम्मा चाल-चलण जो बाप-दादां तै चल्या आवै सै, उस बेकार जिन्दगी तै थम बचगे सों, अर थारा छुटकारा चाँदी-सोन्ने यानिके नाश होण आळी चिज्जां के जरिये न्ही होया। 19 पर बेकसूर अर बेदाग मेम्ने, यानिके मसीह के कीमती लहू के जरिये होया। 20 दुनिया बणाण तै पैहल्याए परमेसवर नै मसीह यीशु ताहीं उद्धारकर्ता करके चुण लिया था, पर इब वो इन आखरी दिनां म्ह इस खात्तर आया के थारी मदद कर सके। 21 जो मसीह नै करया उसकी बजह तै थम परमेसवर पै विश्वास करो सो, अर अपणी आस अर विश्वास परमेसवर पै राखो सो, क्यूँके उसनै मसीह ताहीं मुर्दा म्ह तै जिन्दा करया, अर उस ताहीं बड़ी महिमा दी। 22 क्यूँके थम सच मानण के जरिये शुद्ध करे गये सों, इस खात्तर थमनै विश्वासी भाईयाँ तै सच्चे दिल तै प्यार करणा चाहिए, अर तन-मन लाके एक-दुसरे तै प्यार करो। 23 थम एक-दुसरे तै इस खात्तर प्यार करो, क्यूँके थमनै परमेसवर तै नई जिन्दगी पाई सै, थमनै या जिन्दगी उसतै न्ही पाई जो नाशवान सै, पर उसतै पाई सै जो सदा के खात्तर सै। या नई जिन्दगी हमनै परमेसवर के वचन तै मिली सै, जो जीवित अर सदा रहण आळा सै। 24 क्यूँके पवित्र ग्रन्थ यो कहवै सै, “हरेक जीव घास के बरगा सै, अर उनकी शोभा जंगळी फूल्लां के समान सै। घास सूख जावै सै, अर फूल झड़ जावै सै। 25 पर प्रभु का वचन युगानुयुग स्थिर रहवैगा।” यो वोए सुसमाचार का वचन सै जो थारे ताहीं सुणाया गया था।

2

1 इस करके सारी ढाळ का बैरभाव अर छळ अर कपट अर जळण अर बुराई नै दूर करके, 2 नये जन्मे बच्चे की तरियां जो हमेशा माँ के निर्मल दूध की लालसा करै सै, उस्से तरियां थम भी परमेसवर के वचन ताहीं सुणण की लालसा करो, ताके थारा परमेसवर पै विश्वास मजबूत

हो सकै, अर थारा उद्धार हो जावै। 3 क्यूँके पवित्र ग्रन्थ कहवै सै, के थमनै चख के जाण लिया सै के प्रभु कितना भला सै। 4-5 थम प्रभु यीशु मसीह के धोरै आए हो, वो उस खास पत्थर की ढाळ सै जो नीम म्ह लगाया जावै सै, पर वो जिन्दा पत्थर सै। भोत सारे माणसां नै उस ताहीं त्याग दिया, पर परमेसवर नै उस ताहीं चुण्या, अर उस ताहीं कीमती बनाया, अर थम जो विश्वासी लोग प्रभु यीशु के धोरै आए हो, ताके थम भी उसके जरिये जिन्दे पत्थरां की ढाळ हो जाओ, जो परमेसवर की आत्मिक आराधना का घर बणण म्ह काम आ सकै। उसनै थारे ताहीं भी पवित्र याजक बनाया, जिस तरियां याजक परमेसवर ताहीं भेट चढ़ावै सै, उस्से तरियां थम भी अपणे दिल नै भेट के रूप म्ह चढ़ा द्यो, अर याए भेट परमेसवर नै आच्छी लाग्गै सै, क्यूँके थम यीशु मसीह के कहलाओ सों। 6 यो उस्से तरियां सै, जिसा परमेसवर पवित्र ग्रन्थ म्ह कहवै सै: “देखों, मन्नै किसे ताहीं यरुशलैम नगर म्ह कोणे के पत्थर की तरियां राख्या सै, वो उस पत्थर की तरियां सै, जो नीम पै धरया जावै सै, अर जो कोए उसपै विश्वास करैगा, वो किसे तरियां तै शर्मिन्दा कोनी होवैगा।” 7 यो पत्थर थारे खात्तर कीमती सै, जो मसीह यीशु पै विश्वास करो सों, पर पवित्र ग्रन्थ उन माणसां के बारे म्ह जो विश्वास न्ही करदे कहवै सै, “जिस पत्थर ताहीं राजमिस्त्रियाँ नै निकम्मा ठहराया था, वोए कोणे का पत्थर हो गया।”, 8 पवित्र ग्रन्थ यो भी कहवै सै, के “इस पत्थर तै लोग्गां के ठोक्कर लाग्गैगी, या वा चट्टान सै जिसतै लोग ठोक्कर खाके गिर जावेंगे,” वे इस खात्तर गिरै सै, क्यूँके उननै परमेसवर के वचन पै विश्वास कोनी करया, परमेसवर नै उन खात्तर याए योजना बणाई सै। 9 पर थारे म्ह इसा ना हो, क्यूँके थम परमेसवर के चुणे होए माणस सो, थम परमेसवर के याजक सों, जो के राजा सै, थम परमेसवर के समर्पित माणस सों, अर थम जो परमेसवर के कुह्वावै सों, उसनै थारे ताहीं अन्धकार म्ह तै रोशनी म्ह बुलाया सै, ताके थम परमेसवर के उन अनोक्खे काम्मां के बारे म्ह माणसां ताहीं बता सको। 10 पैहले थम परमेसवर के माणस न्ही थे, पर इब परमेसवर के माणस सो, पैहले थम परमेसवर की दया नै कोनी जाणो थे, पर इब जाणो सों, क्यूँके उसनै अपणी दया पैहल्या तै थारे ताहीं दिखाई सै। 11 हे प्यारे विश्वासी भाईयो, मै थारे तै बिनती करूँ सूँ, के थम अपणे-आपनै दुनिया म्ह परदेशी अर मुसाफर जाणके उन दुनियावी अभिलाषायां तै जो आत्मा तै युध्द करै सै, बचे रहो। 12 वे लोग जो परमेसवर पै विश्वास न्ही करदे, वे भी थारे आस्सै-पास्सै ए रहवै सै, अर वे भी कह सकै सै, के थम बुरा काम करण लागरे हो। थमनै

इसी आच्छी जिन्दगी जीणी चाहिए, ताके वो थारे भले काम्मां नै देखकै परमेसवर की महिमा उस दिन कर सकै जिब मसीह बोहड़ के आवैगा। 13 प्रभु नै महिमा देण खात्तर थम उन सारे माणसां का हुकम मान्नो जो इस दुनिया के शासक सै, जिस तरियां राजा, जो के सब पै प्रधान शासक सै। 14 अर राज्यपालों के भी अधीन रहों, क्यूँके राजा उन बुरे काम करणीया नै दण्ड देण अर आच्छे काम करणीया नै सम्मानित करण खात्तर इस्तमाल करै सै। 15 परमेसवर चाहवै सै के थम भले काम करो ताके थम उन बेकूफ माणसां नै जो परमेसवर नै न्ही जाणदे, अर थारे पै झूठे दोष लगावै सै, उन ताहीं रोक सको। 16 थारे खात्तर भी इसा कोए कोनी जो थारे ताहीं रोक सकै, जो थम करणा चाहवो सों, क्यूँके यीशु मसीह के जरिये थम आजाद करे गये सों, पर इस बात नै थम बुरे काम करण का बहाना ना बणाओ, पर अपणे काम्मां के जरिये दिखाओ के थम परमेसवर के सच्चे दास सों। 17 सब का आदर करो, बिश्वासी भाईयाँ तै प्यार करो, परमेसवर तै डरो, राजा का आदर करो 18 हे सेवको* थम जो घर म्ह काम करो सों, अर बिश्वासी भी सों, अपणे मालिकां का कहणा मान्नो अर सदा उनका आदर करो, हरेक ढाळ के माल्लिक के साथ इसाए बरताव करो, चाहे वो भले हो, नम्र हो, या फेर चाहे वे बुरे हो। 19 क्यूँके जै हम दुख ठान्दे, फेर भी जिब म्हारी कोए गलती भी ना हो, तोभी हम इस खात्तर सह लेवां सां, क्यूँके हमनै बेरा सै, के परमेसवर सब कुछ जाणै सै, परमेसवर इसतै ए खुश होवै सै। 20 क्यूँके जै थमनै अपराध करकै घूँसे खाए, अर धीरज राख्या, तो इस म्ह के बड़ाई की बात सै? पर जै भला काम करकै दुख ठाया हो अर धीरज राख्या हो, तो यो परमेसवर नै भावै सै। 21 अर थम इस्से कै खात्तर बुलाए भी गये सों, क्यूँके मसीह भी थारे खात्तर दुख ठाकै थारे ताहीं एक बढ़िया नमूना दे गया सै, ताके थम भी उसके नकशे-कदम पै चाल्लों। 22 पवित्र ग्रन्थ म्ह मसीह के बारे म्ह न्यू लिख्या सै, के “ना तो उसनै पाप करया अर ना उसके मुँह तै छळ-कपट की कोए बात लिक्डी।” 23 वो गाळी सुणकै गाळी कोनी देवै था, अर दुख ठाकै किसे ताहीं भी धमकी कोनी देवै था, पर अपणे-आप ताहीं परमेसवर कै हाथ म्ह सौंप दिया, जो धार्मिकता तै न्याय करै सै। 24 वो आप ए म्हारै पापां नै अपणी देह पै लिये होए क्रूस पै चढ़ गया, जिसतै हम पापां कै खात्तर मरकै धार्मिकता कै खात्तर जीवन बितावां, उस्से कै मार खाण तै थम चंगे होए। 25 क्यूँके थम पैहल्या भटकी होड़ भेड़डां कै बरगे थे, पर इब अपणे जीवन के रुखाळे अर पाळी कै धारे

बोहड़ आए सों।

3

1-2 हे बिरबानियों, थम भी अपणे धणी कै अधीन रहो, अर जै थारे पिता परमेसवर के वचन पै बिश्वास करण तै मना करै सै, तो जिस तरियां थम उनतै बरताव करो सों, उसकी बजह तै थारे बिना कहे वे बिश्वास करैगें, वो मसीह पै जिब बिश्वास करैगें, जिब वो थारा शुद्ध अर भक्तिमय जीवन नै देखैगें। 3 बाहरली की खूबसूरती के बारे म्ह चिन्ता ना करै, जिस तरियां खूबसूरती तै बाळ गूथणा, म्हँगे गहणे, या सुथरे लत्ते पैहरणा। 4 पर थारा भीतरी माणसपण, नम्रता अर दीनता जिसे अविनाशी गुणा तै सजा हो, क्यूँके परमेसवर की निगांह म्ह इसका मोल बड़डा सै। 5 पैहलडे बखत म्ह पवित्र बिरबान्नी भी, जो परमेसवर पै बिश्वास अर आस राक्खै थी, वे अपणे-आपनै नै इस्से तरियां तै सिंगारै थी, अर अपणे-अपणे धणी का हुकम मान्नै थी। 6 जिस तरियां सारा अब्राहम कै हुकम म्ह रहवै थी, अर उसनै स्वामी कह्या करै थी। इस्से ढाळ थम भी जै दुसरयां की भलाई करो, अर थमनै किसे बात का डर ना हो, तो थम सारा* की बेटियाँ की तरियां होओगी। 7 इस्से तरियां ए हे पतियों, थम अपणी पत्नियाँ कै साथ मेळ-मिलाप कै साथ रहों, अर सोच्चों के उनकी मदद किस तरियां करी जा सकै सै, थमनै यो बेरा होणा चाहिए के बिरबान्नी थारे तै कमजोर सै, इस करके थमनै उनका आदर करणा चाहिए, क्यूँके थम दोन्नु उस वरदान के साझेदार सों, जिसा के परमेसवर नै थारे ताहीं दिया सै, जो के अनन्त जीवन सै, यो इस खात्तर करो ताके जिब थम परमेसवर तै प्रार्थना करो तो वो थारी सुणै। 8 आखरी म्ह मै कहणा चाहूँ सँ, के थम एक मन हो जाओ, एक-दुसरे तै भाई-भाण की तरियां प्यार करो, एक-दुसरे के बाबत दयालु रहो, अर नरम बणो। 9 बुराई कै बदले बुराई ना करो अर ना गाळी कै बदले गाळी द्यो, पर इसकै उल्ट आशीष ए द्यो, क्यूँके परमेसवर नै थारे ताहीं इस खात्तर बणाया सै, के थम दुसरयां कै खात्तर आशीष बण सको, जै थम इसा करोगे, तो परमेसवर थारे ताहीं भी आशीष देवैगा। 10 क्यूँके पवित्र ग्रन्थ कहवै सै, के “जै कोए इन्सान जिन्दगी का आनन्द ठाणा चाहवै सै, अर आच्छे दिन देखणा चाहवै सै, तो वो ध्यान राक्खे के बुरी बातें अर जो बात सच न्ही उन ताहीं ना बोल्लो। 11 जो बुरे काम सै, उन ताहीं करणा छोड़ दे, इसकी बजाए वो भले काम करै, अर एक-दुसरे के साथ शान्ति तै रहण का पूरा जतन करै। 12 क्यूँके प्रभु की आँख धर्मियाँ पै लागगी रहवै सै, अर उसके कान

* 2:18 2:18 सेवको नौकर, गुलाम * 3:6 3:6 सारा अब्राहम की घरआळी

उनकी बिनती की ओड़ लागगे रहवै सै, पर प्रभु बुराई करण आळे तै दूर रहवै सै।¹³ जै थम सदा भले काम करो तो कोए थमनै नुकसान न्ही पुहुचा सकदा।¹⁴ जै थम धार्मिकता कै कारण दुख भी ठाओ, तो थम धन्य सो, पर माणसां के डरण तै ना डरो, अर ना घबराओ, ¹⁵⁻¹⁶ पर अपने-अपने मन म्ह मसीह के प्रति आदर राख्खों, अर उस ताहीं अपणा प्रभु जाणो। जो कोए थारे तै थारी आस कै बारै म्ह बुझ्झै, जो हम बिश्वासियाँ की सै, तो उस ताहीं जवाब देण कै खात्तर सारी हाण तयार रहो, पर नम्रता अर आदर कै गैल उस ताहीं जवाब द्यो। जो सही सै वोए करो, जै माणस थारे बारें म्ह बुरा बोल्लै सै, तो वो खुद शर्मिन्दा होवैगें, जिब वो थारे आच्छे चाल-चलण नै देख्खेंगें, क्यूँके मसीह कै गैल थारा गहरा रिश्ता सै।¹⁷ कई बार परमेसवर म्हारे ताहीं दुख अर मुसीबतां तै गुजारै सै, भलाए हम भला काम करदे हो, पर यो म्हारे खात्तर आच्छा सै, बजाए इसकै के हम बुरे काम्मां के कारण दुख अर मुसीबत ठावां।¹⁸ मसीह नै भी म्हारे पापां खात्तर एके बार अपणी जान दे दी, यानी के एक धर्मी नै सारे अधर्मियाँ खात्तर दुख ठाया, ताके वो थमनै परमेसवर तक ले जावै, उसकी शारीरिक मौत तो होई पर परमेसवर की आत्मा के जरिये वो जिन्दा करया गया।¹⁹ तब उसकी आत्मा नै उन आत्मायाँ ताहीं सुसमाचार सुणाया, अर प्रचार करया जो उस जगहां पै परमेसवर के जरिये कैद करी गई थी, जित्त मरे होए लोग्गां की आत्मा रहवै सै।²⁰ ये वो आत्मा सै, जिननै परमेसवर का भोत पैहले कहणा न्ही मान्या। जिब नूह जहाज बणाण लागरया था, तो परमेसवर धीरज तै देखण लागरया था, के ये लोग माफी माँगै सै के न्ही, पर पाणी नै पूरी दुनिया ताहीं नाश करया सिर्फ आठ माणस जो जहाज म्ह बचे थे।²¹ उस्से पाणी का उदाहरण भी, यानिके बपतिस्मा, यीशु मसीह कै जी उठण कै जरिये, इब थमनै बचावै सै, इसतै देह का मैल दूर करण का मतलब न्ही सै, पर शुद्ध अन्तरात्मा तै परमेसवर कै पाच्छै हो जाणा सै।²² वो सुर्ग पै जाकै परमेसवर कै सोळी ओड़ बैठ गया, अर सुर्गदूत अर अधिकारी अर सामर्थी उसके अधीन करे गये सै।

4

¹ इस करके मसीह नै दुख ठाया जिब उसनै देह रूप धारण करया, थारा भी रविया उस्से तरियां दुख उठाण का होणा चाहिए, जिसा उसका था, क्यूँके जै थमनै मसीह खात्तर दुख ठाण की सोच ली सै, तो थमनै पाप ना करण की भी सोच ली सै, ताके आगै तै कदे थम पाप ना करो।² उस कारण वो इन्सान अपणी बाकी की जिन्दगी, इस दुनिया म्ह पापमय अभिलाषायां नै पूरी करण कै खात्तर

न्ही इस्तमाल करदा, पर वो, वो करै सै जो परमेसवर उस ताहीं करण कै खात्तर कहवै सै।³ पैहले थमनै भोत सारा बखत वो काम करण म्ह बेकार कर दिया जिस म्ह गैर बिश्वासी खुशी मनावै सै, जिस तरियां लुचपण की बुरी अभिलाषाओ, मतवाळापण, लीलाक्रीड़ा, दारु-बाजी, जारी अर घृणित मूर्तिपूजा जिसे काम्मां तै परमेसवर नफरत करै सै।⁴ इस कारण थारे पुराणे मित्तर अचम्भा करै सै, के थम इसे अंधाधुंध लुचपण म्ह उनका साथ न्ही देंदे, अर वे इब थमनै गाळी देवै सै।⁵ पर वे उसनै जो जिन्दयां अर मरे होए माणसां का न्याय करण नै तयार सै, लेक्खा देवैगें।⁶ योए कारण सै के सुसमाचार उन माणसां ताहीं सुणाया गया, जो इब मर चुके सै, हालाकि वे सब माणसां की तरियां मरण कै जोग्गे ए थे, इब वे आत्मा म्ह परमेसवर के साथ हमेशा कै खात्तर रहवै सै।⁷ सारी बात्तां का अन्त तावळा होणआळा सै, इस करके सावधान रह अर शान्त मन राख ताके तू प्रार्थना कर सके।⁸ सारया म्ह बढ़िया बात या सै के एक-दुसरे तै घणा प्यार करो, क्यूँके जै थम माणसां तै प्यार करोगे तो थम उन ताहीं माफ करण खात्तर तैयार रहोगे, जो थारा बुरा करै सै।⁹ बिना कुड़कुड़ाए एक-दुसरे की मेहमान-नवाजी करो।¹⁰ हरेक इन्सान ताहीं परमेसवर के जरिये काबलियत मिली सै अर वो उस काबलियत नै दुसरे लोग्गां की मदद करण खात्तर इस्तमाल करै, वो परमेसवर के आच्छे सेवक की तरियां उसके अनुग्रह के जरिये दिए गए वरदानां का बढ़िया इस्तमाल करै।¹¹ जै थारे धोरै प्रचार करण का वरदान सै, तो थमनै परमेसवर के वचन का प्रचार करणा चाहिए, जै थारे धोरै दुसरयां की मदद करण का वरदान सै, तो उस शक्ति तै करो जो परमेसवर नै थारे ताहीं दी सै, फेर जो भी काम करोगे, यीशु मसीह के जरिये परमेसवर नै महिमा मिलैगी, सारी महिमा अर सामर्थ युगानुयुग उस्से का सै। आमीन।¹² हे प्यारे बिश्वासी भाईयो, उन दुखां कै खात्तर अचम्भा ना करो जो थम सहण लागरे सों, क्यूँके थम मसीह के कुह्वाओ सों, ये चीज इस खात्तर होण लागरी सै, क्यूँके सचमुच थम यीशु पै बिश्वास करो सों, तो इसा ना समझो के अनोक्खी बात थारे ए गैल होण लागरी सै।¹³ इस बात खात्तर खुश होओ, के थम मसीह के दुख म्ह साझेदारी हो सके, उस बजह तै जिब मसीह बोहड़ के आवैगा, अपणी महिमा लोग्गां नै दिखाण खात्तर, तो थम खुशी तै भर जाओगे।¹⁴ फेर जै मसीह कै नाम कै खात्तर थारी बुराई करी जावै सै तो थम धन्य सो, क्यूँके परमेसवर की महिमामय आत्मा सै जो थारे म्ह रहवै सै।¹⁵ जै दुख ठाओ सों, तो यो दुख खून्नी, चोर, किसे बुरे काम, या किसे और के काम म्ह दखलंदाजी करण के

कारण नही होणा चाहिए। 16 पर जै मसीह होण के कारण दुख पावै, तो शर्मिन्दा ना होइयो, पर इस बात के खात्तर परमेसवर की महिमा करो, क्यूँके थम उसके कुह्वाओ सों। 17 क्यूँके वो बखत आण पोंहच्या सै, के पैहल्या परमेसवर के माणसां का न्याय करया जावैगा, अर जब के न्याय की शरुआत म्हारै ए तै होगी, तो उनका के अन्त होगा जो परमेसवर के सुसमाचार नै नही मानते? 18 जिसा पवित्तर ग्रन्थ कहवै सै, के “जै धर्मी माणस ए मुश्किल तै उद्धार पावैगा, तो भगतिहीन अर पापी का के ठिकाणा?” 19 ज्यांतै जो परमेसवर की मर्जी के मुताबिक दुख ठावै सै, उननै परमेसवर पै सदा बिश्वास करते रहणा चाहिए, जिसनै उन ताहीं बनाया सै। परमेसवर नै जो भी वादा करया सै, उस ताहीं वो हमेशा पूरा करै सै, इस खात्तर हमनै हमेशा भलाई करदे रहणा चाहिए।

5

1 थारे म्ह जो कलीसिया के अगुवें सै, मै थारे ताहीं कुछ बताणा चाहूँ सूं, क्यूँके मै थारी तरियां बुजुर्ग सूं, मन्नै खुद वे दुख देखे सै, जो मसीह नै भोत पैहले सहे सै, जब वो बोहड़ के आवैगा तो मै भी उसकी महिमा म्ह शामिल होऊँगा। 2 जिस तरियां एक पाळी भेड्या की रुखाळी करै सै, उस्से तरियां थमनै भी उन लोग्गां की रुखाळी करणी चाहिए, जिन ताहीं परमेसवर नै थारे ताहीं सौप्या सै, अर यो मजबूरी म्ह नही पर खुद की इच्छा तै राज्जी होकै करो, क्यूँके परमेसवर यो चाहवै सै के थम इसाए करो, पर इसा काम पईसा के खात्तर नही पर परमेसवर अर माणसां की सेवा करण खात्तर करो। 3 उन माणसां पै हक ना जमाओ, जो थारे ताहीं सौपे गये सै, पर उनके खात्तर बढ़िया मिसाल बणो। 4 जब प्रभु यीशु मसीह जो के पाळीयाँ का प्रधान बोहड़ के आवैगा, तो थारे ताहीं वो महिमा का मुकुट दिया जावैगा जिसकी चमक कदे नही जावैगी। 5 इस्से ढाळ हे जवान्नों, थम भी कलीसिया के अगुवां का कहणा मान्नो, बल्के थम सारे के सारे दीनता तै एक-दुसरे की सेवा करते रहो, क्यूँके हम पवित्तर ग्रन्थ म्ह पढ़ा सां, के “परमेसवर घमण्डियाँ का बिरोध करै सै, पर दीन पै अनुग्रह करै सै।” 6 इस करके परमेसवर के स्याम्ही दीन बणो, जो थमनै बचा सकै, ताके वो थमनै सही बखत आण पै बढ़ा सकै। 7 अपनी सारी चिन्ता परमेसवर ताहीं दे द्यो, क्यूँके उसनै थारा ध्यान सै। 8 सावधान रहो, अर जागदे रहो, क्यूँके थारा बिरोधी शैतान गरजनआळे शेर की ढाळ इस टाह म्ह रहवै सै, के किसनै पाड़ खावै, ताके थम परमेसवर की राह ना चाल सको। 9 बिश्वास म्ह मजबूत होकै, अर न्यू जाणके

उसका सामना करो, के थारे भोत-से बिश्वासी भाई जो दुनिया म्ह इसेए दुख सहण लागरे सै। 10 इब परमेसवर जो सारे अनुग्रह का दात्ता सै, जिसनै थारे ताहीं मसीह म्ह अपनी अनन्त महिमा के खात्तर बुलाया, थारे कुछ बखत तक दुख ठाण के पाच्छै आप ए थमनै सिध्द अर स्थिर अर मजबूत करैगा। 11 उस्से का साम्राज्य युगानुयुग रहवै। आमीन। 12 मन्नै या छोट्टी चिट्ठी लिखके सिलवानुस के हाथ थारे धोरै भेजी सै, जिस ताहीं मै मसीह म्ह बिश्वास जोग्गा भाई समझूँ सूं, मेरे लिखण का यो मकसद सै के मै थारे ताहीं उत्साहित कर सकूँ, अर थारे ताहीं बिश्वास दिला सकूँ, के जो थम अनुभव करण लागरे सों, वो असलियत म्ह परमेसवर की करुणा का हिस्सा सै, थम उस कृपा म्ह बणे रहों। 13 जो बिश्वासी बेबीलोन नगर म्ह सै, उन ताहीं भी परमेसवर नै चुण्या सै, जिस तरियां थारे ताहीं चुण्या, उनका अर मरकुस जो मेरे बेटे की तरियां सै, उसका थारे ताहीं नमस्कार। 14 आप्स म्ह एक-दुसरे ताहीं गळे मिलके प्यार तै नमस्कार करो। थम सारया ताहीं, जो मसीह म्ह हो, थमनै शान्ति मिलदी रहवै।

पतरस की दुसरी चिट्ठी



पतरस की दुसरी चिट्ठी शुरुआती विश्वासियाँ के एक बड़े झुण्ड के नाम लिखी गई है। इस चिट्ठी की बड़ी चिन्ता की बात झूठे शिक्षकों के काम अर उनकी शिक्षा तै पैदा होण आळे गलत काम के खिलाफ मुकाबला करणा है। इन सारी समस्या का जवाब परमेसवर अर प्रभु यीशु मसीह के सच्चे ज्ञान म्ह बणे रहण म्ह मिलै है। वो ज्ञान उन माणसां के जरिये पोहच्य़ा गया है, जिननै खुद यीशु मसीह ताहीं देख्या अर उसकी सारी शिक्षा ताहीं सुण्या है। लेखक खास तौर पे उन माणसां की शिक्षा तै चिन्ता म्ह है जो दावा कर है के मसीह फेर बोहड़ के न्ही आवैगा। लेखक कहवै है के इसा लागै है, के मसीह के आण म्ह देर हो रही है, पर सच म्ह इसा इस खात्तर है क्यूँके परमेसवर “न्ही चाहन्दा के कोए नाश होवै, पर यो इस खात्तर है ताके सब नै मन फिराण का मौक्का मिलै।”

रूप-रेखा

जानकारी 1:1,2

मसीह का बुलावा 1:3-21

झूठे शिक्षक 2: 1-22

मसीह का आखरी आणा 3:1-18

1 या चिट्ठी शमौन पतरस की ओड़ तै है, जो यीशु मसीह का दास अर प्रेरित है, उन माणसां के नाम है, जिन नै म्हारै परमेसवर अर उद्धारकर्ता यीशु मसीह की धार्मिकता के जरिये म्हारी तरियां बेसकिमती विश्वास पाया है। 2 मै प्रार्थना करूं सूँ, के परमेसवर थारे ताहीं ज्यादा तै ज्यादा अनुग्रह अर शान्ति दे, जिस तरियां थम परमेसवर के ज्ञान अर म्हारै प्रभु यीशु मसीह म्ह बढण लागरे सों। 3 परमेसवर जिसनै अपनी शक्ति के जरिये म्हारे ताहीं वो सब दिया है, जो हमनै भगतिमय जिन्दगी जीण खात्तर चाहिए, यो इस खात्तर मुमकिन है, क्यूँके हम परमेसवर नै जाणा सां, अर उसनै अपनी महिमा अर सद्गुणा के मुताबिक अपने माणस होण खात्तर बुलाया है। 4 अर उसकी महिमा अर भलाई के कारण उसनै म्हारै ताहीं बड़े महान अर कीमती वादे करे है, ताके इनके जरिये थम इस दुनिया की बुरी लालसा तै बच जाओ, जिन ताहीं वे लोग करणा चाहवै है, जो मसीह पे विश्वास न्ही करदे, पर थम ईश्वरीय सुभाव के गैल-साइझी हो जाओ। 5 इस कारण थम सिर्फ मसीह पे विश्वास करण आळे न्ही, पर हमेशा दुसरयां की

भलाई करण म्ह लागै रहों, अर सिर्फ भलाई ए न्ही बल्के बुद्धिमानी तै बरताव करण आळे भी बणो। 6 थम सिर्फ बुद्धिमानी तै ए बरताव करण आळे न्ही बल्के अपने-आप पे काबू राखण आळे भी बणो, अर अपने-आप पे काबू राखण आळे ए न्ही बल्के दुखां नै धीरज तै सहण आळे भी बणो, अर दुखां नै धीरज तै सहण आळे ए न्ही बल्के भगति म्ह जिन्दगी बिताण आळे भी बणो। 7 ना सिर्फ थम परमेसवर नै भावण आळी जिन्दगी जिओ, बल्के विश्वासियाँ तै भी अपने परिवार के माणस की तरियां प्यार करो, एक-दुसरे ताहीं अपने परिवार के माणस की तरियां प्यार करण आळे ए न्ही बल्के सब नै प्यार करण आळे भी बणो। 8 जै थारे म्ह ये गुण मौजूद है अर जै थारे म्ह इनकी बढोतरी होण लागरी है तो इनके कारण थम म्हारे प्रभु यीशु मसीह के सम्पूर्ण ज्ञान म्ह ना तो निकम्मे अर ना बिना फळ के होओगे। 9 जै कोए इन्सान इसी जिन्दगी न्ही बितान्दा, तो वो उस इन्सान की तरियां है, जो सही तै न्ही देख पान्दा, अर वो आन्धा है। वो भूल जावै है के परमेसवर नै उसके पाप माफ कर दिये, जो उसनै मसीह पे विश्वास करण तै पैहले करे है। 10 इस कारण हे विश्वासी भाईयो, आच्छा करण की कोशिश करदे रहों, ताके थम अपने-आपनै अर दुसरे माणसां नै दिखा सको, के परमेसवर नै थारे ताहीं चुण्या है, अर बुलाया है। जै थम इसाए करदे रहों, तो थम कदे भी परमेसवर तै अलग न्ही होओगे 11 बल्के इस तरियां तै थम म्हारै प्रभु अर उद्धारकर्ता यीशु मसीह के अनन्त राज्य म्ह बड़े आदर के गैल बढण पाओगे। 12 ज्यातै हालाकि थम ये बात जाणो सो, अर जो सच्चा वचन थारे ताहीं मिल्या है उस म्ह बणे रहो सो, तोभी मै थारे ताहीं ये बात याद दुवाण खात्तर सारी हाण त्यार रहूंगा। 13 मै यो जाणु सूँ के जब तक मै जिन्दा सूँ, यो सही है, के मै उन बातों के बारे म्ह थारे तै बात करदा रहूँ, ताके थम इन बातों नै कदे भूल ना जाओ। 14 क्यूँके मै जाणु सूँ के मै तावळा मरण आळा सूँ, अर प्रभु यीशु मसीह नै मेरै ताहीं इस बारे म्ह बता दिया है। 15 ज्यातै मै इसी कोशिश करूंगा, के मेरे इस दुनिया तै जाये पाच्छै, थम इन सारी बातों नै सारी हाण याद कर सको। 16 क्यूँके जब हमनै थारे ताहीं, अपने प्रभु यीशु मसीह की सामर्थ अर बोहड़ण की खबर दी थी, तो हमनै श्याणपत तै गढ़ी होई कहाँनियाँ का सहारा कोनी लिया, बल्के हमनै आप ए उसके प्रताप ताहीं देख्या था। 17-18 क्यूँके जब उसनै परमेसवर पिता तै आदर अर महिमा पाई जो के प्रतापमय महिमा है, हमनै उस ताहीं यो कहन्दे सुणा, “यो मेरा प्यारा बेट्टा है, जिसतै मै राज्जी सूँ।” फेर हम उसके गेल्या पवित्र पहाड़ पे थे,

अर सुर्ग तै योए बोल आन्दे सुणया । 19 हम जाणा सां के जो वचन नबियाँ नै मसीह के बारे म्ह लिख्या सै, वो सच सै, थम इन वचनां नै गौर तै सुणो, जिस तरियां अन्धकार म्ह दीवै का चाँदणा, माणसां नै राह दिखावै सै, उस्से तरियां ये वचन भी सच्चाई नै जाणण म्ह थारी मदद करैगें, थम इन वचनां नै ध्यान तै सुणते रहो, जिब तक के यीशु मसीह बोहड़कै ना आ जावै । उसका आणा एक नये दिन की सुबह की तरियां सै, जो उजाळा लेकै आवै सै, अर वो सुबह के तारे की तरियां होगा । उस बखत उसका चाँदणा थारे मन म्ह चमकैगा, अर परमेसवर नै साफ तौर पै थारे पै जाहिर करैगा । 20 पर सबतै पैहले यो जाण ल्यो के पवित्र ग्रन्थ की कोए भी भविष्यवाणी, खुद नबियाँ का अपणा विचार कोनी 21 क्यूँके कोए भी भविष्यवाणी माणस की मर्जी तै कदे न्ही होई, पर भगतजन पवित्र आत्मा के जरिये उभारे जाकै परमेसवर की ओड़ तै बोल्लै थे ।

2

1 जिस तरियां इस्राएली माणसां म्ह झूठे नबी थे, उस्से ढाळ थारे म्ह भी झूठे शिक्षक हांगे, वे थारे ताहीं चुपके तै झूठी शिक्षा सिखावैगें, जिसकी बजह तै लोग मसीह पै बिश्वास न्ही करैगें, वे झूठे शिक्षक मसीह ताहीं अपणा प्रभु न्ही मान्नेगें, जिसनै उन ताहीं मोल लिया सै, अर पाप की शक्ति तै आजाद करया सै, इस तरियां वे चाणचक अपणे-आप ताहीं नाश कर लेवैगें । 2 घणखरे जो कहवैगें के हम बिश्वासी सां, वे उनकी ढाळ लुचपण के सुभाव नै अपणावैगें, अर उनके कारण जो लोग बिश्वासी कोनी सच के राह की बुराई करैगें । 3 ये शिक्षक लालची हांगे, अर थारे तै धन पाण के खात्तर मनघडन्त कहाँनी सुणाकै थारे ताहीं धोक्खा देवैगें, परमेसवर नै भोत पैहले फैसला ले लिया था, के वो उन ताहीं दण्ड देवैगा, अर वो यो करण आळा सै, वो सच म्ह उन ताहीं नाश करण आळा सै । 4 क्यूँके जिब परमेसवर नै उन सुर्गदूतां ताहीं जिननै पाप करया था, उन ताहीं माफ न्ही करया, पर उन ताहीं नरक म्ह भेजकै अँधेरे कुण्डां म्ह गेर दिया ताके न्याय के दिन ताहीं कैदी रहवै । 5 थम यो भी जाणो सां, के जो लोग भोत पैहले जिन्दा थे, उन म्ह परमेसवर का भय न्ही था, परमेसवर नै उनकी बुराईयाँ ताहीं नजरअंदाज कोनी करया, जो उननै करी थी, पर उन ताहीं बाढ़ के जरिये नाश कर दिया, उन म्ह तै परमेसवर नै आठ माणसां ताहीं बचाया जिस म्ह नूह भी था, जिसनै धार्मिकता का प्रचार करया । 6 थम यो भी जाणो सां, के जो लोग भोत पैहल्या सदोम अर अमोरा के नगर म्ह रहवै थे,

परमेसवर नै उन ताहीं भी दण्ड दिया, क्यूँके उननै भोत बुरे काम करे थे, अर उन ताहीं आग म्ह भस्म करकै राख बना दिया । इसा करण के जरिये उसनै दिखा दिया, के उन माणसां का के होगा जो उसका कहणा न्ही मानते । 7 सदोम नगर का नाश करण तै पैहले उसनै, लूत जो के एक धर्मी माणस था, उस ताहीं उस नगर तै लिकाड़कै उस ताहीं बचा लिया । लूत दुखी था क्यूँके सदोम नगर के लोग परमेसवर का कोए भी हुकम कोनी मान्ने थे, अर वे भोत बुरे काम करे थे । 8 वो उन बुरे माणसां के बीच म्ह रहवै था, अर हरेक दिन उनके बुरे काम्मां नै देखवै था जो वे करे थे, अर बुरी बाततां नै सुणै था जो वे बोल्लै थे, अर ये सारी बात उस ताहीं दुखी करै थी, क्यूँके वो धर्मी माणस था । 9 वे सारी बात जो परमेसवर नै पुराणे बखत म्ह करी सै, वे ये दिखावै सै, के परमेसवर पवित्र माणसां नै मुसीबतां तै किस तरियां बचावै सै, अर न्याय होण के दिन तक बुरे माणसां नै लगातार दण्ड दिया जावै । 10 परमेसवर बुरे माणसां नै दण्ड देवैगा, खास करकै उन झूठे शिक्षकां नै जो अशुद्ध अभिलाषायां के पाच्छै देह के मुताबिक चाल्दे, अर प्रभुता नै तुच्छ जाणै सै । वे ढीठ, अर जिदी सै, अर सुर्गीय चिज्जां के बारे म्ह आच्छा-भुंडा कहण तै न्ही डरदे । 11 तोभी सुर्गदूत जो झूठे शिक्षकां तै अर सामर्थ म्ह उनतै बड़े सै, प्रभु के स्याम्ही जिब उन झूठे शिक्षकां पै दोष लगावै सै तो वे अपमानजनक बात कहकै उनकी बुराई न्ही करदे । 12 पर ये झूठे शिक्षक जंगली-जानवरां की तरियां सै, ये जानवर न्ही जाणते के किस तरियां सोचणा सै, अर उनका मकसद पकड़े जाणा अर मरणा सै । ये लोग भी वोए काम करे सै जो इनके मन म्ह आवै सै, अर उन चिज्जां के बारे म्ह बुराई करे सै, जिसके बारे म्ह वे न्ही समझते, वे नाश हो जावैगें । 13 दुसरयां का बुरा करण के बदले उन्हे का बुरा होवैगा । उननै दिन-दोफारी म्ह भोग-विलास करणा आच्छा लाग्गै सै । ये थारे पै कलंक अर दोष सै, जिब वे थारे गेल्या प्रीति भोज म्ह शामिल होवै सै, तो अपणे छलावे का आनन्द ले सै । 14 वो हरेक जनानी नै देखकै उसके साथ जारी करणा चाहवै सै, अर पाप करण का मौक्का टोहवै सै, ये उन माणसां ताहीं धोक्खा देवै सै जो परमेसवर पै पक्का बिश्वास कोनी राखदे, अर उन ताहीं पाप करण खात्तर उकसावै सै, उनकी सदा बढ़दी रहण आळी लालसा के कारण परमेसवर उन ताहीं दण्ड देवैगा । 15 उननै वो करणा छोड़ दिया सै, जो सही सै, अर उननै बओर के बेट्टे विलाम की तरियां बुरे काम करणे शरु कर दिए, जो उसनै भोत पैहले करे थे, क्यूँके उसनै बुरे काम्मां तै

पईसा कमाण्डा चाह्या। 16 पर परमेसवर नै बिलाम नबी की गधी के जरिये उस ताहीं डांटा-फटकारा जो बुरे काम वो करण जावै था, हालाकि गधी जो बोल नही सकै थी, उसनै बिलाम नबी तै इन्सान की वाणी म्ह बात करी, जिब वो राजा तै मिलण जाण लागरया था, तो गधी नै बिलाम नबी ताहीं उसके बावळेपण तै रोख्या। 17 ये झूठे शिक्षक उस बेकार पाणी के चोवै की तरियां सै जो सूख लिया सै, अर ये उस बाढ़ की तरियां भी सै जिस ताहीं बारिस तै पैहले हवा उड़ा ले जावै सै, परमेसवर नै उन खात्तर, अनन्त अन्धकार म्ह जगहां राक्खी सै। 18 जिब वे माणसां नै सिखावै सै तो वो बेकार के अर घमण्डी शब्दां नै इस्तमाल करै सै, वे माणसां नै समझावै सै के वो बुरे काम कर सकै सै जो उनकी देह करणा चाहवै सै, अर उन माणसां तै भी दुबारा धोक्खें तै पाप करवाणा चाहवै सै, जो बुरी जिन्दगी तै बाळ-बाळ बचे सै। 19 ये झूठे शिक्षक माणसां ताहीं कहवै सै के थम सारे काम करण खात्तर आजाद सों, जो थम करणा चाहों सों, पर वो खुद गुलाम की तरियां सै, क्यूँके उनका पापी सुभाव उन ताहीं बुरे काम करवावै सै, थम हर उस चीज के गुलाम सों जो थमनै काबू करै सै। 20 माणस इस दुनिया की बुराईयाँ तै भाज्जै सै जिब वो मसीह यीशु नै अपणा उद्धारकर्ता मान लेवै सै, पर वे फेर तै बुरे काम करण लाग्गै सै, अर वे बुरी चीज उन ताहीं काबू म्ह राक्खै सै, इब उनकी दशा जो के मसीह नै छोड़ देण तै सै, वो पैहल्डी दशा तै भी भुंडी सै, जिब उननै मसीह पै विश्वास करया था। 21 मेरे कहण का मतलब यो सै, के परमेसवर उन माणसां ताहीं घणा दण्ड देवैगा जो मसीह ताहीं छोड़ देवै सै, उन माणसां तै ज्यादा जो उस ताहीं कदे नही अपणादे, उन खात्तर यो ठीक होन्दा के वो कदे नही जानते के धार्मिकता का जीवन किस तरियां जीणा सै, उन ताहीं बेरा सै के सही के सै, पर वो परमेसवर के हुकम नै कोनी मानते जो हम प्रेरितां नै उन ताहीं सिखाये सै। 22 उनपै ये दो कहावत सही बेट्टै सै, के कुत्ता अपणी उलटी नै चाट्टै सै, अर नुहाई होई सुरी कीचड़ म्ह लोट्टण कै खात्तर फेर चली जावै सै।

3

1 हे प्यारे विश्वासी भाईयो, इब मै थारे ताहीं दुसरी चिट्ठी लिक्खूँ सूं, अर मै दोन्नु चिट्ठियाँ म्ह थारे ताहीं कुछ चीज याद दुआ के थमनै सही ढंग तै सोच्चण खात्तर उत्साहित करण की कोशिश करण लागरया सूं, जो थमनै पैहले तै सीख ली सै। 2 मै यो इस करके करण लागरया सूं, क्यूँके मै थमनै उन नबियाँ के शब्द याद दुवाणा चाहूँ सूं, जो उननै भोत पैहले कहे अर प्रभु यीशु

मसीह जो म्हारा उद्धारकर्ता सै, उसकी शिक्षा जो थमनै उन प्रेरितां तै सीखी जो थारे धोरै आए थे। 3 यो जाण ल्यो के आखरी के दिनां म्ह मसीह के आण तै पैहल्या भोत-से इसे माणस होवेंगे जो थारा मजाक उड़ावेंगे, क्यूँके थम विश्वास करो सों के मसीह बोहड़ के आवैगा, अर वे बुरे तै बुरा काम करैगें जो उन ताहीं खुश करै सै। 4 अर कहवेंगे, “उसके आण का वादा कित्त गया? क्यूँके जिब तै उनके पूर्वज सो गये सै, सारा किमे उस्से तरियां ए सै जिस तरियां सृष्टि की शरुआत तै था?” 5 वो इस करके कहवेंगे क्यूँके वो भूलणा चाहवै सै, के परमेसवर के वचन कै जरिये अकास पुराणे बखत तै विद्यमान सै। उसनै धरती ताहीं भी पाणी म्ह तै बणाया अर पाणी तै न्यारा करया। 6 यो उनके मजाक का ए नतिज्जा था, के बाद म्ह उसनै एक बड़ी बाढ़ के जरिये इस दुनिया ताहीं पाणी म्ह डूबो के नाश कर दिया। 7 पर परमेसवर नै इब के बखत का अकास अर धरती उस्से वचन कै जरिये ज्यांतै राख राक्खे सै, के जळाए जावै, अर ये भगतिहीन माणसां के न्याय अर नाश होण कै दिन ताहीं इसेए धरे रहवेंगे। 8 हे प्यारे विश्वासी भाईयो, या बात थारे तै लुक्की नारहवै के प्रभु कै उरै एक दिन हजार साल कै बराबर सै, अर हजार साल एक दिन कै बराबर सै, उसके खात्तर दोन्नु एक्के सै। 9 प्रभु अपणे वादे कै बारै म्ह वार नही करदा, जिसी देर कुछ माणस समझै सै, पर थारे बारै म्ह धीरज धरै सै, अर नही चाहन्दा के कोए नाश हो, बल्के यो, के सारया ताहीं मन पलटन का मौक्का मिलै। 10 पर मसीह जरुर बोहड़ के आवैगा, उस दिन अकास म्ह बड़ा गरजण होगा अर अकास गायब हो जावैगा, जो कुछ अकास म्ह सै जिस तरियां सूरज, चाँद अर तारे ये सब आग म्ह पूरी तरियां जळ जावेंगे, उस दिन परमेसवर सब जाहिर करैगा, अर इस दुनिया म्ह होण लागरे सारे काम्मां का भी न्याय करैगा। 11 जिब के ये सारी चीज इस तरियां तै पिंघळ के खतम होण आळी सै, तो थारे ताहीं पवित्र चाल-चलण अर भगति म्ह किस ढाळ का माणस होणा चाहिये, 12 जिब थम उस दिन की बाट देखो सों जिब परमेसवर इस दुनिया का न्याय करण आवैगा, तो उस दिन ताहीं तावळा ल्याण खात्तर पूरी कोशिश करो, उस दिन आग अकास ताहीं जळा कै भस्म कर देवैगी अर जो कुछ अकास म्ह सै उस ताहीं गर्मी पिंघळा देवैगी। 13 पर उसके वादे कै मुताबिक हम एक नये अकास अर नयी धरती की आस देख्वां सां, जिस म्ह परमेसवर की धार्मिकता वास करैगी। 14 जिब के थम इन बाततां नै पूरा होण की बाट देखो सों तो थम इसी जिन्दगी जिओ जो परमेसवर नै पसन्द सै यानी थम एक-दुसरे के साथ शान्ति तै उसके स्याम्ही बेदाग अर बेकसूर रहो। 15 यो

जाण ल्यो के, क्यूँ म्हारा प्रभु धीरजवान सै? क्यूँके वो माणसां नै कुछ और बखत देणा चाहवै सै, ताके वो पाप करणा छोड़ दे, अर वो उन ताहीं बचा सकै, जिन म्हारा संगी विश्वासी भाई पौलुस जिसतै हम प्यार करां सां, उसनै परमेसवर के ज्ञान के जरिये थारे ताहीं लिख्या सै, उसनै भी थारे ताहीं येए बात बताई सै, जो मन्नै थारे ताहीं बताई सै। 16 उस्से तरियां ए उसनै अपणी सारी चिट्ठियाँ म्ह भी जो विश्वासियाँ ताहीं लिखी सै इन बात्तां का जिक्र करया सै, जिन म्ह कुछ बात इसी सै जिनका समझणा ओक्खा सै, अर अनपढ़ अर चंचल माणस उनके मतलबां नै गलत तरिके तै बतावै सै जिसा वो पवित्र ग्रन्थ की दुसरे वचनां का गलत मतलब लिकाड़ै सै, इसा करके वो परमेसवर नै मजबूर करै ताके वो उन ताहीं नाश करदे। 17 ज्यांतै हे प्यारे विश्वासी भाईयो, थम जाणो सों, के ये सारी बात होवैगी, तो ध्यान राखों के जो लोग परमेसवर का हुकम ताहीं न्ही मानते वो झूठ के जरिये थारे ताहीं बहका ना दे, अर उन बात्तां के बारे म्ह शक करण लागरे सों, जिनपै पैहले विश्वास करो थे। 18 पर म्हारे प्रभु अर उद्धारकर्ता यीशु मसीह के अनुग्रह अर ज्ञान की पहचान म्ह बढ़दे जाओ। उस्से की महिमा इब भी हो, अर युगानुयुग होन्दी रहवै। आमीन।

यूहन्ना की पैहली चिट्ठी

????????

यूहन्ना की पैहली चिट्ठी के दो खास मकसद सै: (1) अपने पाठकां ताहीं परमेसवर अर उसके बेट्टे यीशु मसीह, की साझेदारी म्ह जीवन बितान के खात्तर उत्साहित करणा सै। (2) अर उन झूठ्ठी शिक्षा के मानण तै, जिसतै या साझेदारी टूट जावैगी, इसके बिरुध्द चेतावनी देणा। यो झूठ्ठी शिक्षा इस धारणा पै आधारित थी के बुराई भौतिक दुनिया के साथ मिलण का नतिज्जा होवै सै, अर इस करके यीशु परमेसवर का बेट्टा, सचमुच एक माणस होए न्ही सकदा। इन शिक्षकां का दावा था के मुक्ति पाण खात्तर एक माणस नै इस संसार म्ह जीवन तै जुड़ी बात्तां तै मुक्त होणा होगा। अर वे यो भी सिखावै थे के शिष्टाचार अर अपने भाई तै प्रेम राखण जिसी बात्तां का मुक्ति तै कोए रिश्ता कोनी। इस शिक्षा के बिरोध म्ह लेखक साफ तौर पै यो दिखावै सै के यीशु मसीह सचमुच एक माणस था, अर वो इस बात पै जोर देवै सै, के जो यीशु मसीह म्ह बिश्वास करै सै, अर परमेसवर तै प्रेम करै सै तो जरूरी सै के वे आपस म्ह एक-दुसरयां गैल प्रेम करै।

रूप-रेखा

जानकारी 1:1-4 चाँदणा अर अन्धेरा 1:5-2:29
परमेसवर के बाळक अर शैतान के बाळक 3:1-24
सच अर झूठ 4:1-6
प्रेम का फर्ज 4:7-21
जीत देण आळा बिश्वास 5:1-21

?????? ??

1 हम उस जीवन देण आळे वचन के बारे म्ह लिखण लागरे सां, जो शुरु तै था, जिस ताहीं हमनै सुण्या, अर जिस ताहीं हमनै अपनी आँखां तै देख्या, बल्के जिस ताहीं हमनै ध्यान तै देख्या अर हाथ्यां तै छुआ। 2 (यो जीवन दुनिया म्ह आया अर हमनै इस ताहीं देख्या, अर हम उसके गवाह सां, अर थमनै उस अनन्त जीवन की खबर देवां सां, जो पिता के गैल था अर म्हारै पै जाहिर होया)। 3 जो किमे हमनै यीशु मसीह के बारे म्ह देख्या अर सुण्या सै उसकी खबर थमनै भी देवा सां, इस करके के थम भी म्हारै गैल संगति करो; अर म्हारी या संगति पिता अर उसके बेट्टै यीशु मसीह के गैल सै। 4 अर ये बात हम इस करके लिखा सां ताके थम खुशी तै भर जाओ।

????????

5 जो खबर हमनै यीशु मसीह तै सुणी अर थमनै सुणावां सां, वो या सै के परमेसवर चाँदणे के समान पवित्र सै, अर उस म्ह कुछ भी अन्धकार के समान कोए बुराई कोनी। 6 जै हम कहवां, के परमेसवर के गैल म्हारी संगति सै पर फेर भी अन्धकार म्ह चाल्लां, तो हम झूठ्ठे सां अर सच की राह पै कोनी चाल्दे; 7 पर जिसा परमेसवर चाँदणे के समान सै, उसे हम भी चान्दणा म्ह चाल्लां, तो एक-दुसरे तै संगति राक्खा सां, अर उसके बेट्टै यीशु मसीह का लहू हमनै सारे पाप तै शुद्ध करै सै।

8 जै हम कहवां के म्हारै म्ह कोए भी पाप कोनी, तो अपने-आपनै धोक्खा देवा सां, अर म्हारै म्ह सच्चाई कोनी। 9 जै हम अपने पाप नै परमेसवर के स्याम्ही मान ल्या, तो वो म्हारे पाप नै माफ करण म्ह भरोसेमन्द अर धर्मी सै, अर वो हमनै सारे अधर्म तै शुद्ध करै सै। 10 जै हम कहवां के हमनै पाप न्ही करया, तो परमेसवर नै झूठ्ठा बणावा सां, अर हम उसके वचन के मुताबिक जीवन कोनी जिन्दे।

2

??????

1 हे मेरे प्यार बाळकां, मे ये बात थारे ताहीं इस करके लिखूँ सूँ, के थम पाप ना करो; अर जै कोए पाप करै, तो परमेसवर पिता के धोरै म्हारा एक मददगार सै, यीशु मसीह जो धर्मी सै,, जो म्हारे पापां की माफी खात्तर पिता तै बिनती करै सै। 2 यीशु मसीह ए म्हारै पापां के खात्तर प्रायश्चित बलि सै, अर सिर्फ म्हारे ए न्ही बल्के सारी दुनिया के माणसां के पापां खात्तर भी।

3 जै हम परमेसवर के हुकम का पालन करांगे, उस्से तै हमनै बेरा लाग्गैगा के हम उस ताहीं जाणागे सां। 4 जो कोए या कहवै सै, "मै उसनै जाण गया सूँ," अर उसके हुकम नै न्ही मानता, यो वो माणस झूठ्ठा सै, उस म्ह सच कोन्या; 5 पर जो कोए परमेसवर के वचन नै मान्ने सै, उस म्ह सचमुच परमेसवर का प्यार सिध्द होया सै, परमेसवर म्ह म्हारे बणे रहण का सबूत योए सै, इस्से तै हम जाणा सां के हम उस म्ह सां। 6 जो कोए या कहवै सै के मै मसीह यीशु म्ह बणया रहूँ सूँ, तो उसके खात्तर जरूरी सै, के जिसा मसीह यीशु जिया उसाए वो भी जीवै।

??

7 हे प्यारे बिश्वासी भाईयो, मै थमनै कोए नया हुकम न्ही, पर वोए पुराणा हुकम लिखूँ सूँ, जो शुरु तै था, यो वाए हुकम सै, जिस ताहीं थमनै मसीह म्ह बिश्वास करते बखत सुण्या था। 8 फेर भी मै थमनै नया हुकम लिखूँ

सूं, उस हुकम की सच्चाई मसीह म्ह थी, अर वाए थारे म्ह भी सै; क्यूँके अन्धकार मिटता जावै सै, अर सच का चान्दणा इब चमकण लागया सै।

9 जो कोए या कहवै सै, के मै चाँदणे म्ह रहूँ सूँ, पर अपणे बिश्वासी भाई तै बैर राक्खै सै, तो वो इब ताहीं अन्धकार म्ह ए रहण लागरया सै। 10 जो कोए अपणे बिश्वासी भाई तै प्यार करै सै, वो चान्दणा म्ह रहवै सै, अर उस म्ह इसा कुछ कोनी के दुसरयां नै पाप करवावै। 11 पर जो कोए अपणे बिश्वासी भाई तै बैर राक्खै सै, वो अन्धकार म्ह रहवै सै अर अन्धेरे म्ह चाल्लै सै, अर न्ही जाण्दा के कित्त जावै सै, क्यूँके अन्धकार नै उसकी आँख आँधी कर दी सै।

12 हे बाळकों, मै थमनै इस करकै लिखूँ सूँ के यीशु के नाम तै थारे पाप माफ होए सै।

13 हे बुजुर्गों, मै थमनै इस करकै लिखूँ सूँ के जो शरु तै सै, थम उसनै जाणो सों। हे गाबरूओ, मै थमनै इस करकै लिखूँ सूँ के थमनै उस शैतान पै जीत पाई सै। हे लडको, मन्नै थारे ताहीं इस करकै लिख्या सै के थम पिता परमेसवर नै जाणगे सों।

14 हे बुजुर्गों, मन्नै थारे ताहीं इस करकै लिख्या सै, के जो शरु तै सै, थम पिता परमेसवर नै जाणगे सों। हे गाबरूओ, मन्नै थारे ताहीं इस करकै लिख्या सै, के थम ताकतवर बणो, अर परमेसवर का वचन थारे म्ह बणा रहवै सै, अर थमनै उस शैतान पै जीत पाई सै।

?????? ?? ???? ?? ???? ?

15 थम ना तो दुनिया तै अर ना दुनियावी चिज्जां तै प्यार राक्खो। जै कोए दुनिया तै प्यार राक्खै सै, तो उस म्ह पिता परमेसवर का प्यार कोन्या। 16 क्यूँके जो किमे दुनिया म्ह सै, यानी देह की अभिलाषा, आँखां की अभिलाषा अर रोजी रोटी का घमण्ड, वो पिता परमेसवर की ओड़ तै कोनी पर दुनिया की ए ओड़ तै सै। 17 दुनिया अर उसकी अभिलाषा दोनु मिटते ज्या सै, पर जो परमेसवर की मर्जी पै चाल्लै सै वो सदा बण्या रहवैगा।

????-??????

18 हे बाळकों, यो मसीह के आण का आखरी बखत सै; अर जिसा थमनै सुण्या सै, के मसीह का बिरोधी भी आण आळा सै, उसकै मुताबिक इब भी घणेए मसीह बिरोधी उठ खड़े होए सै; इसतै हम जाणगे सां, के यो आखरी बखत सै। 19 मसीह बिरोधी लिक्डै तो म्हारी कलीसिया म्ह ए तै सै, पर वे म्हारै थे ए कोनी; जै वे म्हारै होन्दे, तो हमनै छोड़ के ना जान्दे; उनका म्हारे ताहीं छोड़ के

जाणा ए यो साबित करै सै, के उन म्ह तै कोए भी म्हारा कोनी था।

20 पर थारे ताहीं तो पवित्त्र आत्मा मसीह के जरिये मिला सै, इस करकै थम सारी सच्चाई नै जाणो सों।

21 मन्नै थारे ताहीं इस करकै न्ही लिख्या, के थम सच्चाई नै न्ही जाणदे, पर इस करकै के थम उस ताहीं जाणो सों, क्यूँके कोए भी झूठ, सच की ओड़ तै कोनी लिक्डता।

22 झूठठा कौण सै? सिर्फ वो जो यीशु नै मसीह होण तै नाटै सै; अर मसीह का बिरोधी वोए सै, जो पिता परमेसवर का अर बेट्टे का इन्कार करै सै। 23 जो कोए बेट्टे नै (मानण) तै नाटै सै उसकै धोरै पिता परमेसवर भी कोनी जो बेट्टे नै मान ले सै, उसकै धोरै पिता परमेसवर भी सै।

24 जो संदेश थमनै शरु तै सुण्या सै, जिब थमनै मसीह पै बिश्वास करया, जै वो थारे म्ह बण्या रहवै, तो थम भी बेट्टे म्ह अर पिता परमेसवर म्ह बणै रहोगे। 25 परमेसवर नै म्हारे तै वादा करया सै, के वो हमनै अनन्त जीवन देवैगा।

26 मै थारे ताहीं उन माणसां के बारे म्ह चेतावनी देऊ सूँ, जो थमनै झूठठी शिक्षा तै भरमावै सै; 27 अर थारे म्ह पवित्त्र आत्मा जो मसीह की ओड़ तै मिला सै, वो थारे म्ह रहवै सै; इस करकै यो जरूरी कोनी, के कोए थमनै उस सच्चाई के बारे म्ह सिखावै, बल्के पवित्त्र आत्मा थारे ताहीं उन बातों की सारी सच्चाई बतावै सै, अर पवित्त्र आत्मा जो थारे ताहीं सिखावैगा, वो बिल्कुल सच सै, अर थारे तै झूठ कोनी बोल्लैगा, इस करकै मसीह म्ह बणे रह्यो, जिसा थारे ताहीं पवित्त्र आत्मा नै सिखाया सै।

?????? ?? ???? ?

28 हे बाळकों, मसीह म्ह बणे रह्यो, के जिब वो दुबारा आवैगा, तो म्हारी हिम्मत बणी रहवै, ताके मसीह के आण पै उसकै स्याम्ही शर्मिन्दा ना होआ।

29 जै थम जाणो सों, के मसीह धर्मी सै, अर जो कोए धर्म का काम करै सै, वो परमेसवर की ऊलाद सै।

3

1 सोच्चों तो सही के पिता परमेसवर नै म्हारै तै किसा प्यार करया, के हम पिता परमेसवर की ऊलाद कुहवाए; अर हम सां भी। पर इस कारण दुनिया के माणस हमनै कोनी जाणते, के हम परमेसवर की ऊलाद सां, क्यूँके वे पिता परमेसवर नै भी कोनी जाणते। 2 हे मेरे प्यारे बिश्वासी भाईयो, इब हम परमेसवर की ऊलाद सां अर इब ताहीं यो तय न्ही होया, के आण आळे बखत म्ह हम के बणागें! इतणा जाणा सां के जिब यीशु मसीह आवैगा तो हम उसकै समान होवांगे, क्यूँके हम मसीह नै उसेए

दिक्खान्गे जिसा वो सै।³ अर जो कोए मसीह पै या आस राक्खै सै, वो अपणे-आपनै उसाए पवित्तर करै सै, जिसा वो पवित्तर सै।

⁴ जो कोए बार-बार पाप करै सै, वो नियम-कायदा का बिरोध करै सै। अर हुकम ना मानना ए पाप सै।⁵ थम जाणो सों के मसीह इस खात्तर आया, ताके पाप नै दूर करै; अर उसके म्ह कोए भी पाप कोनी।*⁶ जो कोए उस म्ह बणया रहै सै, वो बार-बार पाप न्ही करदा: जो कोए बार-बार पाप करै सै, वे कोनी जाणते के मसीह कौण सै, अर ना ए उसके गैल कोए उनका रिश्ता सै।

⁷ हे बाळकों, किसे कै बहकावै म्ह ना आइयो। जो धर्म के काम करै सै, वोए मसीह कै समान धर्मी सै।⁸ जो कोए पाप करदा रहवै सै, वो शैतान की ओड़ तै सै, क्यूँके शैतान शरु तै ए पाप करदा आया सै। परमेसवर का बेट्टा इस खात्तर आया के शैतान कै काम्मां का नाश करै।⁹ जो परमेसवर की ऊलाद सै, वो बार-बार पाप न्ही करदा; क्यूँके मसीह का सुभाव उस म्ह बणया रहवै सै, अर वो पाप कर ए न्ही सकता, क्यूँके वो परमेसवर की ऊलाद सै।¹⁰ परमेसवर की अर शैतान की ऊलाद की पिच्छाण इस्से तै हो ज्या सै: कोए भी माणस, जिसका जीवन धार्मिकता का कोनी, वो परमेसवर की ओड़ तै कोनी, अर ना ए वो, जिसनै अपणे भाई तै प्यार न्ही करया।

22-222222 22 222222 222222

¹¹ जो खबर थमनै शरु तै सुणी, वो या सै के हम एक-दुसरे तै प्यार करां; ¹² अर आदम के बेट्टे कैन की ढाळ ना बणो, जो उस शैतान की ओड़ तै था, अर जिसनै अपणे भाई ताहीं मार दिया। अर उस ताहीं क्यूँ मारया? क्यूँके उसके खुद के काम बुरे थे, अर उसके भाई के काम धर्म के थे।¹³ हे विश्वासी भाईयो, जै दुनिया के माणस थारे तै बैर करै सै तो अचम्भा ना करो।¹⁴ हम जाणा सां, के हम मौत के मुँह तै लिक्ड़के जीवन म्ह दाखल होवा सां; क्यूँके हम विश्वासी भाईयाँ तै प्यार राक्खा सां। जो प्यार न्ही राखदा वो मृत्यु के सिकन्जे म्ह रहवै सै।¹⁵ जो कोए अपणे विश्वासी भाई तै बैर राक्खै सै, वो हत्यारा सै; अर थम जाणो सों के हत्यारे म्ह अनन्त जीवन न्ही रहन्दा।

¹⁶ प्यार के सै? इस्से तै हमनै जाण लिया के यीशु मसीह नै म्हारै खात्तर अपणी जान दे दी; इस करके हमनै भी अपणे विश्वासी भाईयाँ के खात्तर जान देणी चाहिए।¹⁷ पर जिस किसे कै धोरै दुनिया की दौलत हो अर वो अपणे विश्वासी भाई नै कंगाल देखके उसपै तरस ना खावै, तो उस म्ह परमेसवर का प्यार किस तरियां बणया

* 3:5 3:5 (यूह-1:29)

रहै सकै सै? ¹⁸ हे प्यारे बाळकों, म्हारे बोल्लण तै ए न्ही, पर काम अर सच्चाई म्ह भी म्हारा प्यार दिखणा चाहिए।

22222222 22 22222222 222222

¹⁹ जब हम दुसरयां तै प्यार करां सां, तो हम जाण लेवां सां, के हम सच के सां; अर जिस बात म्ह म्हारा मन हमनै दोष देवै सै, उसके बारे म्ह हम परमेसवर कै आगै अपणे-अपणे मन नै होसला दे सकां सां; ²⁰ जै बुरे काम की बजह तै म्हारा मन हमनै दोषी बणावै तोभी हम परमेसवर के स्याम्ही जा सकां सां, क्यूँके परमेसवर म्हारे मन तै बड़ा अर सब कुछ जाणण आळा सै।²¹ हे प्यारे विश्वासी भाईयो, जै म्हारा मन हमनै दोष ना दे, तो हमनै परमेसवर कै आगै जाण म्ह होसला मिलै सै।²² अर जो कुछ हम परमेसवर तै माँगगा सां, वो हमनै उसतै मिलै सै, क्यूँके हम उसके हुकम नै मान्ना सां अर जो उसनै आच्छा लाग्गै सै, वोए हम करा सां।²³ उसका हुकम यो सै के हम उसके बेट्टे यीशु मसीह पै विश्वास करा, अर जिसा उसनै म्हारै ताहीं हुकम दिया सै उस्से कै मुताबिक हम आप्स म्ह प्यार करां।²⁴ जो परमेसवर के हुकम नै मान्ने सै, वो परमेसवर म्ह वास करे सै, अर वो उन म्ह वास करे सै: अर इस्से तै, हम जाणा सां, के वो म्हारै म्ह रहवै सै उस पवित्तर आत्मा के जरिये जो उसनै म्हारै ताहीं दिया सै।

4

2222222222 22 222222

¹ हे प्यारे विश्वासी भाईयो, हरेक आत्मा का विश्वास ना करो, बल्के आत्मायाँ नै परखो के वो परमेसवर की ओड़ तै सै के न्ही; क्यूँके घणखरे झूठे नबी दुनिया म्ह उठ खड़े होए सै।² परमेसवर की आत्मा थम इस रीति तै पिच्छाण सको सों: जो आत्मा मान ले सै के यीशु मसीह देह धारण करके आया सै, वो परमेसवर की ओड़ तै सै।³ अर जो आत्मा यीशु नै न्ही मानती, वो परमेसवर की ओड़ तै न्ही सै; अर वोए तो मसीह कै बिरोधी की आत्मा सै, जिसका जिक्र थमनै सुणया सै के वो आण आळा सै, अर इब भी दुनिया म्ह सै।

⁴ हे प्यारे बाळकों, थम परमेसवर के लोग सों, अर थमनै झूठे नबियाँ पै जीत पाई सै; क्यूँके पवित्तर आत्मा जो थारे म्ह बसै सै, वो शैतान तै बड़ड़ा सै, जो इस दुनिया म्ह सै।⁵ झूठे नबी दुनिया के लोग सै, इस कारण वे दुनिया की बात बोल्लै सै, अर लोग उनकी सुणै सै।⁶ हम परमेसवर के लोग सां। जो परमेसवर नै जाणै सै, वो म्हारी सुणै सै; जो परमेसवर नै न्ही जाणता वो

म्हारी न्ही सुणदा। इस ढाळ हम सच की आत्मा अर भ्रम की आत्मा नै पिच्छाण लेवां सां।

७७७७७७७ ७७७७७ ७७

7 हे प्यारे विश्वासी भाईयो, हम आप्स म्ह प्यार करां; क्यूँके प्यार परमेसवर की ओड़ तै सै, जो कोए प्यार करै सै, वो परमेसवर की ऊलाद सै, अर वो परमेसवर नै जाणै सै। 8 जो दुसरयां तै प्यार न्ही करते, वो परमेसवर नै न्ही जाणदा, क्यूँके परमेसवर प्यार सै। 9 जो प्यार परमेसवर म्हारै तै करै सै, वो इसतै जाहिर होया के परमेसवर नै अपने इकलौते बेट्टै ताहीं दुनिया म्ह भेज्जा सै, ताके हम उसके जरिये सच्चे जीवन नै पावां। 10 प्यार वो न्ही जो हमनै परमेसवर तै करया सै, बल्के प्यार वो सै जो उसनै म्हारै तै करया, के म्हारै पापां के प्रायश्चित्त के खात्तर अपने बेट्टै ताहीं भेज्जा। 11 हे प्यारे विश्वासी भाईयो, जब परमेसवर नै म्हारै ताहीं इसा प्यार करया, तो हमनै भी आप्स म्ह प्यार करणा चाहिए। 12 परमेसवर ताहीं भी किसे नै न्ही देख्या; जै हम आप्स म्ह प्यार करां, तो परमेसवर म्हारै म्ह बसा रहवै सै अर उसका प्यार म्हारै म्ह सिध्द होगया।

13 इस्से तै हम जाणा सां के हम उस म्ह बणे रह्वा सां, अर वो म्हारै म्ह; क्यूँके उसनै अपने पवित्तर आत्मा म्ह तै म्हारै ताहीं दिया सै। 14 हमनै देख भी लिया अर गवाही देवा सां के पिता परमेसवर नै बेट्टे ताहीं दुनिया का उद्धारकर्ता बणाके भेज्जा सै। 15 जो कोए या मान ले सै के यीशु परमेसवर का बेट्टा सै, परमेसवर उस माणस म्ह वास करै सै, अर वो परमेसवर म्ह। 16 हम जाणगे सां, अर हमनै विश्वास सै के परमेसवर म्हारै तै प्यार करै सै। परमेसवर प्यार सै, अर जो प्यार म्ह बणया रहवै सै, वो परमेसवर म्ह वास करै सै, अर परमेसवर उस म्ह वास करै सै। 17 इस्से तै प्यार म्हारै म्ह सिध्द होया, के न्याय के दिन हमनै यो होसला मिलै, के परमेसवर हमनै दण्ड न्ही देगा। जिसा मसीह दुनिया म्ह रहन्दे होए परमेसवर म्ह वास करै था, उसाए हम भी परमेसवर म्ह वास करां सां। 18 प्यार म्ह डर न्ही होदा, बल्के सिध्द प्यार डर नै दूर करदे सै; क्यूँके डर का सम्बन्ध दण्ड तै होवै सै, अर जो डरै सै वो प्यार म्ह सिध्द न्ही होया।

19 हम इस करके प्यार करा सां, के पैहले उसनै म्हारै तै प्यार करया। 20 जै कोए कहवै, “मै परमेसवर तै प्यार करूँ सूँ,” पर अपने विश्वासी भाई तै बैर राक्खै तो वो झूठठा सै; क्यूँके जो अपने विश्वासी भाई तै जिस ताहीं उसनै देख्या सै प्यार न्ही कर सकता, तो वो परमेसवर तै भी जिस ताहीं उसनै न्ही देख्या प्यार न्ही कर सकता। 21 परमेसवर तै हमनै यो हुकम मिल्या सै, के जो कोए

* 5:3 5:3 मत्ती 11:30

परमेसवर तै प्यार राक्खै सै वो अपने भाई तै भी प्यार राक्खै।

5

७७७७७७७ ७७ ७७ ७७७७७

1 जिसका यो विश्वास सै, के यीशु ही मसीह सै, वो परमेसवर पिता की ऊलाद सै; अर जो कोए परमेसवर तै प्यार करै सै, वो उसके माणसां तै भी प्यार करैगा। 2 जब हम परमेसवर तै प्यार करां सां अर उसके हुकम नै मान्ना सां, तो इस्से तै हम जाणा सां, के हम परमेसवर अर उसके माणसां तै प्यार करां सां। 3 परमेसवर तै प्यार करण का मतलब यो सै के हम उसके हुकमां नै मान्ने; अर उसके हुकम मुश्किल कोन्या। * 4 क्यूँके जो परमेसवर पिता की ऊलाद सै, उसनै दुनिया पै जीत हासिल करी सै; अर वा जीत दुनिया ताहीं हरा देवै सै, वो म्हारा विश्वास ए सै। 5 दुनिया पै जीत पावैण आळा कौण सै? सिर्फ वो जिसका यो विश्वास सै के यीशु ए परमेसवर का बेट्टा सै।

७७७७ ७७७७ ७७ ७७७७७ ७७७ ७७७७७

6 मसीह यीशु ए सै, जिसनै बपतिस्मा लिया अर म्हारै खात्तर सूळी पै अपना लहू भी बहाया। 7 गवाही देण आळे तीन सै। 8 आत्मा, पाणी अर लहू; ये तीन्नु एके बात पै सहमत सै। 9 जब हम माणसां की गवाही मान ल्यां सां, तो परमेसवर की गवाही तो उसतै बढ़के सै; अर परमेसवर की गवाही या सै के उसनै अपने बेट्टै के बारे म्ह गवाही दी सै। 10 जो परमेसवर के बेट्टै पै विश्वास करै सै, वो अपने मन म्ह ए विश्वास राक्खै सै। जिसनै परमेसवर पै विश्वास न्ही करया उसनै परमेसवर ताहीं झूठठा बताया, क्यूँके उसनै उस गवाही पै विश्वास न्ही करया जो परमेसवर नै अपने बेट्टै के बारे म्ह दी सै। 11 अर वा गवाही या सै के परमेसवर के बेट्टे के जरिये हमनै अनन्त जीवन पाया सै, अर यो जीवन उसके बेट्टै म्ह सै। 12 उसके बेट्टे तै म्हारा गहरा रिश्ता सै, उसके धोरै अनन्त जीवन सै; अर जिसका परमेसवर के बेट्टे तै रिश्ता कोनी, उसके धोरै अनन्त जीवन भी कोनी।

७७७७७ ७७७७

13 मै या चिट्ठी थारे ताहीं लिखूँ सूँ, जो परमेसवर के बेट्टै के नाम पै विश्वास करो सां, ताके थम जाणो के अनन्त जीवन थारा सै। 14 हमनै परमेसवर के स्याम्ही यो होसला मिलै सै, वो होसला यो सै, के जो हम उसकी इच्छा के मुताबिक माँग्या सां, तो वो म्हारी सुणै सै। 15 जब हम जाणा सां, के जो कुछ परमेसवर तै माँग्या सै, वो म्हारी सुणै सै, तो यो भी जाणा सां, के जो कुछ हमनै परमेसवर तै माँग्या, वो पाया सै।

- 16 जै कोए अपणे बिश्वासी भाई नै इसा पाप करते देखै, जिसका नतिज्जा मौत ना हो, तो बिनती करै, अर परमेसवर उस ताहीं उन खात्तर, जिन नै इसा पाप करया सै, जिसका कारण मौत ना हो, जीवन देगा। जिस पाप का नतिज्जा मृत्यु सै; मै इसकै बारे म्ह बिनती करण खात्तर न्ही कहन्दा
- 17 सारी ढाळ के बुरे काम तो पाप सै, पर इसा पाप भी सै जिसका नतिज्जा मृत्यु कोनी।
- 18 हम जाणा सां, के जो कोए परमेसवर ऊलाद सै, वो बार-बार पाप न्ही करते; क्यूँके परमेसवर का बेट्टा यीशु मसीह उसनै पाप तै बचाई राखैगा, अर शैतान उसनै छू भी न्ही पांदा।
- 19 हम जाणा सां, के हम परमेसवर तै सां, अर सारी दुनिया उस शैतान कै बस म्ह पड़ी सै।
- 20 हम यो भी जाणा सां, के परमेसवर का बेट्टा यीशु मसीह आ गया सै, उसनै म्हारे ताहीं उस सच्चे परमेसवर नै पिच्छाणण की समझ दी सै; के म्हारा परमेसवर का करीबी रिश्ता सै, क्यूँके म्हारा उसके बेट्टे कै गेल्या करीबी रिश्ता सै। सच्चा परमेसवर अर अनन्त जीवन योए सै।
- 21 हे बाळकों हरेक उस चीज तै दूर रहों जो थमनै परमेसवर तै दूर करै सै।

यूहन्ना की दुसरी चिट्ठी

????????

यूहन्ना की दुसरी चिट्ठी “यूहन्ना” की ओड़ तै चुणी होई बिरबान्नी अर उसकै बाळकां के नाम लिक्खी गई सै, हो सके सै: उसका मतलब एक घरेलू कलीसिया अर उसकै सदस्य। साफ तौर तै इसका सन्देस सै, एक-दुसरां तै प्यार करण की बिनती अर झूठ्ठी शिक्षां अर उनकी झूठ्ठी शिक्षा के खिलाफ चेतावनी।

रूप-रेखा

जानकारी 1-3

प्यार की बड़ाई 4-6

झूठ्ठे रीति-रिवाजां के खिलाफ चेतावनी 7-11

समापन 12,13

????????

1 या चिट्ठी मुझ यूहन्ना की ओड़ तै सै, जो कलीसिया का अगुवां सै, मै उस परमेसवर के जरिये चुणी गई बिरबान्नी अर उसके बाळकां के नाम या चिट्ठी लिखण लागरया सूं, जिनतै मै सच्चा प्यार करूं सूं, अर सिर्फ मै ए न्ही बल्के वे सारे भी प्यार करै सै, जो सच्चाई नै जाणै सै।² हम थारे तै प्यार करा सां, क्यूँके सच्ची शिक्षा म्हारे म्ह रहवै सै, अर म्हारे साथ सदा रहवैगी।³ परमेसवर पिता, अर उसके बेट्टे यीशु मसीह की ओड़ तै अनुग्रह, दया, शान्ति, ये सब उनके साथ रहवैगी, जो इस सच्चाई नै मान्ने सै, अर एक-दुसरे तै प्यार करै सै।

?? ?? ???????

4 मै घणा राज्जी होया के मन्ने तेरे कई बाळकां ताहीं उस हुकम के मुताबिक, जो म्हारै पिता की ओड़ तै मिल्या था, सच पै चाल्दे होए पाया।⁵ इब हे नारी, मै तेरे तै बिनती करूं सूं, के हमनै एक-दुसरे तै प्यार करणा चाहिए, यो कोए नया हुकम कोनी, बल्के यो वो हुकम सै जिसनै हम उस बखत तै जाणा सां, जब हमनै मसीह के पाच्छै चालणा शरु करया था।⁶ अर सच्चा प्यार यो सै, के हम परमेसवर के हुकमां के मुताबिक चाल्लां, जिस दिन तै थमनै मसीह के पाच्छै चालणा शरु करया था, उस दिन तै थम जाणो सां, के परमेसवर नै म्हारे ताहीं हुकम दिया सै, के हम सदा एक-दुसरे तै प्यार करा।⁷ मै ज्यांतै कहूं सूं, क्यूँके भोत-से लोग झूठ्ठी शिक्षा तै दुसरां नै धोक्खा देण आळे, इस दुनिया म्ह अलग-अलग जगहां तै लिकड़ आए सै, वे कहवै सै, के मसीह इस दुनिया म्ह इन्सान का रूप धारण करके न्ही आया,

जै कोए माणस ये बात कहवै सै तो वो माणस यीशु मसीह का बिरोधी सै, वो दुसरां ताहीं भरमाण आळा सै।⁸ थमनै चौक्कस रहणा चाहिए, के ये लोग थमनै धोक्खा न्ही देण पावै, ताके परमेसवर की सेवा करण म्ह जो मेहनत थमनै करी सै, वा बेकार ना जावै, पर परमेसवर थारी उस मेहनत का थमनै ईनाम देवैगा।⁹ जै कोए माणस, मसीह नै जो शिक्षाएँ दी सै उसका पालन न्ही करदा, अर अपनी ओड़ तै उन शिक्षा म्ह कुछ और जोडै सै, तो उसकी परमेसवर के गैल साझेदारी कोनी, पर जो कोए उसकी दी गई शिक्षा का पालन करदा रह सै, उसकी पिता परमेसवर अर उसके बेट्टे यीशु मसीह के गैल साझेदारी सै।¹⁰ जै कोए थारे धारै आवै अर वा शिक्षा दे जो मसीह की शिक्षा तै न्यारी सै, तो उस ताहीं थम ना तो घर म्ह आण द्यो अर ना नमस्कार करो।¹¹ क्यूँके जो कोए इसे माणस नै नमस्कार करै सै, वो उसके भुन्डे काम्मां म्ह साइझी होवै सै।

????? ?????????

12 मन्ने घणीए बात थारे ताहीं बताणी सै, पर मै उन बात्तां नै इस चिट्ठी म्ह लिखणा कोनी चाहन्दा, अर उम्मीद सै के मै थारे धारै आऊंगा, अर आम्ही-स्याम्ही थारे तै बात करुंगा, अर फेर हम आच्छी ढाळ खुशी मनावांगे।¹³ परमेसवर के जरिये चुणी गई बेब्बे के बाळकां का, थारे ताहीं नमस्कार।

यहूदा की चिट्ठी

????????

यहूदा की चिट्ठी झूट्टी शिक्षा देणिया के खिलाफ चेतावनी देण खात्तर लिक्खी गई सै, क्यूँके वे बिश्वासी होण का दावा करै थे। इस छोट्टी सी चिट्ठी की कई बात पतरस की दुसरी चिट्ठी के समान सै, इस म्ह लेखक अपने पाठकां नै उत्साहित करै सै के “उस बिश्वास के खात्तर पूरी कोशिश करो जो पवित्र माणसां ताहीं एके बार सौप्या गया था।”

रूप-रेखा

जानकारी 1,2

झूट्टे शिक्षाकां का चाल-चलण, शिक्षा, अर अंत 3-

16

बिश्वास म्ह बणे रहणे की चेतावनी 17-23

आशीष वचन 24,25

1 या चिट्ठी मुझ यहूदा की ओड़ तै सै, मै, मसीह यीशु का दास अर याकूब का छोट्टा भाई सूं। मै या चिट्ठी उन माणसां ताहीं लिखण लागरया सूं, जिन ताहीं परमेसवर नै अपने पै बिश्वास करण खात्तर बुलाया सै। पिता परमेसवर थारे तै प्यार करै सै, अर मसीह यीशु म्ह थारे ताहीं सुरक्षित राक्खै सै। 2 मै प्रार्थना करूं सूं, के परमेसवर थारे ताहीं दया, शान्ति अर प्यार भोत-ए घणा देवै। 3 हे प्यारे बिश्वासी भाईयो, जब मै उस नई जिन्दगी के बारे म्ह लिखण म्ह घणी मेहनत करण लागरया था, जो म्हारे ताहीं मसीह यीशु के जरिये परमेसवर तै मिलै सै, अर जिस म्ह हम सब साझीदार सां। तो मन्नै महसूस होया के मै इस चिट्ठी के जरिये थमनै उत्साहित करूं, ताके थम अपने बिश्वास की बढ़ोतरी खात्तर और भी मेहनत करो, परमेसवर नै यो बिश्वास सारे माणसां ताहीं सदा खात्तर एके बार दे दिया सै, अर यो बदल्या न्ही जा सकदा। 4 क्यूँके परमेसवर का कहणा ना मानण आळे भोत-से झूट्टी शिक्षा देण आळे लोग चुपचाप म्हारे बिना जाणे म्हारे म्ह आ मिले सै, ये वो लोग सै जिनके बारे म्ह परमेसवर नै सदियाँ पैहले पवित्र ग्रन्थ म्ह कह्या था, के उन ताहीं परमेसवर दण्ड देवैगा। वे परमेसवर के अनुग्रह के सन्देश नै बिगाड़ के उस ताहीं भोग-विलास म्ह बदल देवै सै। यीशु मसीह जो म्हारा एकमात्र मालिक अर प्रभु सै, वे उसका इन्कार करै सै। 5 हालाकि थमनै सारी बात्तां का बेरा सै, फेर भी मै थमनै वे बात याद दुवाणा चाहूं सूं, जब प्रभु

नै इस्राएली माणसां ताहीं मिस्र देश की गुलाम्मी तै छुड़ाया था, तो उसके बाद उन म्ह बिश्वास ना करणीया का प्रभु नै जंगल-बियाबान म्ह नाश कर दिया। 6 यो भी याद राक्खों के परमेसवर नै उन सुर्गदूतां ताहीं भी दण्ड दिया, जिननै अपनी प्रभुता बणाए न्ही राक्खी, बल्के अपनी खुद की रहण की जगहां जो के सुर्ग थी छोड़ दी, परमेसवर नै उन ताहीं भी भीषण दिन के न्याय खात्तर अन्धेरै म्ह, जो सदा काल के खात्तर सै, बेल्लां तै बाँधके राख्या सै, जिन ताहीं कोए तोड़ न्ही सकदा। 7 उस्से तरियां उन माणसां के बारे म्ह जो सदोम अर अमोरा नगर अर उसके लोवै-धोवै के नगर के माणसां के गैल के बणी थी। वे माणस जा रह गये थे, अर अप्राकृतिक यौन-सम्बन्धां के पाच्छै लागे थे, तो परमेसवर नै उन ताहीं आग तै भस्म कर दिया, जो उनके गैल होया वा दुसरयां खात्तर चेतावनी सै, क्यूँके वे भी अनन्त आग के जरिये दण्ड पावेंगे। 8 इन बात्तां के बारे म्ह बेरा होन्दे होए, परमेसवर का कहणा ना मानण आळे लोग उस्से तरियां तै पाप करै सै, उनका कहणा सै, के वे दर्शन देखै सै, वे अपनी-अपनी देह नै अशुद्ध करै सै, अर वे परमेसवर की प्रभुता नै अस्वीकार करै सै, अर सुर्गदूतां की बुराई करै सै। 9 पर परमेसवर के प्रधान सुर्गदूत मीकाईल नै, जब शैतान तै मूसा नबी की लाश के बारे म्ह वाद-विवाद करया, तो मीकाईल सुर्गदूत नै भी उसतै आच्छा-भुंडा कहके खोट लाण की हिम्मत कोनी करी, पर सिर्फ इतनाए कह्या, के “प्रभु तन्नै फटकारै*।” 10 पर परमेसवर का कहणा ना मानण आळे ये लोग उन बात्तां की आलोचना बुरे शब्दां तै करै सै, जिन ताहीं वे जाणदे ए कोनी, अर जिन बात्तां नै वे जाणै सै, उन ताहीं वे बिना सोच्चे-समझे जंगली-जानवरां की तरियां करै सै, इसे काम्मां खात्तर परमेसवर उन ताहीं दण्ड देवैगा। 11 धिक्कार सै उनपै! जो कैन की तरियां बुरी जिन्दगी जीवै सै, जिसनै अपने भाई का खून इस करके करया था, क्यूँके परमेसवर नै उसकी भेट स्वीकार कोनी करी, अर उसके भाई की कर ली थी, अर वो उस बिलाम की तरियां सै, जिसनै परमेसवर के माणसां ताहीं पाप करण खात्तर उकसाया, ताके वो धन ले सकै जिसकी पेशकस उस ताहीं करी गई थी, अर जो कोरह की ढाळ मूसा नबी के अधिकार का बिरोध करण के कारण नाश होगे। 12 जब थम परमेसवर के प्यार नै, याद करण के खात्तर प्रीति भोज† म्ह कट्टे होओ सों, तो वे भी थारे म्ह शामिल हो जावै सै, तब वे उस समुन्दर म्ह लुक्की होए पत्थर की चट्टान की तरियां सै, जो थारे ताहीं डूबो सकै सै।

* 1:9 1:9 फटकारैधमकावे † 1:12 1:12 प्रीति भोज परमेसवर के लोग जो भाई चारे म्ह कट्टे हो के खाणा खावै सै उस ताहीं प्रीति भोज कहवै सै

वे उस पाळी की तरियां सै जो सिर्फ अपणा पेट भरै सै, अर वे बिना पाणी के बादल सै, जिन ताहीं हवा उड़ा ले जावै सै, वे पतझड़ के इसे दरखत सै, जिन म्ह कदे फळ कोनी लागदे, अर ये जड़ तै उखड़गे सै। ¹³ ये समुन्दर की तेज झाल के हिलोरे सै, जो अपणी गंदगी का झाग उछाळै सै, ये लोग शर्मनाक काम करै सै, ये उन राह तै भटके होए तारां की ढाळ सै, जो किसे नै सही राह न्ही दिखा सकदे, जिनके खात्तर परमेसवर नै सदा खात्तर घोर अन्धकार की जगहां तय कर राक्खी सै, जड़ै वो सदा खात्तर रहवैंगे। ¹⁴ हनोक नै भी जो आदम की सातवीं पीढ़ी म्ह तै था, इन माणसां के बाबत या भविष्यवाणी करी थी, “देक्खों, प्रभु अपणे लाखां पवित्तर सुर्गदूतां के गेल्या आवैगा, ¹⁵ तो उन सब माणसां का न्याय करैगा, अर बुरे माणसां नै उनके बुरे काम्मां का अर दुष्ट माणसां नै जिननै परमेसवर के बिरोध म्ह कड़वे शब्द इस्तमाल करे थे, उन ताहीं कसूरवार ठहरावैगा।” ¹⁶ ये तो बेसबरे, बड़बड़ाण आळे, अर अपणी मर्जिया के मुताबिक लगातार बुरे काम करै सै, अर अपणे मुँह तै घमण्ड की बात बोल्लै सै, वे अपणे फायदे के खात्तर चापलूसी की बात करै सै। ¹⁷ पर हे प्यारे भाईयो, थम इन बाततां नै याद राक्खो, जो म्हारे प्रभु यीशु मसीह के प्रेरित भोत पैहल्याए कहगे सै। ¹⁸ वे थमनै कह्या करै थे, “के प्रभु यीशु मसीह के बोहड़ण तै पैहले इसे माणस भी होवैंगे जो प्रभु का मजाक उड़ावैंगे, वे इसे माणस सै, जो अपणी बुरी अभिलाषायां के मुताबिक जिन्दगी जिवैंगे।” ¹⁹ ये वे माणस सै, जो थारे म्ह फूट गेरै सै, अर जिन म्ह पवित्तर आत्मा न्ही सै उनकी बुरी अभिलाषा, उन ताहीं अपणे बस म्ह राक्खै सै। ²⁰ हे प्यारे बिश्वासी भाईयो, थम लगातार एक-दुसरे की बढ़ोतरी करते जाओ, अर आपस म्ह एक-दुसरे नै सच्ची शिक्षा जिसपै थम बिश्वास करो सों, उसतै उत्साहित करदे रहों, अर जिस तरियां पवित्तर आत्मा थारे ताहीं अगुवाई करै सै थम प्रार्थना करदे रहों। ²¹ थमनै यो जाणके जीवन जीणा चाहिए, के परमेसवर थारे तै प्यार करै सै, अर थम उस दिन की बाट देखदे रहो जिस दिन म्हारा प्रभु यीशु मसीह बोहड़के आवैगा ताके थमनै अनन्त जीवन मिलै, क्यूँके उसनै म्हारे पै दया करी सै। ²² उन माणसां पै दया करो जिनका बिश्वास डामाडोल होरया सै। ²³ घणखरे माणसां नै न्याय की आग तै झपट्टा मारके लिकाड़ो, अर दुसरे माणसां के प्रति दयालु रहों, पर इसके साथ चौक्कस भी रहों, उस लत्ते तै भी नफरत करो जो पाप तै भरे काम्मां तै कलंकित हो गया सै। ²⁴⁻²⁵ वो एकमात्र सच्चा परमेसवर सै, जो थमनै ठोक्कर खाण तै बचा सकै सै, अर वो थमनै बेकसूर अर मगन करके अपणे

महिमा म्ह अपणे स्याम्ही खड्या करैगा। जो प्रभु यीशु मसीह नै म्हारे खात्तर करया, उसके जरिये परमेसवर नै म्हारे ताहीं बचाया सै। म्हारा प्रभु यीशु मसीह माणसां म्ह, परमेसवर की तारीफ करण का कारण बना, ताके वो पिच्छाण सकै, के शरुआत तै, इब अर सदा के खात्तर शक्ति अर अधिकार उस्से का सै। आमीन।

दीवटां* के बिचाळै माणस के बेट्टे के बरगा एक आदमी देख्या, जो पायां ताहीं के लत्ते पहरे, अर छात्ती पै सोन्ने का पटुका बाँधे होइ था। 14 उसके सिर के बाळ धोळी ऊन बल्के बर्फ की ढाळ जमा धोळे थे, अर उसकी आँख आग की तरियां धधकण लागरी थी। 15 अर उसके पैर भट्टी म्ह तपा के चमकाए होए पीत्तळ के जिसे थे, अर उसका बोल घणे पाणी के गरजण जिसा था। 16 वो अपणे सोळे हाथ म्ह सात तारे लिए होइ था, अर उसके मुँह म्ह तै पैन्नी दोधारी तलवार लिक्डै थी। उसका मुँह इस ढाळ बळै था, जिस ढाळ सूरज करड़ी धूप के बखत चमकै सै। 17 जिब मन्नै उस ताहीं देख्या, तो उसके पायां पै मुदा की ढाळ पड़ग्या। उसनै मेरै पै अपणा सोळा हाथ, धरकै कह्या, “मतना डरै, मै पैहल्डा अर आखरी अर जिन्दा सूँ।” 18 मै मरग्या था, अर इब देख मै युगानुयुग जीऊँ सूँ, अर मौत अर पाताळ लोक की ताळी मेरै धोरै सै। 19 इस करकै जो बात तन्नै देखी सै अर जो बात होण लागरी सै अर जो बात इसके पाच्छै होण आळी सै, उन सारियां नै लिख ले। 20 इब मै उन सात तारां का भेद जिन ताहीं तन्नै मेरै सोळे हाथ म्ह देख्या था अर उन सोन्ने की दीवटां का भेद तन्नै बताऊँ सूँ, वे सात तारे सात्तु कलीसियाओं के धोरै भेज्जे गये सुर्गदूत सै, अर वे सात दीवट, सात कलीसिया सै।

2

११११११११ ११११ ११ ११११११११ ११११११ ११११११

1 उसनै मेरे ताहीं यो भी कह्या के इफिसुस नगर की कलीसिया के सुर्गदूत नै न्यू लिख

के, “जो सात्तु तारे अपणे सोळे हाथ म्ह लिए होइ सै, अर सोन्ने की सात्तु दीवटां *के बिचाळै हाँडै सै, वो न्यू कहवै सै” 2 के मै तेरे काम, अर मेहनत, अर तेरा धीरज जाणु सूँ, अर मै जाणु सूँ, के तू बुरे माणसां की शिक्षा नै सह नही सकदा, अर जो अपणे-आपनै प्रेरित कहवै सै, अर सै नही, उन ताहीं तन्नै परख के झूठठा पाया। 3 अर तू धीरज धरै सै, अर मेरै नाम के खात्तर दुख ठा-ठाकै भी तन्नै मेरी सेवा करणा नही छोड्या। 4 पर मन्नै तेरे खिलाफ म्ह न्यू कहणा सै, के तेरे म्ह वो प्यार नही रह्या जो तू पैहले मेरे तै करै था। 5 यो याद कर के तन्नै शरु म्ह मेरे तै किसा प्यार करया था, अर इब उसा प्यार नही करदा, तू पाप करणा छोड दे, अर जिसा तन्नै शरु म्ह मेरे तै प्यार करया था उसाए प्यार कर, अर जै तू पाप करणा नही छोडैगा, तो मै तेरे धोरै आकै तेरी दीवट नै उस जगहां तै हटा दियुँगा। 6 पर हाँ, तेरे म्ह या बात तो

* 1:13 1:13 दीवटां भोट-से दीवे रखण का एक बरतन * 2:1 2:1 दीवट भोट-से दीवे रखण का एक बरतन † 2:6 2:6 नीकुलइयोँ एक इसा धार्मिक टोळ था जो बिश्वासियाँ ताहीं यो सिखाया करदा के हम लुचपण अर मूर्तिपूजा कर सका सां

सै, के तू नीकुलइयोँ† के काम्मां तै नफरत करै सै, जिनतै मै भी नफरत करूँ सूँ। 7 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै: वे लोग जो बुराई की ताकत पै जीत पावै सै, मै जीवन के दरखत म्ह तै जो जीवन देवै सै, जो सुर्गलोक म्ह सै, उस ताहीं उस फळ म्ह तै खाण नै दियुँगा।

११११११११ ११११ ११ ११११११११ ११११११ ११११११

8 अर उसनै मेरे ताहीं स्मुरना नगर की कलीसिया के सुर्गदूत ताहीं यो लिखण खात्तर कह्या,

के, जो पैहल्डा अर आखरी सै, जो मर लिया था अर इब जिन्दा होग्या सै, वो न्यू कहवै सै के, 9 मै तेरे क्लेश अर गरीबी नै जाणु सूँ, (पर तू साहूकार सै), अर जो माणस अपणे-आप ताहीं यहूदी कहवै सै, अर सै नही, पर वो शैतान के झुण्ड म्ह तै सै, मै उनकी बुराई नै भी जाणु सूँ। 10 जो दुख तन्नै झेलणे होंगे, उनतै मत घबरा, क्यूँके देखो, शैतान अपणे माणसां के जरिये थारे म्ह तै कितन्याँ ताहीं जेळखान्ने म्ह गरैगा, ताके थम परखे जाओ, अर थारे ताहीं दस दिन तक क्लेश ठाणा पड़ैगा। जान देण तक बिश्वासी रह, तो मै थारी जीत के कारण ईनाम के तौर पै थमनै अनन्त जिन्दगी देऊँगा। 11 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै, वे लोग जो बुराई की ताकत पै जीत पावै सै, उसनै दुसरी मौत तै नुकसान कोनी होवैगा।

११११११११ ११११ ११ ११११११११ ११११११ ११११११

12 अर उसनै मेरे ताहीं पिरगमुन नगर की कलीसिया के सुर्गदूत ताहीं यो लिखण खात्तर कह्या,

के, “जिसके धोरै दोधारी अर पैन्नी तलवार सै, वो न्यू कहवै सै” 13 के मन्नै न्यू तो बेरा सै, तू ओडै रहवै सै जित्त शैतान का राज सै, अर मेरै नाम पै स्थिर रहवै सै, अर मेरै पै बिश्वास करण तै उन दिनां म्ह भी पाच्छै नही हट्या जिन म्ह मेरा बिश्वास जोगगा गवाह अन्तिपास, तेरे नगर म्ह उस जगहां पै मारया गया जित्त शैतान रहवै सै। 14 पर मन्नै तेरे खिलाफ म्ह न्यू कहणा सै, थम उन माणसां का बिरोध कोनी करदे, जो पुराणे जमानै के नबी बिलाम की तरियां झूठठी शिक्षा सिखावै सै, बिलाम नै राजा बालाक ताहीं यो सिखाया, के इस्राएल के माणसां तै पाप करवाण के खात्तर के करणा चाहिए, के वे इम्तिहान म्ह पड़े, अर पाप कर बेट्टै। उसनै उन ताहीं मूर्तियाँ के आगगै चढ़ाई होइ चिज्जां ताहीं खाणा

अर अनैतिक जिन्दगी जीणा सिखाया । 15 उस्से तरियां-ए तेरे उरै कितने तो इसे सै, जो नीकुलइयों की शिक्षा नै मान्नै सै । 16 इस करकै पाप करणा छोड़ दे, न्ही तो मै तेरे धोरै तावळा-ए आऊंगा, अर झूट्टी शिक्षा देण आळे उन माणसां के खिलाफ अपणे मुँह तै लिकड़ण आळी उस तलवार तै लडूंगा, जो के मेरा वचन सै । 17 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै, वे लोग जो बुराई की ताकतां पै जीत पावै सै, उस ताहीं मै गुप्त मन्ना म्ह तै दियुंगा, अर उस ताहीं एक धोळा पत्थर भी दियुंगा, अर उस पत्थर पै एक नाम लिख्या होया होगा, जिस ताहीं उसके पाण आळे कै सिवाए और कोए न्ही जाणैगा ।

???????? ???? ? ? ? ? ? ? ? ? ? ? ? ? ? ? ? ?

18 अर उसनै मेरे ताहीं थुआतीरा नगर की कलीसिया के सुर्गदूत ताहीं यो लिखण खात्तर कह्या,

के, मै परमेसवर का बेट्टा, जिसकी आँख आग की ज्वाला की तरियां, अर जिसके पैर बढ़िया पीत्तळ कै जिसे सै, न्यू कहूँ सूँ, के 19 मै तेरे काम, तेरे प्यार, बिश्वास, सेवा, अर धीरज नै जाणु सूँ, अर न्यू भी जाणु सूँ, के तेरे पाच्छले काम पैहलड़ा तै बढ़कै सै, जिब तन्नै मेरे पै बिश्वास करया था । 20 पर मन्नै तेरे खिलाफ न्यू कहणा सै, के तू उस जनानी इजेबेल नै रहण देवै सै, जो अपणे-आपनै नबी कहवै सै, अर मेरै दास्सां नै जारी करण, अर मूर्तियाँ के आगौ चढ़ाई होड़ चीज नै खाणा सिखाकै भकावै सै । 21 मन्नै उस ताहीं पाप छोड़ण का मौक्का दिया, पर वा अपणे जारीपणे के पाप नै छोड़णा कोनी चाहन्दी । 22 मै उस ताहीं बीमार कर दियुंगा । अर जो उसके गेल्या जारी करै सै, जै वे भी उसके बरगे काम्मां नै जो वा करै सै करणा न्ही छोड़ैगें, तो उननै मै भारया दण्ड दियुंगा । 23 अर मै उसके चेल्यां नै मार दियुंगा, अर फेर सारी कलीसिया नै बेरा पाट जावैगा, के हृदय अर मन जाँचण आळा मै ए सूँ, अर मै थारे म्ह तै हरेक नै उसके काम्मां कै मुताबिक बदला देऊंगा । 24 पर थम जो थुआतीरा के बाकी लोग जिननै इस झूट्टी शिक्षा ताहीं न्ही मान्या, अर उन बात्तां नै जिन नै शैतान की गहरी बात कहवै सै, उन म्ह भाग न्ही लेते, मै न्यू कहूँ सूँ, के मै थारे ताहीं और हुकम कोनी दियुंगा, पर मै जिब तक ना आ जाऊँ मेरे पै मजबुत्ती तै बिश्वास करते रहों । 25 पर हाँ, जो थारे धोरै सै उसनै मेरै आण तक थाम्बे रहो । 26 वे लोग जो बुराई की ताकतां पै जीत पावै सै, अर मेरे काम्मां कै मुताबिक आखरी ताहीं करदा रहवै, मै उसनै देश-देश के माणसां पै राज करण का हक देऊंगा । 27 मै उसनै भी राज करण का वोए हक देऊंगा जो मेरे पिता नै

मेरे ताहीं दिया सै, वो उनपै बिना दया के राज करैगा, अर वो उन ताहीं चकणाचूर कर देवैगा, जिस ढाळ कुम्हार के माट्टी के बासण चकणाचूर हो जावै सै । अर मन्नै भी इसाए हक अपणे पिता तै मिल्या सै । 28 अर मै उसनै भोर का तारा देऊंगा । 29 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै ।

3

???????? ???? ? ? ? ? ? ? ? ? ? ? ? ? ? ? ? ?

1 उसनै मेरे ताहीं यो भी कह्या के सरदीस नगर की कलीसिया के सुर्गदूत नै लिख, के “जिसकै धोरै परमेसवर की सात आत्मा अर सात तारे सै, वो न्यू कहवै सै,” के मै तेरे काम्मां नै जाणु सूँ, के तू मेरा बिश्वास लायक बिश्वासी तो कुह्वावै सै, पर असल म्ह तन्नै मेरा कहणा मानना छोड़ दिया सै । 2 इस करकै सावधान हो जा, अर अपणे बिश्वास नै जो मेरे पै सै उसनै मजबूत कर, क्यूँके तेरे म्ह थोड़ा-सा ए बिश्वास बाक्की सै, ताके तेरा बचा होड़ बिश्वास भी ना जान्दा रहवै, मै जाणु सूँ के तेरे काम अधूरे सै, पर तेरे काम्मां तै, जो तू करण लागरया सै परमेसवर खुश कोनी । 3 इस करकै याद कर, के तन्नै किस तरियां तै शिक्षा पाई अर सुणी थी, अर उस म्ह बण्या रह, अर पाप करणा छोड़ दे । जै तू जागदा न्ही रहवैगा, तो मै चोर की ढाळ आ जाऊंगा अर तन्नै कदे भी न्ही बेरा पाट्टैगा, के मै किस बखत तेरे पै आण पडूंगा । 4 पर हाँ, तेरे धोरै सरदीस म्ह कुछ लोग सै, जो पाप के जरिये अशुद्ध कोनी होए, वे धोळे लत्ते पहेरे होड़ मेरै गैल हाँडैगें क्यूँके वे इस लायक सै । 5 वे लोग जो बुराई की ताकत पै जीत पावै सै, उस ताहीं इस्से ढाळ धोळे लत्ते पिहराए जावैगें, अर मै उसका नाम जीवन की किताब म्ह तै जिसे तरियां तै भी न्ही काट्टूगाँ, पर उसका नाम अपणे पिता अर उसके सुर्गदूतां कै स्याम्ही मान ल्युंगा के ये मेरे लोग सै । 6 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै ।

???????????????? ???? ? ? ? ? ? ? ? ? ? ? ? ? ? ? ? ?

7 अर उसनै मेरे ताहीं यो भी कह्या सै, के फिलदिलफिया नगर की कलीसिया के सुर्गदूत नै न्यू लिख

के जो कहवै सै, मै पवित्र अर सच्चा सूँ, अर मेरै धोरै वा ताळी सै, जो राजा दाऊद की सै, जिब मै ताळी लेकै दरबाजा खोल्लू सूँ, तो उसनै कोए बन्द न्ही कर सकता, जिब मै ताळी लेकै दरबाजा बन्द करूँ सूँ, तो उसनै कोए खोल न्ही सकता, वो तेरे तै न्यू कहवै सै के, 8 मन्नै तेरे

काम्मां का बेरा सै, देख, मै जाणु सूं के तेरे म्ह भोत कम काबलियत सै, पर तन्नै वा बात मान्नी सै जिसके बारे म्ह मन्नै तेरे ताहीं कह्या था, अर तन्नै इस बात का इन्कार न्ही करया के तू मेरे पै बिश्वास करै सै, इस करके मन्नै एक दरबाजा खोल्या सै, जिसनै कोए बन्द न्ही कर सकदा। 9 देख, जो शैतान के झुण्ड म्ह तै सै, अर खुद नै यहूदी कहवै सै, पर सै न्ही, बल्के झूठ बोल्लै सै, देख, मै इसा करुंगा, के वे आकै तेरे पायां म्ह मोध्धे पड़ेंगें, अर न्यू जाण लेवैगें, के मन्नै तेरे तै प्यार करया सै। 10 क्यूँके जब तेरे ताहीं सताया जाण लागरया था, तो तन्नै मेरे वचन ताहीं धीरज तै पुगाया सै, उसकी बजह तै मै भी तन्नै इम्तिहान कै उस बखत म्ह बचा के राक्खूंगा, जो धरती पै रहण आळे माणसां नै परखण कै खात्तर साबती दुनिया पै आण आळा सै। 11 मै तावळा-ए आण आळा सूं, अपणे बिश्वास म्ह मजबूत बणो, ताके कोए थमनै थारा ईनाम लेण तै रोक ना पावै। 12 वे लोग जो बुराई की ताकत पै जीत पावै सै, उन ताहीं मै अपणे परमेसवर कै मन्दर म्ह खम्बा बणाऊंगा, वो फेर कदे बाहरणै न्ही लिक्ड़ेंगे, अर मै अपणे परमेसवर का नाम, अर अपणे परमेसवर के नगर, यानिके नये यरुशलेम का नाम, जो मेरे परमेसवर की ओड़ तै सुर्ग पै तै उतरण आळा सै, अर अपणा नया नाम उसपै लिखूंगा। 13 जिसके कान हों, ध्यान तै सुण ले के परमेसवर का आत्मा कलीसिया तै के कहवै सै।

११:११-११:११ ११:११ ११:११ ११:११ ११:११ ११:११ ११:११

14 अर उसनै मेरे ताहीं यो भी कह्या सै, के “लौदीकिया नगर की कलीसिया के सुर्गदूत नै न्यू लिख”

के, जो आमीन, अर बिश्वास जोगगा, अर सच्चा गवाह सै, अर परमेसवर की सृष्टि का खास कारण सै, वो न्यू कहवै सै। 15 के मै तेरे काम्मां नै जाणु सूं के तू उस पाणी की ढाळ सै, जो ना तो शीळा सै अर ना तात्ता, आच्छा था के तू इन म्ह तै एक होन्दा* 16 क्यूँके तू गुणगुणा सै, अर ना शीळा अर ना तात्ता, मै तन्नै अपणे मुँह म्ह तै उगळण पै सूं। 17 तू जो कहवै सै, के मै धनी सूं, अर धनवान होगया सूं, अर मन्नै किसे चीज का घाट्टा न्ही, अर न्यू न्ही जाण्दा, के तू निरभाग, नीच, कंगाल, आन्धा, अर उघाड़ा सै। 18 इस करके मै तन्नै राय दियुं सूं, के आग म्ह त्याया होड़ सोन्ना मेरे तै मोल ले, के तू साहूकार हो जावै, अर धोळा लत्ता ले-ले के पहर कै तन्नै अपणे उघाड़ेपण पै शर्म न्ही आवै, अर अपणी आँखां म्ह लाण कै खात्तर सुरमा ले, के तू देखण लागगै।

* 3:15 3:15 आच्छा था के तू इन म्ह तै एक होन्दा जै तू मेरे पाच्छै चाल्लै सै तो सही तरियां चाल या फेर चाल्लै ए ना।

* 4:3 4:3 पन्ना-एक कीमती पत्थर हो सै

19 मै जिस-जिसतै प्यार राक्खूँ सूं, उन सारया ताहीं उल्हाणा अर ताड़ना दियुं सूं, इस करके हिम्मत राख, अर पाप करणा छोड़ दे। 20 देख, मै दरबाजे पै खडचा होया खटखटाऊँ सूं, जै कोए मेरा बोल सुणके दरबाजा खोल्लैगा, तो मै उसके धोरे भित्तर आकै उसके गेल्या खाणा खाऊँगा, अर वो मेरे गेल्या। 21 जो जीत पावै, मै उस ताहीं अपणे गेल्या अपणे सिंहासन पै बिठाऊँगा, जिसा मै भी जीत पाकै, अपणे पिता कै गेल्या उसके सिंहासन पै बैठ गया। 22 जिसके कान हों, वो ध्यान तै सुण लेवै के परमेसवर का आत्मा कलीसिया तै के कहवै सै।

4

११:११-११:११ ११:११ ११:११ ११:११

1 इन बातों के पाच्छै जो मन्नै निगांह करी, तो के देखूँ सूं, के सुर्ग म्ह एक दरबाजा खुल्या होया सै, अर ओड़ कोए था जो मेरे तै बात करण लागरया था, अर जो बात करण लागरया था, वो वोए था जिसनै मेरे तै पैहले बात करी थी, अर जिसकी आवाज तुरही के शब्द की तरियां थी, अर उसनै मेरे तै कह्या, के “उरै ऊपरान आ ज्या, अर मै वे बात तन्नै दिखाऊँगा, जिनका इन बातों के पाच्छै पूरा होणा जरूरी सै।” 2 अर जिब्बे पवित्र आत्मा मेरे पै आ गया, अर मै के देखूँ सूं, के एक सिंहासन सुर्ग म्ह सै, अर उस सिंहासन पै कोए बैठचा सै। 3 अर जो उसपै बैठचा सै, उसकी चमक सूर्यकान्त मणि अर माणिक्य पत्थर के समान थी, अर उस सिंहासन कै चौगरदेकै मेघ-धनुष था, उसकी चमक पन्ने* के समान की थी। 4 अर उस सिंहासन कै चौगरदेकै चौबीस सिंहासन सै, अर इन सिंहासनां पै चौबीस बुजुर्ग धोळे लत्ते पहरे होड़ बेट्ठे सै, अर उनके सिरां पै सोन्ने के ताज सै। 5 अर उस सिंहासन म्ह तै बिजळी चमकण की अर गरजण की आवाज आण लागरी थी, अर सिंहासन कै स्याम्ही आग के सात दिवें जळण लागरे सै, जो के परमेसवर की सात आत्मा सै। 6 अर उस सिंहासन कै स्याम्ही पारस था जो के समुंदर जिसा चौड़ा था, अर शीशे जिसा साफ था, सिंहासन कै बिचाळै अर सिंहासन कै चौगरदेकै चार प्राणी सै, जिनके आगौ-पाच्छै आँखे-आँख सै। 7 पैहला प्राणी शेर कै बरगा सै, अर दुसरा प्राणी का मुँह बळध कै बरगा सै, तीसरे प्राणी का मुँह माणस कै बरगा सै, अर चौथा प्राणी उड़दे होड़ उकाब कै बरगा सै। 8 अर च्यार प्राणियाँ कै छः, छः पंख सै, उनके उप्पर अर हरेक जगहां ए आँख थी, बल्के पंखां के तळै भी, अर वे दिन-रात बिना आराम करे न्यू कहवै सै,

के पवित्र, पवित्र, पवित्र प्रभु परमेसवर, जो सब तै शक्तिशाली था, अर जो था, जो सै, अर जो आण आळा सै। 9 अर जब वे प्राणी उसकी जो सिंहासन पै बैठचा सै, अर जो युगानुयुग जीवै सै, महिमा अर आदर अर धन्यवाद करैंगे, 10 फेर सब चौबीस बुजुर्ग सिंहासन पै बैठण आळे कै स्याम्ही पड़ जावैंगे, अर उस ताहीं जो युगानुयुग जीवै सै प्रणाम करैंगे, अर अपणे-अपणे ताज सिंहासन कै स्याम्ही न्यू कहन्दे होए धर देवैंगे।

11 “हे म्हारे प्रभु अर परमेसवर, तू-ए महिमा, अर आदर, अर सामर्थ कै जोगगा सै, क्यूँके तन्नै ए सारी चिज्जां ताहीं बनाया अर वे तेरी-ए मर्जी तै थी अर रची गई।”

5

?????????? ???? ? ? ???? ?

1 अर जो सिंहासन पै बैठचा था, मन्नै उसके सोळे हाथ म्ह एक किताब देखी, जो भीत्तर अर बाहरणै लिखी होइ अर वा सात मोहर लाके बन्द करी गई थी। 2 फेर मन्नै एक शक्तिशाली सुर्गदूत ताहीं देख्या, जो जोर तै बोलण लागरया था, के इस किताब कै खोल्लण अर उसकी मोहर तोड़ण कै जोगगा कौण सै? 3 पर ना सुर्ग म्ह, ना धरती पै, ना धरती कै तळै कोए उस किताब नै खोल्लण या उस ताहीं पढ़ण लायक कोए कोनी लिकइया। 4 अर मै फूट-फूटके रोण लागया, क्यूँके उस किताब ताहीं खोल्लण, या उस ताहीं पढ़ण लायक कोए न्ही मिल्या। 5 फेर उन बुजुर्ग म्ह तै एक नै मेरै तै कह्या, मतना रोवै, लखा, यहूदा कै गोत्र का वो शेर, जो दाऊद का मूल सै, उस किताब नै खोल्लण अर उसकी सात्तु मोहर तोड़ण कै खात्तर जयवन्त होया सै। 6 फेर मन्नै उस सिंहासन अर च्यारु प्राणियाँ अर उन बुजुर्ग कै बिच्चाळै, मान्नो एक मारया होइ मेम्ना खड्या देख्या जो पैहले मर गया था, पर इब वो जिन्दा होगया सै, उसके सात सींग अर सात आँख थी, ये परमेसवर की सात्तु आत्मा सै, जो साबती धरती पै भेज्जी गई सै। 7 उसनै आके उसके सोळे हाथ तै जो सिंहासन पै बैठचा था, वा किताब ले ली, 8 अर जब उसनै किताब ले ली, तो वे च्यारु प्राणी अर सब चौबीस बुजुर्ग उस मेम्ने कै स्याम्ही झुकगे, अर हरेक हाथ म्ह वीणा अर धूप तै भरे होइ सोन्ने के कटोरे थे, ये तो पवित्र माणसां की प्रार्थना सै। 9 अर वे यो नया गीत गाण लागगे, के तू इस किताब कै लेण, अर उसकी मोहरां नै खोल्लण जोगगा सै, क्यूँके तन्नै मरके अपणे लहू तै हरेक कुल, अर भाषा, अर माणस, अर जात म्ह तै परमेसवर कै खात्तर माणसां

* 6:5 6:5 ताखड़ी-तराजू

ताहीं मोल लिया सै। 10 अर उन ताहीं म्हारै परमेसवर कै खात्तर एक राज्य अर याजक बनाया, ताके वो परमेसवर की सेवा करै, अर वे धरती पै राज्य करै सै।

11 अर जब मन्नै देख्या, तो उस सिंहासन अर उन प्राणियाँ अर उन बुजुर्ग कै चौगरदेके अनगिणत सुर्गदूतां का बोल सुण्या, जिनकी गिणती लाक्खां अर करोड़ां की थी। 12 अर वे ऊँची आवाज म्ह गाण लागरे थे, के मारया होया मेम्ना ए सामर्थ, धन, ज्ञान, ताकत, आदर, महिमा, अर धन्यवाद कै लायक सै। 13 फेर मन्नै सुर्ग म्ह, धरती पै, अर धरती कै तळै, अर समुन्दर की सारी बनाई होइ चिज्जां नै, अर सारा किमे, जो उन म्ह सै, उन ताहीं न्यू कहन्दे सुण्या, के “जो सिंहासन पै बैठचा सै, उसका, अर मेम्ने का धन्यवाद हो, मेम्ना ए सामर्थ, धन, ज्ञान, ताकत, आदर, महिमा कै लायक सै, अर उसका राज्य, युगानुयुग रहवै।” 14 अर च्यारु प्राणियाँ नै आमीन कह्या, अर बुजुर्ग नै झुकके प्रणाम करया।

6

???? ???? ? ? ???? ?

1 फेर मन्नै देख्या, के मेम्ने नै उन सात्तु मोहरां म्ह तै एक ताहीं खोल्या, अर उन च्यारु प्राणियाँ म्ह तै एक का गरजण जिसा शब्द सुण्या, के आ जाओ। 2 अर मन्नै निगांह करी, अर देखो, मन्नै एक धोळा घोड़ा दिख्या, अर उसका सवार धनुष लिए होइ सै, अर उस ताहीं एक ताज पहिराया गया, अर वो सुर्ग तै चाल्या अर धरती पै लिकइया, जो पैहले तै ए जीत चुका सै, अर फेर तै वो जीत जावैगा।

3 अर जब मेम्ने नै दुसरी मोहर खोल्ली, तो मन्नै दुसरे प्राणी ताहीं न्यू कहन्दे सुण्या, के आ। 4 फेर एकदम तै एक और घोड़ा लिकइया, जो लाल रंग का था, उसके सवार ताहीं यो हक दिया गया, के धरती पै तै मेळ-मिलाप ठा ले, ताके माणस एक-दुसरे नै मारै, अर उस ताहीं एक बड़डी तलवार दी गई थी।

5 अर जब उसनै तीसरी मोहर खोल्ली, तो मन्नै तीसरे प्राणी ताहीं न्यू कहन्दे सुण्या, के “आ” अर मन्नै निगांह करी, अर देखो, मन्नै एक काळे घोड़े ताहीं लिकइदे देख्या, अर उसके सवार कै हाथ म्ह एक ताखड़ी* सै। 6 अर मन्नै उन च्यारु प्राणियाँ कै बिच्चाळै तै एक शब्द न्यू कहन्दे सुण्या, के एक दीनार एक दिन की मजदूरी भोत सै, एक किलो गेहूँ, या तीन किलो जौ लेण खात्तर, पर तेल अर अंगूर के रस की किम्मत ना बदलिये।

7 अर जब मेम्ने नै चौथी मोंहर खोल्ली, तो मन्नै चौथे प्राणी का बोल न्यू कहन्दे सुण्या, के आ। 8 अर मन्नै निगांह करी, अर देखो, एक पीळा-सा घोड़ा सै, अर उसकै सवार का नाम मौत सै: अर अधोलोक उसकै पाच्छै-पाच्छै आण लागरया था, अर उन ताहीं धरती पै रहण आळे चार माणस (या एक चौथाई माणसां) म्ह तै एक-एक ताहीं मारण का हक मिल्या, उननै तलवार, भूख, बीमारी, अर धरती के जंगली-जानवरां के जरिये माणसां ताहीं मार दिया। 9 अर जब मेम्ने नै पाँचवी मोंहर खोल्ली, तो मन्नै वेदी† के तळै उनके प्राणां ताहीं देख्या, जो परमेसवर के वचन के कारण, अर उसपै बिश्वास करण के कारण मारे गये थे। 10 अर उसनै जोर तै रुक्का मारकै परमेसवर तै कह्या, हे माल्लिक, हे पवित्र, अर सच्चे प्रभु, तू इतनी बाट क्यूँ देखण लागरया सै, उन बुरे माणसां ताहीं दण्ड देण खात्तर, जो इस धरती पै रहण लागरे सै? हम तेरे तै बिनती करां सां, के तू उन माणसां तै बदला ले, जिननै म्हारे ताहीं जान तै मार दिया सै। 11 अर उन म्ह तै हरेक ताहीं धोळे लत्ते देकै, परमेसवर नै उनतै कह्या, के और थोड़ी-देर ताहीं आराम करो, जब ताहीं के थारे संगी दास, अर बिश्वासी भाई, जो थारी तरियां मरण आळे सै, उनकी भी गिणती पूरी ना हो लेवै।

12 जब मेम्ने नै छटी मोंहर खोल्ली, तो मन्नै देख्या, के एक बड़ड़ा हाल्लण होया, अर सूरज का रंग मोट्टे काळे काम्बळ की ढाळ काळा पड़ग्या, अर पूरा चाँद लहू जिसा लाल होग्या। 13 अर अकास के तारे धरती पै इस ढाळ पड़गे जिस तरियां आँधी तै हालकै अंजीर के दरखत म्ह तै काच्चे फळ झड़ै सै। 14 आसमान पाटग्या अर एक किताब की ढाळ सुकड ग्या था, अर हरेक पहाड़, अर टापू, अपणी-अपणी जगहां तै हटगे। 15 अर इसका नतिज्जां यो होया के, धरती के राजा, प्रधान, सरदार, साहूकार, अर सामर्थी माणस, हरेक गुलाम, अर हरेक आजाद माणस, पहाड़ां की खोह म्ह, अर चट्टानां म्ह जा लुहूके। 16 अर पहाड़ां, अर चट्टानां तै कहण लागगे, के “म्हारे ताहीं लहूको ल्यो, अर म्हारै ताहीं उसकै मुँह तै जो सिंहासन पै बैठ्या सै, अर मेम्ने के प्रकोप तै लहूको ल्यो। 17 क्यूँके उनके प्रकोप के भयानक दिन जब परमेसवर अर मेम्ना उन सारया का न्याय करैगा तो कोए भी उननै दण्ड तै बचा न्ही पावैगा।”

7

1, 44,000

† 6:9 वेदी-परमेसवर ताहीं भेट चढाण खात्तर एक जगहां

1-2 उसकै पाच्छै मन्नै दुनिया के च्यारु कुणयां पै चार सुर्गदूत खड़े देखे, उन सुर्गदूतां नै परमेसवर तै यो हक मिल्या था, के वे दुनिया के माणसां ताहीं मरी तै मारै, चाहे वे धरती पै हो या समुन्दर पै हो, उननै हवा ताहीं धरती के च्यारु कुणयां पै तै रोक राख्या था, ताके हवा धरती, समुन्दर, या किसी भी जंगल तै ना गुजरे, अर मन्नै एक और सुर्गदूत ताहीं पूरब दिशा की ओड़ आन्दे देख्या, उसके हाथ म्ह परमेसवर की ओड़ तै एक मोंहर थी, जो युगानुयुग जिन्दा सै, उस सुर्गदूत नै ऊँची आवाज म्ह दुसरे चार सुर्गदूतां तै यो कह्या। 3 जब ताहीं हम अपणे परमेसवर के दास्सां के माथ्यै पै मोंहर न्ही ला देवां, जद ताहीं धरती अर समुन्दर अर दरखतां ताहीं नुकसान ना पोहोचाईयो। 4 अर जब सुर्गदूतां नै मोंहर लगा ली, तो किसे नै मेरे ताहीं बताया के एक लाख चवाळीस हजार पै मोंहर लगा दी गई सै, ये सारे लोग इस्राएल के बारहां गोत्र म्ह तै सै। 5 यहूदा के गोत्र म्ह तै बारहा हजार पै मोंहर दी गई, रूबेन के गोत्र म्ह तै बारहा हजार पै, गाद के गोत्र म्ह तै बारहा हजार पै। 6 अशेर के गोत्र म्ह तै बारहा हजार पै, नप्ताली के गोत्र म्ह तै बारहा हजार पै, मनश्शह के गोत्र म्ह तै बारहा हजार पै। 7 शमौन के गोत्र म्ह तै बारहा हजार पै, लेवी के गोत्र म्ह तै बारहा हजार पै, इस्साकार के गोत्र म्ह तै बारहा हजार पै। 8 जबूलून के गोत्र म्ह तै बारहा हजार पै, यूसुफ के गोत्र म्ह तै बारहा हजार पै अर बिन्यामीन के गोत्र म्ह तै बारहा हजार पै मोंहर दी गई।

1, 44,000

9 इसकै पाच्छै मन्नै निगांह करी, अर देखो, हरेक जात, अर कुल, अर माणस अर भाषा म्ह तै एक इसी बड़डी भीड़, जिस ताहीं कोए गिण न्ही सकै था धोळें लत्ते पैहरे, अर अपणे हाथ्यां म्ह खजूर की डाळी लिए होए सिंहासन के स्याम्ही अर मेम्ने के स्याम्ही खड़ी सै। 10 अर जोर तै रुक्का मारकै कहवै सै, के उद्धार म्हारे परमेसवर जो सिंहासन पै विराजमान सै, अर मेम्ने की ओड़ तै आवै सै। 11-12 अर सारे सुर्गदूत, उस सिंहासन, बुजुर्गां अर च्यारु प्राणियाँ के चौगरदेकै खड़े सै, फेर वे सिंहासन के स्याम्ही मुँह के बळ पड़गे, अर परमेसवर ताहीं प्रणाम करकै कह्या, म्हारै परमेसवर की बड़ाई, महिमा, ज्ञान, धन्यवाद, आदर, सामर्थ, अर ताकत युगानुयुग बणी रहवै। आमीन।

13 इसपै बुजुर्गां म्ह तै एक नै मेरे तै कह्या, के तू जाणै सै, के या धोळी पोशाक पैहरे होए कौण सै? अर कित्त

तै आये सै? 14 मन्नै उसतै कहुआ, “हे माल्लिक, तन्नै ए बेरा सै।” उसनै मेरै तै कहुआ, “ये वे सै, जो उस बड़े क्लेश म्ह तै लिकड़कै आये सै, इन्नै अपणे-अपणे लत्ते मेम्ने कै लहू म्ह धोकै धोळे करे सै।”

15 इस्से कारण वे परमेसवर कै सिंहासन कै स्याम्ही खड़े सै, अर परमेसवर कै घर म्ह दिन-रात उसकी सेवा करै सै, अर जो सिंहासन पै बैठ्या सै, वो उन म्ह रहवैगा अर उन ताहीं बचावैगा। 16 वे इब ना तो कदे भूक्खे होवैगें अर ना तिसाए, अर ना तो सूरज की गर्मी उन ताहीं झुलसावैगी अर ना कोए दुसरी गर्मी। 17 क्यूँके जो मेम्ना सिंहासन कै बिचाळै सै वो उनकी रुखाळी करैगा, अर उन ताहीं जीवन रूपी पाणी के चोवै कै धोरै ले जाया करैगा, अर परमेसवर उनकी आँखां तै सारे आँसू पुंज देवैगा।

8

१११११ ११११११ ११ १११११११ ११ १११११११

1 अर जब मेम्ने नै सातमी मोंहर खोल्ली, तो सुर्ग म्ह आध्धे घंटे ताहीं सन्नाटा छा गया। 2 अर मन्नै उन सात्तु सुर्गदूतां ताहीं जो परमेसवर कै स्याम्ही खड़े रहवै सै, देख्या, अर उन ताहीं सात तुरही दी गई।

3 फेर एक और सुर्गदूत सोन्ने का धूपदान लिए होइ आया, अर वेदी कै लोवै खड्या होया, अर उस ताहीं भोत सारी धूप दी गई, ताके वो उस ताहीं सारे पवित्र माणसां की प्रार्थना के साथ उस सोन्ने की वेदी पै भेट चढ़ावै जो सिंहासन कै स्याम्ही सै। 4 अर सुर्गदूतां के हाथ म्ह लिये होए उस धूपदान का धुम्मा, पवित्र माणसां की प्रार्थना के साथ परमेसवर कै धोरै उप्पर पोहच गया। 5 अर सुर्गदूत नै धूपदान लेके उस म्ह वेदी की आग भरी, अर उस ताहीं धरती पै गेर दी, अर गरजण गड़गड़ाहट, बिजळी चमकी अर हाल्लण होण लाग्या।

१११ १११११११११

6 फेर वे सात्तु सुर्गदूत जिनके धोरै सात तुरही थी, उन ताहीं फुक्कण खात्तर त्यार होए। 7 पैहले सुर्गदूत नै तुरही फूक्की, अर लहू तै मिले होइ ओळे अर आग पैदा होई, अर धरती पै गेरी गई, अर धरती का एक तिहाई हिस्सा जळग्या, अर दरखतां का तीसरा हिस्सा जळग्या, अर सारी हरी घास भी जळगी।

8 जब दुसरे सुर्गदूत नै तुरही फूक्की, तो मान्नो आग जिसा जळदा होया एक बड़ड़ा पहाड़ समुन्दर म्ह गेरया गया, अर समुन्दर का एक तिहाई हिस्सा लहू म्ह होग्या। 9 अर समुन्दर की एक तिहाई* बणाई होइ चीज जो

जिन्दी थी मरगी, अर जहाज के तीसरे हिस्से का नाश होग्या।

10 अर तीसरे सुर्गदूत नै तुरही फूक्की, अर एक बड़ड़ा तारा जो मशाल की ढाळ जळै था, सुर्ग तै टूट्या, अर नदियाँ कै तीसरे हिस्से पै, अर पाणी के चोवां पै आण पड्या। 11 उस तारे का नाम नागदौना सै, अर एक तिहाई हिस्से का पाणी नागदौना† बरगा कड़वा होग्या, अर घणखरे माणस उस पाणी कै कड़वे हो जाण तै मरगे।

12 अर चौथे सुर्गदूत नै तुरही फूक्की, अर सूरज का एक तिहाई हिस्सा, अर चाँद का एक तिहाई हिस्सा अर तारां कै एक तिहाई हिस्से पै आफफत आई, ताके उनका एक तिहाई हिस्सा अन्धेरै म्ह डूब जावै, अर दिन कै एक तिहाई हिस्से म्ह चाँदणा न्ही रह्या, अर उससे तरियां एक तिहाई रात भी बिना चाँदणे की हो गई।

13 जब मन्नै फेर देख्या, तो अकास कै बिचाळै एक उकाब ताहीं उड़दे अर ऊँच्चे शब्द तै न्यू कहन्दे सुण्या, “उन तीन सुर्गदूतां की तुरही के शब्दां कै कारण, जिनका फूकणा इब्बे बाक्की सै, धरती के बासिन्दयां पै धिक्कार सै, धिक्कार, धिक्कार।”

9

1 जब पाँचमै सुर्गदूत नै तुरही फूक्की, तो मन्नै सुर्ग तै धरती पै एक तारा पड़दा होइ देख्या, अर उस तारे ताहीं घणे अथाह कुण्ड की ताळी दी गई। 2 अर उसनै घणे अथाह कुण्ड ताहीं खोल्या, अर कुण्ड म्ह तै बड़ड़ी भट्ठी जिसा धुम्मा उठ्या, अर कुण्ड कै धुम्मै तै सूरज अर आसमान म्ह अन्धेरा छाग्या। 3 अर उस धुम्मै म्ह भोत सारी टिड्डी लिकड़ी अर वे सारी धरती पै फैलगी, अर उन ताहीं बिच्छुआ की तरियां माणसां कै लड़ण की शक्ति दी गई। 4 अर उनतै कहुआ गया, के ना धरती की घास ताहीं, ना किसे हरियाली ताहीं, ना किसे दरखत ताहीं नुकसान पोहोचाओ, सिर्फ उन माणसां ताहीं नुकसान पोहोचाओ, जिनके माथ्थे पै परमेसवर की मोंहर कोनी। 5 अर उनकी जान लेण का तो न्ही, पर पाँच महिन्ना तक माणसां ताहीं दर्द देण का हक दिया गया, अर उनका दर्द इसा था, जिसा बिच्छु कै डंक मारण तै माणस का होवै सै। 6 उन पाँच महिन्ना म्ह माणस मरण के तरिककें टोहवैगें, वे मरणा तो चाहवैगे, पर वे मर न्ही पावैगें।

7 अर उन टिड्डियाँ के आकार लड़ाई कै खात्तर त्यार करे होए घोड्या कै जिसे थे, अर उनके सिरां पै मान्नो सोन्ने के ताज थे, अर उनके मुँह माणसां बरगे थे। 8 अर उनके बाळ लुगाईयाँ कै जिसे, अर दाँत शेरों कै जिसे

* 8:9 8:9 एक तिहाई यानी के तीसरा हिस्सा † 8:11 8:11 नागदौना एक पौधा का सै, जिस म्ह तै भोत कड़वा प्रदार्थ लिकड़ै सै

थे। ⁹ अर उनका शरीर मान्नो लोहे के कवच तै ढक्या होया था, अर उनके पंखां का शब्द इसा था जिसा रथां अर भोत-से घोड्या का जो लड़ाई म्ह भाज्जै सै। ¹⁰ अर उनकी पूछ अर डंक बिच्छुआ के समान थी, अर उन ताहीं पाँच महिन्ना तक माणसां नै दुख पोहोचाण की जो सामर्थ थी, वा उनकी पुन्झड़ां म्ह थी। ¹¹ घणे अथाह कुण्ड का दूत उनपै राजा था, उसका नाम इब्रानी म्ह अबद्दोन, अर यूनानी म्ह अपुल्लयोन सै।

¹² पाँच महिन्ना बाद वा बिप्दा खतम हो जावैगी, लखाओ इब इनकै पाच्छै दो बिप्दा और आण आळी सै। ¹³ अर जब छटमै सुर्गदूत नै तुरही फूक्की तो जो सोन्ने की वेदी परमेसवर के स्याम्ही सै उसके सीन्गां म्ह तै मन्नै इसा शब्द सुण्या। ¹⁴ मान्नो कोए छटमै सुर्गदूत तै जिसकै धोरै तुरही थी कहण लागरया सै, के “उन चार सुर्गदूतां नै जो बडडी नदी फरात कै धोरै बन्धे होइ सै, खोल दे।” ¹⁵ अर वे च्यारु सुर्गदूत जो उस घड़ी, दिन, महिन्ने, या साल कै खात्तर एक तिहाई माणसां नै मारण खात्तर छोड़ दिए गये थे। ¹⁶ उननै भोत बड़े घुड़सवारां की पलटन ताहीं कट्टा करया जिनकी गिणती बीस करोड़ सै। ¹⁷ अर मन्नै अपणे दर्शन म्ह घोड़े अर उसके इसे सवार दिक्खे, उनकै धोरै कवच था जो लाल, गहरा नीला अर गन्धक की तरियां पीळा था, अर उन घोड्या के सिर शेर कै सिर बरगे थे, अर उनके मुँह तै आग, अर धुम्मा, अर गन्धक लिकड़ै थी। ¹⁸ इन तीन्नु महामारियाँ तै, यानिके आग, अर धुम्मा, अर गन्धक तै जो उसके मुँह तै लिकड़ै थी, एक तिहाई माणस मारे गये। ¹⁹ क्यूँके उन घोड्या की ताकत उनकै मुँह, अर उनकी पुन्झड़ां म्ह थी, ज्यांतै के उनकी पुन्झड़ साँपां जिसी थी, अर उन पुन्झड़ां के सिर भी थे, अर इन्हे तै वे दर्द देवै थे। ²⁰ अर बाकी माणस जो उन महामारियाँ तै न्ही मरे थे, उननै अपणे बुरे काम करणे न्ही छोड़डे, जो के ये थे भुंडी ओपरी आत्मायाँ की, अर सोन्ने, चान्दी, पीत्तळ, पत्थर, अर काठ की मूर्तियाँ की पूजा करणा, जो ना देख, ना सुण, ना चाल सकै सै। ²¹ अर ना ए उननै खून करणा, जादू-टोणा, जारी, अर चोरी करणा छोड़्या।

10

?????????? ? ? ? ? ? ? ? ?

¹ फेर मन्नै एक और शक्तिशाली सुर्गदूत ताहीं सुर्ग तै उतरदे देख्या, जिसनै बाद्दळां ताहीं लत्यां के समान धारण करया होया था, उसके सिर पै मेघ-धनुष था, अर उसका मुँह सूरज जिसा अर उसके पाँ आग कै खम्भे बरगे थे। ² उसनै अपना सोळा पाँ समुन्दर पै, अर ओळा पाँ धरती पै धरया, अर उसके हाथ म्ह एक छोट्टी सी खुली

होइ किताब थी। ³ अर इतनी जोर तै चिल्लाया, जिस ढाळ शेर गरजै सै, अर जब वो चिल्लावै था तो गरजण के सात शब्द सुणाई दिए, जिननै मै समझ न्ही पाया। ⁴ अर जब सात्तु गरजण के शब्द सुणाई दे लिए, तो मै लिखण पै था, अर मन्नै सुर्ग तै यो शब्द सुण्या, के जो बात गरजण के उन सात शब्दां तै सुणी सै, उननै ल्हकोए राख, अर लिखै ना। ⁵ अर जिस सुर्गदूत ताहीं मन्नै समुन्दर अर धरती पै खड़े होइ देख्या था, उसनै अपना सोळा हाथ कसम खाण खात्तर सुर्ग कै कान्ही टाया। ⁶ अर जो युगानुयुग जिन्दा रहवैगा, अर जिसनै सुर्ग अर उस म्ह बसी होई चिज्जां ताहीं, अर धरती अर उस म्ह बसी होई चिज्जां ताहीं, अर समुन्दर उस म्ह बसी होई चिज्जां ताहीं बणाया सै, उस्से की कसम खाकै बोल्या, “इब तो और वार न्ही होगी।”

⁷ जब सातमै सुर्गदूत का तुरही फूक्कण का बखत होगा, तो परमेसवर की योजना पूरी हो जावैगी, जिस ताहीं उसनै अपने नबियाँ ताहीं बताया, जो उसकी सेवा करै सै, पर वो योजना दुसरे माणसां पै जाहिर कोनी करी थी। ⁸ अर जिस शब्द करण आळे ताहीं मन्नै सुर्ग तै बोलदे सुण्या था, वो फेर मेरै गेल्या बात करण लाग्या, के जा, जो सुर्गदूत समुन्दर अर धरती पै खड्या सै, उसके हाथ म्ह की खुली होइ किताब ले ले। ⁹ अर मन्नै सुर्गदूत कै धोरै जाकै कह्या, “या छोट्टी किताब मन्नै दे, अर उसनै मेरै तै कह्या, ‘ले इसनै खा ले,’ या तेरे मुँह म्ह शहद जिसी मिट्टी लाग्गैगी, पर या तेरा पेट कड़वा कर देगी।” ¹⁰ ज्यांतै मै वा छोट्टी किताब उस सुर्गदूत कै हाथ म्ह तै लेकै खाग्या, वा मेरै मुँह म्ह शहद जिसी मिट्टी तो लाग्गी, पर जब मै उसनै खाग्या, तो मेरा पेट कड़वा होग्या। ¹¹ फेर मेरै तै न्यू कह्या गया, “तन्नै घणेए माणसां, जात्तां, भाषा अर राजयां के बारे म्ह फेर तै भविष्यवाणी करणी होगी।”

11


??????????

¹ फेर मेरै ताहीं नाप्पण कै खात्तर एक सरकण्डा दिया, जो नाप्पण के यन्त्र जिसा था, अर किसे नै मेरे तै कह्या, “उठ, परमेसवर के मन्दर अर वेदी ताहीं नाप ले, अर उस म्ह आराधना करण आळा की गिणती करले। ² अर मन्दर कै बाहर का आँगण छोड़दे, उसनै मतना नाप, क्यूँके वो गैर यहूदियाँ ताहीं दिया गया सै, अर वे पवित्र नगर नै बियाळीस महिन्ने ताहीं रौदैगी। ³ अर मै अपने दो गवाहां ताहीं यो हक देऊंगा, के टाट ओढ़ होए एक हजार दो सौ साठ दिन ताहीं भविष्यवाणी करै।”

परमेसवर की हजुरी म्ह खड़ा होकै, जो दिन रात उसके दास्सां पै दोष लाया करै था, वो सुर्ग तै गिरा दिया गया सै। 11 म्हारे बिश्वासियाँ नै शैतान ताहीं हराया सै, अर वे मेम्ने कै लहू कै कारण, अर अपणी गवाही कै वचन कै कारण, उसपै जीते, अर उननै अपणे जी ताहीं प्यारा न्ही जाणया, उरै ताहीं के मौत भी सहण कर ली। 12 ज्यांतै, हे सुर्ग, अर उस म्ह रहण आळो आनन्दित होओ, अर हे धरती, अर समुन्दर म्ह रहण आळो, थारे पै धिक्कार सै! क्यूँके शैतान घणे छो कै गेल्या थारे धौरै उतर आया सै, क्यूँके वो जाणै सै, के उसका थोड़ा-ए बखत और बच रया सै।

13 अर जिब अजगर नै देख्या, के मै धरती पै गेर दिया गया सूँ, तो उस जनानी ताहीं जिन नै बेट्टा पैदा करया था, उसका पिच्छा करया। 14 अर उस जनानी ताहीं बड़े उकाब के दो पंख दिए गये, के अजगर कै स्याम्ही तै उड़ कै बण म्ह उस जगहां पोहच जावै, जित्त उसकी एक बखत, अर समयों, अर आधे बखत ताहीं देख-रेख करी जावै। 15 अर अजगर नै उस जनानी कै पाच्छै अपणे मुँह तै नदी की तरियां पाणी बहाया, के उसनै नदी तै बहा दे। 16 पर धरती नै उस जनानी की मदद करी, अर अपणा मुँह खोल कै उस नदी ताहीं जो अजगर नै अपणे मुँह तै बहाई थी, पी लिया। 17 फेर अजगर नै जनानी पै गुस्सा करया, अर उसके वंशजां ताहीं, जो परमेसवर के हुकम नै मान्ने सै, अर यीशु की गवाही देण पै अटल सै, उनतै लड़ण नै गया। 18 अर वो समुन्दर कै बालू पै जा खड्या होया।

13




1 अर मन्ने एक पशु ताहीं समुन्दर म्ह तै लिकड़दे होड़ देख्या, जिसके दस सींग अर सात सिर थे, उसके सीन्गां पै दस राजमुकुट अर उसके सिरां पै परमेसवर की बुराई के नाम लिक्खे होड़ थे। 2 अर जो पशु मन्ने देख्या, वो चित्तै बरगा था, अर उसके पाँ भाल्लू जिसे, अर मुँह शेर कै बरगा था, अर उस अजगर नै अपणी सामर्थ, अर अपणा सिंहासन, अर बड़ड़ा हक, उस ताहीं दे दिया। 3 अर मन्ने उसके सिरां म्ह तै एक पै इसा जानलेवा घाव लाग्या होड़ देख्या, मान्नो वो मरण पै सै, फेर उसका जानलेवा घाव ठीक होग्या, अर साबती धरती के माणस हैरान होगे अर उस पशु के भगत बण जावेंगे। 4 अर उननै अजगर की पूजा करी, क्यूँके उसनै पशु ताहीं अपणा हक दे दिया था, अर न्यू कहकै पशु की भी पूजा करी, के इस पशु कै बरगा कौण सै? कौण उसतै लड़ सकै सै?

5 उस ताहीं डींग मारण अर परमेसवर की बुराई करण का हक अर बियाळीस महिन्ने ताहीं राज करण की इजाजत दी गई। 6 पशु नै, परमेसवर अर उसके नाम, उसके रहण की जगहां यानी सुर्ग अर उन सब की, जो सुर्ग म्ह रहवै सै, उनकी बुराई करणा शरु कर दिया। 7 अर उस ताहीं न्यू हक दिया गया, के पवित्त्र माणसां तै लड़ै, अर उनपै जीत पावै, अर उस ताहीं हरेक कुल, अर माणस, अर भाषा, अर जात पै हक दिया गया। 8 अर धरती पै रहण आळे वे सारे उस पशु की पूजा करैगें। मतलब जिनका दुनिया की शरुआत के बाद के वे सारे माणस जिनके नाम उस मेम्ने की जीवन की किताब म्ह लिक्खे न्ही गये सै। मेम्ना वोए सै जो मारया गया सै। 9 जिसके कान हों वो ध्यान तै सुणै।

10 जिस ताहीं कैद म्ह पड़णा सै, वो कैद म्ह पड़ैगा, जो तलवार तै मारैगा, जरूरी सै के वो तलवार तै मारया जावैगा। पवित्त्र माणसां का धीरज दुख ठाण अर उसपै बिश्वास करण म्ह सै।

11 फेर मन्ने एक और पशु ताहीं धरती म्ह तै लिकड़दे देख्या, उसके मेम्ने की ढाळ दो सींग थे, अर वो अजगर की ढाळ बोल्लै था। 12 अर यो उस पैहलड़े पशु का सारा हक उसके स्याम्ही काम म्ह ल्यावै था, अर धरती अर उसके बासिन्दयां तै उस पैहलड़े पशु की जिसका जानलेवा घाव ठीक होग्या था, पूजा करै था। 13 अर वो बड़े-बड़े निशान दिखावै था, उरै ताहीं के माणसां कै देखते-देखते सुर्ग तै धरती पै आग बरसा देवै था। 14 अर उन चमत्कारां कै कारण जिन ताहीं उस पशु कै स्याम्ही दिखाण का हक उस ताहीं दिया था, वो धरती के बासिन्दयां ताहीं इस तरियां भकावै था, के धरती के बासिन्दयां तै कहवै था, के जिस पशु कै तलवार लागरी थी, वो जिन्दा होग्या सै, उसकी मूर्ति बणाओ। 15 अर उस ताहीं उस पशु की मूर्ति म्ह जी घाल्लण का हक दिया गया, के पशु की मूर्ति बोल्लण लाग्गै, अर जितने माणस उस पशु की मूर्ति की पूजा न्ही करै, उन ताहीं मरवा देवै। 16 अर उसनै छोटटे, बड़े, साहूकार, कंगाल, आजाद, गुलाम सारया कै सोळे हाथ या उनके माथ्यै पै छाप लगावाण खात्तर उन ताहीं मजबूर कर दिया। 17 के उस ताहीं छोड़ जिसपै छाप यानिके उस पशु का नाम, या उसके नाम का अंक हो, अर कोए लेण-देण न्ही कर सकै। 18 ज्ञान इस्से म्ह सै: जिस म्ह अकल हो वो इस पशु का अंक जोड़ ले, क्यूँके वो माणस का अंक सै, अर उसका अंक छः सौ छियासठ सै।

14



1 पर उसके बाद मन्ने कुछ और भी देख्या, वो मेम्ना सिय्योन पहाड़ पै खड्या सै, अर उसके गेल्या एक लाख चवाळीस हजार माणस सै, जिनके माथ्ये पै उसका अर उसके पिता का नाम लिख्या होइ सै। 2 अर सुर्ग तै मन्ने एक इसा शब्द सुणाई दिया, जो पाणी की घणी धारा अर बड़े गरजण जिसा शब्द था, अर जो शब्द मन्ने सुण्या, वो इसा था, मान्ना वीणा बजाण आळे वीणा बजान्दे हों। 3 अर वे सिंहासन के स्याम्ही अर च्यारु प्राणियाँ अर बुजुर्गा के स्याम्ही मान्ना, एक नया गीत गाण लागरे थे, अर उन एक लाख चवाळीस हजार माणसां ताहीं छोड़ जो धरती पै तै छुड़ाए गये थे, कोए वो गीत न्ही सीख सकै था। 4 ये वे सै, जो जनानियाँ के गेल्या अशुद्ध न्ही होए, पर कुवारे सै। ये वैए सै, के जित्त किते मेम्ना जावै सै, वे उसके पाच्छे हो लवै सै। जिस तरियां लोग अपणी फसल म्ह तै पैहला फळ परमेसवर ताहीं चढ़ावै सै, उस्से तरियां वो भी परमेसवर अर मेम्ने खात्तर पैहले फळ के रूप म्ह चढ़ाए गए सै। 5 अर उनके मुँह तै झूठ न्ही लिखिया था, वे बेकसूर सै।

????????????

6 फेर मन्ने एक और सुर्गदूत ताहीं अकास के बिचाळे उडदे होइ देख्या जिसके धोरै धरती पै के बासिन्द्या की हरेक जात, अर कुल, अर भाषा, अर माणसां ताहीं सुणाण के खात्तर घणा सनातन सुसमाचार था। 7 अर उसनै ऊँची आवाज म्ह कह्या, “परमेसवर तै डरो, अर उसकी महिमा करो, क्यूँके उसके न्याय करण का बखत आण पोंहच्या सै, अर उसकी आराधना करो, जिसनै सुर्ग अर धरती अर समुन्दर अर पाणी के सोते बणाए।” 8 फेर इसके पाच्छे एक और दुसरा सुर्गदूत न्यू कहन्दा होइ आया, के पड़ग्या, वो बड़ड़ा बेबीलोन नगर पड़ग्या जिसनै अपणी जारी की कोपमय मदिरा सारी जात्तां ताहीं पिलाई सै। 9 फेर इनके पाच्छे एक और सुर्गदूत जोर तै न्यू कहन्दा होइ आया, के जो कोए उस पशु अर उसकी मूर्ति की पूजा करै, अर अपने माथ्ये या अपने हाथ पै उसकी छाप ले। 10 तो वो परमेसवर के प्रकोप की निरी मदिरा जो उसके खुन्दक के कटोरे म्ह घाल्ली गई सै, पीवैगा अर पवित्र सुर्गदूतां के स्याम्ही, अर मेम्ने के स्याम्ही आग अर गन्धक की पीड़ा म्ह पड़ेगा। 11 अर उनकी पीड़ा का धुम्मा युगानुयुग उठदा रहवैगा, अर जो उस पशु अर उसकी मूर्ति की पूजा करै सै, अर जो उसके नाम की छाप लेवै सै, उन ताहीं दिन-रात चैन न्ही मिलैगा। 12 पवित्र माणसां का धीरज इस्से म्ह सै, के धीरज तै दुख सहन्दे रहवै अर अन्त ताहीं मजबूत बणके परमेसवर के हुकमां नै मान्ने, अर यीशु पै विश्वास

राखै। 13 फेर मन्ने सुर्ग तै यो शब्द सुण्या, के लिख, जो मुर्दे प्रभु म्ह मरै सै, वे इब तै धन्य सै, आत्मा कहवै सै, हाँ, क्यूँके वे अपणी मैहनतां तै आराम पावैगें, अर उनके काम उनके गेल्या हो लवैगें।

????

14 अर मन्ने निगांह करी, अर देखो, एक धोळा बादळ सै, अर उस बादळ पै माणस के बेट्टे बरगा कोए बेट्या सै, जिसके सिर पै सोन्ने का ताज अर हाथ म्ह तेज दराती सै। 15 फेर एक और सुर्गदूत नै मन्दर म्ह तै लिखके, उसतै जो बादळ पै बेट्या था, जोर तै रुक्का मारके कह्या, “के अपणी दराती ल्याके लामणी कर, क्यूँके लामणी का बखत आण पोंहच्या सै, ज्यातै के धरती की खेत्ती पक ली सै।” 16 इस करके जो बादळ पै बेट्या था, उसनै धरती पै अपणी दराती लाई, अर धरती की लामणी करी गई। 17 फेर एक और सुर्गदूत उस मन्दर म्ह तै लिखिया, जो सुर्ग म्ह सै, अर उसके धोरै भी तेज दराती थी। 18 फेर एक और सुर्गदूत जिस ताहीं आग पै हक था, वेदी म्ह तै लिखिया, अर जिसके धोरै तेज दराती थी, उसतै जोर तै बोल्यो, “अपणी तेज दराती ल्याके धरती की दाखलता के गुच्छे काट ले, क्यूँके उसकी दाख पक ली सै।” 19 अर उस सुर्गदूत नै धरती पै अपणी दराती लाई, अर धरती की दाखलता का फळ काटके, अपने परमेसवर के प्रकोप के बड़े रस के कुण्ड म्ह घाल दिया। 20 अर नगर के बाहरणै उस रसकुण्ड म्ह अंगूर रौंदे गये, अर रसकुण्ड म्ह तै इतणा लहू लिखिया के वो नदी म्ह तबदील होग्या, जो के तीन सौ किलो मीटर लम्बी अर इतनी गहरी थी, के उस म्ह घोड़े भी समा जावै।

15

????????????

1 फेर इसके बाद मन्ने सुर्ग म्ह एक और बड़ड़ा अर अदभुत निशान देख्या, यानिके सात सुर्गदूत जिनके धोरै सात आखरी बिप्दा थी, क्यूँके उनके खतम हो जाण पै परमेसवर के प्रकोप का अंत सै। 2 फेर मन्ने इसा लाग्या जणु मान्ना मै एक काँच के समुन्दर नै देखण लागरया सँ, जिस म्ह आग मिली होई थी, मन्ने इस समुन्दर के किनारे पै उन माणस ताहीं खड़े देख्या, जिननै उस बड़े पशु ताहीं हराया था, क्यूँके उननै उसकी मूर्ति की आराधना करण तै अर उसके नाम की मोहर लगाण तै भी मना कर दिया था, उन माणसां के हाथ म्ह परमेसवर के जरिये दी गई वीणा थी। 3 वे परमेसवर के दास मूसा नबी का गीत, अर मेम्ने का गीत गा-गाके कहवै थे, “हे सर्वशक्तिमान प्रभु परमेसवर, तेरे काम महान्, अर अनोखे सै, हे युग-युग

के राजा, तेरी चाल सही अर सच्ची सै।” 4 “हे प्रभु, कौण तेरे तै न्ही डरैगा अर तेरे नाम की महिमा न्ही करैगा? क्यूँके सिर्फ तू ए पवित्तर सै। सारी जात आकै तेरे स्याम्ही मोध्धे पड़कै प्रणाम करैगी, क्यूँके तेरे न्याय के काम दिखगे सै।”

5 जिब माणसां नै गाणा बन्द कर दिया, तो मन्नै सुर्ग म्ह मन्दर ताहीं खुल्या होया देख्या, जो के परमेसवर के तम्बू की तरियां था। 6 अर वे सात्तु सुर्गदूत जिनकै धोरै सात्तु बिप्दा थी, शुद्ध अर चमकदी होई मलमल के लत्ते पहेरे होइ, छात्ती पै सुनहरे परणे बाँधे होइ मन्दर तै लिकड़े। 7 अर उन च्यारु प्राणियाँ म्ह तै एक नै उन सात सुर्गदूतां ताहीं परमेसवर के, जो युगानुयुग जीवै सै, प्रकोप तै भरे होइ सात सोन्ने के कटोरे दिए। 8 अर परमेसवर की महिमा अर उसकी सामर्थ के कारण मन्दर धुम्मै तै भर गया, अर जिब तक उन सात्तु सुर्गदूतां की सात्तु बिप्दा खतम न्ही होई तब तक कोए मन्दर म्ह न्ही जा सक्या।

16

?????? ? ? ? ? ? ? ? ? ? ? ? ? ? ? ? ?

1 फेर मन्नै मन्दर म्ह किसे ताहीं जोर तै उन सात्तु सुर्गदूतां तै न्यू कहन्दे सुण्या के जाओ, परमेसवर के प्रकोप के सात्तु कटोरयां ताहीं धरती पै उंडेल द्यो। 2 इस करकै पैहलड़े सुर्गदूत नै जाकै अपणा कटोरा धरती पै उंडेल दिया, अर उन माणसां का जिनपै पशु की छाप थी, अर जो उसकी मूर्ति की पूजा करै थे, उनके एक तरियां तै बुरा अर दुख देण आळा फोड़ा लिकड़या। 3 अर दुसरे सुर्गदूत नै अपणा कटोरा समुन्दर पै उंडेल दिया, अर वो मरे होए माणसां के लहू जिसा होग्या, अर समुन्दर म्ह रहण आळा हरेक प्राणी मर गया। 4 अर तीसरे सुर्गदूत नै अपणा कटोरा नदियाँ, अर पाणी के चोवां पै उंडेल दिया, अर वो लहू बण गया। 5 फेर मन्नै पाणी के अधिकारी सुर्गदूत ताहीं न्यू कहन्दे सुण्या,, के हे पवित्तर, जो सै, अर जो था, तू न्यायी सै, अर तन्नै यो न्याय करया। 6 क्यूँके उननै पवित्तर माणसां, अर नबियाँ का लहू बहाया था, इस करकै तन्नै उनतै लहू पियाया, क्यूँके वे इस्से जोगगे सै। 7 दुबारा मन्नै वेदी तै यो शब्द सुण्या, के हाँ! हे सर्वशक्तिमान प्रभु परमेसवर, तेरे फैसले सही अर सच्चे सै।

8 अर चौथे सुर्गदूत नै अपणा कटोरा सूरज पै उंडेल दिया, तो सूरज ताहीं यो हक दिया गया के वो माणसां नै अपणी गर्मी तै झुलसा दे। 9 अर माणस घणी तपण तै झुलसगे, अर वे परमेसवर के नाम की, जिन ताहीं इन मुसीबतां पै हक सै, उस ताहीं श्राप देण लागगे, अर ना

ए पाप करणा छोडचा, ना उसकी महिमा करी। 10 अर पाँचमै सुर्गदूत नै अपणा कटोरा उस पशु के सिंहासन पै उंडेल दिया अर उसके राज्य पै अन्धेरा छाग्या, अर माणस दर्द के मारे अपणी-अपणी जीभ चबाण लागगे। 11 अर अपणे दर्दां अर फोड़यां के कारण सुर्ग के परमेसवर की बुराई करी, अर अपणे-अपणे बुरे काम्मां ताहीं करणा न्ही छोडचा। 12 अर छटमै सुर्गदूत नै अपणा कटोरा बड्डी नदी फरात पै उंडेल दिया, अर उसका पाणी सूख गया, ताके पूरब दिशा के राजयां के खात्तर राह त्यार हो जावै। 13 अर मन्नै उस अजगर के मुँह म्ह तै, अर उस पशु के मुँह म्ह तै, अर उस झूठे नबी के मुँह म्ह तै तीन भुंडी ओपरी आत्मायाँ ताहीं मेंढकां के रूप म्ह लिकड़दे देख्या। 14 ये चमत्कार दिखाण आळी भोत सी भुंडी ओपरी आत्मा सै, जो साब्ती दुनिया के राजयां के धोरै तै लिकड़के ज्यांतै जावै सै, के उन ताहीं सर्वशक्तिमान परमेसवर के उस बड़े दिन की लड़ाई के खात्तर कठठे करै। 15 अर देख्खों, मेरा आणा एक चोर की ढाळ होग्या जो चुपके तै आवै सै, धन्य वो सै, जो जागदा रहवै सै, अर अपणे लत्यां की चौकसी करै सै, के उघाड़ा कोनी हाँडै, अर माणस उसका उघाड़ापण ना देख पावै। 16 अर उन भुंडी ओपरी आत्मायाँ नै सारे राजा ताहीं उस जगहां कठठा करया, जो इब्रानी म्ह हर-मगिदोन कुह्वावै सै।

17 अर सातमै सुर्गदूत नै अपणा कटोरा हवा पै उंडेल दिया, अर मन्दर के सिंहासन तै यो बड्ड़ा शब्द होया, के, हो चुक्या। 18 फेर बिजलियाँ, अर शब्द, अर गरजण होए, अर एक इसा बड्ड़ा हाल्लण होया, के जिब तै माणस धरती पै बणाया गया, जद तै इसा बड्ड़ा हाल्लण कदे न्ही होया था। 19 अर उस बड़े नगर के तीन टुकड़े होगे, अर देश-देश के नगर पड़गे, क्यूँके परमेसवर नै बेबीलोन नगर के माणसां ताहीं दण्ड देण का अपणा वादा पूरा करया, अर यो इसा होग्या जिसा मान्नो के वो अपणे छो की जळण की मदिरा उननै प्याणा। 20 अर हरेक टापू अपणी जगहां तै टळ गया, अर पहाड़ां का बेरा न्ही पाटया। 21 अकास तै माणसां पै मण-मण के बड़े ओळे पड़े, अर इस करकै के या बिप्दा घणीए भारया थी, लोगां नै ओळयां की बिप्दा के कारण परमेसवर की बुराई करी।

17

?????? ? ? ? ? ? ? ? ? ? ? ? ? ? ? ? ?

1 अर जिन सात सुर्गदूतां के धोरै वे सात कटोरे थे, उन म्ह तै एक नै आकै मेरै तै न्यू कह्या, के उरै आ, मै तन्नै उस बेश्या का दण्ड दिखाऊँ, जो घणेए पाणी पै बेठ्ठी सै। 2 जिसकै गेल्या धरती के राजयां नै जारी करी, अर धरती

11 अर धरती के व्यापारी उसकै खात्तर रोवैगें अर कळपैगें, क्यूँके इब कोए उनकी ये चीज मोल लेण आळा कोन्या रह्या। 12 उन धौरै भोत सारी चीज थी यानिके सोन्ना, चान्दी, रत्न, मोत्ती, अर मलमल, बैजनी, रेशमी, लाल रंग लत्ते, अर हरेक ढाळ की खसबूदार लाकड़ी, अर हाथी दाँत की हरेक ढाळ की चीज, घणी कीमती लाकड़ी, पीत्तळ, लोहा, अर संगमरमर के सारे ढाळ के बरतन। 13 अर दालचीनी, मसाले, धूप, गन्धरस, लोबान, अंगूर का रस, तेल, मैदा, गेहूँ, गऊँ, बळध, भेड़, बकरियाँ, घोड़े, रथ, गुलाम, अर माणसां के प्राण का कोए खरीदार कोनी रह्या। 14 व्यापारी उस ताहीं कहवैगें, के जिन चिज्जां की तन्नै इच्छा करी थी, इब वा कोनी रही, अर एशो-आराम अर शोहरत की चीज तेरे तै दूर होई सै, अर वे कदे भी न्ही मिलैगी। 15 इन चिज्जां के व्यापारी जो उसकै जरिये साहूकार होंगे थे, उसकै दर्द के डर नै याद करके दूर खड़े होके रोन्दे अर कळपदे होए कहवैगें,

16 “हाय! हाय! यो बड़ड़ा नगर जो मलमल, अर बैजनी, अर लाल रंग के लत्ते पहरे था,

अर सोन्ने, अर रत्नां, अर मोतियाँ तै सज्या था,

17 थोड़ी-ए देर म्ह उसका इसा सारा धन नाश होग्या, अर हरेक माँझी, अर पाणी म्ह सफर करणीया, किस्ती चलाणीए, अर जितने समुन्दर तै कमावै सै, सारे दूर खड़े होके।” 18 अर उस नगर के जळण का धुम्मा देखदे होए रुक्का मारके कहवैगें, “कौण सा नगर इस बड़े नगर के जिसा सै?”

19 अर अपणे-अपणे सिरां पै धूळ गेरैगें, अर रोन्दे होए अर कळपदे होए किल्ली मार-मारके कहवैगें, के, हाय! हाय! यो बड़ड़ा नगर जिसकी सम्पत्ति के जरिये समुन्दर के सारे जहाज आळे साहूकार होंगे थे, इब थोड़ी-ए देर म्ह तू उजड़ गया। 20 हे थम जो सुर्ग म्ह रहण आळे, अर हे पवित्तर माणसां, प्रेरितों, अर नबियों, जो उसकै गैल होया सै, इस कारण थम खुशी मनाओ, क्यूँके परमेसवर नै बेबीलोन नगर ताहीं दण्ड देके उसतै थारा बदला लिया सै। 21 फेर एक ताकतवर सुर्गदूत नै बड़ड़ी चाक्की के पाट जिसा पत्थर ठाया, अर न्यू कहके समुन्दर म्ह बगा दिया, के, “बड़ड़ा नगर बेबीलोन इस्से ढाळ घणी ताकत तै गिराया जावैगा, अर फेर कदे भी उसका बेरा न्ही पाट्टैगा। 22 अर बेबीलोन नगर म्ह गायक, वीणा बजाण आळे, बाँसुरी बजाण आळे, अर तुरही फूंकण आळा का शब्द फेर कदे भी तन्नै सुणाई न्ही देवैगा, अर किसे काम का भी कोए कारीगर तन्नै कदे न्ही मिलैगा, अर चाक्की के चाल्लण का शब्द फेर कदे

भी तन्नै न्ही सुणैगा। 23 अर दीवै का चाँदणा फेर कदे भी तेरे म्ह न्ही चमकैगा, अर बन्दड़ा-बन्दड़ी का शब्द फेर कदे भी तन्नै सुणाई न्ही देवैगा, क्यूँके तेरे व्यापारी धरती के प्रधान थे, अर तेरे जादू-टूणे तै सारी जात भकाई गई थी। 24 परमेसवर बेबीलोन नगर ताहीं इस कारण सजा देवैगा, क्यूँके नबियाँ, पवित्तर माणसां, अर धरती पै सारे घात करे होया का लहू उस्से म्ह पाया गया सै।”

19

1 इसकै बाद मन्नै सुर्ग म्ह मान्नो भीड़ ताहीं जोर तै न्यू कहन्दे सुण्या, के, हालेलूय्याह! उद्धार, महिमा, अर सामर्थ, म्हारै परमेसवर ए की सै। 2 क्यूँके उसका न्याय सच्चा अर सही सै, ज्यातै के उसनै उस बड़ड़ी बेश्या का जो अपणी जारी तै धरती के माणसां तै पाप करवाण लागरी थी, परमेसवर नै उस ताहीं दण्ड देके अपणे दास्सां के लहू का बदला लिया सै। 3 फेर दुसरी बर उननै कह्या, हालेलूय्याह! अर बेबीलोन नगर के जळण का धुम्मा युगानुयुग उठदा रहवैगा। 4 सब चौबीस बुजुर्ग अर च्यारु प्राणियाँ नै झुकके परमेसवर ताहीं प्रणाम करया, जो सिंहासन पै बेठया था, अर कह्या, “आमीन! हालेलूय्याह!”

?????? ?? ??????

5 अर सिंहासन म्ह तै मन्नै एक आवाज सुणाई दी, के, हे म्हारे परमेसवर तै सारे डरण आळे दासों, के छोट्टे, के बड़े, थम सारे उसकी जै-जै कार करो। 6 फेर मन्नै बड़ड़ी भीड़ का शोर सुणाई दिया, यो भोत घणे पाणी अर जबरदस्त गड़गड़ाहट बरगा शब्द था, हालेलूय्याह! प्रभु म्हारा परमेसवर, सर्वशक्तिमान राज्य करै सै। 7 आओ, हम खुश अर मग्न होवां, अर उसकी जै-जै कार करा, क्यूँके मेम्ने का ब्याह आण पोहोचा, अर उसकी बन्दड़ी नै अपणे-आप ताहीं त्यार कर लिया सै। 8 अर उस ताहीं शुद्ध अर चमकदार सुथरे मलमल नै पैहरण का हक दिया गया, क्यूँके उस सुथरे मलमल का मतलब पवित्तर माणसां के धर्म के काम सै। 9 अर सुर्गदूत नै मेरै तै कह्या, न्यू लिख, के, धन्य वे सै, जो मेम्ने के ब्याह के भोज म्ह न्योदे गये सै, फेर उसनै मेरै तै कह्या, ये परमेसवर की कही गई सच्ची बात सै। 10 अर मै उसनै पूज्जण के खात्तर उसके पायां के म्ह पड़ग्या, उसनै मेरै तै कह्या, “देख, इसा मतना करै, मै तेरे अर तेरे भाईयाँ की तरियां ए दास सूँ, जो यीशु की गवाही देण पै अटल सै, परमेसवर नै ए पूज, क्यूँके यीशु की गवाही भविष्यवाणी की आत्मा सै।”

?????? ?????? ?? ??????

11 फेर मन्नै सुर्ग ताहीं खुल्या होइ देख्या, अर के देक्खूं सूं, के एक धोळा घोड़ा सै, अर उसपै एक सवार सै, जो बिश्वास जोगगा, अर सच्चा कुह्वावै सै, अर वो धर्म के साथ न्याय अर लड़ाई करै सै। 12 उसकी आँख आग की लपट की तरियां थी, अर उसके सिर पै भोत-से मुकुट थे, अर उसके माथ्यै पै एक नाम लिख्या था, जिस ताहीं उसनै छोड़ और कोए न्ही जाणै था। 13 अर उसनै लहू म्ह डबोया होइ बाणा पैहरे राख्या था, अर उसका नाम परमेसवर का वचन था। 14 अर सुर्ग की पलटन धोळे घोड्या पै चढ़कै अर धोळा अर शुद्ध मलमल के लत्ते पैहरे होइ उसके पाच्छै-पाच्छै चाल्लण लागरी थी। 15 अर हरेक देश के माणसां ताहीं मारण के खात्तर, उसके मुँह तै एक पैन्ही तलवार लिक्डै थी, अर वो लोहवै का राजदण्ड लिए होइ उनपै राज करैगा, अर वो सर्वशक्तिमान परमेसवर के छो की जलन की मदिरा के कुण्ड म्ह अंगूरानै नै रौदैगा। 16 अर उसके लत्ते अर जाँघ पै यो नाम लिख्या था, राजयां का राजा अर प्रभुओं का प्रभु। 17 फेर मन्नै एक सुर्गदूत ताहीं सूरज पै खड्या देख्या, अर उसनै जोर तै रुक्का मारकै अकास म्ह उड़ण आळे सारे पंछियाँ तै कह्या, “आओ, परमेसवर के बड़े भोज के खात्तर कट्टे हो जाओ। 18 ताके थम राजा, प्रधान, ताकतवर माणसां का, घोड्या का, उनके सवारां का, अर सारे ढाल के आजाद, गुलाम, छोटे, बड़े, सारे माणसां का माँस खा सको।”

19 फेर मन्नै उस पशु जो समुन्दर म्ह तै लिक्ड्या था, धरती के राजयां अर उनकी पलटन ताहीं उस धोळे घोड़े के सवार, अर उसकी पलटन तै लड़ण के खात्तर कट्टे देख्या। 20 अर वो पशु अर उसके गेल्या वो झूट्टा नबी पकड्या गया, जिसनै उसके स्याम्ही इसे चमत्कार दिखाए थे, जिनके जरिये उसनै उन ताहीं भकाया, जिन नै उस पशु की छाप ली थी, अर जो उसकी मूर्ति की पूजा करै थे, ये दोन्नु जिन्दे जी उस आग की झील म्ह जो गन्धक तै जळै सै, गेरे गये। 21 बाक्की लोग उस घोड़े की तलवार तै, जो उसके मुँह तै लिक्डै थी, मार दिए गये, अर सारे पंछी उनके माँस तै छिकगे।

20

११११ ११११ ११ ११११११

1 फेर मन्नै एक सुर्गदूत ताहीं सुर्ग तै उतरदे देख्या, जिसके हाथ म्ह अथाह कुण्ड की ताळी, अर एक बड्डी बेल थी। 2 अर उसनै उस अजगर, यानिके पुराणे साँप ताहीं, जो इब्नीस अर शैतान सै, पकड़के हजार साल के खात्तर बाँध दिया। 3 अर उस ताहीं अथाह कुण्ड म्ह गेर

के मूंद दिया, अर उसपै मोहर ला दी, ताके वो हजार साल के पूरे होण तक देश-देश के माणसां ताहीं दुबारा न्ही भका सकै, यो सब होण के बाद यो जरूरी सै, के थोड़ी देर खात्तर वो दुबारा खोल्या जावैगा। 4 फेर मन्नै सिंहासनां पै कई माणसां ताहीं बेठ्ठे देख्या, अर उन ताहीं न्याय करण का हक दिया गया, अर फेर मन्नै उन माणसां की आत्मा ताहीं भी देख्या, जिनके सिर यीशु की गवाही देण अर परमेसवर के वचन के कारण धड़ तै अलग करे गये थे। उननै उस पशु अर उसकी मूर्ति की पूजा कोनी करी थी, अर ना उसकी छाप अपने माथ्यै अर हाथ्यां पै ली थी, वे जिन्दा होके मसीह के गेल्या हजार साल ताहीं राज करदे रहे। 5 जब तक ये हजार साल पूरे न्ही होए तब तक बाकी मरे होए जिन्दा न्ही होए, यो तो पैहला पुनरुत्थान सै। 6 धन्य अर पवित्र सै वो माणस, जो इस पैहलडे पुनरुत्थान* म्ह शामिल होवैगा, इस्यां पै दुसरी मौत का किमे भी हक कोन्या, पर वे परमेसवर अर मसीह के याजक होंगे, अर उसके गैल हजार साल ताहीं राज्य करैगें।

११११११ ११ ११११११

7 अर जब हजार साल पूरे हो लेंगे, तो शैतान कैद तै छोड़ दिया जावैगा। 8 अर उन जात्तां ताहीं जो धरती के चौगरदेके होंगी, यानिके गोग अर मगोग जिनकी गिणती समुन्दर की बाळू के बराबर होगी, उन ताहीं भकाकै, कट्टे करके लड़ाई करण खात्तर लिक्डैगा। 9 वे साब्ती धरती पै फैल जावैगी, अर पवित्र माणसां की छावणी अर प्यारे नगर नै घेर लेवैगी, पर सुर्ग म्ह परमेसवर की आग उतरके उसकी सारी पलटन ताहीं भस्म कर देवैगी। 10 अर उनका भकाण आळा शैतान आग अर गन्धक की उस झील म्ह गेर दिया, जिस म्ह वो पशु अर झूट्टा नबी भी होगा, अर वे दिन-रात युगानुयुग दर्द तै तड़पदे रहवैगें।

१११११११ १११११ १११११११११ ११ १११११ ११११११

11 फेर मन्नै एक बड्ड़ा धोळा सिंहासन अर उसपै बेठ्ठे होए परमेसवर ताहीं देख्या, जिसके स्याम्ही तै धरती अर अकास भाजगे, अर उसके बाद वे दिखाई न्ही दिए। 12 फेर मन्नै छोटे-बड़े सारे मरे होया ताहीं परमेसवर के सिंहासन के स्याम्ही खड़े होए देख्या, अर किताबें खोल्ली गई, अर फेर एक और किताब खोल्ली गई, यानिके जीवन की किताब। मरे होया का न्याय उनके काम्मां के मुताबिक करया गया, जिनका बयान इन किताबां म्ह लिख्या होइ था। 13 अर समुन्दर नै उन मरे होए माणसां ताहीं उगळ दिया, जो उस म्ह थे, अर मौत अर अधोलोक नै भी उन मरे होए माणसां ताहीं उगळ

* 20:6 20:6 पुनरुत्थान दुबारा जी उठणा

दिया, जो उस म्हे थे, अर हरेक का न्याय उनके काम्मां कै मुताबिक करया गया। 14 मौत अर अधोलोक भी आग की झील म्हे गेरे गये, या आग की झील ए दुसरी मौत सै। 15 अर जिस किसे का नाम जीवन की किताब म्हे लिख्या होया न्ही मिल्या, वो आग की झील म्हे गेर दिया गया।

21

१११ ११११ ११ १११ ११११

1 फेर मन्नै नये अकास अर नयी धरती ताहीं देख्या, क्यूँके पैहला अकास अर पैहली धरती खतम हो ली थी, अर समुन्दर भी न्ही रहया। 2 फेर मन्नै पवित्तर नगर नये यरुशलेम ताहीं सुर्ग पै तै, परमेसवर कै धोरै तै उतरदे देख्या, अर वो नगर उस बन्दड़ी की तरियां था, जो अपणे बन्दड़े खात्तर सिंगार करकै सिंगरी हो सै। 3 फेर मन्नै सिंहासन म्हे तै किसे ताहीं जोर तै न्यू कहन्दे सुण्या, के, देख, आज तै ए परमेसवर का डेरा माणसां कै बिचाळै होवैगा, वो उनकै गेल्या वास करैगा, अर वे उसके माणस होंगे, अर परमेसवर खुद उनकै गेल्या रहवैगा, अर वो उनका परमेसवर होगा। 4 अर वो उनकी आँखां तै सारे आँसू पुंज देवैगा, अर इसकै बाद ना मौत, ना दुख, ना बिलाप, अर ना दर्द रहवैगा, क्यूँके पुराणी बात बीत ली सै।

5 अर जो सिंहासन पै बैठया था, उसनै कह्या, के देख, इब मै नई सृष्टि की रचना करण लागरया सू, फेर उसनै कह्या, के लिख ले, क्यूँके जो कुछ कह्या जाण लागरया सै, जो मै कहण लागरया सू, तू उसपै विश्वास कर सकै सै, क्यूँके यो पक्का होवैगा। 6 फेर उसनै मेरै तै कह्या, “सब कुछ पूरा होगया सै, मै अल्फा अर ओमेगा, आदि अर अन्त सू। जो तिसाए सै मै उन ताहीं उस पाणी के चोवै म्हे तै जो अनन्त जिन्दगी देवै सै उस ताहीं मुफ्त म्हे प्याऊंगा। 7 जो बुराई की ताकतां पै जीत पावै, वोए ये सारी आशीष मेरे तै पावैगा, अर मै उसका परमेसवर होऊंगा, अर वो मेरा बेटा होगा। 8 पर डरपोक, अविश्वासी, धिनौणे, हत्यारे, जार, जादू-टूणे करणीये, मूर्ति पूजणीये, अर सारे झूठे माणसां का भाग उस झील म्हे मिलैगा, जो आग अर गन्धक तै जळदी रहवै सै, या दुसरी मौत सै।”

१११ ११११११११

9 फेर जिन सात सुर्गदूत कै धोरै आखरी सात मुसीबतां तै भरे होइ कटोरे थे, उन म्हे तै एक मेरै धोरै आया, अर मेरै गेल्या बात करकै कह्या, “उरै आ मै तन्नै बन्दड़ी यानिके मेम्ने की घरआळी दिखाऊंगा।” 10 अर वो मन्नै आत्मा म्हे, एक बड़े अर ऊँचे पहाड़ पै लेग्या, अर

पवित्तर नगर यरुशलेम ताहीं सुर्ग पै तै परमेसवर कै धोरै उतरदे दिखाया। 11 परमेसवर की महिमा उस म्हे थी, अर उसकी चमक बेसकिमती पत्थर पारस कै समान अर पन्ने की ढाळ सुथरी थी। 12 अर उसकी चारदीवारी घणी ऊँची थी, अर उसके बारहा फाटक अर फाटकां पै बारहा सुर्गदूत थे, अर उनपै इस्राएलियाँ के बारहा गोत्रां के नाम लिखे थे। 13 पूरब कान्ही तीन फाटक, उत्तर कान्ही तीन फाटक, दक्खिन कान्ही तीन फाटक, अर पश्चिम कान्ही तीन फाटक थे। 14 अर नगर की चारदीवारी की बारहा नीम थी, अर उनपै मेम्ने के बारहा प्रेरितां के बारहा नाम लिखे होइ थे। 15 अर जो सुर्गदूत मेरै गेल्या बात करण लागरया था, उसकै धोरै नगर, उसके फाटकां अर उसकी चारदीवारी ताहीं नाप्पण कै खात्तर एक सोन्ने का सरकण्डा दिया गया था। 16 अर वो नगर चकोर बस्या होइ था, अर उसकी लम्बाई अर चौड़ाई एक सी थी, अर उसनै उस सरकण्डे तै नगर ताहीं नाप्या, तो साढ़े सात सौ कोस का लिकड़या, उसकी लम्बाई, चौड़ाई, अर ऊँचाई एक सी थी। 17 अर उसनै उसकी चारदीवारी ताहीं माणस के, यानिके सुर्गदूत के नाप तै नाप्या, तो छियासठ मीटर लिकड़ी। 18 अर उसकी चारदीवारी म्हे पन्ने जड़े थे, अर नगर इसे शुद्ध सोन्ने का था, जो कती शीशे बरगा साफ था। 19 अर उस नगर की नीम हरेक ढाळ के घणे महँगे पत्थरां तै सजाई होइ थी, पैहलड़ी नीम पन्ने की थी, दुसरी नीलमणि की, तीसरी लालड़ी की, चौथी मरकत की। 20 पाँचमी गोमेदक की, छटी माणिक्य की, सातमी पीतमणि की, आठमी पेरोज की, नौम्मी पुखराज की, दसमी लहसनिए की, ग्यारमी धूमरकान्त की, बाहरमी याकूत की। 21 अर बारहों फाटक, बारहा मोतियाँ के थे, एक-एक फाटक, एक-एक मोती का बणया होइ था, अर नगर की सड़क साफ-सुथरे काँच कै जिसे शुद्ध सोन्ने की थी।

22 अर मन्नै उस म्हे कोए मन्दर न्ही देख्या, क्यूँके सर्वशक्तिमान प्रभु परमेसवर, अर मेम्ना उसका मन्दर सै। 23 अर उस नगर म्हे सूरज अर चाँद के चाँदणे की जरूरत कोनी, क्यूँके परमेसवर कै तेज तै उस म्हे चाँदणा होरया सै, अर मेम्ना उसका दीवा सै। 24 अर हरेक देश के माणस उसके चाँदणे म्हे चाल्लै-फिरैगे, अर धरती के राजा अपणी शानों-शोकत उस म्हे ल्यावैगे। 25 अर उसके फाटक दिन म्हे कदे भी न्ही मूंदे जावैगे, अर ओड़ै रात न्ही होगी। 26 अर हरेक देश के माणस अपणी शानों-शोकत उस म्हे ल्यावैगे। 27 पर उस नगर म्हे कोए अशुद्ध चीज, या घृणित काम करण आळा, या झूठ का गढ़नआळा किसे भी तरियां तै उस म्हे दाखल न्ही हो पावैगा, पर सिर्फ वे लोग दाखल होवैगें जिनके नाम

मेम्ने की जीवन की किताब म्ह लिक्खे सै।

22

1 फेर सुर्गदूत नै मेरै ताहीं पाणी दिखाया जो जीवन देण आळा पाणी कहलावै सै, अर वो पाणी शीशे की तरियां साफ था, अर उसका चोवां परमेसवर का सिंहासन सै, जो के मेम्ने का भी सिंहासन सै। 2 वो नदी नगर के बीचों बीच सड़क के बिचाळै बहवै थी। अर नदी के इस पार, अर उस पार, उसके दोन्नु किनारां पै जीवन का दरखत था, जो जीवन देवै सै, उस म्ह बारहा ढाळ के फळ लाग्गै थे, अर वो हरेक महिन्ने फळ ल्यावै था, अर उस दरखत के पत्त्यां तै हरेक देश के माणस चंगे होवै थे। 3 अर फेर कोए श्राप न्ही होगा। परमेसवर अर मेम्ने का सिंहासन उस नगर म्ह होगा, अर उसके दास उसकी सेवा करैगें। 4 अर वे परमेसवर ताहीं आम्ही-स्याम्ही देखैगें, अर परमेसवर का नाम उनके माथ्यां पै लिख्या होया होगा। 5 अर फेर कदे रात न्ही होगी, अर ना ए उन ताहीं दीवै अर सूरज के चाँदणे की जरूरत होगी, क्यूँके प्रभु परमेसवर उन ताहीं चाँदणा देवैगा, अर वे युगानुयुग राज करैगें।

???? ? ? ???? ? ? ?

6 फेर सुर्गदूत नै मेरै तै कह्या, “जो मै कहण लागरया सू, तू उसपै बिश्वास कर सकै सै, क्यूँके यो पक्का होवैगा, अर प्रभु जो नबियाँ की आत्मायाँ का परमेसवर सै, अपणे सुर्गदूत ताहीं ज्यांतै भेज्या, के अपणे दास्सां ताहीं वे बात जिनका तावळा पूरा होणा जरूरी सै दिखावै।” 7 देख, मै तावळा आण आळा सू, धन्य सै वो, जो इस किताब की भविष्यवाणी की बाततां नै मान्ने सै। 8 मै वोए यूहन्ना सू, जो ये बात सुणै, अर देखै था, अर जिन मन्ने सुण्या, अर देख्या, तो जो सुर्गदूत मन्ने ये बात दिखावै था, मै उसके पायां म्ह प्रणाम करण के खात्तर मोध्धा पड़ग्या। 9 अर उसनै मेरै तै कह्या, “देख, इस ढाळ मतना करै, क्यूँके मै तेरा अर तेरे भाई नबियाँ का अर इस भविष्यवाणी की अर इस किताब की बाततां के मानण आळा का जोड़ीदार दास सू, परमेसवर नै ए पूज।”

10 फेर उसनै मेरै तै कह्या, “इस किताब की भविष्यवाणी की बाततां ताहीं बन्द मतना करै, क्यूँके बखत आ लिया सै। 11 जो जुल्म करै सै, वो जुल्म ए करदा रहवै, अर जो बुरा सै, वो बुरा बण्या रहवै, अर जो धर्मी सै, वो धर्मी बण्या रहवै, अर जो पवित्र सै, वो पवित्र बण्या रहवै।” 12 लखा, मै तावळा-ए आण आळा सू, अर हरेक के काम के मुताबिक बदला देण के खात्तर प्रतिफळ मेरै धोरै सै। 13 मै अल्फा अर ओमेगा, पैहला अर आखरी, आदि अर अन्त सू।

14 धन्य वे सै, जो अपणे लत्ते धो लेवै सै, क्यूँके उन ताहीं जीवन के दरखत के लोवै आण का हक मिलैगा, अर वे फाटकां तै हो के नगर म्ह दाखल होवैगें। 15 पर कुत्ते, अर जादू-टूणा करणीये, जार, हत्यारे, मूर्ति पूजणीया, हरेक झूठ का चाहण आळा, अर झूठ गढ़ण आळा बाहरणै रहवैगा। 16 मुझ यीशु नै अपणे सुर्गदूत ताहीं ज्यांतै भेज्या सै, ताके थारे आगै कलीसियाओं के बारै म्ह इन बाततां की गवाही दियु, मै दाऊद का मूल, अर वंश, अर भोर का चमकदा होड़ तारा सू। 17 अर आत्मा, अर बन्दड़ी दोन्नु कहवै सै, “आ!” अर सुणण आळा भी कहवै, के “आ!” अर जो तिसाया हो, वो आवै अर जो कोए चाहवै वो जीवन का पाणी मुफ्त म्ह ले।

??????

18 मै हरेक ताहीं जो इस किताब की भविष्यवाणी की बात सुणै सै, गवाही दियु सू, के जै कोए माणस इन बाततां म्ह किमे बधावै, तो परमेसवर उन मुसीबतां ताहीं जो इस किताब म्ह लिक्खी सै, उसपै बढ़ावैगा। 19 अर जै कोए इस भविष्यवाणी की किताब की बाततां म्ह तै किमे लिकाड़ै, तो परमेसवर उस जीवन के दरखत अर पवित्र नगर म्ह तै जिसका जिक्र इस किताब म्ह सै, उसका हिस्सा लिकाड़ देवैगा। 20 जो इन बाततां की गवाही देवै सै, वो न्यू कहवै सै, “हाँ, मै तावळा आण आळा सू, आमीन। हे प्रभु यीशु आ!” 21 प्रभु यीशु का अनुग्रह पवित्र लोगां के गैल रहवै। आमीन।